

Vladislaus Bo-
hemicus fuit
imbecillis
Rex.

In Bohemia tanta fuit gubernationis deformitas, ut Vladislaus palam profiteretur, dolere se, quod regnum illud inops & turbulentum vidisset. Nam ipse, qui natura erat lentus & parum efficax in magnis rebus gerendis, & præterea oppressus ære alieno graui, à suis contemnebatur. Exoluerat filijs Georgij trecenta millia aureorum, & profuderat magnam pecuniam in bella Pannonica. Vectigalia igitur & redditus regni erant in manibus aliorum, & ipse ferme precario regnabat. Tandem hisce annis, cum, instigantibus Pontificijs, coepisset esse asperior in Hussiticos, ut hoc modo gratiam Pontificis promereretur, insignis exarsit seditio, adeo ut ipse Rex, in quem publicè dicebantur probra omnis generis, esset in periculo vitæ. Pragæ à furente multitudine Senatus trucidatus est. Noxam tamen hanc ita grauem, Rex multitudini, deprecantibus ducibus Monsterbergensibus, remisit, cum vires suas ipse optimè metiretur, & consilia Mathiæ metueret.

Pragensis se-
ditio aduersus
Vladislaum.

Stephano Va-
lacho eripitur
Bessarabia à
Baiazete.

Anno 1484. Baiazetes pulso fratre, ut vlceretur cladem patris Mahometi, acceptam à Stephano Valacho, bellum terrarum mariq; Valachiae intulit, & primo impetu, etsi non sine strage suorum, extremam oram Valachiae ad pontum Euxinum, quæ Bessarabia nominatur, ad ripas Istri & Tyræ occupauit, captis urbibus Cylia & Moncastro.

Stephanus Va-
lachus iurat
in uerba Ca-
simiri Polo-
niae regis.

Stephanus impar tanto hosti, cum frustra implorasset opem vicinorum regum, abdidit se in syluas & montes. Baiazetes autem Valachiam totam peruastrauit, & urbibus, quas ceperat, praesidio firmatis in Thraciam rediit. Sequenti anno Stephanus Valachiae Princeps, cum se aduersus potentiam Turcicam tueri non posset, iurauit in verba regis Casimiri in castris.

Stephanus Va-
lachus delu-
ditur Strata-
gemate à Ca-
simiro rege.

Ad imitationem autem facti Rodolphi Caesaris, qui hoc in-
struxit in superbum regem Bohemiae Othocarum, tentorium in media actione dilapsum est, & Stephanus victor tot regum conspectus est procumbere ad genua Casimiri, qua re tamen nihil motus est, cum speraret se ope Casimiri recuperaturum amissam regionem, & impetrauit quidem auxilia à Polonis, quæ duxit Iohannes Polacus, qui postea ob crudelitatem editam in ducatu Glogouiensi fuit nobilis. Sed plane irrita fuit ea expeditio, & Stephanum sero poenituit suæ demissionis: Valachiam quidem, Bessarabia amissa, retinuit.

Mathias oc-
cupat Vien-
nam.

In Austria, superiori anno recruduerat bellum inter Caesarem & Mathiam, sed pulso exercitu Caesaris, qui non erat magnus, Mathias totam pene Austriam in suam potestatem redegit, & hoc anno 1485. post longam obsidionem etiam Vienna ipsi mense Iunio dedita est. Sola noua ciuitas adhuc tolerauit impressionem Mathiæ, & mansit in fide Caesaris.

Frideric

Fridericus, cui in ista ætate & eo in loco dignitatis supremæ non poterant ista non esse acerba, oberrauit hinc inde in Germania, cum comitatu octingentorum equitum expeditorum, & ut mederetur animi sui anxietati, quæsiuit hinc inde *θελημερα* ex consolationibus Philosophicis. Passim igitur Noribergæ & alibi inscribebat parietibus hoc apophtegma: Rerum irrecuperabilium summa fœlicitas obliuio. Intelligebat tamen morte Mathiæ, quæ in illa valetudine iam tunc non poterat procul abesse, omnia ea reditura ad suos hæredes.

Friderici Cæ-
saris animi
æquabilitas.

Anno proximo post, Maximilianus Francofurti renunciatus est Cæsar, qui tamen propter bella Gallica nihil poterat opis afferre patri. Imo ipse adeo difficili fuit afflictus fortuna, ut in vrbe Bruggensi ex insidijs Gallicis, à suis ciuibus, enormi cum scelere, in carcerem duceretur. Friderico tamen Cæsare cum exercitu in Belgicum descendente, dimissus est, & vrbs graues poenas perfidiæ suæ luit. Reuerendus D. Lutherus existimauit, Bruggenses scelere illo in se attraxisse iram Dei, ita ut eodem tempore, refugiente mari, celebrem suum Portum amitterent, & emporium Antuerpiam transferretur. Anno 1487. noua ciuitas, quæ amplius vno anno obsessa fuit, in potestatem Mathiæ venit mense Augusto.

Maximilianus
creatur Cæ-
sar.

Maximilianus
detinetur à
Bruggensibus.

Mathias occu-
pat nouam ci-
uitatem.

Fridericus in conuentu Noribergensi grauem de Mathia habuit querimoniam, decreta sunt igitur Cæsari subitaria quædam auxilia, & cum copijs mediocribus in Austriam missus est Albertus Dux Saxoniae: Sed is, cum cerneret Mathiæ impetum & robur, noluit Germaniam tam difficili inuoluere bello, & putauit rectius esse, si tolerabili aliqua conditione posset iniri pax, à qua non videbatur abhorre Mathias. Venit igitur cum eo in collocutionem mense Decembri, & in nouem menses inducias pactus est.

Albertus Sax-
onicus pacifi-
citur inducias
cum Mathia.

Anno 1488. fuit bellum Glogouiense in Silesia, & eiectus est armis Mathiæ ex suo Ducatu Iohannes Saganensis & Glogouiensis. Historia narrabitur libro sequenti. Proximo anno post, ductores Regis in Silesia, & ad fines prouinciarum Marchionum, & Ducum Saxoniae, circumferebant hinc inde arma, & vastitatem in multis locis faciebant Hungari, & milites legionis nigræ.

In Silesia planè excusserunt Conradum Album Olsnicensem, Henrico vero Monsterbergensi ademerunt Francosteinum & Monsterbergam, quod fauisse dicerentur hosti Regis Iohanni Saganensi. Georgius Stenius legatus Regius præcipuos ordines, præcipuè verò sacerdotes, grandem poposcit pecuniam, nec vllam admittebat excusationem.

Mathia ducto
res affligunt
multos ordi-
nes Silesiae.

S

Milites



5.

XV 5.

Weltgeni

III, 16

18
OR
25

GENTIS SILESIAE ANNALES

COMPLECTENTES HISTO-
RIAM DE ORIGINE, PROPAGATIONE ET MIGRATIONIBVS
gentis, & recitationem præcipuorum euentuum, qui in Eccle-
sia & Republica vsq; ad necem LVDOVICI Hun-
gariæ & Bohemiæ regis acciderunt.

C O N T E X T U S

EX ANTIQVITATE SACRA ET ETHNICA, ET
ex scriptis recentioribus :

A

IOACHIMO CVREO FREISTADIENSI,
PHILOSOPHO ET MEDICO IN INCLITA
vrbe Glogouienfi.



Cum Priuilegio Cæsareo amplissimo ad annos X

WITEBERGÆ M. D. LXXI.

Auspicijs D. MAXIMILI
gusti, inuicti, pii, pacifici,

ANI II. Imperatoris Au-
felicis, patriæ Patris.



1957.4.1984

XVI 4°



10196184

SUB VMBRA ALARVM
TVARVM.

O DOMINVM CLEMEN-
TEM ET BONVM.



AD INVICTISS. ET PO-
 T. NTISS. ROMANORVM IMPERA-
 T. EM D. MAXIMILIANVM II. AVGVSTVM, HVN-
 riar, Boëmiæ &c. Regem, Austriæ Archiducem &c. Silesiæ
 Principem & dominum clementissimum, Proce-
 mium, subiectissima reuerentia
 scriptum.



PSAM NATVRAE VOCEM INGENIO-
 sus & felix Poëta hoc dulci carmine expressit:
 Nescio qua natale solum dulcedine cunctos
 Allicit, immemores nec sinit esse sui.

Afficimur enim naturali & suavi desiderio,
 erga loca illa, quæ nos nascentes exceperunt,
 & vbi auras vitales hausimus. Illi ipsi etiam
 parietes, cunæ & cubilia bonæ menti dulcia
 sunt, quæ fuerunt prima vitæ nostræ hospitia.

Ideo vir laude sapientiæ præcipuè celebris Vlysses apud veterem Poëtam
 non modo asperam & sterilem suam Ithacam, magnæ aliarum regionum
 vbertati antefert: Verum etiam in præcipua felicitate sua optat fumum de
 patrijs posse videre focis. Nec vero vsu & familiaritate solum ille amor
 accenditur, sed ipse sapiens naturæ conditor, has blandas flammæ, mollesq;
 & æquas animis hominum impressit, vt eos excitent ad considerationem ma-
 gnarum rerum, & amorem illorum bonorum, quæ ipse vult in vita præci-
 puè aspici & conseruari.

Omni-
 bus hominibus non monstrosè efferis, exilium insuaue est, quod,
 vt Princeps Thebanus apud Euripidem inquit, μέγρον ἐστὶν ἀγρίον ἔργον ἢ λόγος.
 Orbitas enim ipsa calamitosa est, & longa tela plerumq; magnorum malo-
 rum exilia comitatur, vt quidem Spartani in Elegia sua castrensi sonue-
 runt: Curat nemo vagos & lædere nemo veretur, Non exul curæ ducitur
 esse DEO. Illam ipsam acerbitatem & infelicitatem vbi consideramus,
 aut experimur: vult Deus, vt animum nostrum subeat recordatio de pri-
 mo generis humani exilio inprimis infelici & luctuoso.

Verè natura hominum orba fuit post lapsum. Homo enim mer-
 sit in peccatum & mortem Deum rectorem excusserat. Vicissim igitur Deus
 hominem a se auulsum deseruit, desijtq; eum luce suæ sapientiæ, iusticiæ, &
 vitæ implere. Ex statu etiam immortalitatis & beatitudinis, ex Para-
 diso in solitudinem ad magnas vitæ ærumnas extruditur. Et adhuc qui-
 dem tota posteritas exulat. Ipsa vero præcipuè Ecclesia exul est, quæ
 multis calamitatibus in hac vita premitur, & raro defensionem politicam
 adipiscitur. Atq; insigniora eiusdem Ecclesiæ membra, sepius tristitia
 sustinent exilia. Simul vero inter ipsarum tantarum miserrarum sensum,
 de sanatione & restitutione nostri cogitandum est.

Admiranda sapientia & ex immensa bonitate, ipse Filius Dei factus est deprecator pro genere humano, & assumpta massa nostræ naturæ humanæ, sponte factus est exul, gustauit huius vitæ calamitates, sustinuit pœnam pro genere humano, ut nobis patriam æternam & beatam redderet. Istæ igitur molles flammæ sint commonefactiones de cœlesti patria, unde est origo animarum, ubi nostrum est πολιτεια, Eam sciamus esse amandam & expetendam. Hunc portum omnes electi in hoc ærumnoso vitæ exilio fide & pia spe sunt complexi. Cupio αἰαλόφῃ, inquit Apostolus, & effecum Christo.

Vt fessus & mœstus viator, cæca de nocte in solitudine ignota vagans & errans, auide auroram, lucem, dulce hospitium, quietem & suauem suorum conspectum expetit: Ita sancti in huius vitæ tenebris, & tristi exilio, cupidè æternam illam patriam suspiciunt, ubi deposito hoc sordium, peccatorum & caliginis onere, luce & conspectu Dei & beatorum fruuntur, & rursus suos, quos præmiserunt in illas felices mansiones, suauiter complectentur.

Sed quia Deus in hac vita voce Euangelij sibi colligit Ecclesiam & æternæ vitæ exordia, in istis ipsis miseris tugurijs vult inchoari, simul illum amorem vult esse stimulum, ut singuli vera ornamenta patriæ maiori cum cura tueantur, inter quæ deinde certi & distincti gradus sunt considerandi.

Primus & præcipuus, est veræ Ecclesiæ societas. Illa enim vera & natiua est patria. Singuli igitur non fumum tantum in patria optemus & spectemus, ut ille Ethnicus politicus, Sed demus operam suo quisq; loco, ut & publice & priuatim Sol iusticiæ Filius Dei nobis oriatur & luceat, accendens in nobis illius vitæ initia, quæ in altera cœlesti statu perficietur. Non igitur tantum latifundia, solum, muros, parietes, sed multo magis veram Religionem custodiamus, eamq; puram & sinceram tanquam præcipuum thesaurum & nobilissimam patrimonij partem posteritati conseruamus.

Ad hunc primum scopum, cætera vitæ bona sunt omnino referenda. Ipsa Imperia & Respub: Deus vult esse hospitia & muros Ecclesiarum. Tota etiam educatio, Oeconomiarum & Politiarum gubernatio, ad hoc summum bonum, ad piam Ecclesiarum constitutionem pertinent. Et quia cœlestis doctrinæ propagatio sine studijs & literis fieri non potest, ut quidem semper erudita fuit vera Ecclesia, intelligamus hoc capite simul diligentiam discendi artes vitæ necessarias, & amorem doctrinarum, & bonarum literarum compendendi, atq; cuiuslibet suo loco commendari.

Secundus gradus inter patriæ ornamenta est, Reipub: Legum & Politici status consideratio. Magnum decus & insigne bonum est, habere patriam, in qua iusta est forma gubernationis, ubi Politica disciplina honestè regitur. Sapienter Plato disputat, dissimiles esse voces & sonos singularum Politiarum, ut quidem nunc Tyrannidis Turcicæ & aliorum crude-

crudelium & impiorum Imperiorum, barbari & asperi sunt sonitus, tandem optime definiens causam hanc, inquit, ἡ τῆς πόλεως ἀνὶ τῶν πολιτῶν τὴν αὐτῆς φέρουσαν φρονεῖν πρὸς τὴν θεὸν καὶ πρὸς τοὺς ἀνθρώπους, καὶ τῇ φωνῇ τὰς πράξεις ἐποτρύνει ἀποδιδῶν δῶκεν τε καὶ σώζειν. Illa demum Respub: quæ consentientem vocem ad Deum & homines sonat, & consentaneas actiones voci illi edit, floret & servatur.

Rectè quidem Plato. Voluntas enim Dei est, ut in toto genere humano semper immota norma gubernationis sit, Decalogus rectè intellectus, Et vult Deus, Magistratum esse vocem & custodem æternæ suæ legis, in veræ Religionis plantatione, Ecclesiarum defensione, & in ciuilibus vitæ officijs. Eruditum etiam est Elogium Pindaricum, quod breuiter præcipuas virtutes politicas nominat: ἐν ταῖς εὐνομίαις καὶ κασιγνηταῖς τε βασιλεὺς πόλεων ἀσφαλὲς δῖος, καὶ ὁμότροπος εἰρήνη, πάμναι ἀνδράσι πλεῖστα, χρεῖσται πῶδες ὁδὸς θεοῖσι καὶ ἐξελονὶ ἀλεξέειν ὕβριν κόρος μητέρα θεοσύμυτον. In ea vrbe Lex habitat, & sorores eius, Iusticia fundamentum vrbium, & concors Pax filia Themidis, quæ sunt custodes opum, & volunt iniuriam arcere, matrem fastus.

Tertio loco aspicienda sunt Oeconomica gubernationes. Ingens ornamentum est Oeconomia rectè constituta, in qua fœdera coniugiorum sanctè & castè seruantur, vbi nutritio, educatio & institutio sobolis, mandatis DEI & naturæ respondet. Et cum pars Iusticiæ sit, seruire valetudini, etiam illa diligentia, nutrix Sedulitatis, & frugalitatis, laude digna est, quæ est, quæ & luxum, aut immodicas profusiones, simulq; sordes & squalores similes barbariei Amaxobiorum totam rem familiarem in plaustis vehentium, fugit, & in rebus ad victum, ad habitationem, ad vestitum pertinentibus, delectum, mundiciem, & elegantiam naturæ conuenientem amat & seruat. Grata etiam mente celebranda est Dei bonitas, fecundantis terram, agros, flumina, & venas metallicas, & tribuentis ista munera nutritionis, sine quibus cætera bona haberi & retineri non possunt. Ista quidem sunt præcipua ornamenta, propter quæ singuli ciues virtute & pietate præditi, patriæ amorem & obseruantiam debent.

Sed non satis est tantum præsentis temporis statum aspexisse, verum cura digna est homine, retro spectare antecedentia tempora, & maiorum virtutem considerare. Præcipua enim pars pietatis erga patriam, pertinens ad Gratitude, est cognoscere historiam, & res gestas apud maiores. Grata memoria retinenda est antiquitatis & progenitorum, à quibus non solum origo est stirpis, Sed qui fuerunt οὐκίσται, à quibus illa ornamenta. Religionis, Legum & disciplinæ accepimus, & quorum recordatione obligamur, ut similia bona ad posteritatem transmittamus.

Præterea cum homines aut regulis aut exemplis iudicent, & tempora ipsa optima sint exempla, cum ydem euentus tantum mutatis nominibus

in vita recurrant, ut inquit Thucydides, historia prudentiæ & virtutis magistra est. Vehementius autem mouent, & vtilius erudiunt exempla domestica maiorum & cognatorum, Et ingens dulcedo est homini honesto, maiorum virtutem & splendorem intueri. Singulari quidem consilio Dei in omnibus gentibus excultis laudata forma Religionis & status politici sunt excitatae aliqua heroicae familiae egregijs donis ad constitutionem Ecclesiarum & Imperiorum ornatae.

Et quamuis prob dolor, verum est, etiam heroicam sapientiam & virtutem facile amitti, vbi humana anima à Deo amplius non regitur, sicut exempla Alexandri, Themistoclis, Saulis & multorum aliorum satis ostendunt: Tamen certum est, diuinitus hominum gradus esse distinctos, propagantur etiam ut Physici docent, aliqua virtutum semina & igniculi in posteritatem, & aliquantisper aliqui ex posteris in heroicis familijs donis excellunt. Rectè dixit Poëta: Fortes creatur fortibus & bonis. Sapienter etiam scripsit Pindarus: *Φυὰ τὸ θυνάρον ἴππευεν ἐκ πατέρων παρὸν λῆμα.* Generosi parentum animi natura in filijs excellunt. Sed potior causa est, quod Deus ipse excellentes familias seruat, & aliquos ex posteritate præstantibus donis ornat.

In historia igitur patriæ cognoscendæ & celebrandæ sunt familiae, quæ à Deo reliquis sunt prælatæ, & donatæ sunt sapientia, virtutibus & successibus diuinis. Et quia in narrationibus historicis duplicia exempla occurrunt, alia de Misericordia, alia de ira Dei testificantia: Oremus Deum, ut ipse nos regat, & nos faciat vasa Misericordiæ, & organa nostris animabus & alijs salutaria, non autem fiamus Vasa iræ, patriæ & generis humani pestes, sicut multis præstantibus viris accidit.

Edidit Thucydides historiam grauissimè & sapientissimè scriptam, quam omnium ætatum eruditi, & præsertim sapientes politici, admirati sunt, & tamen in illa ipsa vix vnus vir bonus inter gubernatores Nicias describitur. Reliqui, ut Pausanias dixit, fuerunt parricide patriæ, quod quidem vocabulum est longè tristissimum. Ut ille fortis Imperator, milites suos præliaturos, alloquitur & monet, ut singuli putent in se momentum totius rei collocatum esse, ita quidem omnes ciues honestos: erga propriam patriam affectos esse oportet, & decet singulos operas & officia omnia ad salutem & tranquillitatem patriæ conseruandam conferre. Iuuenimus igitur singuli patriam, primum quidem & præcipue vera animi pietatē, & ardentibus apud Deum precibus. Nisi enim Dominus custodierit ciuitatem, frustra vigilat, qui custodit eam. Deinde singuli suo loco, patriæ tanquam dulcissimæ matri pareant, & magna cura ornamenta patriæ studeant tueri, & cogitent, tali se fœdere obligatos, ut eadem bona, religionis, linguarum, artium, ciuili discipline cum ipso patrimonio posteritati tradant.

Apud Xenophontem optimus Rex Archidamus, ita suos Spartanos pugnatu-
 ros affatur: Nunc, inquit, ciues simus strenui, & animosi,
 ποδῶν τε καὶ θυμῶν ἰσχυροῦς τῶν πατρίδα. Quæ vox quidem verè heroica,
 in quacunq. gente omnium animis debet esse infixæ. Debetur patriæ
 reuerentia, debetur obedientia, accedat etiam diligentia in vitandis ciuili-
 um diffensionum & motuum occasionibus. Nemo laxet frenos iniustis cu-
 piditatibus ambitionis, odiorum, curiositatis, ipsque incensus patriæ tran-
 quillitatem turbet. Imò cogitetur simul eidem deberi ὑπομονὴν tolerantem
 quasdam offensiones & iniurias, & easdem paci publicæ condonantem.
 Ut quidem in omnibus prudentibus scriptis, de hac ipsa virtute & φιλοπα-
 τρία, plurima extant præcepta. Rogate quæ ad pacem sunt Ierusalem.
 Non deserite congregationem vestram, voce diuina mandatum est. Et
 nunc quidem vnicum tantum insigne dictum ex Platone ascribo.

Μητρός τε καὶ πατρὸς καὶ τῶν ἄλλων προγόνων ἀπάντων ἡμιώτερόν ἐστι πόλις, καὶ
 σεμνότερον ἔστι ἀγιώτερον καὶ ἐν μείζονι μοίρᾳ, καὶ παρὰ θεοῖς, καὶ παρὰ ἀνθρώποις τοῖς νό-
 ῳ ἔχουσι, ἔστι θεοῦ δὲ, ἔστι μᾶλλον ὑπεῖκεν καὶ ὑποτάσσεται πατρίδα χαλεπώτερον ἢ πατέρα.
 Patriæ maior debetur honos, q̃ vel matri vel patri, & omnibus parentibus,
 Illis enim omnibus præstantior & sanctior est, & in maiori habetur autori-
 tate, apud DEOS & homines sapientes. Maiori etiam reuerentia colitur, ma-
 gis etiam cedere & blandiri oportet patriæ morosæ & iracundæ, quàm patri.

Eiusmodi quidem pietatis, & gratitudinis cultum etiam nostræ gen-
 tis Silesiæ ciues dulcissimæ patriæ nostræ debent. Nam ea Dei beneficio,
 illa ornamenta, quæ nominauimus, feliciter adepta est, eaq. à singulis di-
 ligenter aspici & plurimi fieri æquissimum est. Vidi autem historiam
 nostræ gentis, quæ vera & natia pictura est patriæ, hætenus desidera-
 ri, cuius quidem neglectiois hanc reperio causam, quod certæ annotatio-
 nes vetustiorum temporum in his locis scriptæ non sint. Nam cum isti
 populi serio doctrinam Christianam acceperint, non patuit in hæc loca adi-
 tus viris doctis, qui Annales potuissent constituere, & si quæ olim con-
 scripta sunt monumenta, ea illæ creberrimæ migrationes, mutationes &
 vastationes plane absorbuerunt.

Suscepi igitur in me laborem istum, & amore patriæ & Reipub:
 ex antiquitate & annotationibus recentioribus, Annales, quales potui,
 contexui, eosque, cum ad hanc operam hortatores assiduos habeam viros
 dignitate & sapientia præstantes, nunc Deo iuuante edo. Sub M. T.
 C. Verò felicibus auspicijs prodeunt isti breues commentarij Impera-
 tor Auguste, quia M. T. Ut quidem clementissimo & exopta-
 tissimo Domino Silesiæ, eiusdem historia iure optimo debetur. Semper
 quidem heroici Monarchæ & Principes lectione historiarum & cogni-
 tione temporum & euentuum delectati sunt. Mens enim humana præ-
 sertim generosa, cum sit condita ad immortalitatem, auide considerat an-
 tiquitatis statum. Et ratiocinationes ab exemplis sumit, alunt & augent
 prudentiam.

EPISTOLA DEDICATORIA.

D. Maximilianus quidem I. ita studiosus historiarum fuisse perhibetur, ut etiam commentarios rerum suarum dictare solitus sit. Et D. Carolus Quintus Imperatorem laudatissimum, cum alias historias sapienter scriptas, tum ipsum etiam volumen Thucydidis diligenter in ipsa senectâ legisse audimus. D. etiam Ferdinandus, beatissimæ memoriæ, & dilexit studia historica, & magnis sumtibus viles historicos in lucem & vsum hominum produxit.

Accipe igitur Imperator Auguste, serena fronte, & clementer hoc tene scriptum, quod per me M. T. C. communis exhibet patria, Quæ quidem pro eximia φιλοσοφία & sollicitudine atq; affectione paterna M. T. humilima cum demissione agit gratias, & sese deinceps etiam pietati & benignitati Augustæ tuæ commendat. Tribuat æternus & propitius Deus C. M. T. longa & fœlicia vitæ spacia, gubernationem piam, tranquillam, letam & florentem, faciatq; ut M. T. C. diutissime, ut talis in illa Gigantæa statua, Imperium orbis Christiani fulciat, sustentet & seruet, donec æternum Regnum in cælo inchoabitur.

Glogouia in vrbe Elysiorum XXVI. Maij, quo ante annos 38. D. Ferdinandus Imp. celebrauit Sacrum Nuptiale cum laudatissima sua sponsa Anna Vladislai Regis Hungariæ & Bohemiæ filia. Anno 1570.

M. T. C.

humill: seruus

IOACHIMVS CVREVS.

AD

AD ÆQVVM ET CAN- DIDVM LECTOREM.



ULTÆ APVD SAPIENTES SCRIP-
tores leguntur querelæ de iniustis ca-
lumnijs & maledicentia. κακὰ ρεῖα δάν-
αδινον, inquit vetus Poëta, Maledicentia
est lugubris morsus. Et admodum tristis
& querula vox extat in libris Sacris: Ca-
lumnia conturbat sapientem, & frangit
robur cordis eius. Maxime autem ista vl-
tima mūdi senectæ, quæ quasi effœta est, &
minus veras virtutes gignit, prona est ad calumnias, & multos qui-
dem, vt olim de Archilocho dictum est, saginat maledicentia. Ideo
etiam bona & foelicia ingenia metu Sycophantarum debilitantur,
vt magis sese abdant, minusq; se patefaciant, aut in lucem prodire
velint. Præcipuè vero omnibus ætatibus scriptiones historicæ
expositæ fuerunt calumnijs, & iniquissimis etiam imperitorum iu-
dicijs, quod ideo accidit, quia de euentibus maxima pars homi-
num iudicare solet, non ex vera ratione, sed ex affectibus. Dome-
sticis vitijs & erratis blandimur ex naturali quadam φιλαυτία, odio
vero causæ vel partis aduersæ etiam recte facta deprauantur sini-
stra interpretatione.

Ego itaq; cum necessarijs de causis hos Commentarios faciam
publicos, publicè me etiam munire & excusare volui, contra iniqua
aliquorum iudicia. Et principio de consilio & voluntate mea vere
affirmo, me non voluisse vlla narratione aliquem ordinem hone-
storum hominum in vita sauciare, aut contumelia afficere. Non
enim illo Satyrico aut Momico genere scribendi, quod nunc apud
multos est plausibile, delector, sed cupio seruire bonis mentibus,
quibus inquisitio de veteri statu patriæ nostræ grata est. Leges hi-
storiæ me non transiisse arbitror. Etsi vero interdum narrationi-
bus, præsertim insignioribus subiicio Epiphonemata Ethnica, ta-
men hoc iure in reprehensionem cadere non potest.

Nam cum ex sententia optimorum autorum, historia sit pars
Philosophiæ Ethicæ, & ornetur hoc amplissimo Elogio, quod sit
magistra & speculum vitæ, certè exempla ad Regulas accommo-
dare necesse est. Infirma enim est ratiocinatio ab exemplis petita,
nisi fundamentis doctrinæ moralis, quæ docet de virtutibus, su-
stentetur, & ad certam normam reuocetur, vt quidem prudenter
Iurisconsultus dixit: Non exemplis sed legibus iudicandum est.
Sua natura igitur iudicat historia de exemplis & euentibus, vt
Physica de substantia & causis rerum conditarum. Modestè tamen
me

me libertate illa historica vsum esse opinor, certè inprimis dixi, petulanter neminem lædere volui.

Gliscit nunc controuersia de Religione omnium acerrima. Ego vero liberè profiteor, me esse ciuem veræ & sinceræ Ecclesiæ DEI, quæ retinet & amplectitur veritatem monstratam in scriptis Prophetis & Apostolicis, cuiusq; summa expressa est in confessione illa, quæ olim potentissimo Cæsari Carolo V. Augustæ fuit exhibita. Ideo vbi incidunt narrationes de statu, mutationibus, & disputationibus in Religione, scribo quid acciderit, & verecunde meam sententiam significo. Neq; enim historicus illum præcipuum neruum humanæ societatis in historia præterire potest. Et ludere Pyrrhonio more in tali causa pium non est. Seuerè enim dictum est: Nolite errare, Deus non irridetur. Mihi autem satis est, si perseuero in Thesi, ordinem nullum in vita volo deformare, singuli in sese descendant & inquirent. Quare me veniam ab illis, qui sapientia & moderatione excellunt, & quibus ordo hierarchicus carus est, impetraturum confido.

Discedo interdum à narrationibus scriptorum Polonicorum, cum videam, res illas aliter & probabilius recitatas esse à Germanis. Et manifestum est, non solum negligentiam fuisse veterum historicorum in istis populis magnam, sed eos etiam sæpe nimium affectibus indulgisse. Neq; vero aliquis suspicabitur, me odio gentis illa immutasse, quia ego gentem Polonicam ortam à nobilissima & antiquissima stirpe Heneta maxime veneror, & videmus eam continua serie à prima antiquitate nunquam fuisse effocetam, sed semper peperisse ingenia excellentia sapientia, prudentia politica, sagacitate & artibus bellicis. Et huic Regno, quod tot seculis à ceruicibus nostris arma Scythica & Moscouitica arcet, tota Europa debet gratiam, & inprimis Silesia, quæ colonia & filia est huius Regni, atq; cum eo multis officijs & arctissimis vinculis coniunctissima.

Mihi etiam priuatim cum multis præstantibus viris in hac gente dulcis & sincera intercedit amicitia. Sed vt nulla Imperia sunt sine erratis & miserijs: ita in hoc etiam Regno fuerunt dissimiles gubernatores, & dissimiles etiam euenerunt Euentus, quod tamen gloriæ & auctoritati publicæ nihil detrahit. Historia vero requirit fidelem commemorationem rerum quæ acciderunt. Ex vetustioribus autoribus, quos secutus sim, ostendet ipsius scripti contextus. Recentes annotationes habui ad manus etiam non paucas, scriptas in præcipuis vrbibus, collegijs & cœnobijs.

Multa debemus viro industrio & doctissimo Francisco Fabricio, qui diligenter inquisiuit, veteres historias, sed si quem hæc lectio iuuabit, is sciat, se præcipuè debere gratiam viro sapientia, doctrina,

AD LECTOREM.

doctrina, & magna dignitate præstantissimo D. Sigefrido Ribischio Vratislauiensi, Inuictissimi Imperat. Maximiliani II. per Pannoniam consiliario. Is enim, cum in hoc studium incubuisset multos annos, & iam delineationem historiæ à primis exordijs prudenter instituisset, postea mira sagacitate & sedulitate omnia vetera monumenta, quæcunq; extant in Prouincia apud Principes, vrbes, monasteria & collegia, inquisiuit, & mihi omnia communicauit liberalissime, & monuit de rebus necessarijs sapienter & amanter.

Huius igitur memoriæ grata posteritas, si quæ nostro hoc labore fruetur, retinebit. Nunc oro omnes viros bonos, vt in legendo adhibeant candorem, & si quibus nota sunt vberiora, vt ea ad ornandam patriam proferant. Ego, si Deus mihi vitam protulerit, & ad has operas otium & tranquillitatem concesserit, etiam Germanicam editionem instituiam.

Bene & feliciter vale, Candide
Lector,

AD-LECTOR

[Faint bleed-through from reverse side]

1052

INDEX COPIOSVS ET VTILIS RERVM MEMORABILIVM, QVÆ IN HOC ANNALIVM LIBRO comprehenduntur.

A

A brahamus Bucholcerus	361
Abrahamus Baro Donauiensis ducit exercitum in Hungariam	182
Accephalum agmen in Pannonia	184
Adalberti corpus Gnesna auehitur in Bohemi-	38
am	
Adalbertus Episcopus Pragensis & Martyr	34
Adamas nobilis Caroli Burgundici	197
Adamus Cureus	391
Adelheidis neptis Friderici Barbarosse despon-	
detur Mieslao Poloniae Principi	54
Adrianus Traiectensis creatur Pontifex	243
Adrianus Pontifex ueneno tollitur	245
Adrianus fuit præceptor Caroli Quinti	ibid.
Adrianus fuit ineptus ad gubernationem	244
Adriano erecti sunt arcus triumphales in Belgi-	
co inuerecundi	244
Adulteria mulierum Polonicarum	41
Ægyptus punita est propter blasphemias in	
Christum	237
Æneæ Syluij ingenium uarium	155
Æneæ Syluij epiphonema, de interitu Ladislai	
Regis	160
Æneas Syluius Pontifex dictus Pius Senensis	163
Ærumne & exilia, cuius rei nos commoneface-	
re debeant	16.20
Æschylus laudat Scythas uel Henetos	18
Actius Romanus usus auxilij Henetorū & Got-	
torum fudit Attilam	24
Agnes domina Suidnicensis & laurenfis	106
Alani dicti ab Elan	17
Albis ubi oriatur	5
Albertus Austriae exarchus peruenit, ad Imperi-	
um & alia Regna	129
Albertus Caesar Hungariæ & Bohemiæ Rex,	
Archidux Austriæ, Princeps Silesiæ	129
Albertus Caesar uenit Vratislauriam	132
Albertus Caesar moritur in Pannonia	133
Albertus Brandeburgicus gerit bellum cum Po-	
lonis	133. 241. 278
Albertus Bauariæ Dux non uult recipere obla-	
tum sibi Regnum Bohemiæ	134
Albertus Brandeburgicus Dux exercitus contra	
Carolum Burgundicum	191
Albertus Saxonicus paciscitur inducias cum Ma-	
thia	205
Alberti Caesaris lapsus	133
Alecarum ludus prohibetur à Capistrano	149
Alexandri Scanderbassæ uirtus	145

Alexander VI. Pontifex tuba ciuiliū bello-	
rum	220
Alexandri Pontificis memorabilis interitus	221
Alexander Rex Poloniæ	222
Alexander Poloniæ Rex moritur	225
Alphonfus Calabriæ Princeps Hydruntum Tur-	
cis cripit	203
Alphonfus Vastius Dux Caroli Quinti Impera-	
toris	247
Ambrosius Moibanus docet Vratislauriæ	249
	280
Amurathes Tyrannus Turcicus peruenit ad Re-	
gnum	133
Amurathes frustra obsedit Belgradum	137
Amurathi denunciatur bellum à Vladislao Re-	
ge Hungariæ	ibid.
Amurathes petit pacem à Vladislao	138
Amurathes durissimis conditionibus impetrat	
pacem à Vladislao	ibid.
Amurathes redit in Europam	140
Amurathes est adeptus Victorinam cruentam	
	142
Amurathis uox in praelio Varnense	143
Anabaptistica colluies fuit exclusa à Vratis-	
tislauria	281
Anabaptistarum & Enthusiastarum origo	370
Anabaptistarum historia ex Morauia	372
Anabaptistarum Magistri	ibidem
Andreas Gritus recipit Patauium	227
Angelos esse custodes Imperiorum & ordinis in	
Regnis	232
Anna laurenfis coniunx Caroli moritur	100
Anna coniunx Vladislai in puerperio extingui-	
tur	227
Anna Regina Ferdinandi coniunx fuit quindec-	
cies puerpera	256
Anna filia Henrici Decimi nubit Rosenbergio	
Bohemo	316
Annæ filia Vladislai natalis	222
Annæ Regiæ uirtutes	ibidem
Annus calidissimus & siccissimus	216
Annales Silesiæ quid præcipue exponant	27
Annalium Silesiæ partitio	2
Annales Silesiæ quo consilio autor conscripse-	
rit	ibid.
Annales Polonici nimis contemtim loquuntur de	
Germania	98
Annalium altera pars	260
Annæ uilitas	511
Annæ Caritas & pestilentia in Ducatu Glo-	
gouiensi	336

Aaa

ANNO

7

- ANNOTATIONES præcipuarum mutationum & euentuum, qui acciderunt ciuitatibus Ducatus Glogouiensis in Silesia inferiori 299
- Antenor ducit Henetos ad littus maris Adriatici 12
- Antiochus Hierax deducit Germanos in sedes Henetorum 12
- Antiquitas fuit studiosa Astronomiæ 260
- Apologus de Vrso 192
- Apostolorum discipuli docuerunt in Germania 29
- Appellationes ueteres mirè deprauatas esse 4
- Apum ingentia examina uiuere in regionibus Arctoïis 10
- Arctoæ gentes quando & qua occasione in hanc terræ plagam immigrarint 8
- Arctoarum gentium origo ex libris sacris 10
- Arctoarum gentium distinctio 7
- Arctoæ gentes distinctæ apud Herodotum quæ extant 10
- Arctoæ gentes habitauerunt in Oriente ibid.
- Arctoarum gentium ueteres sedes 12
- Arctoarum gentium triplex lingua Teutonica, Heneta, & ab his diuersa Scythica 12
- Arctoarum gentium migrationes ex oriente in Europam 12. 269
- Argyropylos Romæ proficitur Græcam Linguam 243
- Arij fuerunt Medi ulteriores 11
- Arij proximi Carpatho 6
- Arij apud Herodotum habitauerunt ad mare Caspium 10
- Ariorum habitus ibidem
- Arnolphus Cæsar domat Morauos 28
- Arrij uirus attraxit & confirmauit potentiam Turcicam 237
- Arrianorum uirus renouatur 372
- Aristocratia in Polonia 27
- Arthritis morbus ἐν δὲ Ἰμῷ & Glogoniæ 290
- Ascanij sunt Tuiscones 8
- Ascanij fuerunt religiosi 11
- Ascania palus ad urbem Niceam 8
- Ascania ubi olim fuerit 11
- Asiæ incolæ qui fuerint ante Persica tempora 12
- Ἀσσυρία Monachorum nullo modo est laudanda 75
- Atheniensium decretum impium 33
- Atticæ urbis mos in sepeliendis corporibus cæcorum in prælijs pro patria 1
- Attila regnauit in Silesia 23. 265
- Attilæ seuericia 23
- Attila inuadit Italiam 24
- Attila exstinguitur ibidem
- Attilæ filij uicti sunt à Gotthis ibid.
- Auaritiæ inexplebilis exemplum in sacerdote 42
- Auarorum sedes quæ fuerit antiquitus 27
- Auriensis arx sola relinquitur Conrado Albo Olsnicensi, occupato Ducatu à Mathia Rege 357
- Austriaca familia est talis in Gigantea statua Danielis in præfat. & 259
- Autoris consilium de edendis Annalibus 2

B

- Baiazetes Turcorum Cæsar capitur à Tamerlane Scythia 117
- Baiazetes paciscitur inducias cum Mathia 206
- Baiazetes Tyrannus Turcicus fit exemplum humane instabilitatis 116
- Baiazetes delet Classem Venetorum 220
- Baiazetes necatur ueneno 330
- Baiazetes capta Methone magnam exercet crudelitatem & tyrannidem 221
- Babylonicorum agrorum quanta sit ubertas 265
- Balthasar Saganensis, uir militaris aliquandiu sustinet obsidionem 317
- Balthasar Saganensis necatur à seuo fratre Ioanne hanne 317
- Balthasar Saganensis militat in Prussia 153
- Balthasar Saganensis constituitur Dux copiarum in Bohemos 171
- Balthasar Promitius fuit Episcopus salutaris Silesiæ 281. 282
- Barbara coniunx Sigismundi Cæsaris traditur custodia 129
- Balthasar Legatus Pontificius scuit in Principes 199
- Barbara regina Poloniæ moritur 235
- Barbara Brandeburgica promittitur Vladislao Rege 325
- Barbara Brandeburgica deferitur à Vladislao Regi 326
- Barbara Brandeburgica nata annos decem celebrat nuptias 324
- Barones qui sint status Prouinciæ 263
- Bartholomæus Monsterbergensis profligatur à Vratislauenisibus 231
- Bartholomæus Monsterbergensis hostis Vratislauenisium 281
- Bartholomæus Monsterbergensis migrat Freistadium 338
- Bartholomæus Monsterbergensis perit in Danubio 234
- Basilea quibus planetis subiaceat 282
- Basiliensis Synodus 127
- Basiliensis Synodus formulam cautionis exhibet Bohemis 127
- Batus Dux Scytharum uastantium Europam 68
- Beatrix

Beatrice coniunx Matthiae Regis excelluit eruditione	195	Bohemica & Polonica bella inchoantur sub Boleslao primo	35
Beatrice uidua Vladislauum attrahit	212	Bohemi atrociter uastant Poloniam	38
Beatrice decipitur & Neapoli in exilio moritur	213	Bohemici Regni magnificentia	121
Belgradum olim Taurinum fuit dictum	137	Bohemi retrahuntur ex Polonia à Cesare Conrado	39
Belgradum occupatur à Solymanno	242	Bohemiae Princeps usurpat nomen Regium	55
Bellum Cimbricum in Italia	19	Bohemiae Reges qui ex ordine imperarunt Silesiae	265
Bellum ciuile & luctuosum inter filios Henrici Barbatii	60	Bohemi praesidiarii Glogouiae ibidem sunt graues hospites	342.343
Bellum Prutenicum inter Polonos & ordinem Teutonicum quando coeperit	93	Boleslaus primus dictus Acer, primus Poloniae Rex	33
Bellorum euentus quales esse soleant	171	Boleslai Primi bella	35
Bellum Bauaricum	223	Boleslaus Primus uicit Moschos	ibidem
Bellum Venetum sedatum est conditionibus iniquis Carolo Quinto	239	Boleslaus Primus uastauit Germaniam	35.
Bellum Suidnicense	104		302
Bellum famelicum in Prussia	120	Boleslaus Primus occupauit Budissinam & Misenum urbes	35
Bellum Hussiticum	122.277	Boleslaus Primus uicit Borussos	36
Bellum Polonicum	131.319	Boleslai Primi iusticia & pietas	ibid.
Bellum ad Rhenum	168	Boleslaus primus fuit Heroicus Rex	36
Bellum sacrum contra Turcam mors Pontificis interrupt	170	Boleslaus Secundus	40
Bellum Marchicum	323	Boleslaus curuus multa oppida & arces condidit in Silesia	296
Bellum Gurense	330	Boleslaus Secundus iugulauit D. Stanislaum Episcopum	41
Bellum Glogouiense	205.337	Boleslaus Secundus periit exul	42
Bellorum euentus quales plerique sint	171	Boleslaus Tertius distortus	44
Belgradensis uictoria in Hungaria	154	Boleslaus Tertius fuit felix bellator	ibid.
Bertholdus Dux Meraniae uocatur ad Imperium	73	Boleslai Tertij bellum cum Henrico Quinto Cesare	45
S. Bernhardus autor & suasor expeditionis in Asiam	53	Boleslaus proditorie percussorem subornat Suantopulto Bohemorum Regi	46
Bessarabia occupatur à Baiazete Turcico	204	Boleslaus inuadit Bohemiam armis	48
ex Bibliotheca collecta studio Matthiae Regis produnt libri utiles	208	Boleslaus Tertius magno praelio uincit Henricum	47
Bidorgis Ptolemaei est Vratislaui	269	Boleslaus Tertius reconciliatur Cesari	48
Bidorgis uastatur	270	Boleslaus Tertius petit pacem à Lothario Cesare	50
Biturix Lygius conditor ueteris Vratislaui	269	Boleslaus Tertius saepissime & feliciter acie conflixit	ibidem
Byturigis etymon	ibid.	Boleslai Tertij Vaticinium de fortuna suorum filiorum	50
Bohemia septennium regitur à puella Valasca	27	Boleslaus Tertius extinguitur animi maerore	49
Bohemiae Princeps capitur & fit tributarius Romani Imperij	29	Boleslaus Quartus Crispus	52
Bohemi concitantur in Polonos ab Henrico Quarto Imperatore	43	Boleslaus Crispus uenit in odium apud suam gentem	56
Bohemis integer usus sacrae coenae permittitur	128	Boleslaus Procerus dimicat ex prouocatione in Italia	55
Bohemiae Regnum post mortem Ladislai à multis appetitur	171	Boleslaus Procerus oppugnatur à filio Episcopo	58
Bohemiae Regnum tanquam pomum Eridos à Pontifice proicitur inter Monarchas	173	Boleslai Proceri mors & eiusdem Epitaphium	ibidem
Bohemica gens quo nomine gratiam debeat ciuitati Vratislauiensi	275	Boleslai Proceri liberi	ibidem
Bohemiae Princeps occupat totam Silesiam	393	Boleslaus Pudicus ducit uxorem Cunigundam	66
Boleslaus à Henrico Bauaro ad seruanda pacta adigitur	36		

INDEX.

Carolus

Carolus coronatur Aquisgrani	241	Casimiri Regis disceptatio cum Legato Pontificia	167
Carolus Burgundicus, est studiosus Persici splendoris	184	Casimirus Georgium superauit splendore	167
Carolus Burgundicus incidit in Melancholiam	197		315
Carolus Burgundicus rursus superatur ab Heluetijs	ibid.	Casimirus filius Regis Poloniae infeliciter inuadit Hungariam	182
Carolus Burgundicus ad Nanceium uincitur & occiditur	ibid.	Casimiri exercitus quem duxit in Silesiam.	187
Caroli Burgundici miserabilis interitus	196	Casimirus & filius infeliciter obsident Vratislauiam	188
Carolus Marchio Badensis capitur bello à Friderico Palatino	169	Casimiri exercitus sine disciplina militari	ibid.
Carolus Caesar exornauit Bohemiam & Vratislauiam	108	Casimiri & Mathiae congressus ad Vratislauiam	189
Carolus Caesar misit literas familiares ad Senatū Vratislauensem	ibid.	Casimiri, Mathiae & Vladislai Regum congressus	ibidem
Carolus Caesar Rempub: Glogouiae constituit	ibidem	Casimirus ex Silesia redit in Poloniam	191
Carolo Caesare imperante floruit Silesia	109	Casimirus Polonicus moritur	214
Carolus Caesar facit nuptias Cracouiae	110	Casimirus Teschimensis punit magistratum Glogouiensem	328
Carolus Caesar agit conuentum Vormatiae.	242	Casimirus Poloniae Rex inuitat Germanos in suum regnum	109
Caroli Caesaris copiae occupant Ducatum Mediolanensem	243	Casimirus Rex lenis agit conuentus in suo Regno	185
Carolus Caesar edificauit templum S. Dorotheae Vratislaviae	276	Casimirus à suis subditis contemnitur & ludibrio habetur	166
Carolus Monsterbergensis constituitur gubernator Silesiae	245	Casimirus parat bellum in Silesiam	186
Carolus Quartus Imperator Rex Bohemiae, Princeps Silesiae, dominus Vratislaviae & Glogouiae	105	Casimirus per ironiam fuit inuitatus ad nuptias Mathiae	159
Carolus Quartus Caesar ducit Annam Laurensem	106	Casimirus Poloniae & Vladislai Bohemiae Reges excommunicantur à Legato Pontificio Balthasare de Piscia	199
Carolo Caesari nascitur filius Venceslaus ex Anna Laurense	ibid.	Casimirus Lothici filius turbat pacem inuitam cum Bohemis contra pacta	309
Carolus Quartus ingreditur Vratislauiam	106	Caspar Sliccius non uult interesse condemnationi Iohannis Husi	120
Carolus Quartus euexit urbes	277	Caspar Nosticius ductor exercitus in Polonos	320
Caroli Quarti uirtutes & mors	111	Catalogus Episcoporum Silesiae	375
Caroli Quarti liberi	ibid.	Cattus flumini Silesiae uehit arenam auream	267
Carolus Quartus autor aureae Bullae	ibid.	Causa uera odiorum & bellorum inter Polonos & Principes Silesiae	95
Carolus Neapolitanus uocatur ad Regnum Hungariae	114	Celticum bellum in Italia	19
Carolosteinum obsidetur ab Husiticis	124	Celtae qui olim fuerint dicti	ibidem
Carolus Quintus accusauit incuriam adolescentiae suae in discendo	243	Cereuisia Silesiae	267
Carolus Quintus modestè se gessit post uictoriam Ticinensem	247	Cereuisia Glogouiensis	290
Carolus Quintus incautè proposuit conditiones Francisco captiuo	248	Cereuisia Vratislauenensis	267
Carpathi montis accolae	6	Cetericus Silesius fuit spectator mortis Ludouici	253
Casimirus monachus	33	Choenix dimensum diurnum serui quanto precio olim emtum sit	296
Casimirus ingreditur monasterium	ibid.	Christianam doctrinam esse uerissimam & certissimam	8
Casimirus ex Monasterio renouatur ad regnum	39	Christina coniunx Vladislai accusatur tanquam fax belli civilis	51
Casimirus ethnarcha condit leges in Polonia.	57	Christina cum paruis liberis eicitur in exilium	52
Casimirus Secundus euexit Iudaeos	110	Christianorum Regum odia & ambitiones exaceruerunt gladios Turcicos	170.183
Casimirus Secundus Rex Poloniae moritur	ibid.	Christianorum Regum & Principum conuentus quales esse soleant	236
Casimirus Tertius accipit Regnum Poloniae	145		
Casimiri Tertij Regis egestas	183		
Casimirus uenit Glogouiam	315		

INDEX.

Christophorus Lursius relegatur ex ciuitate Glogouienſi	342	Conradus Albus capitur à filio ſuo Conrado Albo & mulctatur Ducatu	146
Christophorus Nimcius Capitaneus Ducatus Glogouienſis	358	Conradus Caſar Poloniſ infert bellum	53
Chronicorum libri, à Philippo & D. Peucero conſcripti, commendantur	4	Conradus Primus Glogouienſis moritur	57
Chriſtophorus Niger Latro audaciſſimus laqueo necatur	231	Conradus filius Henrici Barbatī extinguitur lapſu	61
Cimbaria matris Friderici Tertij Imperatoris ingens robur	120	Conradus Maſauienſis bellum infert Henrico Barbato Ethnarchæ Poloniæ	64
Cimbri ſunt Germani apud Herodotum	9. 10	Conradus Episcopus Vratiſlauienſis cedit dignitate ſua	144
Cimbri & Heneti habuerunt promiſcuas ſedes	10	Conradi Secundi Glogouienſis nuptiæ	80
Cimbrorum prima proſectio ad Tauricam Cherſoneſum	13	Conradus munit Pridomiam	ibidem
Cimbricum bellum	19	Conradus Secundus occupat Glogouiam	ibid.
Cimbrorum uel Germanorum miſerabilis ſtra- ges	19. 20	Conradus Secundus Glogouienſis accedit ad ſe- cundas nuptias	83
Cimmerij Homeri ſunt Cimbri	9	Conradus mulctatur propter dotem uxoris mor- tue	ibid.
Cimmerij ſunt à Gomer	11	Conradus Glogouienſis oppugnat Henricum V. Vratiſlauienſem	87
Cimmeriorum hiſtoria apud Herodotum	9	Conradi Glogouienſis crudelitas in nepotem	87
Circalſorum Regio ubi ſit	237	Conradus Glogouienſis reconciliator	89
Circumgeſtatio panis Theatrica quo tempore inſtituta ſit	82	Conradi Secundi Glogouienſis exitus	ibid.
Clemens Episcopus Smogrenſis	37	Conradi Stinauienſis ſimplicitas	91
Clemens Primus	377	Conradus Stinauienſis ex carcere liberatur à ſua nobilitate	91
Clemens extirpauit idolomaniam	ibid.	Conradus Primus Princeps Glogouienſis	304
Clemens Septimus oppugnatur à Pompeio Co- lumna	245	Conradus Henrici Barbatī filius extinguitur in Venatione	304
Clemens præfectus Glogouienſis fortiter ſeſe gerit in prælio Tartarico	304	Conradus Secundus occupat Croſnam & muniuit Pridomiam	305
Clizdorffia munitur à Conrado Glogouienſi	89	Conrado attribuitur Glogouia	ibid.
Cöbena	299	Conradus abduxit Boleslaum fratrem captum	ibid.
Cœlibatus Sacerdotum ſtabilitur in Polonia	61	Conradus exornat Glogouiam	ibid.
Cœlibatus Sacerdotum inſtituitur in Sileſia	272	Conradi crudelitas in nepotem ex fratre	307
Collegia Canoniorum fuerunt ſcholæ	31	Conradi mors	ibidem
Collegium S. Crucis erigitur Vratiſlauiæ ab Henrico Probo	274	Conradus Gibboſus Stinauienſis	ibidem
Collegij Vratiſlauienſis inſteſtina diſidia	388	Conradus Primus Senior	385
Colomannus Hungariæ Rex uiolat milites Gode- fridi Bilionei	45	Conradus Episcopus Vratiſlauienſis amauit Ce- remonias	ibid.
Columbi Genuenſis res geſtæ	216	Conſaluuſ Hispanus feliciter medetur morbo Gallico	217
Cometa nuncius mortis Boleslai Poloni appa- ret	37	Conſaluuſ Regnum Neapolitanum redigit in poteſtatem Hiſpanorum	220
Cometa uiſus eſt ardere tempore Caſimiri Regis Poloniæ	40	Conſcientiæ tranquillitas ſummum bonum	49
Cometa proxime anteceſſit circumgeſtationem panis conſecrati	82	Conſtanciienſis concilij exordium	120
Cometæ conſpiciuntur, ſignificans & denuncians cladem Bohemiæ	166	Conſtantinopolis expugnatur	147
Cometæ denuo conſpiciuntur	182	Contubenſis arx occupatur à Principe Iohan- ne	336
Cometa aſſit	181. 221	Coributhus frater Vladislai Iagelloniſ inuadit Bohemiam	124
Concilium Piſanum & Mediolanenſe contra Lu- lium	229	Coributhus euocatur ex Bohemia	125
Conradus Albus Olſnicenſis eiſcitur ex ſuo Du- catu	357	Corpora humana maxime immutari ab aëre cir- cumſtante	282
Conradus Caſar minatur bellum Poloniſ	52	Coſtenſis ditio occupatur à Vladislao Loſtico	100
Conradus Albus coniungit ſe cum Latronibus Bohemiſ & Poloniſ	143	Coſtenſe territorium amittitur	309
		Coſtenſis ditio olim fuit adiuncta Ducatui Glogouienſi	305

INDEX.

Cotbussium remanet in potestate Marchionis Brandenburgensis	167
Cotbussense territorium uastatur à Iohanne Pri- busiense	329
Cracus Rex condidit Cracouiam	27
Cracouiensis Academia defendit concilium con- tra Pontificem	135
Cracouiæ antiqua iura sua Locticus Rex adi- mit	93
Cretenfis Archiepiscopus non bene rem gerit in Silesia & Polonia	165
Cretenfis Archiepiscopus offendit Polonos	169
Creutzberga frustra obsidetur à Principibus & Ciuitatibus aliquot Silesiæ	127
Crosnæ nomen quid significet	291
Crosna & Zulichia sunt auulsa à Ducatu Glo- gouiensi	263
Crosna uenit in potestatem Henrici Probi	306
Crosna occupatur à Marchione	325
Crosnenses deuastant agrum Freistadiensem	326
Crosnæ miserabilis conflagratio	335
Cruciferorum ordo quando & qua occasione cæperit	61
Cruciferorum ordo migrat ad Borussos	63
Cruciferorum Magister interficitur in prælio Tartarico	71
Cruciferi strenuè arcunt Borussos & seruant Poloniam	82
Cruciferi superant Casimirum Regem	152
Cruciferi transigunt cum Casimiro Rege	171
Cruciferorum seditio in Hungaria	232
Culmensis ager attribuitur ordini Teutonico	63
Cunigundæ mors & fabellæ de ipsa	88
Curzbachij liberi Barones	263
Cuzena arx munitur Conrado à Glogouiensi	89
Cyprianus Primus	382

D

Daij apud Herodotum	9
Danorum Ecclesiæ constituuntur	23
Daniel Timon scriba Glogouiensis male accipi- tur à Capitaneo	358
Danubij fontes ubi sint	5
Decimæ sunt concessæ Episcopis in Polonia	32
Delphinus Gallicus inuadit Heluetiam, & cæ- ditur	143
Dies nefasti Regibus Bohemiæ	105
Diodorus siculus de migrationibus populorum	13
Dominicanorum Cœnobium extruitur Glogo- uie	305
Dona Dei agnoscenda & celebranda esse grato animo	2

Donauiensibus Baronibus adimitur Hernstadien- sis ditio	357
Draculæ Valachi colloquium cum Vladislao Varnense	140
Drusus Augusti Cæsaris Priuignus Germaniam uastat	20
Ducatus Glogouiensis	285
Duellum in urbe Glogouiense	820

E

Ecclesiæ Germanicæ laudatæ ab Ireneo	30
Ecclesiæ nomen Mathias semper est uenera- tus	208
Ecclesiæ & studia in Silesia	267
Ecclesiæ in Silesia paulatim sunt inquinatæ su- perstitionibus	385
Eclipsis Solis horribilis	121
Egidius Cardinalis Tusculanus constituit Eccle- sias in Polonia	30
Electionis mos in Ecclesia	377
Electionis mos mutatur in Ecclesia	378
Elisabetha filia Sigismundi Cæsaris, uxor Alberti Imperatoris	129
Elisabethæ Thuringiæ stirps & Parentes	73
Elisabetha Thuringica refertur in Catalogum Sanctorum	164
Elisabetha uidua Alberti extinguitur	136
Elisabetha Poloniæ Regina noluit Mathiam ge- nerum	189
Elisabetha coniunx Friderici Lignicensis mori- tur	238
Elysiorum & Ilingorum sedes	6
Elysij sunt ab Elisa filio Iauan	12
Elysij campi nominati nouæ sedes Germanorum	15
Elysiorum seu Lygiorum ueterum res gestæ	18
Elysiorum pietas celebrata à Tacito	300
Elysij campi unde sic dicti	13
Elysa fuit doctor pietatis	12
Encania Poloniæ & Silesiæ	31
Episcopatus nouem constituti in Polonia	31
Episcoporum labores qui fuerint olim	ibid.
Episcoporum superbia & alia uitia reprehèn- duntur à Mathia Rege	208. 209
Episcoporum Hungariæ, florente regno, quan- tus fuerit fastus	250
Episcopi interfecti in prælio Varnensi	142
Επιτίμια imposita Polonis à Romano Ponti- fice	39
Erasmi iudicium de doctrina Lutheri	241
Erasmus Benedictus orator scholæ Freistadi- ensis	268. 374
Erasmus fuit præceptor Ferdinandi Cæsaris	255

INDEX.

Erenfridi Comitiss Palatini filia nubit Mieslao Regi Polonie	34
Ernestus Tschamerus liberat captiuos ciues Glogouenses, iam interficiendos	362
Ernestus Elector Saxonie iurat in uerba Mattheie	187
Ernestus Tschamerus reconciliatur Regi Mattheie	358
Ethnarche Polonie	42
Ethnicorum conciones quales fuerint	286
Euangelij lux quo tempore & occasione in Patu obruta & extincta fuerit	31
Europa oculis sublati intuetur Filium Dei	238
Europe nunc fatalem impendere mutationem & ruinam	34
Exempla uirtutum esse imitanda	3
Exemplum Principis pie migrantis ex hac uita etiam sub tristi caligine Papisticarum superstitionum	103
Exemplum summe & detestande leuitatis in Principe	95
Exemplum puniti horribilis parricidij	88
Exemplum inusitate crudelitatis	88.233.306
Exemplum humane infirmitatis in Boleslao Secundo Polonie Rege	42
Exemplum ioci scurrilis	51
Exemplum Versus: οὐδεὶς ἀνδρῶν ὁρᾷ ὁδὸν τῆς ψυχῆς ἀπορίας	218
Exempla poenarum & uastationum cur sæpe considerari debeant	25
Exemplum dicti: Væ qui spoliis: quia spoliaberis	82.142
Exemplum punitæ tyrannidis & tragicorum peccatorum	28
Exemplum auaritiæ inexplẽbilis in sacerdote.	42
Exemplum continentie in Virgine Sacra	98
Exemplum iusticiæ in Boleslao Rege Polonie	36
Exemplum famis horribilis in Silesia	266
Exemplum horribilis furoris & seditionis	277
Exemplum diuinitus seruatiæ supellectilis, conflagrante templo Crosnensi	335
Expositio strips & uite Beatæ Hedwigis	72
Εὐλαβῆς seu uiri Religiosi qui fuerint in Actis cap.2.	15

F

Fabianus Schoneichius, eques auratus potens consilij & opibus	263
Fames horribilis in Polonia	33.266
Fames horribilis in Silesia	94.266
	129. 308
Fames prædicta ab Agabo	266
Fatalium poenarum imago	67
Ferdinandus Hispanie & Neapolis Rex mortur	236
Fames horribilis in Polonia	33

FERDINANDVS I. Romanorum Imperator, Hungariæ & Bohemiæ Rex, Archidux Austriæ, Princeps Silesiæ	254
Ferdinandus Primus est expertus presentiam Dei	255
Ferdinandi Natalis	ibid.
Ferdinandi studia & præceptores	ibid.
Ferdinandus Erasmus semper nominauit Præceptorem	ibid.
Ferdinandus fuit peritus Mathematicum	255
Ferdinandus studiosè coluit fratrem Carolum	256
Ferdinandi Castitas coniugalis	ibid.
Ferdinandus coronatur Pragæ	256
Ferdinandus primum ingreditur Vratislauiam, ibidem	256
Ferdinandi copie Iohannem Veidanum ex Hungariam eijciunt	256
Ferdinandum Deus texit contra potentiam Turcicam	257
Ferdinandi bonitas, industria & reliquæ uirtutes	ibid.
Ferdinandus non oppressit Ecclesias in Silesia	257
Ferdinandus fuit similis Theodosio	257
Ferdinandus fuit amans pacis	258
Ferdinandus fuit tolerans laborum	ibid.
Ferdinandi temperantia	ibid.
Ferdinandi affabilitas	ibid.
Ferdinandi ingeniosa apophtegmata	ibid.
Ferdinandus floruit in Senectâ	ibid.
Ferdinandi exitus placidissimus	259
Ferdinandi Caesaris elogium de Repub: Vratislauensi	284
Ferdinandus Rex Hispaniæ auus Caroli Quinti moritur	236
Ferdinadus Austriæ Dux celebrat Nuptias Lincolnij	241
Ferdinandi Caesaris conuiuia qualia fuerint	258
Ferdinandus Caesar ter fuit Vratislauiæ	281
Ferdinandus Caesar recuperat Ducatum Sagenensem à Mauricio Electore	317
Ferdinandus Piscarius Dux Caroli Quinti occupat Mediolanensem Ducatum	243.245.246
Ferdinandi Piscarij mors & mores ac fortuna	249
Festum transfigurationis CHRISTI instituitur	155
Filij Henrici Secundi Pij Silesiæ Principes	77
Filij Conradi Glogouensis	322
Filij Iohannis Saganensis	323
Flagelliferorum Secta	107
Florentina seditio	202
Franciscus Gallie Rex prælio fundit Heluetios ad Mediolanum	235
Franciscus Rex Gallie & Carolus Hispanus iunguntur federe	239
Franciscus Gallus & Henricus Anglus congruantur	241

Franc

INDEX.

Franciscus Gallus capitur	247	Freistadiensis Reipub: laus	ibidem
Francisci Galli capti uox	ibid.	Freistadiensis Schola	268
Francisci Regis morbus in carcere	248	Friderici Barbarossæ expeditio in Polonos	54
Franciscus Rex turbatis conditionibus pacis Cæsarem bello aggreditur	248	Fridericus Barbarossa recipit in gratiam Principes Poloniæ supplices	ibidem
Francisci Fabri carmen de uigilantia Sigismundi Regis	368	Fridericus Barbarossa cõculcatur à Pontifice.	57
Francisci pereni Episcopi præsagium de clade Mogatiensi	252	Fridericus Cæsar oppugnatur à ciuibus Viennensibus	168
Franciscus Primus	381	Fridericus Cæsar transigit cum Mathia	173
Franciscus Hagecus Dux belli apud Vratislauienses	181	Friderici Cæsaris pietas	175
Franciscus Hagecus moritur, & sepelitur in Alba Regali	195	Fridericus Cæsar auertit se ab amicitia Mathiæ	179
Francisci Launaldi Pietas	313	Fridericus Cæsar respicit ad amicitiam Mathiæ	183
Francofurtensis & Vitebergensis Academiae initia	224	Friderici Cæsaris & Caroli Burgundici congressus	184
Francosteinum Silesiæ oppidum obsidione cingitur à Carolo Bohemorum Rege	102	Fridericus Cæsar soluit obsidionem Nouesium	191
Francosteinum occupatur à Ducibus Georgij Podiebracij	172	Fridericus Cæsar derisit Ludouicum Vndecimum Galliæ Regem	191
Francostemensis arx occupatur & diruitur à Vratislauiensibus	174	Fridericus Cæsar infeliciter laceßit arma Mathiæ	196
Francosteinum exuritit à Vladislao Bohemiæ Rege	188	Fridericus Cæsar transigit cum Mathia	198
Francosteinum occupatur à Ducibus Mathiæ Regis	355	Friderici Cæsaris animi æqualitas	209
Fraustadium occupatur à Rege Poloniæ	103	Friderici Cæsaris mors	215
Fraustadium amittitur	309	Fridericus Secundus iniuste accusatur à Polonis propter pacta inter Ordinem & Regem Poloniæ	64
Fraustadium defenditur contra Iohannem Pribusensem	319	Fridericus Cæsar coronatur à Pontifice Romano	146
Fraustadiensis ditio olim pertinuit ad Ducatum Glogouensem	305	Fridericus Cæsar conciliat filio suo Maximiliano nuptias Mariæ Burgundicæ	191
Fraustadium defenditur contra Henricum Rapoldum	311	Fridericus Cæsar conuentus agit Ratisbonæ Mathiamq; grauiter offendit	1820
Freistadium uel Eleutheropolis	292	Fridericus Cæsar fuit Sagacissimus ingenio	215
Freistadij commoda	ibidem	Fridericus Elector Brandenburgensis soluit obsidionem Francosteini	125 (216)
Freistadij situs	ibidem	Fridericus Cardinalis moritur ex morbo Gallico	
Freistadij constitutio	ibidem	Fridericus Lignicensis repellit Bohemos profecturos ad Iohannem Glogouensem	340
Freistadio familiaris morbus	293	Friderici Electoris sapientia	240
Freistadij magnitudo	ibidem	Friderici Electoris colloquium cum Erasmo	241
Freistadienses Mansionarij	ibidem	Friderici Electoris Saxonie consilium de rusticana seditione	249
Freistadiense forum	ibidem	Friderici Electoris Saxonie mors	248
Freistadij ætas	293.295	Fridericus Lignicensis indicit bellum Vratislauiensibus	227
Freistadiensis aëris constitutio qualis sit	293	Fridericus Lignicensis ducit sororem Sigismundi Regis	235
Freistadiensis Character unde	294	Fridericus Lignicensis diligenter agit de pace inter Iohannem & Mathiam	342
Freistadij appellatio	ibidem	Fridericus Misnensis cedit ex Prussia	223
Freistadij nomen Polonicum	ibidem	Fridericus Primus post magnos motus recipit Lignicium	148
Freistadiū habet hortos amœnos & fertiles.	293	Fridericus Primus collocatur in Ducatum Lignicensem à Mathia	177
Freistadium quo tempore creuerit	295	Fridericus Primus Lignicensis moritur	343
Freistadiensium ciuium opes	ibidem	Fridericus Tertius Cæsar denuo adit Romā	174
Freistadiensis arx obsidetur à Iohanne	326	Friderici Tertij Imperatoris mater	120
Freistadiensis arcus obsidio soluitur	327		Fulco
Freistadium attribuitur Bartholemæo Monstbergenfi	368		
Freistadiū incēditur à militibus præsidiarijs	352		
Freistadium deditur Mathiæ Regi	355		
Freistadiensis Ecclesiæ initium	370		
Freistadiensis Ecclesiæ felicitas	373		

INDEX.

Fulco Episcopus Cracouiensis turbat Poloniam 58
Fundatio Monasterij Vincentini Vratislauiæ 49
Furstensteinum expugnatur à Mathia Rege Hungariæ 192

G

Gabreta sylua 5
Gabrielis Veronensis monachi fortuna 190
Gabriel Scherdingensis magister Anabaptista-
rum in Moravia 371
Galatia Regio unde nomen acceperit 12
Galenus custos ualetudinis Imperatoris M. An-
tonini 21
Gallica lingua fuit Heneta: Gotthica uerò Ger-
manica 6
Galli unde dicti sint 16
Gallici morbi origo 215
Gallici morbi appellationes 216
Gallici morbi forma ibid.
Gallici morbi remedia 217
Gasto Fosseius Imperator nepos Ludouici Gallia
Regis 229
Gasto interficitur uictor 238
Gedanum magnas consequitur immunitates à
Polono 151
Gemes Mahometi filius fit supplex Christianis
et male tractatur 205
Genuenses uenditores et proditores salutis Eu-
ropæ 140
Georgius Bohemiæ Rex, quem Silesia ferme non
agnouit pro Rege 161
Georgius Brandeburgicus tegit Vratislauiens-
es 244
Georgius Brandeburgicus tenuit ditiones ali-
quas Silesiæ 263
Georgius Bregensis moritur 243
Georgius Fronspergius et Marcus Sittius Ger-
mani ductores Caesaris 246
Georgius Monsterbergensis profligatur à Du-
catu Suidnicensi 339
Georgius Monsterbergensis et Opicius Colo-
profugiunt Glogouiam 353
Georgius Monsterbergensis fuit Glogouia tem-
pore obsidionis 344
Georgius Podiebracius contendit cum Rege La-
dislao et uincit 157
Georgij Podiebracij sermo de Religione Vratis-
lauiæ 152
Georgius Podiebracius constituitur gubernator
Bohemie 134. 147
Georgius Podiebracius fuit uir sapiens et cle-
mens 278
Georgij Podiebracij Bohemiæ Regis felicitas et
successus 172
Georgius Schillingius consul Glogouiensis nece-
tur à seditiosis subditis 314

Georgius Petzeltus Freistadiensis placat Episco-
pum Vratislauiensem 373
Georgij Podiebracij sapientia, humanitas et pa-
tientia 163
Georgius Brandeburgensis adiungitur Regi Lu-
douico 260
Georgius Podiebracius amauit Vratislauiam 279
Georgius Rex repudiatur à Silesijs 167
Georgius Rex reconciliatur Friderico Casari 164
Georgius Rex palam religionem suam profite-
tur 167
Georgij Regis mors et mores 180
Georgio Regi suboneratur percussor 173
Georgius renunciatur Rex Bohemiæ 161
Georgius reconciliatur Pontifici 163
Georgius iurauit in Religionem Catholicam, ibidem
Georgius à tota ferme Silesia agnoscitur pro
Rege 165
Georgius et Casimirus Reges congregiuntur
Glogouia 167
Georgius et Casimirus Polonia Rex iunguntur
foedere ibidem
Georgius Steinius ab Ordinibus Silesiæ exigit
pecuniam 206
Georgius Stenius renunciat Iohannem Domi-
num Ducatus Glogouiensis 335
Georgius Sepusienensis perit in flumine quodam 253
Georgius Steinius uenit Glogouiam cum man-
datis Mathiæ Regis 335
Georgius Steinius adipiscitur Steinauiam et
Rudnam 357
Georgius Steinius eijcitur ex Silesia 359
D. Georgij templum erectum ex manubijs ho-
stium 311
S. Georgij templum in suburbio frustra tenta-
tur à Regijs 453
Gertrudis Regiæ Hungariæ interitus 60
Germani apud Herodotum 9
Germana fuit fatalis imperio Romano 22
Germani inde dicti 9
Germanorum nouæ sedes dictæ sunt campi Ely-
sij 15
Germanorum ueterum disciplina laudata à Ta-
cito 18
Germani quibus characteribus in scribendo usi
sint ibidem
Germanorum strages miserabilis 19. 20
Germania horribilibus motibus concutitur 29
Germania superior cito accepit Semen Euange-
lij 29
Germanicæ Ecclesiæ laudatæ ab Irenæo 30
Germaniæ reddita fuit pax à Ferdinando Ca-
sare 258
Germani religionem populorum orientalium
importarunt in hæc loca 15
Germani

INDEX.

Germani & Heneti promiscue habitauerunt	16	Glogouenses pellunt & reijciunt Polonos uas-	
Germanorum ueterum religio	18	stantes ipsorum agros	132
Germanorum numina	286	Glogouensis Ducatus amisit multas ditiones	
Germanica scriptura initium	311		299
Getæ ubi olim habitauerunt	10	Glogouensis Ducatus ueteres incolæ	300
Getarum Rex Lysimachus captum dimisit	14	Glogouensis Ducatus ueteres incolæ emigra-	
Getarum magnam olim fuisse potentiam	10	runt cum Longobardis	301
Glogouie exordia	33	Glogouensis Ducatus fortuna sub regno Scla-	
Glogouie descriptio	286	uonico	302
Glogouia oppugnatur ab Henrico Quinto	46	Glogouia obsidio	303. 343
Glogouia sustinet impetus Henrici Quinti ibid.		Glogouia in alteram ripam translata	ibid.
Glogouia urbis prima mentio	45	Glogouia incensa à suo Principe	ibidem
Glogouia fuit cara Polonis	46	Glogouensis præfecti uirtus in prælio Tarta-	
Glogouie restitutio	48	rico	304
Glogouensis Præfectus acriter tuetur Principi-		Glogouensis Ducatus tempore Conradi Se-	
pem suum	71. 304	cundi	305
Glogouia excolitur à Conrado & Salome	83	Glogouia traducitur in potestatem Bohemiæ	
Glogouensis ditionis uastatio	92	Regis	309
Glogouia uenit in potestatem Iohannis Regis Bo-		Glogouia à Carolo Cæsare diuiditur	310
hemie	97	Glogouia aucta immunitatibus à Carolo Cæ-	
Glogouensis Ducatus	261	sare	310
Glogouensis Ducatus miserabilis status	203	Glogouia liberat Principem captiuum	ibidem
Glogouia Iohanni Curei Freistadiensis	260	Glogouie fuit incendium	312
Glogouensis Ducatus	285	Glogouia conflauit	239. 312
Glogouia antiquissima ciuitas in hoc Ducatu		Glogouia rursus perit incendio	312
	286	Glogouensis Paræci pia liberalitas	313
Glogouia instauratur ex ruinis Lugiduni	287	Glogouensis Consul interficitur in seditione	
Glogouie instauratio	ibidem		314
Glogouie ueteris situs	288	Glogouenses ciuitates emunt nouum cultum à	
Glogouie etymon	ibidem	Legato Pontificio	315
Glogouia in alteram ripam translata	289	Glogouia nouas instituit nundinas	318
Glogouense collegium fundatur	289. 380	Glogouensis templi ruina	ibidem
Glogouia oppressa à collegio	ibidem	Glogouensis Ducatus uocatur in disceptatio-	
Glogouia exornatur à Conrado	ibidem	nem	323
Glogouie magnitudo	290	Glogouia excommunicatur ab Episcopo	324
Glogouie commoditates	ibidem	Glogouensis Ducatus iurat in uerba Vladislai	
Glogouie salubritas	ibidem		325
Glogouensis Ducatus quæ oppida complecti-		Glogouensis arx traditur Iohanni	333
tur	286	Glogouia tandem redit ad imperium unius Do-	
Glogouia est urbs antiqua	287	nini	335
Glogouiam migrant Germani inuitati à Conra-		Glogouia incenditur à Polonis	54
do Glogouensi	289	Glogouia libenter sese subiecit Iohanni Bohe-	
Glogouia accipit leges & iura Germanica	83.	morum Regi	96
	289	Glogouia restituitur & exornatur à Boleslao	
Glogouensis ditio multum creuit sub Conrado		Crispo	289
Secundo	89	Glogouia fuit oppressa à suis Sacerdotibus	303
Glogouie status fuit felix & florens sub Sigis-		Glogouia accipit ius à Carolo Quarto in syluis	
mundo Duce	222	Bythomiensibus	310
Glogouia metu aduentantis Imperatoris exuri-		Glogouensis arx oppugnatur à Iohanne	332
tur à proprio domino	289. 303	Glogouensis obsidionis initium	342
Glogouia quando primum cœperit	302	Glogouenses spectant ad deditionem	348
Glogouia quibus uentis sit exposita	292	Glogouensis arx munitur	336
Glogouensis Ducatus fortuna iniqua	304	Glogouie suburbia exuruntur à Iohanne	342
Glogouensis cereuisia est succulenta & fu-		Glogouia obsessa aluit multos sacerdotes	344
mosa	291	Glogouia habuit mites hostes	347
Glogouie familiares morbi	ibidem	Glogouensium Senatorum scriptum in carce-	
Glogouie edificia	ibidem	re	349
Glogouensis templi turris	ibidem	Glogouenses Senatores in turri arcis extingua-	
Glogouensis urbis portæ	292	untur	351
		Glogouia	

INDEX.

Hedwigis

INDEX.

Hedwigis incidit in seculum infelix	75	Henricus Bauarus Regem Bohemie ad officium	
Hedwigis propter stipulas non fuit reiecta à Deo		compellit	36
	ibidem	Henrici Quinti Imperatoris expeditio in Poloa-	
Hedwigis calamitates ingentes	76	niam	45
Hedwigis robur & constantia	ibid.	Henrici Quinti mors	49
Hedwigis decessio	77	Henricus Barbatus omnisq; Silesie	59
Hedwigis apotheosis	ibid.	Henricus Barbatus Princeps Silesie postea eti-	
Hedwigis posteritas adhuc superstes	ibid.	am Polonie Ethnarcha	59
Hedwigis filia Regis Hungarie coronatur in re-		Henricus parcit publicæ tranquillitati	62
ginam Polonie	114	Henricus Barbatus ciuinitus tegitur	ibid.
Hedwigis Regina Polonie moritur	117	Henricus Barbatus renunciatur Ethnarcha Po-	
Hegij Dauentriensis scripta taxarunt abusus in		lonie	63
religione	214	Henricus Barbatus capitur & dimittitur	64
Heinemannus Dubensis præficitur urbi Glogo-		Henricus Barbatus occupat Poloniam maiorem	
uie	97		ibidem
Heinrichouensis & Camenzensis Monasterio-		Henricus Barbatus constituit Rempublicam	65
rum fundatio	382	Henricus Barbatus moritur	ibid.
Heluecones & Manimi incolæ Polonie maio-		Henricus à Salza primus Magister ordinis in	
ris	6	Prussia	63
Heluecones unde sic dicti	17	Henrici Barbati filij excitant bellum Ciuile	
Heluetij infeliciter adoriuntur Gallos prælio			60
	235	Henrici Barbati nepotes ex sorore	64
Heluetij sunt Quadi	17	Henrici Barbati titulus	65
Heluetij sunt ex Helueconibus	ibid.	Henricus Barbatus frequentissimè habitauit	
Heluetiorum pugna ad Basileam	143	Vratislauiæ	273
Heluetiorum mores cum natura Silesiorum con-		Henricus Dominicus senator Vratislauiensis as-	
gruunt	17	ficitur capitali supplicio	213
Heluetiorum inopia	196	Henricus Monsterbergensis acerbè depopulatur	
Heluetij potiuntur ingenti thesauro Caroli Bur-		Silesiam	178. 179. 136
gundici	197	Henricus Monsterbergensis fuit adeptus Ducæ	
Heluetiorum bellum cum Maximiliano	220	tum Olsnicensem & Volauensem	220
Heluetij Gallos pellunt ex Italia	230	Henricus Monsterbergensis uenit Glogouiam	
Heluetij fundunt maximum exercitum Gallo-			338
rum	231	Henricus Monsterbergensis ualuit gratia & au-	
Henetorum Ecclesiæ quando sint constitutæ		toritate apud Vladislaum Bohemiæ Regem	
	3		ibidem
Heneti uel Paphlagonēs apud Homerum	8	Henricus Episcopus Vratislauiensis homo pro-	
Heneti sunt Sarmatæ	ibid.	digus	93
Heneta gens coniungit se cum Cimbris	12	Henricus Passer	323
Heneti sunt nominati Galli	18	Henricus Passer totum Ducatum Glogouiensem	
Heneti traducti in potestatem Principum Ger-		adipiscitur	311
manorum	37	Henrici Passeris mors & filij eius	ibid.
Heneti occupant ueteres sedes Germanorum		Henricus Rapoldus Glogouiensis profligat Po-	
	26	lonos	114
Henetorum appellationes	16	Henricus Rapoldus superat Polonos	311
Henetorum alij Septentrionales alij Australes		Henricus Saganensis pater Henrici Ferrei	309
	17	Henricus Secundus Pius Silesiæ & Poloniæ ma-	
Henetorum ueterum patria ubi olim fuerit	19	ioris Princeps	66
Henetorum potentia quando & qua occasione		Henricus Pius, opponit se Tartaris	69
creuerit	26	Henricus Pius pene opprimitur ruina	ibid.
Heneta lingua propagata in Silesiam per Polo-		Henricus Pius instruit acies	70
nos	7	Henricus Pius confligit cum Tartaris	ibid.
Heneta gens ualet ingenio	150	Henricus Pius pro patria occumbit	71
Heneti successerunt in sedes uacuas Marcoman-		Henrici Pij sepultura	ibid.
norum & Suenorum	300	Henrici Pij liberi	72. 77
Henricus Auceps repressit Sclauos	29	Henricus Pius uocat Germanos in Silesiam	273
Henricus Auceps constituit multas Marchias		Henricus Primus Episcopus Vratislauiensis	
contra Sclauos	ibidem		383

Henricus Tertius Vratislauiensis moritur	82	Henricus Tertius Fidelis, Princeps Glogouie	96
Henricus Tertius Glogouiensis uocatur ad regnum Poloniae	91	Henrico Sexto Vratislauiensi ditio Glocensis datur ad tempora uitae	96
Henricus Tertius Glogouiensis moritur	92.308	Henrici Vltimi copiae uiruntur à Bohemis	316
Henricus Tertius Glogouiensis addidit nouam formam Ducatui Glogouiensis	307	Henrici Vltimi mors & testamentum	321
Henrici Tertij Glogouiensis titulus	308	Henrichouiensis & Camensis monasteriorum fundatio	382
Henrici Tertij Glogouiensis filij diuidunt patrimonium	ibid.	Hermundurorum sedes	5
Henricus Tertius Glogouiensis capitur ab Henrico Probo	306	Hermiones Plinij	ibid.
Henricus erexit Epitaphium suis liberis	ibid.	Hernstadiensis ager adimitur Baronibus Donauensis à Mathia	357
Henricus Quartus Probus Vratislauiensis filius Henrici Tertij	83	Herodoti dictum: Neminem bene monentibus obtemperare	158
Henricus Probus recipit ditionem Glocensem	85	Hieronymus Episcopus Vratislauiensis	40.378
Henricus Probus capit & mulctat cognatos Principes	ibidem	Hieronymus Episcopus migrat Vratislauiam	378
Henricus Probus reconciliatur Episcopo	86	Hieronymi Lasci consilium perdidit Hungariam	256
Henricus Probus dimicat de Cracouiensi Ducatu	ibid.	Hieronymus Sauanorola combuitur florentiae	219
Henricus Probus decedit	87	Hieronymus Sauanorola temere se immiscuit negotijs Reipub.	219
Henrici Probi testamentum praebet causam tum multibus bellicis	ibid.	Hieronymus Kisuetterus Cancellarius in aula illustrissimi Ducis Saxoniae Electoris	392
Henricus Quartus Saganensis post mortem Primislai fratris etiam Glogouiensis	107	Hildebrandus Pontifex Germaniae & Poloniae fuit fatalis pestis	42
Henricus Monsterbergensis & Glocensis fuit Princeps salutaris	262	Hispani Sclopetarij sternunt equitatum Galliarum	247
Henricus Quintus Ferreus Saganensis & Glogouiensis	ibid.	Historia de reliquijs Gotthorum in Taurica Chersoneso	14
Henricus Ferreus superauit Bibersteinium Sorauiensem	310	Historia Tartarica	66
Henricus Ferreus contemnitur in senectute	310	Historiam praelij Ticinensis	246
Henricus Ferreus moritur	310	Historia quid praecipue deceat	99
Henrici Ferrei Glogouiensis res gestae	112	Historia cladis Varnensis	136
Henrici Ferrei filij	ibid.	Historia mortis Ladislai Hungariae & Bohemiae Regis	159
Henrici tres impuberes	310	Historia de pacificatione perfecta ab Electore Saxoniae & Brandenburgico	190
Henricorum trium diuisio	ibid.	Historiae in Chronicis Polonicis sunt mutilae	3
Henrici Quinti Vratislauiensis mors & liberari	88	Historici Germanici à Polonis dissentiunt	47
Henricus Quintus Obasus Princeps Vratislauiensis & Lignicensis	93	Homerus quo tempore uixerit	8
Henricus Quintus Vratislauiensis proditione capitur & crudelem in modum exerciatur	88.274	Horas suas quemodo Soleant numerare Silesij & Itali	174
Henricus Sextus Vratislauiensis motus scelere fratris coniungit se cum Bohemis	96	Humana omnia esse fragilia	158
Henricus Sextus Vratislauiensis moriens relinquit suam ditionem Bohemiae Regi	101	Hungarorum appellatio unde sit	24
Henricus Septimus Caesar tollitur ueneno	94	Hungaria accepit religionem Christianam	32
Henricus Decimus Princeps potens & sapiens	130.312	Hungariae regnum turbatur à Socru Sigismundi	114
Henricus Decimus recipit Georgium Regem	314	Hungariae Regnum fatales sustinet clades	249
Henrici Decimi foedus cum Biberstenijs	312	Hungaria cur à tot Gentibus sit appetita	68
Henrici Decimi mors & Elogium	316	Hungarorum studium erga Hunniadas	162
Henricus Vltimus ducit Barbaram Brandeburgicam	317	Hungaricarum calamitatum quando sit factum initium	241
		in Hungaria quot fuerint Episcopatus	208
		Hungari & Poloni acerbissime dissident	184
		Hungari stulta superbia irritant Turcos	242
		Hungari sub Mathia fuerunt exercitati in bellis Turcicis	209
		Hungaria	

INDEX.

Hungarorum & Bohemorum disceptatio Vra-	Hydrargyrum adhibitum fuit ad Medicationem
tislauiæ	228 morbi Gallici
Hungarorum fugientium ex prælio Mogatiensi	217
pavor	109
Hunnorum truculentia & immanitas	14
Hunni & Avari occupant Pannoniam	15
Hunni adoriuntur Poloniam	ibid.
Huniades defendit Vladislaum Varnensem	
Huniadis genus	134
Huniades reprimit Turcos	135
Huniades magnam stragem Turcorum ed t	136
	137
Huniades Carambeium Ducem Turcorum pro-	
fligatum capit	ibidem
Huniades frustra reuocat Vladislaum prælian-	
tem	141
Huniades colligit reliquias ex prælio Varnensi	142
Huniades captus à Dracula	144
Huniades rursus reprimit Turcos	ibidem
Huniades ab ordinibus regni renunciatur pro-	
rex Hungariæ	ibidem
Huniades interficit Draculam Valachum	ibid.
Huniades superatur à Turcis	145
Huniades capitur à Despoto	ibidem
Huniades uincit Turcos	ibidem
Huniades perpetuo fuit in excubijs pro orbe	
Christiano contra Turcos	145
Huniadis autor pacis inter Vladislaum Hunga-	
riæ Regem & Amurathem Turcicum	138
Huniades instruit aciem in prælio Varnensi	141
Huniades fuit murus orbis Christiani contra ira-	
ruentem uim Turcicam	144.154
Huniades reconciliatur Friderico Cæsari	145
Huniadis filius Ladislaus maior natu truncatur	
capite	ibidem
Huniades renunciatur Comes Bistirciensis à La-	
dislao Posthumo	147
Huniades effugit insidias Ciliani	153
Huniades pie moritur	155
Huniadis Filij conijciuntur in Carcerem	156
Hussancanus uastat Asiam minorem	183
Hussancanus Rex Persicus uincit Mahometum	185
Husitiorum motuum exordia prima	121
Husitici uastant Silesiam	125
Husitici muniunt se contra Pontificios & Si-	
gismundum Cæsarem	123
Husitica agmina ex multis & diuersis populis	
fuerunt confata	277
Husiticarum deprædationum quando factum	
fit initium	312
Husitici magnum exercitum Germanorum pro-	
fligant	126
Husitici euertuntur domesticis dissensionibus	128
Husiticorum rabies in Silesia	124.125.131
Iacobus Salzensis noluit opprimere ueritatem	
& doctrinam Euangelij repurgatam	280
Iacobus Salzensis fuit uir sapiens & eloquens	369.370
Iacobus Salzensis Episcopus Vratislauiensis	241
Iacobus Salzensis fuit Capitaneus Glogouiensis	389
Iacobus Salzensis Episcopus moritur	ibid.
Iacobus Salzensis & Balthasar Promicius fue-	
runt Episcopi salutare Silesiæ	282
Iacobus Scotiæ Rex interficitur in prælio ab	
Anglis	232
Iacobus Hutterus Magister Anabaptistarum	371
Iagello Lithuanus ducit Heduin Reginam	115
Iagello Baptizatur & nominatur Vladislaus	ibidem
Iagellonis familia	ibidem
Iaiza arx Bosniæ capitur à Mahometo	169
Iaiza recipitur à Mathia Hungaro	170
Ianizeri delecti ex Henetis	169
Iaroslauus primus Princeps Silesiæ	382
Iaroslauus Episcopus fuit impius in suum patrem	ibidem
Imislaus uel Heimo Episcopus Vratislauiensis	380
Imislaus fundauit collegium Glogouiense	ibid.
Iaurensis Ducatus	261
Idolatria attrahit poenas publicas	365
Ieiunium Septuagesimæ quando olim coeperit	273
Ieiunia ueteris Silesiæ	79
Ignis Sacri cultus unde coeperit	11
Imperij Germanici fundamentum & neruus qui	
fit	111
Illyricæ gentes primæ inter Henetos acceperunt	
doctrinam Christi	30
Infantis uox Vaticina	84
Ingenones Plinij qui fuerint	16
Interitus Senatorum Glogouiensium	349
Interregnum	133
Ioachimus à Berg Imperialis Consiliarius	90
Ioachimi Curei familia	232
Iocus prolatus à nobili Polono letaliter uulne-	
rato in prælio contra Cruciferos	99

INDEX.

Ioci scurrilis exemplum	51	Iohannes Duglossus copiosissimus inter historia	
Iodocus Rosenbergius autor est Silesijs, ut agno-		cos Polonicos	3
scant Georgium Podiebracium pro Rege		Iohannes Episcopus Havelburgensis capitur	2
	163	Iohanne	326
Iodocus Marchio Moravia liberat Venceslaum		Iohannes Gigas Pastor Ecclesie Freistadiensis	
Bohemie Regem ex carcere	116		373
Iodocus Primus	386	Iohannes Grisca Bohemus	335
Iodocus Episcopus fuit autor Pacis	ibidem	Iohannes Catianerus cedit copias Veidani	256
Iohannes Baptista religiosè cultus est à Silesijs		Iohannes Capistranus praeliatur, Belgradi in	
	40	Hungaria	154
Iohannes Primus Episcopus Vratislaviensis	379	Iohannis Marchionis Brandenburgici eloquentia	
Iohannes Secundus	380	et uirtus eximia	190
Iohannes Tertius	383	Iohannes Turso constituitur praeses prouinciae	
Iohannes Quartus dictus Rotus Episcopus Sile-		Glogouiensis	226
siae	387	Iohannes Dobergastius fuit Glogouiae tempore	
Iohannis Quarti egregia doctrina	ibid.	obsidionis	344
Iohannes Quartus quadam correxit in abusibus		Iohannes Glogouiensis ex urbe exiit Iudaeos	
Ecclesiae	387		334
Iohannes Quintus dictus Turso Cracouiensis		Iohannes Glogouiensis transit cum Marchio-	
Episcopus Vratislaviensis	388	ne	335
Iohannes Moschus Primus executit iugum Tar-		Iohannes Glogouiensis parat nuptias filiabus	
taricum	67	suis	338
Iohannes Albertus uenit Posnaniam, et splendi-		D. Iohannes Aurifaber Vratislaviensis gener	
de salutatur à Legatis multorum Regum et		D. Hesi Gubernator Ecclesiae Vratislaviensis	
Principum	215		393
Iohannes Albertus frustra inuadit Hungariam		Iohannes Haunoldus autor est constituenda A-	
	213	cademiae Vratislaviae	223, 280
Iohannes Albertus renunciatur Poloniae Rex		Iohannes Haunoldus praefectus Vratislaviensis	
	214	Senator sapiens	224
Iohannes Albertus infelicitè inuadit Valachi-		Iohannes Hesus emendat ritus Ecclesiasticos	
am	217	Vratislaviae	249
Iohannes Albertus Poloniae Rex moritur	221	Iohannes Hesus fuit eloquens	281
Iohannes Albertus efficitur Dominus Ducatus		Iohannes Hesus erexit ampla Nosocomia Vra-	
Glogouiensis	359	tislaue	284
Iohannes Biberstenius Sorauensis infelicitè ge-		Iohannes Hesus et Ambrosius Moibanus in-	
rit bellum	92	stauratores Ecclesiarum in urbe Vratisla-	
Iohannes Boccatus descripsit pestilentiam illam		uensi	280
uniuersalem, quae grassata est anno 1349.		Iohannes Hesus taxat superstitiones Pontifi-	
pene in toto orbe habitato	107	cum	115
Iohannes Cardinalis mittit copias uoluntarias in		Iohannes Hussus afficitur supplicio	120
Hungariam	154	Iohannis Husi uox fatidica et precatio eius-	
Iohannis Cardinalis praesagium de Mathia	162	dem	121
Iohannes Cantiensis celebris Theologus Craco-		Iohannes Hussus praedixit tempus repurgationis	
uiensis	185	doctrinae	238
Iohannes Capistranus hypocrita	148	Iohannes Marchio frustra conatur soluere obsi-	
Iohannes Capistranus plantauit monachos in Sile-		dionem arcis Freistadiensis	
lesia	149	Iohanni Tursoni succedit Iacobus à Salza in Epi-	
Iohannes Capistranus atrociter seuit in Iudaeos		scopatu	389
	ibidem	D. Iohannes Crato ualitudinis Caesareae custos	
Iohannes Capistranus proficiscitur in Poloniam			392
	150	Iohannes Morebergius, Inspector Ecclesiarum	
Iohannes Capistranus moritur in Hungaria	155	et Scholarum Vratislaviae moritur	391
Iohannis Capistrani conciones	149	Iohannes Luceburgensis Rex Bohemiae Silesi-	
Iohannis Capistrani ambitio	155	am in suam traducit potestatem	95
Iohannis Capitonis uita	243	Iohannes Monsterbergensis Princeps cadit in	
Iohannes de Temporibus armiger Caroli Magni		prelio	126
uixit 372 annos	53	Iohannes Pannonius Episcopus Varadiensis fa-	
Iohannes Dobergastius Freistadiensis	320	miliaris Mathiae Regis	202, 214
		Iohannes	

INDEX.

Iohannes Pribusienſis inuadit Poloniam maio= rem 186	Iohannis Saganenſis ſcelera & mors 313. 366
Iohannes Pribusienſis lapſus fuit in ignem ibidem	Iohannes Tranſſylvanus proſtigatur à Turcis 235
Iohannes Pribusienſis proſtigat fratrem Baltha= ſarem 315	Iohanes Marchio fruſtra conatur ſoluere obſi= dionem arcis Freſtadienſis 326
Iohannes Pribusienſis retunditur ab Henrico Decimo ibidem	Iohannes Varadienſis fuit præditus egregia ani= mi dexteritate 356
Iohannes Pribusienſis eiſcit & necat fratrem ſuum 316	Iohannes Varadienſis Episcopus Principes Sa= xonicos & Marchicos reconciliat Mathiæ Regi 356
Iohannes Pribusienſis Ducatum ſuum uendidit Principibus Saxonie 317	Iohannes Varadienſis Episcopus ingreditur re= ligionem 214
Iohannes Polacus præſectus Ducatus Glogoui= enſis homo iniuſtus & Tyrannicus 215	Iohannes Varadienſis Episcopus excluditur Glogouia 331
Iohannes Polacus inſœliciter rem gerit contra Moſchos 221	Iohannes Varadienſis Monachus uenit Glogo= uiam 360
Iohannes Turſo Episcopus Vratſlauenſis mori= tur 241	Iohannes Veidanus à quibuſdam acclamatur Hungariæ Rex 248
Iohannes Vuedanus aſpirat ad regnum Hunga= rie 249	Iohannes Veidanus non uenit in Caſtra Regis Ludouici 252
Iohannis Bugenbagij Sermo de Propoſitioni= bus Lutheri contra impia uota Monaſtica 245	Iohannis Veidani crudelitas 233
Iohannem Regem quid commendauerit Sileſijs 275	Iohannis Ziſchæobur & ſucceſſus 122
Iohannes Bohemiæ Rex uatſtat Poloniam mino= rem 309	Iohannes deuatſtat Poloniam maiorem 319
Iohannes Rechenbergius adipiſcitur Freſtadi= um 369	Iohannes occupat Zulichium & Suibuſium 327
Iohannes Creconitiuſ exagitatùs à Iohanne Glo= glouienſi corripitur Phrenitide 339	Iohannes occupat arcem Beutonicium ibidem
Iohannes Primus Bohemiæ Rex, Princeps Sile= ſiæ, Dominus Vratſlauenſis & Glogouiæ 98	Iohannes ad Francofurtum proſpere dimicat ibidem
Iohannes Bohemiæ Rex potitur Sileſia 276	Iohannes occupat Belicium oppidum Marchiæ 328
Iohannes Rex Bohemiæ ornauit ciuitates 96	Iohannis exercitus in Caſtris ad Croſnam proſti= gatur à Marchione 329
Iohannes Rex eiſcit Episcopum cum ſua factio= ne 101	Iohannes exhaurit ſuos ſubditos grauibus ex= actionibus ibidem
Iohannis Regis patientia erga Nancerum Epi= ſcopum ibidem	Iohannes ſeuit in ſuum Conſiliarium 330
Iohannis Regis interitus 104	Iohannes Veidanus cupit renunciari gubernator Hungariæ 237
Iohannes Turſo collega Episcopi Vratſlauenſ= is 222	Iohannes occupat armis Ducatum Glogouiien= ſem 325
Iohannes Rechenbergius eques Freſtadienſis floret in aula Sigismundi 226	Iohannes munit ſe contra Regem Mathiam 331
Iohannes Rechenbergius uictor in ludis eque= ſtribus 231	Iohannes non patitur ſe ſlecti ad pacem 332
Iohannes Piſbeccius eques Freſtadienſis floret in aula Poloniæ Regis Sigismundi 226	Iohannes ſacerdotes Glogouiæ poſtulat pecu= niam 333
Iohannes Rotus fuit ſapiens Episcopus 203	Iohannes Hanguiciuſ ingreditur Glogouiam 354
Iohannes Rotus Episcopus Vratſlauenſis cor= rigit ritus Eccleſiaſticos 214	Iohannes Polacus iniuſtus & ſæuus, conſtituitur Capitaneus Ducatus Glogouiienſis 359
Iohannes Rotus habuit magna certamina cum ſuis collegijs ibid.	Iohannes Polacus ſerit & fouet odiorum ſemina inter ordines Ducatus Glogouiienſis 360
Iohannis Roti Epitaphium 224	Iohannes Polacus acerbè oderat Glogouiam ob fidem præſtitam Regi Mathiæ 364
Iohanni Saganenſi traditur Ducatus Glogoui= enſis à Mathia 324	Iohannes oppugnat arcem Glogouiienſem 331
Iohannes Saganenſem Ducatum uendit Saxonie Principibus 317	Iohannes proiſcit ſtercora in arcem Glogoui= enſem 332
	Iohannes concutit grauiter ſuos ſubditos 334

I N D E X.

Iohannes recipitur in gratiam à Mathia Rege	335
Iohannes Senatum Glogouiensem insinuat se=	
ditionis	339
Iohannes munit Glogouiam ad tolerandam ob=	
dionem	340
Iohannes munit Glogouiam præsidio Bohemi=	
co	341
Iohannes atrociter scuit in Senatum & magi=	
gistratum Glogouiensem	ibid
Iohannes eiecitur ex Polonia	366
Iohannes cogit Sacerdotes suos ad peragenda	
sacra	367
Iohannis scurrilitas cum legeret nouum Sena=	
tum	342
Iohannis scurrilitas in colloquio publico	343
Iohanni indicitur bellum ab ordinibus Silesiæ	
	ibidem
Iohannes adducit Glogouiam milites austria=	
cos	344
Iohannes improspere dimicat cum Tetauro	
	ibidem
Iohannes deserit Glogouiam	345
Iohannis copie auxiliares dilabuntur	347
Iohannes uagatur exul	354
Iohannes Ducatum Glogouiensem resignat in	
manus Regis Mathiæ	356
Iohannes Polacus euertit Glogouiam	360
Iohannes Coruinus amittit Ducatum Glogoui=	
ensium	358
Iohannes Glogouiensis tyrannice & perfidiose	
perdidit Freistadium	352
Isabecus Magister equitatus Europæi apud Tur=	
cum late uastat Europam	182
Isidorus Cardinalis Kioniensis proficiscitur Con=	
stantinopolim ad defendendam urbem, con=	
tra Mahometum	147
Isocratis dictum de bellorum euentibus	171
Israélite fuerunt ductores Cimbrorum	14
Italia nostra etate horribili fame fuit oppressa	
	266
Italicæ Classis segnicies perdidit Vladislaum Re=	
gem	140
Italia abalienatur ab Imperio	117
Iubilæus celebratur in Silesia	178
Iudæi cur in totum mundum sint dispersi	14
Iudæus quidam capitur à Bernhardo Suidnicensi	
& mulctatur à Boleslao Brigenfi	95
Iudæi miserabiliter tractantur Lignicij	149
Iudæi fuerunt mixti Germanis	14
Iudæi non sunt recipiendi à Magistratu	150
Iudæi exusti Glogouiæ	312
Iudeorum Synagoga Glogouiæ euertitur à mi=	
litis Iohannis	314
Iulianus Cardinalis infelix mouet bellum in	
Bohemos	127
Iulianus Cardinalis Pontifex & Græci turbant	
pacem Turcicam	139

Iulianus Cardinalis perit post cladem Varnensis	
sem	142
Iulius Pontifex reconciliatur Venetis	229
Iuramentorum Religio est neruus humanæ	
cietatis	199

K

K ionia urbs ubi sita sit	28
Kionie urbis delitiæ	40
Kionia olim fuit patria Polonorum	35
Kobena uenit in potestatem Nobilis domini à	
Donau	91

L

L Adislaus Posthumus nascitur	132
Ladislao imponitur corona in cunis	ibid.
Ladislau Posthumus una cum Corona Regni Hungariæ mittitur ad Fridericum Cæsarem	134
Ladislau puer Romæ coram Pontifice perorat	146
Ladislau Posthumus Hungariæ & Bohemiæ Rex, Archidux Austriæ, Princeps Silesiæ	146
Ladislau dimittitur à Cæsare Friderico	ibid.
Ladislau Pragæ accipit coronam	148
Ladislau Strigoniensis Episcopus abundans pecunia cadit in prælio Mogatiensi	253
Ladislau renunciatur Rex Bohemiæ	134
Ladislau Rex ingreditur Vratislaviam	152
Ladislau inuisit Belgradum	155
Ladislau Rex reconciliatur filiis Huniadis	156
Ladislau Rex uenit Pragam	158
Ladislau Rex extinguitur	314
Ladislau Huniades afficitur supplicio	156
Ladislai Regis sermo de nece Ciliani	ibid.
Ladislai præceptor conijcitur in carcerem quod uoluerat ipsum subducere ex aula Cæsaris	146
Ladislai soror nubit Casimiro Regi	150
Ladislai Regis error	157
Ladislai Regis sponsalia	ibidem
Ladislai sponsa frustra accersitur	158
Ladislao creatur periculum à Legatis Pontificis	ibidem
Ladislau Rex pie expirat	160
Ladislai morituri sermo ad Georgium	159
Ladislai sepultura	161
Landeshuta occupatur à Iohanne Bohemorum Rege	106
Laurentius Episcopus contraxit letalem morbum ex odore rosarum	65

INDEX.

Laurentius Primus	382	Lithuanica gentis Religio	113
Lechus & Zechus Ductores Sclauorum	26	Lithuani coluerunt ignem sacrum	15
Lechi regnum placidum	27	Locticus Poloniae Rex criminatur Germanos a-	
Legati Pontificij ueniunt Vratislauiam	273	trociter	99
Legio nigra sequitur Mathiam Regem in Sile-		Locticus fuit inuisus omnibus Silesijs	275
siam	187	Locustarum agmina Silesiam & Poloniam in-	
Legio Christiana precibus suis impetrauit plu-		plent	195
uiam	21	Longobardi fugerunt regnum Sarmatarum	
Lemonij ueterum quomodo hodie nominentur	7		25
Leodium urbs solo aequatur à Carolo Burgun-		Longobardi inuadunt Pannoniam superiorem	
dico	174		301
Leo Episcopus exorat Attilam ut parcat urbi		Longobardorum regnum in Italia	25
Romæ	24	Longobardorum commendatio	301
Leo Pontifex tollitur ueneno	243	Longobardorum sedes ubi fuerint antiquitus	
Leonhardus Hassenheimerus Austriacus Dux Si-			25
lesiorum	136	Lubensis Respub: crescit sub Cesare Conrado	
Leonhardus Hassenheimerus plectitur capite		Saliquo	37
	144	Lubecensis Respub: capit multas naues	229
Leonhardus Primus	378	Lubena appellatio unde sit	7
Leonhardus Episcopus migrat Bicinam	ibid.	Lubena inflammatur à prædonibus Hussiticis	
Leo Pontifex putatur Turcos immisisse Hun-			127
garis	243	Lubena est urbs antiqua	286
Lepra seu Elephantiasis quando in Italiam im-		Lucilius instruxit Bibliothecam in schola Sile-	
portata sit	216	sia	378
Lescus Albus oppugnatur à Silesijs	58	Lucilius Primus	378
Lescus Albus offendit nobilitatem Poloniam ca-		Lucius Caesar in apparatu belli Germanici mo-	
stigatione seueriori	62	ritur	21
Lescus Niger Cracouiensis moritur	86	Lucretie filiae Alexandri Pontificis horribile	
Leubusienfis cœnobij exordium	40.286	Epitaphium	221
Leubense monasterium accipit nouos monachos		Lugidunum apud Herodotum	286
	57	Ludouicus Caroli filius gerit bella cum Polonis	
Lex Mosaiica cur fuerit promulgata	15	& Bohemis	28
Libusium oppidum capitur ab Henrico Quin-		Ludouicus Balbus excœcat Principem Sclau-	
to	45.288	cum	28
Lichenes & Elephantiasis morbi translati in		Ludouicus Rex Vngarus Orphanus contemni-	
Italiam	215	tur à suis	237
Lignicij appellatio unde sit	7	Ludouicus Hungariae & Poloniae Rex socer Si-	
Lignicium & Lubena instaurantur	57	gismundi Caesaris	113
Lignicium uicit Vratislauiam	273	Ludouicus Hungariae & Poloniae Rex, Poloniae	
Lignicium incenditur	71	regnum tradit genero Sigismundo	ibid.
Lignicium est urbs uetusta	286	Ludouicus Pragæ coronatur	226
Lignicensis Ducatus hodie est in potestate Hen-		Ludouicus Hungariae & Bohemiae Rex, Prin-	
rici filij Friderici Tertij	262	ceps Silesie	236
Lignicensis Senatus trucidatur	148	Ludouicus & Ferdinandus celebrant nuptias	
Lignicenses exoluerunt æs alienum sui Princi-			241
pis	100	Ludouicus Rex non impetrauit auxilia à Ger-	
Lignicensis Ducatus	261	mania	250
Lignicensis ager habuit Venas auri	104	Ludouicus frustra à patruo Sigismundo collo-	
Lignicensium Principum stirps	262	quium exposcit	251
Lignicensium Principum laudata nobilitas		Ludouicus fuit proditus à suis	252
	77	Ludouicus collocatur in primam aciem	ibid.
Lignicium perdidit Boleslaus Caluus	274	Ludouicus Rex suffocatur in aquis	253
Lignicium creuit interea dum Glogouia fuit		Ludouici Regis natalis	224
oppressa à suis Sacerdotibus	289	Ludouici Regis tutores	250
Lipsia urbis nomen quid significet	288	Ludouici Regis interitus	249
Ligurini Poëtæ encomion de Longobardis		Ludouici copiae exiguae	251
	301	Ludouici uox ante praelium	252

INDEX.

Ludouici sepultura	254
Ludouico Regi omnia euenerunt præter natu- ram	224
Lugiduni etymologia	287
Luij populi qui fuerint Ptolemæo & Strabo- ni	6
Lusatia sæpe mutauit dominos	55
Lusatia inferior recipitur à Georgio Rege	167
Lusatia brevis descriptio	264
Lutetia quibus Planetis subiaceat	282
Lutherus orditur instaurationem doctrinæ sa- cræ	238
Lutherus inchoatam semel telam magna animi constantia pertexit	239
Lutherus taxat indulgentias	ibidem
Lutherus Augustæ sistitur Caietano Cardina- li	239
Lutheri Confessio in Conuentu Vuormaticensi	242
Lutherus proscribitur à Casare & ducitur in Pathmon	243
Lutherus confundit Eccium Lipsiæ	370
Lygij habuerunt peculiarem cultum	15
Lygiorum appellatio comprehendit Silesios	6
Lygij qui fuerint	16

M

M Achinarum bellicarum ingens uiolentia	230
Magdalena filia Caroli Septimi Regis Gallie promittitur Ladislao Regi Hungarie &c.	157
Magistratuum segnitie & negligentia excitatur & confirmatur licentia & inobedientia in subditis	122
Magnus Primus Episcopus Silesiæ	380
Magog uocabulum quid significet	11
Mahometus incipit regnare	145
Mahometus Turcus accipit uulnus	154
Mahometus occupat Lesbion & Bosna Re- gnum	169
Mahometus inhiat Vualachie, Hungarie & Poloniæ	193
Mahometus cupit constituere Monarchiam	201
Mahometus latè uastat Prouincias Christiano- rum	182
Mahometus cedit Mathiæ uenienti	186
Mahometus frustra oppugnat Rhodum	202
Mahometi exercitus occupant Hydruntum A- pulie urbem	ibidem
Mahomethus Tyrannus Turcicus extinguitur	ibidem
Maiores nostros inquirere æquum est	11

Malsanij liberi Barones	263
Mamaluchi quales homines fuerint	237
Manimi ab Almanis	17
Mansionarij Glogouienses	313
Marcomanni sunt Moraui	5
Marcomannorum regnum quando coeperit	300
Marcomanni gesserunt bellum ingens cum Au- reliano Casare	22
Marcomanni unde sic dicti,	5
Marchia Noua detrahitur Polonis à Marchio- nibus	88
Marchia Austriaca à quo & qua occasione sit constituta	28
Marchiæ Misnensis & Brandeburgensis quan- do & à quo sint constitutæ & erectæ	29
Marchia & dignitas Electoratus donatur Friden- rico Burggraui Noribergensi à Sigismun- do Imperatore	121
Marchiones ex ruina regni Polonici amplifica- runt suas ditiones	264
Marchiæ ueteris ubertas	265
de Marchia noua acerrimæ fuerunt dimica- tiones, ideoq; aliquoties fuit crudeliter de- uastata	298
Marchiæ Misnensis, Brandeburgica, & Lusa- tica, quando sint constitutæ	302
Marcus Patriarcha & Cardinalis Aquilegien- sis ablegatur in Poloniam	183
Margaris Maximiliani filia repudiatur à Ca- rolo Octauo	203
Margarita Cilienfis sapienter respondet Iohan- ni petenti arcem	331
Margarita Cilienfis Glogouia migrat Guram	333
Margarita Cilienfis fuit sapiens foemina	314
Margarita Cilienfis moritur	335
Margarita Maximiliani filia dimittitur à Caro- lo Octauo Rege Gallie	240
Maria Burgundica qualem dotem Maximilia- no attulerit	239
Maria Burgundica extinguitur	203
Mariæburgum deditur per prodicionem	160
Maria Hungarica nubit Sigismundo	114
Marius delet numerosissimum Cimbrorum ex- ercitum	19
Maroboduus autor regni Marcomannici	21
Moritur in exilio	ibidem
Martha mulier Iudaica prædicit Mario uicto- riam	19
Martinus Arnoldus Glogouie capitur	360
Martinus Arnoldus Glogouie necatur	364
Martinus Dobergastius Freistadiensis	320
Martini Heluigij diligentia laudatur	260
Marsigni uel Marsi	6
Masilia urbs quando sit condita	13
Masilia fuit laudata propter studium doctrinæ & sapientiam Græcam importatam in Gal- liam	283

INDEX.

Massonia unde sic dicta	38	Mathias festinè castigat impudentem Poetam	ibidem
Mathias Huniades seruatur in custodia	157	Mathias & Vladislaus quibus conditionibus	201
Mathias Huniades ex carcere uocatur ad Regnum	161	transegerint	201
Mathias Huniades Hungariæ & Bohemiæ Rex		Mathias deuicit quinq; Bassas Turcicos	ibid.
Princeps Silesiæ	176	Mathias semper litigabat cum uicinis	203
Mathias ducit filiam Georgij	162	Mathias occupat Viennam	204
Mathiæ indoles	ibidem	Mathias occupat nouam ciuitatem	205
Mathias sedat seditiones in Hungaria	164	Mathiæ Ductores affligunt multos ordines Silesiæ	ibid.
Mathias infert bellum Friderico Imperatori	166	Mathiæ Sermo ad Legatum Baiazetis	206
Mathias recuperat Bosniæ Regnum	169	Mathias reconciliatur Principibus Saxoniæ & Marchiæ	206
Mathias uincitur & uulneratur in bello Valachico	172	Mathias meditatur bellum in Poloniam	206
Mathias infert bellum Georgio	172	Mathias irascitur Vratislauiæ	ibid.
Mathias grauiter affligit Georgium	175	Mathias Rex mittit equites Pannonios in Silesiam	329
Mathiæ & Georgij Regum congressus	ibid.	Mathias Rex conatur eripere Iohanni Ducatum Glogouensem	331
Mathiæ Regis ingenuitas	176	Mathias irascitur Iohanni	334
Mathias fuit peritus latine linguae	162	Mathias meditatur bellum in Poloniæ Regem	356
Mathiæ Regis liberalitas	179	Mathias diuinitus fuit excitatus ad reprimendum Mahometum Turcicum	207
Mathias habuit plures eosq; potentissimos hostes	180	Mathias Rex mittit exercitum in Silesiam aduersus Iohannem	340
Mathias uastat Austriam usque ad Bauariam	189	Mathias moritur ex Apoplexia Viennæ	206
Mathias renunciatur Rex Bohemiæ	177	Mathiæ Regis uirtutes	207
Mathias uenit Vratislauiam	ibidem	Mathiæ responsum ad Legatum Mahometi	208
Mathiæ Regis ingenium apertum	178	Mathias peccauit Iracundia	ibidem
Mathias respuit titulum Imperatoris in bello Turcico	180	Mathias amauit studia	ibidem
Mathias multat Episcopos sui regni	183	Mathias detestabatur auaritiam & uitia Episcoporum	208
Mathias uastat Poloniam	185	Mathias fuit peritus diuinationum Physicarum	209
Mathias denuo uenit Vratislauiam cum exercitu	187	Mathias dilexit Regiomontanum	ibid.
Mathiæ sermo ad Episcopum Vratislauiensem	ibidem	Mathiæ conuiuia fuerunt honesta	ibid.
Mathiæ castra ad Vratislauiam	188	Mathiæ Regis iudicium de facto Alphonsi Regis Neapolitani	210
Mathiæ uox de exercitu Regum hostium	ibid.	Mathias oderat Calumnias	ibidem
Mathiæ Ductores uastant Poloniæ oras	189	Mathias quale Symbolum usurpauerit	211
Mathias exercitum Polonorum pascit	ibid.	Mathias recuperat Regnum Prosnæ, quod Mahometus Regi Stephano ui eripuerat	169.
Mathias paciscitur inducias cum Regibus	ibid.		170
Mathias multat Principes Silesiæ	192	Mathiæ ingenium apertum	178
Mathias Olsnicensem Ducatum ad se transfert	193	Mathias profligatur ab Henrico Monsterbergensi	178
Mathiæ promittitur coniugium Beatricis filie Ferdinandi Regis Neapolitanorum	193	Mathias fuit carus uiris doctis suæ ætatis	211
Mathias offendit Silesios	ibidem	Mathiæ figura & temperamentum	212
Mathias Sabaciam arcem eripit Mahometo	194	Mathias non fuit gratus urbi Vratislauiensi	279
Mathiæ singulare symptoma accidit in oppugnatione arcis Sabaciæ	ibidem	Mathiæ Regis Consiliarij intercipiuntur in Silesia	328
Mathias Rex celebrat nuptias	195	Mathias ornauit Glogoniam	358
Mathias accipit sumtus in bellum Turcicum ex Italia	196	Mathiæ Regi Glogoniæ peraguntur exequiæ	ibidem
Mathiæ conferuntur insignia regni Bohemiæ à Cesare Friderico	198	Mathiæ Regis iudicium de gente Silesia	392
Mathias Rex fuit peritus latine linguae	199	Mathias capit Victorinum Regis Bohemiæ filium	178
Mathias in disceptatione de pace appositè respondet legatis Casimiri Regis	198		
Mathias & Vladislai Regum congressus in urbe Olomucensi	200		

Matres

INDEX.

Matresfamilias Silesiæ	268	Meraniæ Ducatus ubi fuerit	73
Mauricius Dux Saxonis diuinitus protegitur	63	Mesericium oppidum capitur à Silesijs & Hungaris	189.320
Maximilianus creatur Cæsar	205	Methensis Episcopus bello capitur à Friderico Palatino Rheni	169
Maximilianus detinetur à Bruggensibus	205	Methodius Apostolus Morauorum	30
Maximilianus Cæsar recuperat Austriam	212	Methone capta à Baiazete	221
Maximilianus occupat Albam Regalem	ibid.	Michael Glincius uincit Tartaros	224
Maximiliano promittitur successio in regno Hungariæ	213	Michaelis Glincij historia	225
Maximiliano despondetur Maria Burgundica per literas	191	Michael Silagio auunculus Mathiæ Regis Hungariæ	161
Maximilianus occupat Veronam, Vicentiam, Brixiam, Patavium	227	Mieslesia arx Episcopi Vratislaviensis, occupatur à Iohanne Bohemorum Rege	101
Maximiliani Cæsaris Sermo de seipso & Iulio Pontifice,	229	Mieslaus Cæcus recipit uisum	29
Maximilianus conatur reconciliare Moschos cum Polonis	236	Mieslaus Primus Princeps Christianus in gente Sarmatica	29
Maximilianus Cæsar familiam Austriacam ad summum gradum dignitatis & honorum euexit	239	Mieslaus & Poloni accipiunt fidem Christi	30
Maximiliani responsum datum Legatis Venetis bellum ipsi denunciantibus	240	Mieslai Primi bella & mors	33
Maximilianus parat bellum in Vladislaum	224	Mieslaus Secundus Rex Poloniæ	37
Maximilianus expetit amicitiam Moschi	231	Mieslaus Secundus imbecillis Rex	ibid.
Maximilianus Cæsar & Henricus Angliæ Rex superant prælio Ludouicum Galliæ Regem	232	Mieslaus Senex Ethnarcha	56
Maximilianus liberat Moschos captiuos	234	Mieslaus Mesouiensis discerpitur à muribus	66
Maximiliani Cæsaris & Regum Hungariæ atq; Poloniæ conuentus	234	Misena urbs occupatur à Boleslao Rege Polonorum	35
Maximiliani & Sigismundi salutatio	235	Misnia unde nomen acceperit	5
Maximilianus iniuit pacta de successionibus cum Regibus	ibidem	Misse præbuerunt causam ad multa mala	313
Maximilianus deliberat de bello Turcico	239	Mogaticense prælium	252
Maximiliano eripitur sponsa à Gallo	240	Monachorum diuersa examina unde prodierint	43
Maximiliani Cæsaris mors & eius uirtutes	239	Monachi liberantur ex monasterijs	245
Maximilianus Secundus ingreditur Vratislaviam	152	Monarchiæ Romanæ quæ gens fatalis fuerit	22
Maximi Tyrij apophthegma de aulis	48	Monasterium Henrichouienſe erigitur	61
Mechelburgenses Duces crescunt potentia sub Conrado Saliquo	37	Monasteriorum Glogouienſium fundatio	290
Mechtildis Saxonie Ducis filia inuitat Nobilitatem Germanicam in Silesiam	90	Monasterium Bernhardinorum extructum à Margarita Ciliense	315
Mechtildis Henrici Tertij Glogouienſis coniunx fœmina sapiens	92	Monasterium Bernhardinorum ad arcem Glogouienſem destruitur	341
Mechtildis exornauit Freistadium	294	Monsterberga occupatur à Ducibus Vratislaviensium	173
Meccenas dat Augusto Cæsari salutare consilium	275	Monsterbergensis Ducatus peruenit in potestatem Regum Bohemiæ	106
Mechouius celebris Astrologus	234	Monsterbergensis Ducatus	261
Medi unde sint & eorum sedes	11	Monsterbergensium Principum origo	168
Mediolanensis Ducatus recipitur à Carolo Quinto	243	Monsterbergensium Principum stirps	262.168
Melchior Dreßimarchius absoluitur	362	Monsterberga occupatur à Ducibus Mathiæ Regis	355
Melchior Löbelius uastat Poloniam maiorem	189	Monetæ argenteæ usus cœpit in Polonia	90
Melancholiæ morbus, est πᾶθος heroicum	510	Moneta Vratislaviensis sancitur	321
Mercimonia Silesiæ	268	Monetæ mutatio in Ducatu Glogouienſi	318
		Montes Riphei Silesiæ	5
		Monumentorum ueterum in Silesia magnam esse penuriam	3
		Morau & Bohemi inserti Ecclesiæ	30
		Morauia accipit novos colonos	26
		Morauia fit Prouincia Bohemici regni	43
		Morauia fuit nudus & commune receptaculum Anabaptistarum	370
		Moschi cumulant Idola & superstitionem	33
		Moschi	

INDEX.

Moschi latissime depopulantur Poloniam	38
Moschi apud Apollonium	9
Moschi & Paphlagonες apud Herodotum	10
Moschi à Mesech	11
Moschi inferuntur Ecclesie Græcorum	32
Moschi profligant Polonos	50
Moschi uastant Lithuaniam	221
Moschus, uocabulum, unde sit	11
Musica omnibus ætatibus in sacris est adhibita	214
Myri apud Homerum	9
Myri & Paphlagonες apud Herodotum	ibid.
Myri fuerunt Lydij	12
N	
Nancerus Primus	384
Nancerus fuit Episcopus nimis asper	ibid.
Nanceri Episcopi importunitas	101
Nancerus moritur in exilio	102
Naharnari incole Masonie	7
Narcisorum sedes	5
Nauarrus capitur à Gallis	230
Naxianzenus Olympius præses laudatus à Gregorio Episcopo	393
Neapolitanum bellum motum à Carolo Octauo Gallie Rege	215
Neustadium	299
Neustadium conflagrât	320
Neustadium occupatur à militibus Iohannis Glogouensis	329
Nicolaus Dreißmarchius conciliat Margaritam cum Iohanne	333
Nicolaus Salmenfis ducit exercitum in Hungariam contra Veidanum	256
Nicolaus Princeps Opoliensis Nisse plectitur capite	218
Nicolaus Opoliensis turpiter uixit	218
Nicolai Quinti Pontificis thesaurus	153
Nicolaus Schombergius Legatus Pontificis ad regnum Hungarie	297
Nicolaus Schombergius offendit Maximilianum Casarem	238
Nicolaus Episcopus Madrusiensis male rem gerit in Aula Regis Mathie	210
Nicolaus Agricola ciuis Glogouensis plectitur capite	362
Nicolaus Storch, Magister Monetarij, Anabaptista	370
Nicopolienfis clades	116
Nissa fluxit sanguine	83
Nissa peruenit ad Episcopatum Vratislauensem	58.263
Nissa defenditur contra Hussitas	125
Nissensis ager uastatur à Vladislao Polonie Regem	132
Nissensis ducatus	261

Nea quam terra regionem post diluuium occupauerit	8
Nobilitatis equestris officia	263
Noëma pulcrum quod Mathias Rex iubet nunciari Casimiro Polonico	199
Nomina sunt fatalia	238
Noricum apud Homerum	9
Norhualli Boreales Vandali	17
Nouesium qua occasione obsessum sit à Carolo Burgundico	191
Nouosorum oppidum incenditur	79
Nouosorum occupatur à Bohemis	165
Nouogrodum urbs amplissima capitur à Moscho	261
Nox natalis Domini celebris propter glaciem	222
Nuncensis ager oppignoratur Bernhardo Suidanensi pro captiuo Iudeo	95
Noua terra seu America quando & à quo primum sit inuenta	216
O	
Odera fluuius unde nomen acceperit	5
Oeconomie Silesie	268
Olauia recipitur à Vratislauenfisibus	126
Olshnicensem Ducatum Mathias Rex ad se pertrahit	192
Olshna urbs Silesie occupatur à prædonibus	115
Olshnicensis Ducatus	261
Olshnicensis ditio iurat, in uerba Mathie	139
Olshnicensis ditio quando uenerit in manus Principum Monsterbergensium	262
Opicius Colo uir turbulentus	327.351
Opicius Colo accendit bellum Glogouense	338
Opicius Colo Glogouie scuij pro arbitrio	344
Opicius Colo cum contumelia excluditur Glogouia	356
Opoliensium Principum origo	80
Opoliensis Ducatus	261
Opolienses Principes negant auxilia Iohanni Glogouensi	340
Ordo Teutonicus Marianorum quando, & qua occasione coeperit	61
Item quo tempore in Prusiam immigrarit	ibid.
Ordo Teutonicus Polonie optimam operam nauauit, sed malam gratiam retulit	82.298
Otto Primus quando Imperium Romanum gubernarit	3
Otto Secundus discit literas in collegio Hildeshemensi	31
Otto Tertius Imperator proficiscitur Gnesnam	33
Otto Tertius ornauit Boleslaum dignitate Regia	34
Otto Tertius instituit ordinem Electorum in Germania	ibidem
Otto	Otto

Otto Canellarius Henrici Sexti, Apostolus Po-	73
meranorum	73
Otmachania Silesiæ quando sit munita	91
Otmachania per fraudem occupatur ab Hufsi-	126
tis	126
Otmachouienſe Collegium quando & à quo ſit	385
erectum	385

P

P alatini Poloniæ	29
Palatinus Rheni coepit multos Principes	169
Pannoniæ ſtatus qualis nunc ſit	67
Pannonica lingua affinis græcæ	6
Pannoniæ ſtatus qualis fuerit poſt necem Regis	254
Ludouici	254
Partes Annalium	2
Partus monſtroſe fœcundus	83
Patriam amare eſt uirtus	1.3.292
Patriæ ſitus eſt cognoscendus	260
Patriæ euentus ſunt aulces	261
Patriæ debetur gratitudo	285
Paulus Diaconus autor Paralipomenon Eutro-	22
pji	22
Paulus Secundus concitat bellum in Bohemiam	170
Paulus Tomoreus Monachus bellator	251
Pax quibus de cauſis ſit colenda	355
Pecorum mira uilitas	113
Penuria ueterum monumentorum	3
Periodi fatales regnorum	32.115
Perſæ non coluerunt Simulachra	15
Perſicæ Monarchiæ initium aſperum	12
Peruſus eques Lichenes in Italiam primus in-	215
tulit	215
Peſtilentia uniuerſalis	107
Peſtilentia grauis	311
Peſtilentiæ contagia unde aſſerantur in Sileſi-	315
am	315
Petri Dani ingenium	49
Petrus Danus miſerabiliter mutilatur	52
Petri Dani mors & mores	ibid.
Petrus Polacus latro nobilis capitur à copijs Suid-	128
nicienſium & Vratiſlauienſium	128
Petri Dani hiſtoria	272
Petrus Danus exornauit Vratiſlauiam	393
Petrus Primus	379
Petrus Glogouienſis tyrannicè tractatur à Pola-	363
co Prefecto Glogouienſi	363
Petrus Primus fuit familiaris Stanislao Cracoui-	379
enſi	379
Petrus Secundus dictus Nouack	385
Philippus Imperator interficitur ab Ottone Vi-	73
telsbachio	73
Philippus Burgundiæ Princeps capitur in pu-	116
gna ad Nicopolin	116
Philippi iudicium de ingenijs Sileſiorum	264

Philippi piæ cogitationes de Iſraëliſis ductori-	14
bus Gottorum & Henetarum	14
Pirchameri Norimbergēſis hiſtoria de reliquijs	ibid.
Gottorum in Taurica Cherſineſo	ibid.
Piaſtus ciuis Cruiſuicēſis autor ſtirpis Regiæ in	28
Polonia	28
Pilſna tentatur à Ducibus Vladislai Regis Bohe-	158
mici	158
Piſcarij fortiſſimi Ducis obitus	249
Pius Senenſis Pontifex	163
Pius Pontifex damnauit Caſimirum	166
Pius Senenſis donat Vratiſlauiæ Iubilæum	ibid.
Pius Senenſis denuo perſequitur Georgium Re-	169
gem	169
Pius Senenſis moritur	170
Pius Senenſis excitat funeſtum bellum ad Rhe-	168
num	168
Plutarchus de bello Cimbrico crudeliſſimo	19
Polacus ſeuit in ciues Glogouiēſes	362
Polcouicium	299
Polcouicium oppidum conflagrat	314
Polycrates Samius recuperauit Smaragdum pro-	211
iectum in mare	211
Poloniæ gentis ſedes quæ fuerint antiquitus	25
Poloniam adoriuntur Hungari	27
Poloni coniungunt ſe cum Hungariſ aduerſus	28
Germanos	28
Poloni quando acceperint religionem Chriſtian-	29
nam	29
Poloni nobiles ſunt impatientes caſtigationum	38
Poloni qua de cauſa capita ſua radant	39
Poloni proſugantur à Moſchis	50
Polonica gens Ordini Teutonico multis nomini-	82
nibus gratiam debet	82
Polonia denuo creat Regem	88
Poloniæ regnum ab Episcopis eſt euerſum	95
Polonia uaſtatur à Iohanne Bohemorum Rege	98
Poloni ſæpè rumpunt fœdera & pacta inita cum	100.104
Cruciſeris	100.104
Polonici ſcriptores fuerunt iniqui Mathiæ	211
Poloni cæduntur à Stephano Valachiæ	217
Poloni capti à Stephano uenduntur in Turciam	218
Polonici oratores ualde offendunt Sigismundum	123
Cæſarem	123
Poloni dicti à Camporum planicie	26
Polonia duriter fuit afflicta exulante Caſimiro	38
Poloniæ Reipub. ſtatus miſerabilis	87
Poloniæ Regnum euerſum eſt à Romano Ponti-	42
fice	42
Poloniæ regnum turbatur cieſto Sigismundo	114
Poloniæ & Bohemiæ Reges congregiuntur Vra-	118
tiſlauiæ	118
Poloni in Bohemia funduntur	152
Polonorum caſtra inuaſit incendium ad Vrati-	189
ſlauiam	189
Polonica	

INDEX.

Polonica gubernatio similis fuit olim seruituti	275
Poloni nolunt conferre pecuniam ad structuram templi D. Petri Romæ	227
Poloni sternunt Tartaros	231
Poloniæ regnum fit tributarium Romano Imperio	34
Polocensis ditio occupatur à Moscho	57
πολυπράγμοσύνη semper fuit infelix	93. 136. 172. 338. 196
Pomerania uenit in potestatem Marchionum Brandenburgensium	57
Pomerani fuerunt perpetui hostes Polonorum	303
Pompilius Princeps Polonorum discerptus à muribus	28
Pontifex Romanus facit sibi regnum Poloniæ tributarium	39
Posuania capitur à Bohemorum Principe Bistisla	38
Pontificiorum quæstorum magna fuit impudentia olim	238
Pontifex Romanus inflammat bellum in Polonia	64
Pontificum spiritus quanti olim fuerint	167
Pontifex conatur traducere in suam potestatem regnum Hungariæ	238
Precia rerum ferme manent eadem in mundo	26
Pretislaus Primus	384
Pragensis Academia migrat Lipsiam	116
Pragensis seditio aduersus Vladislaum	204
Pragensis seditio in Vladislaum & Ludouicum	226
Praga Metropolis Bohemiæ capitur à Henrico Tertio	39
Pragam olim non fuisse minorem Florentia	108
Pragensis Senatus trucidatur à Seditiosis Hussitis	122. 204
Praga obsidione cingitur à Sigismundo Imperatore	124
Praga splendide fuit exornata à Carolo Quarto Cæsare	277
Primislaus Posthumus Princeps Poloniæ Maior tandem quoque Poloniæ Rex, nascitur	81
Primislaus Princeps Poloniæ Maioris Pius & iustus moritur	81
Primislaus, Princeps Poloniæ Rex trucidatur	88
Primislaus Poloniæ Rex iugulat suam coniungem	ibid.
Primislaus Glogouiensis non discedit à Polonia	97
Primislai Glogouiensis industria & fortitudo	308
Primislaus Glogouiensis moritur	97

Primislaus Princeps Scholasticus Glogouiensis moritur	328
Primislaus Sprottensis extinguitur	306
Primislaui	299
Principes Glogouienses	90. 92. 107. 112. 118. 130
Principum Lignicensium & Bregensium origo	28
Principes Lignicenses	105. 109. 118. 139
Principum Silesiæ Origo unde sit	55
Principes Vratislauienses & Lignicenses	93
Principes Saganenses	131
Principes Suidnicenses	90. 14
Principes Silesiæ & Masoniæ excluduntur à Regno Poloniæ	115
Principes Silesiæ Olsnicenses & Stinauienses	130
Principes Suidnicenses	104
Promicij liberi Barones	263
Prosper Columna Dux Caroli Quinti	243
Prostha pagus exurit	346
Prothasius Episcopus Olomucensis ablegatur ad Casimirum Polonum	173
Prusiæ ueteres incolæ	36
Prusica gens discedit à suo magistratu	151
Prutenici belli semina	150
Prutenis donantur magnæ immunitates à Rege Poloniæ	151
Prusica auellitur ab Imperio Romano	171
Psalmi querela de Moschis & Turcis	11

Q

Quadorum sedes	5
Quadi unde dicti	17
Quadi ex Silesia progressi sunt in Heluetiam & Galliam	269
Quadi non cesserunt Romanis	22
Quadi oppugnarunt Valentinianum	ibid.
Quadorum & Marcomannorum uirtutes & uires	22
Quadragesimæ Ieiunium mutatur	273
Queissæ fluuij fontes ubi sint	261

R

Rascij ueniunt ad Glogouiam	345
Ratiborienses Principes mulctat Mathias Hungariæ Rex	192
Rasciæ aliquot oppida recipiuntur à Mathia Rege	170
Rascianorum captiuorum à Turcis magna cæterua liberatur à Mathia	169
Ratiboriensis Ducatus ubi sit	261
Ratibo-	

INDEX.

Ratiboriensis & Tropauensis Ducatus	261
Ratiboriensis Collegij fundatio	333
Ratiboria obsidetur ab Henrico Probo	86
Rauennate praelium	131
Regiomontanus diligitur à Mathia Rege	209
Recenum oppidum Silesiæ occupatur ab Henrico Cesare	46
Regnum Poloniæ fuit tributarium Imperio Romano	34
Regum congressus Cracouiæ	110
Religio uera est anima Reipub.	376
Religionis status sub Mieslao Principe Christiano	31
Religionis dissidia non sunt decernenda armis	339
Religio in toto orbe terrarum commutata est	238
Res Lignicenses	148
Respublicæ Silesiæ	268
Rhetia quando sic occupata à Sueuis	5. 20
Rhodus occupatur à Solymanno Imperatore Turcico	244
Risnorum familia unde sit orta	62
Riphaei à Riphath & sunt Sarmatæ	11
Riphaei sunt Heneti	ibid.
Riphaei montes Silesiæ à populis Riphæis	5.
	27
Ritus obseruatus à nobilitate in templis	32
Rixa neptis Ottonis Tertij despondetur Mieslao filio Boleslai	34
Rixa Regina Vidua cum filio Casimiro proficiscitur in exilium	38
Rixa exul seruauit regnum Poloniæ	39
Rixa moritur in Germania	ibidem
Rodiezana moritur	180
Rodolphus Legatus Pontificius uenit Vratislaviam, eamq; armat contra Bohemos	170
Rodolphus Legatus Pontificius eligitur in Episcopum Vratislaviensem	173
Rodolphus Legatus Pontificius dona sibi oblata offert Magistro Ordinis	117
Rodolphus Episcopus Primo uenit Glogouiam	318
Rodolphus Episcopus excluditur à Glogouia	324
Rodolphus Primus	386
Rodolphus Saganensis uictor cadit in acie	314
Roma quanto spacio distet à Tybure	210
Roma capta à Gallis	19
Roma capta à Gotthis & Vandalis	23
Rugiorum sedes ubi sit	7
Rupertus filius Venceslai Solus Lignicij dominatus est	109
Rupertus Comes Palatinus Rheni renunciatur Imperator	117
Rupertus Primus	380
Rusticane seditionis semina	245
Rusticana seditio in Germania	248

Rythmi de ciuitatibus Ducatus Glogouienfis	318
Rythmi in Iohannem exulem	319

S

S Abaca arx expugnatur à Mathia Rege Hungariæ	194
Sacarum apud Herodotum etymologia & sedes	9
Sacerdotis Lygij habitus peculiaris	15
Sacerdotes fuerunt Mariti	31
Sacerdotum collegium ex urbe Glogouia in insulam suburbanam transfertur	83
Sagane appellatio unde sit	7
Saganensis Ducatus	262
Saganum incenditur à Iohanne Pribusensi	317
Saganensis turris ruina	318
Saganum occupatur à Iohanne Pribusensi	315
Saganensis Ducatus uenit in potestatem Principum Saxonie	317
Saganensis Ducatus constituitur	311
Saganum fuit tranquillum & foelix sub principibus Saxonie	317
Saganum incendio perit	336
Sal quo utitur Silesia	267
Salome Glogouienfis despondetur Alberto Monsterbergensi	336
Salome Glogouienfis moritur	33. 305
Salome Pohnaniensis mulier sapiens & pia, cuius consilio exornata fuit Glogouia	289
	290
Salome Stinauiensis moritur	357
Sancti in hac uita circumferunt multos neuos & peccata	76
Sancti Stanislai apotheosis	380
Sanctorum hominum memoria retinenda est	72
Sancti quomodo sint honorandi	72. 77
Sarmatæ apud Herodotum	10
Sarmatarum Imperium in Lygios uel Silesios quando coeperit	24
Sarmatarum sedes quæ fuerint antiquitus	26
Sarmatarum uicini qui olim fuerint	27
Sarmatica gens non fuit studiosa ædificationum	286. 291
Sarmatæ sunt egressi ex Moscouia in Poloniam & Silesiam	25
Sarmatæ fuerunt Heneti non Scythæ	ibid.
Sarmatæ se nominarunt Sclauos	26
Sarmatici regni initium post mortem Attile	24
Saxonum in puniendis libidimibus prohibitis iusta seueritas	18
	Saxonica

INDEX.

<i>Saxonica gens flectitur ad agnitionem Dei à</i>		<i>Sigismundus Creatus Caesar</i>	119
<i>Carolo Magno</i>	30	<i>Sigismundus Caesar Burggrauium Noricum col-</i>	
<i>Sæuitiæ inhumana exemplum</i>	233	<i>locat in Marchiam</i>	121
<i>Sbigneus mouet bellum contra patrem</i>	43	<i>Sigismundus Caesar amittit Mariam coniugem</i>	116
<i>Sbigneus denuo exulat</i>	45	<i>Sigismundus excutitur ex Polonia</i>	113
<i>Sbigneus reuocatus ab exilio domi necatur à</i>		<i>Sigismundus Caesar desertur Venetias</i>	116
<i>fratre</i>	48	<i>Sigismundus Caesar capitur</i>	117
<i>Sbigneus Cardinalis moritur</i>	153	<i>Sigismundi Caesaris secunda coniunx</i>	ibid.
<i>Schencius Marchicus necuit suis dominis</i>	324	<i>Sigismundus Imperator Hungariæ & Bohemiæ</i>	
<i>Sclauorum Imperium in Silesia quando cœperit</i>		<i>Rex, Princeps Silesiæ</i>	122
<i>& quandiu durauerit</i>	25	<i>Sigismundus Caesar uenit Vratislauiam</i>	123
<i>Sclauus dicitur à nobilitate</i>	18	<i>Sigismundus Caesar offendit Polonos</i>	ibid.
<i>Sclau delentur in Mifla & ad mare Balthicum</i>		<i>Sigismundus Caesar infert bellum Bohemiæ</i>	124
	53	<i>Sigismundus Caesar abalienat Vitoldum à fratre</i>	
<i>Sclaui sero acceperunt religionem Christiana-</i>		<i>Vladislao</i>	126
<i>nam</i>	29	<i>Sigismundus Caesar proficiscitur Romam</i>	128
<i>Sclauorum regnum ab initio fuit inops</i>	301	<i>Sigismundus Caesar plectit cines seditiosos Vra-</i>	
<i>Sclauonici regni Periodus</i>	302	<i>tislauiæ</i>	123
<i>Scriptiōis & literarum usum perexiguum</i>		<i>Sigismundus Caesar potitur regno Bohemiæ &</i>	
<i>fuisse apud Maiores nostros</i>	18	<i>moritur</i>	129
<i>Scythæ fuerunt diuersi à Cymbris</i>	10	<i>Sigismundus migrat Glogouiam</i>	222
<i>Scythæ à Magog</i>	11	<i>Sigismundus Glogouia uocatur ad regnum Po-</i>	
<i>Secechus superbus aulicus</i>	43	<i>loniæ</i>	225
<i>Secechus eijcitur in exilium</i>	44	<i>Sigismundus Poloniæ Rex dilexit Glogouiam</i>	
<i>Seditiosorum supplicia in urbe Vratislauenfi</i>	227		368
<i>Selenus multos concutit in Lusatia inferiore</i>	330	<i>Sigismundus erexit grandia uestigalia</i>	225
<i>Selenus Bohemus uenit in Silesiam missus à Ma-</i>		<i>Sigismundus ducit Barbaram Transsylvaniam</i>	231
<i>thia contra Iohannem</i>	329	<i>Sigismundus ad Borysthenem Moschos fundit</i>	234
<i>Selimus per parricidium inuadit regnum</i>	230	<i>Sigismundus Freistadiensis moritur</i>	314
<i>Selimus quæ de causa Legatos Hungaricos deti-</i>		<i>Sigismundus Caesar grauiter cæditur à Calepino</i>	
<i>nuerit</i>	242	<i>Turco</i>	119
<i>Selimus aspernatur conuentus Christianorū</i>	236	<i>Sigismundus conatur sibi clam cōciliare Zischam</i>	
<i>Selimus parat bellum in regna Christianorum</i>	239	<i>Husitarum ductorem</i>	125
<i>Selimus deleto regno Mamaluchorum occupat</i>		<i>Sigismundus Caesar infelicitè rem gerit contra</i>	
<i>Ægyptum</i>	236	<i>Turcos</i>	123. 126
<i>Selimus gessit asperissima bella</i>	ibid.	<i>Sigismundus Casimiri Poloniæ Regis filius à</i>	
<i>Selimus in Thracia extinguitur lue</i>	240	<i>fratre resignatur Dux Glogouiensis &</i>	
<i>Selimi uictoria in Syria & Ægypto</i>	236	<i>Tropauensis</i>	219
<i>Selimi parricidia horribilia</i>	231	<i>Sigismundus Tartaris numerat stipendia, ut</i>	
<i>Selimi pugna acerrima cum Persis</i>	234	<i>Moschos bello urgeant</i>	232
<i>Semouitus Princeps Sclauorum felix</i>	28	<i>Sigismundo Regi Poloniæ optimè monenti non</i>	
<i>Sena Italiæ condita à Senonibus</i>	19	<i>obtemperatur ab Hungaris</i>	242
<i>Senones à pietate & cultu Sacro dicti</i>	4	<i>Sigynæ Herodoti qui sint</i>	287
<i>Senonum sedes quæ fuerit antiquitus</i>	ibid.	<i>Silesia alia superior alia inferior</i>	264
<i>Serui in Comædijs</i>	6	<i>Silesiæ etymon</i>	55
<i>Siccitas aëris inusitata</i>	183	<i>Silesiæ delineatio</i>	261
<i>Siciliæ ubertas</i>	265	<i>Silesiæ longitudo & latitudo</i>	ibid.
<i>Syginae sunt Vandali</i>	16	<i>Silesiæ positus ad cœlum</i>	264
<i>Sigfridus Promicius præfectus Ducatus Glogo-</i>		<i>Silesiæ ubertas</i>	1.4.265. 266
<i>uienfis</i>	317	<i>Silesia studia & Ecclesiæ</i>	267
<i>Sigismundi ab Herberstein sententia de uctu-</i>		<i>Silesiæ Ducatus</i>	261
<i>sta Polonorum sede, & nominis etymolo-</i>		<i>Silesiæ tabula Chorographica</i>	2
<i>gia</i>	26	<i>Silesiæ fines describuntur</i>	309
<i>Sigismundus Marchio Brandeburgensis eligitur</i>		<i>Silesiorum ingenia</i>	264
<i>in Regem Poloniæ</i>	113		

INDEX.

Silesia qua occasione assiduis bellis & miserijs fit concussa	35	Silesia est exposita uentis Aquilonaribus & Occidentalibus	264
Silesia inferior diripitur à Bohemis	43	Silesia fuit immunis à furoribus Rusticorum	281
Silesia diuiditur inter filios Vladislai	55. 78	Silesia urbes pleræq; sunt recentes	286
Silesia uastatur & affligitur fame & peste	61	Silesia fit socia regni Bohemici	265
Silesia implicatur bello ciuili & funesto	78	Silesia sub regno Sarmatico coacta fuit accipere leges & linguam Sclauonicam	285
Silesia status fuit felix Imperante Carolo Casar re	109	Silesia quoq; fuit sub seruitute Attile	301
Silesia status miserrimus tempore irruptionum Husiticarum	131	Silesia olim ante regni Sarmatici initia pulcrâ fuit exulta	302
Silesia egre fert electionem Georgij Podiebra cij	162	Sarmatica gens adducitur ad agnitionem Chri sti	29
Silesia grauiter fuit afflicta à militibus Regis Mathie	187	Silesia accipit primos suos Principes	304
Silesiorum diligentia & sedulitas	268	Silesia misere fuit concussa furijs suorum Prin cipum	305
Silesia adiudicatur Bohemie ab Ottone Tertio Imperatore	270	Silesia fuit exulta ab Urbano Episcopo Smo grensi	377
Silesia distribuitur inter filios Vladislai	272	Silesia à Rodolpho Legato Pontificis accenditur in Bohemos	171
Silesia quibus causis impulsâ associauerit se regno Bohemie	274. 275	Silesia studio pietatis & honesta disciplina ex cellit	1
Silesia unde sit dicta	55	Scholarum & collegia quo consilio olim sint con stituta	31
Silesia calamitates ingentes	94	Silesia floruit sub Imperio Ferdinandi	391
Silesia uiri aliquot clari propter doctrinam	390	Silesia abundat multitudine hominum	267
Silesia nobilitas huc migravit ex Germania Pro uincijs	59. 89	Silesia amat munditiem in uictu	268
Silesia & Germania ueteres urbes quales esse soleant	287	Silesia ad Hammouiam profligant auxilia Iohannis Glogouiensis	546
Silesia motus sub Venceslao Casare	115	Silesia fuit neglecta ab historicis	2
Silesia & Poloniae inimicitie	131	Silesia inserta Ecclesie Christi	2. 3
Silesia populus trucidatur in finibus Bohemie	174	Silesia traditur Bohemis ab Imperatore Henrico Tertio	39
Silesia bene fuit sub Ferdinando Rege	255	Silesia ueteris uestigia in nominibus	7
Silesia præfectus generalis	264	Silesia ueteris descriptio ex Tacito & alijs au toribus	4
Silesia redditur Polonis	40	Silesia Ducatus magna ex parte peruenerunt in potestatem regum Bohemicorum	265
Silesia grauiter uastata à Bohemis	49. 51	Silesiam esse matrem benignam	265
Silesia accepit colonos ex Germania	56	Silesia oppida sunt populosa	267
Silesia affligitur à latrocinijs	143	Silesia genuit Principes præstantes	3
Silesia & Poloni profliguntur à Borusis	56	Silesia ornamenta	1
Silesiorum & Polonorum distractio & earum origo & causa	95. 131	Silesia gentis prima origo	3. 7
Silesia fuit regio Poloniae	3. 265	Sittauia mulcatur pecunia ab Henrico Mon asterbergensi	178
Silesia incenditur à Legato Pontificio in Bohe mos	171	Sixtus Pontifex cumulat iubileos	195
Silesia iurare solet in uerba Regis præsentis	150	Smogrensis Episcopatus	31
Silesia accipit munus à Pontifice	79	Smolencensis ducatus traditur Moscho	225
Silesia redacta in formam prouinciæ regni Bo hemie	95	Solymanus succedit Selimo Patri	240
Silesia grauiter afflicta à militibus	193	Solymanus occupat Rhodum	244
Silesia est infecta latrocinijs	219	Solymanus occupat Belgradum	242
Silesia accipit nouos Magistratus mortuo Rege Mathia	213	Solymanus occupat Budam	253
Silesia auulsa à Polonia ex fatalibus causis	308	Solymanus detestatur furores Episcoporum in tersectorum	ibidem
Silesia status miserabilis tempore interregni	133	Solymanus præ se fert dolorem propter necem Ludouici	ibid.
		Solymanus ex arce Budensi abstulit ueteres sta tuae	254
			Solymanus

<i>Solymanus quater regnante Ferdinando uenit in</i>		<i>Strabonis testimonium de promiscua habitatione</i>	
<i>Hungariam</i>	257	<i>Germanorum & Henetorum</i>	16
<i>Solymanus ab obsidione Viennæ à Deo repulsus</i>		<i>Stratagemate quomodo sit receptum Landshu-</i>	
<i>est</i>	257	<i>tum</i>	104
<i>Sorabiæ appellatio unde sit</i>	7.26	<i>Suantopulti gubernatoris Pomcraniæ facinus</i>	
<i>Soraborum sedes ubi sit</i>	26	<i>sceleratum</i>	62
<i>Spirensis Episcopus bello capitur à Friderico</i>		<i>Suantopultus Princeps Bohemorum interficitur</i>	
<i>Palatino Rheni</i>	169	<i>in tentorio Henrici</i>	46.303
<i>Spreea fluiuius quomodo olim dictus fuerit</i>	5	<i>Sudetes montes diuidunt Bohemiam à Silesia</i>	
<i>Sprotta</i>	296		261
<i>Sprotta deditur Mathiæ Regi</i>	355	<i>Sudetes montes unde sic dicantur</i>	5
<i>Sprotta perit incendio</i>	318	<i>Sueuiæ etymologia</i>	4
<i>Sprottæ oppidi ætas</i>	296	<i>Sueuiæ ueteris limites</i>	ibid.
<i>Sprottæ situs & constitutio</i>	297	<i>Sueuius fluiuius & Sudetes montes à Sueuis</i>	5
<i>Sprottensis arcis antiquitas</i>	296	<i>Sueui migrarunt in Rhetiam</i>	ibid.
<i>Sprottensis arx deditur Ducibus Mathiæ Re-</i>		<i>Sueui progressi uersus occidentem</i>	20
<i>gis</i>	355	<i>Sueui militarunt contra Iulium Cæsarem</i>	ibid.
<i>Sprottæ oppidi nomen quid significet</i>	296	<i>Sueui oppugnarunt Harminium</i>	ibid.
<i>Stanislai Episcopi Craconiensis historia</i>	41	<i>Sueuorum distinctæ gentes</i>	4
<i>Stanislaus resuscitat mortuum</i>	ibid.	<i>Sueuus Prædo nobilis in Silesia</i>	219. 222
<i>Stanislai Apotheosis</i>	80	<i>Sueuorum insigne Cæsariem ad humeros usq;</i>	
<i>Statuum Tribunal in urbe Vratislauenfi</i>	264	<i>demittere</i>	ibid.
<i>Stephanus de migrationibus Lygiorum</i>	13	<i>Sueuus mons quomodo uocetur hodie</i>	ibid.
<i>Stephanus Bosniæ Rex trucidatur</i>	169	<i>Suibusum oppidum</i>	298
<i>Stephanus Valachus profligat ingentes copias</i>		<i>Suibusij appellatio unde sit</i>	7
<i>Mahometi</i>	193	<i>Suibusum adiudicatur Silesiæ</i>	309
<i>Stephanus Valachus eripit insignem prædam</i>		<i>Suibusum deditur Regi Mathiæ</i>	355
<i>Mahometo</i>	194	<i>Suibusij etymon & Situs</i>	286.298
<i>Stephanus Valachus rursus Tartaros & Turcos</i>		<i>Suibusij fuit uaria fortuna</i>	298
<i>reprimi</i>	195	<i>Suibusienfes profligant Polonos</i>	313
<i>Stephano Valacho eripitur Bessarabia à Baia-</i>		<i>Suidnicia obsidetur à Iohanne Rege</i>	104
<i>zete</i>	204	<i>Suidnicia & Vratislavia opponunt se Hussitis</i>	
<i>Stephanus Valachus iurat in uerba Casimiri Re-</i>			126
<i>gis Poloniæ</i>	ibid.	<i>Suidnicensis ditio accipit graues hospites</i>	356
<i>Stephanus Valachus deluditur stratagemate à</i>		<i>Suidnicenses ciues afficiuntur supplicio Vratis-</i>	
<i>Casimiro Rege</i>	204	<i>lauiæ</i>	244
<i>Stephanus Valachus profligat exercitum Polo-</i>		<i>Suidnicensis Ducatus</i>	261
<i>norum</i>	218	<i>Suidnicij etymon</i>	286
<i>Stephanus Valachus magna agmina Polonorum</i>		<i>Superstitiones quo tempore plurimum creue-</i>	
<i>abduxit in seruitutem</i>	218	<i>rint</i>	31
<i>Stephanus Valachus moritur</i>	223	<i>Syginæ apud Herodotum</i>	10
<i>Stephani Valachi res geste in Tartaros</i>	178.	<i>Syginæ sunt Vandali</i>	ibid.
	179		
<i>Stephanus Bathorus Princeps copiarum Mathiæ</i>			
<i>Regis</i>	202		
<i>Stephanus Palatinus Transyluanie à Mathia</i>			
<i>euectus ad magnam dignitatem</i>	224		
<i>Stephanus Sepusienfis cum Friderico Lignicensi</i>			
<i>uastant Poloniam</i>	320		
<i>Stefichori dictum de Cycadis sonantibus scelera</i>			
<i>Tyrannorum</i>	337		
<i>Stimania occupatur & incenditur à Casimiro</i>			
<i>Polono</i>	309		
<i>Stimania peruenit in potestatem Principum Ols-</i>			
<i>nicensium</i>	312		
<i>Stirps Ducum Glogouiensium</i>	321		
<i>Strabo de Sueuis</i>	4		
<i>Strabo de migrationibus Henetorum</i>	12		

T

<i>Tabula chorographica Silesiæ</i>	2
<i>Tacitus laudauit disciplinam ueterum Ger-</i>	
<i>manorum</i>	18
<i>Tacitus quos populos appellatione Sueuorum</i>	
<i>complectatur</i>	4
<i>Tamerlanes Scythæ caput Baiazetem Turcicum</i>	
<i>tyrannum</i>	117
<i>Tartari magi & incantatores</i>	71
<i>Tartarorum excursions</i>	67
<i>Tartarorum irruptiones in Poloniam</i>	68
<i>Tartarorum irruptio seuissima</i>	ibid.
<i>Tartaro</i>	

INDEX.

V

INDEX.

Vandalorum appellatio unde sit deriuata	17	Vena Metallica Silesia	237
Vandali sunt Germani & Heneti misti	16	Venetos & Henetas eosdem esse	8
Vandali inuadunt Galliam, Hispaniam, & capiunt Roman	300	Veneta Respub. Friderico Casari exhibet honores exquisitissimos	174
Vandalica, Gothica & Longobardica gentes sunt infecta labe dogmatis Arriani culpa Imperatorum Græcorum	30	Venata nobilitas in uillis suis deprehenditur & i abducitur à Turcis	220
Vandalorum crudelitas in proprias Ecclesias	35	Veneti amittunt multas munitas & præstantes urbes	221
Vandalici regni initia	23	Veneti Maximiliano imperante, grauiter afflicti sunt	240
Vandali peruagata Gallia & Hispania irruunt in Africam	23	Vernici Consulis Cracouiensis splendor magnificus	110
Varnense prælium	141	Veneti uincuntur ad Abduam flumen	227
Varnense prælium antecessit omen infaustum	141	Veneti amittunt plurimas urbes	ibid.
Varnense prælium secutum memorabile factum	142	Veneti recipiunt multas urbes	ibid.
Varnensis clados fuit pœna uiolata fidei	142	Veneta urbs terretur Machinis bellicis	232
Vartenberga	299. 313	Venetus Princeps unâ cum Mathia Rege, Philippo Burgundia Duce & Pio Pontifice profitentur militiam sacram	170
Veiuoda nominantur septem Principes Palatini in Polonia	27	Viadrus fluxit sanguine	83
Venceslaus Romanorum & Bohemia Rex, Silesia Princeps	111	Viadrus est limes Germaniae	261
Venceslaus Lignicensis perfidiose egit cum fratre Ludonico	105	Viadri inundationem sequitur pestilentia	217
Venceslaus Caesar fuit ignauus Princeps	111	Vicegradum arx exædificata & adornata à Mathia	198
Venceslai Lignicensis perfidia punitur diuinitus	106	Vicentinum prælium	233
Venceslaus Caesar mulctat sacerdotes Vratislauienses	112	Victorinus Georgij Regis filius captus à Mathia	178. 310
Venceslaus Caesar irascitur peccatis sacerdotum	115	Victorinus Georgij Podiebracij filius euadit incolumis ex munitione arctè obfessa à Mathia	174
Venceslaus Sanctus interficitur à fratre Boleslao Duce Bohemorum	30	Vienna deditur Mathiae Regi Hungariae	204
Venceslaus Caesar capitur	116	Viennenses ciues oppugnant Fridericum Caesarem	168
Venceslaus Caesar amouetur ab Imperio	117	Viennensis Ducatus ex transactione attribuitur Maximiliano Friderici Caesaris filio	ibidem
Venceslaus Caesar denuo capitur	ibid.	Vilhelmo Austriae Principi eripitur coniunx Hedwigis	114
Venceslaus Caesar distribuit in Silesia Ducatus nouis Principibus	119	Vilhelmus Curtzbachius præses consilij Caesaris rei, uir præstans sapientia & uirtute	263
Venceslai Caesaris mors	122	Vina Silesia	267
Venceslaus Bohemus inuadit regnum Poloniae	87	Vincentinum Monasterium Vratislauiæ erectum à Petro Dano	272
Venceslaus Lignicensis	109	Vindelicia quando à Sueuis sit occupata	5
Venceslaus Primus	385	Virbunenses Domini condunt monasterium Suidaniciae	62
Venceslaus Stinauiensis moritur	320	Virginum cœnobium sunt utili consilio instituta	291
Venceslao Bohemiae Regi imponitur Corona Poloniae	90	Virginum cœnobium in oppido Sprotta	297
Venceslaus Iunior Bohemiae Rex interficitur Olomuzij ex insidijs	91	Viridomarus Dux Celtarum interficitur à Marcello consule Rom.	19
Venceslaus Bohemiae Rex in odium uenit apud Episcopos, quod parum fortiter aduersatus est Hussitis	115	Vistulae fontes ubi sint	261
Venceslaus Caesar captiuus Pragâ abducitur Vennam à Sigismundo fratre	117	Vitebergensis Academiae initium	224
Venceslao ignauo torpesciente feruent motus Hussitici	121	Vitus Primus Episcopus Silesia	343
Venda filia Craci uirago	27	Vladislaus amens Princeps Lignicensis	94
Vende seu Heneti in littore Balthico & ad Albim opprimuntur à Germanis	35	Vladislaus Archiepiscopus imperat Vratislauiæ & moritur	183
		Vladislaus Bohemicus imbecillis Rex	219. 226
		Ccc iiij Vladis-	

INDEX.

Vladislaus Bohemicus coronatur in regem Hungarie	212	Vladislaus capit Varnam	146
Vladislaus Glogoniensis insert bellum Vratislauiæ	144	Vladislaus Varnensis in principio pugnae fuit superior	141
Vladislaus Glogoniensis ad Vratislaviam lethale vulnus accipit	65	Vladislaus Varnensis frustra reuocatur ab Hungariæ	141
Vladislaus Iagello profligat ordinem in Prussia	119	Vladislaus Varnensis interficitur	ibid.
Vladislaus Iagello proficiscitur Budam	120	Vladislai Varnensis prima expeditio in Turcos	137
Vladislai Iagellonis consilia non procedunt	124	Vladislai Varnensis altera expeditio in Turcos	139
Vladislai Iagellonis mors & mores	128	Vladislai Varnensis ætas & ingenium	143
Vladislaus Iagello suscipit seditiosos pulsos ex Bohemia	128	Vladislaus Hungariæ & Bohemiæ Rex, Silesiæ Princeps, auus maternus Maximiliani Secundi Romanorum Imperatoris	212
Vladislai Loſtici crudelitas	98	Vladislaus Casimiri filius eligitur in Regem Bohemiæ contra Mathiam	177
Vladislaus Loſticus aspirat ad regnum Poloniae	88	Vladislaus Henrici Pij filius discit Patauij	72
Vladislaus Loſticus profligat Principes Silesios	86	Vladislaus eligitur in Episcopum Salzburgerensem	ibid.
Vladislaus Loſticus fax disidij inter Polonos & Silesios	89	Vladislaus uocatur ad regnum Bohemiæ	181
Vladislaus Loſticus exulat	90	Vladislaus peruenit in Bohemiam	ibid.
Vladislaus Loſticus potitur regno Poloniae	93	Vladislao imponitur corona Regni Bohemiæ	ibidem
Vladislaus Loſticus abalienauit Silesios à Polonia	ibid.	Vladislaus accipit insignia regni Bohemiæ à Frederico Cæsare	
Vladislaus Loſticus euadit habitu Monachi	87	Vladislaus cum exercitu uenit in Silesiam	188
Vladislaus Loſticus incipit oppugnare Cruciferos	98	Vladislaus ornat Silesiam amplo Priuilegio	218
Vladislaus Loſticus profligat Cruciferos	99	Vladislaus cedit fratri Alexandro de regno	222
Vladislaus Loſticus denuo inuadit Silesiam	100	Vladislaus repudiata Beatrice ducit Annam Gallicam	ibid.
Vladislaus Loſticus Heinricho detrahit Poloniam	208	Vladislaus Praga fuit in periculo uitæ	204
Vladislai Loſtici Crudelitas	98	Vladislaus cum liberis ingreditur Vratislaviam	228
Vladislaus Primus Poloniae ethnarcha	42	Vladislaus Rex Hungariæ & Bohemiæ moritur	236
Vladislaus Secundus Ethnarcha Princeps Silesiæ	51	Vladislaus Rex fuit similis Arcadio Cæsari	ibidem
Vladislaus Secundus ducit Christianam filiam Henrici Quinti	94	Vladislaus Rex ingreditur Vratislaviam cum filio Ludouico & Anna uxore	280
Vladislaus Secundus diris deuouetur ab Archiepiscopo	52	Vladislaus recipit Albam Regalem pecunia Beatricis	213
Vladislaus Secundus moritur in exilio cum coniuge	55	Vladislaus Beatrici malam gratiam refert	213
Vladislai Secundi filij	ibid.	Vladislaus contemnitur à sua nobilitate & proceribus	228
Vladislai filij partiuntur inter se Silesiam	ibid.	Vladislaus Masoniæ Princeps cur dictus sit Loſticus	86
Vladislaus Poloniae Rex turbat Regnum Hungariæ	116	Vladislaus Loſticus Poloniae Rex fuit flabellum turbarum in regno Hungarico	116
Vladislaus Varnensis accipit regnum Poloniae	131	Vladislaus Opoliensis spoliavit ditiores Polonorum mercatores	116
Vladislaus Varnensis oppugnat Albertum Cæsarem	132	Vladislaus Loſticus denuo sollicitat Hungaros ad defectionem à Sigismundo Rege	117
Vladislaus Varnensis uastat Silesiam	ibid.	Vladislaus Loſticus ducit Annam filiam Comitissæ Ciliciæ	ibid.
Vladislaus Varnensis occupat regnum Hungariæ	134	Vladislaus Loſticus Prussiam foede & crudeliter uastat	119
Vladislaus Varnensis uictor domum regreditur	138	Vladislaus Loſticus gerit bellum famelicum	123
Vladislaus Varnensis habuit infirmum exercitum	139		

INDEX.

Vladislao Loſtico promittitur Cecilia uidua		Vratislauiam multum creuit ſub Henrico Quarto	
Venceslai ignauus	124	to	274
Vladislao regnante fuit ſœlix mercatura in Sileſia	279	Vratislauienſis Episcopus capitur & multatur	81
Vladislai Regis natura	236	Vratislauienſis ciuitatis suburbia diripiuntur & inflammantur ab Huſſitis	125
Vlricus Cilie comes ex aula eiſcitur	147	Vratislauienſis Ducatus eſt Vmbilicus Sileſiæ	261
Vlricus Cilianus reuocatur in aulam	153	Vratislauienſis Senatus imitatur conſilium Mæcenatis	275
Vlricus Cilie comes cum ordinibus Hungariæ inferit bellum Caſari ob detentionem Ladislai Poſthumi	146	Vratislauienſe collegium ſauit Poloniſ	276
Vlricus Cilianus interficitur Belgradi	156	Vratislauiam nulli cedit ſplendore & elegantia ſtructuræ ex ciuitatibus Germanicis	279
Vlricus Cilianus Hunyadi ſtruit inſidias	153	Vratislauienſes & Gorlicenſes tollunt latrocinia	ibid.
Vlricus Comes Vuirtembergensis capitur à Friderico Palatino Rheni	169	Vratislauienſis aër aliquo modo reſpondet aëri Longobardico	282
Volſtadia locus prælij cum Tartariſ	69	Vratislauiam honorifico encomio ornata à Ferdinando Caſare	284
Voitlandia olim dicta fuit Merania	73	Vratislauiæ mundities in uictu exquisito	285
Vratislaus Bohemiæ Princeps ornatur dignitate regia illiq; adiudicatur Sileſia	43	Vratislauiam creuit interea dum Glogouia fuit oppreſſa à ſuo collegio	289
Vratislauiam capitur à Bohemiſ	38	Vratislauiam & Namſlauiam eximitur obedientiæ Georgij Podiebracij à Pio Senenſi Pontifice	169
Vratislauiam excolitur à Caſimiro Poloniæ Rege	40	Vratislauienſes amittunt multas & inſignes machinas bellicas	172
Vratislauiam quando nomen acceperit	ibid.	Vratislauiam iurat in uerba Mathiæ Regis	177
Vratislauiam Sileſiæ caput	268	Vratislauiam poſt uariationes Scythicas inſtauratur	79
Vratislauiam concutitur motibus ſeditionis	119	Vratislauiam creuit opibus	274
Vratislauiam & Suidnicia urbes defendunt Sileſiam	126	Vratislauiam facit inclinationem ordinum ad regnum Bohemiæ	274.275
Vratislauiam opponit ſe Georgio	164	Vratislauiam denuo perit incendio	276
Vratislauiam tempore obſidionis nunquam clauſit portas	188	Vratislauiam magna ornamenta accepit à Carolo Quarto	ibid.
Vratislauiam impetrat ius Emporij à Vladislao	228	Vratislauiam defendit Sileſiam contra latrones Huſſiticos	278
Vratislauiam inſtaurata ex ruinis Bidorgis	270	Vratislauiam attraxit Mathiam	279
Vratislauiam inſtaurata & denominata à Principe Bohemico	ibid.	Vratislauiam amauit moderationem in diſputationibus religionis	281
Vratislauiam perit incendio	273	Vratislauiam impetrauit ut religioni daretur pax à Ferdinando Rege	ibid.
Vratislauiam accipit formam nouæ urbis	ibid.	Vratislauiam habuit ſapientem Senatum	279
Vratislauiam rurfus conflagrat.	274	Vratislauiam & Glogouiam urbium Sileſiæ exordia	33
Vratislauiam defendit exules contra Principem	44	Vratislauiam nocuit Emporium uſurpatum	228
Vratislauiam reconciliatur Episcopo	102	Vratislauiam creatur periculum apud Ludouicum propter emendationem doctrinæ	244
Vratislauiam fuit cara Carolo Caſari	108	Vratislauiam ſacerdotes ducunt uxores	245
Vratislauiam defendit exules contra calumniatores aulicos	271	Vratislauiam emendantur Eccleſiæ	249.280
Vratislauiam multis ſeculis fuit magiſtra pietatis in Sileſia	269	Vratislauiam ſitus	263
Vratislauiam offertur Episcopo	86. 274	Vratislauiam ornamenta	283
Vratislauienſis Ducatus uariatur à Loſtico	89	Vratislauiam Princeps Boleslaus Procerus	273
Vratislauienſis ciuitas hortatur Principem ſuum ut ſe ſubiſciat Regi Bohemiæ	96	Vratislauiam arx ſuſtinet impetum Tartarorum	273
Vratislauiam excommunicatur	112.120	Vratislauiam tri-meſtris obſidio	ibid.
Vratislauiam periculum fuit de ſeditione propter Mathiam Hungariæ Regem admiſſum	178	Vratislauiam ſtructura noua & egregia	276
Vratislauienſis cereuiſia habet laudem probatiss	267	Vratislauiam	
Vratislauienſe Collegium erectum à Caſimiro Monacho	271		
Vratislauiam accipit ius ciuitatum Germanicarum ſub Henrico Tertio	273		

INDEX.

Vratislavia error in bello contra Georgium Bo-	378
hemum	378
Vratislavia magnitudo	282
Vratislavia qualis sit aeris constitutio	ibid.
Vratislavia qui sint morbi familiares	283
Vratislavia edificia & oeconomia	284
Vratislaviense Emporium abrogatur	235
Vratislavienses superantur à Ducibus Georgij	
Regis	172
Vratislavienses comprehendunt latrones in Si-	
lesia	227
Vratislavia repudiat inducias oblatas à Georgio	
Bohemorum Rege	169
Vratislaviensis Episcopatus nominatur aureus	110
Vratislaviensis Episcopatus emungitur à Roma-	
no Pontifice	ibid.
Vratislaviensis Episcopus suadet pacem servan-	
dam esse cum Bohemis	163
Vratislaviensis Episcopi concertatio cum Lega-	
to Pontificio	165
Vratislaviensis Academia impeditur	223
Vratislaviensis Schola	267
Vratislaviensis Ducatus	261
Vratislaviensis seditio	122.277
Vratislaviensis seditionis autores plectuntur à	
Sigismundo Imperatore	123
Vratislaviensis Aristocratia	284
Vratislavienses Ecclesiae & Scholae	283
Vratislaviensis Senatus imitatur Consilium Me-	
cenatis	275
Vratislaviensis Senatus motus fuit grauibz cau-	
sis, quando suasisit coniunctionem cum Bohe-	
mis	275
Vratislaviensium lites de Academia & Empo-	
rio	280
Vratislaviensium liberalitas in studia discenti-	
um	284
Vratislaviensium ingenia	282
Vrbanus Talceburgius capitaneus Glogouensis	358
Vrbanus Primus	376
Vrbanus Episcopus Smogrensis	32

Vrbanus instituit scholam Smogrensem	377
Vrbes ueteres quales fuerint, & in quibus locis	
conditae	286

X

X Enophontis dictum de bello Peloponnesiaco	171
---	-----

Z

Zechus occupavit Bohemiam	26
Zischa creatur Dux multitudinis mortuorum	
Venceslao	122
Zischa robur & successus felicissimi	122.125
Zischa evertit imagines & statuas	124
Zischa manum praedatoriam mittit ad uastandam	
Lusatiam	122
Zischa mors & mores	125
Zischa apophtegma	ibid.
Zischa nullo pacto uult pati Regem alienigenam	124
Zischa fortiter sustinet impetus Caesaris & Principum	
uicinorum magno animo	125
Zischa obsidet Carolosteinum	124
Zischa agnoscit Sigismundum Caesarem pro Rege	
Bohemico	123
Zischa condit urbem Thabor nominatam	ibid.
Zischa defendit Pragam obsessam à Sigismundo	
Caesare	124
Zulichium peruenit in manus Marchionum	
Brandeburgensium	263
Zottenberga donatur Boleslao Suidnicensi	88
Zyroslaus Episcopus Silesiae	379
Zyroslaus instituit Ceremonias Ecclesiae Cracou-	
uiensis	ibid.
Zyroslaus Secundus	381

Ἰνδὲξ τῶν ὀνομάτων.

FINIS.

ANNALES GENTIS I

ELYSIÆ.



*V*MANISSIMAE VRBIS ATTICAE *Patriam amare est virtus.*

fuit consuetudo, vt publico & honorifico funere efferrentur illi, qui ex ciuitate in praelijs pro patria occubuerant: vbi post exequias à præcipuæ dignitatis senatore, in coetu populi accurata laudabantur oratione: qua & mortuis suis habebatur honor, viuentes ad virtutem accendebantur, & propinquis defunctorum luctus verbis & re ipsa eximebatur. Nam liberi impuberes interfectorum publica impensa ad maturam vsq; ætatem alebantur.

Recitat vero historicus grauissimus ac sapientissimus Thucydides orationem eiusmodi funebrem sub nomine Periclis, quam olim oratores eius ætatis secuti sunt. Verum quia, ex perpetua quadam consuetudine Thucydidea, in eam quasi omnia, quæ prudentissimè & acutissimè cogitari poterant, infarcta sunt: ita vt ea rerum maximarum densitas formam orationis obscuret, & contextum verborum efficiat quasi confragosum & insuauem: Plato ciuis sapiens & amans suæ patriæ proposuit formam meliorem ac suauiore: quam quidem Socrates, suo consilio, mulieri sapienti & ingeniosæ Aspasiæ attribuit. Ibi inter reliqua dicitur, merito terram Atticam à suis ciuibus esse amandam & colendam præ alijs, quod ipsa, ex consentienti testimonio vetustatis, & præstantissimam naturam inter omnes, nempe hominem, progenuerit, & pro conseruatione eiusdem duplex nutrimentum liberaliter producat: res quidem ex terra natas pro cibo corporis: pro animæ vero alimento honestas leges religionis, & ciuilis disciplinæ: quæ inter bona huius vitæ sunt summa & nobilissima.

Hanc sapientissimi Platonis orationem vere honestam cum legerem, cogitabam etiam Silesiæ nostræ suos ciues & alumnos, non minorem animi gratitudinem & obseruantiam, quam Athenienses suæ Atticæ, debere. Nam & hæc nostra prouincia, quæ magnitudine Atticam fortassis plus quam duplo superat, est, vt ille suam Ithacam celebrat, *ἀγαθὴ καὶ πόρροφρος*, nutrix foecunda & benefica hominum: quibus in vtroq; sexu, Dei beneficio, nec ad figuram & decus corporis, nec ad bonitatem ingeniorum quid deest: & quæ, benedicente Deo, res nascentes ex terra magna vbertate in plerisq; locis fundit, quæ alicubi venas auri, argenti, plumbi & ferri gignit: res etiam ad vestitum, non modo suarum, sed multarum aliarum gentium, conficiendum largissimè suppeditat: & præterea multis seculis exculta est disciplina honestiore, quam alij populi efferi & inhumani: & inprimis studio pietatis nunc annos 600, excelluit, &

Silesiæ ornamenta.

A nostra

nostra ætate in multis locis fouet Ecclesias & Scholas religiosa beneficentia constitutas, in quibus sonat vox cœlestis doctrinæ, & homines ad veram Dei agnitionem & inuocationem flectuntur: Ita vt hac in parte, eaq̃ præcipua, ipsas etiam Athenas, & alias orbis regiones Idolorum cultu inquinatas, longè superet.

Hæc Dei dona decet nos agnoscere, & grato animo celebrare, eaq̃ nos ad pietatem & virtutem maiorum nostrorum imitandam exuscitent, vt hæc patriæ nostræ ornamenta tueamur & augeamus, & cogitemus, nos in hac mortali & ærumnosa patria aditum quærere oportere ad veræ patriæ possessionem, vbi cessante culina, corpora nostra erunt augustiora, ad gloriam corporis ipsius Filij Dei immutata, & animæ nobiliori cibo, quam est Platonius, conspectu & perfusione diuinæ lucis, iusticiæ & æternæ beatitudines pascuntur.

Autoris consilium.

Ego igitur vt meo loco amorem & officia mea patriæ ostenderem, quam vero & dulci amore complector, etsi occupatus alijs laboribus & molestijs multis, mediocri cura antiquitatem nostræ gentis ex varijs ipsq̃ dissimilibus monumentis inquisiui: vt aliquæ historiæ veteres nostris hominibus fierent notiores & stirps nostræ gentis, quasi ex Cimmerijs tenebris eruta, aliquo pacto innotesceret.

Partitio Annalium.

Distribuo autem Annales in duas partes, ex quibus prior recitat natales, migrationes & mutationes nostræ gentis: deinde historiam præcipuorum euentuum, qui in his populis, præsertim ab annis 600. posteaquam Silesia religionem Christi accepit, acciderunt: Altera continet breuem delineationem & Silesiæ, qualis nunc est, & vrbis ipsius metropolitanæ, inclytæ Vratislaviæ: præterea chorographiam particularem illius partis, quæ nominatur Ducatus Glogouiensis, & annotationem rerum memorabilium, quæ istis vrbibus contigerunt. Non expectabunt vero lectores, in hoc breui scripto particulares descriptiones omnium vrbium & locorum huius regionis. Nam iste labor requirit minus occupatum, & cum iam edita sit pictura, poterit ea inspicere. Sed breuem historiam conædo, quæ originem nostræ gentis, & res præclare & memorabiliter apud maiores nostros gestas, monstret: quod ipsum bonis mentibus & patriæ amantibus gratum futurum non dubito. Nam pius est, patriæ scribere facta, labor.

Tabula chorographica Silesiæ.

Silesia fuit neglecta ab historicis.

Fuit autem hæc inquisitio mihi satis laboriosa & ardua, cum non modo in illa annalium, & in ipsa scriptionis, quæ non ante multa secula apud nos cœpit, neglectione: verum etiam demum in ipsorum scriptorum, interdum incuria, interdum quadam maleuolentia, iustum corpus historiæ contexere mihi difficilè fuerit. Meminimus virum pietate & doctrina præstantem Philippum Melanthonem sæpe conqueri solitum de gentis nostræ Germanicæ infelicitate, cui nec sapientia nec heroica defuit fortuna: Et tamen res gestæ Imperatorum

peratorum præstantium consilio & virtute, ex inscitia scriptorum aut omiffæ aut deformatæ sunt. Ita, cum nostra Silesia genuerit principes aliquos excellentes pietate, iusticia & fortitudine, quales fuerunt Boleslaus procerus, eiusdem filius Henricus Barbatus, nepos Henricus pius, & quidam alij: tamen adeo negligenter res illorum annotatæ sunt, vt auido & diligenti lectori nulla ex parte fatis fiat.

Monumentorum veterum tanta est penuria, vt periti rerum Silesiarum scribant, non monstrari posse alias literas vetustiores in Silesia, quàm quæ editæ sunt à Friderico I. Cæsare, anno Christi 1200. exceptis paucis monasteriorum foundationibus, ex quibus Vicentina vetustissima tempus hoc annos 60. antecedit. In paginis vero, scriptis à sacerdotibus Polonis, breues reperiuntur narrationes de Silesia, & quidem vix 200. annorum. Fermè enim Silesiæ mentionem facere incipiunt sub eam ætatem, quando filijs Vladislai, ope Friderici Barbarossæ, à principibus patruis attributa est Silesia. Tandem vero, vbi Silesia desertis Polonis coniunxit se cum regno Bohemiæ, illi quidem mutili historici eam ex suis chronicis quasi relegant, nec amplius, nisi quasi aliud agentes, de ea scribunt: ab eo etiam tempore, alia scripta, complectentia certam seriem rerum gestarum, non sunt edita.

Historiæ Silesiæ in chronicis Polonicis sunt mutilæ.

Copiosissimus autem inter omnes scriptores Polonos est Iohannes Duglossus, qui floruit ante annos 100. nec dum historia ipsius typis expressa est, ex qua posteriores suas descripserunt Epitomas. Ego præstiti quantum potui: & si qui, inuitati hac mea opera, plura aut meliora edent, illis vnà mecum omnes boni & patriæ amantes gratiam habebunt. Interea cogitent boni vetus illud: *αὐτὴ μὴ παρὴν κρέσσον, ἢ ἐκείνη σερπύλλων*, & grati amplectantur istas micæ, ex varijs sordibus collectas.

Iohannes Duglossus copiosissimus inter historicos Polonos.

Certè debemus hoc patriæ, & pijs manibus maiorum nostrorum, vt dona Dei, quibus eos Deus in hac vita ornauit, celebremus: exempla virtutum in ipsis imitemur, eaq; non minus diligenter, quàm hæreditates & possessiones, in nos transferamus.

ORIGO VETERIS GENTIS

Elysiæ repetita ex scriptis Biblicis & antiquitate ethnica.

Ordior narrationem ab hac nota Hypothesi. Constat ex annotationibus certis, Silesiam doctrinam Christi recepisse sub annum nati Saluatoris 965. tunc cum imperium Romanum & Germanicum adhuc gubernaret Otto primus princeps vere heroicus, qui Ecclesias Christi apud Henetos, Danos & vicinos populos pia cura & liberalitate constituit: Et parebat tunc hæc regio Principi Poloniæ: Ita enim tota gens tunc nominabatur. Ab ea quidem

Silesia inserta Ecclesiæ Christi.

ætate incipiunt historiæ veteres nostri populi. Nam ante illud sæculum nullus vsus fuit scriptiōis & literarum in his locis, aut certè is multo ante in illa barbarie desierat.

*Silesiæ veteris
descriptio ex
Tacito & alijs
autoribus.*

Sed cum ætas ea valde recens sit, nec dubium esse possit, longè antè prouinciā hanc, in qua non est magna aëris & soli inclementia, cultam fuisse, quærere oportet, quales eam populi tenuerint. Et cum non extet descriptio melior, quam est Taciti apud antiquos, auctoritati ipsius plurimum tribuo. Ipsius igitur verba examinabimus. Neq̃ tamen nostri est instituti totius Germaniæ veteris inquirere historiam, sed de Silesia potissimum verba sumus facturi. Si quis autem expetit integram descriptionem, eum remittimus ad scripta optimi nostri Philippi, qui in hac etiam parte verè fuit Germaniæ lumen: deinde ad Chronicon Clarissimi D. Peuceri, qui & vestigia sancti sui patris imitatus est foelicissimè, & quædam plenius exposuit.

*Sueuorum di-
stinctæ gētes.*

*Sueuiæ veteris
limites.*

*Strabo de
Sueuis.*

Apud Tacitum generalis appellatio, complectens multos populos, est Sueuorum. Hos constituit quadruplices. Sunt enim alij Septentrionales, vt Senones, & vicini populi ad littus maris Balthici: Alij Australes, vbi sunt Hermunduri, Narisci, Marcomanni, Quadi: Alij Orientales, Pannoniæ & Sarmatiæ finitimi, vt Lygij, Arij, Heluecones, Manimi, Elysi, Naharuali: Quidam autem sunt littorales & maritimi, vt Gothones, Rugij, Lemouij, Suiones, Aestij & Sitones. Hoc pacto limites Sueuiæ veteris fuerunt Alabis, mons Carpathus, qui olim Sueuus dictus est, & continuo tractu ad orientem excurrit, & mare Sarmaticum vel Balthicum. Assentitur autem etiam Strabo, qui scribit, Sueuorum gentem esse maximam.

*Sueuiæ ety-
mologia.*

Vnde autem nomen ipsum deductum sit dubitari potest. Existimant aliqui, gentem sic dictam à Principe: Sed tamen nondum ita liquebit etymologia: & Beroso, qui texuit fabulam non historiam, parum est fidei. Non dubium autem est, multas esse appellationes apud veteres sæpe vnius gentis, quas scriptores Græci vel Romani, tanquam ignotas, mirè deprauarunt: sicut inprimis hoc familiare est Iulio Cæsari, & Ptolemæo. Cognata igitur nomina sunt Sueui, Suedi, Suiones, Sidini vel Sitones, Syebi, quos Ptolemæus collocat ad mare Caspiū. In insulis aquilonaribus adhuc hodie extant nomina Suedorum & Nortuedorum: vnde credibile est, ex veteri lingua gentem ita appellatam esse à situ versus Austrum: sicut aliam à plaga aquilonari.

*Senones à pi-
etate & cul-
tu sacro.*

Narrat Tacitus, peculiare insigne esse Sueuorum omnium, etiam ad senectam vsq̃, cæsariem ad humeros vsq̃ alere & demittere: quod quidem obseruatum esse seculo superiori, adhuc meminerunt seniores. Tribuit vero genti tantam pietatem, vt Senones qui tenuerunt eam partem, vbi nunc sunt oppida veteris Marchiæ, dictam esse putet *ὁ δὲ τὸ ἱερόν*, hoc est, à cultu diuino. Progressæ sunt

sunt autem istæ gentes Sueuicæ ante ætatem Iulij in Rhetiam & Vindeliciam loca Germaniæ magis Occidentalia, vbi hæsit appellatio huius populi. Ideo Strabo Sueuos ad fontes Danubij collocat. Ab huius gentis nomine fluuius Sueuus dictus est, qui nunc Sprea nominatur: & fortassis ipsi montes etiam Sudetes, qui fuerunt limes Sueuorum ad occidentem. Nam apparet, nomen hoc esse ab Austro. Plinius appellatione generali Hermionum, hoc est, militum, scribit comprehendere Sueuos, Hermunduros, Cattsos & Cheruscos: & manifestum est, præcipuum robur militiæ fuisse inter has gentes, quibus Augusti ætate dominatus est Harminius. Et nominat Plinius flumen nostrum Viadrum eo in loco Guttalum, quæ vox sine dubio est à Gotthis. Lingua Heneta eum fluuium deinde nominauit Oderam, quod, teste Duglossio, est à rapiendo vel spoliando, quod inundationibus crebris latè vicinos campos vastet. *denominatio*

Obseruetur igitur, veteres, præsertim autem Tacitum, populos Silesiæ generali appellatione Sueuorum censuisse: eosdem Plinius nominauit Hermiones, hoc est, Germanos. Nunc accuratius incolas ipsos inuestigemus ex Tacito. Hermunduros & Nariscos scribit vicinos esse Marcomannis & Quadis. Sedes Hermundurorum nota est, quia expressè scribit, Albim oriri in Hermunduris. Sunt autem fontes Albis in illis iugis montium, qui hodie nominantur Gigantæi, aut potius Riphæi, & absunt paucis miliaribus à finibus Silesiæ, quales nunc sunt.

Tenebant verò olim Hermunduri trigonum illum inter Albim & Salam, à fontibus Albis fermè vsq; ad confluentem, qui hodie appellatur Misnia, à veteribus Mysis, qui vnà cum Henetis tandem immigrarunt. Nariscos Ptolemæus appellat Variscos, quos dicit habitasse ad montes Sudetes versus Austrum, eosq; vicinos esse Marcomannis scribit Tacitus. Manet autem hodie appellatio Marcomannorum, qui sunt Morauj, sic dicti, quod fuerunt in limite Pannoniarum. Marck enim veteri voce limitem significat.

Narisci igitur erunt illi populi, qui nunc vocantur Voitlandi, & pars aliqua Bauariæ superioris. Hos tres enim populos, Tacitus dicit esse frontem Germaniæ, & porrigi ad Danubium vsq;. Ptolemæus Marcomannos distinctos esse à Nariscis inquit interiectu syluæ Gabretæ, quod nomen aliqui putant esse Germanicum, die bohe Breite / hoc est, montana planicies: qualis est ad Noricum, cui nomen Nariscorum est vicinum.

Quadi collocantur, vt sint magis Orientales, quàm isti, ita vt versus Occidentem vicinos habeant Marcomannos, ad Orientem & Aquilonem Lygios, ad Austrum Pannonios: & occuparunt hac ratione bonam partem Morauicæ, Silesiæ illius, quæ nunc dicitur superior: vbi sunt ducatus Teschinentis, Ratiboriensis, Opoliensis, oppida Episcopi Vratislauenensis, tractum ad radices

Carpathi montis accolæ.

Marfigni uel Marfi.

montium Sudetum : Deinde fermè Poloniam minorem vniuersam. A tergo horum, id est, versus Orientem, ad radices Carpathi montis, collocant Tacitus & Ptolemæus alias gentes, quas volunt esse ignobiliores Germanis, quamuis illis sint Sueui intermixti. Nominant Marfignos, qui forte sunt Marfi, quorum meminit Plutarchus in Sylla, etsi posteriores, ad Arctum inter Cimbros Marfos numerarunt. Variæ enim fuerunt gentium harum migrationes.

Gallica lingua fuit Heneta, Gothica Germanica. Pannonica lingua affinis Græcæ.

Dicunt vocabulum significare loca palustria & humilia, quæ solent esse in vallibus montium, postea sunt Gotthini, haud dubio Gotthi, Osi, Burij : ex quibus Marfignos & Burios dicit loqui lingua Germanica, Gotthos gallica, quam ego interpretor fuisse Henetam. Nam ita video loqui etiam alios ex vetustis scriptoribus, Oso Pannonica, quæ fortassis tunc aliqua ex parte fuit Græca.

Transsylvani sunt reliquæ Gothorum.

Existimo autem secundum descriptionem Taciti, istas gentes confedisse ad radices Carpathi versus orientem. Nam partem Aquilonarem paulò post commemorat : & crediderim illos ipsos Gotthinos non procul abfuisse à Transsylvania, ubi adhuc hodie sunt reliquæ Gotthorum, hoc est, Germanorum. Ideo Tacitus significat, istos habitare in montibus, facit eos metallicos, sicut adhuc hodie in istis iugis montium sunt venæ metallicæ. Burios etiam & vicinos, non fuisse ignotos Græcis manifestum est inde, quod in Comcedijs serui nominantur Burriæ : quod aliqui dicunt esse quasi Brugos, aut Bituriges, & factum esse à Phrygibus. Et ab illis gentibus Gotthicis, vicinis Græcorum sunt nomina seruorum, Getæ, Dauî, Mysidis : Hos autem populos facit vectigales partim Quadis partim vero Sarmatis, hoc est, Scythis & Henetis versus Orientem. Postea ultra montem Sueuum vel Carpathum, in illam latissimam planiciem, usque ad montes Bohemicos, vel fontes Albis, & ad Aquilonem ad ipsa penè usque ostia vistulæ, collocat præcipue Lygios : quæ appellatio quasi est generalis, conueniens pluribus, illisque potentibus populis, Ptolemæus & Strabo vocant eos Luios.

Burij in Comcedijs.

Serui in Comcedijs.

Lygiorum appellatio comprehendit Silesios.

Numerat vero Tacitus hos, Arios, Heluecones, Manimos Elyfios & Naharualos. Inter hæc vocabula penè terribilia procul dubio latent maiores nostri veteres Silesij. Sed hic etiam, qui optimè coniecit, vates est optimus. Fermè enim cum gentibus istis nomina etiam interierunt : Conabimur tamen explicare pleraque, probabilibus innixi coniecturis.

Arij proximi Carpatho.

Heluecones et Manimi incole Poloniae maioris.

Elygiorum & Ilngorum sedes.

Primam gentem inter Lygios nominat Arios, qui videntur proximi fuisse Carpatho in prima ora Poloniae maioris, ut nunc sunt vocabula. Deinde in illa planicie camporum Poloniae maioris videtur collocare Heluecones & Manimos, ad ripam usque Viadri aquilonarem. Ultra Viadrum ad montes Bohemos usque statuit Elyfios, sicut & Ptolemæus. Post Senones, id est, post Marchiam

Bran,

Brandeburgensem statuit Illingos, qui & ipsi sunt Elysi, vbi nunc videlicet est Silesia media, inferior, vtrâq; Lusatia, ad Sueuum fluuium vsq; & amnem Elstrum. Versus Septentrionem verò & Occidentem constituit Naharualos, in eam regionem, vt arbitror, vbi nunc est Masouia, ad ipsam vsq; Lithuaniam. Deinde vltra Lygios ad ostia Vistulæ, vbi nunc est pars Pomeraniæ & Prusiæ, locat Gothones, qui sunt Gotthi, à quibus est appellatio sinus Codani, vbi nunc est Dantiscum. Deinde in ipso littore Oceani sunt Rugi, pars Pomeraniæ & Prusiæ, item Lemouij, qui sunt Liunionenses. Postea numerat Suiones, Suedos & ab altera parte versus ortum & Aquilonem multos populos, Henetos & Teutonas mixtos, Prucinos, Venedos, Fennos, Bastarnas sparsos per illa spaciøsa loca Liunioniæ vltioris, Finlandiæ, Russiæ vel Moschouiæ, Lithuanie ad ipsam vsque Tauricam Chersonesum, qui tamen, teste Tacito, in naturam Sarmatarum vel Scytharum degenerant.

Naharuali incolæ Masouie.

Gothones fuerunt in ripa Vistulæ aquilonari.

Arctiorum gentium distinctio.

Inuenimus igitur, incolas veteris Silesiæ fuisse Quados, deinde Lygios, præcipuè verò Elysi, & fortassis aliqua ex parte ad ripam Oderæ Manimos. Difficile verò est diuinare, vtrum aliqua restent vestigia vel indicia veterum appellationum in hac regione, inter tantas & tam varias harum gentium migrationes & mutationes. Vrbes fuisse in his locis magnas & frequentes, quales nunc sunt, non est credibile. Nam ab omnibus scriptoribus traditur, populos istos sua fermè in plaustris circumtulisse, paratos ad profectiones quotidianas. Deinde etsi quædam loca, vbi religionis & commerciorum causa fuerint conuentus celebriores, sua habuerunt nomina: tamen illa tandem amissa sunt, vbi Polonia vnà cum Imperio etiam linguam suam in hæc loca propagauit, atq; ita vetustissimorum locorum appellationes in hac terra sunt Henetæ. Interea tamen credibile est, aliqua vetera nomina esse conseruata, eaque tunc, cum vrbes conderentur, in vsum esse reuocata. Grata enim solet esse recordatio vetustatis.

Silesiæ veteris incolæ.

Silesiæ veteris vestigia in nominibus.

Henetæ lingua propagata in Silesiam per Polones.

Non sunt autem alienæ appellationes istæ à veteribus nominibus, Lignicium, Libusium, Luebena à Lygijs vel Lugijs: Suiniz, Suibusium à Suionibus vel Sueuis: Quariz à Quadis: Manana à Manimis. Deinde Sorabia à Sorabis vel Seruijs: Sagana à Sacis, & si quæ aliæ possunt inueniri allusiones: non enim quærimus demonstrationes in talibus, sed præcipua æstimatio sumitur à cognato sono. Post hanc veterum ciuium Silesiæ indicationem, inquirenda est origo horum populorum, & Etymologiæ nominum. Stultum vero est, si quis arbitretur, paucos homines post diluuium in hos gelidos & asperos mundi angulos sese abdidiisse, & inter hæc frigora gentes has esse natas & propagatas.

Silesiæ gentis prima origo.

Primi generis humani parentes in regionem Orientalem amoenissimam & blandissimam collocati sunt, & post diluuium senex Noa, propter memoriam veteris Ecclesiæ, amauit illam primam generis humani patriam, eamq̃ cum filijs & nepotibus suis excoluit: quam, etsi in illa aquarum inundatione & illuue magna facta fuerat mutatio, ex spacijs dierum & vmbris in Gnomone obseruare potuit.

Deinde, posteaquam in Babylone Deus multitudinem, instituentem nouos cultus, & humana præsidia sine mandato Dei, sermone confuso dissipauit, paulatim posteri Noæ in vicinis regionibus sedes quæsiuerunt: nec dubium est, primo tempore repletas esse terras clementiores & orienti viciniore, demum autem crescente multitudine populorum, & inualecente tyrannide Monarchiarum, multas gentes noua loca quæsiuisse, & aliqua agmina in hæc climata Borealia commigrasse. Neq̃ ex solis coniecturis ista ratio cinamur, sed indicant hoc scriptores magnæ autoritatis, vt paulò post referemus.

Gætes Arctos
numeratæ à
scriptoribus
ueteribus.

Natales verò nostrarum gentium vbi quærimus, ad scripta diuina nos potissimum respicere oportet. Et est hoc vnum ex præcipuis testimonijs conuincentibus, solius Ecclesiæ doctrinam esse veritatis immotæ & indubitata, quod nulla alia volumina veriorem monstrant gentium originem, quam scriptura sacra. Prius verò ex scriptoribus antiquis Græcis excerpemus nomina gentium nostrarum Septentrionalium, & vetustas ipsarum sedes indicabimus, deinde earundem originem & primos parentes ex libris sacris quæremus.

Heneti uel Paphlagonæ
apud Homerum.

In Homero, omnis literaturæ, vt olim dictum, parente antiquissimo, qui vixit ætate Esaiæ Prophetæ, numerantur quinque populi Septentrionales: sed ex illis pleriq̃ tunc adhuc habitabant in Asia. Primum facit mentio Henetorum vel Paphlagonum, qui sedes suas habuerunt in littore ponti Euxini. Sic enim inquit:

παφλαγέων δ' ἡγεῖτο πολυμήδης ὁ λᾶσιν κῆρ
ἐξ ἐνετῶν ὅθεν ἡμιόνων ἦν ἀγροπράων.

Heneti sunt
Sarmatæ.

Tribuit Poëta genti Henetæ robur militare, & vt Strabo hunc versum exponit, eximiam peritiam rei equestris, & narrat etiam, Dionysium superiorem ab Henetis ad Adriam solitum esse petere generosam sobolem equorum. Sunt autem ijdem Heneti & Venedi: & Ptolemæus inquit, maximam partem Sarmatarum esse Henetos. Deinde sunt in Homero Ascanij, de quibus inquit:

Φόρκυς αὖ Φρύγας ἦγε καὶ Ἀσκανίης Γεοειδῆς πῆλ' ἐξ Ἀσκανίης.

Ascanij sunt
Tuiscones.

Ascanius, proculdubio, est ab Ascanes filio Gomer, vt postea dicemus, & communis est opinio, Hebræorum Tuiscones esse dictos quasi ab Ascanes. Et fuit in illa regione Phrygiæ, adhuc Romanis temporibus, ad urbem Niceam palus Ascania. Notum est etiam

etiam adhuc quædam loca in Germania nomen illud retinere, & crebra in Romanis historijs fit mentio Teutonum.

Tertio sunt apud Homerum Mysi, quibus, sicut observauit etiam Strabo, tres magnas virtutes tribuit, Fortitudinem, Temperantiam & Iusticiam. Nominat enim eos *διγγοτάτους ἀνδράπων*. Statuunt verò eruditi, Mysos hodie tenere trigonum illum, vbi olim habitabant Hermunduri. Mentionem etiam facit Homerus Cimmeriorum, qui sunt Cimbri. Eos collocat in remotissimas partes Oceani versus Arctū: quia iam tunc fortè audiuerat de Chersoneso Cimbrica, aut certè de Cimbris habitantibus ad paludē Mæotidem.

Mysi apud
Homerum.

Cimmerij Ho-
mero sunt
Cimbri.

Deinde apud Homerum vsitatum epitheton est, *νόρρη χαλκον*, quod etiam veteres, vt Strabo, & alij interpretati sunt de ære Norico. Quia iam tunc in Norico præstantes fuerunt ferri fodinæ. In carmine Argonautico Apollonij etiam de Henetis dicitur: *πυφλαγόνων ποῖσι δὲ ἐνέτηι ἐμδοσίλδω*. Et scribitur ibi, Paphlagonas eos dictos esse posterioribus temporibus à Paphlago Phinci filio. In eodem Poëta ad littus Euxini statuuntur Moschi, & *μοσχωῖνες*.

Noricū apud
Homerum.

Heneti apud
Apollonium.

Addit autem commentator, *μόσχωι* sunt lignæ casæ, & genti iam tunc feritatem insignem tribuit. Sed inter veteres non est alius, à quo iuuari possimus melius, quam Herodotus, qui accuratè in sua historia seriem & sedes præcipuarum gentium distinxit, & incipit narrationem suam ab eo fermè tempore, vbi historia sacra desinit. Sunt in Herodoto narrationes de Cimbris, quos dicit eiectiones fuisse ex sedibus suis à Scytis nomadibus, & transisse in Asiam minorem: Deinde tamen eosdem à Croeso fuisse reiectiones.

Cimmeriorum
historia apud
Herodotum.

Inter Persas numerat Germanos, eosq; dicit fuisse agricolas, postea Daïos, Sacas. Nomen Germani aliqui existimarunt esse vocem Romanam, & inquit Strabo, eos sic à Romanis fuisse appellatos, quod prorsus essent fratres Gallorum, hoc est, feri & agrestes. Verum illud fuisse in vsu, longè antequam populi ad Rhenum Romanis innotuerunt, tum hæc Herodoti, tum etiam aliæ narrationes ostendunt.

Germani apud
Herodotum.

Germani una
de dicti.

Deriuant aliqui hoc ex sono nostræ linguæ, vt sit Hermenner, sicut Hermiones, aut Garmhan: sed concinnum est, quod tradidit Philippus, vocabulum esse ex ortu Hebræo, & significare miseros exules. Non autem istis gentibus cultum & linguam Hebræam fuisse ignotam, paulò post ostendemus. Daïj deinde sunt Dani, & aiunt vocem ipsam à sapientia vel scientia esse factam. Sacæ putantur esse Saxones, & vocabulum significat Sacerdotem, seu vatem: vnde sunt nomina Saga, item nostrum Segen. Addit autē Herodotus, Sacas à Persis habitos fuisse pro Scytis. Quia istæ gentes ad mare Caspium sedes suas habuerunt, vbi crebro factæ sunt mutationes.

Daïj apud
Herodotum.

Sacarum apud
Herodotum
etymologia
& sedes.

Præterea nominat Mysos & Paphlagonas, quos facit vicinos Phrygum & Lydorum, sicut etiam cæteri. Inter Paphlagonas verò, versus Colchidē, statuit Lygios, qui meo iudicio sunt Silesij veteres.

Mysi & Paphlagonas
apud Hero-
dotum.

Dicit

Arij apud Herodotum habitant ad mare Caspium.

Ariorum habitus.

Sarmatæ apud Herodotum.

Syginæ apud Herodotum.

Arctos gentes distinctæ apud Herodotum.

Cimbri sunt Germani apud Herodotum.

Cimbri & Heneti habuerunt promiscuas sedes.

Scytæ fuerunt diuersi à Cimbri.

Moschi & Paphlagonæ apud Xenophontem.

Thracia regnum apud Thucydidem.

Arctos gentes habitant in oriente.

Arctoarum gentium origo ex libris sacris.

Dicit etiam, Medos olim appellatos fuisse Arios, hæsisse prostea hanc vocem in illis populis, qui etiam non procul à mari Caspio habitant, & fuerunt vicini Bactrianorum, Sogdianorum & Carmanorum, quæ gentes adhuc hodie aduersus Turcos fortissimè præliantur. Describit arma & habitum eiusmodi Ariorum, qualis adhuc hodie fermè est nobilitatis Polonicæ. Supra autem dictum est, Arios fuisse incolas Poloniae maioris.

Sauromatas vel Sarmatas Herodotus numerat inter Scytas. Mentionem etiam facit Getarum, qui iam ea ætate habitabant prope Thraciam, ad Tauricam Chersonesum, & vicinis in locis. Memorabile autem est, quod dicit, audiuisse se à Thracibus, hoc est, à Gotthis, ad ripam Aquilonarem Istri vsq; ad Henetos Adriaticos habitare gentem quandam præualidam, quæ nominatur Syginæ: vocabulum autem lingua Lygiorum significare mercatorem. Longius vero ad Arctum esse solitudines incultas, vbi ingentia examina apum viuunt. Hoc tamen ipsi verisimile non videtur. Quia existimat illud enorme frigus huic præsertim insecto exanguis futurum intolerabile. Sed res ipsa ostendit, apes, animal ad laborem natum, maximè delectari illa dierum Solsticialium in regionibus Arctoïs longitudine, inq; ijs degere agminibus frequentissimis, neq; tamen in illis suis cauernulis à frigore enecari.

Moschi & Mossynæci collocantur in illud littus Euxini, sicut apud Apollonium, & alibi: Ita apud Herodotum fermè triplex classis reperitur gentium, quarum in plaga Arctoa apud Tacitum, & alios sit mentio. Aliæ sunt Cimbricæ, quæ comprehendunt omnes populos Germanicos, aliæ Henetæ, quæ tamen & olim in Asia, & postea in Europa promiscuas sedes habuerunt cum Teutonico populo, aliæ Scyticæ.

Xenophon in historia redditus Græcorum post interfectum Cyrum iuniorem, in eodem littore Euxini nominat Moschos & Mossynæcos, & vituperat eos propter crudelitatem & barbariem. Mentionem etiam facit in eodem littore Paphlagonum. Thucydides in sua historia grauissima tantum meminit Getarum, qui tamen ex Asia ad ripam Istri migrauerant prope Thraces & Odrysios, vbi regnum condiderant, cuius tantam ait fuisse potentiam, vt Rex Geticus quotannis ex redditibus ordinarijs acciperet ad 24000. Coronatorum.

Posteaquam igitur plerosq; ex populis Arctoïs inuenimus olim in Asia ad orientem suas habuisse sedes, restat inuestigemus, quæ fuerit prima illorum origo, & qua ratione eos in hæc loca ad Boream migrasse existimemus. Si quis vero nostram hanc diligentiam tanquam superstitiosam, & nimis dubiam ridebit aut aspernabitur, illi respondebimus, quod apud Platonem Socrates in sua apologia ad iudices opponit: *ἐπεὶ ἡμεῖς ἐκ ἀνδρῶν ἢ πτερόεντων πρῶτα γέννηται, ἀλλ' ἐξ ἀνθρώπων;* Neq; vero nos ex quercu aut scopulis, sed ex hominibus

nibus nati sumus. Quare nos etiam maiores nostros inquirere, & ad primos generis humani propagatores respicere æquum est.

Etsi vero in appellationibus nepotum Noë, à quibus origo est populorum, dissimiles sunt ratiocinationes, quarum aliquæ ex libris Prophetiis habent certitudinem, aliquæ probabiliter nituntur coniectura: tamen multa ex illis iudicari possunt.

A filio Iaphet, Gomer, orti sunt Cimmerij, qui postea dicti sunt Cimbri, & ipsum vocabulum significat finitorem. Fuit prima sedes Cimbrorum in littore Euxini Aquilonari, à Colchide usque ad paludem Mæotidem, ubi fuit Bosphorus Cimmerius: & sunt qui affirmant, etiam hodie in Colchide usum linguæ Teutonicæ nondum desisse. Illi Cimmerij tandem aucta hominum in mundo frequentia urgebantur à Scytis, qui à Ponto ad Aquilonem incertis vagabantur sedibus ad Caucasum usque: & video à veteribus Scytas illos nominatos *νόμαδας*. Putantur vero orti esse à Magog filio Iaphet, vocabulum significat de tecto, hoc est, populum vagabundum, cui in plaustis sunt culinae, cubilia & stabula, ab his orti sunt populi Turcici & Tartari.

Cimmerij sunt à Gomer.

Scytæ à Magog.

A Madai sunt Medi, quod ideo indico, quia Arii, qui numerantur à Tacito inter Lygios, scribuntur fuisse Medi, & Strabo perspicue ait, eos habitasse ad littus maris Caspij. Gentem græcam à Iauan, quem ipsi nominant Iouem, habere originem certum est.

Arii fuerunt Medi ulteriores.

Græci sunt à Iauan uel

Iouē.

Moschi à

Mesech.

Psalmi quæ

rela de Mo-

schis & Tur-

cis.

A Mesech sunt Moschi, vox est ab extendendis arcubus. Omnes scriptores huic genti ascribunt crudelitatem & feritatem magnam, & nota est querela Psalmi: Heu mihi quod exulo in Mesech & Cedar, id est, inter Moschos & Arabes. Nam cum distantia longissima non sit à Cappadocia, ubi olim fuit sedes Moschorum, in Syriam, potuit ea gens nota esse Iudæis, & significatum est, Ecclesiam ultimis mundi temporibus afflictum iri à Moschis, & Turcis, qui ab Arabibus attracti sunt.

Ex filijs deinde Gomer est Ascanes, unde ferme omnes Hebræi genitos esse scribunt Tuiscones, id est, Teutones. Etymologia vocabuli religiosa est, Significat enim custodem, vel sacerdotem ignis. Fuit autem cultus ignis apud vetustatem ferme primus, ortus à sacrificijs patrum, quæ incendebantur cœlitus, unde, cum lychni accensi ab illo igne asseruarentur, posteritas ritum illum mutauit in superstitionem, & idolum, quod constanter retinuerunt Persæ.

Ascanij fuerunt religiosi.

Ignis sacri cultus unde coeperit.

Ascania vero, ut supra ex Homero retulimus, fuit propè Phrygiam & Paphlagoniam in Asia minori. Est & alius inter filios Gomer, Riphath, unde ortos esse scribunt populos Septentrionales, habitantes ad montes Riphæos, & appellati sunt alio nomine Sarmatæ. Memoria vero dignum est, quod scribit Iosephus, Riphæos esse Paphlagonas & Henetos. Consentit enim cum Ptolemæo, qui dicit, maximam partem Sarmatarum esse Henetos.

Riphæi à Riphath, & sunt Sarmatæ.

Riphæi fuerunt Heneti.

Ex

Ex Asia igitur in regiones illas Arctoas Russiae & Moscorum progressi sunt.

Elysi sunt ab Elysa filio Iauan. Inter filios Iauan est Elisa, à quo sunt ex testimonio multorum Aeoles in Asia minori. Valde autem cognatum est hoc nomen Elysijs & Lygijs, & Lygij ab Herodoto in eandem Asiam minorem non longè à Paphlagonia collocantur. Inde igitur gentem nostram deduco.

Elysa fuit doctor pietatis. Pia verò isthæc est appellatio, quia significat salutem Domini, fortassis quia & ipse Elisa fuit doctor monstrans suis nepotibus salutem, & bona cœlestia. Ultimo loco inter filios Sem est Gether, à quo deducuntur Getæ vel Gotthi. Vocabulum significat militem. Etiam Gotthi sedes suas olim in Asia habuerunt. Mysos fuisse ex posteritate Lydorum, scribit Herodotus: Quod si verum est, Mysi sunt à Ludim filio Mizraim, à quo sunt orti Aegyptij.

Gotthi sunt à Gether. Hæ sunt fermè appellationes nostrorum populorum, quæ reperiuntur apud veteres. Nam de nominibus recentioribus postea dicemus. Habitarunt igitur in Asia minori, ante tempora Persica, simul Mysi, Ascanij, Lygij & Heneti. Et rursus paulò amplius ad Orientem & Aquilonem ad mare Caspium usq; , & in aliqua parte Armeniae Moschi, Cimbri, Germani, Daïj, Sacæ, Arii, Syebi, & ultra hos Scytæ.

Arctoarum gentium ueteres sedes. Constat autem harum gentium fuisse distinctas linguas, & de Scytis quidem certum est, eos sermone, moribus & omni viuendi ratione à populis his mitioribus, & humanioribus fuisse segregatos. Recitat Strabo, veteres scripsisse, olim in illo littore Asiae minoris fuisse usum duplicis linguæ, quarum altera fuit Paphlagonica vel Heneta, altera proculdubio Cimbrica vel Teutonica. Ideo etiam postea Antiochus Hierax, reliquias de exercitu Celtarum & Germanorum, qui duce Brenno Græciam & Asiam inuaserant, deduxit in veteres sedes Henetorum, tanquam ad Gentes cognatas moribus & lingua, & dicta est terra illa Galatia.

Arctoarum gentium triplex lingua, Teutonica, Heneta & ab his diuersa Schytica. Sicut igitur à principio promiscuas habuerunt sedes: ita simul etiam gentes hæ coniunctæ ex suis sedibus antiquis commigrarunt. Et si verò de tempore istarum migrationum non constat, nec vno anno ista acciderunt, tamen consentaneum est, circa initium Monarchiæ Persicæ, post captum Croesum, magna agmina istorum populorum Asiam reliquisse, cum ductores Cyri crudeliter grassarentur, & fierent initia sæuæ tyrannidis.

Strabo de migrationibus Henetorum. Narrat historia, tantam fuisse illorum bellorum asperitatem, ut magna hominum multitudo, viri cum vxoribus, & paruis natis in naues conscenderent, & sese sponte nauibus merfis in aquis suffocarent, ut manus irati militis effugerent. Strabo scribit, bis diuersis temporibus Henetos sedes nouas quæsiuisse: primum quidem duce Antenore transisse eos ad littus maris Adriatici: secundo vero euocatos eos fuisse à Cimbris, cum quibus se coniunxerint, & in

& in Europam fuerint transgressi: quæ narratio vero maximè est consentanea.

Nam cum Cimbri in illo littore commodissime possent per nauigationes & itinera terrestria situm regionum Borealium explorare, credibile est populos illos, lingua & moribus cognatos, & oppressos noua tyrannide bellorum, fuisse edoctos de spaciosissimis illis campis ad Aquilonem, qui aut erant deserti, aut sine ullis sedibus fixis percurrerantur à Scythis.

Testatur similiter Diodorus Siculus, gentes progressas ex Paphlagonia & Media, latissima spacia ad Septrentionem occupasse repulsis Scythis, eosdem deinde Scythas, vbi limites imperij Persici nudatos præsidij istarum gentium inuasissent, vicisse & interfecisse Cyrum.

Diodorus Siculus de migrationibus populorum.

Crebra autem tunc acciderunt multorum populorum in Asia exilia. Nam & magna agmina ex Ionia nauigationibus in oram maris Gallici delata sunt, vbi conditis vrbibus, & præsertim Massilia, in illud littus, cruditionem & sapientiam græcam importarunt. Eadem ætate, teste Stephano, ex Tharso, vrbe & portu Ciliciæ, magni coetus ex ipsdem nostris Lygijs, secuti lones, littora maris Gallici versus Italiam compleuerunt, & tam regioni, quam mari suum nomen indiderunt: qui populi quidem toto vitæ ordine diu à vicinis fuerunt diuersi. Credibile vero est, inuitatos eos fuisse à Tyrrhenis, qui aliquanto ante collecti ex Lydijs in Italia confederant.

Stephanus de migrationibus Lygiorum.

Sub illam igitur ætatem gentes Henetæ, Ascaniæ, Lygiæ ex Asia minore commotæ, Cimbros secutæ sunt, cum quibus, ex cognatione linguæ & morum, coniunxerunt se multi populi ad mare Caspium, Germani, Arii, Daij, Sacæ, & alij, quos Ptolemæus númerat.

Gothicæ uel Cimbricæ gentes uicerunt Scythas.

Apparet enim ingentia horum fuisse agmina, non solum quod amplissimas regiones compleuerunt, verum etiam quod gentem Scythicam, quæ multitudine & robore tunc inprimis antecellebat, vicerunt & repulerunt. Paulatim tamen, vt credo, plures populi, cognitis successibus priorum, & amplitudine locorum, secuti sunt: sicut nunc videmus subinde colonias ex Hispanijs, & vicinis insulis, in orbem recens inuentum, emitti: progressiones etiam illas non subito in remotissima loca, sed paulatim factas esse opinabile est. Ideo primum ad Tauricam chersonesum, ad paludem Mæotidem, & ad ostia multorum fluminum, quæ ibi sese in Euxinum infundunt, confederunt: vnde & ibi mansit appellatio Bosphori Cimmerici, & certum est, in illa vicinia diu habitasse gentem Gothicam.

Cimbrorum prima profectio ad Tauricam Chersonesum.

Fuit in Taurica chersoneso celebris vrbs, quam scriptores multi non rectè nominarunt Theodosiam, cum apud Demosthe-

Theudasia urbs Tauricæ Chersonesi.

Historia de reli-
quijs Gottho-
rum in Taurica
Chersoneso.

nem vocetur Teudasia, id est, *Deutschhausen*/quam ætate auorum tenuerunt Genuenses, donec immanis ille tyrannus Mahometus, qui Constantinopolin coepit, etiam hos populos deuorauit. Sunt tamen qui constanter affirmant, adhuc hodie reliquias gentis Gotthicæ superesse, quæ nostra utantur lingua, & recitare solebat D. Philippus sermonem D. Pirchameri Noribergensis, qui narrauit, mercatores Noribergenses, nauigaturos cum Venetis in Cretam & Cyprum, tempestate in littus maris Aegæi, non procul à Bosphoro Thratio, eiectiones: ibi cum ignari hominum & locorum, oberrarent, conspectum fuisse ab illis adolescentem, qui currum ducebat, & auditum fuisse procul ipsius cantum: cum autem accederet propius, agnouisse se eum verba Germanica sonare. Tum verò pauidi, rati spectro aliquo se terreri, serò tandem eum compellant sua lingua, cuius esset. Ille, manu ostensis vicinis montibus, respondit, non procul inde suam abesse patriam, in eaq; habitare suam gentem, quæ esset Gotthica, nec in illa valle sese rerum necessariarum copia egere, salem tantummodo aliunde peti, quem inclinante Autumno, antequam per hybernos menses itinera niuib; intercluduntur, soleant importare.

Getarum rex
Lyfimachum
captum dimi-
sit.

Gotthi in
Pannonia op-
pressi sunt ab
Hunnis &
Attila Scythæ.

Israëlitæ fue-
runt ductores
Cimbrorum.

Illi ipsi etiam veteres Germani ex Transsylvania, quos aliqui fabulosè fingunt eò traductos à Carolo magno, cum is in loca ea nunquam peruenerit, reliquiae Gotthorum sunt, qui sub regno Macedonum, & antè latè in totis illis regionibus dominabantur, ut supra ex Thucydide annotauimus: & Rex Getarum Lyfimachum vnum ex celeberrimis Alexandri ductoribus cepit, & honorificè eum donatum domum remisit. Tandem illæ ipsæ gentes Gotthicæ & Henetæ, latius progressæ, Pannoniam, & Germaniæ etiam partem compleuerunt: Oppressi sunt deinde ab Hunnis & ab Attila.

Vir præstans pietate erga Deum & patriam, Philippus commemorabat, cogitare se, gentes illas Asiaticas ductores itinerum habuisse Israëlitæ. Nam post dispersionem decem tribuum, plurimè Israëlitæ in Asiam minorem migrarunt, & his gentibus, de quibus locuti sumus, se immiscuerunt, quod singulari Dei consilio & bonitate accidit, ut hoc modo multi etiam ex Ethnicis de vera agnitione Dei erudirentur.

Iudæi fuerunt
mixti Germa-
nis.

Hyperborei
sunt Germani.

Ideo Herdotus scribit, in Colchide, vbi olim Cimbri habitauerunt, se reperisse Circumcisionem: & omnino etiam ante natum Christum, in Germania frequentes inter nostros homines, quos diligebant præ alijs populis, habitauerunt Iudæi. Sciunt etiam illi, quibus nota est vrbs Veneta & Italia, Iudæos, eò vel ex Media, Turcia & Constantinopoli accedentes, callere nostram linguam Germanicam, eaq; familiariter uti. Apud plerosq; ex vetustissimis scriptoribus multa fabulosè dicuntur de gentibus Hyperboreis, quibus tamen nullam certam possunt assignare sedem: loca enim Occidentalia maximè incognita fuerunt veteribus Græcis,

Prædia

Prædicant autem omnes insignem eorum pietatem, religionem, & in omni genere virtutem planè diuinam: & narrant, quotannis eos decimas, & munera sua misisse in Delum, quæ dicunt eò esse perlata ex mari Adriatico: ibi autem verisimile est munera ea, partim ab Israëlitis, partim à pijs hominibus, quos liber Actorum nominat viros religiosos, ex Germania Hierosolymam, secundum mandatum legis, missa esse.

Hanc coniecturam à vero non esse alienam inde constat, quod apud Pindarum fontes Istri constituuntur esse apud Hyperboreos, qui dicuntur in ripa illa habitare. Mirum est autem, cum celebre nomen apud Poëtas sit campi Elysij, non inquisitum esse, quæ sit origo illius appellationis.

Hyperborei habitant ad Istrum. Elysij Campi sunt nominati nouæ sedes Germanorum.

Non est dubium, Poëtas voluisse nominare regionem beatam: sicut posteriores scripserunt de Insulis fortunatis in Oceano Atlantico, ita fortassis illa vetustas ex sermone patrum & maiorum audiuit, pias & religiosas illas gentes Ascanios & Elysios, qui fuerunt custodes, & propagatores pietatis & religionis, secessisse in longinquas regiones, quasi in alium mundum, fugientes tyrannidem & bella, vbi in vita quieta & beata Deo seruiant: unde postea mentio Hyperboreorum & Elysiorum à Poëtis obseruata est.

Scribit etiam Tacitus, inter Naharuallos populos Lygiorum, esse lucum consecratum religioni, nec coli ibi simulacra, sed sacerdotem præsentem, ornatu penè muliebri concionari de duobus dijs, quos aliqui dicunt esse Castorem & Pollucem. Planè similia de Hyperboreis commemorat Diodorus, citans veterem scriptorem Hecataëum. Referunt autem isti mutila, & quæ ex incertantantum fama acceperunt. Persas non admisisse simulacra in cultibus suis autq̃ est Herodotus, quod ipsum acceptum à Iudæis gentes illæ retinuerunt. Ideo inquit Tacitus, potius illum cultum fuisse religiosum fœdus, ad quædam exercitia pietatis & virtutum institutum, qualis nimirum fuit lex Mosaica. Habitus etiam sacerdotis, quem describit, non multum dissimilis est ab ornatu Pontificis Iudaici.

Lygij habuerunt peculiarium cultum.

Hyperborei apud Hecataëum.

Persæ non coluerunt simulacra.

Fortassis etiam illi ipsi duo fratres, quos veneratæ sunt illæ gentes, fuerunt Moyse & Aaron, præcipui populi Israëliti doctores. Sed nos coniecturas recitamus, quas, si cui probabiles videntur, retineat: sin minus, explodat sanè, neq̃ enim in hoc, vt ille dicebat, vertitur salus Græciæ. Hoc tamen homini prudenti facile persuaferim, populos hos non modo cultum & vestitum orientalium gentium, quod scriptores testantur, sed etiam religionem eandem, in hæc loca importasse, sicut annales Polonici narrant, sub Vladislao Iagellone, ante annos 200. vbi Lithuani primum fidem Christi profiteri coeperunt, præcipuum in illis locis fuisse

Sacerdotis Lygij habitus peculiaris.

Germani religionem populorum Orientalium importarunt in hæc loca.

cultum sacri ignis. Et certum est, has gentes, quæ ab initio fuerunt meliores & simplices, non fuisse cito inquinatas illa mirifica & portentosa Idolomania, quam excogitauit vafrius Græca, & ostentatio Italica: etsi deinde posteritas paulatim fuit oblita vetustæ pietatis, & simul cum humanitate ciuili etiam veterem religionem exuit, deprauata & effera facta istis continuis migrationibus, bellicis, asperitate cœli, & consuetudine vicinorum barbarorum.

Maiores no-
strorum exi-
lia & æræ.

Cogitandum vero est pijs mentibus in istis tot & tam longinquis profectionibus, quæ non potuerunt fieri sine grauissimis ærumnis & incommodis, de primo generis humani exilio, & de singulorum calamitatibus in hoc mundo vbi extorres vagamur: vt expectare discamus reditum ad veram & beatam patriam in cœlis, cuius monstrator est Filius Dei, custos Ecclesiæ suæ, cui in domo Patris sui parauit mansiones æternas & felices.

Germani &
Heneti pro-
miscue habi-
tarunt.

Qua ratione singulæ prouinciæ inter gentes istas sint distributæ, non recenseo, sed remitto lectorem ad Chronicon D. Peuceri, mihi satis est explorasse Silesiam, quam occuparunt Lygij, qui fuerunt Sueui, id est, Germani vel Gotthi. Omnino autem consentaneum est etiam antiquissimis temporibus, præsertim in his finibus vetustæ Sarmatiæ, promiscuas sedes fuisse Germanorum & Henetorum: sicut passim eius rei extant documenta. Vsitatum est, vt sæpe vicina loca easdem habeant appellationes, sed alter lingua Teutonica, alter Heneta.

Strabonis tes-
timonium de
promiscua ha-
bitatione Ger-
manorum &
Henetorum.

Ita scribit Strabo, Tracibus & Getis permixtam esse gentem Gallicam Lygiris, quam ego puto esse Henetos & Lygios: Imperium tamen ante tempora Gotthica fuit penes Germanos, id est, Lygios, & valde probabilis opinio est illorum qui existimant, illos populos, qui constabant ex Germanis vel Gotthis & Henetis, obedientibus tamen Germanis, dictos esse Vandalos. Scribit Dion, libro 55. Albim oriri in montibus Vandalicis. Procopius dicit Vandalos esse gentem Gotthicam, & nostra lingua tamen ita appellat Henetos. Ergo mixtos fuisse hos populos oportet. Nec differunt significatione hæc vocabula, Heneti, Venedi, Vandal, Galat, Vallen, Galatæ, Celtæ, quia omnia sunt à vagando, & ipsum nomen Heneti significat *voyage des*.

Vandali sunt
Germani &
Heneti mixti.

Henetorum
appellationes.

Ingeuones
Plinij.

Apud Plinium quasi opponuntur inter se Vindelici, qui & ipsi sunt Vandal, vel Vinden, & Ingeuones: ibi aliqui arbitrantur Ingeuones significare agricolas & indigenas, Vandalos vero mercatores, qui propter commercia suscipiunt profectiones: Agricolæ autem & indigenas illos alio nomine dictos esse Francos.

Sigynæ sunt
Vandal.

Fermè hæc opinio congruit ad Herodotum, qui scribit, à ripa Istri ad Adriam vsq; habitare Sigynas populos, posteros Medorum, eosq; vti habitu Medico, vocabulum autem ipsum lingua Lygiorum

giorum significare mercatorem. Non potuit Herodotus digito tangere loca ista, quæ Græcis non erant explorata: sed voluit procul dubio designare Vandalos, & credo etymon nominis esse Germanicum, à proficiscendo. Et præterea ista narratio Herodoti sit nobis testimonio, gentes nostras ex Oriente huc commigrasse. Constat igitur, Silesiam olim fuisse sedem, partim Quadorum, partim Elysiarum, & aliqua ex parte Manimorum.

Silesiæ veteris incolæ.

Quale sit Etymon appellationis Quadorum ego non inuenio: si quis putet esse dictionem Henetam, ab audacia & feritate factam, non repugno. De Lygijs & Elysijs dixi meam sententiam. Manimi videntur per Aphæresin dicti ab Almanis, quod est ab Alanis. Vandali, cum inuaderent Galliam, & Hispanias, dicuntur secum traxisse Alanos & Sueuos, quæ gentes proculdubio ex his locis se commouerunt.

Quadi unde dicti.

Manimi ab Almanis.

Etymon vocabuli Philippus putabat esse hebræorum Elan, id est, iuuenis. Norhualli apud Tacitum, sunt Vandali Boreales, Norduallen. Quare & hæc appellatio sententiam nostram de Vandalis confirmat. Arios fuisse Medos, ex Strabone & Herodoto ostensum est. Vtrum Heluecones sint ex nostro idiomate auxiliares, non affirmo.

Alani dicti ab Elan. Norhualli Boreales Vandali.

Eutropius libro sexto inquit, Heluetios, cum quibus dimicauit Cæsar, esse Quados: hæc opinio si vera est, illæ ipsæ gentes Heluetiæ ex his regionibus, quæ nunc sunt regni Poloniæ, eò sunt progressæ, ea, vt credibile est, ætate, vbi tota hæc gens Sueuica colonias emisit in Rhetiam, Vindeliciam & alias prouincias vltra Rhenum. Nec hodie mores & ingenia Heluetiorum aliena sunt à natura Silesiaca.

Heluetij sunt Quadi.

Heluetij ex Heluiconibus sunt.

De Sarmatis, qui vltra Lygios ad Aquilonem habitauerunt, facilis est ratio. Græci eos nominant Sauromatas, & vocabulum significat ducem altitudinis, quia versus cardinem terra videtur assurgere in altitudinem, aut quia populi illi existimati sunt habitare ad montes Riphæos, vnde & Riphæi sunt appellati. Ex testimonio vero Iosephi & Ptolemæi, fuerunt magna ex parte Heneti, probabile tamen est, in illa plaga Arctoa fuisse illis permixtos Scytas, sed tales, qui leges Henetorum acceperant & illis parebant.

In latissimis igitur campis versus polum, vbi nunc est Russia, cum vicinis prouincijs, quæ fortassis amplius 400. miliaribus complectuntur, sedes habuerunt Heneti Septentrionales. Moschi vel Mossineci, quorum appellatio in illis locis hæsit, his fuerunt mixti, teste Tacito, aliqui Teutonici, & passim etiam Scytæ: sed ita, vt imperium esset penes Henetos, qui tamen in illis locis nominati sunt Sarmatæ, & postea Moschi. Appellatio autem Henetorum mansit penes Henetos Australes, qui primum dicti sunt Venedi, illis accesserunt noui coloni ex Sarmatia, qui vniuersum illud littus compleuerunt, superatis etiam & pulsatis Gothis veteribus incolis.

Henetorum alij Septentrionales alij Australes.

Ibi nunc sunt Prouinciæ Illyricæ Seruia, Albania, Rascia & aliæ: & tanta est autoritas linguæ Sclauonicæ, vt ipsius in aula Turcica maior vsus sit, quam sermonis patrij.

Græci non distin-
xerunt inter Scytas &
Henetos.

Heneti sunt
nominati
Galli.

Sclauus dici-
tur à nobili-
tate.

Græci quidam ignari harum rerum non distinxerunt inter Henetos vel Sarmatas & Scythas. Ideo narrationes de iusticia Scytharum, & historia Zamolxis, qui fuit auditor Pythagoræ, & Scholasticus Aegyptius, item Anacharsis, proculdubio pertinent ad Henetos: & memoria dignum est, Henetos, præsertim australes, à Strabone & alijs vetustis scriptoribus, sæpe nominari Gallos, id est, Vandalos, atq; ita lingua Gallica illis significat linguam Henetam vel Vandalicam.

Nomen Sclauorum quando caperit dubitatur: certum tamen est, non esse vetustissimum. Suidas dicit, Sclauos esse gentem vltra Istrum. Illis quibus lingua Heneta nota est, dubium non est, vocabulum esse factum à nobilitate & celebritate gentis, quæ hac appellatione sese voluit distinguere à Scytis vel Tartaris.

MORES ET RES GESTÆ VE-

terum Lygiorum & Elyfiorum ex historijs

Græcis & Romanis.

Enumeratis veteribus ciuibus Silesiæ, inquirendæ essent historiæ illius antiquitatis. Verum, cum nullus aut exiguus fuerit vsus literarum & scriptionis apud nostros maiores, ex monumentis patrijs nihil cognoscere possumus. Germanis credo aut græcos, aut potius hebræos characteres fuisse vsitatos: sed eos, præsertim in tantis, & perpetuis illis mutationibus, ad sacra, non verò ad annotationes rerum gestarum adhibuerunt. Latina vero lingua illis planè fuit ignota. Et si quæ etiam scripta essent, illa iam dudum milles interijssent.

Germanorum
veterum Re-
ligio.

De religione veterum Germanorum nostras indicauimus coniecturas, videlicet, inter illas idolatrias, & superstitiones simul interspersas fuisse reliquias gentis Israhæliticæ, & cum illis aliquos ex nostris consensisse: sicut proculdubio ab initio non fuit ea gentium harum barbaries, quæ postea inoleuit. Disciplinæ honestas commendata est etiam à scriptoribus Romanis, & illud testimonium ab hoste prolatum, maioris est ponderis.

Tacitus lau-
dauit discipli-
nam veterum
Germanorum.

Æschylus lau-
dat Scytas vel
Henetos.

Est hæc vox Taciti: Plus ibi boni mores valent, quam alibi bonæ leges. Significat enim nostros maiores natura, educatione & consuetudine à sceleribus abhorruisse, quæ alibi nec legum doctrina, nec poenarum seueritate prohiberi possunt, quamuis & illam antiquitatem in puniendis sceleribus fuisse asperiores certum est. Etiam Aeschylus Scythas, id est, Henetos, nominat *ἄνθρωποι*, & de Saxonibus scribitur, quod etiam ante acceptam fidem Christi, ad-
ulteros

ulteros mares & foeminas viuentes cremauerint. De rebus gestis veterum Teutonum non plus scimus, quam sumitur ex historijs hostium ipsorum praecipue Romanorum.

Historia Romana primum celebrat direptionem Romae factam anno vrbis 365. à Celtis. Appellati sunt autem Celtæ non solum illi, qui incolebant regnum, quod nunc nominatur Gallia, sed etiam ipsi Germani, sicut aliquoties scribit Suidas, Germanos ad ripam Rheni habitantes, nominari Celtas, existimant autem eruditi, vocabulum esse idem quod Galata, Galli & Vallen. In ea vero expeditione fuerunt plures & diuersæ gentes, & procul dubio etiam multi ex nostris. Senas in Italia aiunt esse conditas à Senonibus, qui fuerunt vicini Elysiorum. Nominatur dux eorum Brennus, à cuius nomine Brennopyrgum in Senonibus plerique deducunt.

Roma capta à Gallis.

Sena Italiae condita à Senonibus.

Etsi verò ad extremum exitus fuit funestus Gallis: tamen eos satis iustam causam belli in Romanos habuisse apparet: Neque etiam victoria crudelissime fuissent vsi, si non irritati fuissent à Romanis. Post annos deinde 108. narratur alia expeditio Celticarum, facta duce Brenno in Græciam, ibi magna se multitudo per Pannoniam in Macedoniam infudit: & quamuis multum acciperunt detrimenti: tamen superstites fuerunt reliquiae, quibus sedes in Asia minori ad fluuium Halyn, vbi olim veterum Heneatorum fuit patria, datae sunt, ad eos scripsit D. Paulus: & appareret tunc etiam gentem eam fuisse pronam in superstitiones, & nimis credulam, ideo appellat eos *αἰσχῆτους*.

Brenni expeditio in Græciam.

Annis sexaginta post hanc expeditionem, celebratur aliud bellum Celticum in Italia, vbi Marcellus consul interfecit ducem Celticum Viridomarum, & retulit Romam spolia opima. Deinde post annos 113. describitur bellum Cimbricum, quod fuit crudelissimum, & durauit per quinquennium. Scribit Plutarchus, irruisse in Italiam 300000. Cimbrorum & Teutonum militum: traxisse autem illos secum turbam mulierum & puerorum infinitam, fuisse sermonem, exercitum illum collectum esse inde à palude Mæotide ad Rhenum vsq. Ergo & nostri homines fuerunt intermixti.

Celticum bellum in Italia.

Cimbricum bellum.

Initia fuerunt læta Cimbris, complentibus omnia horribili Ianiena & vastatione. Trucidarunt in aditu Alpium 8000. homines ex Romanorum exercitu. Sed tandem fatali casu bis victi, & crudelissima strage ad internecionem deleti sunt à Mario, cui mulier Iudaica Martha in suo exercitu victoriam praedixerat. Dies vltimi & truculentissimi praelij fuit 29. Iulij, quo interfecti sunt homines 120000, capti 60000.

*Cimbrorum
uel Germano-
rum misera-
bilis strages.*

Tanta autem fuit sæuicia aut immanitas victorum, vt viri fu-
gientes ex acie seipsos mactarent in castris, matres iugulatis liberis
seipsas interimerent, & cum arbores deessent, inuenti sunt, qui col-
lo se ad cornua bouum alligauerunt, à quibus raptati & necati sunt.
Conspecta est in castris incoelix mater pendens ex præalto carpen-
to, cui ex utroq; pede parui nati strangulati funibus pendebant.
Acciderunt hæc anno ab vrbe condita 652. ante natum Christum
fermè centesimo.

Hæc nostrorum maiorum tristitia cum vxoribus & paruis na-
tis exilia, & tragicos etiam interitus legentes, cogitemus de ærum-
nis generis humani, & de ira Dei aduersus peccata, qui in his popu-
lis etiam idolatriam & crudelitatem puniuit.

*Sueui pro-
gressi uersus
occidentem.*

Neque vero solum externa bella à maioribus nostris gesta
sunt: verum domi etiam fuerunt mutationes, & migrationes tri-
stes. Gens nostra Sueuica circa hæc ipsa, vt arbitror, tempora, cum
mota suis sedibus non proficisceretur vniuersa in Italiam, aut inde
esset repulsa, Rhetiam & Vindeliciam inuasit: & si Eutropio cre-
dimus, Quadi etiam suos Heluecones in illa iuga Alpium, vbi nunc
sunt Heluetij, collocarunt: Bellis deinde Iulij Cæsaris, non solum
multæ gentes afflictæ sunt, sed etiam Heluetiorum & aliorum vir-
tus inclaruit. Recitat autem in sua historia, etiam Marcomannos
adiunctis sibi Arijs, Sueuis & alijs, sub Ariouisto rege in Galliam
aduersus Cæsarem militatum transisse.

*Sueui militæ-
runt contra
Iulium Cæ-
sarem.*

Tempore Augusti, cum pleraq; pars orbis terrarum esset pa-
cata, & circa illos ipsos annos, quibus Christus adolescentulus in lu-
dæa cum matre & Ioseph ad festiuitates vsitatas Hierosolymam
proficiscebatur, in Germania fuerunt horribiles motus, cum Dru-
sus Germanicus, Augusti priuignus, vniuersam Germaniam ad
Albim vsq; concuteret. Verum is non multo post ad Moguntiam
ex vulnere mortuus est, & anno ætatis Christi vndecimo, tres le-
giones Romanæ à Principe iuvene, & præstanti virtute Harmi-
nio, trucidatæ sunt, interfecto Quintilio Varo. Post quam cladem
Romæ maxima fuit consternatio, quia Augustus metuebat, Har-
minium rectà progressurum in Italiam. Et quidem Drusum vi-
uentem, & in medio cursu victoriarum hortatus erat, ne transcen-
deret Albim, neq; gentes illas bellicosissimas irritaret.

*Harminius ui-
cit Quinti-
lium Varum.*

Fuit vero in exercitu Harminij robur militiæ Germanicæ,
quia potentissimis gentibus ad Albim & Hercyniam syluam domi-
nabatur, & in communi periculo multi ex vicinis eum secuti sunt.
Tandem artificijs Romanorum Boij & Sueui, id est, isti nostri po-
puli concitati sunt in Harminium, ex quibus dissensionibus ci-
uilibus magnæ acceptæ sunt clades. Nam scribit Strabo, vxor-
em, filium trimum, & socerum Harminij Romæ ductos esse in
Triumpho. Ipse tamen fuit victor, & cum anno duodecimo
post victoriam Quintilianam floreret potentia & autoritate,
domi

*Sueui oppu-
gnarunt Har-
minium.*

*Harminij u-
xor & filij
Romæ ducti
sunt in Tri-
umpho.*

domi ex insidijs à suis cognatis, qui conducti erant à Tiberio, interfectus est. Harminius
domi necatur
à suis.

Ex ruina Harminij deinde creuit potentia regni Marcoman-
nici, cuius autor fuisse putatur Maroboducus, qui adolescens Maroboducus
autor regni
Marcoman-
nici.
Romæ vixit, & reuersus in patriam amplum regnum Marcoman-
norum, & Quadorum condidit. Scribit Strabo eum domuisse ma-
gnam gentem Luios, qui sunt Lygij: præterea populos Sueuicos ad
ipsum vsq; mare Balticum: & transtulisse regiam suam in Bohe-
miam (ita enim legendum est apud Strabonem *Βοιημεν*) in quam
multos ex Marcomannis collocauit. Manifestum est autem, ma-
gnam fuisse illius regni potentiam, cum prouinciæ, quæ nunc inci-
piunt à Morauia cum parte Australi ipsius Bohemiæ, vniuersa Po-
lonia, Silesia, Marchia & Pomerania ad mare vsq; essent cõiunctæ.
Rex iste cum patriam sæpe magna cum gloria defendisset, & acer-
rimè resisteret Romanis, discordia domestica regno pulsus est, &
fugisse scribitur ad hostes suos Romanos, atq; ita Rauennæ in exi-
lio, penè sicut Themistocles, Coriolanus, Alcibiades, & multi alij
consenuit, & inglorius extinctus est. Talia sunt ludibria fortunæ
humanæ, & tamen illi ipsi euentus gubernantur à Deo, puniente
superbiam humanam, & mutante regna propter peccata.

Neq; tamen amisso illo rege potentia Marcomannorum ex-
tinctæ est. Domitiani ætate legio Romana cum duce interfecta est
in Sarmatia, hoc est, in his ipsis locis. Nominat Tacitus & aliud
genus regum Tudri, qui Tudrus fortassis est, qui Antoninorum
tempore Romanos fortiter est adortus.

Coniunxerat sibi foedere rex Marcomannorum omnes vici-
nas gentes, ipsamq; etiam Sarmatiam, & vt scribit Iulius Capitoli-
nus, vsq; ad Scythas. Numerat enim inter socios, populos Arctoos,
Bastarnas, Peucinos, Ostrogotthos, Roxolanos. Hæc conspiratio
tantum attulit Romanis terrorem, vt vterq; Imperator Lucius &
M. Antoninus Philosophus, in Germaniam profectionem insti-
tuerent, & ait Eutropius, non fuisse lenius bellum, quam fuerunt
Punica. In ipso autem apparatu belli, qui fuit eò difficilior, quod
magna pars militum atroci pestilentia illius temporis esset con-
sumpta, Aquilegiæ Lucius Cæsar extinctus est Apoplexia, ibi cum
M. Antoninus cadauer eius Romam reueheret, bellum extractum
est, & vires hostium interea auctæ: Peracto tamen funere, Impera-
tor validissimas copias euocauit ad hoc bellum, vbi & Galenus, vt
esset custos valetudinis Imperatoris, exercitum iussus est sequi, ve-
rum ipse apud Cæsarem placidum & facilem impetrauit, vt in stu-
dijs suis, & scriptionibus librorum in vrbe relinqueretur. Tudrus rex
bellum gerit
cum Romanis.

Totum autē biennium in bello illo consumpsit Antoninus, et si
ducebat secum exercitū robore & multitudine præstantem. Et cum
sæpe asperrima fierent prælia, accessit tanta siccitas, vt milites &
equi siti perirent, ibi in exercitu Romano scribitur precibus legionis
cuiusdam Legio Chri-
stiana preci-
bus suis impe-
trauit pluuiam.

cuiusdam Christianæ impetrata esse larga pluuia, & terribilia fulmina in Quados ceciderunt. Parta demum victoria Imperator huic legioni dedit nomen *νεραυόβελος*, id est, fulminatrix, & decreta facta contra Christianos aboleuit. Multitudini captæ ex Marcomannis dedit Antoninus sedes in Italia.

Quadi non
cesserunt
Romanis.

Acciderunt hæc circa annum Christi 170. Nec tamen quiesuerunt isti populi, sed subinde aucti nouis auxilijs, Pannoniam & vicina loca inuaserunt: & tantam virtutem, & vires Quadorum & Marcomannorum fuisse dicit Tacitus, vt ad suam ætatem vsq; reges ex gente ipsorum retinuerint, & sæpius pecunia quam armis à Romanis placarentur.

Gotthicum
Regnum.

In historia Decij deinde sub annum Christi 256. narrantur bella Romanorum cum Gotthis. Sub istam ætatem condiderunt imperium suum Gotthi, cum quibus proculdubio pleriq; Gotthi à Pannonia ad littus Balthicum vsq; sese coniunxerunt. Sicut Tacitus Gotthinos ad Austrum & Orientem, & rursus Gotthones ad Aquilonem facit vicinos Lygiorum. In illo bello perierunt Decius pater & filius, Deo puniente tyrannidem & sæuitiam in Christianos.

Marcomanni
gesserunt bel-
lum ingens
cum Aurelia-
no Cesare.

Iulius Capitolinus & Herodianus narrant, etiam Maximum ante Decium parasse bellum in Sarmatas, verum in ipso apparatu eum esse interfectum. Sicut autem ab vna parte commouebant se validissima cum potentia Gotthi: ita ab altera parte Marcomanni & Quadi, adiunctis sibi auxilijs populorum Henetorum, assidue in Romanos bella moliebantur. Aureliani ætate circa annum Domini 274. populi regni Marcomannici instar rapidi torrentis in ipsam Italiam penetrarunt, & capto Mediolano multisq; alijs urbibus, terrorem similem Cimbrico vel Celtico Romanis incusserunt. Sed Aurelianus Imperator bellicosissimus & foelix tribus magnis prælijs ad Placentiam & Ticinum eos vicit, & deleuit, cum prius tamen magnas clades accepisset. Neq; post hunc Imperatorem finis fuit bellorum, quæ excitarunt populi Germanici & Heneti, Alemanni, Franci, Marcomanni, Gotthi, Saxones, donec Imperium Romanum ab ipsis euersum est. Et quidem ab initio apparuit, hanc gentem, quam nunquam edomuerunt Romani, fatalem futuram huic Monarchiæ: sicut olim Græcia fatalis fuit regno Persico, & nostro Turci. Repressi tamen sunt aliquot annos populi nostri virtute Imperatorum, Constantini, Iouiniani & aliorum.

Germania
fuit fatalis
imperio Ro-
mano.

Quadi oppu-
gnarunt Va-
lentinianum.

Brigotium
oppidum
Quadorum.

Valentiniano deinde res fuit cum Saxonibus circa annum Christi 370. illis repulsis mouit bellum in Quados, qui inuaserant Pannonias, & accessit ad Brigionem, aut ad Brigotium oppidum Quadorum, teste Paulo Diacono, qui scripsit paralipomena Eutropij. Ibi cum incensus ira vehementius cum legatis Quadorum contenderet, vena ipsi in pectore rupta est, vnde post paucos dies peria-

peripneumonia extinctus est. Vtrum illa vrbs sit nostra Brega in Silesia superiori non affirmabo, sonus tamen & situs affinia sunt.

Circa hanc ætatem, extincta stirpe & autoritate regum Marcomannorum, videntur cœpisse initia potentiae Vandalicæ in his nostris regionibus, quæ gens procul dubio conflata fuit ex Germanis & Hænetis. Quia cum Teutonum vel Sueuorum vires tot expeditionibus, & cladibus valde essent attritæ, & subinde magnæ cæteruæ, populis quærentibus nouas sedes, hinc inde se coniungerent, ex vicina Sarmatia in has regiones noui migrarunt coloni, qui ipsis Germanis sunt interspersi. Sed iam tunc cœperunt inimicitiae inter Gothos & Vandalos.

*Vandalici
regni initia*

Gotthi sub Valente, pulsus præsidij Romanis, Pannoniam occuparunt. Deinde à præfectis filiorum Theodosij attracti sunt isti populi in Italiam, à Ruffino Gotthi, à Stillicone Vandali. Gotthi tandem anno Christi 414, sub Honorio, duce Alarico Romam 26. die Augusti teste Cedreno ceperunt. Vandali peruagati Galliam, in Hispaniam irruerunt: sed inde pulsi sunt à Gotthis, & ab ipsis Romanis præsidibus, euocati in Africam, ibi Gensericus rex immanem sæuitiam in pios exercuit: quia Vandali, sicut isti populi omnes, culpa Cæsarum Græcorum, qui tales ipsis miserant doctores, contaminati erant furoribus Arrianis: & dum obsiderent Hipponem, in vrbe mortuus est Augustinus, consumptus ingenti animi dolore, propter ruinas & calamitates Ecclesiæ, anno ætatis 76, anno Christi 430. Gensericus postea regnum Vandalicum in Africa constituit, ex quo est adortus Italiam, & Romam anno Christi 459. captam spoliavit.

*Roma capta à
Gotthis &
Vandalis.*

Durauit autem regnum Vandalorum in Africa annos 95. desijt sub Iustino, ultimo rege victo & capto à Bellisario. Sub eodem Iustiniano anno Christi 546. tertio Roma à Totila rege Gothico capta & destructa est. Sed has historias recitare integras non est nostri instituti: satis est nos inquirere nostræ gentis mutationes. Quæ fuerit fortuna Lygiorum, qui domi in suis sedibus manserant, etiam significat historia.

Tempore Valentiniani tertij, circa annum Christi 434. Attila Hunnos ex Scythia Orientali in Pannoniam adduxit, quorum fuit multitudo, & truculentia maxima: & non solum Gotthos sibi subiiecit, verum etiam populos, quicunque Carpatho erant vicini, domuit: & perspicue dicitur in historia, seruisse ipsi Ardaricum regem Gepidarum, qui nunc sunt Sepulij, orti & ipsi à Gotthis, deinde Marcomannos, Sueuos, Quados. Ille motus Attilæ irruentis, non minima causa fuit, cur Gotthi & Vandali facilius sese passi sunt in Italiam & Galliam vocari.

*Attila regna-
uit in Silesia.*

Vandali impares Gotthis miserunt ad Attilam oratum, ut ipsis veniret auxilio in Hispanias contra Gotthos. Ibi ille Tyrannus planè Stygius contraxit ex omnibus populis sibi seruientibus quin-

Attilæ Sæuitia.

quies

quies centena millia hominum, infudit se in Germaniam & Galliam ubi omnia tanta rabie immanitatis compleuit, ut ad eius famam tanquam infernalem spirantis flammam, totus orbis expauesceret.

Actius Romanus, usus auxilio Henetorum & Gotthorum, fudit Attilam.

Occurrit ipsi tamen ad Tolosam Galliae urbem, Aëtius dux Romanus peritus & foelix, qui optimo consilio adiunxerat sibi Gotthos & Francos: imò narrat historia scripta ea ætate, omnes populos ad Aquilonem, inter quos fuerunt etiam Sarmatae, id est, Heneti, vicini Attilae, ad exercitum Aëtij, tanquam ad restinguendum commune incendium, concurrisse: & tandem ita atrox praelium commissum est, quale fortassis aliud in genere humano non fuit, caesa sunt centum octoginta millia hominum, & magni torrentes sanguinis, raptantes secum cadauera, fluxerunt.

Theodoricus rex Gotthorum interfectus.

Et si victoria penè fuit ambigua, cum ex partibus Aëtij cecidisset Theodoricus rex Gotthorum, tamen Attila campo cessit, & reliquias sui exercitus reduxit in Pannoniam. Aëtius suo quodam consilio noluit vrgere victoriam, quod tamen postea perdidit Italiam.

Attila inuasit Italiam.

Attila extinctus.

Non autem hæc subito acciderunt. Nam cum Attila in vastatione Germaniae & Galliae consumisset annos penè sex, primum anno Christi 455. ad Tolosam cæsus est. Rediens in Pannoniam collegit omnes copias, tanquam alter Phaëton, minitans orbi terrarum faces & cineres. Inuasit igitur Italiam, cepit aliquot potentes vrbes, & cum Romam esset petiturus, mirabili Dei consilio à Leone Episcopo vrbis, & senatoribus legatis exoratur, ut vrbi parcat. Rursus igitur domum rediit, & meditabatur bellum in Sarmatas & Germanos. Sed cum illi noua nupta adduceretur, in conuiuio repentè sanguinem vomens extinctus est, correptus procul dubio Apoplexia forti, quæ eum euestigio strangulauit.

Attilae filij uicti sunt à Gotthis.

Hunni & Auari occupant Pannoniam.

Ita subito liberatus est mundus grauissimo terrore circa annum Christi 459. Post eius mortem, cum ipse tantum fecisset vastationes, neq; vllam formam regni constituisset, filij ipsius victi, necati, & ex Pannonia pulsi sunt, quam Gotthi recuperarunt, & retinuerunt annos centum. Deinde rursus ab Hunnis confirmatis auxilijs Auarorum victi sunt. Inde est appellatio Hungarorum, ab Hunnis & Auaris.

Sarmatici regni initium post mortem Attilae.

Mortuo Attila, & attritis gentium nostrarum viribus, tot migrationibus & cladibus, credo non multo post coepisse Sarmatas Lygijs, & vicinis prouincijs dominari, cum quidem in Germania nulla esset alia potentia, quæ illos impediret. Nam Franci, Saxones, Sueui, & pleriq; alij, iam in Italiam & Galliam migrauerant: ipsi autem Sarmatae aucti auxilijs vicinorum Roxolanorum & aliorum, sedes desertas Lygiorum & aliorum Sueuorum occuparunt.

runt. Inter Gotthos tamen & hos populos iam fuit inimicitia. Nam & Theodoricus rex, quem nominant Veronensem, loca vltra Carpathum depopulatus est.

Eadem verò ætate Longobardi, ex suis sedibus progressi, occuparunt Noricum & Pannoniæ partem: quod ita accidisse putato, quia gentes illæ Germanicæ & Suevicæ, respuentes imperium Sarmatarum, vltro patriam reliquerunt: quæ fuit, teste Ptolemæo, ad medium Albis, circa Magdeburgum. Sicut autem in alijs migrationibus plures fuerunt populi coniuncti, etsi appellatio penes illos mansit, qui fuerunt autores & duces: ita tunc Senones, & procul dubio, multi ex Lygijs, Longobardis se adiunxerunt.

Manferunt in illa ora Pannoniæ annos quadraginta duos: Tandem anno Christi 568. transgressi in Italiam, inde depulerunt Gotthos, & constituerunt in ea regnum, quod durauit annos 204. & deletum est à Carolo magno.

IMPERIVM SCLAVORVM IN

*Silesia, quod sub idolomania Ethnica durauit
annos ferme 500.*

RECITauimus historiam veterum Lygiorum, qualem ex scriptis antiquorum excerpere, & probabili coniectura assequi potuimus: nunc autem nouum seculum & nouum regnum ordimur. Primum autem, cum tam tristes casus nostræ gentis in tam terribilibus migrationibus & cladibus legimus, subeat animum nostrum cogitatio de miseris generis humani, & de ira Dei delentis totas gentes propter peccata: & simul filio Dei, monstratori patriæ magis beatæ & stabilis, nos commendemus, & speremus eum Ecclesiæ suæ præparasse sedem quietam & faustam, quæ erit sine ærumnis in domo patris sui, vbi sunt multæ mansiones.

Post interitum igitur Attilæ, desertis sedibus non solum veterum Lygiorum, verum etiam vicinorum Germanorum, Senonum, Hermundurorum, Marcomannorum, Boiorum, commouit se gens Sarmatica ex illis amplissimis regionibus, quæ nunc habent nomen Russiæ vel Moschouiæ, ab ipso mari glaciale vsq; ad paludem Mæotidem, & has terras occupauit, reliquis incolarum coactis, vt ipsorum acciperent Imperium. Supra autem de origine gentis huius diximus, quam existimamus esse Henetam, & distinguendam à barbarie Scythica vel Tartarica.

Hæc opinio, quæ nititur coniecturis probabilibus, procul dubio est accipienda. Itaq; mirum est, inueniri inter ipsos scriptores Polonos, eosq; primi nominis, qui malunt gentem suam Sclauonicam

*Longobardi
fugerunt re-
gnum Sarmata-
rum.*

*Longobardos
rum regnum
in Italia.*

*Sarmatæ sunt
egressi ex
Moscouia in
Poloniam &
Silesiam.*

*Sarmatæ fue-
runt Heneti
non Scythæ.*

nicam ex Scythis à Caucaſo educere, quam eam honeſta origine antiquitatis ornare.

Conſtat ex indicatione veterum Geographorum, Sarmatas hæc ipſa loca inhabitaffe, quæ nunc ſunt Moſcouia. Perſpicuè vero dicitur ab antiquis, maximam partem Sarmatarum eſſe Henetos. Sedes vero Henetorum veterum monſtrantur in Aſia à vetuſtis ſcriptoribus: addunt etiam multi, eos cum Cimbris ad Arctum miſſaſſe. Quæ igitur eſt ratio, ea reuocandi in dubium? Si quem mouet nouitas appellationis Sclauorum, vt ideo exiſtimet gentem etiam eſſe nouam, is cogitet, valde vſitatum eſſe, vt populi mutatis ſedibus, etiam vel à loco, vel ab euentu aliquo noua nomina quærant: ſicut ipſa Italia, Gallia & Germania ſæpe mutarunt appellationes. Ita cum gens Sarmatica, id eſt, Heneta in hac parte Europæ nouum regnum conſtitueret, etiam recentia vocabula quæſita ſunt, quibus ſeſe à Scythis, & ab ipſis Moſchis diſcernerent.

*Sarmatae ſe
nominarunt
Sclauos.*

*Lechus &
Zechus duo
ſtores Sclauorum.*

Omnes ſcriptores Polonici narrant, gentem Sclauonicam duos habuiſſe ductores, eoſq; fratres Lechum & Zechum. Lechi agmen compleuit ſedes veterum Lygiorum & Quadorum: & poſtitus eſt his locis ſine bello, quia & fermè tunc ea erant deſerta, & ſi quæ erant reliquiæ veterum incolarum, illi fortasſe ipſi Sclauos accerſuerunt metu vicinorum.

Zechus occupauit Bohemiam.

Zechus occupauit amœnam illam vallem inter montes Sudeſtes, cedentibus ipſi Marcomannis & Hermunduris: eamq; ſeruato veteri nomine, appellauit Bohemiam. Immiſit etiam nouos colonos in regionem veterum Marcomannorum, quos nominauit Morauos, aut à flumine aut ex antiqua appellatione, & ſimiliter alios in illum tractum, qui eſt inter Albim & Salam, qui dicti ſunt Sorabi, quod ipſum nomen eſt à Sarmatis: vnde etiam eſt Sorauia oppidum Sileſiæ. Aliud deinde agmen magnam partem littoris Balthici inuaſit, illi Vindi, Veneti vel Heneti ſunt nominati, quorum ſedes ad ipſum uſq; Sueuum fluuium, & ditionem Brandeburgensem pertinuerunt. Ita poſt exhaustas vires Germaniæ creuit potentia Henetorum.

Heneti occupant ueteres ſedes Germanorum.

De appellatione Poloniæ, quæ genti Sclauicæ, propagatæ in has noſtras regiones, attributa eſt, etiam ipſi autores patrij non conſentiunt: deriuant aliqui vocem à planicie, alij à ductore gentis. Mihi veriſimilia protuliſſe videtur vir omnibus vitæ ornamētis clariffimus D. Sigifmundus ab Herberſtein, qui in hiftoria ſua Moſcouitica, ex annalibus Moſchorum tradidit, olim ad nobilem urbem Kiouiam, vbi eſt confluens Nepariſ & Boryſthenis, non longè à ripa paludis Mæotidis, habitaffe populos Ruthenicos, qui dicebantur Poleni, id eſt, Campeſtres. Inde igitur proculdubio commota eſt maxima multitudo Sarmatica, quæ in noſtra loca migravit. Et credibile eſt nomen illud vetuſtum eſſe. Nam ampliſſima illa

*Poloni dicti à
camporum
planitie.*

simā illa gens Sarmatica, olim etiam vocabulis diuersis fuit distincta, quæ secum deinde in has regiones importarunt.

Existimo verò Polonos dictos esse respectu aliorum, qui dicebantur Riphæi, hoc est, montani, quod propius mundi cardinem, aut ad montes habitarunt, cum ipsi Poloni incoherent agros vicinos Euxino & Austro. Ex Riphæis vero veteribus multi secuti sunt Zechum in Bohemiam, qui, ut opinabile est, suam appellationem istis montibus impresserunt. Nam altissima iuga Sudetum, quæ Silesiam attingunt, adhuc hodie nominantur montes Riphæi vel Gigantæi.

Riphei montes Silesiæ à populis Riphæis.

De rebus gestis Henetorum ab initio, pauca aut nulla extant monumenta, sed post receptam Christi doctrinam, quædam ex veteri sermone maiorum annotata fuerunt. Ego in hoc breui scripto non texam integram historiam regni Poloniæ, cum hoc à meo consilio & argumento sit alienum. Exponam vero breuiter tempora præcipuarum mutationum in hoc regno, cui tunc Silesia fuit subiecta: & ostendam eorum congruentiam cum historijs Germanicis. Copiosius autem describam ea, quæ propriè pertinent ad Silesiam.

Imperium Lechi existimatur fuisse placidum & quietum, nec traditur, quos habuerit filios superstites, aut quam diu illi regnauerint. Dicuntur eo tempore condita quædam oppida & arces in Polonia, structura non multum magnifica, ut Gnesna, quæ fuit sedes Principis, & dicitur significare nidum. Post interitum stirpis Lechi in Polonia fuit Aristocratia, Prouincijs diuisis inter septem Principes, quos ipsi sua lingua Veiuodas, scriptores Latini Palatinos nominarunt: cuius dignitatis simulacra adhuc hodie in Polonia conspiciuntur.

Lechi regnum Placidum.

Gnesna urbs Poloniæ condita à Lecho.

Aristocratia in Polonia.

Abrogato rursus statu Aristocratico, delatum est regnum ad quendam Cracum, quem multi ineptè nominant Grachum, & affingunt fabulas de Romana origine: ille condidit urbem, in veteri sede Quadorum, Cracouiam. Mortuo patre Craco & filio Leseo, regnasse dicunt apud Polonos puellam Vendam, filiam Craci, viraginem animosam, quæ fortiter defendit patriam aduersus vicinos, & ferme eodem tempore Bohemica historia narrat de puella Valasca, quæ Bohemiam septennium cum suis virginibus obtinuit. Historiæ sunt similes veteribus narrationibus de Amazonibus.

Palatini Poloniæ.

Cracius rex condidit Cracouiam. Venda filia Craci uirago.

Fuit illi bellum cum vicinis Germanis, qui haud dubiè fuerunt Franci & Saxones. Nam illi scribuntur repressisse Sarmatas. Causa belli narratur, quod dux Teutonicus petiuerit coniugium Vendæ, & cum ea Principatum quoque. Hunni deinde confirmati accessione Auarorum, qui ex Prouincia Iura, ultra Moscouiam sita, se commouerant, & Gotthis rursus regnum Pannoniæ, post cen-

Hunni adorantur Polonia.

tesimum annum fermè ab excessu Attilæ, eripuerant, adorti sunt etiam vicinam Poloniam, quæ, cum eo tempore esset sine certo Principe, scribitur esse defensa à quodam Premislao, qui deinde factus est Princeps.

Carolus Magnus repressit Polonos.

Carolus erectit Marchias contra Polonos.

Postea recensentur duo Lechi, pater & filius, quibus intercessit bellum cum Carolo Magno, quod incidit in annum Christi 786. aut circiter : & excitatum est hac occasione, quod Poloni, aut auiditate prædæ, aut metu potentiae Hungaricæ, coniunxerunt se cum Hungaris aduersus Germanos, eos repressit Carolus, & ex Pannonia superiori eiecit, erecta contra eos Marchia orientali, quæ deinde nominata est Austria. Polonos etiam Carolus teraruit, & ad petitionem pacis adegit, qui Aquisgrani per legatos reconciliati sunt Carolo ea conditione, vt perspicuè testantur scriptores illius seculi, Eginhartus & alij, vt Imperatori soluerent tributum.

Carolo Magno Poloni fuerunt tributarij.

Idem Carolus, ad arcendos Polonos à Germania, muniuit Brandeburgum anno 789. collocatis eò colonis ex Alsatia, quos tamen Poloni non multo post mortuo Carolo eiecerunt. Nam filij huius Lesci, quos habuit plures, veteres sedes Longobardorum, Senonum & vicinorum inter se partiti sunt, & excitatis multis munitionibus sese aduersus Germanos defenderunt. Cum illis tamen populis Henetis, Polonis & Bohemis, assidua bella gessisse scribitur Ludouicus Caroli filius, circa annum Domini 830. Anno Domini 823. Francofurti iste Ludouicus Principes Henetos, ad se accersitos, pacauit.

Pompilius Princeps Polonorum describitur à muribus.

Polonica historia deinde commemorat, duos Pompilios Principes, patrem quidem virum non malum : sed filium scelera- tum, qui cupiditate regnandi patruos Principes veneno sustulit, & deinde memorabili Dei iudicio à muribus & gliribus scribitur esse discerptus cum coniuge & liberis. Referatur igitur & hic euenus inter exempla poenarum diuinarum, propter tragica peccata hominum.

Piaſtus ciuis Crusiſcensis auter stirpis regie in Polonia.

Deinde euectus est ad regnum quidam honestus & mediocris fortunæ ciuis Crusiensis Piaſtus, qui celebratur ob beneficentiam & hospitalitatem. Ab hoc ciue, præstanti pietate & beneficentia descendunt longo ordine reges Poloniæ : & illis extinctis, ex ea familia adhuc superstites sunt Inclyti Principes Lignicenses & Brigenſes. Fuit hoc circa annum Domini 870. Ludouicus Balbus Cæsar Principem quendam Sclauicum sub idem tempus bello vicit, & excæcauit.

Post Piaſtum collocatur Semouitus cuius gubernatio fuit feculix. Recuperauit aliquot ex Prouincijs amissis discordia Principum : & multa ademit Morauis. Arnolphus Cæsar circa annum Christi 888. Morauos domuit : & Sclauos in limitibus coëgit ad seruandam pacem. Post hunc numeratur Lescus Quartus filius

Semouiti,

Semouiti, qui fuit amans quietis & pacis. Illi successit Semomyslus, qui & ipse contentus suis finibus quieuit.

Sub his duobus Principibus circa annum Christi 910. & proximi hunc sequentes, Principes Sclauici, qui tenebant tunc bonam Marchiæ Brandenburgensis & Misniæ partem, & his adiuncti Bohemi crudelissimè vastarunt vicinam Germaniam, sed sub annum 920. ab Henrico Aucupe grauitè cæsi sunt, & plerique ex illis deuicti & domiti. Principem Bohemicum captum coëgit, vt fieret tributarius Romani imperij. Cepit Brandenburgum, & alia loca anno 927. & vt Germaniam muniret aliquo stabili præsidio, in limitibus constituit Marchias, Brandenburgensem, Misnensem, & Lusaticam, quibus præfecit viros nobiles, præstantes robore animi & vsu militiæ, qui deinde multos annos asperrima bella gesserunt cum Polonis & Henetis vario successu.

Henricus Aucups repræsentat Sclauos.

Henricus Aucups constituit multas Marchias contra Sclauos.

Quàm igitur tunc Silesia illis continuis bellicis excursionibus fuerit afflictæ, & exhausta, facile potest æstimari. Semomyslus nascitur vnicus filius, isquæ cæcus, Mieslaus, qui post septimum ætatis annum ex miraculo visum recepisse scribitur, quod fuit omen significans, sub eo Principe veram lucem Christi populos Sarmaticos accepturos.

Mieslaus cæcus recipit visum.

Hactenus annales Polonici recitant historiam valde perplexam & mancā. Sed ab hoc tempore, quo Christiana doctrina huic genti innotuit, & ab exteris hominibus doctis cum religione simul literæ, & aliqua studiorum initia illata sunt, etiam monumenta publica meliori cura conscripta sunt, & ea, quæ memoria hominum adhuc extabant, repetita.

Nunc igitur Principes & Reges Polonorum suo ordine nominabimus, & ea quæ Silesiæ acciderunt explicatè referemus.

MIESLAUS PRIMVS PRINCEPS

Christianus in gente Sarmatica.

SERò doctrinam filij Dei amplexa est gens Sclauonica. Quia & natura prona est in superstitiones, & quia propter continua bella, eaque immania, non patuit aditus doctoribus Euangelij in hæc loca. Contra vero in Germania superiori cito semina Euangelij sparsa sunt. Quia in Germaniam penetrabant Romani exercitus, & constituebantur ibi coloniæ Romanæ, in quas pietate hominum nobilium, vocabantur Apostolorum discipuli, qui ipsi quoque in his locis, vbi maior erat modestia morum, libentius vivebant, quam in Græcia vel Asia, quæ erant horribili turpitudine contaminatæ.

Sclaui serò acceperunt religionem Christianam.

Legimus igitur, Dionysium Areopagitam venisse Luteciam, Lazarum resuscitatum ex morte Massiliam, Maternum audito

postolorum
discipuli do-
cuerunt in
Germania.

rem Petri Argentoratum, Crescentem Moguntiam, Clementem Metim, Lucium Cyrenæum, qui fuit filius Simonis Cyrenæi illius, qui Christum iuuit in gestanda cruce, Augustam Tiberiam, quæ nunc est Ratispona, Marcum Pauli Comitem, ad urbem Passau.

Ecclesiæ Ger-
nice laudate
ab Irenæo.

Gothicæ &
Vandalicæ
gentes fue-
runt punite
propter fu-
rores Ar-
rianorum.

Ab his igitur iam tunc vox doctrinæ in illo populo propa-
gata est, & citat Irenæus honorificè testimonia Ecclesiarum Ger-
manicarum: Vltiores autem gentes, Gothicæ, Vandalicæ, &
deinde Longobardicæ, culpa Imperatorum Græcorum infectæ
sunt labe dogmatis Arriani, quod ipsi deinde immani cum sæui-
tia defenderunt, grauissimè afflictis pijs, qui retinebant verita-
tem in hoc articulo: ita vt verè existimari possit, tyrannidem &
rabiem istam irritasse iram Dei, & fatales poenas attraxisse in hos
populos, qui pleriq; miserabiliter trucidati & deleti sunt.

Carolus Ma-
gnus religio-
nem Christia-
nam propaga-
uit in Saxo-
niam.

Illyricæ gētes
primæ inter
Henetas acce-
perunt doctri-
nam Christi.

Moravi &
Bohemi in-
serti Ecclesiæ.

Gentem Saxoniam ad verum cultum Dei flexit Carolus
Magnus, qui in quodam diplomate affirmat, bellum se gessisse, vt
gens Saxonica in posterum, non sibi, sed Deo seruiat. Inter gentes
Henetas, nationes Illyricæ & vicinæ, primæ Christianam doctri-
nam acceperunt, quod accidisse scribitur sub annum Christi 860.
illisq; concessum est, vt in templis vterentur lingua populari: cum
in senatu Pontificis inter deliberationes de hoc negotio, subito, vt
dicunt, audita esset vox: Omnis Spiritus laudet Dominum, quam-
uis, vt aliqui ex vetustioribus recitant, & credibile est, hoc testimo-
nium tunc ab ipsis legatis Cyrillo Episcopo & alijs citatum sit.
Morauos deinde erudit Methodius, curante hoc Arnolpho Im-
peratore: neq; multo post Bohemi quoq; ad Ecclesiam accesserunt,
docente eos eodem Methodio, qui tunc erat exul.

Mieslaus &
Polonia acci-
piunt fidem
Christi.

Fuisse hoc circa annum Christi 895. constat, & in historia
Aenæ Syluij errorem esse centum annorum, quem ego suspicor à
typographo commissum. In Prouincias etiam Poloniæ paulò post
emanabat notitia Euangelij, & passim instituebantur congressus
in syluis, & locis solis, ob metum magistratus, tandem cum in aula
quoq; religio illucesceret, Princeps persuasus à suis, appetijt nu-
ptias filia Ducis Bohemorum Boleslai (qui iugulauit postea fra-
trem Venceslaum, quem Bohemi inter sanctos numerant) puellæ
Dambronicæ, quod nomen fuit etiam auia paternæ, foeminæ
sceleratæ. Cum his nuptijs Mieslaus simul religionem Christia-
nam suscepit, accepto sacro Baptismate Gnesnæ. Fuit hoc anno
965.

Egidius Car-
dinalis Tuscu-
lanus consti-
tuit Ecclesias
in Polonia.

Statim posteaquam hoc Romam delatum est, Pontifex Io-
hannes 13. misit in Poloniam Egidium Cardinalem Tusculanum,
qui hinc inde in Regno constituit Episcopatus, vt nominant, & Ec-
clesijs præfecit homines Italos & Germanos, qui facerent initium
religioꝝ

religionis, & populum erudirent. Ex edicto itaq; regio, simulachra idolatrica ubiq; in Polonia publicè confracta & exusta sunt, die septimo Martij, is fuit eo anno dies Dominicus quartus in quadragesima, quem nominant, Lætare Hierusalem. Horum Encæniorum memoria diu conseruata est in hac gente, & eo Dominico die gestata sunt simulacra terribilia, similia spectris, in perticis, eaque tandem in cœnum deturbata, qui mos adhuc hodie à pueris & puellis in Silesia repræsentatur, & nominatur dies ille Dominica mortis. Quia etiam malos genios solebat colere, & placare vetustas Ethnica, ne nocerent.

Encænionum Poloniae & Silesiæ.

Qualis autem tunc fuerit forma, vel status religionis, ostendunt historiæ illorum temporum: Plurimum creuerant superstitiones sub Ludouico pio Imperatore Caroli filio, & paulatim confirmati sunt multi tetri abusus, sed tamen Monarchia Pontificia nondum fuit ad supremum culmen euecta. Ideoq; illa ipsa collegia Canoniorum olim fuerunt scholæ, in quibus adolescentia erudiebatur in doctrina cœlesti, in bonis artibus, & simul habebat exercitia precationum & lectionum in templis: illis collegiis Episcopus, tanquam præcipuus rector & inspector doctrinæ & disciplinæ Ecclesiasticæ, præerat: sicut circa illam ætatem Otto secundus, filius præstantissimi Imperatoris Ottonis primi, adolescens didicit literas & Ecclesiæ doctrinam in collegio Hildeshemensi, & publicè vna cum suis æqualibus in templo precatum est, & cecinit.

Religionis status sub Mieslao primo principe Christiano.

Collegia Canoniorum fuerunt scholæ.

Tales scholæ tunc etiam in Polonia constitutæ sunt, quæ etsi sua habuerunt iam contagia: tamen non fuerunt illi abusus intolerabiles, quos excogitauit ætas posterior. Ideo & sacerdotes tunc habuerunt vxores, & nondum instituta illa theatrica circumgestaltunge panis, minus erat idolatrici cultus in missis: neq; homines ita ad statuas sese prouoluebant: nondum etiam noua illa examina Monachorum nata erant: etsi, vt dixi, paulatim lux veræ doctrinæ extinguebatur, quæ fermè tota conticuit centesimo anno post hanc ætatem, vbi Pontifex Romanus, oppressis Imperatoribus Romanis, ad se omnem potestatem traduxit.

Sacerdotes fuerunt mariti.

Magna autem liberalitate Principis, constituta sunt nouem collegia in Polonia, ex quibus Gnesnensi præfecerunt Archiepiscopum: qui esset præcipuus gubernator ministerij in toto regno: addunt quidam, eandem dignitatem attributam etiam Cracouiensi, sed quam multo post amiserit. Inter cætera collegia fuit etiam Smogrense, quod deinde successu temporis Bicinam, tandem Vratislauiam translatum est. Est autem Smogra ignobilis pagus in parte Aquilonari Viadri, milliaribus fermè decem distans à Vratislauia: vnde æstimari potest, Silesiam tunc non-

Episcopatus nouem constituti in Polonia.

Smogrensis Episcopatus.

dum habuisse vrbes frequentes, & ipsum collegium non fuisse simile Episcopatui Vratislauensi, qualis nunc est.

Godefridus primus Episcopus Smogrensis. Fuit autem primus Episcopus Smogrensis Godefridus Romanus vir doctus & pius, qui rexit Ecclesiam annos septendecim inter magnas ærumnas & labores, cum populus adhuc mordicus quasdam opiniones & ritus idolatricos retineret, & nobilitas, sicut narrat historia, barbaricam exerceret crudelitatem. Beneficentia tamen Principis, etiam istis doctoribus locuples constitutus est victus. Nam attributæ sunt Episcopis in omnibus Prouincijs decimæ ex omnibus frugibus agrorum. Quod ipsum sicut in illa vastitate regionis nondum excultæ fuit necessarium: ita sequenti ætate multas peperit offensiones in Silesia, Episcopo ius suum defendente, Principibus verò & ordinibus volentibus excutere illud onus nimis, vt visum est, graue.

Decimæ sunt concessæ Episcopis in Pomerania.

Ritus obseruatus à nobilitate in templis. Inter alia scribitur in historia, nobilitatem, vt testaretur studium suum in defendenda & propaganda religione recens accepta, anno Christi 979. fecisse publicum decretum, vt Sacerdote inchoante recitationem Euangelij ad aram, omnes nobiles gladios aliqua ex parte nudarent, eosq; choro respondente vsitato cantu, tandem reponderent.

Hungaria accepit religionem Christianam. Eadem ætate Hungaria etiam fidem Christi amplexa est, & Stephano regi ipsorum imposita corona, quam Mieslaus etiam petiuit à Romano Pontifice, sed reiectus fuit ad Imperatorem Ottom Tertium, cuius maxima fuit autoritas etiam in Italia, à quo deinde filius Mieslai titulum regium impetrauit.

Periodi fatales Regnorū. Hic autem cogitandum est, cum ex consentienti testimonio historiæ totius mundi, fatalis Periodus regnorum, post quam graues solent incidere mutationes, sit quingentorum annorum, quid tribus his regnis Hungarico, Polonico & Gallico, in quo tunc etiam noua familia Hugonis Capeti, Caroli Magni stirpe excussa, coepit regnare, circumacta hac periodo sit expectandum: & notum est qualis iam facies publici status in his regnis conspiciatur. Deum igitur precemur, faciat vt possimus effugere ventura mala, & stare in conspectu Filij hominis.

Vrbanus Episcopus Smogrensis. Mortuo Godefrido Episcopo Smogrensi successit Vrbanus etiam Romanus, qui accersitis viris doctis, & adducta supellectile vttilium librorum, studia literarum in Silesia excitauit. Fuit hoc anno Christi 983. Anno deinde 987. gens Moscouitica vel Ruthenica didicit & accepit ritus religionis Græcæ, qui legatis missis ad explorationem & inspectionem Ceremoniarum Ecclesiasticarum, melius placuerant quam Latini: sicut vsitatum est homines neglecta doctrina delabi ad externa spectacula.

Moschi inserruntur Ecclesijs Græcorū.

Tantum

Tantum autem postea gens illa addidit superstitionum, ut ipsi Græci eos nunc vix pro suis agnoscant. Cum apud ipsos, teste viro grauissimo & nobilissimo Sigismundo ab Herberstein, nunquam populus publica explicatione doctrinæ, & concionibus erudiatur: Caput pietatis collocatur in quibusdam supersticiosi obseuationibus, & cultu statuarum: & quia sunt oppressi tyrannide horribili, opiniones sui Principis etiam in religione solent habere pro lege immutabili: propemodum sicut Athenienses degeneres olim fecerunt decretum, quicquid visum esset regi, illud esse pium & iustum. Tueatur nos Filius Dei ab impietate & crudelitate Mefech & Cedar.

Gubernatio vero Mieslai alioqui fuit tranquilla. Scribitur duo tantum gessisse bella. Ruthenicum, quo deinde sæpe Poloni implicati sunt, & Bohemicum: ut collocaret in ducatum, patrum filium Boleslai pupillum, quem aliqui procere aspernabantur, Ornasse dicitur Prouincias extructis aliquot vrbibus & arcibus: inter quas etiam numeratur Vratislavia, cuius instaurationem omnino in hæc tempora puto incidere: sicut etiam Glogouiæ: Sed de his infra dicetur.

*Mieslai primi
bella & mors.*

*Vratislaviæ
& Glogouiæ
urbium Silesiæ
exordia.*

Anno 987. horribilis fuit fames in Polonia, & in toto mundo, propter magnam sterilitatem. Decessit Mieslaus Anno 999. Reliquit superstites Boleslaum filium, & nepotem Mieslaum.

BOLESLAUS PRIMVS DICTVS

Acer, primus Poloniæ Rex.

Natus est anno Christi 967. ex muliere Bohemica, quæ fuit neptis S. Venceslai ex fratre, ut supra dictum est. Fuit Princeps sapiens, iustus & foelix, & verè suæ gentis Augustus. Impetrauit ab Imperatore Ottone tertio nomen regium. Imposita est ipsi corona Gnesnæ ab ipso Cæsare. Scriptores Poloni referunt, Ottone ex voto profectum Gnesnam, ut inuiseret sepulchrum Adalberti, interfecti propter doctrinam à Prutenis, & describunt pompam plusquam Persicam, qua dicunt exceptum & tractatum fuisse Cæsarem à suo Rege.

*Otto tertius
Imperator
proficiscitur
Gnesnam.*

Ista procul dubio vanitate veterum historicorum conficta sunt. Neque enim Otto Imperator potens & foelix, ob hanc causam tam longum iter ingressus esse putari debet: cum ea ætate nondum in frequenti vsu essent illæ peregrinationes, & Martyr ille recens parum esset notus Germanis. Deinde neque tunc potuit esse ille fastus, & ostentatio purpuræ & auri in Polonia: cum regnum adhuc esset nouum, parum excultum vrbibus, atque ideo minime opulentum, ita ut ipsi scriptores non arbitrentur, tunc vsu fuisse numismatis aurei vel argentei in Polonia.

Sed

Otto tertius
ornauit Boles-
laum I. digni-
tate regia.

Regnum Po-
loniæ fit tri-
butarium im-
perio Roma-
no.

Sed credibile est Boleslaum, vt exemplo Hungariæ, suas Pro-
uincias in certam formam regni redigeret, quod ad hæredes suos
posset transmittere, appetiuisse nomen regium à Cæsare, & Otto-
nem etiam pacis & quietis publicæ causa, vt tandem illa longa bel-
la inter Sclauos, & Principes Imperij, præsertim Marchiones, fi-
niret, non grauatim hoc iter suscepisse: Neq; dubium est, exquisi-
tos illi fuisse habitos honores pro ratione ætatis illius, vbi non-
dum valde regnavit luxus. Imperator hospiti suo Boleslao regi
donasse scribitur vnum ex clauis, quibus Christus dicitur confixus
esse in cruce, & lanceam D. Mauricij.

Obseruandum vero est, quod pleriq; ex scriptoribus Germani-
cis, propinqui etiam illi ætati, narrant, regnum Poloniæ tunc es-
se factum tributarium Imperio: illudq; non modo vero consenta-
neum est, verum etiam in sequentibus narrationibus subinde repe-
titur. Historia Polonica hoc constanter negat, etsi hæc societas, &
subiectio imperio tunc florente, cuiq; aliæ gentes nobilissimæ pare-
bant, regno huic nihil esset ignominiosa.

Optandum erat ab omnibus prudentibus, Ecclesiæ, patriæq;
amantibus, talem esse regnorum in Europa coniunctionem, vt emi-
neret aliquis insigni autoritate, & potentia munitus, qui esset Dux
publici consilij, & murus contra incursiones barbararum gentium,
quæ & huic & alijs regnis minantur excidia.

Tales olim fuerunt Cyrus, Augustus, Constantinus, Caro-
lus Magnus, sub quibus Monarchiæ constitutæ sunt armis & le-
gibus: in ista vero sæculi nostri dissipatione, odijs & dissidijs Eu-
ropæ, fatales impendent interitus.

Rixa neptis
Ottonis tertij
despondetur
Mieslao filio
Boleslai.

Vt firmior esset concordia tunc inita, Otto neptem suam ex
sorore Mechtilde filiam Erenfridi Comitis Palatini ad Rhenum
Rixam, despondit Mieslao filio Boleslai, puero duodecim anno-
rum, quæ eodem anno in Poloniam missa est, ibiq; educata. Inter
scriptores exigua est dissensio de tempore. Nam Poloni scribunt,
Ottonem Gnesnæ fuisse anno 1001. Deinde fuisse eum supersti-
tem annos duos, quibus ordinem & ἀξιωμα Principum Electo-
rum in Germania instituit: voluntq; eum veneno extinctum esse,
anno 1003. Historia autem Germanica nominat annum 1001,
mortis Ottonis. Sed diuersitas hæc leuis & parui momenti est.

Adalbertus E-
piscopus Pra-
gensis &
Martyr.

Adalbertus vero ille, Polonorum numen, fuit Episcopus
Pragensis, præstans pietate & virtute: Is cum Bohemiam, propter
gentis impietatem, reliquisset, profectus est in Italiam, deinde pas-
sim in Hungaria & Polonia Ecclesias recens nascentes inspexit,
tandem Prussiam, adhuc tunc idolatricam, adiit, eam de Christo
erudire cœpit, & ibi à populo barbaro interficitur, anno 997. Ca-
daver eius emit à Prutenis Boleslaus, & Gnesnæ sepelijt. Dies
mortis

mortis eius, qui est 23. Aprilis, toti Poloniæ est festus, præcipue verò Gnesnensibus, vbi celebres tunc sunt nondinæ.

Inter bella Boleslai primum nominatur Bohemicum, de quo dissimiles sunt narrationes, aliæ Polonorum, aliæ Bohemorum: & accusatur Aeneas Syluius, quod fuerit Polonis iniquior. Graues clades tamen Boleslaum tunc intulisse Bohemiæ constat: adeoq̃ genti imperasse tributum. Scribitur autem, Bohemos irritasse Polonos, cum extremam oram Silesiæ ad montes Sudetes essent depopulati. Ita sub hanc ætatem factum est initium bellorum inter gentes Henetas, Polonicam & Bohemicam, quod multis annis post subinde solitum est recrudesce, eoq̃ grauissime sæpe concussa & afflicta est Silesia, quæ propter vicinitatem fuit exposita primis periculis.

Boleslai primi bella.

Bohemica & Polonica bella inchoantur sub Boleslao primo.

Anno 1008. conuertit se Boleslaus ad bellum Russicum vel Moscouiticum, quod fuit difficile, & tamen faustum Boleslao. Nam multis magnis prælijs Moschos vicit, & vsq̃ ad Borysthenem progressus est, occupata vrbe Kiouia, vbi olim fuit Polonorum patria. In eo bello tanta fuit virtus ipsius Boleslai, vt Moschi appellauerint ipsum acrem. Tertium bellum Poloni nominant Saxonicum, quod inchoatum est anno 1012. & durauit vltra quinquennium.

Boleslaus primus uicit Moschos.

Scribunt Poloni causam Boleslaum hanc habuisse, quod gentes Sarmaticæ, dictæ Heneti & Vendæ, in littore Balthico & ad Albim fluuium passim à Germanis essent oppressi & domiti. Volunt autem, regem suum impune peruagatum esse vniuersam Germaniam Septentrionalem ad ipsam vsq̃ Cimbricam Chersonesum, & ad ripam Salæ trophæa & limites ipsum fixisse. Verum ex consensu historicorum, qui illi sæculo fuerunt viciniore, intelligi potest, Boleslaum repudiata pace, quam cum Ottone iniuerat sub Henrici Bauari imperio, quem initio ciuilia arma, & deinde bella Italica exercuerunt, inprimis vicinas Marchias, Lusaticam & Misnensem, cum exercitu percurrisse: occupasse etiam vrbes Budisinnam & Misenam, vt Henetis seu Vandalis, quos in suam potestatem Marchiones redegerant, esset præsidio.

Boleslaus primus uastauit Germaniam.

Boleslaus primus occupauit Budisinnam & Misenam vrbes.

Etsi autem ad Cimbricam vsq̃ Chersonesum eum victorem peruasisse nostri scriptores non commemorant, & vix credibile sit, robur penè vniuersæ Germaniæ illi tam facile fuisse cessurum, quod Carolum Magnum totos triginta annos repressit: tamen Vandalicam gentem, quæ à ripa Albis ad Salam vsq̃ habitabat, eum aliquot annos coniunctam cum regno Poloniæ retinuisse, consentaneum est.

Historiæ nostræ narrant, tantam fuisse tunc Vandalorum crudelitatem, vt etiam odio nominis Germanici doctrina Christi abiecta, redirent ad veteres idolomanias: & Episcopatus Magdeburgens

Vandalorum crudelitas in proprias Ecclesias.

burgensem, Mersburgensem, Misnensem, constitutos ab Ottone primo, armis diruerent, Episcopis trucidatis: quod sine dubio fiducia auxiliorum Polonicorum factum est. Sed Henricus Bauarus, sedatis motibus intestinis, arma conuertit in Principem Bohemicum, qui spreta autoritate Cæsaris sese tributarium Polonorum effecerat, & intra paucos annos, vt referunt nostræ historiæ, non modo Bohemum ad officium compulit, verumetiam Vandalos domuit, Episcopatus & templa diruta instaurauit, & Boleslaum ad seruanda vetera pacta adegit. Hoc tamen ego crediderim, non insigni aliqua clade, sed transactione cum Imperatore cum rediisse in gratiam.

Prusie veteris incolæ.

Pacem Germanicam excepit bellum Prussicum. Habitabant vero in Prussia olim populi, & ibi adhuc sunt reliquæ illorum, qui lingua Henetæ vel Sclauonicæ planè dissimili utebantur, sicut & in locis aliquot Liunioniæ, cui erant intermixta vocabula latina.

De origine gentis illius, neminem probabilius quid asserere vidi, quam D. Peucerum virum Clariss: qui putat eos in illas regiones Arctoas, desertas tunc à Sclauis, qui sese in Germaniam & Poloniam infuderant, migrasse ex Valachia, & fuisse olim colonos Italicos collocatos in Valachiam ab Imperatoribus Græcis, vt arcerent Sclauos ab imperio Constantinopolitano, sed superatos tandem multitudine & vi Sclauorum, patriam reliquisse.

Boleslaus primus uicit Borussos.

Et si autem posteritas inter barbaros, vt ille inquit, barbara facta est: tamen aliquos mores gentis Italicæ veteris in quotidiano usu balneorum, in ritu funerum, in cremandis cadaueribus suorum, retinuerit. Huic genti, quæ & tunc, & multo post mortis sue retinebat idola, intulit bellum Boleslaus euentu satis foelici. Nam aliqui ex Borussis tributum illi promiserunt. Verum ante ingressum nobilitatis & ordinis Teutonici, nullus fuit finis bellorum & tumultuum.

Boleslai primus iusticia & pietas.

Vltimum bellum denuo ipsi intercessit cum Moschis, quod tamen cito vna victoria, eaq; insigni finijt. Domi fuit iustus & industrius in vniuersa gubernatione, & in primis commendatur pietas ipsius erga tenuiores, quibus præsidio erat contra crudelitatem nobilitatis, adeo vt, si ipsi essent imperiti, suo sumptu curaret illis patronos, qui causam ipsorum proponerent: & sæpe tam reum quam actorem inopes, vsque ad finem litis sumptu suo in aula aleret.

Recitatur dictum eius memorabile, malle sese sola gallina vesci, & interea æquale ius omnibus dicere, quam inter magnas delitias vitæ conuiuere ad scelera potentum. Laudatur etiam in primis studium eius erga religionem, & munificentia in Ecclesias. Distinxit etiam prouincias regni, distributis oneribus militaribus, vt in

vt in subitis casibus Reipub: facilis & certa esset collectio exercitus, quæ ratio adhuc regno illi salutaris est, & in limitibus, ad arcedas incursiones hostium, erexit arces & munitiones. Denique talis fuit Boleslaus, vt certum sit eum annumerandum præcipuis generis humani Principibus, qui à Deo ad constitutionem Ecclesiarum & regnorum excitati sunt. Merito igitur retinenda est eius memoria, tanquam Principis armati à Deo sapientia, virtute & felicitate in rebus gerendis.

Boleslaus primus fuit hereticus Rex.

Habitus eius depingitur, quod fuerit temperamenti quodammodo medijs inter biliosum & sanguineum. Ideo fuit animosus & promptus ad magna facinora sine crudelitate, & in pace modestus & humanus. Decessit anno 1025. proximo post mortem Henrici Bauari, anno ætatis 58. Ante mortem instituit sibi successorem Mieslaum filium, cui moriens Rempub: & Ecclesiam diligenter commendauit, illique futuras calamitates & clades regni prædixit.

Narrat Duglossus, Cometam eo anno fulsisse, qui existimatus sit fuisse nuncius mortis regię. Sepultus est Posnaniæ, magnumque sui desiderium populis suis reliquit.

Cometa apparuit.

MIESLAUS SECVNDVS.

Hic multum fuit dissimilis patri, imbecillis corpore & animo, adeo vt ante mortem parum mente constaret. Rexit eum Regina Coniunx, mulier sapiens, quæ cum ex consideratione potentię Germanicę, & amore suę gentis hortatrix esset viro, ne opponeret sese Imperatori, venit in odium apud Polonos. Quiescente igitur Mieslao, cum etiam alioqui infelix esset præliator, Bohemi recuperarunt Morauiam, & præsidia Polonica ex suo regno eiecerunt. Imperator etiam Conradus Saliquus, vir acer & prudens, Henetos in locis Germaniæ imperio coniunxit. Creuerunt inde Duces Mechelburgenses, Respublica Lubecensis & alij.

Mieslaus secundus imbecillis Rex.

Narrant etiam Poloni, Marchionem Brandeburgensem, tunc planè repudiato imperio Polonorum, factum esse Imperij Principem: quod si verum est, non video quomodo potuerit ab Ottonem tertio, Marchio Brandeburgensis inter electores cooptari. Pomeraniam tamen Mieslaus armis retinuit in sua obedientia. Moritur 1034. sepultus Posnaniæ. Coronationi Mieslai interfuit Clemens Episcopus Smogrensis, iste repurgauit Silesiam ab omnibus idolatrijs Ethnicis. Fuit homo Romanus, mortuus anno 1027. successorem habuit Lucilium Italum, qui inhonestos mores sui Sacerdotij seuerè castigauit.

Heneti traditi in potestatem Principum Germanicorum.

Clemens Episcopus Smogrensis.

Mortuo Mieslao, cum filius propter aetatem teneriorem, nondum aptus esset ad gubernationem, regnum commendatum est Rixæ reginæ: Sed ea iam tunc inuisa erat Polonis & creuit deinde odium in ipsam. Etsi autem historia Polonica eam accusat propter auaritiam, tamen annales alij valde vetusti manuscripti laudant eius pietatem & iusticiam: scribunt autem eam in se concitasse odia gentis, quod exemplo Boleslai focer, coherceret nimiam licentiam nobilitatis, quæ partim adhuc implicata idolatricis cultibus, partim ex feritate morum, grassabatur in Ecclesias, exercebat tyrannidem in subditos, & aspernabatur autoritatem reginæ.

Rixa regina
Vidua una
cum filio Casimiro proficiscitur in
exilium.

Casimirus ingreditur monasterium.

In ista *anapxia* cum mulier prudens & sancta, sicut ipsi fatentur Poloni, insidijs & manifesta vi se peti videret, profecta est in exilium ad Conradum Cæsarem in Germaniam, cui ut ius suum in Poloniam seruaret integrum, transmisit vtrumque diadema Regis & Reginæ: asportauit etiam nobilem thesaurum ex Polonia pro viatico & alimento. Filium adolescentem, aut tunc statim, sicut credibile est, secum abduxit, aut, ut aliqui volunt, eum ex Hungaria, quo secesserat, accersuit, eum deinde, cum prius domi autoritate patris adhibitus esset ad studia, misit Luteciam in scholam, qui inspecta etiam Italia, semper sua persona dissimulata, tandem ingressus est religionem Monachorum ordinis Diui Benedicti, vbi in literis, & exercitijs pietatis exul vitam suam transigere decreuerat.

Polonia diuiter fuit afflicta exulante Casimiro.

Interea Polonos secuta est Nemesis. Regnum intestinis seditionibus, & externis bellis penè funditus perditum est. Nam cum nullus finis esset tyrannidis, nobilitas etiam ipsa inter sese latrocinia exerceret, orta est seditio multitudinis rusticæ, quæ passim crudelem in modum grassata est, & iam reuocabantur veteres idolatrici cultus. Moschi etiam ab vna parte Poloniam latissimè sunt depopulati. Quidam Maslaus occupauit Masouiam, eamque de suo nomine dixit.

Bohemi atrociter uastant Poloniam.

Ab altera vero parte Bisetislaus Bohemorum Princeps, vlturus veteres iniurias, cum exercitu infesto Sileciam & Poloniam inuasit: Cepit, sicut dicitur, nominatim Vratislauiam, & ut scribit Syluius, Cracouiam: deinde Posnaniam, atque etiam sedem Regiam Gnesnam, quam vnà cum templo beneficentia Principum Polonorum ornato & ditato spoliauit, & inde auexit corpus S. Adalberti: etsi Poloni præ se ferant, Bohemos Gaudenti cadauer ex errore, pro Adalberto abripuisse, penè sicut apud Herodotum Rex Aegyptius decepisse dicitur Cambysem. Itaque nunc etiam ea res in dubio est, & vtrique suum Adalbertum ostendunt.

Hæc acciderunt anno Christi 1038. Nec reliquisset Poloniam Bohemus, nisi Conradus Imperator, exoratus precibus Reginae Rixæ exulis, quæ populi sui, quamuis ingrati, mouebatur interitu, eum vi & armis retraxisset, quod bellum inchoatum à patre Conrado, qui anno proximo post decessit, filius Henricus Tertius, teste Syluio, est profecutus: is tandem capta Praga metropoli Regni, Principem ad pacem adegit.

Bohemi retrahuntur ex Polonia à Cæsare Conrado. Rixæ exul seruauit regnum Poloniæ.

Adiicit Syluius, tunc ex sententia Imperatoris Silesiam fuisse relictam Bisetislao, aut Prædislao, ut alij eum nominant, ita ut quotannis Prouinciæ huius nomine tributum Imperio Romano penderet, quod fuit auri triginta, argenti 150. librarum. Hoc si ita accidit, necesse est Silesiam paulò post à Casimiro esse recuperatam, & haud scio, an non postea hoc prætextu Iohannes Rex Bohemiæ, Silesiam à Polonis repetiuerit. Litigatum est etiam Romæ coram Pontifice de ornamentis templorum, sed nullo cum

Silesia traditur Bohemis ab Imperatore.

Interea reliquiæ ex nobilitate Polonica serò peccata sua intellexerunt, & inierunt consilium de reuocando Casimiro, & cum à matre cognouissent, eum in Gallia Cluniaci esse Monachum, profecti eò inuenerunt eum mutato nomine dici Carolum, & iam sacris initiatum. Multa tentarunt, ut iuuenem placarent, tandem etiam impetrarunt à Romano Pontifice, ut eum solueret religione. Sed Pontifex Polonis grauem, & penè ridiculam multam imposuit.

Casimirus ex Monasterio reuocatur ad regnum.

Epitipia imposita Polonis à Romano Pontifice.

Ex populo enim singuli iussi sunt soluere quotannis Pontifici nummulum vnum, ut inde in æde D. Petri Romæ perpetua aleretur lucerna, quamuis historici vetustiores affirmant, initio datos esse ternos nummulos, & cribrum auenæ, si igitur ex ea pecunia, quæ fuit maxima, conflata fuit Romæ fax, oportet eam fuisse varissimam. Pensionem hanc nominarunt nummum S. Petri, & inde scriptores Poloni sumunt argumentum, ubicunq; ille numeratus est, fuisse eas regiones ditionis Poloniæ.

Pontifex Romanus facit illi regnum Poloniæ tributarium.

Secundo, omnes Poloni viri iussi sunt radere caput exemplo Monachorum. Tertio iniunctum est nobilitati, ut in templis ex collo fasciam lineam suspenderent, quali uti solent Diaconi: ut ita meminissent, recuperasse Polonos regem, qui fuisset Monachus & Diaconus. Casimirus matrem non persuasit, ut rediret in Poloniam, cum scemina sapiens metueret, ne veteres offensiones recrudescerent, filium iuuit pecunia, & ab Imperatore Henrico ipsi impetrauit diadema, & nomen Regium. Ipsa in Germania Magdeburgi, aut, ut alij volunt, Salfeldiæ vitam finijt.

Rixæ moritur in Germania.

Casimirus renouatis cum Cæsare veteribus pactis, redijt in Poloniam anno 1041. Regnum fermè collapsum virtute sua restituit. Duxit in matrimonium Principis Ruthenici filiam, & hac

D ij affinitas

*Silesia redditur
Polonis.*

affinitate gentem eam sibi conciliauit. Deinde auxilijs Germanicis recuperauit Masouiam, & autorem defectionis, instructum auxilijs Prussicis, fudit & interfecit. Pacato regno ab hostibus, cepit constituere Ecclesias, & Rempub. Scribunt illi à Bohemis sub certis actionibus redditam esse Silesiam, quam Casimirus exornauit & muniuit.

*Vratislavia
excolitur.*

Tunc igitur exeruit nomen suum Vratislavia, & in eam vrabem, auctam frequentia hominum & ædificijs, Casimirus collegium Episcopi, quod paucos annos, propter clades bellicas, in opidulo Bizina fuerat, transtulit anno 1052. illudq; pluribus redditibus donauit. Sum autem in ea sententia, Vratislaviam culturam & nomen suum accepisse isto interregni tempore, quando Bohemi Silesiam obtinuerunt, etsi instauratio prius à Mieslao primo fuerat inchoata, vt quidem suo loco copiosius exponetur.

*Vratislavia
quando nomen
accepit.*

*Hieronymus
Episcopus
Vratislaviensis.*

Regebat tunc Ecclesiam hanc Hieronymus Romanus, qui sepultus est Vratislaviæ in æde sacra lignea & vili, dicata diuo Iohanni. Apparet verò, gentem nostram singulari pietatis quodam affectu, complexum esse diuum Baptistam, quod ipsum à primis nostris maioribus fuit acceptum.

*D. Iohannes
Baptista religiose
cultus
est à Silesijs.*

Nam in historia regum Longobardorum in Italia scribitur, tanta veneratione populum illum, qui in hac vicinia sedes habuit, & ex Silesia fuit collectus, persecutum esse S. Baptistam, vt vulgo existimatum sit, eos vinci non potuisse, antequam cultum istum spernerent. Casimirus etiam, vt gratus esset suis nutricijs, colonias Monachorum Benedicti in Poloniam deduxit, & sodalicium vnum collocauit Leubusium in Silesiam ad Viadri ripam, vbi olim fuerat celebris cultus idoli Ethnici.

*Leubusensis
Cœnobij exordium.*

*Cometa uisus
est arderi.*

In tota vita & gubernatione fuit iustus & clemens. Decessit anno 1058. reliquit superstites filios duos, Boleslaum & Vladislaum. Etiam huius mortem præcessit Cometa.

BOLESLAVS SECVNDVS.

*Kiouia urbis
delitiæ.*

FVit vir acer & bellicosus, beneficus tamen & liberalis in suos, & initia regni fuerunt gloriosa. Tria asperrima bella gessit, Bohemicum, Hungaricum & Moscouiticum, satis scelici cum successu, & Bohemicum quidem finitum est per nuptias. nam sororem suam collocauit nuptum Principi Bohemorum. Dicitur autem exercitus ipsius corruptus esse otio & voluptatibus in vrbe Kiouia, quæ propter vicinitatem græcas delitijs vsurpabat.

Interea dum nobilitas in septimum annum abesset, mulieres domi consueuerunt cum seruis, & ex illo prohibito concubitu plurimæ pepererunt. Nobiles mariti, re comperta, deserto Rege recurrere

currerunt domum. Rex eos consecutus, animaduertit in deserto res castrorum asperius, & infantibus mulierum abiectis, catulos vberibus earum admouit. Ipse etiam rapuit nobilis viri coniugem, eaq̃ est abusus. Accusatur præterea, quod in gubernatione fuerit negligens & sæuus.

Adulteria mulierum Polonicarum.

Etsi autem videtur esse prægrauatus odio sacerdotum, quod fuit magnum, tamen & hoc exemplum monstrat, quanta sit imbecillitas hominum, in quibus non modo valetudo, robur corporis, aut fortuna, sed etiam ipsa virtus, quæ animæ quoddam decus est, leui occasione mutatur & extinguitur. Iste est, qui iugulauit D. Stanislaum, & suæ genti conciliauit perpetuum patronum. Quamuis vero credibile est, Stanislaum, qui fuit Episcopus Cracouiensis, fuisse virum sanctum, eumq̃ pietatis zelo arsisse, tamen in ipsius historia recitantur fabulæ plenæ impietatis & ineptiarum.

Boleslaus Secundus iugulauit D. Stanislaum Episcopum. Stanislaus Episcopi Cracouiensis historia.

Dicitur obiurgasse Regem propter scelera, & hortatum esse ad vitæ emendationem, quod factum dignum est Episcopo Ecclesiæ. Cum autem hac libertate in se iram irritasset Regis, quæ sita sunt artificia, quibus vicissim premeretur & excuteretur: sicut talia consilia Sinonia v̄sitata sunt in aulis. Subornati sunt igitur, qui criminarentur Stanislaum, quod inuasisset alienum prædium. Episcopus vocatus ad Regem, cum non posset emptionem suam aliter probare, venditorem suum, vt aiunt, qui ante triennium mortuus erat, resuscitatum ad Regem adduxit. Is cum satis excusasset Stanislaum ad Regem, & ab Episcopo tandem esset interrogatus, an optaret per aliquot annos esse superstes in vita, respondit, malle se, vt precibus Stanislai poenæ purgatorij, quæ alioqui non futuræ essent amplius longæ, ipsi mitigarentur, vt paulò post in coelum posset migrare, atq̃ ita exanimis in sepulchrum relatus est.

Apparet fabulam hanc fictam esse à sacerdotibus, producentibus venum suas indulgentias, & incenditibus purgatorium, quod ab initio constitutum est à Gregorio, moto à Spectris: etsi illæ narrationes magis verecundæ sunt, quam ista, quæ ascribit huic Episcopo miraculum, quod penè fuit gloriosius, quam resuscitatio Lazari, illudq̃ volunt esse editum propter retinendum vilem aliquem pagum. Sed vanitas facile se ipsam redarguit. Quia etiam peritis antiquitatis notum est, commentum hoc descriptum & in Poloniam traductum esse ex Heluetia, vbi in Monasterio Seccingeni plane simile in omnibus circumstantijs miraculum accidisse narratur factum à Frudelino Scoto sub annum Christi 500.

Fuit hoc anno 1074. post quinquennium idem Stanislaus Regem, nihil emendantem suam vitam, imitatus forte exemplum D. Ambrosij, publicè excommunicauit, & Cracouiæ cantum & actiones sacras sustulit. Ibi Rex iratus iussit eum trucidare ad aram, s.

D iij Maij,

Maij. Cadaver dissectum in partes canibus obiectum est, quod dicunt tamen defensum à quatuor Aquilis, quæ alioqui in Polonia raro conspiciuntur, coaluisse.

Polonia regnum euersum est à Romano Pontifice.

Fuit hæc quidem sæuitia Regis iniusta, etsi & zelus Episcopi potuit excedere modum: tamen seditio, quæ contra ipsum furij sacerdotum accensa est, non potest excusari. Nam cum sacerdotes querimoniam detulissent Romam ad Pontificem, ille totum Regnum fulmine suo feriit, iussit claudere omnia templa, & tandem alienatis animis nobilium, & ordinum, ipsi Boleslao insidiæ struantur, atq; ita infelix Rex anno 1081. in spontaneum proficiscitur exilium, & in Hungaria paulò post egens & miser extinctus est.

Boleslaus Secundus periit exul.

Hildebrandus Pontifex Germaniæ & Poloniæ fuit fatalis pestis.

Suadente demum Pontifice, & efficientibus hoc Sacerdotibus, ademptum est nomen regium Poloniæ, & ipsi sacerdotes ornamenta Regia clam ad se transtulerunt. Inde Polonia plurimis annis ciuilibus dissensionibus & cædibus in ea Principum multitudine & vilitate quassata & miserè debilitata est. Fuit autem is Pontifex Hildebrandus, qui etiã nostræ Germaniæ fuit fatalis, cum sub Henrico Quarto, maiestatem & potentiam Imperij Germanici suis consilijs insidiosis euerteret, & Monarchiam Romanam stabiliret. Numeretur igitur & hic Boleslaus inter exempla humanæ infirmitatis, & simus memores illius dicti, maximis hominibus maxima accidere mala: Obseruetur etiã, qui sint fructus regni Pontificij.

Auaritiae inexplebilis exemplum.

Refertur de hoc Boleslao elegans factum. Allata fuerat in aulam magna vis auri & argenti: stetit ibi quidam sacrificus inops, spectator, is admirans diuitias illas altum cepit ingemiscere, audit hoc Rex, & quærit, quæ sit causa mœroris sui. Respondit ille, admirari sese opulentiam & beatitudinem Regiam, deplorare vero suam miseriam, cui nihil harum pulcherrimarum rerum domi sit. Rex liberalis, equidem faciam, inquit, vt & tu sis beatus, & iubet eum tantum auri & argenti accipere, quantum possit auferre suo pallio, illudq; cum videretur esse lacerum & infirmum, Rex curauit ipsi afferri recentius. Sacerdos, sicut natura hominum est auara, tantam molem in vestem illam infarsit, vt redituro domum, in via ex onere, cum nolet quid abijcere, ceruices fractæ esse dicantur. Rex cognito casu, cadaver & aurum, tanquam damnatum quid, in flumen abijci iussit.

VLADISLAVS PRIMVS

Polonia ethnarcha.

Ethnarcha Poloniæ.

PVlso fratre commendatur gubernatio fratri Vladislao, titulus tamen regis illi non tribuitur, repugnantibus Episcopis, qui tunc exemplo sui Pontificis, & Episcoporum Germaniæ, summam sibi in regno vendicabant autoritatem: nec placari poterant propter cædem Stanislai, nisi iniurias suas cum malo publico vlciscerentur,

tur. Nam cum amplius ducentis annis nullus esset Rex in Polonia, & Principes ipsi inter se dissiderent, nec magna eorum esset auctoritas, regnum miserabiliter à Scythis, Moschis & intestinis bellis fuit laceratum. Fuit autem consuetudo, vni ex Principibus tribuere summam auctoritatem in regno, cui alij parerent: eum ipsi nominant Monarcham incommode, nos eum Ethnarcham nuncupabimus.

Initium gubernationis Vladislai incidit in annum Christi 1082. Nupta fuit illi Iudith filia ducis Bohemiæ. Fuit Princeps bonus & quietus, qui bella sua in primis confecit per legatos, ferme sicut Iustinianus. Gessit diuturnum bellum, & vario cum euentu cum Prutenis & Pomeranis. Ita autem tunc creuerat superstitio, vt Princeps vota faceret pro suscipienda mascula prole D. Egidio in Gallia, ad cuius Monasterium missa est splendida legatio cum muneribus. Iam enim cura pietatis penè tota relegabatur ad monachos, vnde & paulò post diuersa examina monachorum prodierunt.

Cum in Pomerania bellum non satis esset prosperum, persuasum est Polonis, puniri milites diuinitus, quod tempore quadragesimæ soliti essent vesci lacticinjs. Mortua Regina etiam Bohemiæ cum bellum suscitatum est, & sunt concitati Bohemi in Polonos ab Henrico Quarto Imperatore, qui anno 1086. Vratislao Principi Bohemorum, Moguntia in conuentu Imperij, tribuit nomen & dignitatem regiam, & simul adiudicauit illi Morauiam, tanquam Prouinciā regni, fecitq; illi potestatem, vt Silesiam, Lusatiam & totam Poloniam ad se traduceret: cuius concessionis causam nullam aliam reperio, quam quod Cæsar querebatur, Imperio non exolui pensiones constitutas & promissas recens suo Patri à Casimiro Monacho: deinde quod Vratislaoi fideli opera utebatur in bello ciuili contra Saxones.

*Vratislaus
Bohemiæ
Princeps or-
natur digni-
tate regia,
illiq; adiudi-
catur Silesia.*

Narratur expressè, hanc partem Silesiæ, quæ nominatur inferior, tunc ex diuturna pace bene cultam crudeliter à Bohemis fuisse direptam & vastatam. Anno 1094. tamen translatum est bellum in Morauiam, ibiq; qua ratione sit sedatum, victoria, an verò, vt aliqui volunt, pretio, non satis constat. Nec multò post ciuilia bella exercuerunt Poloniam. Susceperat Vladislaus filium nothum, Sbigneum, animi, vt apparet, quidem generosi, sed turbulentissimi, nimisq; ambitiosi: sed eum, cum legitimum haberet ex Iuditha vxore Boleslaum bonæ indolis Principem, ablegarat in Saxoniam, vt ibi viueret in Monasterio. Interea in aula ex successu militiæ creuerat quidam Palatinus Cracouiensis, Secechus: is, sicut in rebus secundis homines raro manent modesti, abusus sua fortuna & gratia apud Principem, multos ex nobilitate & plebe iniuste afflixit: ita vt plurimi etiam potentes viri in voluntarium exilium in Bohemiam proficiscerentur. Exules tandem instigati à Bohemis, Sbigneum cum aliqua manu Germanorum, Monasterio educum, ad se accersunt, atq; ipso duce petunt Silesiam.

*Sbigneus mo-
uet bellū con-
tra patrem.*

*Secechus sua
perbus aulic-
us.*

Solebant vero tunc Principes Poloni in Silesiam collocare gubernatorem, qui sedem suam habebat Vratislaviæ: is tunc erat quidam comes, quem nominant Magnum, illi intercedebant inimicitiae cum Sececho. Sbigneus igitur cum exulibus accedens ad Vratislaviam nunciat gubernatori, se non venire ut hostem patris sui, sed ut frangerent tyrannidem Secechi, qui sese & totum regnum per vim opprimeret, contra quem auxilia à Silesijs peterent. Etiam ordinibus Prouinciæ grauis erat superbum illius aulici regnum, ideo recipitur Sbigneus in arcem.

*Vratislavia
defendit exu-
los contra
Principem.*

Vladislaus pater, missa legatione, mandat Vratislaviensibus, ut Sbigneum efficiant: sed illi profitentur, nunquam sese discessisse à fide Principis, sed orare tantum, ut exules, homines honestos, non sinat ita crudeliter opprimi. Sed Princeps cum exercitu ad urbem accedit: ibi cum populus, præeunte Episcopo Ziroslo, ipsi prodixisset obuiam, & supplex veniam petisset, rediit cum illis in gratiam. Sbigneus autem metuens iram patris, iam in Pomeraniam fugerat, ubi tandem prælio victus & captus est à patre. Non multo post tamen Vladislaus bonus pater, exoratus precibus Archiepiscopi, Sbigneum non solum recepit in gratiam, sed eum etiam filio legitimo Boleslao, in adeunda hæreditate exæquauit. Isti duo deinde filij Principis Vratislaviæ inierunt consilium in Secechum, illisque annitentibus pellitur in exilium, amissa pristina dignitate & loco.

*Secechus eij-
citur in exi-
lium.*

Talis fuit exitus illius aulici, qualis apud Tiberium Seiani, & multorum aliorum, qui sua fortuna & potentia abutuntur ad uicem, & oppressionem infirmorum. Eadem ætate Bohemi rursus aggressi sunt Silesiam, & ad Vratislaviam usque processerunt, tandem, ut haberent stabilem receptum, Camenzium arcem ad ripam Nissæ, ubi postea Cœnobium constructum est, munierunt: illam tamen paucis annis post rex Bohemicus nepoti suo ex sorore Boleslao, filio Vladislai, restituit.

Intulit etiam Moschis bellum per filium Boleslaum, foelici cum euentu: sed fermè Polonis semper satis fuit, si Moschos potuerunt arcere à suis finibus. Nam raro eos longius profecuti sunt. Moritur Vladislaus 1102. anno.

BOLESLAUS TERTIVS,

DISTORTVS.

*Boleslaus ter-
tius fuit foelix
bellator.*

Non habuit Polonia Principem, qui fuerit acrior & foelicior præliator, quam iste Boleslaus: & quidem, etsi naturæ bonitas & generositas magna fuit, videntur fuisse in ipso impetus nimis calidi, cum passim omnes vicinos in se irritaret: Nec tamen plurimis

plurimis & maximis victorijs aliud profecit, quam vt sua tueretur.

Adortus est initio Bohemos, & Morauiam fermè totam vastauit. Deinde instaurauit bellum Pomeranicum, & in hac historia primum fit mentio Glogouiae. Narrat enim Duglossus, Boleslaum, vt Pomeranos deluderet, collegisse exercitum Glogouiae, præ se ferens expeditionem Bohemicam, sed inde subito mouit in Pomeraniam. Fuit *ἐν ποταμῷ*, ita vt cum paucis familiaribus non dubitaret inuadere iustum exercitum Pomeranorum.

Glogouiae urbis prima mentio.

Cum prospiceret bellum Bohemicum futurum esse grauius, pleraque loca oportuna in Silesia muniit. Exordia igitur multorum oppidorum & arcium in hoc tempus incidunt. Non multò post immiscuit sese bello Hungarico. Henricus enim Quintus Imperator iustas causas irarum habebat aduersus Colomannum Regem Hungariae, qui fratrem regno expulerat, & milites Christianos, qui ad Godefridum Bilioneum, Imperatorem expeditionis Asiaticae contra Sarracenos & Turcos, per Hungariam iter faciebant, passus erat violari & deleri.

Regi Hungariae misit auxilia Boleslaus, & dum in castris Caesaris esset Princeps Bohemiae Suantopultus ipse interea Bohemiam deprædatus est. In Hungaria nihil effectum est. Nam Rex cum Caesare amicè transegit. Post hoc bellum Boleslaus fratrem Sbigneum, cui pater Masouiam, & vt aliqui scribunt, Poloniam maiorem etiam dederat, insimulauit prodicionis, eumq; ex regno excussit. Rursus igitur infelix Sbigneus exulatum in Bohemiam concessit.

Sbigneus de nouo exulat.

Anno 1109. exarsit bellum Germanicum cum Caesare Henrico Quinto. Illud cum describatur à scriptoribus Polonis mirabili cum splendore virtutis Polonicae, recitabo primum historiam ex ipsorum Chronicis, deinde indicabo, quid de eo bello Germanici scriptores vicini illi seculo, atq; etiam vetusti annales Polonici annotauerint.

Boleslai tertij bellum cum Henrico quinto Caesare.

Irascebatur Henricus Caesar Boleslao propter auxilia missa ab eo Regi Hungarico, & propter deuastatam Bohemiam, præterea Sbigneus exul assiduis precibus opem à Caesare implorabat. Henricus collecto exercitu, quem sequebatur Suantopultus Bohemorum Princeps cum suis copijs, & Sbigneus cum exulibus, Silesiam, quæ tunc Poloniae parebat, ingreditur. Libusium oppidum limitaneum cepit, & illud, pro foelici belli auspicio donauit Archiepiscopo Magdeburgensi. Deinde accedens ad Viadrum adoritur Bythoniam, quæ habebat arcem tunc munitam, hodie vero illa diruta est, & oppidum in alium locum translatum, ea vero à præsidio Polonico fortiter defensa est, ita vt Imperator non sine clade castra inde mouerit.

Henrici Quinti Imperatoris expeditio in Poloniam.

Libusium oppidum capitur ab Henrico Quinto.

Bythonia frustra oppugnatur ab Henrico Quinto.

Postea

Postea scribit Duglossius, Cæsarem in hac vicinia occupasse oppidum Recenum, quod diu ante in memoria hominum esse desijt. Deinde adortus est Glogouiam. Fuit autem ipsi difficile superare flumen Oderæ, cum ripam aduersam ad urbem Boleslai copiae tuerentur. Cæsar tamen nouo vado inuento non procul ab urbe, die S. Bartholemæi ante meridiem, dum populus astat missæ theatricæ, exercitum in alteram ripam traduxit, & multos ex agmine Boleslai incautos oppressit, magna tamen copiarum pars in urbem euasit. Deinde instituit oppugnationem urbis Glogouiæ, quam tunc scribunt fuisse frequentem, sed parum munitam, quod muri ex vetustate essent collapsi.

Glogouia oppugnatur ab Henrico Quinto.

Oppidani petierunt à Cæsare inducias quinque dierum, ut Principi possent significare de sua conditione, & promiserunt, si ipsis intra illud tempus præsto non esset, sese dedituros urbem. Et, Cæsare hoc postulante, præcipuorum ciuium & nobilium filios miserunt in castra pro obsidibus. Interea ipsi reficiunt muros: Boleslaus nunciauit Glogouiensibus, fortiter agerent in defensione patriæ, se ipsis affuturum in tempore: si tamen, quod adhuc expectaret auxilia Hungarica & Ruthenica, intra quintum diem non veniret, ne propterea Cæsarem reciperent: sed potius liberorum obsidum necem excidio patriæ anteferrent: si secus facerent, se ipsos finito bello cum suis regno eiecturum.

Glogouia sitinet impetatus Henrici Quinti.

Obtemperarunt ciues suo principi: Cæsar iratus terribilem instituit oppugnationem: & tandem, ut obsessos acerrimè sese defendentes flecteret, obsides senatorum & nobilium liberos machinis alligatos telis suorum obiecit. Non pepercerunt his ciues, sed extrema quæque subeuntes hostem reijciunt. Cæsar tandem suos reducit in castra, amissis multis fortibus viris: ex quibus nobiles Germani domum remissi sunt, Bohemi vero in campis ad Glogouiam sepulti. Ciuitas Glogouiensis propter hanc fidem & constantiam erga Polonos multis seculis post semper genti illi fuit cara.

Glogouia fuit cara Polonis.

Interea Boleslaus auctus accessione nouorum auxiliorum, ex diuersis partibus sese Cæsari ostendit, & subitis incursionibus ita eum retinuit, ut nunquam vniuersum exercitum moenibus urbis posset adiuuere. Cogitauit etiam, quomodo Cæsari detraheret auxilia Bohemica, quæ sciebat esse robur in exercitu. Suantopul- to igitur subornat percussorem, qui sub specie transfugæ Principem in castris, & quidem in tentorio Cæsaris, hasta transfixum occidit die Septembris 21. Sicarius, consenso equo fugit, & aliquot qui ipsum persequabantur vulneratis, euasit ad suum Principem. Bohemi territi morte sui Ducis, & metu belli domestici, dilapsi sunt, & vnà cum illis Sbigneus, qui erat inuisus Imperatori, eò quod Poloni nihil ad ipsum sese commouerent. Imperatori placuit relinquendam esse Glogouiam: prius tamen in castra venerunt legati Polonorum petentes pacem.

Suantopultus Princeps Bohemorum interficitur in tentorio Henrici.

Cæsar

Cæsar re deliberata, illis respondet, daturum se pacem Boleslao, si velit exoluere pensionem, quam deberet Imperio, & Sbigneo suum patrimonium reddere. Illi respondent, nunquam Polonos ignobilem toleraturos seruitutem, nec Sbigneo homini in fido amplius habituros fidem. Cæsar multa locutus de potentia imperij, thesauros suos, magnam vim auri & argenti illis ostendit: *Habdancorum nobilium familia in Polonia.* ut viderent paratos esse nervos belli. Ibi vnus ex legatis, annulum aureum digito detractum ad reliquum cumulum auri adiecit, cum his verbis: lungatur aurum auro. Cæsar nihil offensus ea proteruitate, etsi intelligeret, sese contemni, respondit nostra lingua, *Dabdanc/* quæ verba à Polonis diligenter obseruata sunt, & vniuersa familia deinde nobilitatis illius ita appellata est. Nominantur enim Habdanci.

Cæsar discedens Gloglouia, deflexit Vratislauiam versus, eam etiam tentaturus. In itinere Boleslaus confirmatis auxilijs sociorum subinde carpebat extremum agmen Cæsaris, nec die nec nocte requiem illis concedens: tandem, cum exercitum Cæsaris multis paruis prælijs, discessione Bohemorum, & ex contagijs videret esse factum imbecilliozem, cum eo iusta acie non procul à Vratislauia conflixit.

Fuit acerrima pugna, & dubio cum euentu, sed Silesij ex insidijs adorti mediam aciem Cæsaris, ordines turbarunt, & fecerunt inclinationem prælii, ita ut Cæsariani effusa fuga dilaberentur: Ipse etiam Cæsar abiectis ornamentis ægrè euasit. Parta victoria Polonorum cadauera sepulta sunt, sed Germanorum bestijs discerpenda relicta sunt. *Boleslaus tertius magno prælio uincit Henricum.*

Post paucos igitur dies, cum numerosi greges canum eò vndique accurrerent, & tanta eorum esset rabies, ut viatores tutò locum cum illum prætergredi non possent: multi enim à canibus lacerabantur, in vtraque lingua campus ille caninus dicitur, *Dundsfeldt.* Hæc referuntur in Chronicis Polonicis. *Canini campi de nominatio.*

Etsi autem nequaquam gloriæ nostrorum maiorum inuidemus: tamen in historia veritatem inquirere necesse est. Inuenio igitur dissentientes ab hac narratione Duglossi, non solum Germanicos scriptores, verum etiam annales vetustiores ipsorum Polonorum.

Atque ut taceam cæteros, historicus grauis & prudens Abbas Vrspergensis, qui illam ætatem attigit, de his rebus talia scribit. Post hæc ad Polonos, gentem longinquam, mouit exercitum: multoque ibi atque diutino defudans labore, diu negatum à terra illa tributū exegit debitum. Existimare igitur possumus, concurrisse causas belli plures, inter quas tamen hæc fuit præcipua, quod Poloni pensionem constitutam sub Ottone, & renouatam sub Casimiro Monacho negarent. *Historici Germani à Polonis dissentiant.*

*Boleslaus ter-
tius reconciliatur
Cæsari.*

Et si vero seriem vniuersi belli non describit Vrspergensis, tamen exitum tandem Cæsari fuisse foelicem significat. Illius magnæ cladis ad Vratislauiam, quæ penè similis fuit Cannensi, nostri non meminerunt. Aliqui ex Germanis memoriæ prodiderunt, ipsum Boleslaum à Cæsare prælio superatum & captum esse. Verum, sicut hoc ex certis rationibus credibile non est, ita maximè verissimilis est narratio vetustorum annalium manuscriptorum, vbi traditur, Cæsarem ad Glogouiam accessisse, eamq; irritò conatu oppugnasse: mouisse etiam ad Vratislauiam, sed exercitum à quotidianis excursionibus Boleslai ita afflictum, vt Cæsar flecti se passus sit ad pacem, propositis conditionibus longè æquioribus, quàm initio belli tulerat. Ideo etiam Duglossus, & reliqui commemorant, Boleslaum anno sequenti ad Cæsarem Bambergam perfectum, ibiq; Cæsari esse reconciliatum, pace etiam per connubia sancita. Boleslao enim ipsi desponsata est Adelheidis filia Henrici Quarti, soror Cæsaris: Vladislao autem filio Boleslai adolescentulo promissa Christina filia Henrici Quinti.

*Glogouia
restitutio.*

Boleslaum reuersum à Cæsare, reperio aliquandiu commoratum esse Glogouia, quam urbem quassatam priori bello restituit & ornauit. Hisce igitur annis nouam ætatem huius urbis coepisse iudico: eamq; in alteram ripam Australem translatam esse, in eaque paulò post erectum est Collegium Canonorum, quod vbi tamen non admodum fuit vtile. Sed hæc legi poterunt suo loco.

Anno IIII. rursus exarsit bellum Bohemicum. Nam cum Boleslaus videret Cæsarem implicatum esse bello Italico contra Pontifices, ipse inuasit Bohemiam ex veteri odio gentis, eamq; latissimè deuastauit. Sed retraxit eum bellum Prutenicum: ad quod cum anno sequenti esset profectus, interea agmen quoddam prædabundum à Sbigneo emissum Silesiam afflixit, quod tamen virtute incolarum deletum est.

*Sbigneus reuocatus ab exilio
domi necatur à fratre.*

Vladislaus Bohemorum Princeps, fractus magnis cladibus, pacem fecit, annoq; proximè sequenti, sicut conuenerat in conditionibus pacis, Boleslaus fratrem Sbigneum reuocauit ab exilio. Reuersus vero est domum ad necem. Nam cum procures aulici subinde occinerent Boleslao, Sbigneum nihil remittere de pristino ingenio, eumq; domi grauiorem hostem futurum, mandante Principe trucidatus est. Conflata ipsi dicitur esse hæc calamitas præcipuè à factione Secechi.

*Maximi Tyrii
apophthegma
de aulis.*

Talia solent esse flabella crudelitatis & scelerum in aulis, à quibus plus malorum, quàm ab ipsis Principibus oritur. Ideo in historia Romana recitatur dictum cuiusdam Maximi Tyrii, qui pronunciauit, meliorem esse Rempub: & propè tutiorem, in qua Princeps malus est, ea, in qua sunt amici Principis mali.

Ipsè

Ipse Boleslaus ob admissum parricidium vehementer indoluit, neque vnquam hoc conscientiae vulnus ipsi satis coaluit; dum vixit. 1121. nuptiae celebratae sunt inter Vladislaum filium Boleslai natu maximum, natum ex muliere Ruthenica, & Christinam filiam Henrici Quinti magno cum splendore. 1124. Boleslao etiam negotij quid fuit in Dania.

Vladislaus Secundus ducit Christinam filiam Henrici Quinti.

Alebat in aula sua iuuenem egregij spiritus Petrum Duuinum Danum, qui autoritate & potentia in regno Danico creuerat. Illius precibus expugnatus Boleslaus, misit classem in Daniam, quae inde auexit patrem Petri cum magnis opibus. Iste Petrus condidit Monasterium S. Vincentij in suburbij Vratislaviensibus, in quod collocauit Monachos Praemonstratenses, vt nominant, quod successu temporis auctum est diuitijs ingentibus, & suum Abbatem, si non pietatis, saltem luxus praemonstratorem egregie paut. Illud metu belli Turcici, senatus Vratislaviensis demolitus est. Monumenta foundationis monasterij Vicentini edita sunt anno 1139. sub nomine filiorum Boleslai, cum pater recens decessisset. Neque alia extant vetustiora in nostra hac regione. Anno 1125. decessit Henricus Quintus, cui successit Lotharius Saxo. Extremus actus vitae Boleslai fuit lugubris.

Fundatio monasterij Vicentini Vratislaviae.

Celebre dictum est Pindari, bonam conscientiam suauem esse nutriculum senectae. Neque enim quantumuis florens fortuna homini dulcis est, vbi conscientia est faucia. Contabuit vero Boleslaus moestitia propter necem fratris Sbignei: nec vlla vera remedia in illa religionis caligine & corruptelis, anxiae menti adhibebantur. Profudit opes suas liberalitate prodiga in collegia & monasteria, corpus suum macerabat vigilijs, inedia, laboribus seruilibus & sordidis, vestitu squallido & aspero. Tandem magna ex parte pedes & nudus quidem, habitu rustici hominis, ne agnosceretur, iuit in Galliam ad S. Egidium, quem coluerat pater, rursus magna pecunia effusa in Monachos & egentes. Fuit hoc 1129. Deinde anno sequenti 1130. pedestri itinere inuisit sepulchrum S. Stephani Regis in Hungaria. Tertio adiit reliquias S. Adelberti Gnesnae, quae tunc recens publice erant propositae multitudini. Boleslaus ad ornamenta ipsius contulit octoginta libras auri, & gemmas multas maximi pretij. Neque tamen sic sanari potuit faucius animus, ignarus verae & viuificae consolationis, quam monstrat vox Euangelij. Neque solum sapientiam & animi vigorem amittunt magni Principes, sed etiam fortunam, quod accidit Boleslao.

Boleslaus tertius extinguitur animi moerore.

Anno 1133. proficiscitur ad bellum Hungaricum, vt reduceret in regnum patrium nepotes suos ex sorore, & cum metueret bellum Bohemicum, muniuit Vratislaviam praesidio, sed Bohemi irrumpentes in Silesiam, plures quam trecentos vicos & pagos exusserunt, abducta ingenti praeda. Boleslaus reuersus, vastauit aliam

Silesia grauius vastata a Bohemis.

quam partem Moraviae. Bohemus, cum metueret se armis Polonorum futurum esse imparem, confugit ad Lotharium Cæsarem, is, ut testantur historiae Germanicae, minatus est bellum Boleslao, nisi & pensiones, quas à duodecim annis debebat imperio, exolveret, & Bohemiam relinqueret intactam.

Boleslaus tertius petit pacem à Lothario Cæsare.

Boleslaus iam senex, ideoque minus animosus, & cum peteretur bello Moscovitico, ad Imperatorem profectus est Bambergam anno 1135. eum datis muneribus placavit, cum Bohemo pactus est inducias trium annorum, & paulò post etiam pacem fecit, quia accepit magnam cladem à Moschis, exercitu eius florentissimo prope modum deletò, ipse vix ægrè ab ignobili milite servatus evasit. Effudit omnes suas opes in redemptionem captivorum, neque tamen illae satis fuerunt.

Moschi profligant Polonos.

Palatino Cracoviensi, qui fugae autor fuit, reuersus domum, misit pellem leporis, colum & fuscum, ut exprobraret ipsi timiditatem & animum muliebrem: Ille ex mœrore voluntario suspendio vitam finisse dicitur. Cum igitur ad priores dolores etiam iste accederet, Boleslaus ex melancholia mente errare coepit. Respuabat congressus & colloquia hominum, in solis locis seipsum ex cruciabat: perinde ut de illo dicitur: Campis errabat Elæis, Ipse suum cor edens, hominum vestigia vitans: Tandem lenta tabe consumtus est, posteaquam lecto totum annum fuisset affixus, adeptus finem vitae, qualis contigit Bellerophonti, Aiaci, Herculi, & multis alijs præstantibus viris. Est enim hoc *πῦρ* heroicum, quod nos etiam monet: nec eximiam sapientiam, nec florentem fortunam hominum sine Deo esse diuturnam.

Melancholia morbus est πῦρ heroicum.

Boleslaus tertius saepissime acie conflixit.

Decessit anno 1139. cum Lotharius eum proximo anno ante antecessisset. Quanta fuerit huius Principis virtus & gloria, inde aestimetur, quod scribitur, quadragies septies eum iusta acie conflixisse, & semper fuisse victorem. Vixit annos 53. imperavit triginta sex. Temperamenti fuit medijs inter sanguineum & melancholicum, penè sicut Alexander magnus. Ideo similis ferè in ipso fuit ad præliandum ardor, & periculorum mortisque contemptus.

Boleslai tertij uaticinium de fortuna suorum filiorum.

Reliquit superstites filios quinque: Vladislaum, cui attribuit ditionem Cracouiensem & Silesiam, cum summa autoritate, ut esset ethnarcha: Boleslao Crispo assignauit Masouiam & vicinas oras: Mieslao Poloniam maiorem: Henrico puero oram Lublinensem: præterijt autem filium infantem Casimirum, natum paucis mensibus ante suum excessum: rogatus causam, respondit, currum gestari à quatuor rotis, sed suum Casimirum in medio currus fessurum, & tandem ad istum summam rerum peruenturum. Aetate huius Principis, Anno 1131. Sobieslaus Princeps Bohemorum, qui Lusatiæ magnam partem occupauerat, instaurauit & munificam urbem Gorlicium, quæ prius sæpe fuerat vastata.

VLADISLAVS SECVNDVS

ethnarcha Princeps Silesia.

Successit patri ex testamento anno 1140. Fuit Princeps, ut apparet, non malus, sed qui nec ingenio nec robore animi valebat. Initio statim Bohemi vastarunt Silesiam, atque ita patria nostra, inter perpetua bella horum duorum regnorum, fuit infelicitissima, quae semper primos ictus excipiebat. Bellum tamen hoc tunc cito desijt, Principe Bohemorum mortuo.

Anno proximo post, coepit dissidium intestinum inter fratres, culpam huius rei Poloni transferunt in Christinam uxorem Vladislai, filiam Henrici Quinti, cui tribuunt fastum intolerabilem, ambitionem, avaritiam, & in primis contemptum gentis Polonicae. Fuit quidem foemina nobilissima, cuius Proauus, Auus & Pater imperauerant, & ipse Conradus Caesar, qui fuit natus ex sorore Henrici Quinti, propinquo gradu cognationis eam attingebat. Haec tanta claritas fortassis muliebri animo auxit spiritus: sed fuit certe superbia & contumacia nobilitatis Polonicae flagitiosa, quae & ipsam, & Caesarem quoque fastidiebat, & Vladislai patientia & credulitate abutebatur.

*Christina
coniunx Vla-
dislai accusa-
tur tanquam
fax belli ci-
uilibis.*

Scribitur ex consilio Christinae disputatum esse in conuentu Polonico: esse eam Republicam, ut Prouinciæ parerent vni Principi: nam in illa dissipatione & dilaceratione Regni nihil posse geri salutare. Proceres regni monuerunt Vladislaum, ut seruaret ordinem institutum à Patre: inter quos praecipue liberas voces emittebat Petrus Danus, cuius supra fecimus mentionem: is, cum antea in odio esset apud Dominam propter iocum quendam scurrilem, tunc etiam Principis animo ab ipso abalienato, creata est illi calamitas ex gynecæo Principis. Historia digna est quae obseruetur.

*Ioci nigri &
scurrilis ex-
emplum.*

Fuerat Petrus comitatus Principem ad venationes, ubi cum nox eos in syluis oppressisset, in cespite parce coenati sunt, & deinde super vile stragulum sese proiecerunt. Ibi Princeps per iocum appellans Petrum, inquit: Amice, tua uxor hac nocte cum Abbate Scrinensi longè melius cubat. Petrus, in quo fuit fastus magnus, ut Principem rursus morderet, respondit: Fortassis Domine & tua cum Dobiesso mollius quiescit. Erat autem Dobiessus nobilis Germanus, quem Poloni oderant, & vulgo spargebant, parum honestam illi cum Domina esse familiaritatem. Hoc scomma petulantius valdè vulnerauit pectus Principis, ad quem prius rumores huius rei erant delati: tunc quidem tacuit, sed cum coniugi sollicitudinem suam exponeret, illa, sicut par est, graues in Petrum concepit iras.

Ex occasione autem huius dissensionis, cum minus carus etiam esset Principi, coniunx maritum Principem persuasit, ut eum ex

E ij vrbe

*Petrus Danus
miserabiliter
mutilatur.*

*Petri Dani
mors &
mores.*

vrbe Vratislauiensi, vbi filia suae celebrabat nuptias, rapi curaret : cui deinde linguam & oculos execut. Accidit hoc anno 1144. Fuit post hanc calamitatem superstes quinquennium, & cum mortuus esset, sepultus est Vratislauiae in monasterio S. Vincentij: Lapidum sunt inscripti isti rythmi: Hic situs est Petrus, Maria coniuge fretus, Marmore splendente, patre Vuilhelmo peragente. Caluaria Petri adhuc conspecta est, cum cœnobium, anno 1529. euerteretur. Etsi poena fuit asperior, tamen exemplum est dicti illius: ἀχαλίων σωματῶν τέλει δυσυχία: & ipse Petrus dicitur fuisse autor malarum rerum apud Principes Polonorum: ideo, cum Romam adisset ad expianda sua scelera, & iniunctum illi esset, vt septem templa construeret, ipse ædificauit septuaginta septem, inter quæ Vratislauiae fuerunt hæc: Monasterium S. Vincentij, & S. Mariæ in arena: Item templa ad S. Michaëlem, & S. Martinum: & tamen post illas ἐπελοδογησέας, & satisfactiones fictas, Deus illi imposuit alia θητίμια seueriora: sicut scriptum est: Verebar omnia opera mea. Scio enim, quod non parcis delinquenti. Ista vero calamitas Petri irritauit Polonorum animos in Christianam quàm maximè, & non desierunt nobiles inter fratres serere lites, donec res erupit in manifestum bellum.

*Vladislaus Secundus diris
deuouetur ab
Archiepiscopo.*

Obsedit Vladislaus fratres in vrbe Posnaniensi anno 1145. ibi Archiepiscopus Gnesnensis ex vrbe profectus est in castra Principis, & publicè est eum execratus, abiens etiam carpento suo euertit tentorium Principis: quod omen significauit euerisionem regni. Ipse Princeps mira patientia omnia tulit, nec dixit nec fecit in Episcopum aliquid inclementius: quod signum est bonitatis naturæ in ipso.

*Christina cum
paruis liberis
eijcitur in exilium.*

Tandem, cum sui negligenter custodirent castra, & omnia circum ipsum plena essent prodicionum & insidiarum, obsessi eruperunt, & exercitum internecione deleuerunt. Ipse Vladislaus desertus ab omnibus suis, profectus est in Germaniam ad Conradum, petiturus ab ipso auxilia. Poloni Christinam coniugem Vladislai dominam ipsorum cum paruis liberis, nulla habita ratione sexus & ætatis, eiecerunt. Sic sinistro quodam fato, connubia Principum Polonorum cum Cæsaribus Germanicis sæpe fuerunt infoelicia.

BOLESLAVS QUARTVS

CRISPVS.

*Conradus Cæsar minatur
bellum Polonis.*

CREatus est Ethnarcha pulso fratre anno 1146. Fuit Princeps bonus & fortis, sed, vt apparet, tenax offensionum, & vaser. Magno studio apud ipsum contendebat Conradus Sueuus Cæsar, vt restitueret fratrem cum coniuge & liberis, sed frustra. Ideo anno

anno 1147 Conradus Polonis minatus est bellum, sed cum Poloni, præsertim distracti in plures Dominos, vrgerentur bello Moscouitico, promiserunt se futuros esse in potestate Cæsaris, & parituros iuri.

Cæsar, persuadente S. Bernhardo, profectus est in Asiam: unde tamen re non bene gesta redijt, vno prælio non magno fudit copias Turcicas, sed perfidia Græcorum, optima consilia retardata sunt. Anno 1148. electus est in Episcopum Vratislauiensem nobilis Polonus Valtherus, is, cum Silesia ea ætate subinde excoleretur, etiam suum collegium emendauit: templum Cathedrale ex lapide construxit, & instituit ritus in Ceremonijs & vestitu, quas attulisse dicitur Lugduno ex Gallia. Multa vero necessitudo nostræ genti cum Gallia olim intercessit: quia Luteciæ & alibi, opera Caroli magni, & successorum, studia erant excitata, & erant meliora quàm in Italia.

Valtherus Episcopus Vratislauiensis.

Anno 1149. Conradus Cæsar conatus est reducere Vladislaum exulem. Boleslaus vir callidus excursionibus repentinis interclusit Cæsari comeatum, & tandem cum ad Viadrum, qui tunc valde aqua intumuerat, castra haberet, venit ad Cæsarem cum fratribus: vbi cum denuò causam se æquo iudicio Cæsaris permissurum sponderet, Cæsar, qui erat ingenio non solum placido, verum etiam simplici, promisit illi pacem, & reduxit exercitum, neq; tamen à Boleslao conditiones impletæ sunt.

Hoc loco & illud annotare volui, magno consensu historicorum traditum esse, anno Christi 1151. adhuc superstitem fuisse in Gallia virum nobilem, qui fuerat armiger Caroli magni, & nominabatur Iohannes de temporibus. Vixit annos 372. Anno 1152 paulò ante mortem Conradi, Vladislaus impetrauit à Cæsare exiguas copias militum, quibus adortus est Silesiam, & vexauit præcipuè oram Vratislauiensem, construxit etiam duas arces in Silesia Niemicum & Grodisium, quas etsi præsidio munierat, tamen à Boleslao occupatæ sunt.

Iohannes de Temporibus armiger Caroli Magni vixit annos 372.

Eadem ætate Principes Germaniæ, populos Sclauorum in Misnia & ad littus Balthicum, valde afflixerunt & deleuerunt: tum quod essent immorigeri suis Principibus, tum odio gentis Poloniæ, quæ videbatur crudeliter agere cum genero, filia & nepotibus Henrici Quinti: In locum illorum accersuerunt novos colonos ex Saxonia & Belgico.

Successerat Conrado Fridericus Barbarossa, vir acer & impatiens iniuriarum, & amantissimus patriæ. Is primis annis Imperij sui pacauit intestinos motus Germaniæ: deinde ingressus est Italiam, in qua tunc motus Mediolanensium, potius autoritate quam armis compefcuit: neque, vt falso à parasitis Pontificijs deformatur, Italiam turbauit aut iniurius fuit Pontificibus.

Cum autem reuersus esset in Germaniam, & conuentum Principum conuocasset Herbipolin, Vladislaus exul, quem tunc alabant reditus aliqui donati ipsi à Conrado, cum tribus filijs adolescentulis, supplex factus est Imperatori, & petiuit opem contra iniurias Polonorum. Fridericum, sua sponte, sicut fuit in eo animus excelsus, incensum hortabantur Principes Germani, ne Imperij & propinquorum suorum miserias negligeret.

Friderici Bar-
barossæ expe-
ditio in Polo-
nos.

Et si igitur stulti motus Mediolanensium eum reuocabant in Italiam: tamen prius bellum in Polonos decreuit. Missis vero legatis in Poloniam, iubebat vt aut Vladislaum cum filijs restituerent, Imperio soluerent tributum, aut expectarent bellum. Ipse, cum Poloni in sententia persisterent, hyemem in apparatu belli consumsit.

Anno proximo 1158. cum magno & firmo exercitu, quem etiam sequebantur Bohemi, in fines Poloniæ progressus est. Boleslaus etiam in illo diuturno metu belli Germanici magnas contraxerat copias, & habebat auxilia vicinarum gentium valida: tamen ratus sese imparem futurum robori Germanico, Silesiam ultra Viadrum miserabiliter exussit: vt ita hosti copiam comeatum præcideret: Conflagrarunt tunc Bythonia, Glogouia, & alia bona oppida, incensa à suis.

Fridericus Viadrum 22. Augusti nemine prohibente transit, vagatur impunè in agris Poseniensibus & Vratislauiensibus: neque Boleslaus, qui interdum ex insidijs sese ostendebant, Cæsari audebat se opponere. Exercitum quidem Cæsaris ex malo victu, & inopia rerum necessariarum, inuasit morbus contagiosus, præsertim dissentericus: ipse tamen, vt vir heroicus, nihil de ardore suo remittebat. Ibi Principes fratres metuentes suis Prouincijs, impetrata potestate adeundi Cæsarem per Bohemum, profecti sunt in castra Cæsaris, & supplices ad genua ipsius prostrati, veniam & pacem petierunt.

Fridericus
Barbarossa
recipit in
gratiam Prin-
cipes Poloniæ
supplices.

Fridericus, vt consuleret honori Imperij, coëgit Boleslaum primum iuramento sese purgare, quod non ad contumeliam Imperij, sed alijs de causis fratrem eiecisset. Deinde Fridericus, sicut generosi animi sunt placabiles, & quia eum reuocabat Italia, largitus est Boleslao pacem his conditionibus.

Restituat fratrem, & de damnis ipsi illatis, respondeat iure & legibus Magdeburgi: Imperatori mulctæ nomine soluat 2000. libras argenti: Principibus, qui Cæsari militarunt, libras 1000: Aulicis ipsius 200. Coniugi vero Cæsaris 20. libras auri: Postremo, Imperatori, proficiscenti ad bellum Italicum, suo sumtu mittat in auxilium trecentos equites. His conditionibus, quamuis durissimis, transegit Boleslaus, adductus metu extremorum malorum: Fidem tamen deinde in eo fuisse desideratam multi scribunt.

Vt autem firmior esset pax, Mieslao Principi Poloniæ maioris, Boleslai fratri, desponsata est Adelheidis neptis Cæsaris ex sorore.

Anno

Anno 1159. Vladislaus post exilium tredecim annorum, reditum in patriam parauit, sed in ipso apparatu, seu morbo seu veneno à fratribus dato, vt aliqui scribunt, extinguitur: sepultus est Aldeburgi, vbi etiam Christina vxor consenuit, quæ nunquam amplius Poloniam appetiuit.

Vladislaus Secundus mortitur in exilio cum coniuge.

Vladislaus reliquit tres filios superstites: Boleslaum, qui dictus est Procerus: Mieslaum, & Conradum, cui tribuerunt cognomen à gracilitate crurum, eum pater curauit educari in studijs ab Abbate Fuldensi: Quia erat valetudine imbecilli. Mortuo patre, Principes Poloni, nepotes orphanos, etiam contra pacta, non receperunt: ideo Boleslaus, qui erat iuuenis egregius, secutus est Cæsarem ad bellum Italicum, & in obsidione Mediolanensi, ex prouocatione dimicauit cum equite Longobardo, staturæ & roboris va-

Vladislai Secundi filij.

Boleslaus Procerus dimicant ex prouocatione.

stissimi, quem superatum occidit. Eo in bello etiam Fridericus salutauit Vladislaum, Bohemorum Principem, Regem, cum nomen hoc, à sexaginta annis vsq, Principes Bohemi non vsurpassent: loco Aquilæ nigræ, attribuit ipsi pro insigni album Leonem cum cauda bifurcata. Fridericus igitur, capto & tandem deleto Mediolano, reuersus in Germaniam anno 1163. Principibus Poloniæ seriò mandauit, vt secundum pacta, nepotibus patrimonium suum redderent.

Bohemie Princeps usurpat nomen Regnum.

Cum autem Cæsar grauissimo bello implicaretur, fraude & scelere Alexandri Pontificis, ita vt filij Vladislai ab eo non possent sperare opem, transfugerunt cum patruis, vt omissa Polonia minori, contenti essent ea prouincia, quæ Silesiæ nomine censebatur.

Facta est igitur diuisio Silesiæ inter Principes adolescentes hoc modo: Boleslao Procero assignata est Regio Vratislauiensis, cum illa vicinia, quæ fermè est vmbilicus Silesiæ: Ducatus autem Silesiæ superioris, versus Morauiam & Cracouiam, vt Ratiboriensem, Opoliensem, Teschinentsem obtinuit Mieslaus: Partem Silesiæ inferioris vicinam Poloniæ maiori, & Marchiæ, accepit Conradus, qui sedem suam fixit Glogouiae. De Lusatia vtracq, certum est vario euentu. Manserunt oppida quædam in potestate Principum Silesiæ, aliam partem transtulerunt ad se Marchiones Misnenses, & deinde totam eam occuparunt Bohemi.

Vladislai filij partiuntur inter se Silesiam.

Lusatia sepe mutauit dominos.

Ab hac igitur stirpe Regia Polonorum descendunt Principes Silesiæ, quorum adhuc aliqui sunt superstites, vt suo loco dicemus, & Silesia prius afflicta & exhausta perpetuis vastationibus bellicis hoc tempore cœpit respirare & coli.

Quidam ex scriptoribus Polonicis referunt, non multo ante hanc ætatem fuisse natum nomen Silesiæ, & fingunt huic Etymon, quod dicti sint Silesij, quasi Slezaci, id est, conueniæ: quia à Sbigneo notho primum, deinde ab his Principibus ducti sint varij & dissimiles populi in hanc regionem, Saxones, Bohemi & alij. Verum cum multa repugnent, ego non assentior: sed simpliciter

E iij puto,

*Silesia accepit
colonos ex
Germania.*

puto, repetitam esse veterem appellationem Lygiorum & Elyfiorum. Nam etsi veteres Lygij oppressi sunt à Sclauis, qui Imperium & linguam suam in hæc loca propagarunt: tamen consentaneum est, mansisse aliqua vetera nomina, quæ postea in vsum reuocata sunt. Colonos ex Germania Principes hos, qui materna origine erant Germani, & cum Germanis multis vinculis amicitiae coniuncti, huc deduxisse certum est: Et extructæ sunt paulatim vrbes, lingua & moribus Germanorum introductis. Posteaquam verò Silesia à regno Poloniae auulsa est, sermo etiam Sclauicus penè ex toto vnà extinctus est.

Iniecerat Boleslaus nepotibus quasi compedes. Retinuerat enim sibi munitiones quasdam in Silesia oportunas: vt, vbi opus esset, eos continere posset in officio. Aegrè tulit hoc Boleslaus Procerus, quod tamen esset imbecillior, & instaret bellum Prutenicum, dissimulauit hoc.

Silesij & Poloni profligantur à Bo-russis.

Silesij igitur, coniuncti cum Polonis, mouerunt bellum in Prutenos, qui aspernabantur Imperium Polonorum, & simul religionem Christianam proiecerant. Sed exitus belli fuit funestus. Nam anno 1167. flos roboris Polonici à Prutenis trucidatus est, interfecto Duce Henrico Lublinensi, fratre Boleslai, cuius auus maternus fuit Henricus Quartus Imperator. Regio ipsius attributa est Casimiro, qui fuit natu minimus inter filios Boleslai distorti.

Boleslaus Crispus venit in odium apud suam gentem.

Post biennium Principes Silesij pararunt bellum in Boleslaum Ethnarcham, propter veteres & recentes iniurias. Boleslaus Crispus, qui venerat in odium nobilitatis & populi, intercessionem sacerdotum confecit cum illis pacem, præsidij suis ex tota Silesia deductis. Nec multò post nobilitas Cracouiensis conata est Boleslaum Crispum deturbare ex imperio, & dignitatem transferre in Casimirum, cuius tamen modestia tanta fuit, vt conspirationi illorum nollet assentiri.

Anno deinde 1175. Boleslaus decessit, reliquit superstitem vnicum filium Lescum, qui est nominatus Albus: eique tutorem præfecit Casimirum fratrem.

MIESLAUS SENEX

Ethnarcha.

Non magna fuit autoritas & potentia Principum Poloniae, in illa regni distractione: ideò de illis multa dicere non est opus. Fuit hic Mieslaus natu maximus inter fratres, ideo dignitas gubernationis ipsi est commendata. Erat autem Princeps Poloniae maioris & Pomeraniae. Rexit hoc tempore Poloniam annos quatuor. Quod autem diceretur esse asper & immitis, conspiratione Episcoporum & nobilium ipsi adimitur gubernatio.

Accidit

Accidit hoc anno 1177. quo Barbarossa, nouo & tyrannico exemplo, Pontifici Venetijs coactus est fieri supplex. Boleslaus Silesius fuit occupatus in excolenda & ornanda Silesia. Anno 1175. in monasterium Leubense, quo Casimirus olim collocauerat Benedictinos, adduxit ex coenobio Portensi Cistercienses: Quia amabat ordinem illum propter matrem, quæ in Porta fuit sepulta. Boleslaus etiam, vt referunt annales, munijt & amplificauit Lignicium & Lubenam.

Fridericus
Barbarossa
conculcatur
à Pontifice.

Leubense monasterium accipit uarios Monachos.

Potest igitur existimari, oppida illa multò ante fuisse condita: neque alienum esse à veritate, nomen à veteribus Lygijs esse deductum. Mortuo etiam Conrado Glogouiensi, inferior Silesia peruenit ad Boleslaum. Casimirus Polonicus expleuit vaticinium patris Boleslai: renunciatus est enim ethnarcha Poloniae. Fuit Princeps beneficus & humanus. Mieslaus senex, cum sese munisset affinitate Principum Germanorum, molitus est bellum in fratrem: sed nihil impetrauit à generis Germanis. Otto etiam filius ademit illi magnam Poloniae maioris partem. Sub hoc Principe magna pars Pomeraniae occupata est à Marchionibus Brandeburgensibus: vnde postea sunt orti Duces Pomeraniae, subditi Imperio.

Lignicium & Lubena instaurantur.

Conradus primus Glogouiensis moritur.

Pomerania venit in potestatem Marchionum Brandeburgensium.

Anno 1179. orta est dissensio inter fratres Principes Silesiae, Boleslaum Procerum & Mieslaum Ratiboriensem, qui, vt credibile est, irascebatur fratri, quod ad se traduxisset Silesiam inferiorem mortuo Conrado. Occupata tunc esse scribitur Vratislauia à Mieslao: verum Casimirus ethnarcha maturè dissidia inter ipsos sedauit: Et Mieslao, vt quiesceret, partem in territorio Cracouiensi attribuit.

Casimirus deinde emendauit statum Reipub: Polonicae, & constitutis iustis & honestis legibus, sustulit barbaricos mores nobilium, qui rapiebant ex alieno, & sauebant in agricolas, & bona sacra. Has leges confirmauit Alexander Pontifex, & egit Polonis gratiam, quod sub Friderico Caesare, semper ipsum agnouissent pro Papa.

Casimirus Ethnarcha condit leges in Polonia.

Fuerunt deinde varij motus in Polonia: Mieslaus auxilijs Pomeranorum occupauit Poloniam maiorem, superato filio Ottonis: Cum quo tamen deinde pacem fecit. Idem Mieslaus à nobilitate Poloniae minoris, quæ ægre ferebat, à Casimiro coherceri licentiam ipsorum, reuocatur ad gubernationem, sed tamen paulò post rursus cessit Casimiro.

Anno deinde 1192. Principes Silesiae vnà cum Casimiro iuerunt ad bellum Prutenicum, & foeliciter rem gesserunt. Bienio post moritur Casimirus Princeps pius & iustus. Talis fuit gubernatio illius temporis in Polonia, vt similis esset anarchiae, & sternebatur paulatim via ad irruptiones Tartaricas, quæ gens paulò post, sicut accipiter ranam & murem praeliantes inter sese, deglutiuit.

Præteriti

*Lescus Albus
oppugnatur
à Silesijs.*

Præteriti sunt, non solum Principes Silesiæ, qui adhuc erant in odio apud nobilitatem, verum etiam Mieslaus : & hoc fuit poema Episcopi Cracouiensis Fulconis, qui euexit Lescum Album, filium Boleslai Crispi, vt ipse consilia gubernationis regeret. Secutum est igitur ciuile bellum. Mieslaum senem iuuabant Silesij : sed is, non expectatis auxilijs Silesiorum, confligit cum ductoribus Lesci, non procul à Cracouia.

In eo prælio vincitur, filius ipsius Boleslaus necatur, ipse accipit vulnus. Re iam perditâ superueniunt Silesij, quos ducebant Mieslaus Ratiboriensis, & Iaroslaus filius Boleslai proceri, illi instaurant prælium & Polonos pellunt. Non tamen longius procedunt, cum viderent sese deferi à Mieslao sene & suis : ita post victoriam Cadmæam vtræq; pars quiescit.

Cœlibatus sacerdotum cœpit in Polonia.

Anno 1197. memorabilis mutatio accidit in Ecclesijs harum regionum. Cardinalis enim Capuanus Petrus, missus à Pontifice Cælestino tertio, venit in Poloniam, & ex mandato Pontificio sanxit legem cœlibatus inter Sacerdotes in Polonia, diremit multa coniugia, & maritis vxores ademit : quæ tyrannis, non potuit fieri sine dolore multorum piorum hominum. In Bohemia legatus ille penè fuisset discerptus. Ita fermè centesimo anno, postquam Hildebrandus Pontifex Germanis iugum cœlibatus imposuit, coniugia Sacerdotum in Polonia prohibita sunt. Nec ego de isto vulnere Ecclesiæ disputabo longius : sed cogitetur, quod impuritas illa, quæ hanc prohibitionem secuta est, fatales mutationes Europæ attraxerit, sicut scriptum est : Omnis anima, quæ fecerit abominationes has, delebitur. Neque etiam p̃j in parte aduersa suis morbis & vitijs blandiri possunt.

Boleslaus Procerus oppugnatur à filio Episcopo.

Hiscæ annis in Silesia Iaroslaus filius patrem Boleslaum est persecutus. Oderat is nouercam, & accusabat patrem, quod æquior esset filijs ex ea natis, quàm ipsi : Adiutus igitur à patruo Mileslao, duce Ratiboriensi, ita afflixit patrem, vt cogeretur ipsi cedere Vratislauia. Tandem patri est reconciliatus : qui ipsi tribuit territorium Nissenfense. Iste Iaroslaus anno 1198. electus est in Episcopum Vratislauensem, & odio patris & fratris, patrimonium suum Nissam cum vicinis oppidis Ecclesiæ donauit. Sed propter ingratitudinem erga patrem dedit pœnas. Mortuus est anno 1201. 23. Ianuarij, sepultus Vratislauia.

Boleslai Proceri mors & Epitaphium.

Boleslaus Procerus decessit eodem anno, 6. Decembris, sepultus est in monasterio Leubensi. Dominatus est in Silesia annos 38. Habuit duas vxores, quarum prior fuit mulier Moscouitica Venceslaua, ex qua suscepit Iaroslaum Episcopum, & Boleslaum, qui mortuus est adolescens : præterea filiam Otiliam. Duxit deinde

Boleslai Proceri liberi.

Adelheidem, quæ fuit soror coniugis Conradi Sueui. Ea peperit ipsi Henricum, qui nominatur Barbatus : Conradum, mortuum in adolescentia : Iohannem, qui educatus est apud auiam, & mortuus in

tuus in pueritia, sepelitur in porta, & Adelheidem nuptam Diopoldo Marchioni Morauia.

Extinctis autem quatuor filiis ipso viuentē, reliquit superstitem vnicum filium, & hæredem Henricum Barbatum. Hic Princeps præstans pietate & virtute, dignus est, vt grata memoria ipsius conferuetur. Fuit enim *dux* Silesiæ, quam ornauit legibus & vrbibus. Sepulchro Boleslai sunt inscripti tales versiculi:

Dux Boleslaus honor patriæ, virtute deinceps

Cui par nullus erit per regna Polonica princeps:

Conditur hoc loculo, locus à quo conditus iste

Dæmonis ara prius tua transit in atria Chryste.

HENRICVS BARBATUS PRINCEPS Silesiæ, postea etiam Polonia ethnarcha.

Mortuo patre adeptus est vniuersam Silesiam, excepta illa ora, quæ attingit Poloniam & Morauiam. Nam eam tenebant filij Mieslai. Coniugem habuit, sceminam sanctitate & bonitate vitæ præstantem, Hedwigin, filiam ducis Meraniæ Carinthiæ & Istriæ. Soror Hedwigis fuit Gerdrudis nupta Regi Hungariæ Andream, quæ peperit Elizabetham Thuringiacam: & præterea Belam, qui patri in regno successit, ex quo nata est Cunegundis, vxor Boleslai Pudici in Polonia: & ita in vna familia tres sceminæ, Hedwigis, Elizabetha & Cunegundis, sunt inter sanctos numeratæ. Sed de stirpe hac postea plura dicemus.

Henricus exemplo patris studuit patriæ addere culturam: ad quam rem assiduè ipsi fuit hortatrix Hedwigis coniunx, quæ, cum esset orta ex nobili stirpe Germanica, passim magnæ familiæ ex Germania in hanc regionem commigrarunt. Anno 1203. cœpit ædificare celebre collegium virginum, Trebnicij. Laboratum est in hac ædificatione totos annos sedecim: ordo est Cisterciensis. Monasterium conditum est sub honore D. Bartholemæi, & virgines huc translatae sunt ex cœnobio Bambergensi, vbi frater Hedwigis erat Episcopus. Trebnicensis monasterium extruitur.

Locus iste electus est ex voto Principis, qui ibi periculose cum equo in voraginem cœnosam fuerat collapsus. Nomen dicunt esse factum ex euentu. Nam cum Princeps structura iam perfecta interrogaret virgines, ecquid peterent amplius: nullius rei sese virgines responderunt egere, subiecit Princeps: Nominetur igitur Trebniz, id est, nullius rei egens. Attributi sunt Monasterio huic redditus pro alendis mille hominibus ex bonis dotalicis S. Hedwigis: & dicuntur insumta in ædificationem, & alios vsus, 40000. Ioachimicorum, vt nunc numeramus, quæ summa tunc grandis fuit. Trebnicensis cœnobij appellatio.

Toto

Toto tempore ædificationis homines malefici, damnati ad mortem, missi sunt huc ex tota Prouincia, vt labore scelera sua expiarent. Interea dum Princeps & Domina occupati sunt in ornanda sua Prouincia, graues calamitates domesticæ eos oppresserunt.

*Gerdrudis
Reginæ Hun-
garicæ inter-
ritus.*

Anno enim 1213. in Hungaria Gerdrudis Regina, soror S. Hedwigis, miserabiliter à Barone quodam Hungarico interfecta est. Accidit hoc 28. Septembris: & sunt de ea cæde dissimiles narrationes. Aliqui enim scribunt, fratrem Reginæ, qui sibi sumebat multum licentiæ, stuprassè illius Baronis coniugem, & ad hoc scelus habuisse adiutricem sororem Reginam. Aliqui autem narrant, Hungaros struxissè insidias vitæ Regis & Reginæ, quòd putaretur nimium euehere Germanos, præteritis Hungaris.

*Calix ministris
in Ec-
clesia Vratis-
laviensi.*

Illa Gerdrudis Ecclesiæ Vratislaviensi donauit auream coronam, qua ipsa fuerat ornata: eam collegium conflauit, & fieri inde curauit calicem, ad usus sacros, ex quo populus sanguinem Christi hauriebat in sancta cœna, quales passim in Germania ante ætatem synodi Constantiensis in usu fuerunt, & sunt illa ætate nominati ministeriales. Eodem anno exarsit luctuosum bellum ciuile inter filios Henrici Barbati, Conradum & Henricum.

Susceperat quidem ex coniuge Hedwigæ tres filios, Boleslaum, Conradum & Henricum. Illis, cum essent adolescentes, pater, qui hortante coniuge Hedwigæ ad exercitia pietatis sese conferebat, distribuerat Prouincias, vt ipso viuente assuefierent ad officia gubernationis.

Boleslaum collocauerat in extremam oram Silesiæ inferioris, in ditionem Libusensem, quæ longè excurrerat in eam partem, quæ nunc est Marchia, & Lusatia inferior. Sed Boleslaus Princeps prodigus & negligens, magnam partem oræ illius Marchioni Brandeburgensi in perpetuum vendidit, & ipse paulò post cœlebs descessit, vt quidem Duglossus retulit. Conrado, qui patri carior erat, attribuerat aliquam partem Silesiæ inferioris, Crosnam, Saganum, & Lusatiam superiorem: illiq; nupserrat filia ducis Saxonix. Reliquam autem Silesiam assignabat Henrico, quem diligebat mater. Conradus erat ingenio turbulento, & oderat nobilitatem Germanicam, quæ erat apud fratrem & matrem, denunciauit fratri bellum, quod in hæreditate ab ipso esset defraudatus.

*Henrici Bar-
bati filij ex-
citant ciuile
bellum.*

Augebant autem ipsi animum auxilia Polonorum, cum quibus sese solebat coniungere. Parentes cum magna sollicitudine & lacrymis conati sunt eum placare: sed cum viderent eum incitari suis furis, pater secessit Glogouiam, mater vero Nimpsecum. Fratres collectis copiis præliati sunt inter Lignicium & Goltpergam ad pagum, qui hodie etiam nominatur Ecclesia Ruffa. Ibi, post dimic-

dimicationem atrocem, victoria mansit penes Henricum, cum Germanorum esset virtus in ea pugna eximia.

Conradus, amisso exercitu, fugit Glogouiam, ut pater ipsum contra fratrem tueretur. Ibi, cum post paucos dies in sylvas Bythomienſes ad venationes eſſet profectus, memorabili Dei iudicio, punientis inobedientiam liberorum, propè pagum Tarnau ex equo prolapsus eſt, & ceruicibus fractis occubuit. Cadauer relatum eſt Trebniſium, & ibi à ſore Agnète, quæ fratrem tenerri-
Conradus fili-
lius Henrici
Barbati ex-
tinguitur la-
pſu.
 mè amabat, ſepultum eſt. Mater Hedwigis dicitur præuiſiſſe ipſius interitum. Hoc vulnere domeltico accepto, Henricus Barbatus ipſe cœpit rurfus onera gubernationis ſubire.

Anno 1217. Henricus Princeps ſapiens, & æſtimator prudens virium Polonicarum, quæ in illa Principum multitudine, & diſcordia erant imbecilles, Conrado Principi Maſouienſi, qui valdè premebatur bello Prutenico, autor fuit, ut accerſeret ordinem equeſtrem Teutonicorum, qui ſe nominant Marianos. Is ante annos viginti ſeptem in Palæſtina cœperat, cum adhuc Hieroſoly-
 ma expugnata à Godefrido Bilioneo in poteſtate Chriſtianorum eſſet, & latè iam in Germaniam erat propagatus, fauente ipſiſ Fri-
 derico ſecundo Cæſare.

Proſitebantur ſtudio amplificandi religionem Chriſtiani-
 nam, & propagandi limites Imperij. Quibus in rebus multos an-
 nos vtiliter Europæ ſeruierunt. Conſilia autem Prutenica, pri-
 mum vndecimo anno poſt, euentum ſuum acceperunt, Poloniſ iam
 tum ab iſtis vicinis ſibi metuentibus.

Memorabilis etiam eſt hic annus propter tyrannidem Ar-
 chiepſcopi Gneſnenſis, qui primùm hoc tempore multis ſacerdo-
 tibus vxores, quas etiam poſt edictum Pontificium, editum ante
 annos viginti, retinebant, eripuit, & cœgit eos abiurare coniugium.
 Adeo recens eſt ille impurus coelibatus in his Prouincijs.
Coelibatus Sa-
cerdotum de-
nuo ſtabilitur.

Anno 1221. & triennio proximò poſt dicitur in omnibus
 his regionibus ſæuiſſe fames & peſtilentia atrociffima. Eodem
 tempore quidam Nicolaus, homo nobilis, qui fuit Canonicus Vra-
 tiſlouiſis & Cancellarius Henrici Barbati, imitatus pietatem ſui
 Principis, & multorum aliorum, qui tunc quaſi certabant inter ſeſe
 in condendis Monaſterijs, prædia ſua, quæ habebat ditiffima, lega-
 uit ad cultum diuinum, & extruxit cœnobium amplum, quod de
 nomine ſui Principis appellauit Henrichouium. Tandem cum ſibi
 nondum ſatisfaceret, ipſe etiam religionem illam, quæ eſt Cifter-
 cienſium, ingreſſus eſt. Annotarunt alijs, iſtum Nicolaum quarto
 anno poſt in vita ſua ſacerdotali non vero monaſtica, emiſſaſſe,
 ſed in talibus non eſt res magni momenti ἀνεμώλια βάζειν.
Monaſterium
Henrichoui-
enſe erigitur.

Anno etiam 1220. tres nobiles fratres Comites de Virbna,
 Stephanus, Andreas & Franciſcus crexerunt locuples Monaſte-
 rium

*Virbncnses
domini con=
dunt mona=
sterium Suid=
nicia.*

rium Suidniciaë, quod nominatum est S. Mariaë. Hæc familia deinde aliqua ex parte migravit in Poloniam maiorem, quæ tunc etiam parebat Principibus Silesiæ: & sunt inde hodie superstites nobiles Domini de Rissina, quorum domicilium non procul abest à Fraunstadio, viri præstantes virtute & humanitate.

Anno 1222. vniuersa Polonia & Silesia, indicta magna expeditione, fecit periculum, an possent Prutenos perdomare: repressi sunt illi quidem, sed vinci non potuerunt. Frustra etiam euocati sunt milites Liunionenses: nam & illi robori huius gentis, quod fuit eximium, & non indignum origine Romana, fuerunt impares.

Anno 1225. penè erupisset bellum ciuile inter Silesiam & Poloniam, sed illud tamen adhuc in herba sublatum est. Lescus albus retinuerat dignitatem Ethnarchiæ, & cum ea ditionem Cracouiensem. Is, quamuis fuit Princeps modestus & bonus: tamen non potuit vitare offensiones aliquorum, & accusabatur, quod in quosdam nobiles fuisset asperior. Ideo pars aduersa accersebat Henricum Silesium, cui alioqui ea dignitas tanquam Principi natu maximo deberetur.

*Henricus Bar=
batus parci=
publicæ tran=
quillitati.*

Henricum Principem iustum & pium, non mouit alia causa, quam vtilitas Reipublicæ, cui inter illos motus bellicos, & metum Tartarorum, qui iam tunc deuictis Moschis, incumbabant Poloniaë, opus esset Principe potenti, & armato excellenti autoritate, qui posset opponi Prutenis, Tartaris & alijs barbaris gentibus. Ideo, quamuis multum dissuadente S. Heduige, passus est se pertrahi in hanc sententiam, & collecto exercitu profectus est in Poloniam occupaturus Cracouiam. Verum, cum animaduerneret, Lescum carum esse Episcopis, & multis honestis hominibus, abiectis armis cum ipso citò transigit, & Cracouiam ingressus, à Lescò amicè habitus, domum rediit.

*Henricus Bar=
batus diuini=
tus tegitur.*

Tanta enim fuit virtus huius Principis, vt pietatem, etiam optimis occasionibus amplificandæ suæ potentiæ anteferebat. Bienio post accidit casus plane tragicus in Polonia. Miserat in Pomeraniam gubernatorem Lescus Suantopultum, is, florens opibus & gratia populari, volebat se nominari Principem Pomeraniæ: Et iuuabat eum Vladislaus Dux Poloniæ maioris, gener ipsius. Lescus, re deliberata cum Henrico Silesio, quem amabat vt patrem, statuit eum publico conuentu Principum Poloniæ, tanquam seditiosum, opprimere sine armis, cum magna esset potentia Suantopulti.

Indicatur igitur conuentus totius regni, in villa quadam Poloniæ Maioris, Gausana, & vocatur eò Suantopultus: sed ipse iam præmonitus de suo periculo, vicissim struebat insidias vitæ Principum omnium, vt deleta stirpe regia, dominatum totius regni inuaderet. Atque ita decimoquarto die Nouemb: adiutus à genero,
Principi

Principes, Lescum & Henricum, qui tunc balneum ingressi erant, cum armatis adoritur.

Lescus, hortantibus & subleuantibus eum suis in equum nudus exiit & fugit: sed Suantopultus eum tanquam verum hostem persequens, quamvis acerrimè sese defendentem, obtruncavit. Interea Henrico, qui ex ætate iam gravis erat, & ad fugam ineptus, immissi sunt percussores in balneum: Quo iam ex vulneribus collapsus, obiecit sese gladijs hostium quidam Germanus peregrinus de Visenburg, qui transfixus gladio, demum sese proiecit in Henricum: Ibi sicarij, cum vtrumq; exanimem putarent, discesserunt. Henricus autem se colligens, clam lectica Vratislaviam delatus est, & posteritatem Visenburgij ad magnas opes & honores euexit,

Ita diuinitus bonus iste Princeps, ex media morte retractus & seruatus est, virtute sui ministri: sicut Alexander à Clyto ad Granicum: & recens ad Pestum Hungariæ à viro nobili Princeps Mauritius. Suantopultus, cum Princeps distineretur alijs bellis multis, possessionem Pomeraniæ retinuit.

Vidua Lesci, mater Boleslai Pudici, & nobilitas Cracouiensis accersuit Henricum Barbatum, vt tutorio nomine Rempub: & ditionem Cracouiensem administraret. Leuirum Conradum Ducem Masouiae, vidua propter crudelitatem oderat, sicut & reliquus populus: & cum Henricus floreret opinione pietatis, & potens esset, sperabant eius gubernationem vtiliorem futuram Reipub. penè perditæ ex ignauia superiorum Principum, quàm Conradi. Et si hoc ægrè tulit Conradus, tamen prius sese munijt contra Prutenos.

Henricus Barbatus renunciat ethnarcha Polonis.

Roma igitur vocatur ordo Teutonicus equitum, qui paulò ante Asia à Saracenis pulsi erant. Profectus est eò cum equitibus ordinis Henricus de Salza magister, ille cum Principe Masouio certis rationibus transegit, de quibus adhuc hodie disceptatur. Hoc tamen constat, illis fuisse attributum agrum Culmensum, Prussiae vicinum, ea conditione, vt essent murus Poloniae ab ea parte contra irruptiones Prutenorum, qui erant hostes acerbissimi Polonorum, eosq; sine intermissione fatigabant. Neq; dubium est, Polonos in tanto metu, & cum inter domestica dissidia nihil opis à gente sua expectarent, valde fuisse liberales, praesertim in donanda tota Prussia, quam bonos illos Germanos prius sanguine suo emere oportebat.

Cruciferorum ordo migrat ad Borussos.

Confirmavit hæc pacta Pontifex Romanus Gregorius Novus, & praeterea Fridericus Secundus, in cuius diplomate refertur, agrum Culmensum, & oram quandam inter Prussiam & nouam Marchiam, & quicquid à Prutenis caperent deinceps, ipsis donatum esse. Neq; dubium est, contra officium fieri, quod Fridericus Cæsar iustus & bonus accusatur, quasi suo diplomate confirmaue-

rit falsa, non expressa in pactis, cum ista gesta sint ex consensu vtriusque partis. Sed hæc longiori disputatione examinare non est necesse.

Conradus, cum Germano milite limites suos versus Prussiam munisset, moto bello conatus est Henricum depellere ex Ducatu Cracouiensi, quem erectis multis munitionibus firmauerat: Sed Conradus bis acie victus, & amisso filio, domum rediit.

*Henricus Bar-
batus capitur
& dimittitur.*

Hyeme eadem proditione, vt scribit Duglossus, quorundam nobilium, Henricus in Polonia minori, in templo astans ad missam, à Conrado oppressus, & in Masouiam abductus est. Henricus filius, qui nominabatur Pius, motus calamitate patris, subito quas potuit collegit copias, liberaturus patrem. Sed S. Heduigis, cui ab initio consilia mariti, implicantis se rebus Polonicis, displicuerant, anteuertens expeditionem filij, ipsa in Masouiam ad Conradum profecta est, eumque precibus, & lacrymis exorauit, vt ad pacem se flecti pateretur. Conradus motus sceminae sanctitate amice cum Henrico marito transegit. Renunciavit Henricus iuri suo in Ducatu Cracouiensi, etiam præstito iuramento: & vt firmior esset pax, duæ Neptes S. Heduigis ex filio Henrico, quas ipsi peperat Anna filia Ottocari Regis Bohemiae, duobus filiis Conradi sunt promissæ.

*Heduigis se-
dat ciuilia
bella.*

*Elizabetha
Thuringica
refertur in
catalogum
sanctorum.*

Ita sancta hæc scemina imitata exemplum Sapientis Abigael, sedato intestino bello, & pace his regionibus reddita, maritum suum ex carcere domum reduxit. Eodem anno Elizabetha Thuringiaca, neptis S. Heduigis, relata est inter Sanctos. Conradus propter scuitiam in magno apud omnes erat odio: & Pontifex Romanus noua inflammabat bella, absoluit Henricum Barbatus à iuramento, iussitque eum eicere Conradum. Recruduit igitur bellum inter cognatos Principes, quod primum sedatum est anno 1236.

*Henricus Bar-
batus occupat
Poloniam ma-
iorem.*

Interea anno 1233. cum in Polonia maiori superstes esset vnicus Princeps Vladislaus, Sputator dictus, qui superioribus annis fuerat adiutor Suantopulti in opprimendis Principibus, Henricus memor veterum iniuriarum, & vt præsidio esset nobilitati in Polonia maiori, quam crudeliter spoliabat Vladislaus, multum dehortante ipsum coniuge Heduige, exercitum duxit in Poloniam maiorem, eamque ferme totam in suam redegit potestatem. Vladislaus fugit ad Socerum in Pomeraniam.

*Henrici Bar-
bati nepotes
ex sorore.*

Henricus Poloniae maiori præfecit Brunonem Nepotem suum ex Adelheide sorore, filium Diopoldi Marchionis Morauiae. Nam hunc Diopoldum Bohemiae Rex Ottocarus ex Prouincia sua eiecerat: vxor vero cum quatuor filiis ad Henricum fratrem fugerat. Ex quibus tres in Silesia perierunt, quartus mortuus est in Col

in Collegio Magdeburgensi. Ab hoc tempore ad mortem vsque Henrici Bar-
 Henricus habuit titulum Ducis totius Silesiæ, maioris & minoris bati titulus.
 Poloniæ.

Anno 1236. fuerunt nuptiæ inter Constantiam filiam Henrici
 Pij, & Casimirum filium Conradi Masouiensis. Eodem tempore
 Vladislaus Sputator, auxilijs Pomeranorū adiutus, deprædatus est
 Poloniam maiorem, & Brunonem Nepotem Henrici Barbati, Præ-
 fectum Poloniæ maioris, per prodicionem trucidauit. Scriptores
 Poloni opinantur, ipsi accidisse hanc calamitatem, quod vexaret E-
 piscopum Posnaniensem, quem etiam aliquot dies captiuum tenuit.

Anno 1237. fuerunt nuptiæ Vratislauiae inter Boleslaum fi-
 lium Conradi Masouiensis, & Gerdrudim filiam Henrici Pij.
 Hedwigis, etsi erat in vicinia, tamen in urbem non accessit. Hen- Henricus Bar-
 ricus Barbatus, cum esset Ethnarcha Poloniæ, multa in moribus batus consti-
 & legibus barbaricis Polonorum emendauit: & Rempub: hone- tuit Rempub.
 stius constituit.

Anno vero 1238. cum ad componendas res Silesiæ inferio-
 ris proficisceretur Crosnam, in itinere coepit languere, & paulò
 post 19. Martij Crosnæ in pia confessione decessit, Princeps sa- Henricus
 piens, pius, iustus, & verè patriæ nostræ pater. Etsi autem non est Barbatus
 annotatum, quot annos vixerit, tamen colligere possum, eum non moritur.
 procul abfuisse ab anno ætatis septuagesimo, quem pater Boles-
 laus excefferat. Hedwigis maritum ardentissimè dilexerat, tamen Hedwigis tor-
 quodam prætextu religionis illius ætatis fascinata, eum deserebat, ua pietas.
 & totos annos triginta maritus ex voto, quod præsentē Episcopo
 fecerant, eam non attigit, à quo tempore Henricus, vultu etiam
 pietatem præ se ferens, comam & barbam aluit, vnde cognomen
 Barbati accepit. Hedwigis etiam maritum Principem non alloque-
 batur, nisi quando pro calamitoso erat deprecatrix: vbi tamen te-
 stes aliquos semper adhibebat.

Cum ipsi esset nunciatus morbus Principis, non accessit eum,
 neque in funere eum fleuit: sed cum ex immiti studio pietatis, præ-
 fertim in senectâ, animus eius quasi obriguisset, disputauit, impium
 esse, significatione luctus diuinæ voluntati velle aduersari. Sepul-
 tus est Henricus in monasterio Trebnicensi. Hunc Principem
 Heroicum Deus excitauerat, vt in hac nostra Silesia, pulsa barba-
 rie, pietatem & humanitatem plantaret.

Anno 1232. decessit Laurentius Episcopus Vratislauiensis, Laurentius E-
 vir magni ingenij & industriæ. Scribitur morbum contraxisse in piscopus con-
 pago Preichau ex nimio & assiduo odore rosarum, qui fortassis illi traxit letalem
 catharrum & febrim conciliauerat. Tanta autem tunc fuit ambitio morbum ex o-
 Episcoporum: vt, cum Laurentius in publico confessu nollet cedere dore rosarum.
 Iuoni Cracouiensi, Iuo ipse Romam profectus sit, vt impetraret
 diploma à Pontifice, quò sua Ecclesia Vratislauensi & reliquis
 præferretur.

HENRICVS SECVNDVS PIVS,
Silesiae & Poloniae maioris Princeps.

Mortuo patre, primo anno pacauit Poloniam maiorem, quae turbata erat armis Vladislai: Redegit Gnesnam in suam potestatem, nec multo post Vladislaus ex acerore animi, propter amissum patrimonium, in Pomerania obiit. Cadauer tamen Posnaniam, permittente hoc Henrico, delatum est, ibique sepultum. Reliquit superstites duos filios Boleslaum & Primislaum: illis ut patrimonium filius redderet, Hedwigis mater valde instabat, sed nihil profecit. Retinuerunt igitur tantum exiguam appendicem Poloniae maioris versus Masouiam.

Mieslaus Masouien-
sis discipitur à
muribus.

Hoc tempore aiunt in Masouia memorabile exemplum diuini iudicii ostensum esse, in Mieslao filio Conradi Ducis Masouien-
ensis, qui, cum expilaret suos, & illorum bona per vim abriperet, in conuiuio, quod ex spolijs miserorum apparauerat, conceptus & consumtus esse dicitur à gliribus & muribus. Ita antiquitas non frustra dixit: Malum virum vel mus mordeat.

Boleslaus Pudicus ducit uxorem Cunegundam.

Boleslaum Princeps Cracouiensis, qui sustinebat titulum Ethnarchae, etsi in nulla apud alios Principes erat autoritate, ut sese muniret contra Conradum Masouiensem, duxit filiam Regis Hungarici Belae Cunigundim, cuius Aua paterna fuerat Gerdrudis soror S. Hedwigis. Accepit dotem luculentam, & ipsi coniuges, praestantes forma & aetate, mirabili illius seculi superstitione, ut imitarentur exemplum Henrici Barbatum & S. Hedwigis, perpetuam fouerunt continentiam, & à consuetudine coniugali prorsus abstinerunt. Inde Princeps ipse appellatus est Boleslaus Pudicus: ac Cunigundis praecipuam laudem sanctimoniae habuit.

HISTORIA TARTARICA.

IN Propheta admodum tristis querela de dissipatione gentis Israeliticae recitatur: Iniquitates nostrae, sicut venti dissipauerunt nos. Ait Propheta, propter idola, & scelera, decem tribus Israel sedibus suis auulsas, in longinquas & barbaras regiones disiectas esse, perinde sicut vehementes ventorum turbines cumulum palearum, magno impetu sublatum in auras, solent dispergere, ita ut nunquam illae quisquiliæ possint recolligi aut coaceruari: ita in poenis publicis, ubi sese novae & barbarae gentes infundunt, totae familiae abripiuntur, parentes à complexu liberorum, uxores à maritis

maritis auelluntur, & in diuerſas plagas barbarici orbis ad ſeruitutem, ipſa morte triſtiores, abducuntur: vt plerumq̃ue in toto vitæ ſpacio miſeri homines de ſuis dulciſſimis corporibus, parentibus vel liberis nihil penitus reſciſcant.

Talia nunc accidunt in vicina nobis Pannonia, vbi graſſatur crudelitas latronum Turcicorum: Et talis ante annos trecentos & viginti octo, fuit facies publici & priuati ſtatus in tota Polonia, & in maxima parte noſtræ Sileſiæ, quando rabies Scythica patriam noſtram Ianiena horribili compleuit, & innumerabilem hominum turbam aut trucidauit, aut in rigidiffima antra Arctoæ, ad ſua plauſtra barbarica abreptam, auexit.

In hæc igitur tam luſtuofa ſpectacula vbi intuemur, expaueſcamus de iræ Dei aduerſus ſcelera hominum magnitudine, & ſeriam cogitationem de emendatione vitæ noſtræ inſtituamus, memores illius triſtiſſimæ comminationis Chriſti: Niſi poenitentiam egeritis, omnes ita peribitis.

Imminent nobis ex vicinia gentes immani rabie noſtrum cruorem ſitientes, Turcica, Tartarica & Moſcouitica: & qualia ſint repagula, quæ humana induſtria in hoc animorum noſtrorum torpore, & publica ſegniciæ atque diſcordia, illis obijcit, eſt in conſpectu. Precemur igitur Filium Dei, qui eſt magnus Michaël, ſtans in excubijs pro filijs ſui populi, vt ipſe à nobis arceat barbaricas vaſtationes, nec ſinat hanc terram, vt Propheta minatur, anathemate percuti. Nunc recito hiftoriam verè tragicam.

Anno 1140. dicuntur magna agmina Tartarorum erupiffe ex vltimis limitibus Arctoïs in Græciam, ſed tunc ſunt reiectiones.
ab Imperatore Græco Alexio. Ceſſerunt igitur rursus ad paludem Mæotidem, & Ruſſiam vel Moſcouiam inuaſerunt. Tartari uin-
annorum verò aliquot continua bella, Moſchi victi ſunt à Tartariis, & magna pars Ruſſiæ eſt facta Scythiſ vectigalis. cunt & do-
mant Moſchos.

Tanta autem fuit tyrannis ſeruitutis Tartariæ, vt Principes Moſcouitici, qui alioqui potentia & opibus antecelluerunt, etiam Tartari cru-
plebeio nuncio Regis Tartarici, petitorio tributum, pedibus, ipſi deliter impe-
ſedenti in equo obuïam prodirent, poculum lactis equini, quod rant Moſchis.
gens illa habet in delitijs, porrigerent, & guttas lactis, quæ Scythia potante in iubas equi excidebant, ore lamberent. Legato recitatur literas ſui Principis ſubſternebant preciſam veſtem: ex
pellibus Sabellinis, vt nominant, & ipſe, cum tota nobilitate inſi-
dens genibus, mandata Tyranni auſcultabat. Tartari domi-
iugum primus Iohannes Moſchus, ſub annum Chriſti 1479. ex-
amnos 300.

F iij cuſſit,

cussit, cum Tartari dominati essent in Moscouia annos ferme trecentos.

*Tartarorum
irruptiones
in Poloniam.*

Anno 1240. Tartari, progressi ex Moscouia, depopulati sunt Poloniam ad ripam Vistulæ vsque, abducta magna præda hominum & aliarum rerum. Eadem hyeme denuò reuersi sunt, & Vistula amne glacie concreto, ferme ad ipsam vsq; Cracouiam nemine prohibente vagati sunt, rapinis & cædibus omnia complentes.

Boleslai Pudici imbecillitas.

Sedebat Boleslaus Pudicus, Princeps iuuenis & imbecillis, Cracouiæ spectator incendiorum & direptionis Prouinciæ suæ, & cum inter Principes Polonos nulla esset coniunctio, nihil poterat rebus suis afferri opis. Vtebatur vero remedijs valde peruersis: cumulabat missas, inuocationes hominum mortuorum, cultus statuarum: cum ista fatales illas pœnas attraxissent.

*Tartarorum
irruptiones
sauißima.*

Anno vero 1241. quasi tota gens Scythica, ex suis sedibus prosiliens, locustarum instar, regiones Europæas inuasit: &, cum duplex collegissent agmen: Alterum, Ducibus Batto & Caidano, vt quidem verissimæ historiæ testantur, in Hungariam, quam propter soli bonitatem semper appetiuerunt alienæ gentes, irrupit: eamque, Bella Rege pulso, totum triennium crudelem in modum vastauit: Alterum verò, duce Peta, inuasit Poloniam, & primum quidem, quasi antecursores emisit sub initium Quadragesimæ, qui ingentem turbam hominum vtriusque sexus, vinctam loris abripiebat.

Tartari uastant Pannoniam.

Tartari uincunt Polonos.

Hunc globum, qui nondum erat maximus, adorti sunt aliquot fortes viri Poloni, collectis copijs non magnis ex nobilitate & populo, qui, etsi acerrimè dimicarunt, & magnam stragem hostium ediderunt: tamen tandem superati multitudine, cesserunt. Interea Tartaris superuenit nouus exercitus, qui dicitur expleuisse numerum 5000000 hominum. Ille diuisit sese in duo agmina, quorum alterum ad vastandam Masouiam missum est: alterum rectà petiit Cracouiam.

*Tartarorum
crudelitas.*

In eo publico metu, etsi deerat idoneus rector, tamen præfecti regni, moti spectaculis nimis miserabilibus, cum non modo pagi & vrbes ab omnibus partibus arderent, verum etiam contaminarentur templa, rideretur religio Christiana, & miseri homines nobiles & ignobiles aut passim mactarentur, excruciat omnibus tormentis, aut vincti pecudum more raptarentur, contraxerunt quos potuerunt milites, & corpora sua furori Tartarico obiecerunt.

Tartari rursus uincunt Polonos.

Pugnatum est non procul à Cracouia acerrimè 18. Martij: sed Poloni rursus victi multitudine, amissa præcipua nobilitate gentis, fugientes sese abdiderunt in syluas. Boleslaus Princeps in Carpa-

Carpatum montem fugit, & ibi cum coniuge sua delituit. Craco-
uia ab omni populo deserta est, quam Tartari spoliata[m] incen-
derunt. Neque diu ibi commorati, properarunt in Silesiam, vt
Principem Henricum, cuius potentiam metuebant, imparatum op-
primerent.

Tartari diripiunt & incendunt Cracouiam.

Ripas Viadri ad Ratiboriam præsidio munierat Mieslaus
Dux Ratiboriensium, is Tartaros, qui primi flumen ingressi fue-
rant, fortiter repulit multis interfectis: Sed deinde, conspecta
tanta multitudine, expauit, & discedens cum suis, recepit sese ad
Henricum. Inde Vratislauiam delati sunt, sperantes ex ea vrbe,
quam esse caput in Silesia didicerant, vberem prædam. Sed cum
vrbs ea ætate nondum valeret robore militari, & parum esset mu-
nita, ciues res suas in arcem comportauerant, ipsi vero discesse-
rant, præsiderarij deinde tecta, ne ijs frueretur hostis, inflamma-
uerant.

Tartari, decepti sua spe, instituunt terribilem oppugnatio-
nem arcis: sed manifestè ibi conspecta est præsentia Dei, defen-
dentis aliquas Ecclesiæ reliquias. Tartari enim territi sunt flam-
mis ex cælo cadentibus, & latè inter ordines ipsorum discursan-
tibus: & ita precibus piorum ab arce, sicut olim Attila ab vrbe
Aurelia in Gallia fulguribus & tonitru, reiecti sunt.

Tartari frustra oppugnant arcem Vratislauensem.

Proximo die post Dominicam Paschæ coniunxit sese cum
illis alterum agmen, quod Masouiam vastauerat, atq[ue] simul recta
Lignicium contendunt. Compleuerat fama de irruptione Scytharum
vniuersam Germaniam, & ingens erat omnium metus: sed
cum Imperium tunc certo careret gubernatore, & machinationibus
Pontificum omnia essent distracta & pessundata, non fuit ea
alacritas nostræ gentis in arcendis Scythis, quale olim fuerat ro-
bur animorum sub Ottone primo, qui Hunnos trucidauerat.

Contraxerat tamen Henricus exercitum triginta millium ho-
minum, quod vni Principi etiam hac ætate, vbi istæ regiones lon-
gè magis sunt populosæ, factu foret difficile. S. Hedwigis in illo
tumultu bellico, cum virginibus & nuru Anna, coniuge Princi-
pis, recipit sese in oppidum Crosnam: abiens autem, etsi sese præ-
sagire mortem filij diceret: tamen Henricum complexa, hortata
est, vt fortiter sese immani hosti pro Ecclesia & Republica Chris-
tiana opponeret, & aut speciosam victoriam de hoste reportaret,
aut, si Deo ita videretur, honesta morte occumberet.

Henricus Pius opponit se Tartaris.

Hedwigis filio Henrico Pio ualedicit.

Ipsi Henrico egredienti Lignicio infaustum omen accidit.
Tegula enim ex templo diuæ Mariæ delapsa fermè caput ipsi fre-
gisset: processit autem in campum, qui Volstadia dicitur, ibiq[ue] ho-
stem expectauit.

Henricus Pius pene opprimatur ruina.

Volstadia locus prælij cum Tartaris.

Exer-

Henricus Pius
instruit acies.

Exercitum suum distinxerat in quinque agmina, motus clade Polonorum, quos recentes copię Tartarorum in media victoria opprefferant. Primum agmen constabat ex militibus voluntarijs, qui pro eius ætatis more ex Germania hinc inde collecti erant, & signati cruce, testabantur, sese paratos esse subire mortem pro defensione Ecclesię Christi: His adiunxerat metallicos fossiores, accitos Goltperga, vbi tunc erant locupletes venę. Ductor huius agminis erat Boleslaus exul, filius Diepoldi Marchionis Moravię, amitinus Henrici.

In secundo erant Poloni ex maiori & minori Polonia vocati, quibus præerat Sulislaus. In tertio erat Mieslaus Dux Ratiboriensis cum suis copijs: is tamen iussus est in pugna sese cum secundo agmine coniungere. Quartum tenebat Pompo Magister Prusię cum militibus sui ordinis, qui itidem, vt viri fortes, ad arcendos barbaros accurrerant. Vltimo loco constiterat ipse Princeps cum robore exercitus, qui ex Silesijs, Polonis & militibus Germanis stipendio conductis constabat. Totidem acies Tartari instruxerant: sed ita, vt quęlibet longè vniuersum exercitum Henrici superaret.

Henricus Pius
confligit cum
Tartaris.

Commissum est prælium die nono Aprilis, & inchoauit pugnam acies signatorum cruce, & metallicorum: nam hoc postulauerant à Principe. Illi primum agmen Tartaricum repulerunt: sed cum incautè sinerent sese à reliquo exercitu longius auelli, multitudine hostium circumdati sunt, & omnes densissimo quasi imbre sagittarum, erant enim penè nudi, obtriti. Cecidit ibi Marchio Boleslaus inter primos animose dimicans.

Coniungunt sese euestigio agmina Sulislai & Mieslai, & feruntur in hostem audacter, neque deest successus. Nam cum haberent plures armatos balistis, facilè illi inermes sagittarios pepulerunt & iugularunt: Tartari suis laborantibus submitunt duo agmina, nec tamen Poloni cedunt.

Tartarorum
Stratagema.

Ecce autem in medio ardore pugnę audita est vox horribilis, equitis ignoti, errantis circum latera exercitus, & inclamantis nostros lingua Sclauonica, Fugite, fugite: Ibi Mieslaus cum suis conturbatus, principium fugę fecit & euasit. Henricus autem affatus Pomponem, eumq; ad virtutem cohortatus, cum reliquis duobus agminibus Tartaris sese opponit, tantaq; fuit virtus nostrorum, vt Tartari effusè inciperent fugere.

Interea siue diabolicis præstigijs, siue panico terrore quopiam, sicut verum est illud Taciti: Primi in omnibus prælijs oculi vincuntur, nostri sunt turbati. lactabatur à Scythijs vexillum, in quo visum est depictum caput monstrofi hominis, quod voraginem quandam fumorum & halituum teterrimi foetoris eructabat, barbaros caliginē sua occultabat, nostros verò terrore & foetore eneabat.

Vtrum

Vtrum hæc ita acciderint, non certò affirmo. Gens quidem Scythica semper fuit dedita incantationibus & veneficijs: & ante prælium humanas hostias mactauerant, vt semper cum Magia diabolica, infanticidia sunt coniuncta. Tali igitur spectio acies nostrorum territæ & dissolutæ sunt: & cecidit ibi Pompo Magister ordinis cum multis fortibus viris. Henricus cum paucis suorum in media hostium acie nusquam fugam respectans præliabatur: tandem admonitus à suis cæpit sese recipere.

*Tartari Magi
& incantato-
toris.*

*Cruciferorum
Magister in-
terficitur in
prælio Tar-
tarico.*

Erant ad latus ipsius quatuor tantum viri nobiles, inter quos vnus fuit Clemens Præfectus Glogouiensis, illi omni ope conati sunt Principem eripere, & cum equus ipsius faucibus amplius non progrediretur, eum in equum recentem imposuerunt.

*Glogouiensis
præfectus a-
crius tuetur
suum Principem.*

Ex comitibus vero vnus Iohannes anteibat, & ferro Tartaros submouebat: eum cum animosè sequeretur Princeps, & vnus ex Tartaris, qui maximè eum premebat, gladio feriret, brachio sublato ab alio Scythia proximo hasta ad alam traiectus est, & equo excussus. Comites circa Dominum præliantes etiam occisi sunt: Solus Iohannes euasit acceptis duodecim vulneribus, quem cum persequerentur nouem Tartari, ipse nactus in fuga tres alios Christianos, illis fretus conuertit sese, & octo ex illis Tartaris sua manu iugulauit, nonum autem captiuum abduxit. Postea, vt Deo pro tanto beneficio esset gratus, ingressus est religionem monachorum Dominicanorum.

*Henricus Pius
pro patria occu-
cumbit.*

Tartari cadaueri Principis caput amputarunt illudq; hastæ infixum circumtulerunt. Lignicium vrbs incensa est, sed arx valido est munita præsidio, ab eo cum Tartari postulassent deditiorem, responsum est, pro vno Principe necato, sese habere plures Dominos adolescentes, quos non essent deserturi.

*Lignicium
incenditur.*

Tartari attenuati tam cruenta victoria, & metuentes arma ex vicina Germania, nihil progressi vltius, vastata Moravia, ad suum Imperatorem in Hungariam sunt profecti. Tanta verò strages Christianorum edita esse dicitur: vt, cum Tartari post victoriam, singulis cadaueribus singulas auriculas præciderent, nouem grandes sacci expleti esse scribantur.

*Tartari reuer-
tuntur in
Hungariam.*

*Tartari ma-
gnam multitu-
dinem truci-
darunt.*

Corpus Henrici ab vxore Anna ex sexto digito sinistri pedis agnitum est, & Vratislaviæ in Templo S. Iacobi sepultum. In loco prælij etiam templum conditum est. Hic fuit exitus Generosi & verè Pij huius Principis, congruens ad vetus dictum: Pro patria decus est magnum profunderè vitam: cui tota Germania, quam suo sanguine texit, ne eam etiam, sicut Poloniam, Scythæ percurrerent, debet gratiam.

*Henrici Pij
sepultura.*

Henrici Pij
liberi.

Etſi enim Princeps ipſe mortuus eſt: tamen ita vires Tartarorum attriuit, vt ſibi ipſis diffiderent, & ad ſuos reuerterentur. Fuit Henrico nupta, vt ſuperius retuli, Anna filia Ottocari primi Bohemiæ Regis. Suſcepit ex ea liberos nouem, quatuor filios, & quinque filias. Filij fuerunt Boleslaus Caluus, Henricus Tertius, Vladislaus & Conradus. Ex quibus duo, Vladislaus & Conradus, conſilio Auiæ, miſſi ſunt ad ſtudia, Patauium in Italiam Vladislaus, Conradus Lutetiam: & deſtinati ab ea ad ſacra: cum diuiſio Sileſiæ inter tot Principes videretur inutilis.

Vladislaus
Henrici Pij
filius diſcit
Patauij.
Vladislaus eli-
gitur in Ar-
chiepiſcopum
Saltzburgen-
ſem.

Vladislaus Patauij honeſtè vixit, & beneficentia multorum animos ſibi conciliauit. Nam inter reliqua officia, ſolebat tenuiorum ciuium filias, data dote ex ſuo, elocare, ne turpi quæſtui addicerentur. Is deinde creatus eſt Archiepiſcopus Saltzburgenſis, quia propter ſtirpem maternam carus erat collegio illius loci.

Conrado promittebatur Episcopatus Bambergensis, quem multi ex familia S. Hedwigis tenuerant: ſed ipſe repudiata ea dignitate à fratribus patrimonium repetiuit, vt ſuo loco dicemus.

BREVIS EXPOSITIO STIRPIS & vitæ Beatæ Hedwigis.

Sanctorum
hominum me-
moriam retinen-
da eſt.

Non laudanda eſt profanitas illorum, qui aut ſimulatione religionis, aut barbarie quadam veteres historias hominum, quos Deus excellentibus donis ornauit, negligunt & aſpernantur. Sed verè pietas Deo grata eſt, exempla præſentiæ ipſius in ſanctis hominibus intueri, & filio Dei, conſeruatori Eccleſiæ, qui perpetuo ſibi agmen aliquod ex genere humano excerpit, gratias agere, ſicut rectè dictum eſt: Hos ego cum laudo, laus ea tota Dei eſt.

Etſi enim poſteriorum temporum in Eccleſia non ea eſt ſinceritas, neque is veræ fidei ſplendor, qui fuit ætate Apoſtolorum, & paulò poſt, & præter alias ſuperſtitiones, quibus deformata eſt Eccleſia, etiam pernicioſus mos in cultu & adoratione hominum ſanctorum, qui ex hac vita diſceſſerunt, inuectus eſt: tamen etiam in illa caligine teſtimonia de Eccleſiæ conſeruatione, & de præſentia Spiritus ſancti in electis edita ſunt.

Hedwigis pa-
rentes.

Nos etiam præcipuo modo debemus gratitudinem Hedwigis Sileſiæ, quæ olim, non vt domina, ſed vt mater patriam noſtram amauit, eamq; plantatione religionis, literarum & virtutis excoluit. De vita igitur ipſius breuem habebimus ſermonem. Nata fuit Hedwigis patre Bertholdo, Duce Meraniæ, Carinthiæ & Iſtriæ: matre vero Agnete nata ex Marchionibus Aſtriæ, vt quidem ipſa hiſtoria, quæ in templis legitur, perſpicuè aſſeuerat.

Fuit

Fuit autem familia paterna ex stirpe Arnolphi Imperatoris, nati ex posteritate Caroli Magni, qui anno Christi nongentesimo periit pthiriasi. Is habuit filium naturalem Rapoldum conditorem stirpis Andechessanæ in Bauaria: vnde postea nati sunt Principes, qui tenuerunt ducatus Istriæ, Carinthiæ & Meraniæ, quam scriptores multi non recte nominant Morauiam.

Ducatus autem Meraniæ tempore Friderici Barbarossæ, & paulò ante, nominabatur Regio illa, quæ olim fuit sedes Nariscorum: & postea dicta est Voirlandia. Extincta enim mascula stirpe Ducum Meraniæ sub Friderico Secundo, ducatus ille à vicinis, cum nullus esset certus Imperator, discerptus est. Partem enim Episcopi Bambergensis, & Vuirtzburgensis: Aliam autem partem Burggrauius Norimbergensis, occuparunt.

Genuit ea familia aliquot præstantes viros, inter quos celebratur Otto Cancellarius Henrici Sexti Imperatoris, qui postea factus est Episcopus Bambergensis, & Pomeranos fidem Christi docuit, vnde Pomeranorum Apostolus est vocatus. Inuenio autem annotatum alicubi, Bertholdum patrem Heduigis, à quibusdam ordinibus, mortuo Friderico Barbarossâ, propter opes & potentiam vocatum esse ad Imperium contra Philippum Bambergensem. Bertholdus tamen, cum animaduerneret huic, munito studiis principum, sese futurum imparem, volens de suo iure cessit. Non extincta sunt autem odia in filiis erga Philippum, qui deinde anno 1208. Ottoni Vitelspachio Principi Palatino, cui Heduigis filiam Gerdrudem desponderat, adiutores fuerunt, vt Cæsarem interficeret.

Nati sunt Bertholdo quatuor filii: Ecbertus Episcopus Bambergensis: Bertholdus Patriarcha Aquilegiensis: Henricus & Otto Marchiones Istriæ, qui omnes anno 1231. fuerunt in exercitu Friderici ducis Austriæ, cui materna stirpe erant cognati, in bello contra Regem Bohemiæ. Sed cum propter mortem Friderici copiæ dilaberentur, nullus fuit illius expeditionis successus. Ex istis fuit vltimus Otto, qui anno 1248. Plasseburgi interfectus est, & cum eo stirps mascula deleta.

Collocauit idem Bertholdus nuptum filiam Gerdrudem Andreæ Regi Vngariæ, quæ à Barone Vngarico in sua aula, propter adulterij procurationem, vt putabatur, miserabiliter est interfecta. Ex ista Gerdrude nata est Elizabetha, nupta Principi præstanti Ludouico Landgrauio Thuringiæ & Hassiæ, qui profecturus ad bellum Turcicum in Asiam, Brundusij decessit. Ista Elizabetha, foemina sancta & modesta, à mariti fratre in exilium pulsa est, & Bambergæ ab Episcopo cognato in monasterio nutrita. Ex huius tamen filia Sophia, materna stirps est Landgrauiorum Hassiæ.

Heduigis adolescentia. Ex Bela deinde Rege Vngariæ, filio Gerdrudis, nata est Cuius negundis vxor Boleslai pudici, Principis Craçouiensis : quæ etiam opinione sanctitatis celebris est : ita vt singulari fato hæc familia foeminas nobiles ob pietatem produxerit. A teneris verò annis vsque laudata est probitas Heduigis, in qua semper eximia fuit modestia, & ardens ad precationem & exercitia pietatis studium. Promissa est Henrico Barbato anno ætatis duodecimo, eique deinde luculentam attulit dotem, cuius maximam partem maritus Princeps, ab ipsa exoratus, in condendo & locupletando cœnobio virginum Trebnicensi insumsit. In Silesia vere ita vixit, vt fuerit innocentia, sanctitatis & mansuetudinis exemplar.

Heduigis virtutes. Historia de ipsa ineptè & barbarè scripta, celebrat tantum ipsius opera ceremonialia, & dura exercitia in victu, cultu corporis, in sustinenda inedia, vigilijs & similibus. Etsi autem illa, vbi fiunt fide vera in Christum prælucente, & vbi iusta seruatur mediocritas, suam laudem habent, sicut etiam externa disciplina in renatis pulchrum decus est : tamen in hac pia foemina alia ornamenta nobiliora fulserunt : neque solum virtutibus Ethnicis, aut gestibus illis externis, tanquam folio ficus, tecta fuit : sed, cum intus in corde ad Deum esset conuersa, & gubernatorem haberet Spiritum sanctum, accendebantur in ipsa virtutes diuinæ, vera lux agnoscens Deum, & vera fides, ad Deum fiducia mediatoris accedens, ardens pietas, dilectio, castitas, beneficentia erga Ecclesiam & Rempublicam, aliæq; multæ. Harum virtutum testimonia & documenta in tota vita ipsius lucent.

Heduigis ardens pietas. Ipsa non solum apud Principem suum deprecatrix est pro populo, pro afflictis, flectit eum ad clementiam, & iusticiam, verum etiam apud Deum : & sicut pia & modesta Esther, est socia & ducissa communium precationum, ardentibus votis Ecclesiam & Rempublicam Deo commendat : Ita, vt ex assiduo infessu in genibus, etiam grandes & duri calli in genibus ipsius excitati scribantur : Neque dubium est, propter huius sanctæ foeminæ preces, ærumnas publicas esse lenitas, & arma Scythica repressa.

Heduigis Silesiæ addidit culturam. Fuit deinde suo Principi hortatrix ad propagationem religionis & pietatis in hac gente : Neque suo labori suisq; sumtibus pepercit, vt latè per totam prouinciã Ecclesiæ & Scholæ, quæ olim fuerunt in monasterijs, constituerentur. Curauit etiam Silesiam ornari vrbibus, legibus, disciplina & ædificijs : sicut non dubium est, hanc regionem tunc primum culturam accepisse. Accersuit ex Germania multas familias, qui noui coloni literas & humanitatem simul huc intulerunt.

Constat verò, non esse opera meliora inter homines, quàm communicationem sapientiæ cœlestis, & honestarum legum in societate

cietate politica, quæ hæc nostra regio ab ista benefica omnium matre accepit, mores ipsius ita fuerunt placidi, itaq; ab asperitate alieni, vt, sicut Cyrus Xenophontæus, nunquam vehementi ira, etiam in magna rei indignitate, exarsisse legatur.

In vita interiori ita erat amans castitatis, & tanta fuit in rebus aduersis patientia, vt etiam in alteram partem potius deliquerit. Nam, cum sexies fuisset puerpera, tandem maritum magnis precibus eò adduxit, vt consuetudini coniugali renunciaret, ab eaque fermè triginta annos sese abstineret, in morte etiam mariti & filij adeò sese Deo obtemperare ostendebat, vt edere gestus aliquos mœsticiam significantes impium esse duceret.

*Hedwigis
noui.*

Ista quidem, & alia superstitionum labe, ex sordibus ætatis illius fuit aspersa, vt semper in Ecclesia aliàs maior, aliàs minor est lux: Et tunc, fabricata iam monarchia Pontificia, & orbe terrarum vbiq; nouos & monstrosos foetus monachorum parturiente, tetrum chaos abusu Ecclesiam contaminauit, quibus contagijs etiam ipsa inquinata est. Scimus autem, monstrata veritate coelesti, redargui idolatricos cultus superioris ætatis in cultu statuarum & mortuorum hominum, in profanatione sacrae Cœnæ, & alijs.

*Hedwigis in-
cidit in secu-
lum infelix.*

Opinio, quæ damnat coniugia, in animis huius & aliarum fœminarum inoleuerat, ex iniqua lege coelibatus: cum vita coniugalis, impuritas & contaminatio pietatis esse existimaretur: Neque interea erudirentur homines de mirando consilio Dei, qui naturam hoc modo condidit, & hunc ordinem propagationis in genere humano, circumscriptum certa lege, ex arcana sua sapientia instituit, sicut dicitur: Dixit Deus, non est bonum, hominem esse solum. Neque etiam pijs fœminis ardentibus zelo pietatis proponebantur hæc & similia dicta, commonefacientia de veris exercitijs fidei & dilectionis: Saluatur mulier per filiorum generationem, si manserint in fide & dilectione.

Hos fontes si doctores illius ætatis monstrassent, intelligi potuisset, coniugium esse veram castitatem, & vt Paulus verecunde loquitur, debitam beneuolentiam inter coniuges Deo non displicere. Nec impium est, in morte parentum, liberorum aut propinquorum esse in mœrore, nec illa stoica *ἀσπρῖα* monachorum est laudanda.

Indoluit Christus in morte sui amici Lazari, & Ioseph ostendens signa mœsticiæ propter patris sui decessionem, non resistit voluntati Dei. Quia vtrumq; vult Deus: nos calamitate & morte nostrorum affici, cum ipse *ἐλεῖν* naturæ humanæ impresserit: & simul tamen apprehensione verarum consolationum ex Euangelio dolorem moderari. Inter istas maculas tamen, cum nostra domina fundamentum sanæ doctrinæ retineret, & fiducia mediatoris quo-

*Hedwigis pro-
pter stipulas
non fuit reie-
cta à Deo.*

tidie ardentem remissionem peccatorum peteret, non fuit abiecta propter illas stipulas, quas ædificio Christi indocti doctores assuebant.

Et sunt in omnibus sanctis næui multi & magni, non tamen contra conscientiam, & quas illi, cum sunt admoniti, non pertinaciter defendunt, sicut ostendunt exempla Apostolorum & multorum aliorum. Ideo dulcis à Paulo est monstrata consolatio, qui ait: Fundamentum aliud poni non potest, præter id quod positum est quod est Christus Iesus. Dies, inquit Apostolus, declarabit, qualis sit cuiusque ædificatio, & ille, qui detrimentum patietur, saluabitur ut per ignem. In veris enim tentationibus manifestum fit piæ menti, non subsistere stipulas commenticiarum opinionum, & simul Deus errores etiam in sanctis, multis tristibus exemplis punit, sicut huius sanctæ foeminæ, tam multæ & graues fuerunt ærumnæ, ut non dubium sit, eam illa magnitudine calamitatum commonefactam & fractam, non modo fuisse modestiorem, verum etiam quasi omnium mundanarum rerum fuisse pertæsam,

Hedwigis calamitates ingentes.

Vidit enim tragicum exitum suæ sororis Reginæ, qui, quod grauissimum est, scelere fratris & suo accersitus esse putabatur. Vidit deinde filiam illius Gerdrudis Elizabetham Thuringiam, sceminam sanctam, marito mortuo, miserabiliter, in exilium proijci, ubi & paulò post mœrore animi contabuit. Conspiratione præterea fratrum, interfectus est Philippus Bambergensis, Cæsar utilis Imperio, & quidem ab illo ipso Ottone, qui futurus erat gener ipsius: Ideo necato illo noluit filiam promittere alteri, sed eam una cum cæteris sororibus in collegium virginum Trebnicensem inclusit: Paulò post conspexit dimicare exemplo penè Thebaico, inter sese filios, iugulari multos ciues, & homines innocentes, ipsumque deinde filium, terribili exemplo diuinæ vindictæ, ceruices ex equo frangere.

Vulneratus est ipsius maritus, optimus Princeps, ex insidijs lethaliter, abductus deinde in carcerem, ubi ipsa suo labore, precibus & lacrymis, eum liberauit & dissidia pacauit. Tandem post mortem sui Principis fuit spectatrix horribilis lanienæ & tyrannidis Scythicæ, quæ fuit grauior etiam, quàm nunc est asperitas Turcica.

In quanto igitur eam dolore fuisse credimus, cum vidit hanc regionem studio ipsius religione & vrbibus excultam, crudelem in modum vastari, vri, diripi, & deinde filium Principem præstantem pietate & virtute, patrem multorum filiorum, ante senectam in prælio à Scytis trucidari. Hic tantorum malorum concursus etiam virile & constans cor, potuisset frangere: ipsa tamen addicta precationi, & fontibus verarum consolationum, etsi fuit tristior & toruior: tamen eam animi retinuit æquabilitatem, ut

Hedwigis robur & constantia.

verè

verè de ea prædicari possit: Tamen per ipsas lucet ærumnas fides. Sed non institui nunc longum panægyricum, Tantum in hac historia breuem etiam huius Sanctæ foeminæ, quæ fuit huius regionis singulare decus, mentionem facere volui.

Consumpta mœsticia & ærumnis, in pia inuocatione Christi ^{Heduigis decessio.} decessit anno 1243. biennio post cladem Lignicensem, 15. Octobris, cum aliquamdiu decubuisset ex torrido, vt apparet, marcere, quem ex curis & genere vitæ aspero contraxit. Anno vigesimo ^{Heduigis apotheosis.} tertio post decessionem eius, laborantibus in hac causa multis potentibus viris, à Clemente in numerum diuorum relata est, & institutæ solennes feriæ, cum precatione & cantu valde superstitioso. Iussi sunt homines exuias ipsius inuifere, eas adorare, & ab ea bona, quorum solus Deus dator est, petere. Ea nos merito repudiamus, cum sciamus, nequaquam ornari pios defunctos, vbi deformatur Deus: Sed gratam ipsius memoriam conseruemus, & Deum oremus, vt subinde excitet Principes & dominas pietate & caritate in patriam præstantes, vt ipsi inter nos perpetuo Ecclesia colligatur, quæ eum agnoscat & celebret sine erroribus idolatricis.

Reliquit beata Heduigis numerosam posteritatem, quæ diu ^{Heduigis posteritas adhuc superstes.} in Silesia est dominata, & adhuc hodie superstites sunt inclyti Principes Lignicenses & Bregenses, nati paterna quidem stirpe ex vetusta familia Regum Poloniae: materna verò ex posteritate ^{Lignicensium principum laudata nobilitas.} Caroli Magni & Beatæ Heduigis, quæ certe est nobilitas eximia, Quos Deus, etsi diadema Regni Poloniae illis per iniuriam detractum est, ornauit multis præclaris vitæ commodis, & quod maximum est, vera agnitione Filij sui: ita vt hic etiam exemplum diuinæ illius promissionis conspiciatur: Generationi rectorum benedicetur: quam Poëta Ethnicus acceptam alicubi in poemâ suam transtulit, *Δουσεβέων πύθεον τὸ λῳία, δουσεβέων δὲ ἄ.*

FILII HENRICI SECVNDI

Pij, Silesiæ Principes.

Henricus Pius. Anna filia regis Bohemiæ.

Henricus Tertius	Boleslaus Caluus	Conradus	Vladislaus Ar-
Vratislaviensis.	vel sauius Ligni-	Glogouien-	chiepiscopus
	centis.	ensis Sa-	Saltzburgensis,
		ganensis	& postea guber-
		& Crof-	nator Vratisla-
		nenfis.	uiensis.

Boleslaus Cal-
uus malus
Princeps a-
mittit Polo-
niam.

Tartari rur-
sus uastant
Cracouiam.

GRata erat memoria Henrici Pij apud Polonos, ideo post abi-
tum Tartarorum Boleslaus, Henrici filius, vocatus est ad Du-
catum Cracouiensem, & electus in summum Principem, quia Bo-
leslaus pudicus existimabatur perijisse. Receptus est Cracouiae
cum læticia: sed cito exeruit se ipsius natura: fuit enim *μωρότατος*,
stupidus, infans & iniustus. Ideo facili negotio eum ex Polonia
excussit Conradus Masouiensis: & dum illi litigant, interea Tar-
tari rursus per iuga Carpathi ex Hungaria sese tumultuaria ma-
nu effundunt, Cracouiam opprimunt & diripiunt, necatis pluri-
bus hominibus, quàm prius. Nec multo post amisit Boleslaus etia-
m Poloniam maiorem. Nobilitas enim, quæ detestabatur ipsius
arrogantiam, reuocauit filios Vladislai exulis, modestos Principes,
Primislaum & Boleslaum: Ita nec sapientia, nec fortuna hu-
mano consilio ad hæredes potest transmitti.

Auia autem Heduigis hortata est nepotes, vt omitterent Po-
loniam, Silesiam vero ipsi ornarent & tuerentur diligenter. Sed
statim post mortem S. Heduigis Boleslaus Princeps prodigus
& iniustus, voluit sibi suam assignari partem in Prouincia, ne coge-
retur reuereri matrem & Episcopum Thomam, quem mater cole-
bat & audiebat. Facta est igitur talis diuisio, vt Boleslao, ipso ita
eligente, tribueretur Ducatus Vratislaviensis, Lignicensis autem
& Glogouiensis ditio relinqueretur Henrico: simul tamen vterq[ue]
alterum ex fratribus, qui destinati erant ad professiones sacras, ha-
beret in hæreditate consortem: Henricus Vladislaum: Boleslaus,
Conradum. Post exiguum tamen temporis interuallum, Boleslaus
partem Lignicensem, tanquam meliorem postulauit: & quamuis
iniquum petebat, tamen à matre vidua, quæ paci studebat, impetra-
uit quod voluit.

Fuit hoc anno 1244. Non multò verò post idem Boleslaus,
turbata pace, excitauit graue & exitiale bellum in Silesia, quæ non-
dum sese ex vastationibus Scythicis collegerat. Conradus enim
mutata voluntate repudiavit Sacerdotium: quia Auia eum inuis-
tum ad illud addixerat: & quia illa familia non amplius erat gra-
ta in Franconia: Reuersus igitur Lutecia hæreditatem suam à fra-
tre Boleslao petebat.

Boleslai Cal-
ui furores.

Vladislaus autem, qui creatus erat Archiepiscopus Saltz-
burgensis, integrum suum patrimonium fratri Henrico reliquit.
Ibi Boleslai *ωλεονεξία* fuit intolerabilis. Postulabat enim rursus, vt
facta commutatione ducatum, Henricus migraret Lignicium,
& fratrem Conradum placaret, sibi autem Ducatum Vratisla-
uiensem daret integrum. Sed hoc ordines sui dissuadebant & in-
iusticiam Boleslai detestabantur. Ortum est igitur Ciuile bel-
lum inter fratres diuturnum, & admodum Silesiæ funestum.

Anno

Anno 1245. primum adortus est Henricum fratrem Boleslaus, conuocatis militibus, & prædonibus vndique ex Germania: ^{Vratislavia post uastationes Scythicas instauratur.} accurrit Vratislaviam, ea post incendia Scythica adhuc erat exigua & infirma, & quidem formam nouæ vrbs tunc accipiebat. Donata enim fuit iure ciuitatum Germanicarum, abolita barbarie Polonica, ideo ciues passim ex Germania eò confluabant, & nouis tunc etiam mœnibus cingebatur. Inter illas difficultates ^{Boleslaus Caluus frustra obidet Vratislaviam.} tamen sustinuit trimestrem obsidionem Boleslai, & eum re infecta abire coëgit.

In reditu autem diripuit & incendit Nouoforum, & templo, ad quod miseri homines cum vxoribus & paruis natis confugerant, vt religione loci sese tuerentur, ad quingentos homines fœdè inflammato exussit. Reuersus domum totam Silesiam latronibus compleuit, qui deinde grauitè Prouinciā afflixerunt. Nam cum illis stipendia non exolueret, agros hinc inde sunt deprædati. Inuenio apud Duglossum, eo tempore ipsum à sua nobilitate, quod existimaretur mente errare, captum & custoditum fuisse, tandemque, cum resipiscere videretur, dimissum esse. Neque tamen sic quieuit. ^{Nouoforum oppidum incenditur.}

Nam, cum in Lusatia Sittauiam & Gorlicium quibusdam ex suis hominibus ditioribus oppignorasset, denuo Vratislaviā, quamuis inœcliter, inuasit. Nam non modo cum clade reiectus est: Sed paulò post etiam ab Henrici fratris militibus exceptus & Vratislaviā ductus est. Frater, hortante proculdubio matre, eum honeste habuit, & cum fidem dedisset, se Conrado patrimonio daturum, dimissus est. ^{Boleslaus Caluus capitur.}

Interea anno 1248. Vratislaviā accesserunt legati Pontificij, missi ex concilio Lugdunensi ab Innocentio Quarto, quibus ^{Silesia accipit munus à Pontifice.} mandatum erat, vt peterent auxilia contra Fridericum Secundum, Cæsarem, quem Pontifices tunc crudeliter persequabantur: & vt vicissim quodam officio hanc gentem rusticā deliniret, nunciatum est illis ex decreto Pontificis, ieiunium annuum quadragesimæ, deinceps non à Dominica, quam Ecclesia nominat Septuagesimam, vt hætenus ex ritu Græcorum vsitatum fuerat, inchoandum esse, sed serius more Romano, agitatius prius Bacchanalibus: Ita, cum temulenti homines libenter admitterent orgia Bacchi, Pontifex impetrauit nummos. ^{Ieiunia veteris Silesiæ.}

Profecti iidem legati in extremam Scythiam, ad magnum Imperatorem Tartaricum Chamum, petituri ab eo, vt Christianis hominibus parceret, nec in eos amplius sæuaret: Exhibitis muneribus quatuor annorum inducias dicuntur impetrasse: quamuis de ea legatione & itinere scripta, plena fabularum & ineptiarum, edita sunt

Boleslaus Cal-
uus evertit Si-
lesiam.

Boleslaus vero rursus suis furijs exagitatus, vt nervos belli corraderet, extremam oram Lusatiae & Silesiae inferioris, agrum Libusiensem & vicina oppida Brandeburgensibus Marchionibus oppignorauit, & Vratislauenſe territorium tertio vastauit. Paulo post, alienatis à se suorum animis, Crosnensis ditio Conrado dedica est: Struebat illi insidias frater Boleslaus: in Henrico vero Vratislauenſe parum inueniebat praesidij, fugit igitur in Poloniam maiorem ad Primislaum Principem Gnesnensem, cui soror Principum Silesiae Elizabeth erat nupta.

Conradi Se-
cundi Glogo-
uensis nuptiae.

Primislaus collocauit Conrado nuptum suam sororem Salomeam foeminam pietate praestantem, & cum missa legatione nihil aequi impetraret à Boleslao, vnà cum Conrado totam Silesiam, quae duobus fratribus parebat, deuastauit: locis sacris tamen percerunt, & vt esset certa munitio, vnde perpetuae fierent excursiones, fuit autor Conrado, vt prope Glogouiam nouam arcem muniret, & in eam praesidiarios collocaret: hanc scriptores non recte nominant Bythomiam, cum sit Pridomia. Notum est enim ex

Conradus mu-
nit Pridomiã.

sermone maiorum, Principem Glogouienſem domicilium suum in pago Pridomia habuisse.

Ex ea munitione, habeo autores, qui vtrumque Principem, Henricum & Boleslaum, captos esse scribunt: & quamuis Boleslaus corruptis custodibus elapsus est, tamen, vt scribit Duglossus, Henricus promisit, aut se fratrem adducturum, vt tribueret ipsi patri monium, aut sese de suo illi aliquid daturum. Demum igitur 1255. Glogouiae fuit conuentus, causa constituendae pacis inter fratres: ibi, annitente Episcopo Vratislauenſe, & nobilitate regionis, Boleslaus ducatum suum cum fratre Conrado diuisit, ipsique attribuit Glogouiam, Saganum, Sprottam, Crosnam, & vicina oppida, quae tamen tunc non fuerunt multa.

Conradus Se-
cundus occu-
pat Glogouia.

Autor est Duglossus, Anno 1250. Ottocarum Bohemiae regem occupasse Ducatum Opolienſem in Silesia superiori, eumque tradidisse filio suo naturali Nicolao, ab eoque posteriores Duces Opolienses esse propagatos: quod tamen, vt mihi parum compertum in medio relinquo. Postremus ex Opoliensibus Principibus Iohannes videri voluit, familiam suam à Mieslao Boleslai Proceri fratre continua descensione adhuc esse superstitem. Aeneas Syluius asseuerat, hunc Ottocarum fuisse Silesiae Dominum, quod fortassis inde sparsum est, quia ducatus istos Silesiae superioris inuaserat. Paucis annis post Boleslaus Pudicus Cracouiensis, & Vladislaus Ratiboriensis, Opolienſem ditionem late vastarunt, vt inde Bohemos excuterent, sed nullo cum successu.

S. Stanislai
apothecosis.

Anno 1254. non sine magno labore, & grauibus impensis in curia Romana obtineri potuit apothecosis S. Stanislai, anno post necem ipsius centesimo septuagesimo quinto. Multi prudentiores

ex se.

ex Senatu Cardinalium aduersabantur, cum iudicarent, hoc modo religionem prostitui.

Narrat historia, in ipso articulo renunciationis publicæ adulescentem mortuum, qui ad sepulchrum efferebatur, precibus S. Stanislai reuixisse: Sed nos, qui talibus miraculis non assueuimus, donamus illis suum aduocatum, contenti nostro mediatore, qui est ad dextram æterni Patris, interpellans pro nobis. Vix dum sedato ciuili bello inter fratres Silesios, Boleslaus nouum incendium excitauit.

Questus fuerat Episcopo, exhaustum sese esse multorum annorum bellis, & grande æs alienum contraxisse, ideo orare se, pateretur decimas, quas ipsi ex veteri instituto soluebat, in summam pecuniæ commutari, & promittebat illi in annos singulos decies mille marcas, vt nominamus. Negauit Episcopus, hoc sibi aut licere, aut expedire, & ius suum defendebat. Boleslaus autem irritatus, anno 1256. Episcopum cum ditioribus duobus Canonicis ruri captum, & vestibis exutum in carcerem abduxit. Archiepiscopus Gnesnensis è uestigio ad sua fulmina decurrit, & terribili tonitu campanarum quotidie Boleslaum est execratus. Istas diras cum Boleslaus negligeret, querelam hanc detulit ad Pontificem Alexandrum Quartum. Is vt veteres iubeant, ἀμὰ κρηναίῳ ὄρου vsurpans, mandauit Episcopis Polonicis, & præterea Archiepiscopo Magdeburgensi, vt Poloniam & Germaniam in arma aduersus Boleslaum concitarent.

Boleslaus Caluus intercept Episcopum Vratislauiensem.

Extant literæ ipsius plenæ hypocriticæ crudelitatis. Sed interea Thomas fractus squallore carceris, datis obsidibus promisit, se in territorio trium fratrum Silesiæ, nam reliqui duo Vratislauiensis & Glogouiensis, conuiuebant, admissurum commutationem decimarum: & præterea soluit λύτρον marcarum bis mille. Scriptor Polonicus addit Epiphonema, & iudicat hos Principes propter hoc scelus Regno Poloniae excidisse.

Ab hoc tempore Sacerdotes, qui tunc soli scribebant annales, & de Principibus ex affectu suo iudicabant, Boleslao appellationem Socui tribuerunt. Episcopus tamen proximo anno post, in Synodo prouinciali testatus est, nihil se eorum seruaturum, quæ cum Boleslao esset pactus.

Anno 1257. decessit Primislaus, Princeps Poloniae maioris, iustus & pius, itaque continens, vt de eo scriptum sit, nunquam eum ebrium, aut ira incensum visum fuisse: Non excesserat annum ætatis trigessimum sextum. Elizabeth vxor, filia Henrici Pij, peperit illi filium Posthumum Primislaum, cui deinde ex longo interuallo diadema Regni Poloniae est impositum.

Eodem

Boleslaus Cal-
uus capitur à
fratre Conra-
do.

Eodem anno accidit casus ridiculus. Non coaluerat vulnus
offensionis inter Boleslaum & Conradum : & quia recens decesse-
rat Primislaus, cuius auxilijs Conradus nitebatur, Boleslaus ratus
aduenisse tempus, quo fratri rursus posset detrahere Glogouiam,
& lætus illo successu ex Episcopo capto, per speciem amicitiae fra-
trem ad conuiuium Lignicium inuitauit. Constituerat autem ibi
eum detinere. Sed Conradus præmonitus de suo periculo, & ira-
tus fratri propter perfidiam, cogitauit quomodo in eum facinus re-
torqueret. Clam igitur armatam manum in lucum prope Ligni-
cium abscondit, ipse cum familiaribus ad fratrem ingreditur,
quem, cum in porta obuium habuisset, eum comprehendit, & vo-
catis suis equitibus ex luco Glogouiam abduxit. Non tamen cum
eo egit crudeliter, sed tantum coëgit eum numerare pecuniam,
quam ab Episcopo multæ nomine extorserat : vt extaret exem-
plum huius dicti : Væ qui spoliās, quia spoliaberis. Item :

Τόχων ὡς ἐπὶ τὴν ἐν ἡμεῖς ἡμεῖς τὸν τὸν.

Terræmotus
in Polonia.

Anno 1258. & proximo post, annotatum est, Poloniam va-
lido terræmotu esse concussam, quo ab omnibus iudicatum est, gra-
ues clades denunciari. Et quidem anno 1260. denuo Tartari, qui
ductores & adiutores habebant Moschos, vniuersam ferme Polo-
niam per spacium trimestre percurrerunt, & crudeliter depopulati
sunt, Cracouia vrbe & multis alijs oppidis captis & incensis, ad ip-
sam oram vsque Silesiæ, & ditionem Opoliensem sunt grassati.

Tartari rura
sua vastant
Poloniam &
Cracouiam.

Cruciferi stre-
nue arcent Bo-
russos & ser-
uant Poloni-
am.

Hiscæ annis etiam pertinax & asperum bellum gessit ordo
Teutonicus in Prussia, & magna tunc fuit virtus nobilitatis Ger-
maniæ, quæ sponte militatum in ea pia causa proficiscebatur, & suo
corpore & sanguine arcebat à Polonia immanitatem barbarorum,
quam proculdubio, nisi iste fuisset ipsis obiectus murus, tunc bel-
lis ciuilibus, & vastationibus Scythicis plane exhaustam, totam
deuorassent. Quare non dubium est, gentem Polonicam ordini
isti multis nominibus gratiam debere.

Cometa pro-
xime anteces-
sit circumge-
stationem pa-
nis consecrati.

Anno 1264. terribilis fulsit Cometa : eoq; ipso anno insti-
tuta est circumgestatio theatraica panis consecrati. Anno 1266.
decessit Vratislaviæ 5. Decembris Henricus Tertius, Princeps
bonus & amans sui populi. Sæpe autem in historia Silesia, & de
isto Henrico quoque refertur, quod Principes veneno sint sublati.

Henricus Ter-
tius Vratisla-
uiensis mori-
tur.

Ego Silesijs tunc nota fuisse venena vix crediderim : sed illud ru-
dius seculum, malignas febres ex veneni hauustu contractas esse su-
spicatum est. Sepultus est in monasterio S. Claræ.

Habuit duas vxores : quarum prior fuit filia Conradi Ducis
Masouia, Iuditha : Peperit illi Henricum & Heduigin : ex altera,
quæ fuit filia Ducis Saxonie, nullos liberos genuit. Filio attribuit
tutorem

tutorem Vladislaum Archiepiscopum fratrem, qui commigrauit Vratislauiam, eamque tutorio nomine quadriennium gubernauit.

Anno 1267. mortuus est Thomas Episcopus Vratislauiensis: reditus Ecclesiae illius Vladislaus à Pontifice ad triennium ad suos usus impetrauit: Triennioque post ipse Vladislaus extinctus est, Princeps celebris ob munificentiam in egenos.

Vladislaus Archiepiscopus, imperat Vratislauiam & moritur.

HENRICVS QVARTVS PRVBVS Vratislauiensis filius Henrici Tertij.

Annus 1270. fuit plenus prodigijs, quae significarunt sequentes motus & clades. Mulier nobilis vno partu effudit pueros triginta sex, eosque viuentes, sed qui statim post extincti sunt. Viadrus & Nissa in Silesia sanguine fluxerunt. Hisce annis, donec fuit pax, Conradus Glogouiensis, vna cum coniuge sua foemina pia & benefica, occupatus fuit in ornanda & augenda Glogouia.

Partus monachorum fecundus.

Hoc igitur tempore existimatur collegium sacerdotum, cui tunc maxima pars ciuitatis parebat, in illam quasi Viadri insulam esse translatum, vbi olim fuit vrbs: In templum vero vrbis sacerdotum collocauit monachos instituti S. Dominici: Structura tamen prius immutata, & aede sacra pulcherrima erecta, foris verò collegio templum suo sumtu extruxit, & in illud statuum suam posuit. In oppido arcem condidit, & relicta Pridomia in urbem commigrauit. Ipsi etiam vrbi, adhuc oppressae barbarie & seruitute antiqua, leges & iura Germanica donauit, vt plures ciues huc ea Reipub: euocari alliceret.

Glogouia excolitur à Conrado & Salome.

Sacerdotum collegium ex urbe Glogouia in insulam suburbanam transfertur.

Gubernauit haec consilia omnia Salome ducissa, foemina sapientia & pietate excellens, decessit anno 1271. sepulta est apud Dominicanos, quos ipsa in urbem vocauerat. Conradus egens pecuniae eodem anno accessit ad secundas nuptias, & liberis suis induxit nouercam, Brigittam Theodorici Marchionis Misnensis filiam, Conradini illius viduam, qui scelere Pontificis Neapoli necatus est. Attulit Conrado dotem aureorum decies mille. Non multo post nuptias Boleslaviae penè oppressus esset à fratre Boleslao, qui denuò illi tendebat insidias, sed euasit tamen.

Salome Glogouiensis moritur.

Conradus Secundus Glogouiensis accedit ad secundas nuptias.

Anno proximo post Brigitta mortua rursus eum magna clade inuoluit. Nam cum dotis nomine Marchioni Misniae oppignorasset Crosnam, Greiffensteinium, & quasdam alias arces, nec vxore mortua redderet pecuniam, Marchio pater bona ea dotalitia occupauit, & Archiepiscopo Magdeburgensi vendidit. Anno 1275. decessit etiam Hedwigis coniunx Boleslai Lignicensis, nata ex familia Principis.

Conradus multatur propter dotem uxoris mortuae.

Principum Anhaltinorum : Ipse statim post contraxit matrimonium cum filia Ducis Pomeraniæ, quæ tamen offensa vagis libidinibus mariti, pedes ad patrem est reuerſa.

*Infantis uox
ſatidica.*

In Polonia inter alia portenta hoc anno, infans medij anni prorupisse in hæc verba scribitur : Venient Tartari, & Polonis capita præcident. Interrogatus vnde hoc ſciret, dixit : A Deo : & cum rursus quærent, quid de ipſo futurum eſſet, & meum, inquit, caput præcident, idquæ duodecimo anno poſt accidit. Henricus Probus Vratiſlauenſis, cui curatores fideles multum pecuniæ coraſerant, anno 1276, oppida oppignorata à Conrado Glogouiense, redemit, cum in pactis ita conueniſſet. Grauiſſe hoc tulerunt patrui, Boleslaus & Conradus, qui ære alieno erant oppreſſi.

*Boleslaus Cal-
uus capit Hen-
ricum Pro-
bum Vratis-
lauenſem.*

Anno proximo poſt Boleslaus Lignicenſis, cuius fuit improbitas enormis, Henricum adoleſcentem, ruſticantem in ſuo pago, captum abduxit. Cauſa prætexebatur, quod hæreditas, relicta à Vladislao Archiepiſcopo, non minus ad ipſum & Conradum fratrem quàm ad Henricum pertineret : quod tamen erat expreſſe contra vetera pacta primæ diuiſionis. Vratiſlauenſes conqueruntur de hac iniuria apud vicinos Principes, & petunt auxilia : illi moti hoc ſcelere indicunt Boleslao bellum, cum alij tum etiam Primislaus Poſnaniensis, natus ex ſore Boleslai, & Conradus Glogouiensis : Vratiſlauenſes etiam, cum ſcirent Boleslaum uſurum auxilijs Germanorum, Croſnam hypothecæ nomine tradiderunt Marchioni Brandeburgensi pro aureis quatuor mille, ea conditione, ne ipſe ſeſe cum Boleslao coniungeret. Sed Boleslaus numeratis ſtipendijs multos milites ex Germania ad ſe traduxit.

*Boleslaus Cal-
uus proſligat
Principes Si-
leſiæ.*

Rurſus igitur anno 1277. die S. Georgij inſcelici fato Siſleſiæ fit atrox pugna. Boleslaus habebat in ſuo exercitu tres filios, Henricum, Boleslaum & Bernhardum. Ipſe pater conſpecta multitudine copiarum hoſtium, desperans de victoria, coniecit ſe in fugam. Sed filius Henricus iuuenis animoſe pugnam reſtituit, & tandem victoria, quamuis cruenta, potitus eſt. Captus eſt in eo prælio ab Henrico Primislaus Poſnaniensis. Vratiſlauenſes tamen, vt opem ferrent captiuo Principi ſuo, ad Ottocarum Bohemum, cuius tunc magna erat potentia, confugerunt : ab eo petuerunt, vt aut authoritate, aut armis apud Boleslaum nepotem ſuum ex ſore, diſmiſſionem ſui Principis impetraret : & vt eum facilius flecterent, ditionem Glocenſem ad tempora vitæ Regiæ, ipſi tradiderunt.

*Boleslaus Cal-
uus extorquet
aliquot oppi-
da ab Henrico
Probo.*

Ottocarus, qui diſtinebatur alijs bellis, pacem fecit in Siſleſia, ſed iniquam. Nam Henricus Probus Boleslao ceſſit Nouoſorum, Strigoniam, Strozam, Greiffenbergum, & alia quædam oppidula. Ita captiui Principes Henricus Probus, & Primislaus dimiſſi

dimissi sunt. Henricus Probus Crosnam à Marchione, cui exoluit aureos sexies mille, recepit. Non diu fruebatur ista læticia Boleslaus. Nam anno 1278. mortuus est Princeps iniustus, & qui sæpe mente delirabat.

Boleslaus Calvus Princeps delirus & tyrannicus extinguitur.

Scribitur mandasse, vt porci pascerentur non granis frumentorum, sed foeno, quia æstate vescerentur gramine. Iusserat quendam plectere capite, qui supplicium meritis non erat: Ablegarunt igitur cum familiares, & renunciauerunt Principi, eum esse necatum. Vidit autem postea eundem Goltpergæ, & persuasus est à suis, multos ex mortuis in montes Goltpergenses commigrare. Sepultus est cum coniuge & liberis Lignicij in monasterio Domnicanorum, quod ipse erexerat.

BOLESLAVS SÆVVVS.

Henricus Quintus
Obæsus, Princeps
Lignicensis, & de
inde Vratislauen-
sis.

Boleslaus Princeps
Suidnicensis.

Bernhardus agilis,
qui decessit sine
liberis 1280.

ANNO 1278. quo defunctus est Boleslaus Lignicensis, Henricus Probus post necem Ottocari Regis Bohemiæ recepit ditionem Glocensem, & duxit Mechtildem, filiam Ottonis Marchionis Brandeburgensis, qui tunc erat Bohemiæ gubernator.

Henricus Probus recipit ditionem Glocensem.

Anno 1281. nouum scelus inter Principes nostros ortum est. Henricus Probus tunc non respondens nomini suo vlturus veteres iniurias, sub specie amicitiae ad se vocauit Henricum Lignicensem, Henricum Glogouensem, Conradi filium, & Primislaum Posnaniensem, eos detinuit, & in carcerem coniecit. Lescus niger, qui tunc erat Princeps Cracouiensis, animosus & iustus vir, motus rei indignitate, collecto exercitu ex tota Polonia, omnem ditionem Vratislauensem ad ipsa vsque moenia vrbs vastauit: Captiui Principes tamen non sunt dimissi. Tandem, vt se liberarent: Primislaus agrum Rudensem in Polonia Henrico Probo cessit: reliqui duo Henrici promiserunt, se vocatos, quocunque tempore, Henrico Probo cum triginta hastatis militaturos.

Henricus Probus capit & mulctat cognatos Principes.

Anno 1284. Henricus Probus quædam ademit Primislao in Polonia maiori: & cum videretur id bellum futurum esse longum, Thomæ Episcopo & Sacerdotibus imperauit pecuniam in bellum, quæ cum ipsi esset negata, conuertit arma in Episcopum, & ipsi oppida, quæcunque possidebat, ademit. Torfit in illum ob hoc facinus fulmen excommunicationis Archiepiscopus Gnesnensis. Sed cum Vratislaviæ omnia templa clauderentur, & Sacerdotes

H

omnes

omnes conticuissent, Franciscani Monachi, vt gratificarentur Principi, vſitato ſuo more ſonabant & boabant. Ideo Henricus ordinem Sacerdotalem afflixit grauius.

Accuſauerat Principem Episcopus in concilio Lugdunensi, ſed Henricus ibi, vbi omnia venalia ſunt, largitione abſolutionem impetrauit. Ita Episcopus mœſtus ex Gallia domum reuerſus eſt, & conceſſit ad Ducem Caſimirum Ratiborienſem. Poſt aliquot vero annos Henricus iratus Caſimiro, quod hoſtem ſuum receptaret, bellum ipſi intulit, & Ratiboriam obſedit.

Henricus Pro
bus reconciliatur Episcopo.

Episcopus placaturus Principem precibus, quem minis expugnare non potuerat, ornatu ſolenni ex vrbe in caſtra hoſtium proceſſit: cui Henricus, quaſi ſubito aſſlatus numine aliquo, ſupplex factus eſt, & ea, quæ ipſi detraxerat, reddidit. Tanta etiam poſtea eum inceſſit religio, vt non ſolum ſacerdotibus nouum collegium Vratiſlauriæ, ſub nomine S. Crucis conderet, & munificè illud donaret, anno nempe 1288. Verum etiam dicitur Episcopo obtuliſſe dono ipſam urbem Vratiſlauriam, quam tamen Episcopus, veritus odia Principum, accipere noluit. Ob hanc in religioſos liberalitatem, ſacerdotes obliti omnium offenſionum, eum cognomine probi ornarunt.

Caſimirus Opoliensis coniungit ſe cum Rege Bohemiæ.

Memorable etiam hoc accidit, quod hoc tempore Caſimirus Opoliensis Dux, ſeſe regno Bohemiæ ſubdidit: vbi tunc imperabat Venceslaus, Ottocari filius: atq; ita paulatim Bohemi pedem in hac regione poſuere, cum nulla tunc eſſet Principum Poloniæ coniunctio & autoritas.

Henricus Probus dimicat de Cracouiensi Ducatu.

Anno 1289. mortuo Leſco Nigro Cracouiensi ſine liberis, vrbs Cracouiensis, in quam Leſcus ciues Germanos collocauerat, & multi ex nobilitate vocarunt ad Ducatum, & dignitatem Ethnarchiæ Henricum Probum: quem vrbs cupidè recepit, & ab omnibus ordinibus Princeps renunciatus eſt. Sed anno proximo poſt Principes Poloni, qui ſaſtidiebant imperium Germanicum, ſubornarunt Vladislaum Maſouiæ Principem, quem poſtea à breuitate ſtaturæ, Loſticum, id eſt, cubitalem dixerunt: eumq; auxilijs iuuerunt, vt Henricum excuteret.

Vladislaus Loſticus profligat Principes Sileſios.

Decumbebat iam tunc Henricus, tamen, cum viderentur hæc pertinere ad iniuriam totius Sileſiæ, impetrauit copias à cognatis Principibus. Fuerunt igitur in exercitu illo Henricus Lignicensis, Primislaus Dux Sprottenſis & Saganenſis, filius Conradi Glogouiensis, & Boleslaus Opoliensis. Pugnatum eſt 26. Februarij anno 1290. non procul à Cracouia: ibi cum Sileſij ſuperarentur multitudine, & cecidiſſet in acie fortiffimè dimicans Primislaus Sprottenſis adoleſcens, Poloni victoriam obtinuerunt, ſed multo ſanguine ſuorum emtam.

Vladislaus

Vladislaus victor, sicut fides cadit cum fortuna, Cracouia potitus est: sed eandem paulò post recepit. Henricus opera ciuium sibi fidelium: & Vladislaus habitu Monachi, euasit. Hinc est, quod veteres annales Henrico Probo tribuunt nomen Regis Poloniæ: sed tamen ea dignitate non diu potuit frui. Nam dum Henricus Lignicensis Cracouiæ Rempub: constituit, interea 22. ^{Henricus Probus decessit.} Augusti, domi moritur Henricus Probus. Scribunt illi esse subministratum venenum: ego credo eum ex lenta tabe decessisse.

Henricus moriens sine liberis, testamento, vt creditum est, ^{Henrici Probi testamentum præbet causam tumultibus bellicis.} hæredem scripserat Conradum Glogouiensem patrum, sed Vratislavienses accersebant Henricum Lignicensem, cui erant æquiores. Illo ingrediente urbem & tenente arma, Conradus fremens domum profectus est. Ducatum Cracouiensem Probus assignauerat Primislao Posnaniensi.

Penè defessus sum in recitanda Ianiena nostrorum Principum, & tamen adhuc restant deteriora. Cogitent verò assentatores Pontificij, vbi hæc enormia exempla perfidiæ & scelerum legunt, an rectè declamitent, nostram hanc primam ætatem propter doctrinam repurgatam esse efferatam.

Poloniæ fuit conditio tunc misera, quæ subinde excursionibus Scythicis, Moschouiticis, & Lithuanicis exercebatur: neq; habebat Principem, cuius ea esset authoritas, vt aut domi pacem tueretur, aut foris hosti sese opponeret. Cracouienses appetebant Primislauum Posnaniensem: sed Venceslaus Bohemiæ Rex inuitatus à vidua Lesci, & adiutus à Marchionibus Brandenburgensibus, magnam partem Poloniæ minoris occupauit: & iam tunc coepit vsurpare titulum Regni Poloniæ. ^{Poloniæ Reipub. status miserabilis.}

Anno 1291. Conradus Glogouiensis mouit bellum aduersus Henricum Quintum Lignicensem propter occupatam Vratislaviam: & quidem pleraq; oppida Henrici afflixit & vastauit. Habebat Henricus fratrem Boleslaum Suidnicensem Principem vatum Vratislaviensem & cupidum pecuniæ: is, cum vterq; Princeps frater & Conradus amicitiam & opem eius exposcerent, callidè decepit vtrumq;. ^{Conradus Glogouiensis opugnât Henricum Quintum Vratislaviensem.} Accepit primum à fratre dono oppida Iauraiam & Strigouium, nec tamen misit auxilia. Clam etiam foedere coniunxit sese cum ^{Boleslaus Suidnicenses crescit ex fratre.} Conrado Glogouiense, neque tamen illum etiam iuuuit.

Non multo post Henricus, vt vberiori bolo expleret cupiditatem fratris, donauit illi oppida Francosteinum, Reichenbachium & Strelam. Boleslaus tamen non mutauit ingenium suum. Conradus vero Glogouiensis, cum bellum illi non satis prosperè procederet, ad dolos conuersus est.

Anno 1293. conflatum est periculum Henrico ex propria aula. Aulicis enim quidam carus Principi, de cuius patre Henricus propter cædem iniustam, quamuis inuitus, supplicium sumserat, ^{Conradi Glogouiensis crudeliter in reipodum.}

Principem suum ex insidijs in balneo flumentano Vratislaviæ captum, & prope nudum abductum, Conrado Glogouiensi tradidit die 9. Octobris, qui nouo genere crudelitatis in ipsum sauijt.

Includit enim ipsum in caueam ferream, cuius ea erat angustia, vt nec stare, nec sedere, nec iacere etiam exporrectus posset: ea duo solum habebat orificia, alterum pro cibo admittendo, alterum pro egerendis excrementis, in qua nepotem per spacium semestre & amplius cruciauit: ita vt ex illuue totus vermibus & vlceribus scateret. Liberauit sese tandem durissimis conditionibus. Nam Conrado exoluit aureorum triginta millia, & magnam partem Ducatus Vratislaviensis illi cessit, Namslauiam, Bernstadium, Olsnam, Creuzbergam, Bicinam, Cunstadium, Rosenbergam, & præterea Boleslauiam & Hannouiam cum suis agris. Squallore tamen carceris morbum contraxit, ex quo non diu fuit superstes Henricus.

*Cunegunde
mores & fa-
bella de ipsa.*

Mortua est hisce annis in monasterio, quod viuente marito Boleslao pudico fuerat ingressa Cunegundis: de cuius miraculis miras texunt historias sacrifici Poloni: & vt extet testimonium impudentiæ, audent comminisci, eam octoginta homines mortuos resuscitasse.

*Polonia denuo
creat regem.*

Anno 1295. nobilitas Poloniæ maioris iniijt consilium creandi regis, ex longo interuallo. Igitur, cum infœlix regnum satis diuturnas poenas iræ sacerdotum propter necem Stanislai dedisset, post annum ducentesium decimum quintum impositum est diademata Regium Primislao Duci Posnaniensi: Etsi magnam partem Poloniæ iam tenebat Venceslaus Bohemus. Videbatur Primislao futurus utilis Rex: Sed proximo anno post, octauo mense Regni, Die S. Dorotheæ, cum agigaret orgia Bacchi, ex improviso oppressus est à Marchionibus Brandeburgensibus, cum quibus diu inimicitias, propter fines exercuerat, & qui potius fauebant Venceslao, tanquam Regi veriori.

*Primislao Po-
loniæ Rex in-
gulat coniu-
gem suam.*

Primislao, cum sæpe compellatus sese non dederet, obtruncatus est. Existimatur poenas dedisse propter parcidium. Nam priorem coniugem, sceminam præstantem, quod esset infœcunda, manibus ancillarum in gynecæo strangulauerat. Marchiones vsi victoria, magnam partem agrorum limitaneorum, vbi nunc est Marchia noua, Polonis detraxerunt.

*Henrici Quin-
ti Vratislavi-
ensis mors &
liberi.*

Eodem anno mortuus est Henricus Lignicensis: reliquit tres filios, Boleslaum, Henricum & Vladislaum: tutorem illis emit fratrem Boleslaum data illi arce Zottenberga. In Polonia, interfecto Rege Primislao, quidam detulerunt regnum ad Vladislaum Locticum, qui, etsi fuit ambitiosus, tamen, cum Venceslaus Bohemiæ Rex magnam partem Poloniæ obtineret, titulo Regio abstinuit, & nominauit sese dominum & hæredem Poloniæ.

*Vladislaus Lo-
ticus aspirat
ad regnum
Poloniæ.*

BOLES

BOLESLAVS SVVIDNICENSIS

tutor filiorum Henrici Quinti Vratislauiensis.

Nisi Conradi iam senis moderatio motus sedasset, rursus Silesia fuisset implicata ciuili bello. Nam Boleslaus minabatur bellum Conrado, quod fratri Henrico defuncto multa oppida per vim extorssisset. Conradus, qui consenuerat, & videbat Silesiæ imminere bellum ex Polonia, transegit cum Boleslao, illiq; Boleslauiam & Hannouiam reddidit: Boleslauiense territorium sibi retinuit: Et, sicut fuit studiosus in muniendis vrbibus, excitauit in eo arcem munitam Clizdorffiam. Ita Boleslauia adiuncta est ditioni laurauensi. Hannouiam attribuit suis pupillis, & in agro illo condidit arcem Cuzenam.

Conradus Glogouiensis reconciliator.

Eodem anno Vladislaus Locticus, qui valde oderat Silesiam, quod à Principibus Silesiæ fuisset excussus ex Ducatu Cracouiensi: & quia ipsi, iocantes in ipsius ambitionem, nominabant eum regulum, subita incursione regionem ad Viadrum, præsertim Vratislauiensem, acerbè vastauit. Iste vaser & superbus Pygmæus, præcipuè fax fuit dissidij, inter Silesiam & Poloniam: & Poloniam: & eius præcipue scelere, & crudelitate factum est, quod gens nostra abalienata à Polonia, præsidia Bohemica, & regni illius societatem appetiuit.

Vladislaus Locticus fax dissidij inter Polonos & Silesios.

Boleslaus etiam iniquus fuit in urbem Vratislauiensem, quæ non semper consilijs callidis Principis assentiebatur. Scriptum est, eum moenia vrbis depressisse, sed tamen etiam ille motus cito sedatus est.

Anno 1298. decessit Conradus Glogouiensis in vltima senectate. Nam conijcere possum, eum egressum fuisse annum ætatis septuagesimum. Viuens distribuerat filijs possessiones. Nam Primislaus, qui in pugna Polonica cecidit, fuit Dominus Sprottæ & Sagoni. In urbem Saganensem collocauit monachos euocatos ex oppido Naumburgo, cuius monasterij fundator fuerat Henricus Barbatus, proauus Primislai. Reliqui duo superstites fuerunt patri, ex quibus Henricus fuit Dominus Glogouiæ, Conradus autem Stinauiæ & vicinorum oppidorum in ripa Viadri, qui cum esset gibbosus, & ad negotia politica ineptus, ascriptus collegio Vratislauiensi, sacerdos Primarius, qui præpositus nominatur, renunciatus est, vulgus eum appellauit Dertzog Koberlein.

Conradi Secundi Glogouiensis exitus.

Multum frequentia hominum & opibus ditio Glogouiensis sub hoc Conrado creuit: & cum Poloni iam his Principibus essent iniqui, ipsi propositis immunitatibus passim inuitarunt in hæc loca Germanos nobiles & ciues. Ideo multi ex nobilitate, originem suarum familiarum ex media Germania huc translata agnoscunt.

Silesiæ nobilitas huc migravit ex Germania Prouincijs.

Ioachim^{us} à
Berg Imper-
ialis Consi-
liarius.

Vetustissimæ quidem familiæ nobiles, ferme huc ex illis regionibus, quæ parebant patri S. Hedwigis, commigrarunt: sicut audiui, virum nobilem, doctrina egregia, virtute & dignitate præstantem, D. Ioachimum à Berg, Inuictissimi Cæsaris Maximiliani Consiliarium, recitare: sese in profectioe sua, qua plurimarum gentium regiones, studia & mores inspexit: insignia familiæ suæ, (quæ in Ducatu Glogouiensi domicilium habet) & cognatam stirpem in Comitatu Tirolensi & in Stiria reperisse. Magnam deinde nobilitatem huc inuitauit ex Saxonia Mechtildis Saxoniarum Ducis filia Henrici coniunx.

Vladislaus
Locticus
exulat.

Fuit Conradus Princeps in suos quidem beneficus, verum asperior & tenax offensionum. In Polonia Vladislaum Locticum, propter iniustam vastationem Silesiæ, & alia scelera, furiarum vlttrices persecutæ sunt. Venit in odium apud omnes ordines: & tota Polonia sese Venceslao Bohemiæ Regi subiecit: qui duxit Elizabetam, Primislai Regis filiam, & cum ea adeptus est Poloniam maiorem & Pomeraniam.

Monete argenteæ
usus cepit in Polonia.

Locticus vero toto regno pulsus, errauit hinc inde, penè vt Telephus in Tragedia. Coronam regni Venceslaus accepit anno 1300. quo anno nundinas anni Iubilæi Bonifacius Octauus Romæ indixit. Venceslaus in Poloniæ præfecturas collocauit Bohemos & Germanos, quod ægrè tulerunt Poloni. Regnante hoc Rege scribitur in Polonia cœpisse vsus monetæ argenteæ, importatis grossis qui tunc recens cudebantur in Bohemia: prius enim aut permutatione rerum fiebant contractus, aut utebantur rudibus massis argenteis.

PRINCIPES GLOGOVI.

ENSES.

Conradus Secundus Glogouiensis
mortuus anno 1298.

Salome filia Ducis
Polsnaniensis.

Primislaus Princeps
Sprottensis, interfectus
anno 1290.

Henricus Tertius
Fidelis, Princeps
Glogouiæ.

Conradus Tertius
Stinauiensis, præpositus Vratislauiensis,
vixit cœlebs.

PRINCIPES SVIDNICENSIS.

SESS.

Boleslaus Suidnicensis, Filius Boleslai
Calui Lignicensis, mortuus anno 1301.
Sepultus in monasterio Grissensi, cuius
fuit fundator.

Bernhardus

Bernhardus Suid-
nicensis.Henricus Iau-
rensis.Boleslaus Monst-
bergenfis.

Boleslaus Suidnicensis pater, fuit Princeps prudens & diues, pri-
mus onera militaria in nobilitatem distribuit pro facultate pos-
sessionum, cum prius omnes viritim militarent. Cum conspiceret
Regem Bohemiæ appetere Silesiam, munijt sese collecta pecunia, &
excitatis multis munitionibus. Tunc enim Brega, Otmachania, &
alia oppida fossis & aggeribus cincta sunt. Venceslaum etiam ad-
ducentem exercitum contra ipsum, ita terruit, vt subito in Bohemi-
am regrederetur.

*Boleslaus
Suidnicensis
primus, fuit
sapiens Prin-
ceps.*

Anno 1303. Conradus Stinauiensis, annitente fratre, renun-
ciatus est Archiepiscopus Saltzburgensis, propter veterem memo-
riam stirpis, & Vladislaum patrum: Henricus frater eum illustri
comitatu instructum dimisit, & ditionem eius ad sese traduxit. Sed
ille bonus Silesius, vt erat ingenio simplici, cum Viennæ deficeret
lagena suæ cereuisiæ Stinauiensis, flagitauit ibi aliam, & cum non
inueniret, sciscitatus de Saltzburga, audiuit ibi nullum esse vsum
cereuisiæ, sed hauriri generosa vina Italica, & varij generis: tunc
ille non passus est sese auelli à suo dolio patrio, Sed aperte conte-
statur, malle se Episcopatum, quam cereuisiam deserere, atq;
ita in patriam ad potum cereuisiæ Stinauiensis remigravit.

*Conradi Sti-
nauiensis sum-
plicitas.*

Henricus Glogouiensis offensus agresti facto fratris, eum tan-
quam hominem parum sanæ mentis, Glogouiæ inclusit in turrim
arcis, quæ tunc erat in ea parte, vbi nunc est porta Nosocomij:
vbi aliquamdiu asseruatus est. Tandem à nobilibus suis, ex agris
Stinauiensi & Rudensi, qui eum diligebant propter placidos mo-
res, ex arce ereptus est, & bona sua recuperavit. Nobilitatem illam
ob fidem ornauit Priuilegijs & concessionibus egregijs: multos eti-
am ad luculentas opes euexit. Kobenam oppidulum nobili à Do-
nau dono attribuit. Verum sequenti anno post ex morbo decessit.
Atq; ita vnicus Dux vniuersi Ducatus Glogouiensis est relictus.

*Conradus Sti-
nauiensis ex
carcere libe-
ratur à sua
nobilitate.*

In Polonia noui motus exorti sunt, mortuo Rege Venceslao
1306. Locticus armatus latronibus Hungaricis & rusticis, inuasit
Poloniam minorem: eum, cum anno sequenti repressurus esset
Venceslaus iunior Bohemiæ Rex, in itinere Olomuzij ex insidijs
miserabiliter interfectus est. Extinctis hoc modo regibus, ordines
in Polonia maiori accersuerunt Henricum Glogouiensem, qui pos-
titus est tota ea regione: vnde multi ab eo tempore appellarunt
eum Regem Poloniæ. Sed ex vetustis monumentis apparet, titu-
lum ipsius fuisse huiusmodi: Henricus D. G. hæres Poloniæ,
Dux Silesiæ, Dominus Glogouiæ & Posnaniæ. Tanta enim fuit
opinio de ipsius virtute, vt plurimi, qui oderant vitia Loctici, illi se
subijcerent, præsertim Episcopi.

*Henricus Ter-
tius Glogoui-
ensis uoca-
tur ad regnũ
Poloniæ.*

In annalibus Polonicis extat memorabilis vox. Inquit enim scriptor, beatum fuisse futurum Regnum Poloniæ, si diadema regni fuisset impositum nepotibus S. Hedwigis. Proculdubio enim coniunctio Silesiæ cum Polonia utriusque fuisset salutaris, non minus quam terræ Lithuanicæ accessio: quæ alioqui, præsertim si fuisset concordia inter Reges Polonicos, & ordinem in Prussia, non potuisset diu robur harum gentium sustinere. Sed nos etiam, quod in Comœdia dicitur, taceamus & feramus quod est fatale.

*Glogouienfis
ditionis vastatio.*

Locticus irritatus studio nobilitatis in Polonia maiori erga Henricum, tota æstate anni 1306. agrum ciuium Glogouien-
sum miserabiliter vastauit: & cum Henricus præcipua loca munisset præsidijs, nec hosti pugnandi copiam faceret, bellum in miseram turbam agrestium, & in tecta redundauit. Mansit tamen Polonia maior in fide Henrici, ad triennium, Sed anno proximo ante mortem Principis, sacerdotes cœperunt odisse Henricum, & cum ab Vladislao Loctico plura sperarent, ad illum se inflectebant.

*Henricus Tertius
Glogouien-
sis moritur.*

Henricus misit cum exercitu ad pacandam Poloniam Iohannem Bibersteinium, qui tamen non bene rem gessit. Interea cum etiam rursus ciuile bellum sibi videret imminere Henricus, & moeror morbum, ex quo tunc decumbebat, auget, 9. Decembris 1309. extinctus est, Princeps iustus & in disciplina fandienda constans.

*Mechtildis
Henrici Ter-
tij Glogouien-
sis coniunx
fœmina sapiens.*

Habet laudem, quod itinera omnia in Ducatu suo optimè pacauerit, & latrocinia, quibus tunc Silesia plena erat, acerrimè eradica-
uerit. Ideo nobilitati Polonicæ, quæ amabat licentiam, minus fuit carus. Sepultus est in monasterio Leubensi. Habuit coniugem Mechtildem filiam Alberti Ducis Brunsvicensis piam & beneficam mulierem, quæ multa oppida noua condidit, in eaque ciues Germanicos collocauit. Sepulta est Glogouiæ in templo collegij sacerdotum.

PRINCIPES GLOGOVI.

E N S E S.

Henricus Tertius dictus
fidelis, filius Conradi.

Vxor Mechtildis
filia Alberti Brun-
svicensis.

Henricus Prin-
ceps Saganensis.

Conradus Ol-
nicensis.

Iohannes Sti-
noniensis &
Gurenensis.

Primislaus
Glogoui-
ensis.

Mortuo

Mortuo Henrico, etiam maiori Polonia potitus est Vladislaus Locticus, & nomen regium, etiam non assentientibus Principibus Silesiae, qui tamen illius regni erant membra & haeredes, usurpauit. Deinde, cum Locticus esset infensissimus Germanis, secuta sunt ea vulnera abalienationis, quae nunquam potuerunt sanari. Cracouiae Locticus asperrimè saeuit in Silesios, & ciuitati etiam iura sua, quae olim à Principibus Polonis acceperant, ademittit: quamuis deinde patrum nostrorum memoria, laudatissimus Rex Sigismundus, quaedam in meliorem ordinem, reuocatis antiquis moribus, redegit.

Vladislaus
Locticus possit
tur regno
Poloniae.

Implicauit etiam Poloniam bello Prutenico, quod deinde multis seculis non potuit restingui: ita cum esset in eo *πολυπαραγωγή*, saeuitia, & imbecillitas virium, multa infelici cum successu mouit. In Silesia tunc ubique erant Principes adolescentes, & rerum imperiti, nec erat aliquis excellens consilio & animo, qui rebus ruentibus potuisset mederi. Nunc autem, dum inter se tanquam Cadmaei fratres dimicant, exhausti viribus & robore, tandem in alterius peruenerunt potestatem. Initium dissidiorum ortum est à Boleslao Lignicense hoc modo.

Vladislaus
Locticus abalienauit Silesios à Polonia.

PRINCIPES VRATISLAVIEN- ses & Lignicenses.

Henricus Quintus Obesus Princeps Vratislauensis
& Lignicensis.

Henricus Sextus Vratislauensis.	Vladislaus amens Lignicensis.	Boleslaus Brigen- sis & Lignicensis.
------------------------------------	----------------------------------	---

Extincto Henrico Quinto Vratislauense, mortuo etiam Boleslao Suidnicense, patruo & tutore ipsorum, Boleslaus vocatus est in aulam Regiam Venceslai, qui ipsi desponderat filiam Margaritam: Mansit apud socerum dum vixit. Interea tutorio nomine Ducatum Vratislauensem administrauit Episcopus Henricus, homo prodigus & negligens, qui magnam pecuniam pupillis dissipauit.

Reuertitur ex Bohemia Boleslaus, iuuenis animi ferocis, turbidi & incogitantis: is vt extorqueret aliquid ab Henrico Glogouien-
se, & deinde à filiis, turbatis veteribus pactis, intulit bellum Ducibus Glogouiensibus, quod etsi tu multuaria manu, hinc inde vario euentu gestum est: tamen exitus fuit foelicior Boleslao, & aliquid emunxit à cognatis Principibus Glogouiensibus: Sed cum intolerabili prodigalitate donaret, consumeret & distraheret sua, breui magnae opes, collectae à suo patre, dilapsae sunt. Tulerunt hoc indigne fratres adolescentes, ideo rem eò deduxerunt, vt fieret haereditatis paternae diuisio.

Boleslaus
Brigen-
sis
Princeps
prodigus &
turbulentus.

Consti-

Vladislaus a-
mens Princeps
Lignicensis.

Constitutæ sunt tres partes: Prima fuit Ducatus Vratislauiensis: Secunda Lignicensis: Tertia Brigenfis. Inita vero est hæc ratio, vt Dux Vratislauiensis Bregenfi, cuius territorium erat minoris præcij, numeraret aureorum octodecim millia: Lignicensis vero triginta duo millia. Boleslaus cupidus pecuniæ, & instructus ad fraudem, sponte Brigensem Ducatum elegit. Henricus Vratislauiensis, ope suorum, fratri pecuniæ summam quam promiserat numerauit. Vladislaus Lignicensis, qui & natura erat cerebri parum sani, & iam destinatus fuit ad sacra, cum esset inops, fratri Boleslao hypothecæ nomine pro debito mediam partem Lignicij concessit. Sed non diu inter ipsos fuit concordia.

Boleslaus fratri erat grauis, ideo vt is quoquo modo amoueret eum, & ad aliquas conditiones adigeret, adiunxit sibi latrocinia, & ditionem fratris sui Boleslai vastabat. Sed homo miser captus & in carcerem coniectus est, & tandem, nisi mallet perire, coactus est iniquam facere sponfionem. Renunciauit Lignitio, & accepit singulis annis à fratre pro victu aureos quingentos, sed ista pacta, metu extorta, non fuerunt diuturna.

Rursus prædabatur Vladislaus in ditione Bregenfi: & cum incautus oberraret, interceptus est, & in tetrum carcerem annum integrum inclusus: vbi plane in maniam incidit, neque vnquam rectè respuit. Nam etiam cum à fratre dimissus esset, inops & amens in regione vagabatur, & pascebatur vt plurimum ruri à pastoribus. Tandem secessit in Masouiam, & fecit nuptias cum muliere anu, filia Ducis Masouia, quæ nonnihil dotis habebat, ibique vixit, donec post reditum probè iniurias suas in fratre vltus est, vt postea dicemus.

Fames horribilis in Silesia.

Eodem tempore, anno 1315. & proxime sequentibus, penè inaudita fuit fames in Polonia & Silesia, adeo vt, sicut historici consentientes testantur, ventum sit ad humanas carnes, & quod terribile auditu est, parentes cadauera liberorum, liberi parentum, præ rabie inedia lacerarunt & vorarunt.

Silesia calamitates ingentes.

Non credo, in vllis historijs inueniri exemplum simile, præterquam in obsidionibus accidisse, vbi humanæ carnes laniatæ sunt: ideo commonefacti istis tam horribilibus spectaculis cogitemus de ira Dei, cuius magnitudo in tam tristibus poenis conspicitur. Hanc inediam, vt par est, atrox pestilentia excepit, quæ magnam partem hominum absumsit. Ita, cum simul in hac nostra patria fames, pestis & bellum grassarentur, facile inire rationem possumus, vtrum hæc nostra ætas sola sit calamitosa.

Henricus Septimus Cæsar tollitur ueneno.

Anno 1319. Florentiæ Henricus Septimus Cæsar, pater Ioannis Bohemiæ Regis veneno necatus est, quod Monachus paniconsecrato in sancta Ccena illenisse scribitur: sicut memoria patrum, eodem modo perisse Romæ Hadrianum VI. Pontificem, sunt qui constanter affirmant.

Eodem

Eodem anno Boleslaus auctus viribus ex accessione Lignici, mouit bellum in Conradum Olsnizensem, qui tenebat ea oppida, quæ olim auus ipsius Conradus Henrico Quinto Boleslai patri ademerat: Et Conradus fuit impar Boleslao, ideo ad tantam inopiam redactus est, vt etiam vestimenta distraheret & venderet. Ipse Boleslaus misertus egestatis ipsius, reliquis oppidis ad sese tractis, reliquit Conrado Volauiam. Non potuit ea rapina explere lacunas vesani Principis.

*Boleslai Bri-
gensis furon-
res.*

Adeo enim paulò post decoxit, vt Hannouiam & Goltbergam ciuibus Vratislauenfibus, (iam enim ditescibat Vratislauiam) oppignoraret, agrum vero Nuncensem hypothecæ nomine traderet Bernhardo Suidnicensi, à quo accepit Iudæum prædiuitem, comprehensum in itinere: eum coëgit Boleslaus exoluere octies mille aureorum. Recitat historia, eam fuisse Principis huius leuitatem, vt liberos suos etiam, obsides Vratislauenfibus pro pecunia daret.

SILESIA REDACTA IN FORMAM

Prouinciæ Regni Bohemiæ.

Certarunt inter sese multis seculis duæ gentes, ex eadem stirpe Heneta ortæ, Bohemica & Polonica: inter quæ bella Silesia, quæ fuit Regni Poloniæ Prouincia, & in primo limite sita, grauiter fuit afflicta, & magnas vices mutationum sustinuit.

*Silesiorum &
Polonorum de-
structiones &
earum origo.*

Pacata est virtute & autoritate Friderici Barbarossæ, & distributa inter filios Vladislai, & tamen regno Poloniæ adhuc adhæsit, quamuis illorum Principum, qui sese gerebant pro Ethnarchis, exigua fuit autoritas: Subinde tamen voluntates distractæ sunt. Quia Poloni oderunt filios & nepotes Vladislai: & deinde agrè, ferebant coniunctionem Principum Silesiorum cum Germanis, quos iudicabant insidiari suæ libertati: & qui tanquam noui coloni accersiti ex Germania, passim regionem complebant.

Ita igitur creuerunt odia, vt non solum hos Principes, quibus successio debebatur in regno Poloniæ, iniquè præterirent, sed etiam nobilitas, his Principibus, qui tamen Regni erant præcipua membra, non assentientibus, ex autoritate episcoporum, qui profecto regnum hoc, sicut alia multa, euerterunt, priuato arbitrio crearent Reges, & Principes Silesios ex ditionibus, quas in Polonia tenebant, deturbarent.

Rebus & animis hoc modo exulceratis, superuenit Iohannes Luceburgensis, Henrici Septimi imperatoris filius, Bohemiæ Rex, Princeps humanus quidem & beneficus, sed callidus & ingenij plane Gallici. Is, vt vnguis in vlcere, odia inter gentes auxit, & Silesios Principes paulatim ad sese prece, pretio, & minis traduxit. Aspernabatur Locticus Silesios, & omnibus Germanis passim erat inquisi-
simus.

*Iohannes Lu-
ceburgensis
Rex Bohemiæ
Silesiam in su-
am traducit
potestatem.*

Princi-

Principes Silesij rursus eum contemnebant, & per ludibrium Regem Cracouiensem nominabant: neque tamen inter ipsos Principes erat consensus, nec ea potentia, ut suis viribus sese possent tueari. Eam occasionem Iohannes Rex non neglexit: sed cum Principes Silesiæ superioris, iam à Venceslao vsque, parerent Bohemiæ, & ipse etiam adhuc sese pro Rege Poloniæ gereret, anno 1322. inijt rationem, qua reliquos Principes etiam expugnaret.

Henricus Sextus Vratislauiensis motus scelere fratris coniungit se cum Bohemis.

Emit à Boleslao Monsterbergenſi ditionem Glocensem, ut eam tanquam escam, famelicis Principibus obijceret. Non multo post scelere Boleslai Lignicensis, Iohannes Rex consecutus est, quod voluit. Is oppressus ære alieno, & egens, cum non inueniret amplius unde raperet, incipit vexare Henricum Sextum fratrem, Ducem Vratislauiensem, Principem placidum & imbellem: Postulauit ab eo, ut secum faceret commutationem, & relicta Vratislauiam migraret Lignicium. Hoc cum recusaret Henricus, Boleslaus immisit ipsi vndique latrones, qui ditionem eius deprædabantur: & Consiliarios Henrici, qui ipsi aduersabantur, in ipsa vrbe Vratislauiensi capiebat & trucidabat.

Hac iniuria motus Henricus, coepit cogitare de præsidio, & primum quidem deliberatum est de accersendo Loctico: sed in illo parum fuit auxiliij: Ciuitas Vratislauiensis, quæ iam frequentia ciuium & opibus florebat, hortata est Principem, ut sese Regi Bohemiæ subijceret: non solum, quod is genere esset Germanus, verum etiam, quod natus esset patre Cæsare, eoque viro valde laudato: & talia ipse de sese daret documenta, ut videretur futurus utilis Princeps, & protector miseræ Silesiæ.

Vicit hoc Consilium in aula, & missa legatione vocatur Rex Iohannes, is petit, ut Henricus, qui nullos habebat liberos masculos, sese hæredem scriberet: & ut persuaderet facilius, promisit Rex, se ditionem Glocensem Henrico ad tempora vitæ daturum. His itaq; conditionibus transactum est, & magna læticia ciuitatum, imperium Regi promissum.

Iohannes Rex Bohemiæ ornavit ciuitates.

Nec vero ingratus fuit Iohannes Rex erga ciuitates, ut falso eum criminantur annales Polonici: sed & tunc urbem Vratislauiensem multis beneficijs, iudiciorum & aliarum immunitatum concessione ornauit, & deinde reliquas etiam vrbes auxit & texit benefice: Fuit hoc anno 1327.

Constituto hoc ordine in Ducatu Vratislauiensi, Rex etiam animum ad cæteros Principes Silesiæ adiecit: quos, etsi potentia ipsius magna erat, persuasionem non vero armis mouere volebat, & expetebant eum ingenti cum desiderio ferme ciuitates omnes, ipsaq; Glogouia, quæ à Germanis habitabatur, qui amabant disciplinam, & detestabantur *ἀναρχίαν* illarum Rerum publicarum. Tenebat Glogouia

Glogouiam Primislaus Henrici filius, Princeps adolescens quidem, sed animo & robore virili. Is nulla potuit ratione adduci, ut sese Bohemo subiceret.

Et si enim ex Polonia excussus erat, nec tenebat in Polonia maiori, nisi exiguam appendicem, videlicet agrum Fraustadiensem & Costensem: tamen, ne videretur abijcere spem adipiscendi regni, noluit sese à Polonis segregare, sed, ut apparet ex veteribus monumentis, ipse etiam se dominum & hæredem regni Poloniae scribebat.

Verum Primislaus circa annum Domini 1331. iuuenis extinctus est veneno, ut aiunt Poloni, aut rapida febre, ut consentaneum est. Interea Iohannes Rex laborabat, ut in suam potestatem etiam Boleslaum Lignicensem redigeret, qui, ut homo turbulentus, valde repugnabat. Redemit Rex à ciuibus Vratislaviensibus Hannouiam & Goltbergam: eaq; oppida traditurus fuisset Boleslao, si se passus fuisset flecti, sed sæpe hoc accidit, quod olim dictum est, *ἡ αὐτῆς τέχνησιν ἀλώσεται ἑαυτὴν ὡς ἔστιν*. Inuentus est tandem laqueus, in quo hæsit.

Venit ex Masouia Vladislaus Lignicensis frater Boleslai, qui dotem suæ aniculæ prodegerat: is, prolatis monumentis, Iohanni Regi ius suum in ditione Lignicensi demonstrat, & de iniurijs & iniquitate fratris conqueritur. Offert etiam Regi, se ius suum illi venditurum. Rex receptis literis mittit ad Boleslaum, illiq; rem omnem nunciat, & monet, nisi sese obedientiae regni Bohemiae permittat, fore ut toto Ducatu excidat.

Boleslaus, cum amplius tergiuersari non posset, in fidem Bohemiae sese dedit anno 1331. simul etiam Regi occasio data est, qua sibi Glogouiam adiunxit. Primislao mortuo sine hæredibus, & cadauere delato in monasterium Leubense, succedebant tres fratres superstites. Conrado Olsnicensi à Iohanne data est Stinania. Ipse Iohannes retinuit Guram, & mediam partem Glogouiae adeptus est, Alteram Henricus Saganensis accepit.

Iohannes Regi partem suam Glogouiae vendidit: qui putabat se hac ratione Henricum ad subiectionem perducturum. Sed cum Henricus ex quadam inutili superbia reluctaretur, Rex cum exercitu ad Glogouiam accessit, & in pagum Creideluisium, qui duobus miliaribus ab vrbe abest, ciues euocauit, & postulauit, ut in urbem admitteretur. Disputatum fuit aliquamdiu, sed cum Rex denunciasset ipsis, ut facerent finem ambigendi, iam enim vexillum suum in arce erectum volitare, urbem ingressus est, eamq; Henrico pulso totam in suam redegit potestatem.

Fuit hoc anno 1333. & præfectus vrbi à rege datus est Baro Bohemicus Heinemannus Dubensis. Henricus Saganensis reuersus domum, non multo post mortuus est mœrore animi & in monasterio Saganensi sepultus.

Manſit Glogouia ſub imperio Regum Bohemiæ annos plures viginti, quo tempore tamen ſubinde turbis bellicis fuit impetita, vt paulò poſt referemus.

IOHANNES PRIMVS BOHEMIAE

Rex, Princeps Sileſiæ, Dominus Vratiſlauiæ

& Glogouia.

Vladislai Lo-
thici crudeli-
tas.

NON ſolum cupiditate proferendi Imperij mouebatur Iohannes Rex, vt Bohemiæ adijceret Sileſiam, ſed etiam ideo, vt hac de tracta facilius reprimi poſſet Lothicus, qui potitus regno Poloniae, crudeles & Scythicas in vicinis oris Germaniæ faciebat vaſtationes. Nam cum ſecum traheret agmen latronum, Hungaricorum & Lithuanorum, adortus eſt Marchiam Brandeburgenſem, in qua breui ſpacio temporis exuſſit ſupra 140. pagos & vicos: & tanta fuit barbarorum immanitas, vt nulli ſexui aut ordini parcerent.

Exemplum
continentiæ
in uirgine
ſacra.

Narratur memorabile exemplum continentiae & prudentiae de virgine ſacra in Marchia. Irruperant in Cœnobium virginum milites barbari, ſæuientes in corpora virginum, libidine & crudelitate. Virgo autem quædam florens ætate & pietate, amanſq; in primis pudicitiae, latronem, qui ipſam erat oppreſſurus per vim, amice affata eſt: Age, inquit, mi homo, antequam violor, audi quid ſim prolocutura. Video te motum forma mea vitæ meæ vel le parcere, ego igitur, vt tibi grata ſim, artem quandam maximi certè pretij te docebo, qua aduerſus omnes iſtus & quaſcunq; ferri iniurias poteris eſſe tutus: & ne in animo tuo vlla ſuſpicio vel dubitatio reſideat, iubeo vt in meis ceruicibus periculum artis huius facias. Munio igitur me hac incantatione, quam poſtea tibi pateſ faciam, tu quantum potes collum meum gladio ferito: Paruit barbarus, ignarus puellaris inuenti, & virgini genibus inſidenti, & tacita voce Spiritum ſuum Filio Dei commendanti, ceruices vno iſtu præcidit.

Ita egregia virgo morte pudicitiam ſuam redemit, & vera fide, intuente Filium Dei, ferrum & mortem verè ſuperauit. Accidit hoc anno 1326. Dicuntur ſupra ſex millia hominum in ſeruitutem à barbaris latronibus abducta eſſe.

Vladislau
Lothicus in-
cipit oppu-
gnare Cruci-
feros.

Postquam Lothico ſuccellit deprædatio, afflixit deinde ordinem Prutenicum, qui domita & pacata Prussia ante paucos annos, tunc adhuc dies & noctes erat in excubijs pro ipſa Polonia, contra incurſiones Lithuanorum & vicinorum populorum, qui adhuc erant idolatræ, & nunquam quieſcebant.

Iohannes Rex, cum in Sileſia tranſegiffet cum Henrico Vratiſlauienſe, vocatus in auxilium ab ordine Prutenico, duxit exercitum

citum in Prussiam. Nusquam autem sese ostendente Loctico, late Poloniam vastauit: multa loca Masouiae in potestatem Ordinis redegit: & cum titulum regis Poloniae usurparet, autoritate sua ordini agros, quos ab ipso postulabat Locticus, confirmauit. Exempla monumentorum illorum recitat Duglossus. Principem etiam Masouiae coëgit, vt in verba sua iuraret: accidit hoc anno 1328. Sed cum Iohannes regressus esset in Bohemiam, Locticus rursus acciuit Hungaros & Lithuanos, atq; cum magno exercitu, in quo promiscuè gentes erant Christianæ & idolatricæ, aduersus Ordinem profectus est.

Etsi vero nobilitas Germanica, mota rei indignitate, militatum magno numero in Prussiam proficiscebatur: tamen illud agmen, collatum ad copias hostiles, exiguum erat. Vigesimo sexto Septembris igitur, anno 1331. proditione cuiusdam ductoris Polonici, quem antea Cruciferi ad sese receperant, & euexerant, Germani cæsi sunt.

Vladislaus
Locticus pro-
fligat Cruci-
feros.

Recens scriptor Polonicus, de cuius consilio & labore ego non volo pronunciare, etsi ipse non parcat alijs, & vicissim ipse plebisque ex suis popularibus & ciuibus displiceat, affingit Loctico ante prælium concionem, ad suos milites, plane Punicam: in ea totam gentem Germanicam iniuste & atrociter criminatur, exprobrat ipsi immanitatem, plusquam Turcicam, profanitatem & contemtum religionis: Credo, vt eloquentiam suam in deformando nomine Germanico ostenderet: sicut apud Alexandrum Callisthenes in vituperandis Macedonibus: & vt indulgeret suo dolori & iræ, propter idola & scelera sui gregis ab hominibus Germanis monstrata.

Annales Poloni-
ci nimis cō-
temtim loquū-
tur de Germa-
nia.

Sed, sicut vbiq; laudem habet modestia: ita præcipuè ea decet historiam, quæ debet esse vera & verecunda narratio rerum, quæ acciderunt, condita sale candido, non scurrilitate Momi. Addunt scriptores Poloni aliqui, ex Germanis cecidisse 40000. ex suis vix triginta: quæ ipsa etiam vanitas digna est reprehensione. Optandum est, ne vnquam vel Poloni Germanos, vel Germani Polonos vincant, sed vt omnium Christianorum arma consocientur in communem hostem.

Scribitur post illam pugnam euenisse festiuus iocus. Obequitabat postridie in loco prælii Rex, vt stragem hostium inspiceret, & vidit quendam ex sua nobilitate grauiter vulneratum corpore supino iacere, qui, cum abdomine discisso intestina ipsi effluerent, ventrem vtraq; vola comprimebat, rex motus hoc spectaculo, ad comites suos inquit, proculdubio miser iste homo graues experitur cruciatus. Ille attollens oculos, dixit: Imò optime rex grauiores cruciatus sunt illius, qui in eodem pago cogitur tolerare importunum vicinum, sicut mihi accidit. Rex delectatur sermone viri, Quiescas, inquit, si Deus tibi vitam largitus fuerit, faciam vt liber

Iocus prolatus
à nobili Polono
non letaliter
vulnerato.

sis ab eo cruciatus: & cum ex mandato Regis sanatus esset, etiam vicinus ipsius amotus est, & pagus vniuersus vna cum alijs ornamentis ipsi ex liberalitate Regia donatus.

Victoria ea nihil vsus est Locticus, quia & Ordo rursus vires suas colligebat, & ab altera parte à Bohemis illi bellum conflatum est. Iohannes enim Rex, qui tunc erat Vratislaviæ, cognita clade ordinis, subito duplici agmine Poloniam adortus est: quorum alterum ex Glogouia progressum, oram Poloniæ maioris ad Pofnaniam depopulatum est: Alterum autem exercitum ipse Rex ad Cracouiam duxit: verum ex inopia comeatus, domum non multo post redijt.

Inuenio tamen autores, qui affirmant, Locticum retractum ex Prussia, data pecunia Iohannem Regem placasse.

Anno 1333. Cum ordo Prutenicus confirmatis viribus grauius afflixisset Poloniam maiorem, & Locticus serius educens exercitum, tandem inducias cum illis pactus esset, idem Locticus contra fidem datam Regi Iohanni, effudit iram suam in Silesios, & de prædatus est oram vicinam ripæ Viadri, quæ tunc erat in potestate Principum Glogouiensium, Iohannis Stinauiensis & Henrici Saganensis.

Vladislaus Locticus denuo inuadit Silesiam.

Costensis ditio occupatur à Vladislao Loctico.

Ridiculum est verò, quod narrant, tunc plures quam quinquaginta munitiones peruenisse in potestatem Loctici: cum ne quidem tota Silesia tot munita loca tum haberet, multo minus ille exiguus ager Costensis & Fraustadiensis: & quidem ipsum oppidum Fraustadium, quod proximum illis erat, adhuc in fide Principis Glogouiensis mansit. Sed Costenum, quod Silesijs hætenus paruerat, amissum est. Eodem tamen anno perijt Cracouiæ Locticus, quem Iohannes Rex & tota Silesia nominabat Regem Cracouiæ.

Anno 1335. delecti sunt arbitri ab vtraque parte, à Rege Casimiro Polono, Loctici filio, & Cruciferis, Carolus Hungariæ Rex, & Iohannes Rex Bohemiæ, qui pro sua autoritate pronunciarent: sed illa pacta deinde turbarunt nobiles Poloni. Tunc etiam Iohannes Rex Casimiro de suo iure in regno Poloniæ cessit. Casimirus verò renunciavit Silesiæ, & exoluit Iohanni Regi, sicut testatur Aeneas Syluus, 20000 libras argenti.

Lignicenses exoluerunt æs alienum sui Principis.

Interea in Silesia Boleslaus Lignicensis, cum strenuè egeret, amisit coniugem suam, filiam Regis Bohemiæ, & hoc anno duxit mulierem Cracouiensem, aut vt quidem annales & fortassis rectius habent, Croattam benè dotatam. Ea pecunia redemit Brigam & Olaiam: filijs autem Venceslao & Ludouico cessit de ditone Lignicensi, vt de ea ipsi sibi consulerent. Ordines in gratiam Principum iuniorum ipsi æs alienum persoluerunt, ibique viuente patre simul habitauerunt.

Anno

Anno 1337. decessit Henricus Sextus Vratislaviensis, & ha-
buit hæredem Regem Bohemiæ, qui statim post venit Vratislavi-
am sabbato, qui præcedit Dominicum diem, quem Ecclesia nomi-
nat Palmarum, iuratum est in verba ipsius magna ordinum læticia.
Eo tempore ortum est certamen inter Episcopum & regem tali de
causa,

*Henricus Sex-
tus Vratisla-
uiensis mori-
ens relinquit
suam dittonem
Bohemiæ Re-
gi.*

Erat Episcopus Vratislaviensis Nancerus, translatus eò ex
Episcopatu Cracouiensi. Nam cum acerbius litigasset cum Rege
Loctico, Rex iratus pugno faciem eius cecidit, & profugere eum
coëgit. Venit Vratislaviam, cum alij de Episcopatu septennium
Romæ disceptassent. Fuit autem iniquus regi Iohanni, & ipsi ap-
petenti imperium Silesiæ, qua poterat ratione, aduersabatur. Po-
stulabat Iohannes arcem quandam in vltimis Poloniae finibus,
Mieleciam, vt haberet munitionem ad arcendos Polonos. Eam re-
gi, promittenti etiam liberalem compensationem Episcopus non
tradidit: Rex tamen præfectum arcis sacerdotem induxit, vt eam
dederet.

*Nanceri Epi-
scopi impor-
tunitas.*

Tulit hoc indignè Episcopus, & subinde maximè importunis
flagitationibus arcem reposcebat: & cum non impetraret quod
vellet, fremens viam, qua animū suum expleret, iniuit, & ingressus
ad Regem, qui tunc erat in monasterio S. Iacobi, eum diris coram
omnibus audientibus acerbissimè deuouit. Rex beneficus & mitis,
etsi videret sese iniquè contemni, tamen nihil asperius statuit in fu-
riosum Episcopum, sed repressit sese ac inquit: Quam temerarius
est iste sacerdos, quærit qui ipsum occidat, ego tamen sanguinem e-
ius non fundam.

*Iohannis Re-
gis patientia
erga Nance-
rum.*

Egredientem Nancerum à rege pro foribus conclauis conue-
nit Senatus Vratislaviensis, illi amicè affati Episcopum, dixerunt:
rectius ipsum facturum fuisse, si mitius cum rege egisset, neque ita
sæuisset. Ille feruens & furens ira, at ego inquit, vos etiam tanquam
consceleratos diris deuoueo, neque vestrum regulum, qui regio
nomine dignus non est, metuo.

Fuit isto conuitio magis irritatus Rex, quam bruto fulmine:
& cum de eo cum Episcopo expostularet, responsum est illi, indi-
gnum eum esse titulo regis, qui in regno suo nullum habeat Archi-
episcopum. Rex, ne ab homine maledico prouocaretur ad sæui-
tiam, iussit eum cum suo Sacerdotio ex vrbe emigrare. Iusserat
Episcopus claudere omnia templa vrbs, senatus autem Vratisla-
uiensis ea patefaciebat, & erant sacerdotes humiliores, qui rem di-
uinam faciebant.

Interea Rex diligenter laborabat de concordia cum Episcopo,
qui erat Nissæ, & petebat, vt edictum tyrannicum aboleret: sed
cum ab homine pertinaci & superbo nihil æqui impetraret, ipse bo-
na Episcopi & Sacerdotum rebellium occupauit, eosq; solum ver-
tere iussit, mandauit etiam omnibus Principibus Silesiæ, vt idem

*Iohannes Rex
ejcit Episco-
pum cum sua
factione.*

facere in suis ditionibus. Paruit Regi valde obedienter Boleslaus Brigenfis, quem bona Ecclesiastica in illa sua egestate aliquantum recrearunt. Spoliabat enim sacerdotes, eorumque prædia & bona rapiebat, ubicunque ipsi occasio dabatur.

Et si autem Pontifex Romanis annitentibus Polonis censuram Nanceri confirmavit, & Iohanni denegavit absolutionem, tamen Vratislavienses illam tyrannidem fermè quadriennium æquo animo patiebantur, & interea bonis sacerdotum fruebantur.

*Nancerus mortu-
ritur in exi-
lio.*

Tandem anno 1341. Nancerus Regi nondum reconciliatus mortuus est in exilio. Valde hunc prædicant annales Poloni scripti à sacerdotibus, & narrantur indicia præcipuæ ipsius pietatis, quod singulis diebus solitus sit plures audire missas, & quotannis Sacerdotibus secundarijs, quos Vicarios nominant, munera Cracoviam mittere. Ego de ipsius zelo non disputo, qui quomodo congruat ad normam monstratam in concionibus Christi & Apostolorum, facile piæ mentes iudicabunt.

*Vratislavia
reconciliatur
Episcopo.*

Extincto Nancero, qui fuit fax dissidij in Silesia, verus imitator Pontificum Romanorum, Pretislaus Roma missus est ad Episcopatum Vratislaviensem: is cum Carolo Marchione Moraviæ filio Iohannis redijt in gratiam: sacerdotibus exigua quædam facta est restitutio, & tamen, ut illis expleretur animus, magistratus Vratislaviensis in monasterio S. Adalberti supplex ab Episcopo nudatis capitibus & pedibus veniam petiuit. Carolus promisit Ecclesiæ benignitatem & defensionem.

*Boleslaus Bri-
genfis mori-
tur.*

Anno 1342. decessit Boleslaus Brigenfis: Cœperat ægrota- re in ferijs Paschalibus, cum post fastidia ieiunij quadragesimalis in vna mensa tredecim pullos gallinaceos edisset, & varia genera potuum ad nauseam usque infudisset. Angebatur autem ante mortem, quod nondum absolutionem ab Episcopo impetrasset, & ut nominabant, interdicti relaxationem: Magno tamen labore filiorum, missi sunt duo Canonici Vratislavienses Brigam de nocte, qui iubente Episcopo absolutionem illi nunciarunt, nec multo post Princeps lætus illo beneficio animam exhalavit. Cadaver sepultum est in monasterio Leubensi.

Anno 1340. aut proxime sequenti Carolus ex mandato patris bellum fecit Boleslao Duci Monsterbergensi: qui, sicut etiam Princeps Suidnicensis, adhuc non insertus erat regno Bohemiæ: Cum Bernhardo Suidnicensi nupta esset filia Regis Loctici. Obsedit hoc anno Carolus Francosteinum, quod tunc erat mediocriter munitum: In ea obsidione accidit exemplum dignum memoria.

*Boleslai Mon-
sterbergensis
egregia bene-
ficientia.*

Strenuè suam urbem defendebat Boleslaus, & quodam die subita facta eruptione, plures nobiles Bohemos & Moravos, in castris Caroli oppressos, in urbem captivos abduxerat. Carolus non ignarus naturæ Boleslai, in Castra vocavit coniuges nobilium capti-

captiuorum, sceminas nobilitate & forma præstantes, & instructo conuiuio magnifico Boleslaum ex vrbe ad prandium inuitauit. Gessit Boleslaus morem Carolo Principi generoso & benefico: Peracto prandio sceminae nobiles, cum prius blanditijs & singulari comitate animum Principis emolliissent, & exhilarassent, precatæ sunt, vt ipsis maritos captos, nobili beneficentia restitueret, ibi tanta fuit virtus Boleslai, vt euestigio sine pretio captiuos ex vrbe accersitos coniugibus ipsorum donaret: & simul spectantibus Principibus in mutuos amplexus & salutationes ruerunt.

Scribitur autem, Boleslaum, si captiuos vendere & mulctare voluisset, tantam potuisse emungere pecuniam, vt ea etiam pretium sui Ducatus fuisset superatura. Carolus motus virtute Boleslai, pacem cum eo fecit æquis conditionibus. Nam Boleslaus professus est, sese socium Regni Bohemiæ, & muneris loco à Carolo accepit ditionem Glocensem, quæ morte Henrici Vratislauiensis ad Regem redierat, ad tempora vitæ suæ vtendam & fruendam.

Fuit alioqui Boleslaus Princeps facetus, amans vrbauitatis & iocorum, sed tamen nec profanus, nec indoctus. In morbo, cum vicinam mortem prælagiret, vera fide ad Filium Dei conuersus, clara voce hoc canticum valde pium, quod sonare solet Ecclesia, cecinit: Tribularer, si nescirem misericordias tuas Domine, tu dixisti: Nolo mortem peccatoris, sed vt conuertatur & viuatur: qui Cananæum & Publicanum vocasti ad pœnitentiam, & Petrum lacrymantem suscepisti, misericors Domine. Edita hac pia confessione suorum peccatorum, & viuifica consolatione, lætus ex hac vita migravit.

Boleslai Monasterbergensis urbanitas & pietas.

Hæc exempla non solum ostendunt, tunc fuisse virtutem laudatam in nostris hominibus, sed etiam monstrant, qualis in multis pijs pectoribus fulserit lux veræ conuersionis & fidei: etsi in publico ministerio fuit ingens chaos caliginis & superstitionum, perinde sicut Simeon, dominantibus in populo Dei Phariseis & Sadducæis, tamen in amplexu Christi lætam expectat decessionem.

Anno 1343. Casimirus Poloniæ Rex contra pacta subito inuasit Henricum Saganensem, qui adhuc tenebat territorium Fraustadiense: Oppidum Fraustadia interceptum est, antequam de suo periculo docere posset Regem Iohannem Henricus. Præferebat Casimirus, illum agrum olim à Polonia maiori fuisse auulsum, cum tamen ea vrbs à Silesijs condita sit, & totus ager hodie etiam ab hominibus Germanis habitetur.

Fraustadia occupatur à Rege Poloniæ.

Occupata Fraustadia progressus est ad Stinauiam, ibi cum aliquamdiu esset grassatus, Principes, Henricus Saganensis, Iohannes Gurenensis, & Conradus Olsnicensis ad Regem in castra venerunt, & metu maioris mali, cessione territorij Fraustadiensis pacem ob-

tinuerunt. Oppidanis, interuenientibus Principibus, conseruatae sunt immunitates, & inter alias ius cudendæ monetæ, quod ex beneficio Principum Glogouiensium acceperant.

Eodem anno transegit Casimirus cum Cruciferis, confectis super ea re instrumentis obsignatis sigillo regio & ordinum, nec tamen eam transactionem diu seruauit Polonia. Anno 1345. Iohannes rex ulturus iniustum bellum Casimiri contra Silesios: Inuasit cum exercitu Poloniam, etsi ipse erat senex, & iam alterum oculum amiserat. Progressus est ad Cracouiam usq; sed inopia comeatus in Silesiam rediit. Extremum agmen ipsius in reditu à Polonis cladem passum est, & cum longius euagarentur Poloni, præsertim Masouij, à Conrado Olsnicensi magna strage cæsi & fugati sunt.

PRINCIPES SVIDNICENS.

S E S.

Bernhardus Suidnicensis, cui
nupta fuit filia Loctici.

Henricus laurensis
vxor Agnes filia
Regis Venceslai
Bohemici, non
reliquit prolem.

Boleslaus Suidnicensis,
& post mortem fratris
etiam laurensis: Vxor
ipsius fuit Agnes filia
Leopoldi Ducis Austriæ,
quæ fuit domina ducatus usq; ad annum

Henricus Secundus
laurensis nullum reliquit post se filium.

Anna nupta Carolo
Quarto Cæsari.

1392.

BELLVM SVIDNICENSE.

Iohannes Rex reuersus ab expeditione Polonica, cum & infortunas belli & senectas eum facerent acerbiores, irasci coepit Principi Suidnicensi, qui nondum agnoscebat Regem Bohemiæ: parebat tunc uterq; Ducatus Boleslao Suidnicensi Henrico laurensi iam mortuo. Rex obsedit Suidniciam, quia autem non erat magna spes victoriæ, & alienus etiam erat à sauitia Iohannes, & tamen iurauerat, se muros Suidniciæ manu contacturum, attigit portam urbis, & exercitum reduxit. Cepit deinde Landishutam & properauit in Bohemiam ad bellum Gallicum, eam urbem paulò post recuperauit Boleslaus, cum in urbem immisisset currus scæni, in quibus latebant armati: quod Stratagema hac ætate in bellis Italicis imitati sunt Hispani.

Suidnicia obsidetur à Iohanne Rege.

Iohannis Regis interitus.

Anno 1346. in bello Gallico contra Anglos interfectus est Iohannes Rex, qui etsi orbatus erat utroq; lumine & admodum senex, tamen adduxerat auxilia Regi Gallico Philippo affini, aduersus Eduardum Anglicum Regem. Cecidit vigesimo septimo Augusti, quo die etiam occisus est Ottocarus, Bohemiæ Rex.

Is igitur

Is igitur à Bohemis tanquam nefastus habetur, quod duos Reges ^{Dies nefasti} iugulauerit, etsi hac ætate biduo post eiusdem mensis, etiam tertius ^{Regibus Bo-} Rex Ludouicus occubuit. ^{hemie.} Regnavit Iohannes annos triginta quinque.

CAROLVS QVARTVS IMPERATOR,

*Rex Bohemiæ, Princeps Silesiæ, Dominus
Vratislaviæ & Glogoniæ.*

PRINCIPES LIGNI.

CENSES.

Boleslaus Brigenfis.

Catharina Cracouiensis vel Illyrica
secunda vxor, quæ non peperit.

Venceslaus Lignicenfis
vxor filia Ducis The-
schinenfis.

Ludouicus Brigenfis &
Lubenfis, coniunx filia
Henrici Glogouiensis.

Rursus orta sunt dissidia inter fratres Principes Lignicenses, de quibus breuissimè quædam recitabimus, neque enim delectare possunt lectorem istæ *μνημαχία*. Catharina vidua Boleslai Brigenfis nomine dotis suæ Brigam & Olaiam retinebat: duo fratres autem simul habitabant Lignicij, sed culpa aulicorum, sicut ubiq; solent esse tales furia, creuerunt inter illos odia.

Diuiserunt igitur patrimonium: Ludouico cessit ager Ligni- ^{Lignicenfis} cens, in quo tunc recens erant inuentæ venæ auri vberes: Ven- ^{ager habuit} ceslao fuit attributa Goltperga, Hannouia & Lubena: Sed Ven- ^{uenas auri.} ceslaus vir callidus & pleonecticus inijt consilia, vt fratrem Lignicio excuteret, cum videret ex venis metallicis fratri singulis fermè septimanis centum quinquaginta libras auri accedere.

luit igitur ad Carolum, qui tunc adhuc Bohemiam nomine patris gubernabat, & illi sua oppida pro certo precio obtulit: Ludouico, qui iam susceperat filios ex cõiuge sua, grauis erat illa iactura: persuasus inter illas curas à consiliarijs, qui erant corrupti largitionibus, cedit fratri etiam Lignicio, ipse contentus fuit vnica arce & annuo stipendio quadringentorum aureorum, sed inita fuerunt talia pacta, & obsignata ab ordinibus ditionis: Siquidem Venceslaus sine heredibus decederet, vt totus Ducatus integer perueniret ad fratrem Ludouicum, aut filios ipsius, sin verò relinqueret filios, Ludouicus quidem superstes Ducatum totum, quoad viueret, obtineret, post mortem autem suam, filij vtriusq; fratris ex æquo Ducatum partirentur.

Post hanc transactionem & migrationem Ludouici Principis boni & iusti, Venceslaus, qui antea simulauerat morbum, conualuit,

ualuit, & imitatus exemplum patris inutili sumtu sua profundebat, oppida etiam passim, nolente & prohibente fratre, oppignorabat. Ludouicus Lubenam redemit sua pecunia, ibique habitauit. Interea nati sunt etiam Venceslao filij ex muliere Teschinensi, illis volebat relinquere vniuersam hæreditatem, excluso fratre Ludouico & filiis ipsius. Hinc igitur nouæ natæ sunt lites, & ordines Ducatus grauiter sunt aduersati Venceslao, propter hanc perfidiam, & ipsi fratres subinde inter se dimicabant excursionibus.

Decessit autem postea Catharina nouerca, & putabatur inuenta esse ratio dirimendi fratres. Venceslaus, vt crearet fratri nouum periculum, partem suam in oppidis, relictis à nouerca, vendidit Boleslao vltimo Suidnicensi, qui fretus sua potentia & fauore Caroli Cæsaris, cum quo non multo ante transegerat, valde Ludouicum vexauit. Carolus tamen misertus Ludouici Bregam & Hannouiam ipsi attribuit. Venceslaus verò, cum sua prodegisset, & venæ metallicæ exaruisissent, in magna inopia mortuus est.

Carolus Quartus Imperator ingreditur Vratislauiam.

Carolus Quartus Cæsar ingressus est Vratislauiam regia pompa 1348. 7. Nouembris: tanti autem tunc fuerunt spiritus Episcopi Prætislai, & sui Collegij, vt Cæsari vix ad portas vsque Coemiterij sui templi obuiam prodirent. Initæ sunt rationes, quibus ad officium adduceretur Boleslaus Suidnicensis: & primum, vt incuteretur ipsi terror, Carolus à Nicolao Principe Monsterbergeni filio Boleslai emit Francosteinum, vt ex vicina munitione agro Suidnicensi subinde possent inferri damna.

Carolus Cæsar ducit Annam laurensensem.

Tandem verò hæ lites matrimonio sunt diremptæ. Nam cum Boleslaus educaret Annam filiam Henrici fratris sui mortui, ea Carolo Cæsari post mortem secundæ coniugis, quæ fuit filia Regis Galliæ Blanca vidua, est desponsata, & dotis nomine vterque ducatus, Suidnicensis & laurensis, Cæsari promissus. Boleslaus Suidnicensis decessit anno 1368. Vxor Agnes filia Leopoldi Ducis Austriæ Ducatum obtinuit ad tempora vitæ suæ, mortua est 1392.

Agnes domina Suidnicensis & laurensis.

Nicolaus Monsterbergensis adeptus viaticum inuisit Palestinam & Hierosolymam: rediens domum decessit in Hungaria, reliquit duos filios: Henricum & Boleslaum, qui cum & ipsi sine sobole mascula morerentur, hæredes habuerunt Reges Bohemiæ. Boleslaus qui vltimo loco superstes mansit, mirabili casu interiit. In arce enim quæ à conditore Boleslao nomen accepit Bolckenhannum, à morione quem ad rabiosam iram prouocauerat iactu lateris occisus est, & in monasterio Griffensi sepultus. Sapientes tunc iudicarunt omen hoc significare dignitatis Silesiæ ruinam & interitum. Sed hæc postea acciderunt.

Boleslai Secundi Monsterbergensis miserabilis interitus.

PRIN.

HENRICVS QVARTVS Saganensis, post mortem Primislai fratris etiam Glogouienſis, pulſus à Iohanne Rege, vxor Mechtildis filia Marchionis Brandenburgensis.

HENRICVS QVINTVS ferreus Saganensis, poſtea ex beneficio Caroli Cæſaris Glogouienſis, qui fuit in Coronatione Cæſaris, & profectus eſt Hieroſolymam.

GLogouiam obtinebat Bohemiæ Rex, eamque per ſuum capitaneum gubernabat. Saganî dominabatur Henricus Quintus ferreus. Fuit vir magno animo præditus, qui ſubinde tumultuarijs excuſſionibus Glogouiam à Rege repetiuit. Impetrauit tandem à Carolo, quod poſtulabat, anno 1360. vt poſtea dicemus.

Anno 1349. & proximè ſequenti horribilis peſtilentia non ſolum Poloniam & Sileſiam, verum magnam partem orbis cogniti peruagata eſt. Deſcripta eſt ea à viro diſerto Iohanne Boccatio lingua Italica. Recitantur ſymptomata terribilia, non diſſimilia illis, quæ acciderunt in peſtilentia Attica, quæ graſſata eſt ſecundo anno belli Peloponneſiaci, & deſcripta eſt ab Hipocrate, vt à medico eruditiffime, deinde à Thucydide.

*Peſtilentia
uniuerſalis.*

Fuerunt autem in iſta, ſigna putredinis & corruptionis in aëre horribilis. In Italia & alibi iacebant homines ſubito extincti in vijs publicis, quorum halitu cum afflarentur animalia domeſtica, repente cum indiſcijs & ſymptomatibus veneni extincta ſunt. Narrant aliqui, fuiſſe tunc communem opinionem, tertiam partem generis humani ea lue fuiſſe conſumtam: & obſeruatum eſt, continua propagatione venenum ex oriente ad occidentem uſque eſſe perlatum.

Noſtrorum vero hominum ea fuit ruſticitas, vt crederent à Iudæis puteos & fontes venenis eſſe infectos, & tales morbos excitatos, ideo crudelibus modis vbique in miſeram turbam Iudæorum, nulla habita, nec ſexus, nec ætatis ratione ſæuitum eſt, neque tamen ſcelere & tyrannide ira Dei potuit reſtingui. Vagata eſt etiam eo tempore per Europam colluuijs quædam hominum, qui nudata corpora publicè cædebant flagris, & ſimul cum illa hypocritica pœnitentia circumferebant dogmata pernicioſa, turpitudines vitæ, multas libidinum confuſiones & alias, perinde ſicut olim Peſuſiani, Carpocrates, Marcion, & recens Anabaptiſtæ, ſed ſeueritate Principum iſti etiam cito pulſi ſunt.

*Flagelliferorum
Secta.*

Carolus

Carolus Cæsar exornauit Bohemiam & Vratislauiam.

Carolus Imperator, extincto Gunthero Suartzburgensi, quem aliqui trahebant ad Imperium, solus rerum potitus est anno 1350. & statim sese conuertit ad augendam potentiam, & ornamenta sui regni. Regnum quidem Bohemiæ, & præcipuè urbem Pragam, ubi & Academiam celebrem instituit, ad eam euexit dignitatem & ornatum, ut ruinae adhuc sint admirationi: & Aeneas Syluius, qui vidit Pragam florentem, scribit eam nec minorem, nec ignobiliorem esse Hetrusca Florentia.

Dilexit etiam imprimis Vratislauiam, quæ patri & ipsi semper fuit fida, ornauit eam ædificijs & immunitatibus amplis. Bis ex interuallo non longo Vratislauia tunc conflagrauerat, ideo Carolus anno 1353. quasi nouam structuram urbis exorsus est. Produxit ambitum ciuitatis in alteram ripam Olauiaë fluuij, longo spacio, extruxit insigne templum S. Dorotheæ sacrum, & ciuitatem in hunc ordinem & spacia destinxit, ita ut nulli ex urbibus Germaniæ aut splendore aut amoenitate cedat.

Vratislauia fuit cara Cæsari.

Quia etiam sacerdotes Collegij iam tunc ciuitatem oderant, eiusque crescentem potentiam verebantur, eamque omnibus modis impedire conabantur, ideo Carolus non solum ciuitati fuit præsidio, sed etiam legatos senatus Vratislauiensis anno 1355. cum Romam ad coronationem proficisceretur, vnà secum duxit, ut coram Pontifice fieret transactio. Sed Pontifex Carolo, nec in hac re, nec in alijs tunc morem gessit. Reuersus ex Italia, ciuitati Vratislauensi commendauit ius & magistratum præfecturæ Ducatus Vratislauiensis.

Carolus Cæsar misit literas familiares ad Senatum Vratislauensem.

Tanta nimirum tunc fuit opinio fidei & virtutis in Cæsare erga urbem, eamque ita amauit, ut adhuc hodiè monstrentur literæ scriptæ manu Cæsaris Caroli ad senatum Vratislauensem, ubi petit, nunciari sibi, ecquid adhuc ipsi cum suis valeant, & addit, se valde de ipsis esse sollicitum. Credo autem tempore pestilentiaë illa esse scripta.

Carolus Cæsar Rempub. Glogouia constituit.

Vere igitur Carolus fuit pater nostræ patriæ, & in illa maiestate Imperij ciuitates & magistratus urbium, qui tamen tunc erant humiliores, non modo non est aspernatus, sed vrbes tanquam præcipuos nervos regnorum suorum texit, amplificauit legibus, ædificijs & immunitatibus ornauit. Pacauit etiam Glogouiam Carolus, & quamuis armatus esset summa potentia, tamen Henricum Saganensem in gratiam recepit, ipsique partem Glogouiaë quam pater Iohannes patri Henrici ademerat restituit: & inuenio, ipsum Cæsarem hoc anno Glogouiam accepisse, & urbem in duas æquales partes esse partitum, ita ut vnā partem, nempe Aquilonarem, sibi & regno Bohemiæ retineret, alteram assignaret Henrico, qui habitabat Sagani.

Duplex igitur fuit gubernatio ab hoc tempore in vrbe Glogouensi, & duplex magistratus siue senatus. Neque Glogouia ad vnum

vnum dominum redijt, nisi 120. anno post. Ipso etiam imperante inuenio linguam Germanicam fuisse excultam, eamq̃ vsurpari cœpisse in scribendis literis & monumentis publicis, cum antea solius latinæ linguæ in talibus scriptionibus esset vsus.

Cessantibus igitur dissidijs, & Ianiensis Principum, conquieuit hæc regio, & creuit numero hominum, & cultura, adeò, vt Casimirus Poloniæ Rex Loctici filius, inuitatus illo successu & industria Germanorum in Silesia, ipse etiam multos colonos Germanos in Prouincias Poloniæ, Russiam & alias collocaret, qui multa bona oppida extruxerunt, & Rex passus est ipsos iure Teutonico uti: & Cracouiæ etiam tribunal Teutonicum erexit.

Carolo Cæsare imperante floruit Silesia.

Gratam igitur memoriam Caroli retineamus, qui non dissimilis Cyro vel Augusto, & alijs sapientibus & florentibus Monarchis, nostram hanc regionem paterno amore complexus est, & optimarum rerum ornamentis eam donauit, vt verè fuerit exemplum aurei illius dicti: Bonus Princeps nihil differt à bono patre.

Anno 1353. in his regionibus inopinata tempestas accidit. Nam cum menses verni ad ipsum vsque medium Maij laudabili coeli constitutione segetes, & res natas ex terra optime produxissent, Sabbato, qui præcessit diem Pentecostes, præter expectationem, hybernum gelu ortum est, illudq̃ nix alta duos cubitos secuta, quæ cum ad sextum vsque diem agros oppleret, & omnes ex interitu frugum perniciosam timerent sterilitatem & famem, niue eliquata, ita grato humore frumenta sunt rigata, vt vberissima messis sequeretur.

Hyems interpestuosa.

Anno 1362. Anna coniunx Caroli Cæsaris, filia Henrici laurenensis, peperit Norimbergæ Venceslaum, qui secundo anno post, opera patris Cæsaris, electus est Rex Romanorum: & datur Caroli vitio, quod plus dilexerit Bohemicum regnum, quàm imperium Romanum, à quo multa largitionibus alienauit.

Carolo Cæsare nascitur filius Venceslaus ex Anna laurenensi.

PRINCIPES LIGNI-

CENSES.

Venceslaus Lignicensis, vxor
foemina Thelchinenensis.

Ludouicus Brigenfis,
vxor filia Henrici
Glogouiensis.

Rupertus Boleslaus iu-
Princeps uenis in ludis
Lignis equestribus
censis. perijt.

Venceslaus
Episcopus
Libusianus
deinde Vra-
tislaiensis.

Henricus dictus Sti-
Henricus De-
canus Vratis-
lauenfis & de-
inde Episcopus
Vladislaiensis.

gmatis
Brigen-
fis & tã-
dem Li-
gnicēfis.

Venceslaus Lignicensis moriens reliquit quatuor filios, constituit illis tutorem fratrem suum Ludouicum Brigensem, is nihil memor iniuriarum fratris, optime præfuit patrimonio nepotum, & cum Ducatus oneratus esset ære alieno grauissimo, industria Ludouici illud magna ex parte est exolutum, & Principibus Ducatus conseruatus. Statim post puerperium decessit Regina Anna Silesia coniunx Caroli. Cæsar accessit ad quartas nuptias, & duxit Elizabetham neptem Casimiri Regis Poloniae ex sorore. Conciliauit hoc matrimonium legatus Pontificius, vt hoc modo impediretur bellum, quod Carolus Cæsar illaturus erat Ludouico Hungariæ Regi, qui natus erat ex sorore Casimiri, & in regno Poloniae designatus successor. Nuptiæ fuerunt Cracouiæ tempore Bacchanaliorum anno 1363. Aderant ibi præter Casimirum & Carolum, Reges, Hungariæ, Daniae, & Cypri, & Principes magno numero. Præcipuus fuit splendor cuiusdam Germani Vernici, qui erat Consul Cracouiensis, & thesaurarius Regis: 15. Reges domum suam ad epulas inuitauerat. post magnificum conuiuium distribuit munera Regia inter Reges & Principes, & suo Regi Casimiro dicitur donasse ad centum millia aureorum, ita enim reperio annotatum: & addunt quidam, consulem illum primum accubitus assignasse Casimiro suo Regi, secundum Imperatori, quod an fuerit ciuile non intelligo. Dos fuit centum millia aureorum. Ictum est foedus inter Reges, quod tamen non fuit diuturnum.

Anna Tauren-
sis coniunx
Caroli mori-
tur.

Carolus Cæsar
facit nuptias
Cracouiæ.

Regum con-
gressus Cra-
couiæ.

Bythonienses
uenæ euannu-
runt.

Nam anno 1369. Ludouicus denuò sibi coniunxit Casimirum & adortus est Carolum bello, quod tamen mors Casimiri non multo post interrupit. Memorabile est, quod eodem anno scribitur, venas argenti Bythonienses, quæ prius fuerunt satis locupletes, subito euannuisse. Existimatum est, hanc fuisse poenam crudelitatis, quod paulò ante oppidum illud concionatorem loci illius interfecerat.

Casimirus Se-
cundus, Rex
Poloniae mo-
ritur.

Casimirus Se-
cundus euexit
Iudeos.

Mortuus est Casimirus Rex Poloniae anno 1370. Nonis Nouembris, & cum eo regnum in vetere stirpe Regum Poloniae defecit. Fuit Rex amans pacis, qui Poloniae insignem addidit culturam, erectis multis magnificis munitionibus & templis. Contaminabatur libidinibus & cum inter cæteras aleret concubinam Iudaeam Esther eius intercessione, Iudæis magnas immunitates in regno cessit. Successorem habuit Ludouicum Hungariæ Regem.

Vratislauen-
sis Episcopa-
tus nominatur
aureus.

Vratislauen-
sis Episcopa-
tus emungitur
à Romano
Pontifice.

Anno 1375. mortuus est Episcopus Pretislaus Vratislaviae, vir excelsi spiritus, & industrius in augendis censibus sui Episcopatus. Emit urbem & agrum Grotensem à Principe Lignicensi, & multis alijs redditibus Episcopatum suum locupletauit, adeò vt is tunc passim nominaretur aureus. Sed cito hoc odoratus est accipiter Gregorius Vndecimus, is prohibuit fieri electionem alterius Episcopi, & per suum quæstorem coëgit collegium, pro bonis relictis à Pretislao sibi numerari triginta millia aureorum, & pro redditibus

ditibus Episcopatus, cui aliquot annos nullum dedit Episcopum, octies mille aureorum quotannis : ita euenit hoc quod dicitur : Sic vos non vobis nidificatis aues.

Anno 1378. mortuus est Carolus Quartus Imperator laudatissimus, qui sapientiam, virtutem, & sua regna imprimis amauit. Studia pietatis & doctrinarum ita dilexit, vt in recenti Academia Pragenſi sæpe publicis disputationibus vsque ad multum diem so-
leret assidere, ibiq; sciscitari & audire doctorum sententias de varijs controuersijs : admonitus, vt in arcem ad prandium ascenderet, respondit, se magis isto dulci cibo animæ, quam vllis delicijs esca-
rum delectari.

Caroli Quar-
ti uirtutes &
Mors.

Similis fuit hæc pietas & discendi auiditas ardori Caroli Magni, & paucorum aliorum ex veteribus Regibus, qui & scho-
las egregia beneficentia erexerunt, & in illis exercitijs pietatis & do-
ctrinarum, ipsi interfuerunt, sicut ea virtus his dulcibus versiculis prædicatur:

*Huc Reges quoq; sæpe comeabant, Doctorum sapientia fruentes,
Hymnos inter & hos choros sonantes, Cum Tyronibus aureis in armis,
Ætas aurea Principum bonorum, Hæc exempla dabat sequenda plebi.*

Autor est Carolus sanctionis illius augustæ de electione Rom. Cæsaris, quam vulgo nominant auream Bullam : ea cum comple-
ctatur neruos & fundamenta, quibus Imperium in nostra gente Germanica innititur, fatendum est, etiam de Imperio Romano, cuius autoritatem ante ipsius ætatem labefactarant, & penè euerte-
rant ciuiles dissensiones, & seditiones, excitatæ artibus Pontificum Romanorum, eum optime esse meritum.

Reliquit Carolus superstites tres filios : Venceslaum Roma-
norum & Bohemiæ Regem : Iohannem, quem collocauit in Lusa-
tiam, vbi non multo post periit : & Sigismundum natum ex Elisa-
betha Polonica, quem Ludouicus Hungariæ & Poloniæ Rex, fa-
cta pace cum Carolo in suam aulam recepit adolescentulum, illiq;
promisit nuptum filiam suam natu maiorem Mariam : Pater autem
Carolus à Ludouico Romano, filio Ludouici Bauari, emit ipsi
Marchiam Brandenburgensem.

Caroli Quar-
ti Liberi.

VENCESLAUS ROMANORVM

& Bohemiæ Rex, Silesiæ Princeps.

Non dum excesserat annum decimum quintum ætatis Vences-
laus, cum vocaretur ad gubernationem. Etsi autem vituperatur
propter luxum & ignauiam : tamen apparet in illo fuisse naturam
non malam. Quia acerrimè oderat scelera & imposturas impio-
rum sacerdotum, & fuit alienus à sæuitia, sed deprauarunt eum ma-
lorum consilia, & cum in ætate tenera careret gubernatore, & in-
spectore, assuefactus est ad desidiam & compotiones.

Venceslaus
Cæsar fuit
ignauos Prin-
ceps.

Henricus Quintus Ferreus Saganensis & Glogouiensis.

Henricus Sex-
tus senior Sa-
ganensis.

Henricus Septimus
Rapoldus Glogo-
uiensis.

Henricus Octauus Passer
Freistadiensis, & Sprota-
tensis tandem Glogoui-
ensis & Saganensis.

Henrici Fer-
rei Glogoui-
ensis res ge-
stæ & Mors.

HENRICUS ferreus mortuus est anno 1369. Princeps magnanimus & scælix. Fuit comitatus Carolum Romam ad coronationem, inde ex religiosa & laudanda consuetudine nostrorum maiorum profectus est in Palestinam, vt intueretur vestigia illa, vbi patefactiones cœlestes editæ sunt, & vbi Christus conspectus est.

Henrici Fer-
rei filij.

Vixerunt simul Principes adolescentes ad annum vsq; Christi 1380. deinde facta est ditionis diuisio: Henrico Seniori datus est Ducatus Saganensis: Henricus Rapoldus, sic dictus à conditore stirpis paternæ S. Hedwigis, quem Silesij appellarunt Rumpoldum, tenuit mediam partem Glogouiæ, & vicina oppida: Henricus, qui propter fecunditatem dictus est Passer, habuit Freistadium & Sprottam.

Venceslaus
Cæsar militat
sacerdotet
Vratislauen-
ses.

Anno 1381. rursus in Sylefia ortum est bellum, seu sacrum seu Sacerdotale. Irascebatur Venceslaus Rex Collegio Vratislauen- si, quod nollet recipere in Episcopum quendam ex nobili familia dominorum de Duba, qui gratia apud Reges Bohemiæ valebant. Sed Collegium appetebat Venceslaum Lignicensem, qui tunc erat Episcopus Libusianus, & tamen reditus interea prædæ erant Romano Pontifici.

Inter eas dissensiones incidit *ωεραταπλυνη*, quæ Regi præbuit occasionem castigandi sacerdotes, à quibus putabat se contemni. Nam hoc anno Rupertus Lignicensis fratri suo Henrico Decano Vratislauen- si, sub festa natalicia misit cereuisiam Suidnicensem, quæ tunc habebat laudem probitatis: Vector autem compræhensus ex mandato Senatus, qui alioqui totus addictus erat Regi, captus & in carcerem ductus est: quia hoc fiebat contra edictum ciuitatis, quod vetabat importari peregrinam cereuisiam.

Collegium in vr- bem ob factum hoc iaculatur fulmen excommunicationis, iubet claudere templa, & cessare sacra. Senatus querelam ad Regem detulit, qui cum frustra apud Collegium laboraret de pacificatione, tandem vigesimo septimo Iunij ipse venit Vratislavi- am cogniturus de causa. Rogauit vero Collegium, permitteret, quam diu ipse in vrbe esset, propter reuerentiam sui sacra publice fieri. Hoc cum non impetraret, exarsit ira Rex & Sacerdotes omnes iussit vrbe excedere. Abbatem in arena, qui responderat ipsi durius, in carcerem duci iussit. • Transtulit deinde ad sese omnia Prædia, & bona Ecclesiasticorum.

Adducti

Adducti sunt Vratislauriam ingentes greges pecorum ex vilis sacerdotibus, & tanta fuit vilitas, ut trecentæ oues tribus aureis vitatis venderentur, bos vero aurei quadrante. Magna vero armenta abacta sunt in Bohemiam.

Anno sequenti placatus est Rex Venceslaus, cum illi permiffum esset, ut nullam faceret restitutionem Collegio, tunc elatus est in Episcopum Venceslaus Lignicensis. Senatus autem Vratislauriensis ea conditione impetrauit veniam ab Episcopo, ut promitteret, semper post electionem noui Senatus, iuratuos se Episcopo, quod libertatem Ecclesiæ velint seruare. Ita Venceslaus Rex tandem ultus est iniurias aui sui Iohannis acceptas ab Episcopo. Neque tamen Venceslaus Episcopus etiam illo quinquennio, quo præfuit, fuit utilis Oeconomus, sed opes reliquas inutili sumtu prodegit.

Eodem anno in Hungaria extinctus est Ludouicus Hungariæ & Poloniæ Rex, qui celebratur ob bonitatem & clementiam erga tenuiores. Narratur de eo, quod ætate patrum nostrorum fecit Dux Eberhardus Wirtembergensis, quod sæpe dissimulato habitu immiscuit sese cœtibus inopum, & ab illis sciscitatus est, ecquid præfecti sui & magistratus delinquerent.

Poloniam non amauit. Nam & ab initio ornamenta regni secum asportauit in Hungariam, & plerumque Regnum per matrem gubernauit: quia videbat tantam esse licentiam nobilitatis in ea gente, ut autoritas Regum esset exigua. Quare in illa neglectione regni valde oppressi sunt tenuiores, & populus grauissimis oneribus à præfectis regijs, qui penè sanguinem ipsorum exugebant, exhaustus. Fuit foelix præliator. Nam & in Italia res magnas gessit contra Gallos in Regno Neapolitano. Annis aliquot ante mortem pretio & vectigalium imminutione impetrauit à Polonis, ut promitterent passuros sese, ut altera ex filiabus pro arbitrio patris apud ipsos regnaret. Paulò igitur ante mortem, accersitis ad se ordinibus Regni Poloniæ, in Hungariam, dedit illis Sigismundum Marchionem Brandeburgensem in Regem, & Senatus Polonicus è vestigio in verba ipsius iurauit.

Sigismundus à Socero iussus est proficisci in Poloniam, & regnum in possessionem accipere. Sed mortuo Ludouico Poloni iuramenti obliti inierunt consilia de pellendo Sigismundo, & creando nouo Rege. Offendebantur austeritate Sigismundi, qui videbatur futurus esse Rex Germanus, & postulaturus obedientiam à suis. Et multi, assueti rapinis sub Ludouico, maluissent nullum esse Regem, ut haberent impunitatem grassandi pro libidine.

Ut autem non deesset prætextus, instigata est socrus Sigismundi, mulier ambitiosa & curiosa, ut peteret à Polonis sibi permitti, utram ex filiabus apud Polonos vellet regnare. Optimus igitur adolescens Sigismundus circumuentus istis difficultatibus & iniquitate aliquorum in Polonia, qui tamen iuramenti religione ipsi erant deuincti,

Pecorum mira vilitas.

Ludouicus Hungariæ & Poloniæ Rex, socer Sigismundi Cæsaris.

Ludouicus Hungariæ & Poloniæ Rex, Poloniæ Regnum tradidit genero Sigismundo.

Sigismundus excutitur ex Polonia.

deuincti, volens regno cessit, ne ciuile bellum excitaret, etsi non deerant studia suarum partium apud honestiores in regno.

Hungariae regnum turbatur à socro Sigismundi.

Maria Hungarica nubit Sigismundo.

Rediens in Hungariam, & ibi res turbatas inuenit, culpa forcius, quæ curauerat Mariæ, absente marito Sigismundo, imponere diadema Regni Hungariæ, ita vt videretur futura Regina sine marito. Sed interea multi ex nobilitate Hungarica detestati mulierem audaciam, accersunt Carolum Neapolitanum nepotem Ludouici ex fratre, is Regnum Hungariæ vi & arte ad sese transtulit. Quamuis verò Maria, monente matre, propter metum Caroli fecit nuptias cum Sigismundo, tamen Sigismundus, qui nihil fidere poterat Hungaris, veniente Carolo cum exercitu, in Bohemiam profectus est. Sed idem Carolus insidijs Reginae matris paulò post interfectus est, & ipsa Regina deinde ab alio Principe Hungarico, qui vlciscebatur necem Caroli, capta & in flumen proiecta est.

Poloniae regnum turbatur eiecto Sigismundo.

Maria verò, quæ vna cum matre capta fuit, Sigismundo paranti bellum remissa est, qui tandem anno 1385. regnum Hungariæ adeptus est. Interea etiam Poloniam suæ persequiebantur Erynnyes: Quassata enim est crudeliter ciuilibus rapinis & motibus. Studebant aliqui transferre regnum ad Semouitum Masouiae Ducem, cuius eo tempore magna erat in Polonia potentia, eiusq; filia demum fuit mater Friderici Tertij Imperatoris: sed repugnabant multi, præsertim ordines ex Polonia minori. Inde orta sunt bella & vastationes Regni.

Henricus Rapoldus Glogouienensis profligat Polonos.

Silesij Duces iuuabant Semouitum, & Henricus Rapoldus Glogouienensis cum Iohanne Gurense vsus illa occasione conatus est occupare Fraustadium, sed nullo cum successu, vastatis agris domum reuersi sunt. Non multo post Poloni, vlturi clades illas, collectis copijs subito inuasērunt ducatum Glogouiensem, sed ab Henrico Rapoldo profligati sunt, plurimiq; in vndis Viadri suffocati sunt. Regina Hungariæ coniunx Ludouici, paulò ante mortem expugnata importunis legationibus & denunciationibus Polonorum, tandem Heduinam filiam virginem misit in Poloniam, eiq; assignauit tutorem Sigismundum Marchionem: sed eum rursus repudi-

Heduegis filia regis Hungariæ coronatur in reginam Poloniae.

diarunt Poloni, & vetuerunt ne regnum ingrederetur. Ipsi autem Heduegi coronam regni die S. Heduegis Silesiæ, Cracouiæ imposuerunt anno 1384.

Vilhelmo Austriæ Principi eripitur coniunx Heduegis.

Deliberatum est deinde de marito dando nouæ reginæ. Educauerat Ludouicus Rex in aula sua Vilhelmum Austriæ Ducem, ipsiq; puero desponderat filiam Heduegin, & sicut Regum mos est, curauerat vt cōcumberent ante annos nobiles, atq; ita omnino eum ad spem alterius regni aluerat. Is igitur missa Legatione orauit Polonos, vt sponsam suam sibi traderēt, & amabat eum ardentissime regina virgo. Sed Poloni bonum Principem Vilhelmum adeo sunt aspernati, vt frustra deprecante & tegente eum Regina, Cracouia, quo vocante Regina sese contulerat, per ignominiam exclusus sit, amissis ingentibus opibus, quas secum aduexerat.

Poloni

Poloni verò regnum promiserunt Iagelloni Principi Lithuanico, cuius auus, qui fuit seruus, rapuerat imperium, occiso iusto Principe: Perinde sicut apud Lydos Gyges. Iagello contra pollicitus, se vna cum sua gente fidem Christi professurum, & Prouincias Lithuanicas regno Polonico adiuncturum.

Iagello Lithuanus ducit Hedwigin Reginam.

Assensa fuit Hedwigis Regina conditionibus his, etsi inuita, atq; ita 1386. 12. Februarij Iagello regia pompa Cracouiam ingressus est. Biduo post baptizatus est, & nomen Vladislai accepit. Sic igitur, præteritis Principibus Silesiæ & Masouiae, qui nati erant ex veteri stirpe regum Poloniae, exclusis etiam Sigismundo Rege Vngariæ & Vilhelmo Austriæ Principe, Regnum Poloniae in familiam Iagellonis translatum est, cui scribuntur fuisse fratres vnde cim, robore animi & corporis excellentes.

Iagello baptizatur & nominatur Vladislauus.

Casimirus etiam Vladislai filius reliquit superstites sex filios, Principes præstantissimos, & tamen quomodo hæc tam numerosa posteritas mascula redacta sit ad vnicum caput videri nostra ætas: Sed sunt fatales Periodi regnorum, familiarum, & prorsus omnium rerum humanarum, vt quidem recte & prudenter dictum est: Constat æterna positumq; lege est, vt constet genitum nihil.

Iagellonis familia.

In historia Lithuanica recitatur, præcipuum inter hos populos fuisse cultum sacri ignis, qui proculdubio ex vetustate Ethnica vsque fuit propagatus. Baptisati sunt per turmas, & singulis turmis similia nomina imposita.

Lithuanicæ gentis religio.

Sub hoc tempus in Bohemia motæ sunt disputationes de religione, & Iohannes Hussus vir doctus & piæ vitæ, quod etiam aduersarij ipsius fatentur, nundinas indulgentiarum & fabellas Purgatoriij coepit arguere. Scribitur sumsisse occasionem ex libro Viclef Angli: Paulatim deinde illustrata sunt plura doctrinæ capita, & turbæ etiam secutæ, in quibus fermè ab vtrâque parte peccatum est.

Iohannes Hussus taxat superstitiones Pontificum.

Anno 1383. Venceslaus Rex motus concionibus Hussi, ipse passim Ecclesias regni inspexit, & Sacerdotes, qui scorta alebant, Pragæ publica ignominia affecit. Paulò post in Silesia etiam coepit status esse turbulentus. Nam Venceslaus Rex, instigantibus sacerdotibus, passim venit in odium, quod parum fortiter videtur aduersari Hussiticis, & ipse viribus imbecillis gubernationem negligebat.

Venceslaus Cæsar irascitur peccatis sacerdotum.

Interea magna agmina prædonum confluebant, qui hinc inde prædas ex Silesia agebant, quorum tanta fuit potentia, vt etiam Olsnam vrbem, quæ erat sub potestate Conradi Principis, caperent: & mandato Regis vastatus est Ducatus Opoliensis, quod Princeps ille propter inobedientiam accusaretur. Vratislaviæ etiam orta sunt semina dissidiorum, quæ deinde in ciuilem seditionem eruperunt.

Silesiæ motus sub Venceslao Cæsare.

*Sigismundus
Cesar amittit
Mariam con-
iugem.*

Sub annum Christi 1390. recruduit bellum Prutenicum inter ordinem & regem, qui cum esset Lithuanus, acerrime oderat ordinem propter clades multorum annorum illatas Lithuaniae. Sigismundo mortua est Maria coniunx, & ipse, perfidia suorum, implicatus est grauissimis seditionibus & periculis in regno Hungariae. Flabellum autem turbarum erat Vladislaus Poloniae Rex, qui, excusso Sigismundo regnum ad sese, propter coniugem Heduigin, transferre cupiebat. Sed tamen illi conatus eum frustrati sunt, & Sigismundus, ne quid sibi deesset, ultro anno 1392. Cracouiam accessisse dicitur, ubi interueniente Heduige foemina pia & iusta, Vladislaus Sigismundo reconciliatus est, & inter vtrumque societas inita.

*Venceslaus
Cesar capi-
tur.*

Anno 1394. Venceslaus Rex in Bohemia à quibusdam regni Baronibus adiuuante ciuitate Pragensi captus, & custodiae traditus est, cum propter dissidia religionis maximi motus in regno gliscerent, neque Venceslaus illis posset mederi. Euasit tamen inde post septimanas Septendecim ope Iodoci Marchionis Morauiae.

*Pragensis A-
cademia mi-
grat Lipsiam.*

Academia Pragensis ex consensu Scholasticorum & Lectorum Lipsiam migrauit. In Silesia superiori Vladislaus Poloniae Rex afflixit Vladislaum Opoliensem Ducem desertum à suo Rege Bohemo. Is, etsi Polonis iusto in bello par non erat, tamen intercipiendis mercibus Polonorum, & spoliandis passim ditioribus in itinere multum negotij Poloniae faceffit.

*Nicopolien-
sis
clades.*

Annus 1395. aut, vt annotarunt Poloni, 96. nobilis est ex clade Christianorum ad Nicopolin. Attraxerant in Graeciam auxilia gentis Turcicae Principes Graeci, conficientes patriam ciuilibus vulneribus, nec postea potuerunt inde amoueri Turci, & cum se paulatim confirmassent, anno 1392. adorti sunt Mysiam, Bulgariam, Rasciam, & vicinos Pannoniae tractus, qui tunc Hungaris parebant, inde factis excursionibus Pannoniae quoque oras, antequam Sigismundus suis posset ferre opem, vastarunt.

*Turcorum pri-
mae irruptio-
nes in regnum
Hungariae.*

Vlturus igitur iniurias suorum & repressurus irruentes Turcos Sigismundus, validum exercitum ex omni Europa collegit. Ad Nicopolin Mysiae urbem conditam à Traiano in memoriam victoriae partae ex Decebalo, obuiam habuit Baiazetem primum, Turcorum Caesarem, cum quo summis copijs confligit, & cum in media pugna, eaque Christianis non infelici, Galli qui ex ambitione primum locum sibi deposcerant, temere aciem nudassent, exercitus noster foeda fuga dissipatus est, & inde Turcis initium datum est, non modo in vicinam Pannoniam irrumpendi, verum etiam arma nostra contemnendi. Sigismundus traiecto Istro Constantino-
polim fuga delatus est, inde in Rhodum peruenit, & demum opera Venetorum in regnum suum reuersus est. Philippus Burgundiae Princeps, captus eo in praelio, annos aliquot circumductus est, antequam liberatus fuit. Et tamen ipse Baiazetes non multo post fuit exemplum humanae instabilitatis. Vagabatur in Asia cum innum-
merabili

*Sigismundus
Cesar deser-
tur Venetias.*

merabili hominum turba Tamerlanes Scythia, qui, sicut olim Attila, toti orbi terrarum terrorem incutiebat. Is Baiazetem superatum bello & captum in ferrea cauea, tanquam bestiam circumtulit. Vastauit magnam orientis partem, & cum meditaretur bellum in Europam quoq; & iam magnas copias Polonorum in finibus Russiae deleuisset, morte extinctus est, & regnum eius subito dissipatum: sicut olim Alexandri, Macedonis, & postea Attilae Hunni.

Baiazetes
Turcorum
Caesar capi-
tur à Tamer-
lane Scythia.

Traxisse secum dicitur hominum duodecies centena millia. Absente Sigismundo rursus sollicitabat Hungaros Vladislaus Poloniae Rex. Sed Sigismundo post reditum denuo Cracouiam accedente, & cum Hedwigis esset deprecatrix, tunc etiam pax est facta. Ipsa vero Hedwigis anno proximo post primo in puerperio decessit. Sanctitas & beneficentia in ea fuit eximia Maritum Regem, qui iniuste bona quorundam tenuiorum ad sese transtulerat, reprehendebat, is cum responderet: Redditurum ea suis dominis, subiecit Regina, bona quidem restituere miseris his poterimus, sed lachrymas, quas ipsis excussimus, quis reddet? Incommoditatem etiam mariti Regis, qui eam impudicitiae insimulabat, etsi ad illud fastidium ab ipsa fuerat euectus, placide tulit, & innocentiam suam publicè ostendit. Munierunt deinde sese nouis affinitatibus Sigismundus & Vladislaus, duxerunt sorores, filias Comitis Cilliae, natus ex filia Casimiri, quondam Regis Poloniae, Sigismundus Barbaram, Vladislaus Annam.

Hedwigis Regina
Poloniae
moritur.

Sigismundi
Caesaris Secunda
con-
iunx.

Pontifex Romanis iratus Venceslao, quod disputationes religionis in Bohemia non compesceret, autor fuit Electoribus Imperij, vt nouum crearent Caesarem: & quidem Venceslai nulla erat autoritas in Germania. Renunciatus est Imperator Rupertus Comes Palatinus Rheni, Princeps iustus, sed imbecillis & inops. Ideo Italia fermè tota factionibus concussa & lacerata, ab Imperio est alienata. Fuit hoc anno 1400. Sigismundus inijt rationem, qua Venceslaum fratrem, etiam à gubernatione regni Bohemici posset amouere. Et captus est quidem Venceslaus Pragae à Iodoco Marchione Morauiae, & auxilijs Misnensibus anno 1401. Sed Sigismundus etiam in calamitatem incidit. Nam cum seuerius animaduerteret in Hungaros, qui ipsum, praesertim post cladem Nicopolensem, fastidiebant, & vno in conuentu triginta duos Principes viros securi percuteret, conspiratione suorum oppressus & captus est, traditusq; in custodiam duobus adolescentibus, quorum mater vidua mota misericordia erga Regem, qui eam lingua Hungarica supplex affatus & precatus fuit, elapsus est, & regnum recuperauit, pulso Ladislao Neapolitano. Inuenio deinde Sigismundum anno 1402. venisse Pragam 29. Iunij, & Venceslaum fratrem captum inde abduxisse, eumq; in custodiam tradidisse Alberto Austriae Principi: Viennae in amplis aedibus honestè asseruatus est: Sed tamen tunc etiam euasit & regnum rursus adeptus est.

Venceslaus
Caesar anno
uetur ab im-
perio.

Venceslaus
Caesar denuo
capitur.

Sigismundus
Caesar capi-
tur.

Principes

ANNALES SILESIAE.
PRINCIPES LIGNICI-
ENSES.

Rupertus filius Venceslai solus Lignicij dominatus est.
Vxor Heduigis Casimiri Regis Poloniae vidua,
Non reliquit sobolem mortuus 1390.

Venceslaus non duxit
vxorem.

Henricus Stigmatias filius Ludouici
Brigenfis Dux Lignicenfis & Bri-
genfis, fuerunt duo filij huius.

Ludouicus Lignicenfis & Brigenfis,
vxor Elizabeth soror Marchionis
Brandeburgenfis primi Electoris,
cuius filia nupta Iohanni Lubenfi
patri Friderici primi Lignicenfis.

Henricus Lubenfis &
dominus minorum
oppidorum.

PRINCIPES GLOGOVI-
ENSES.

Henricus Passer post mortem fratrum dominus totius
Ducatus Glogouiensis & Saganenfis, moritur 1395.

Iohannes Saganen-
fis feiunctus à reli-
quis fratribus qui
Saganum à Glo-
gouia auulfit.

Henricus No-
nus, Rapoldus
mortuus in
Dania.

Venceslaus Henricus De-
Crofnenfis cimus, domi-
vbi perijt. nus totius du-
catus Glogo-
uienfis.

Vladislaus Poloniae Rex inijt consilia, quomodo Prouincias de-
tractas regno Poloniae, arte quadam recuperaret: & primum
quidem Sigismundum Hungariae Regem, & Marchionem Bran-
deburgensem persuasit, vt pro certa pecunia Marchiam nouam,
quae olim fuerat ditionis Polonicae, sibi oppignoraret: Sed cum
tota summa non exsolueretur, & Sigismundus consilia Regis intel-
ligeret, res fuit impedita.

Polonia &
Bohemiae Re-
ges congregati
untur Vratis-
lauiae.

Conuertit sese etiam Vladislaus ad Venceslaum Regem, qui
assidue metuebat, ne omnino regno pelleretur, cum omnibus esset
inuifus, illi promisit opem contra fratrem & alios. Conuenerunt
ipsi Reges Vratislauiae anno 1404. & Vladislaus, vt Bohemis su-
am ostenderet potentiam, dicitur in comitatu suo adduxisse quin-
quies mille equites: Postulauit Vladislaus restitutionem Silesiae,
& quidem à Rege simplici, & imbelli hoc impetrasset, nisi quidam
ordines hoc impediissent. Facta est tamen pax inter Reges, & amice
inde decessum est.

Circiter

Circiter illud tempus Venceslaus in Ducatum Monſterbergensem, qui ad Regem Bohemiæ morte priorum Principum deuolutus erat, collocauit Iohannem Tropauienſem: Boleslao vero Teſchinenſi alteram partem Glogouiæ attribuit, quæ hæcenus fuerat in poteſtate Regum Bohemiæ. Horum conſiliorum videtur autor fuiſſe Vladislaus Polonicus, vt Venceslaus hac ratione aduerſus Sigismundum fratrem ſeſe muniret, collocatis in limitibus Sileſiæ Principibus animoſis & bellicoſis.

*Venceslaus
Caſar diſtribuit Ducatus
in Sileſia no-
uis Principi-
bus.*

Glogouienſes Principes erant adoleſcentes, & annis aliquot ſimul vixerunt, donec Iohannes Saganenſis primùm hæreditatem ſuam poſtulauit. Vratiſlauriæ paulò ante motus à plebe orti erant, ab eaque ordo Senatorius immutatus. Sed Rex eo anno ſuo conſilio nouum Senatum ex optimis ciuibus delegit, qui tamen menſe Septembri eiſdem anni ruruſus à populo loco motus eſt. Ita, cum nulla tunc eſſet autoritas Regis in his regionibus, multum fuit ubiq; turbarum & diſſenſionum. Vladislaus Polonicus hiſce annis denuò graue bellum meditabatur in ordinem Prutenicum, quod Regina Hedwigis viuens pro ſua pietate ſæpe auerterat: & vt haberet prætextum aliquem elegantem, putauit ſeſe abuti poſſe infantia Venceslai Bohemi, quem recens ſibi Vratiſlauriæ deuinxerat: ad eum igitur reiecit arbitrium controuerſiæ inter ipſum & ordinem. Aſſenſi ſunt & Germani in Pruſſia, innocentia ſua freti.

*Vratiſlauria
concutitur
motibus ſen-
ditioſis.*

Venceslaus, qui in illa etiam ignauia ſua tamen oderat iniuſticiam & malas artes, anno 1409. ſententiam contra Polonos pronunciauit. Vladislaus atrox euſtigio bellum exorſus eſt, & quamuis cum ex Regno Hungariæ retinere conabatur Sigismundus, tamen id fruſtra fuit, & ipſe Sigismundus denuò hoc anno à Calepino Amurathis filio Turco grauiter cæſus eſt. Anno 1410. Vladislaus cum exercitu fines Pruſſiæ ingreſſus eſt, & cum ſecum duceret maximos greges Scytharum & Lithuanorum, enormis crudelitas edita eſt in vtrumq; ſexum, in ſacra & profana, adeo vt ipſi Poloni honeſtiores tantam rabiem apud ipſum Regem grauiter deteſtarentur. Magiſter ordinis auxilia ex omni Germania acciuerat: ſed ea fuerunt imbecillia. Neq; enim ea erat in Germania coniunctio, quæ communibus viribus tam potentem hoſtem repelleret. Proſtigatus eſt igitur Ordo ingenti ſtrage à Vladislao eodem anno 15. Iulij, qui Poloniſtus eſt, interfecto ipſo Magiſtro, & multis fortibus viris. Sacerdotes Poloni eam victoriam ſuo Stanislao retulerunt acceptam, quem in aëre tempore pugnae dixerunt eſſe conſpectum. Captus eſt in eo prælio inter alios Conradus albus Dux Oſſnicenſis. Poloni ea victoria non ſunt uſi, & occaſionem rei bene gerendæ amiſerunt. Militauit etiam in Pruſſia Iohannes Dux Monſterbergenſis cum multis nobilibus Sileſijs. Non multo poſt pax inita eſt, incommoda Poloniſ, ideo neq; ea fuit ſtabilis. Mortuo Ruperto Cæſare, electus eſt Sigismundus, quem Hungari noluerunt ſequi ad bellum Polonicum.

*Vladislaus Ia-
gello proſti-
gat ordinem
in Pruſſia.*

*Sigismundus
creatur Cæ-
ſar.*

Eodem

Eodem anno rursus Silesiæ irati fuerunt sacerdotes. Nam cum abductus esset à quibusdam nobilibus Suffraganeus Vratislauiensis, tota ea ditio multos menses anathemate notata fuit, & anno proximè sequenti, in curia Vratislauensi detentus est ob quædam crimina Iohannes Episcopus Vladislauiensis, frater Principis Opoliensis: Ibi denuo fulmen sacrum in urbem emissum est, & vix magno labore placati sacerdotes.

Anno 1412. sæua pestilentia in tota Silesia grassata est, durauit ea per biennium. Eodem anno Ernestus Austriæ Archidux duxit Cimbariam filiam Semouiti Ducis Masouiæ, neptem Vladislai Regis ex sorore. Cuspinianus scribit, tale fuisse robur huius foeminae, vt etiam vola manus ferreum clauum parieti infingeret. Fuit ea mater Friderici Tertij Imperatoris, qui etiam fuit longæuus & valetudine firma. Ita non frustra dictum est, hominem plus accipere à matre quàm à patre. Vladislaus, facta pace cum cruciferis, Budam profectus est, ibiq, cum reconciliatus esset Sigismundo, ab eo recepit ornamenta Regni, quæ Elizabetha olim Ludouici Regis coniunx in Hungariam abstulerat.

Anno 1414. inchoatum est concilium Constantiense, quod sedauit intestina bella Pontificum. Eodem anno Vladislaus pacem initam cum Cruciferis temere turbauit, quia videbat eos, in illa distractione imperij, oportunos esse ad prædam. Militabant tunc in exercitu Polonorum, haud dubie adducti auctoritate Venceslai Regis, Principes Silesiæ magno numero: Bernhardus Opoliensis: Iohannes Ratiboriensis: Boleslaus Teschinentis & Glogouiensis: Conradus Albus Olsnicensis: Venceslaus Glogouiensis: Iohannes Lubensis: Venceslaus Tropauiensis.

Appellatum est hoc bellum famelicum, quia ex inedia & contagijs magna multitudo perijt, & Rex pactis cum cruciferis duorum annorum inducijs, causam dijudicandam concilio Constantiensi commendauit.

Anno 1415. editum est in eodem concilio atrox illud sæuitiæ & perfidiæ exemplum, cum Iohannes Hussus emendator primus corruptelarum Pontificiarum, contra datam fidem ab ipso Cæsare, crudeliter exureretur. Historia ea literis prodita est, ideo eam præmitto.

Scribitur autem, virum Generosum, virtute & fide præstantem Casparum Sliccium, qui fuit Cancellarius trium Imperatorum, & negotijs illis nomine sui Cæsaris intererat, assurrexisse, cum decretum in Hussum & Hieronymum pronunciaretur, & testatum esse, non assentiri se perfidiæ sacerdotum. Quàm constanter supplicium pertulerint, & quam in pia, & læta confessione decesserint, Hussus quidem hoc anno, Hieronymus autem sequenti, etiam hostium ipsorum scriptis traditum est.

Irritauit

Irritauit ea tyrannis iram Dei, & grauissimas pœnas Germaniæ attraxit. Bohemi enim, vbi rescuerunt cōtra fidem publicam in suos sœuitum esse, vniuersi quasi fanatico furore incensi sunt, & quamuis causam ab initio defenderent non malam, tamen ab hoc tempore exacerbati scelere sacerdotum, cupidi vindictæ, consociarunt arma, & passim domi primum, deinde foris etiam in vicinis regionibus grassati sunt ferro & flamma in aduersarios crudelem in modum.

Constat Hussum, cum duceretur ad rogam, etiam hanc vocem fatidicam edidisse, & dixisse, post centum annos exoriturum cygnum, quem non, sicut istum imbecillem anserem, vsutaturi sint sacerdotes: haud dubie repurgatorem cœlestis doctrinæ D. Martinum Lutherum designans.

*Iohannis Husi
vox fatidica
& precatio.*

Memoriæ digna est etiam precatio, quam subinde in via ad supplicium repetiuit: Iesu Christe, fili Dei viui, qui passus es pro nobis, miserere mei.

Eodem anno, die sexta quæ proxime secuta est festum corporis Christi, vt nominant, tanta conspecta est Eclipsis Solis, vt sidera tanquam de nocte lucerent, & aues territæ exanimes deciderent. Habeo autores, qui scribunt, Constantiæ in concilio Eclipsin accidisse ea hora, qua ex more Pontificio fiebat circumgestatio theatri consecrati panis: quod procul dubio pœnas euenturas propter hoc tetrum idolum, & simul inclinationem regni Pontificij significauit: sicut paulò post secuta sunt bella Bohemica, in quibus optima pars Germaniæ vastata est, & in Græcia constituta tyrannis Turcica, quæ idolomaniæ & peccatorum Europæ est vindex.

*Eclipsis Solis
horribilis.*

Sigismundus Imperator, cuius fuit excellens pietas & probitas in hoc concilio nocte natalis Domini, historiam nati saluatoris, cuius initium est: Exiit decretum à Cæsare Augusto, habitu Diaconi cecinit, & anno 1417. in eadem vrbe, Marchiam & dignitatem Electoratus donauit Friderico Burggraui Norimbergensi. Quia, cum ipse careret sobole mascula, & Fridericus ipsi bonam operam nauasset in multis bellis, hanc ipsi reddidit gratiam, & simul vtile iudicabat futurum imperio, si Princeps industrius & fortis collocaretur in limites Imperij versus Poloniam, cuius tunc magna erat potentia, & quæ Prussiæ inhiabat. Nec fefellit Sigismundum suum consilium.

*Sigismundus
Cæsar Burg-
grauium No-
ricum collo-
cat in Mar-
chiam.*

Nam & ista familia Principes aliquot sapientia & fortitudine præstantes genuit, & tandem ad eam hæreditas magnæ partis Prussiæ peruenit. Interea torpesciente domi Venceslao, anno 1418. feruebant motus in Bohemia, & Hussitici incensi ira aduersus Pontificios, qui ipsos conabantur delere, diripiunt templa innumera, quæ tam fuerunt opulenta & augusta, vt Aeneas Syluius scribat, nullum regnum totius Europæ templis splendidioribus, quàm fuerunt Bohemica, fuisse ornatum.

*Bohemici re-
gni magnifi-
centia.*

*Vratislauiensis
seditio.*

Vratislauiæ etiam cruenta exarsit seditio. Plebs enim acta in subitum quendam furorem, die 18. Iulij armata curiam expugnauit, magnam partem senatus, aut suis manibus, aut per carnificem trucidauit: vnum etiam ex præcipuis, ex loco sublimi deturbauit, vbi hastis armatorum sese induit. Deinde ex arbitrio populi senatus lectus est. Tantum licentiæ in promiscua multitudine excitauit & confirmauit segnicies Regis, & impunitas peccatorum.

Venceslai Cæsaris mors.

Anno 1419. 10. Augusti apoplexia mortuus est Pragæ Venceslaus Rex. Furore. n. populi Pragæ etiam trucidatus fuit Senatus, qui defendebat Pontificios. Eius rei atrocis nuncius cum ad Regem esset perlatus, & si mul pincerna ita loqueretur, vt causam horum motuum in regem videretur transferre, Venceslaus stricto pugio- ne eum persequitur, atque ex ea vehementi animi perturbatione, apoplexia correptus interiit. Regnavit post mortem patris annos quadraginta vnum.

SIGISMUNDVS IMPERATOR,
Hungariæ & Bohemiæ Rex, Princeps Silesiæ.

BELLVM HUSSITICVM.

Celebris fama fuit apud nostros belli Bohemici, quod nominare soliti sunt Hussiticum & hæreticum. Nam auditores & sectatores Hussi, irritati perfidia & sæuitia Pontificiorum, coniunxerunt sese, & armis aduersarios represserunt: Et quidem, sicut initio causam bonam tuebantur, ita victoriæ illæ incredibiles, quas adepti sunt, testantur, Deum ipsos habuisse protectorem: Sed deinde, cum consilia seditiosa miscerent, & grassarentur nimis magna cum immanitate, suam causam corruerunt, & poenas sibi ipsis attraxerunt.

Insidiabantur ipsis Pontificij varijs artibus, & contra eos incitabant monarchas, habebant etiam domi hostes, qui eos premebant & persequabantur. Ipsi igitur rursus sese communierunt, donec lisea in sæuum bellum prorupit. Mortuo Venceslao, creatus est Dux multitudinis Iohannes Zischa, cuius tantum fuit animi robur, tantaq; foelicitas, vt veteribus Ducibus possit annumerari.

*Iohannis Zischæ robur
& successus.*

Bohemi Pontificij accersebant subinde auxilia ex vicina Lusatia, & omnes Germani acerbè Hussiticos oderant. Ideo Zischa, ægre ferens iniurias illas, manum quandam militum immisit in Lusatiam superiorem, quæ mense Septembri adorta est urbem Budissinam, ea tamen ciuium virtute defensa est. Interea domi confluxerat ad Zischam ingens multitudo, adeo vt toti regno esset formidabilis.

Sophia

Sophia vidua Venceslai accersebat Sigismundum, cui secundum leges debebatur successio in regno. Sed is rursus tunc in foelici exitu exercitum contra Turcos ducebat, & Legatos Pragam misit, qui interea summæ rerum præessent. Zischa etiam cum suis professus est, velle sese agnoscere Regem Sigismundum, modo religioni pacem daret, quod cum promitterent gubernatores, Zischa arces, quas occupauerat, reddidit, & suos domum remisit.

Sigismundus reuersus ab expeditione Turcica, iter in Bohemiam parabat, venerunt ad eum legati Bohemorum in Morauia, polliciti omnem fidem & obedientiam: Sed ipse, accensus ab Episcopis, minus benigne ipsis respondit: & prius diuertit Vratislauiam, ut in ea vrbe, quam amabat, motus, excitatos à plebe, sedaret.

Ingressus est Vratislauiam die Epiphaniarum, anno 1420. pacauit initio seditionem vrbana, & die sexto Martij sumtum est supplicium de ciuibz viginti duobus, qui ferme erant tribuni opificum, & seditionis, in qua Senatus iugulatus fuerat, autores. Multi etiam in exilium eiectioni sunt, & bona eorum in ærarium Senatus illata. Eodem tempore tulit sententiam in causa Prutenica.

*Sigismundus
Cæsar uenit
Vratislauiam.*

Anno enim superiori Legati Pontificij, sicut Prius alij Monarchæ multi, causam Polonorum damnauerant: Vladislaus vero, qui egre ferebat, traduci sese de iniusticia in tota Europa, Cæsarem sibi conciliare conatus est: Promisit illi auxilia in Bohemos, & ipsum arbitrum in causa Prutenica delegit: Probarunt hoc etiam Germani. Ibi Sigismundus Vratislauia, præcipuè motus causæ æquitate, deinde quod pacata iam Bohemia, putaret sese carere posse opera Vladislai, pronunciauit pro ordine contra Polonos. Hoc, cum esset renunciatum Vladislao & Vitoldo Lithuaniae Duci fratris, ita sunt commoti, ut etiam in eiulatus & feros ululatus prorumperent.

*Sigismundus
Cæsar sumit
supplicium
de seditiosis.*

*Sigismundus
Cæsar offendit
Polonos.*

Missi sunt deinde Oratores ad Cæsarem, qui verbis adeo procacibus & immodestis vsi sunt, ut Cæsar, alioqui mitis & humanus Princeps, in Viadrum eos præcipites, proijci mandaret. Intercessione tamen Principum seruati & dimissi sunt. Interea in Bohemia rursus omnis spes pacis turbata. Nam Hussitici offensus aspectu Sigismundi, & Pragenses, propter exempla Vratislauiensia, similes metuentes poenas, nouos exercitus contraxerunt, multa oppida munierunt, & Sigismundo aditum in regnum intercluserunt.

Zischa, qui ferme diutissime quieuerat, pene fuisset oppressus à Pontificijs, tandem victor aliquot prælijs, nouam urbem condidit, quam Thabor appellauit: Præterea, cum audiuisent de offensione Poloni & Cæsaris, miserunt legatos in Poloniam, qui Vladislao Regnum Bohemiae deferrent.

*Thabor urbs
Bohemiae.*

Vladislai Iagellonis consilia non procedunt.

Cæsar, cum ista cognouisset, conatus est Vladislaum placare, & promisit illi, se mitigaturum decretum. Vladislaus, sicut in eo fuit vafricies mirabilis, cogitauit quomodo Cæsarem in illis suis periculis mulctaret, illiq; Silesiam & Prussiam detraheret: Promisit se non accepturum Regnum Bohemiæ, si Sigismundus ipsi auxilia mitteret contra Cruciferos, & interea pignoris loco ipsi Silesiam traderet. Cæsar, qui & ipse ingenio valebat, vt Polonum quadam spe duceret, assensus est, & insuper Vladislao coniugium Sophiæ viduæ Venceslai fratris obtulit, & dotis nomine Silesiam, cum centum millibus aureorum. Sed hæc pacta, post coronationem Sigismundi, non sunt perfecta.

Lætus hoc successu Vladislaus, etiam alterum murum conatus est Cruciferis diruere. Filio Marchionis Friderici Brandeburgensis promisit in matrimonium filiam Heduigin, cum amplissimis conditionibus, quæ postea morte virginis omnes reciderunt in nihilum. Ita male processerunt artes Regis.

Sigismundus Cæsar infert bellum Bohemiæ.

Sigismundus cognita rebellione Bohemiæ, in Silesia magnas contraxit copias, impetrauit etiam auxilia à vicinis Principibus Misnensibus, & Marchionibus. Militarunt ipsi Silesiæ Duces quatuordecim, inter quos fuit Henricus Rapoldus Glogouiensis. Inuasit Bohemiam anno 1421. Arx Pragensis ipsi est dedita, in eaq; accepit coronam Regni: ciuitatem, quæ aduocauerat Zischam in præsidium, arctissime obsedit, eamque, sicut certos habeo autores, ex illis, qui tunc vixerunt, cepisset, nisi maluisset vrbi & regno suo parcere.

Zischa euertit imagines & statuas.

Commissa sunt aliquot parua prælia, pleraque secunda Hussiticis: & Sigismundus detestatus illud ciuile bellum, posteaquam præsidia in aliquas munitiones collocasset, Bohemia excessit. Creauit hæc expeditio maxima mala Silesiæ. Nam Hussitici irritati, multos postea annos crudeliter in Silesia & in alijs regionibus sunt grassati. Zischa in vrbe Pragensi, & tota vicinia templa diruit, euertit statuas, & imagines, quod dicerent, eas seruire idolatriæ.

Coributhus frater Vladislai Iagellones inuadit Bohemiam.

Sigismundus Cæsar, euocatis multis Germaniæ Principibus, denuo in Autumno Zischæ bellum intulit: ipse cum copijs Hungaricis & Austriacis superuenit sub initium anni 1422. sed ea expeditio etiam fuit infausta. Vladislaus, vt Cæsarem premeret, eodem tempore submisit in Bohemiam Sigismundum Coributhum Lithuanum fratrem, cum equitibus bis mille, vt auxilia Hussiticis ferret. Recepit eum Praga & reliqua multitudo. Sed Zischa constanter negauit, se passurum Regem alienigenam.

Obsedit cum magna multitudine arcem Carolosteinum, & inter alias machinas oppugnationis coniecta sunt in arcem ad duo millia vasorum repleta cadaueribus & excrementis humanis: ex quo

quo intolerabili fœtore obsessis dentes computruisse & excidisse dicuntur. Tolerarunt tamen milites Cæsaris obsidionem patienter, & tandem post multos menses obsidio à Friderico Marchione Brandeburgensi est soluta.

Anno 1423. cum Cæsar & Polonus in finibus Pannoniæ conuenissent, & reconciliati essent, Coributhus ex Bohemia, nulla re memorabili perfecta, reuocatus est. Zischa tamen nihilominus impetum Cæsaris & vicinorum Principum magno animo sustinuit, & Coributhus contra pacta in Bohemiam remissus est, rege vel iubente vel coniuente.

*Coributhus
euocatur ex
Bohemia.*

Adeo autem foelices erant successus Zischæ, ut Sigismundus eum sibi clam conciliare conaretur, & fuit eius tanta etiam in illa sua fortuna virtus, ut redire in gratiam cum Cæsare, illique regnum tradere promitteret. Sed inter illas tractationes pestilentia extinctus est. Celebre est hoc ipsius Apophtegma ante mortem, cum iussit, ut sibi mortuo detraherent pellem, illamque tympano obducerent. Fore enim, ut, sonante suo corio in præliis, hostes effuse fugerent.

Zischæ mors.

Et si non excusari possunt omnia facinora ipsius, tamen apparet eum præditum fuisse robore animi eximio, & fortuna ipsi miris modis respondit. Cæsarem etiam hostem, ex Bohemia non voluit plane excludi, & ipse solus aduersatus est, ne Coributhus Lithuanus reciperetur. Ipso etiam viuente nondum factæ sunt crudelissimæ vastationes in Silesia & vicinis regionibus.

Mortuo vero Zischa, cum Hussitici in duo agmina concessissent, quorum alterum & potentius ducebat Procopius magnus, alterum Procopius minor, crudelia latrocinia secuta sunt. Anno 1426. factum est initium irruptionum Hussiticarum in Silesiam. Duxisse eos scribitur ex vicina Morauia quidam sacrificus Morauus Brodicus, qui deinde Silesiam grauissimè vexauit.

Hussitici uastant Silesiam.

Vere huius anni, torrentis instar, peruagati sunt magnam partem Silesiæ superioris: oppida infirmiora vi capta dissiparunt & incenderunt, agris omnibus vastatis. A Nissa vrbe virtute ciuium repulsi sunt: Peruenerunt Hannouiam usque, & ipsa suburbia Vratislaviæ spoliata inflammant. Erant autem in illa caeterua non solum Bohemi Hussitici, sed latrones variarum gentium, Poloni, Morauii, Hungari, & alij.

Anno proximo sequenti eadem manus latronum rursus Silesiam inuasit, & fuit eorum tanta rabies, ut Laubenæ, Hannouiæ & Goldpergæ pueros in scholis, & sacerdotes in templis mactarent, & alioqui promiscuas cædes facerent, qualis legitur fuisse crudelitas Mycaleffi edita à Thracibus, quos attraxerant tempore

*Hussiticorum
rabies in Silesia.*

belli Peloponnesiaci Athenienses, qui eodem anno in Sicilia robur suum militare & imperium amiserunt.

Hussitici magni exercitus Germanorum profligarunt. Eodem anno ferme ex tota Germania, & vicinis etiam gentibus, ingentes exercitus in Bohemiam ducti sunt, & tamen ille flos Europæ, quasi panico terrore concussus, hoste nondum conspecto, foedissima fuga dilapsus est, omnibus impedimentis & machinis bellicis amissis. Memini honestum senem referre sermonem vetustum Bohemi, qui bello illi interfuerat: is dixerat, deprehensum fuisse manifestè, diuina virtute, non potentia Bohemica, Germanos tunc fuisse superatos.

Vratislavia & Suidnicia urbes defendunt Silesiam.

Anno 1429. Sigismundus rursus infelicitè laceffiuit Turcos. Amisso exercitu traiecto Istro fugit in Transsylvaniam. In Silesia, cum tota regio in motu esset propter arma Bohemica, ciuitates, Vratislavia & Suidnicia sese coniunxerunt, quæ, in reliquorum Principum aut ignauia aut imbecillitate, pro patria in excubijs fuerunt, de eaque optimè meritæ sunt.

Iohannes Princeps Monsterbergensis cecidit in prælio.

In aditu Silesiæ opposuit sese latronibus Bohemicis Iohannes Princeps Monsterbergensis: is in prælio fortiter dimicans non procul à Glocio die 26. Decembris interfectus est: percurrerunt deinde magnam regionis partem. Die Antonij, Vratislavienses eripuerunt ipsis Olauiam, & non procul à Suidnicia paulò post magnam cateruam eorum conciderunt, ademta sunt illis spolia, quæ ex Ducatu Lignicensi congesserant: 8. Octobris copiæ Vratislavienses Monsterbergam oppidum recuperarunt & arcem illius oppidi diruerunt. Mense Nouembri Hussitici per prodicionem adepti sunt arcem Otmachoniensem, quæ erat Episcopi, inde multas prædas egerunt. Anno 1430. Cœnobium Trebnicense diruptum est ab ipsis.

Vratislavienses reprimunt Hussiticos.

Sigismundus Cæsar abalienatus Vitoldum à fratre Vladislao.

Sigismundus reuersus à bello Turcico, cum acerbè odisset Polonum, qui non solum putabatur Coributhum & Polonos in Bohemia fouere, sed etiam insidiari Silesiæ, quia magna pars agminis Bohemici constabat ex latronibus Polonicis, inijt consilium, quomodo sereret lites domesticas, & Vladislao auxilia Vitoldi Lithuani, à quo totus pendebat, & per quem omnia bella confecerat, detraheret. Ipse enim manu minus erat promptus.

Vitoldo seni ambitioso Cæsar fecit spem, si profiteretur sese socium Cæsaris, quod vellet ipsi tribuere dignitatem regiam, & titulum regis Lithuanix. Gratum hoc fuit Vitoldo, & cum Poloni acerrime ipsi aduersarentur, totum sese ab amicitia eorum auertit, nec conqueuisset, nisi re perfecta, si non inopinata morte, vel peste vel veneno fuisset extinctus.

Ipse

Ipse Cæsar agebat conuentus Norimbergæ, & Iulianus Cardinalis legatus Pontificius, rursus totam Germaniam, in Bohemos armabat. Sed etiam illa expeditio, quæ suscepta fuit anno 1431. fuit infelicitissima, & totus exercitus pauidus, nunquam viso hoste, rursus in fugam effusus est, castra ipsa à Bohemis capta sunt, & in illis ornamenta Cardinalis legati, quæ pro ludibrio circumgestarunt.

Iulianus Cardinalis mouet infelix bellum in Bohemos.

Fuerunt in eo exercitu præcipui Germaniæ Principes, & inter illos Saxoniarum & Marchiarum Duces. Imperator exercitus erat Fridericus Marchio Brandenburgensis. Pulsis Germanis, Hussitici rursus rabiem suam in vicinos suos effuderunt. In Silesia populi usque ad Lubenam peruenerunt, quam cum expugnare non potuissent, facibus iniectis exusserunt.

In publico periculo coniunxerunt sese Conradus Cantienfis, Conradus Olfnicensis, Ludouicus Olaiensis, Ciuitates, Vratislaviensis & Suidnicensis. Mense Maio infelicitè obsederunt Creuzbergam, quod erat munitum præsidio Hussitico. Deinde totos menses duos frustra consumserunt in oppugnatione oppidi Nimicæ, & tamen inde etiam, amissis multis fortibus viris, nulla re perfecta, redierunt.

Sigismundus Cæsar, ubi bella Bohemica male videt procedere, nouam, sicut in eo eximia fuit sapientia, inijt rationem. Coibat opera sua Synodus Basileæ, eò inuitat Bohemos, ad causæ suæ declarationem in Synodo, quod faciebat eo consilio, vt legitimus seruaretur ordo cognitionis, & vt absentibus Primoribus Hussiticorum, inter ipsos Bohemos dissidia fereret.

Basiliensis Synodus.

Obsecuti sunt Bohemi, & splendidam legationem Basileam miserunt, in qua etiam fuit Procopius magnus: sed prius Egræ ipsis amplissima cautio à Synodo missa est, quæ etiam nostra ætate à socijs Augustanæ confessionis, concilio Tridentino proposita est, in ea hæc fuerunt capita: Vt ipsi quoque decidendi haberent facultatem: Vt sacra scriptura, veteris Ecclesiæ praxis, concilia & interpretes, cum sacra Scriptura consentientes, in ea controuersia essent loco iudicis: Vt ipsis domi liceret ipsorum sacra perficere: Et ne quid in ipsorum doctrinæ contemptum, aut vituperationem fieret.

Basiliensis Synodus formulam cautionis exhibet Bohemis.

Ostendunt istæ actiones, in illo cœtu Bohemorum fuisse homines nec indoctos, nec communium rerum in vita imperitos. In ipso autem concilio proposita fuerunt capita dissimilia, inter quæ hanc etiam quæstionem agitatam esse scribunt: An sacerdotibus liceat habere proprium: quamuis iniquitate aduersariorum, multa illis esse afficta constat.

Sigismundus Cæsar interea profectus est in Italiam, vt susceperet coronam Imperij à Pontifice, & vt Pontificem cum Synodo re-

*Sigismundus
Cæsar profici-
scitur Ro-
mam.*

conciliaret: fuit hoc anno 1432. In Silesia varij fuerunt motus, Hussitici ripam Viadri vtramq; in Silesia superiori latè rursus vastarunt, & multa monasteria, Trebnicense, Leubense, & alia exusserunt.

Anno 1433. Boleslaus Opoliensis, qui iuuabat & fouebat Hussitas, acie victus est à Duce Ratiboriense Nicolao. Mense vero Maio quidam latro nobilis, Dux Hussiticus, qui tenebat arcem Nimensem, Petrus Polonus, à copijs Vratislauiensem & Suidniensem profligatus & captus est. Eodem anno Sigismundo Romæ ab Eugenio Papa imposita est corona Cæsarea.

*Hussitici euer-
tuntur dome-
sticis dissen-
sionibus.*

In Synodo Basiliensi, dum disceptatur cum Bohemis, domi ipsorum dissensiones intestinæ natæ sunt. Nobilitas enim inuidens successibus & auctoritati Procopij, Thaboritas bello adorta est, commissa est pugna atrox, anno 1434, mense Iunio, Vbi vterque Procopius fortiter dimicantes in acie ceciderunt, Thaboritæ capti, in horrea inclusi sunt, & magna multitudo immisso igne crudelem in modum combusta.

*Gubena ur-
bis miserabile
excidium.*

Bohemos seditiosos, domo eiectiones à sua nobilitate, fouit & suscepit Vladislaus Polonus, eorumq; opera ex improviso magnam partem Marchiæ & Pomeraniæ crudelissimis cædibus, rapinis & incendijs vexauit: Ciuitas Gubena funditus destructa est, interfectis promiscuè omnibus, ita vt tunc dictum sit, oppidum illud commune sepulchrum suorum ciuium factum fuisse. Acerrime, propter hanc impiam societatem, Regem obiurgauit Sbigneus Episcopus Cracouiensis vir ingenuus & grauis. Non diu scelere illo lætatus est Vladislaus. Nam Calendis Iunij hoc anno valde senex mortuus est.

*Vladislai la-
gellonis mors
& mores.*

Fuit Princeps non sæuus, sed clemens & munificus vsque ad prodigalitatem, sed vaser adeo, vt plerunque Græca fide agere videretur. Oderunt eum sacerdotes, quod ipsorum census non multum augetet. Aded etiam indulgebat suspitionibus, vt ferme omnes coniuges, quas ex ordine habuit quatuor, adulterij reas faceret, & deinde re euulgata per totum regnum ipsis ignosceret. Reliquit ex vltima coniuge Sophia Ruthenica duos filios, Vladislaum & Casimirum admodum adhuc adolescentes.

Eodem anno in Silesia captus est Brodicus cum alijs quibusdam Hussitarum capitaneis. Sigismundus debilitatis viribus Bohemorum, egit cum ordinibus de pace, eamq; tandem confecit sub certis conditionibus, inter quas fuerit hæc: Vt Bohemis integer vsus sacrae coenæ permitteretur: deinde priuatim nobilitati permisum esse dicitur, vt bona sacra, quæ occuparant, sub certa pactione retinerent: Et Rochezanæ, qui erat præcipuus doctor ipsorum, facta est spes de Episcopatu Pragensi.

Anno

Anno 1435. Conradus Episcopus Vratislaviensis, cum alia ratione non posset recuperare Othmachaniam, munitam præsidio Hussitico, extorsit à ciuitate Vratislaviensi ductores Bohemorum captiuos, eosq; liberos dimisit, & sic sua arce potitus est.

Anno 1436. Sigismundus Cæsar Pragam ingressus est, & ab omnibus ordinibus honorifice susceptus. Decessit eodem anno, Calend. Aprilis Ludouicus Princeps Lignicensis. Conradus Episcopus Vratislaviensis, vt expleret suas lacunas, vltro prædia Hussiticorum in vicina Bohemia & Moria depopulatus est, eosq; magis irritauit.

Sigismundus Cæsar potitur regno Bohemie & moritur.

Etiā concordia in Bohemia non fuit diuturna, cum Cæsar Hussiticos propter religionem premeret. Sed ipse Sigismundus anno proximè sequenti, 1437. agens annum ætatis septuagesimum, qui æger, Praga iussit se in Hungariam deportari, cum metueret, ne Hungari, quos in comitatu suo habuit & dilexit, post mortem à Bohemis violarentur, in vrbe Morauiae Znomya 9. Decembris decessit.

Vxorem Barbaram paulò ante mortem, quæ nouas turbas moliebatur, & appetebat nuptias Regis Poloniae, custodiæ tradidit. Atque ita Cæsaris cadauer. & coniunx captiua, simul in Hungariam delata sunt: quod spectaculum etiam commonefecit homines de vicibus, & conuersione rerum humanarum.

Hoc anno tanta fuit fames in Silesia, vt passim populus herbas & gramina voraret, eamq; sæua secuta est pestilentia.

ALBERTVS CÆSAR, HVNGARIÆ
& Bohemiae Rex, Archidux Austriae,
Princeps Silesiae.

Sigismundus Cæsar, sapientia & bonitate præstantissimus: sed infœlix bellator, sine hærede masculo decessit, ante mortem auctor fuit proceribus vtriusque regni, vt Albertum Austriae Principem, cum quo Elizabetha filia Sigismundi nupta erat, eligerent. Obtemperatum est consilio Sigismundi, & ad Albertum summa rerum delata.

Alberto & coniugi imposita fuit corona regni Hungariae Calend. Ianuarij anno 1438. In conuentu etiam ordinum Bohemiae, cum expositum esset, Elizabetham natam ex præstantissimis Bohemiae Regibus longo ordine, & inter Bohemiam & Austriam foedus solenne conceptum extare, vt mascula sobole in altera familia deficiente, altera succederet: Albertus 6. Maij publice Rex Bohemiae est renunciatus. Non multo post Francoforti quoque ab Electoribus, ad Imperium Romanum vocatus est.

Albertus Austriae Exarchus peruenit ad imperium & alia regna.

PRIN.

PRINCIPES SILESIAE,
Olśnicenses & Stinauienses.

Quatuor erant Conradi Olśnicenses, ex quibus primus erat Episcopus Vratislaviensis, qui successerat Venceslao Lignicensi. Secundus dictus est Albus, Olśnicensis cui, sæpe res fuit cum Polonis, & qui Silesiæ propter fœdera Polonica fuit detrimento. Captus est à filio, & à gubernatione remotus. Tertius erat Conradus Volaviensis & Stinauiensis, pater Venceslai, qui fuit vltimus Princeps ex hac stirpe Stinauiæ. Quartus Cantienſis, qui vna cum reliquis ordinibus Bohemos repulit.

LIGNICENSIS.

Elizabetha vidua
 Ludouici, domi-
 na Lignicensis.

Henricus Lubensis postea ex testamento
 Venceslai Episcopi, Lignicensis.

Ludouicus Lubensis,
 vxor Margaris,
 Opoliensis.

Rupertus do-
 minus & mi-
 les Rhodius.

Margarita
 nupta Prin-
 cipi Opo-
 liens.

Heduigis
 ex dispen-
 satione
 Pontificis
 nupta Io-
 hanni
 Lubensi.

Iohannes Lubensis,
 vxor Heduigis
 Lignicensis.

Henricus Golt-
 pergensis non
 reliquit sobo-
 lem.

Fridericus Primus,
 vxor Ludomella
 filia Georgij Bo-
 hemiæ Regis.

Fridericus Secundus, Iohannes mor-
 tuus in adolescentia. Gregorius
 Brigenſis.

GLOGOVIENSES.

Mediam partem Glogouiæ & oppidum Guram tenebat Vladislaus Teschinensis, qui patri Boleslao successerat: Is anno 1442. duxit Margaritam filiam Comitum Ciliæ & Geritiæ, cum ampla dote, quam postea eiecit Iohannes Saganensis. Ducatum Glogouiensem obtinebat Henricus Decimus, qui Domicilium suum Freistadium collocauerat. Fuit Princeps sapiens, amansque quietis. Ditionem suam modestia & patientia sua immunem à vastationibus Hussiticis seruauit. Plura de illo leges in altero libro.

SAGA.

SAGANENSES.

Iohannes Saganensis frater Henrici Freistadiensis,
vir malus & tyrannus. Vxor filia Lantgrauj
Thuringiæ. Mortuus anno 1439.

Venceslaus vixit Vratislaviæ pri- uatus, omnibus cârus, obiit 1488. elatus est hono- rificentissimo fu- nere, sepultus in templo S. Barbaræ.	Rudolphus occubuit in bello Prute- nico.	Balthasar necatus à fratre in turri Pri- busiensi.	Iohannes Saganen- sis, & post mortem Henrici Vndecimi Glogouiensis: de- inde culpa sua pro- fugus & exul.
---	---	--	--

IN Silesia superiori dominabantur, Venceslaus Tropauiensis & Ratiboriensis, Bernhardus, Iohannes, & Nicolaus Opolienses. Silesiæ penè omnis tunc fuit status miserrimus, quæ quassata fuit bel-
lis, fame, pestilentia, & alijs cladibus: præterea in tanto numero
Principum, pleræq; ciuitates tunc valde exhauriebantur & attenua-
bantur. Vrbes, Vratislavia & Suidnizia tunc mediocriter flore-
bant, & erant Duces publici consilij.

BELLVM POLONICVM.

VLadislao Jagelloni successit anno 1434. in Polonia filius Vla-
dislaus adolescens, etsi inter ipsos ordines aliquandiu fuerunt
dissensiones. Gliscebatur autem tunc odium inter Poloniam & Sile-
siam. Quia, cum diu fuissent iræ inter Polonum & Cæsarem, nec
vnquam fida inter ipsos esset amicitia, ex leui occasione turbæ, præ-
sertim in limitibus, mouebantur.

*Vladislaus
Varnensis ac-
cepit regnum
Poloniæ.*

Deinde bello Hussitico agmina hostilia magna ex parte con-
stabant ex latronibus Polonis, qui nullum genus immanitatis præ-
termittebant in affligenda hac terra, adeò, vt consideranti excidia
tot vrbiũ, & interitus multorum innocentum hominum, appa-
reat Turcicam asperitatem & sæuitiam tunc fuisse editam. Imbel-
lem enim turbam Scholasticorum & Sacerdotum passim macta-
bant, & sæpe cum statuis homines etiam viuos, quoscunq; adipisci
poterant, exurebant. Ideo Principes & ordines irritati, interdum
rursus fines regni Poloniæ populabantur, & nulla erat firma con-
cordia inter has gentes.

*Silesiæ & Po-
loniæ inimicia
tie.*

Rebus hoc modo exulceratis superuenit nouus motus, qui a-
pertum bellum excitauit. Albertus enim Rex appellatus, non planè
approbauerat conditiones, quas ipsi tulerant procures Hussitico-
rum. Ideo illi alienati à Rege, anno 1438. vocarunt ad Regnum
Casimira

*Vladislaus
Varnensis op=
pugnat Alber=
tum Cæsarem.*

Casimirum, Vladislai Poloni fratrem, adolescentem tredecim annorum. Vladislaus, etsi intelligebat, istos conatus paucorum seditiosorum esse iniustos, & dissuadebant negotium illud præcipui & honestissimi ex nobilitate Polonica: tamen, ut natura hominum auida est gloriæ & opum, autor fuit fratri, ut acciperet regnum. Missa sunt auxilia bis mille equitum in Bohemiam, & simul facta spes, statim post secuturum esse Casimirum.

Verum Albertus, cum intelligeret consilia Polonorum, subito non expectatis omnibus copiis, in Bohemiam profectus est. Venit Pragam 11. Iunii, anno 1438. ornatus est corona regni, die Petri & Pauli. Habebant seditiosi, cum quibus Poloni sese coniunxerant, exercitum 14000. hominum.

Cæsar, quem iuuabant vicini Principes, Albertus Bauariæ, Fridericus Saxoniae, Albertus Marchio Brandeburgensis, contraxerat ad triginta millia hominum, & euestigio hostem insecutus est. Poloni quidem ab initio, Cæsari flagitanti prælium, masculè responderant: sed tandem sibi diffidentes, locarunt castra ad urbem Thabor, ne possent ad pugnam cogi. Venit in eundem locum Cæsar, & dies aliquot ibi castra habens, paruis præliis hostes fatigabat, & præcipue ex ingentibus machinis bellicis eos subinde impetebat, & plurimos discerpebat.

*Poloni in Bo=
hemia sum=
duntur.*

Poloni territi, campo relicto in urbem sese abdiderunt, quam cum per aliquot dies frustra obsedisset Cæsar, & exercitus fame laboraret Pragam reuersus est. Poloni vero re male gesta æmissis equis, pedibus domum reuersi sunt. Incidit in eos in reditu Fridericus Princeps Misnensis, penèque ab illis fuisset oppressus, sed tandem sese colligens totum agmen dissipauit, & multis interfectis, victor domum rediit.

*Vladislaus
Varnensis uad=
stat Silesiam.*

Interea Vladislaus laturus suis opem in Bohemia, Silesiam superiorem unà cum fratre ingressus est, & omnem agrum Bregensem & Nissensem latè vastauit, adeoque terruit aliquot Principes Silesiæ, ut promitterent, se deserto Alberto iuratuuros in verba Casimiri, quamprimum is coronam Bohemicam capiti imposuisset. Sed Vladislaus de clade suorum certior factus, exercitu dimisso domum rediit.

*Albertus Cæ=
sar uenit Vra=
tislauiam.*

Ex maiori etiam Polonia impetus est factus in agrum Glogouiensem mense Septembri, & pene per fraudem fuisset occupatum collegium Canonorum: sed à Glogouiensibus, quibus hoc fuerat nunciatum, cum clade reiecti sunt. Albertus vero Cæsar, cum iniecta esset mentio pacis conficiendæ inter ipsum & Polonum, sicut fuit amans quietis, & malebat arma opponere irruentibus Turcis, Praga in Silesiam profectus est, & per Gorlicium iter faciens, Vratislauiam venit 18. Nouembris eodem anno.

Venerunt ad Cæsarem Legati Poloni, quorum Princeps fuit Archiepiscopus Gnesnensis, sub initium anni 1439. quibus obre-

centes

cētes clades acceptas à Polonis, nullus est habitus honos. Actum est de pace, sed non conuenerunt. Induciæ modo ad breue tempus, annitentibus legatis concilij Basiliensis, factæ. Albertus Vratislauiæ statum Reipub. correxit, & accidit ipsi infaustum omen: Ex gradu prolapsus fregit pedem, & ab eo tempore claudicauit. Significauit proculdubio amissionem regni, & interitum stirpis. Vratislauiensibus ducem belli dedit Albertum Marchionem, qui postea nomen Achillis Germanici adeptus est, is fortiter repulit Polonos, & vicinas oras late depopulatus est.

Alberti Cæsaris lapsus Vratislauiæ.

Cæsar Vratislauiæ profectus est die Stanislai, properans ad bellum Turcicum. Antequam autem Turcos assequi potuit, cognouit Cæsarem Turcicum, capta arce Rasciæ, quam oppugnabat, & filio Despoti, cuius vxorem in matrimonio habebat, excoecato, domum rediisse. Ideo ipse Albertus etiam Budam reuertitur. In itinere ex immodico vsu peponum in dissenteriam incidit, & cum nihil reueritus vim morbi, Viennam in patriam proficisceretur, in itinere 27. Octobris in pago, qui longus dicitur, expirauit, Princeps præstans omnibus virtutibus heroicis, & qui toti Europæ prodesse potuisset, si Deus ipsi longiorem vitam tribuisset.

Albertus Cæsar moritur in Pannonia.

IN T E R R E G N V M.

TEmpus à mortuo Alberto vsque ad annum Christi 1453. quo Ladislaus posthumus regnare ccepit, nomino interregnum: Quia & Rex puer à regno aberat, & nullus erat gubernator Silesiæ, cuius magna esset autoritas. Ideo tunc fuit status miserabilis huius Prouinciæ, sicut plurimum semper solet esse mali in *ἀναρχία*. Affligebatur autem Silesia duplici malo, latrocinij domesticis, illisq; grauissimis, & simul excursionibus Polonicis. Graues enim erant inimiciæ inter regnum Poloniae & Silesiam. De illis igitur euentibus pauca sunt dicenda.

Extincto optimo Rege Alberto, in vtroq; regno, Hungariæ & Bohemiæ magnæ fuerunt disputationes & dissensiones de electione. Hungaris imminabat potentia Turcica, quæ indies maiores accipiebat vires, & iam adeptus erat regnum Amurathes Tyrannus acer & fortunatus. Ideo Principes regni, inter quos iam inclarescebat Huniades, iudicabant quærendum esse regem, qui tu-
tò Tyranno Turcico posset opponi.

Elizabetha vidua Alberti grauida, orabat vt electionem differrent, donec ipsa peperisset: tandem persuasa precibus potentum, assensa est, vt vocaretur ad regnum Vladislaus Polonus, cuius opes erant magnæ, & ipse robore animi etiam excellere videbatur. Legatis autem expresse mandata data sunt, vt, si regina Elizabeth, re nondum transacta, marem enixa fuisset, ipsi omisso toto negotio in Hungariam redirent. Sed quamuis Vladislao Cracouiæ nunc-

Elizabetha uidua Alberti postulata & res gesta.

ciatum fuit, reginam peperisse filium Ladislaum, cui proculdubio ex iure successio in regno debebatur: tamen Vladislao, etiam reclamantibus quibusdam ex nobilitate Polonica, hortatores fuerunt Hungari, ut progredieretur: Et probabat hanc electionem etiam Huniades: Quia iudicabat Turcis, minantibus excidia toti orbi Christiano, opponendum esse virum fortem & potentem, praesertim cum deinde putaretur inueniri posse ratio, qua regina placaretur, & posthumus ipse etiam aetate iam adulta regnaret.

Ladislaus
Posthumus
nascitur.

Ladislao im-
ponitur coro-
na in cunis.

Natus est vero Ladislaus Posthumus anno 1440. in Principio quadragesimae. Elizabeth mater coronam regni Hungariae, quam singulari quadam arte adepta fuerat, infanti die Palmarum in cunis imposuit, & cum Vladislaum venientem cum exercitu maueret, infantem cum corona misit educandum & custodiendum ad Fridericum Austriae Archiducem, qui recens in Caesarem Romanorum erat electus.

Ladislaus re-
nunciatur rex
Bohemiae.

Similes erant motus in Bohemia: Proceres post longam disceptationem, vocarunt ad regnum Albertum Bauariae Ducem, cuius tanta fuit virtus, ut legationi Bohemicae, offerenti ipsi amplissimum regnum, responderet: Non se spoliaturum infantem Ladislaum suo auito regno, & Patrimonio. Diuinam enim vocem, & exempla omnium aetatum docere, tragicas poenas talem perfidiam sequi: & praeterea prohiberi sese autoritate Caesaris, qui hoc vetuerit. Fridericus etiam Caesar, & regnum & regni gubernationem recusauit. Tandem igitur decretum est regnum Ladislao, & interea constituti sunt duo gubernatores, Mainardus, ad quem respiciebant Pontificij, & Ptarsco, quem sequebantur Hussitici. Sed illa concordia non fuit diuturna: superato & capto Mainardo, vniuersa potestas translata est ad Georgium Podiebracium, qui Ptarsconi defuncto successerat. Is autoritate Regia deinceps summæ rerum praefuit, & Ecclesias Hussiticas defendit. In Silesia tamen nullum fuit eius imperium, sed ordines singuli in suos regnabant, etsi Ladislaum pro Rege agnoscebant, & pro eo cum Polonis inimicitias exercebant.

Vladislaus
Varnensis oc-
cupat regnum
Hungariae.

Eodem anno Vladislaus Polonus ingressus est Hungariam cum maximo splendore: duxit secum opes ingentes, quas in suos effudit: post multam disputationem, in Alba regali coronatus est: & Corona Caluariae S. Stephani detracta ipsiq; imposita est: quod tunc etiam pro omine funesto plerique acceperunt. Sed paulo post multi ex ordinibus, quos prius terruerant arma Vladislai, rursus ad partes Vladislai sese conuerterunt: & nisi fortitudo Huniades Vladislaum defendisset, in graues calamitates incidere potuisset.

Huniades de-
fendit Vladis-
laum Varnen-
sem.

In illis excursionibus, quibus Huniades exercitus reginae Elizabethae reprimebat, primum celebre nomen militiae adeptus est. De familia eius non constat. Certum est eum natum fuisse ex nobili muliere

muliere Græca, patrem autem, ex fama constanti, habuit Sigismundum Cæsarem: Et si aliqui dicant, fuisse eum nobilem Valachum. Reginam tuebantur & iuuabant Germani, Austria, Morauia, Silesia, & aliqui Hungari, quibus grata erat memoria regum, Sigismundi & Alberti.

Fuit ex præcipuis ductoribus Iohannes Giscra Bohemus, cui, memorabili exemplo, post aliquot annos à Ladislao, sextum agente ætatis annum, gratia habita est. Impetrauerat ab Imperatore Giscra, ut sibi liceret inuisere & alloqui suum regem, ad quem cum deductus esset, dicitur ruisse in amplexus pueri, & dixisse: Video & teneo nunc tandem te mi Rex. Vtinam scires, quos pro te suscepim labores, & qualia vulnera pro te mihi infligi passus sim. En testantur de mea fide istæ cicatrices, patri tuo tibi quæ vitam deuouui. Nulla fortunæ commutatio meum erga te animum immutabit, sola mors me tibi auferet. Sed tu hæc per ætatem nondum intelligis, & subridens: Quale igitur à te præmium mei fidei accipio? Et quale das tuo militi stipendium? Ladislaus puer, miratus sermonem viri, & iam ex generosa indole amans virtutis, circumspexit, ecquid inueniret muneris digni suo milite. Arripuit tandem crumenam pendentem de paxillo, in qua Oeconomus seruabat argentum, quod solebat inter inopes distribuere, ex illa extraxit nummulos sex, neque enim reperiebat plures, eosque Giscræ donabat, quos ipse auro obductos, pro documento regis liberalitatis, deinceps ex collo gestauit.

Iohannes
Giscra Bo-
hemus.

Eodem tempore inciderunt & alij motus. Nam Concilium Basiliense Papam, qui sese autoritati concilij anteferebat nec illi parebat, loco mouerat, & elegerat Amadæum Sabaudia ducem, qui religionem ingressus fuerat, eumque nominauit Fœlicem. Vterque Pontifex suffragia in Europa colligebat, pro stabiliendo suo loco. Sed quia Fridericus Cæsar motus reuerentia erga Ecclesiam Romanam, Eugenij partes sequebatur, ideo Silesia & omnes vicinæ Prouinciæ eundem pro legitimo Pontifice agnoscebant, & paulò post Basiliense concilium dissipatum est, cum Monarchæ illud non defenderent.

Fœlix sua sponte Eugenio loco cessit: Academia tamen Cracouensis edito publico scripto confirmauit, concilij autoritatem potentia Romani Pontificis esse anteferendam. Ipse etiam Aeneas Syluius, qui tunc erat scriba Concilij Basiliensis, eandem defendit sententiam, & impugnavit tyrannidem Pontificum, qui tollerent iudicia ex Ecclesia: sed postea euectus ad Pontificatum, anathemate percussit omnes, quicunque negarent Pontificem concilio esse superiorem. Ita Christo per ludibrium in hoc mundo purpura iniicitur, & opinio religionis ad affectus hominum inflectitur.

Cracouensis
Academia de-
fendit conci-
lium contra
Pontificem.
Æneas Syluij
ingenium
uanum.

Interea dum in Hungaria Poloni cum Regina litigant & pugnant, Amurathes, vsus illa occasione grauiter oras Pannoniæ de-

M ij uastauit:

Huniades re-
primit Tur-
cos.

uastauit: aduersus quem cum missus esset Iohannes Huniades, tri-
bus splendidissimis victorijs Turcos repressit, duobus Bassis inter-
fectis, & tertio in fugam pulso.

Elizabetha
uidua Alberti
extinguitur.

Anno 1442. cum magno studio partium ageretur de con-
cordia inter Vladislaum & Elizabetham fancienda, & cum inuen-
tæ essent concordie rationes, spem pacis repentina mors Eliza-
bethe interruptit. Fuerat ea cum rege collocuta, reuersa vero domum
magnis torminibus ventris intra triduum extincta est. Decessit
24. Septembris die. Retulerunt aliqui ex medicis, correptam
eam fuisse vteri inflammatione, & dissenteria perniciofa: Alij au-
tem suspicati sunt, eam venenum hausisse. Mortua regina, à Bohe-
mis, qui Ladislai partes tuebantur, pax est turbata.

Interea in Silesia perpetuæ erant excursiones Polonorum &
Silesiorum, cum magna clade vtriusque gentis, & omnia itinera in-
festa erant grauissimis latrocinij, quæ multi ex Principibus supe-
rioris Silesiæ fouebant, adeo vt magnæ vrbes ab ipsis occuparen-
tur & vastarentur.

Leonhardus
Hassenheimerus
rus Austria-
cus Dux Si-
lesiorum.

Anno 1442. venit in Silesiam capitaneus Austriacus Leon-
hardus Hassenheimerus, missus ab Elizabetha, vt esset Dux belli
contra Polonos: receptus fuit à Vratislaviensibus, & bonam ope-
ram initio in reprimendis Polonis nauauit. Sed interuenerunt do-
mestica dissidia. Nam Conradus Albus Olsnicensis, qui superiori-
bus annis, deserto Rege Ladislao, sese coniunxerat cum Polonis,
magnum agmen Polonorum in Silesiam duxit. Vratislavienses
impares numero illorum, pacti sunt inducias cum Conrado. Sed
suburbia Lignicensia vastata & exusta sunt: sicut & multa ex vicin-
is locis.

In vniuersa igitur misera hac Prouincia, quæ tota plena fuit
multiplici Ate, vix vna fuit benigna Lite, Henricus Freistadiensis,
qui multis offensionibus hinc inde medebatur, & suum patrimoniu-
m tuebatur. Vratislaviensis etiam ciuitas, sua virtute & sumtu
grassatores repressit. Nam alioqui hæc prouincia in aliorum per-
uenisset manus. Conradus autem Episcopus, cuius erat πολυπραγμο-
σύνη infelix, multa mouebat, & tantum noua incendia concitabat, &
clades suis vrbibus accersebat.

HISTORIA CLADIS Varnensis.

Anno 1443. fuit initium expeditionis in Turcos, quam deinde
clades Varnensis est secuta. Etsi autem illæ res gestæ non pro-
ximè attingunt Silesiam, tamen, cum sint memorabiles, & toti orbi
Christiano communes: Quia etiam Silesia tunc cum regno Hunga-
riæ fuit coniuncta: nos eas breuiter, & explicatè exponemus, secuti
in pri-

inprimis Duglossum, qui ea ætate vixit, & floruit, & historiam planius certiusque, quam plerique alij, descripsit.

Ineunte æstate huius anni, Nonis Iunij, valido terræmotu concussæ sunt istæ regiones omnes, Bohemia, Silesia, Polonia, & inprimis Hungaria, ita vt magna ædificia & arces passim corruerent. Amurathes, etsi superiori anno à septimestri obsidione Belgradi, quod Taurinum apud veteres fuisse putatur, cum clade repulsus erat, & deinde tribus prælijs legatos ipsius vicerat Huniades: tamen, cum ipse, vt olim dictum est, ignem spiraret, maximo studio bellum redintegrait, sperans in illa Europæ distractione, nullas vires ipsi pares futuras. Ideo missa legatione, nulla alia conditione Vladislao pacem offerebat, nisi aut tributum solueret, aut Belgradum traderet.

Terræmotus in regno Hungariae, Bohemiae & Poloniae.

Amurathes frustra obsedit Belgradum.

Regem adolescentem & cupiditate gloriæ flagrantem accendebat ista Turci superbia, & præterea cohortationes Iuliani Cardinalis, qui missus erat ab Eugenio, vt bellum in Turcos concitaret. Decretum est igitur à Concilio Hungarico bellum in Amurathem. A Cæsare & Germanis nulla auxilia impetrauit Vladislauus, cui Imperium irascebatur propter Ladislaum. Fridericus tamen, ne salutem publicam impedire videretur, in biennium cum eo inducias pactus est. Opera vero Iuliani confluit quædam multitudo promiscua, cui Cardinalis crucem præferebat, pro eius ætatis consuetudine.

Amurathi denunciat bellum.

Vladislaum iuuabant Poloni mediocribus cum copijs, quamuis ipsis bellum hoc minime placebat. Egressus est Rex Buda 22. Iulij, & adortus fines Turcicos, plurima in Bulgaria & Rascia cepit oppida. Cum obuium post aliquot dies exercitum Turcicum haberet, Huniadem cum decem millibus militum præmisit, is de nocte castra Turcica oppressit, eaque foelicitate rem gessit, vt agmine illo ad internecionem trucidato, dicantur interfecta esse ad triginta millia Turcorum: Per Bulgariam deinde ad ipsam vsque Macedoniam penetrarunt. Fauces autem montium Hemi obsederat grandis exercitus Turcicus, ductore Carambeio Amurathis propinquo, Asiæ minoris Satrapa, cui Cæsar suus serio edixerat, ne in aciem prælij cum hoste animoso descenderet, sed iterum claustra obseruaret.

Vladislai Varnensis prima expeditio in Turcos.

Huniades magnam stragem Turcorum cepit.

Carambeius verò contemta paucitate exercitus Regij, pridie natalis Saluatoris, vltro Christianos aggressus est. Contracta est igitur acerrima pugna, in qua rursus fortuna & virtus Huniadis enituit. Præcipue enim opera ipsius totus ille exercitus fusus & dissipatus est. Carambeium captum à gregario milite, Huniades quadraginta aureis emit, eumque deinde vendidit quinquaginta

Huniades Carambeium Turcum profligatum capit.

M iij milliæ

millibus. Rex, quo minus ulterius progrediretur, fame, quæ toti exercitui grauis erat, impediabatur.

Vladislaus
Varnensis ui-
stor domum
regreditur.

Amurathes
petit pacem
à Vladislao.

Sub initium igitur anni 1444. confectis magnis itineribus cum triumpho Budam rediit. Illectus his lætis initijs belli Vladislaus, omnibus viribus, missis hinc inde legatis ad Monarchas, bellum parauit, & cum factione Ladislai inducias fecit. Interea Amurathes, remittens suos spiritus, pacem ab Vladislao petere constituit. Quia vires ipsius aduersa prælia suorum ducum lan- guescerant, terrebat eum consociatio etiam armorum inter Christianos Principes, & præcipuè, quia Asiam populabatur Princeps Carmanorum, quem præ omnibus alijs vlcisci cupiebat.

Habuit in conficienda pace adiutorem Despotum exulem, cuius regnum & filios possidebat Turcus: is emollire animum Huniadis, à quo summa rerum pendebat, conatus est: Perfecit ut Carambeius ab ipso maximo precio redimeretur: Deinde ipse Despotus promisit, se daturum Huniadi omnia oppida & arces, quas ex liberalitate regum Hungariæ tenebat.

Huniadem virum fortem & sapientem mouebant non solum præmia, sed consideratio status rerum Hungaricarum, qui erat vehementer perturbatus, & videbat non esse eam coniunctionem Christianorum Principum, quæ Tyranno Turcico posset opponi. Fuit igitur autor suo Regi, ut legatos Turcicos, acturos de pace, audiret.

Amurathes
durissimis con-
ditionibus im-
petrat pacem
à Vladislao.

Admissi sunt ad regem, sedentem in concilio augusta cum dignitate, & pacem re disputata grauissimis cum conditionibus acceperunt. Spondebant enim Amurathis nomine, Cæsarem ipsorum cessurum de omnibus Prouincijs regno Hungariæ contiguis, ad ipsam usque interiorem Græciam, & redditurum Regi quindecim fortissimas & locupletes vrbes & arces, præterea totam eam regionem, quam Despoto ademerat, vna cum filijs captiuis. Accipit hoc Rex, & pauci sunt illis constituti dies, quibus ista imple- rent.

Ita igitur pactus est inducias cum illis in decennium: & dicuntur solennia interuenisse iuramenta. Hungari enim positæ digi- tis in codicem Euangelij, Turci autem in Alcoranum suum, iura- runt, sese seruaturos pacem sine dolo. Amurathes confecta ut re- batur pace, subito omnes suas copias in Asiam ad bellum Carma- nicum traduxit.

Non multo post præfecti classis Pontificiæ, & ipse Impera- tor Constantinopolitanus Palæologolus, Vladislao nunciarunt,
totum

totum mare Aegeum iam à classe Christianorum teneri & obsideri, nec Amurathi vsquam transitum in Europam patere, eumq; hortantur summis precibus, ne tam pulchram occasionem debellandi Turcum amitteret, sed in Græciam progrediretur. Hanc oportunitatem arripuit Iulianus Cardinalis, qui semper pacem dissuaserat, & instabat, vt Rex bellum prosequeretur.

Iulianus Cardinalis Pontifex & Græci turbant pacem cum Turcis.

Huic, cum honesti homines ex Hungaria, & præcipuè ex Polonia, religionem iuramenti opponerent, & monerent, ne Regem adolescentem scelere inuolueret, respondit is: Recens foedus cum Turcis esse irritum, quod factum fuerit inscio Pontifice, sine quo Reges alij non possent inire pacta cum hostibus Ecclesiæ. Sese igitur autoritate Pontificia Vladislaum à iuramenti religione absolvere. Præterea Turcos, cum intra diem octauum munitiones, vt promississent, non reddidissent, foedus violasse.

Hæc Pharmaca, in speciem modo prudentia, imponi conscientiae suæ passus est Rex adolescens, quem dulcedo gloriae, iam degustata, huc illuc impellebat. Huniades difficulter assensus est, sed tandem, ne ipse solus videretur deesse communi causæ, cessit cupiditati Episcoporum, qui fatali cœcitate sine modo bellum vrgebant: & vt fideliores, magisque promptam nauaret operam Huniades, promissum est ipsi Bulgariæ regnum finito bello.

Ne autem Rex mutare posset animum, Iulianus ipsum & nobilitatem regni coëgit sub iuramento promittere, quod mense Septembri eius anni inchoare vellent bellum, & exemplum iuramenti illius, quod est terribile, misit ad præfectos classis Italicae.

Post medium igitur mensis Septembris, Rex castra in Turcos mouit, & exercitum longe infirmiores quam anno superiori eduxit. Nam præter quindecim millia equitum Hungarorum & Polonorum, erat peditatus non magnus, qui fermè constabat ex militibus promiscuis, cruce signatis. Sparsa enim fama de pace, plerique illorum dilapsi erant, multi etiam terrore iuramenti retinebantur. Ipse Rex visus est minus alacer, quàm consueuerat, etsi sacerdotes eum subinde inflammabant.

Vladislai Varnensis altera expeditio in Turcos.

Vladislaus Varnensis habet infirmum exercitum.

Turci, vti conuenerat in foedere, filios Despoti remiserunt, & munitiones etiam plerasque reddiderunt, ne vlla penes ipsos videretur residere culpa. Istrum Rex transijt tertio Nouembris, & constituerat recto itinere petere Hellespontum, vt sese, cum classe Italica, quæ ibi stare dicebatur, coniungeret, quia autem, fauces Hemi superare exercitu minus valido, ipsi erat difficile, de-

M iij flexio

flexit ad leuam versus Pontum Euxinum, vt deinde in littore recta descenderet.

*Dracula Va=
lachi colloqui
um cum Vla=
dislao Var=
nensi.*

Ad Nicopolin Bulgariae metropolin cum castra haberet, venit ad eum Dracula Valachiae Princeps, qui cum inspexisset exercitus regii paucitatem : Rex, inquit, scio ego, Caesarem Turcicum frequentius agmen ad venationes solere educere, quam tuæ istæ sunt copiae, quibus eum debellare cogitas. Reuertere igitur in tuum regnum, & tibi tuisque parce.

Nihil mouit regem Dracula. Mittam igitur, inquit, ad te filium meum cum militibus quater mille, & simul duos perniciosissimos equos, duosque iuuenes Valachos, fidos & viarum omnium peritos, vt post aduersum belli casum, vnâ cum filio meo te periculo eripias.

Rex sermonem Draculae contempsit, quia fidebat classi. Munitiones quidem Turcicas summa vi adoriri noluit, sed parcebat militibus. Turci tamen, qui multum metuebant Vladislaum, sua sponte arces quasdam tradiderunt, & ipse aliquot etiam expugnauit.

*Amurathes
redit in Eu=
ropam.*

Interea Amurathes cognita expeditione Regis in Græciam, fremens & gemens, ex Asia cum exercitu 80000. vt tradit Iouius, in Europam mira celeritate sese prorumpit, & Hellepontum, nemine prohibente, paruis nauibus traiecit. De eo traiectu, qui toti orbi Christiano magnas clades attraxit, diuersæ sunt narrationes: Putant aliqui, hoc accidisse ex negligentia Italorum, aliqui etiam memoriae prodiderunt, Genuensibus in singula capita singulos aureos datos, vt Turcos transportarent. Quocunque autem modo res cecidit ea, siue fœcordia, siue perfidia, præcipue Tyrannidem Turcicam, qualis nunc est, stabiliiuit.

*Italica classis
segniçies per=
didit Vladis=
laum.*

*Vladislaus ca=
pit Varnam.*

Fuit hoc cito nunciatum Regi, is tamen magno animo institutum suum prosecutus est, & properauit Constantinopolin, vt cum Paleologo sese coniungeret, Die 9. Nouembris dedita ipsi est Varna, quæ aut Anchialos, aut Dionysipolis veterum fuit, & vix viginti miliaribus nostris Constantinopoli abest, non procul à littore Ponti Euxini.

Cœpit statim Vladislaus Varnam munire, Sed decimo Nouembris sub ortum solis nunciatur iam conspecta esse castra Turcica, & hostes ad prælium progredi. Subito igitur per castra denunciatur prælium, & rege ex abscessu pedis laborante, Huniadi datur negotium instruendi aciem. Machinae bellicæ, in quibus futurum erat maximum ad victoriam momentum, exercitum non erant consecutæ.

Instruxit

Instruxit Huniades aciem ad figuram Lunæ falcatae, eamque curribus & impedimentis clausit. Expectatum est in campo ad tres horas consistentibus suo ordine militibus, interea vehementes flatus Caurorum coelo sereno orti, signa quæ in terram defixa stabant, abriperunt, & concerpserunt: quod pro tristi omine statim acceptum est.

Varnense prælium antecessit omen infaustum.

Turci circumductis copiis suis per montes, agmen dextrum, ubi Episcopi cum suis Hungaris consistebant, aggressi sunt, quorum equi cum territi essent à Camelis, qui odore inimico solent esse graues equis, effusa fuga ad montes trepidè dilapsi sunt. Sed in altero cornu melior erat fortuna. Nam Huniades & ipse Rex, Turcos latè profligarunt & submouerunt: demum conuersi ad alterum cornu, ubi adhuc Iulianus Cardinalis cum paucis pugnabat, etiam hostem dissipant, magna multitudine trucidata.

Varnense prælium.

In hoc rerum statu, Huniades fugientibus nullum locum respiciendi concedens, acriter eos persequitur, interea Rex adolescens cum parte copiarum non magna, in qua præcipua erat nobilitas Polonica, dissipato equitatu Turcico, inuadit Phalangem pedestrem Ianizerorum, ut nominant, in qua constiterat ipse Amurathes, & suos trepidos ex fuga recipiebat: neque videbatur periclitari velle de summa rerum, cum de victoria iam desperasset: Huniades, audita infœlici temeritate regis, magnis precibus eum frustra reuocat, & obtestatur, ut postquam satis gloriæ partum esset de hoste, aliqua ex parte superato, reciperet se in castra. Suos enim dissipatos & defessos, non futuros pares robori Amurathis. Respondit Rex animosius quam cautius: Turpe esse illi, qui bellum intulisset, fugere.

Vladislaus Varnensis in principio pugnae fuit superior.

Adortus igitur Amurathem, contraxit cum eo acerrimam dimicationem, & quamuis equitum non magnus erat usus propter imbrem sagittarum, quibus equi confgebantur, & viæ cuspidibus impediabantur, tamen manus prætoria insignem edidit stragem in hostili exercitu, adeo ut tota acies nutare & fugam spectare videretur.

Huniades frustra reuocat Vladislaum præliantem.

Relatum etiam est, ipsum regem sua manu Bassam Asiaticum magni nominis virum mactasse, atque iudicatum est, tunc victoriam adhuc penes regem futuram fuisse, si Huniadi denuo morienti paruisset, & prælio excessisset. Sed cum nihilo secius in confertissimos hostium cuneos impetum faceret, & tamen sui, sole iam occidente, aut ad prædam, aut ad fugam dilaberentur, circumuentus à globo Ianizerorum, confosso equo periit, cum iam esset crepusculum. Exitum tamen Regis nemo certo retulit.

Vladislaus Varnensis interficitur.

Nocte sequenti, qua pugnantes oppressi fuerant, utraq pars se victam credidit. Et cum Huniades, qui cadauer regis frustra conatus

natus

*Huniades col-
ligit reliquias
ex prælio Var-
nensi.*

natus erat recuperare, reliquias exercitus per montes in Valachiam duceret, dicitur vnus ex Turcis eos inclamasse : Quo fugitis viri Hungari cum victoria vestra sit : & in castris regijs multi, qui fugam Turcorum conspexerant, regem suum victorem reditum sperabant.

*Episcopi in-
terfecti in
prælio Var-
nensi.*

Tertio demum die castra capta sunt, edita miserabili cæde promiscuæ multitudinis, mulierum, puerorum, sauciorum. Episcopi ferme omnes, qui primi sese in fugam coniecerant, interfecti sunt. Iulianus Cardinalis, qui diutius restiterat, dicitur se adiunxisse Huniadi, & tamen etiam is, incertum quo casu, ab hostibus an ab amicis in reditu periit. Narrant eum à Valacho spoliatum, & in flumen proiectum esse. Ex Polonis scribuntur tantum duo euasisse fuga, sed ex captiuis multi domum remissi sunt.

*Amurathes
adeptus victo-
riam cruen-
tam.*

Existimatum est, ex Christiano exercitu, in pugna non cecidisse supra quinque millia hominum, cum Turcorum supra triginta millia perissent, adeo vt ipse Amurathes dixerit, actum de se fore, si iterum hoc modo esset vincendum. Ex nostris tamen maior pars in longa fuga extincta est, nec effugisse putatur tertia pars. De Polonis captiuis memorabilis refertur hæc historia.

*Varnense præ-
lium secutum
est memorabi-
le factum.*

Delecti fuerunt ex omni numero captiuorum, duodecim ingenii adolescentes Poloni, forma corporis, & pulchra carnositate eximij, illi secernebantur, vt circumcisi seruirent foedæ libidini Tyranni. Deducti fuerunt in cubiculum, & cum intellexissent, qualis esset futura ipsorum conditio, in necem Amurathis coniurarunt, sed cum in societatem parum caute adhibuissent quendam Bulgaram, ab ipso sunt proditi. Illi tamen, re patefacta, vt crudelibus supplicijs, quæ in ipsos statuebantur, sese eriperent, foribus cubiculi obseratis, intus mutuis vulneribus sese confecerunt.

*Varnensis cla-
des fuit poena
violatæ fidei.*

Hæc est illa clades Varnensis, post quam robur Christiani nominis Turcis coepit esse despectui, & subinde crescente potentia Turcica, vicinorum regnorum ruinæ & interitus secuti sunt. Statuerunt autem, illa etiam ætate, pii & prudentes homines, hoc triste exemplum iræ Dei referendum esse ad has comminationes diuinas : Non habebit Deus in fontem eum, qui vanè vsurpauerit nomen eius. Item : Væ qui spoliās, quia spoliaberis.

Attraxerunt Regem adolescentem & imperitum in alienum patrimonium Hungari. Deinde contra datam fidem sub graui obtestatione nominis Dei, & imprecatione diuinæ iræ, rupta sunt foedera, cum canerent classica sacerdotes, Cardinalis & Episcopi, ideo secutus est tam tragicus exitus, & ipsæ tubæ belli, vna cum rege & exercitu interierunt.

Scribitur

Scribitur Amurathem, in primo prælii concursu aspicientem statuat crucifixionis Christi, quam pro signo circumferebat Cardinalis, alta voce inclamasse: Crucifixe, si Deus es, effunde iram tuam in populum tuum, qui iuramentum sub tuo nomine factum, scelerate violant. Ipse Rex cum caderet, vix dum excesserat annum vigesimum. Indoles in ipso fuit mirifica ad omnes magnas virtutes, sed in illa ætate, cum regeretur aliorum consilijs iniustis & perniciosis, & ipse nimis audus esset gloriæ, incidit in hanc tam tristem calamitatem.

*Amurathis
uox in prælio
Varnensi.*

*Vladislai Var
nensis ætas &
ingenium.*

Eodem anno memorabile prælium ad Basileam factum est. Nam Delphinus Gallicus, incitatus à Romano Pontifice, ad dissipandam Synodum Basiliensem, exercitum viginti millium, qui plerique fuerunt collecti ex Armoricis, ad moenia Basileæ adduxit. Etsi autem dilapsi sunt Episcopi, qui ad Synodum conuenerant: tamen Gallicus exercitus, qui in illa tota ora Germaniæ magnam crudelitatem exercuit, poenas dedit.

*Heluetiorum
pugna ad
Basileam.*

Nam cum subito ex obsidione Tigurina, quatuor millia Heluetiorum accersita essent, ab hoc exercitu exiguo magna multitudo Gallorum interfecta est. Fuitque tanta virtus Heluetiorum, ut, quamquam numero longè impares essent hostibus, tamen non cesserint, sed in prælio omnes pugnantes interfecti sint, præter nouem viros. Nec aliud exemplum legimus similis pugnae Spartanorum ad Thermopylas.

Accidit & alius casus memorabilis. Nam cum postridie in loco prælii obambulare nobilis quidam, hostis Heluetiorum, & videret quendam ex suis lethaliter vulneratum ibi animam agere, monuit eum, ut læto animo tolleraret lotionem eam rosaceam, significans cruorem Heluetiorum copiose fusum. Hunc sarcasum cum exaudiret miles Helueticus, qui prope in eodem loco moriebatur, subsidens in genua saxum arripuit, eoquæ caput nobilis illius fregit, ita ut paulò post etiam expiraret. Nunc reuertimur ad res Silesias.

Vagabantur in Silesia, præsertim superiori, magna agmina latronum Bohemicorum, Polonorum, & indigenarum, quibus sese coniunxerat Conradus Albus Olśnicensis, illi grauiter vexabant oppidanos & agricolas. Respublica Vratislauiensis foedus fecit cum Vilhelmo Tropauensi, qui tenebat etiam ducatum Monsterbergensem. Multas arces, occupatas à prædonibus, expugnarunt, & diruerunt anno 1443.

Silesia affligitur à latrocinis.

Anno proximè sequenti, Conradus Episcopus, fratrem Conradum Album, qui iuuabat hostes Silesiæ, captum Vratislaviæ, misit Nissam, & tandem dimissus est, cum interuenisset grauis sponsio de seruanda pace. Sed tamen idem Conradus paulò post ad ingenium suum rediit. In Polonia minori belligerabatur Boleslaus Opoliensis, cuius fuit magna autoritas, & iuuabant eum vicini Principes.

Principes. Causa belli erat, quod Sbigneus Cardinalis Cracouiensis, pecuniæ summa non magna, arte quadam vsus, ad se transtulerat agrum Seueriensem in ditione Teschinensi.

Anno igitur isto Boleslaus mercatores Cracouienses ituros ad nundinas Vratislavienses ad diem nati Baptistæ oppressit, illisquæ ducenta millia aureorum ademît. Demum Rege interfecto fuit conuentus in Glogouia minori, & ibi inita aliqua pax quæ tamen non fuit diuturna.

Huniades captus à Dracula.

Anno 1445. in Hungaria res perditæ, seruatae sunt Dei beneficio, & virtute vnus Huniadis. Huniadem reuertentem ex pugna Varnensi, ceperat Dracula Valachus, & tamen eundem paulò post dimisit. Huniades domi collectis, quas potuit, copijs, Turcos, qui inuaserant Pannoniam, ad Sauum fluuium nocturno prælio ingenti vicit & deleuit, atque ita eripuit Amurathi spem potiundi regni Hungariæ. Repressit etiam Vlricum Comitem Ciliæ, qui Prouincias aliquas Sclauonicas, pertinentes ad regnum Hungariæ, ad sese transferre conabatur.

Huniades rursum reprimittur Turcos.

Huniades re-nūciatur Prorex Hungariæ.
Huniades interficit Draculam Valachum.

Deinde eo in conuentu, quo Hungari Ladislaum puerum regem suum nominarunt, Huniades ab omnibus ordinibus appellatus est Prorex Hungariæ, & statim post infidum Valachum, qui attrahebat Turcos, bello superatum cepit, & vna cum filio altero interfecit, alteri autem filiorum vitam & libertatem seruauit. Vere igitur fuit murus Christiani orbis illo difficili tempore.

In Silesia Conradus Episcopus Vratislaviensis, cum iniquitate temporum, & infauitis bellis oppressus, maximam partem Episcopatus amisisset, aut valde debilitasset, volens cessit ea dignitate, & non multo post mortuus est: Ei successit Petrus, quem nominant Nauacum: ea res præbuit occasionem nouo motui. Nam cum Principes, qui ipsi maluissent induere exuias Conradi, dolerent prælatum ipsis esse alienum, Vilhelmus Tropauiensis arma conuertit in bona Episcopi, & paucis diebus ferme totam ditionem deuastauit. Tandem eodem anno, post clades acceptas, Vilhelmus reconciliatus est collegio sacerdotum, opera Vladislai Glogouiensis Principis.

Leonhardus Hassenheimerus plectitur capite.

Vladislaus Glogouiensis infert bellum Vratislaviæ.

Anno sequenti in Nouoforo oppido, mandante Senatu Vratislaviensi, capitali supplicio affectus est Leonhardus Hassenheimerus Dux copiarum Vratislaviensium, accusatus propter perfidiam & proditionem à suo magistratu. Propter eam causam Vladislaus Glogouiensis & Teschinensis denunciauit bellum Vratislaviensibus, illosquæ grauiter afflixit. Sedata est hæc controuersia triennio post à Petro Episcopo. Ita vere misera fuit conditio harum regionum, quarum Rex puer erat.

In Po,

In Polonia Vladislao successit Casimirus frater, etsi diu fuit tergiuersatus, antequam acciperet regnum, ut à Polonis aliquid extorqueret pro Lithuanis, quibus fauebat. Anno 1448. in Hungaria infelicitè cum Turcis dimicauit Huniades.

*Casimirus
Tertius accepit regnum
Poloniæ.*

Amurathes inuadebat Hungariam, illi ultro obuiam cum exercitu 22000. processit Huniades, qui perpetuò erat in excubijs pro suo regno, & tunc oblata videbatur noua occasio rei bene gerendæ. Nam fœdere coniunxerat sese cum Huniade Alexander Princeps Epirotarum, quem Turci Scanderbassam appellant, vir acerrimus, & præliator fœlix contra Turcos: ita ut ab initio regni Turcici non legantur vixisse viri, quorum fuerit virtus & fortuna maior in reprimendis Turcis, quàm fuerunt isti duo, Huniades & Alexander.

*Huniades successit
peratur à
à Turcis.*

*Alexandri
Scanderbassæ
uirtus.*

Tunc autem ad constitutum diem adesse non potuit Alexander. Quia Georgius Rasciæ Despotus, qui post cladem Varnensem Amurathi fuerat reconciliatus, eiusque beneficio ditionem suam recuperauerat, eum impediēbat. Huniades tamen nihil formidans vim hostilem, conflixit cum Amurathe toto triduo. Tandem autem multitudine superatus cessit.

Ceciderunt ex Hungaris Octo millia, ex Turcis triginta quatuor millia. Adeo cruenta fuit victoria Turcorum. Huniades fugiens interceptus est à Despoto, nec dimissus est, priusquam pro se daret obsidem filium Ladislaum, quem tamen pater paulò post bello repetijt & recepit.

*Huniades captus
pittura Despoti.*

Cum vero Turci, irati Despoto propter dimissionem Huniadum, inuaderent Rasciam armis, Huniades subito collectis copijs, eos ita terruit, ut ignominiosa fuga domum dilaberentur. Ita verum est, solam eam dextram, quam Deus heroica uirtute & fortuna armat, esse fortunatam. Amurathes eodem anno mortuus est, & reliquit successorem, terribilem generis humani tyrannum, Mahometum filium. Huniades non multo post reconciliatus est Cæsari Friderico, cui indixerat bellum, quod coronam regni Hungariæ, & Ladislaum Regem retineret apud sese, cum puer, importunis postulationibus regnorum suorum omnium, exposceretur.

Huniades uincit Turcos.

*Mahometus
incipit regnare.*

Cæsar Huniadi, qui Austriæ oram vastauit, ignouit, Sed Ladislaum non dimisit, cum haud dubiè præuideret & metueret euentum, qui postea secutus est. In Silesia propter mutationem monetæ multum fuit dissensionum. Cudebatur enim

N fermè

fermè in omnibus ciuitatibus moneta, eaque vilis, ideo Poloni eam non recipiebant, & impediabantur commercia.

Vrbs autem Vratislaviensis, cuius magni referebat, habito delectu, multarum ciuitatum & Principum monetam edicto publico vetuit expendi, vnde per multos annos ea de re litigatum est. Conradus Albus Olsnicensis pater à filio Conrado Albo iuniori vnà cum matre captus est, opera quorundam ordinum in Silesia, quia erat in odio, quod coniungeret sese cum Polonis contra Silesiam. Tandem intercedentibus Episcopo Petro, & Vladislao Glogouiensi, ex carcere dimissus est, cum filio omnem suum Ducatum cessisset, atque ita Vratislaviae vitam suam finijt.

*Ladislauus
puer Romæ
coram Pon-
tificis per-
orat.*

Anno 1452, profectus est in Italiam ad suscipiendam Coronam à Pontifice Cæsar Fridericus, qui in suo comitatu duxit Ladislaum Regem: is cum esset puer duodecim annorum, Romæ coram Pontifice Nicolao recitauit longam orationem Latinam, qua prædicabat dignitatem Romani Pontificis, eaque adhuc extat.

LA DISLAUS POSTHVMVS,

*Hungariæ & Bohemiæ Rex, Archidux
Austriæ, Princeps Silesiæ.*

*Ladislai Præ-
ceptor conij-
citur [in car-]
cerem.*

GRaue erat omnibus Prouincijs Ladislai, regem detineri in aula Cæsaris: & sperabant, futurum meliorem statum omnium regnorum, si ipse Rex sua præsentia turbulentos tereretur. Sed Cæsar nullo pacto adduci potuit, vt puerum in ea ætate alienæ fidei crederet, & præceptorem Ladislai, virum alioqui eruditum, qui in itinere Italico, conatus fuerat furtim Regem abducere in sua regna, depræhensum, in carcerem coniecerat.

*Ladislauus di-
mittitur à
Cæsare Fri-
derico.*

Cæsari autem reuerso ex Italia, Austriaci, quorum princeps erat Vlricus Ciliæ Comes, bellum ob detentionem Ladislai intulerunt, ibi cum aliquas clades accepisset Cæsar, interuenientibus Germanis Principibus, Ladislaum Viennam ad suos dimisit, illique Austriæ parte, quæ in hæreditatem ipsi obuenerat, cessit: Eo nomine Vratislaviae, sicut & alibi, publicè edita sunt spectacula & ludi in signum læticiæ facti,

Ipse

Ipse Ladislaus totum sese tradidit potestati Vlrici Comitis Ciliæ. Gubernator vero Hungariæ renunciatus est Huniades, quem Rex noua dignitate ornauit, & appellauit eum Comitem Bistirciensem. Bohemiam autem regendam tradidit Georgio Podiebracio, atque ita quasi triumuiratus in regno isto constitutus.

Sed anno proximo post orta est Vlrico Comiti Ciliæ calamitas in aula. Nam cum imperium eius esset graue nobilitati Austriacæ, & passim accusaretur ob auaritiam inexplabilem, singulari arte, apud Regem adolescentem, egentem tunc auro, perfectum est, ut iuberet Comitem ex aula emigrare, atque is ita paulò post cum ignominia aula & vrbe eiectus est.

Vlricus Ciliæ comes ex aula eiectur.

Anno 1453. capta est Constantinopolis 29. Maij à Mahometo Cæsare Turcico Tyranno omnium acerrimo. Anno superior vicerat idem Mahometus regem Carmanorum in Cilicia, vbi olim etiam habitasse putatur gens Teutonica, & illi ipsi Carmani diu ac fortiter arma Turcica sustinuerunt. Subactis Carmanis, Mahometus pacem, quam cum Imperatore Constantinopolitano pepegerat, subito abrupit, & instructa classe, & ædificata arce in ora Propontidos, ut usum maris Græcis eriperet, aspirabat ad occupandam Constantinopolin. Prorupit eò cum paucis nobilibus, despecta classe Turcica, Isidorus Cardinalis Kiouiensis, ut Paleogolum suo aduentu confirmaret.

Constantinopolis expugnatur.

Hoc verò anno Mahometus urbem, terra marique diu obsessam, tandem proditione, ut scribitur, Gertucæ hominis Græci (quem ipsum tamen, detestatus perfidiam eius, Mahometus postea diro affecit supplicio) expugnauit. Vbi, necato Cæsare Græco, inenarrabilia exempla impietatis, blasphemiarum & crudelitatis in Deum & hominem edita sunt.

Ita ista vrbs, quæ amplius mille annos fuit hospitium Ecclesiæ, sedes eruditæ doctrinæ, & arx Imperij, peruenit in potestatem barbari, qui intra proximum decennium, inde non solum Græciam, Peloponnesum, Mytilenen occupauit, Athenas captas solo æquauit: Verum etiam in Asia, alteram arcem Imperij Trapezuntem cepit. Hoc modo magna ex parte deletæ sunt Ecclesiæ Græcæ & Asiaticæ, & extincta studia in ea natione, quæ ingeniorum sagacitate cæteris gentibus omnibus antecelluit, & in possessione doctrinæ fuit amplius duobus millibus annorum.

Græcia redigitur in seruitutem Turcicam.

Trapezuntinum regnum euertitur à Turcis.

Exules Græci literas & Philosophiæ studia importarunt in Italiam: deinde, ut ille senex Græcus scitè de Capnione dixit,

N ij etiam

Ladislaus Pra-
ga accipit
coronam.

etiam Alpes Græcia transuolauit, & studia in Germania quoque accensa sunt. Ladislaus Regia pompa Pragam ingressus est 24. Octobris: Corona regni imposita est ipsi die Apostolorum Simonis & Iudæ.

RES LIGNICENSES.

Lignicij hisce annis fuit status admodum turbulentus. Vidua Elizabetha educabat in spem successionis nepotem Fridericum, natum anno 1446. ex filia Heduige, sed huic consilio multi ex Lignicensibus aduersabantur, & cum ipsa decessisset anno 1456. plane repudiatus est vterq; Princeps, Iohannes Lubensis Friderici pater, & Henricus Goltbergensis. Eiecto igitur Iohanne Lubense, ciuitas iurauit in verba Ladislai Regis Bohemiæ.

Fridericus
Primus post
magnum mo-
tus recipit
Lignicium.

Facta est deinde spes Principi Misniæ de possessione Ducatus Lignicensis, & varij secuti sunt motus intestini & alij. Iohannes Lubensis armis conatus est recuperare Lignicium, sed anno 1452. die Ruffi mediocri prælio victus & pulsus est, & anno sequenti post, incærore animi extinctus.

Anno deinde 1454. Senatu obtruncato per seditionem, & expulso præfecto regio, reductus est Fridericus cum matre, & tamen nulla fuit firma concordia, donec tandem à rege Mathia, opera Alberti Marchionis Brandeburgensis, Fridericus possessionem vniuersi Ducatus consecutus est.

Iubilæus cele-
bratur in Si-
sia.

Vratislaviæ anno 1451. Fuit Iubilæus Pontificius, quia Papa illectus quæstu superioris anni, vt plus emungeret, nundinas indulgentiarum his gentibus domum misit, ea conditione, vt mediam partem viatici, quod quilibet arbitrari posset, se insuturum fuisse, si Romam proficisceretur, poneret in arcam. Tanta tunc fuit impudentia Romana, & caligo Germanica.

Iohannes Ca-
pistranus hy-
pocrita.

Venit etiam in Germaniam Iohannes Capistranus Monachus, quem nostra & Polonica gens penè viuentem adorauit. Consilium autem Pontificis fuit plenum calliditatis. Videbat Ecclesias Bohemicas nulla potentia posse opprimi, & cum illæ adeptæ essent patronum potentem Georgium Podiebracium, qui Regio nomine & autoritate præerat, metuebat ne serperent dogmata ipsorum ad vicinos, præsertim cum ex decreto Concilij Basiliensis, vsus sacri calicis, populo illi esset permissus, quod ægerrimè ferebat aula Romana, & quidem in Silesia superiori, & in Polonia minori iam multi erant æquiores Bohemis quam Pontificijs.

Delegit

Delegit igitur Capistranum, vt is mirabili specie sanctimonie, & prompta facundia, quasi Gorgonis capite has gentes imperitas tum artium Italicarum, terreret, & in officio contineret. Profitetur is se socium instituti cuiusdam Bernhardini Senensis, qui monachos Franciscanos, diffuentes nimio luxu, ad veterem rigorem reuocauerat, adhibitis multis exercitijs asperis & superstitiosis, illum Pontifex catalogo Sanctorum recens ascripserat, & Capistrano mandauerat, vt vbiq; in Germania colonos huius nouae professionis sereret, quae futura esset propugnatrix autoritatis Pontificiae.

*Iohannes Capistranus plan-
tauit Monachos in Silesia.*

Detinebat Capistranus, qui plerumq; in area publici fori dis-
ferebat, homines tanquam alter Hercules Gallicus, cui pinguntur
catenulae porrigi ex lingua, quibus auditores etiam nolentes attra-
hat, ita vt duas horas eum audirent concionantem lingua latina,
quem eius sermonem alius deinde rursus duas horas lingua verna-
cula interpretabatur.

*Iohannis Capistrani con-
ciones.*

Conciones ipsius erant aut de controuersia coenae sacrae, quae
erat Pontificijs cum Bohemis, vbi contendebat magno studio, non
esse necessarium laico, vt nominant, vti poculo sanguinis Christi,
aut hortabatur populum ad emendationem vitae, grauiter accusatis
sceleribus hominum.

Actum fuit de colloquio inter ipsum & Rochezanam Epi-
scopum Bohemum, sed illud rursus arte quadam fuit discussum,
quia apparebat Bohemos non admirari illam grandiloquentiam
& hypocrisin Italicam. Vratislauiam venit anno 1453. 13. Fe-
bruarii, & duxit secum monachos sui ordinis triginta. Inuectus est
acriter in peccata hominum. Voluit aboleri ludos alearum, & vbi-
que tabularum illarum magnos acervos exussit. Inuisit etiam Suid-
niam & Iaurauiam.

Intulit autem in Silesiam duas res non bonas: Primum mo-
nachos Bernhardinos, qui se nominant Obseruantes, illisq; Vratis-
lauiæ, Glogouiae, & alibi sunt condita cubilia ocij & hypocriseos.
Deinde aliud non minus perniciosum, saeuitiam in Iudæos valde
detestandam. Inflammabat magistratum, vt videretur ardere zelo
pietatis in illud miserum genus hominum, quibus tandem inuen-
ta est causa, quod diceretur contumelia affecisse panem consecra-
tum, cui Pontificij etiam extra vsum institutum corpus Christi al-
ligant. Ibi immani crudelitate totus grex miseræ huius gentis, viri,
mulieres, pueri, in omnibus pene vrbibus Silesiae captus est, & ma-
gna agmina sine vlla misericordiae ostensione ad flammam ducta, &
crudeliter combusta.

*Iohannes Capistranus se-
uit in Iudæos.*

Lignicij, cum vrbs arderet, multi Iudæi in carcere cremati
sunt. Bona eorum illata sunt in ærarium publicum, & inde missa
munera ad regem Ladislaum. Durauit hæc saeuitia amplius anno,
tandem vero magistratus Vratislauiensis resipiscens, reliquam

N iij turbam

*Iudei non sunt
recipiendi à
magistratu.*

turbam exemptam ex carcere vrbe excedere cum rebus suis permisit. Existimari potest etiam hac immanitate attractas esse poenas publicas, quæ paulò post in illis infortunatis bellis, Silesiam peruagatæ sunt. Iniustas enim cædes, præsertim promiscuas, Deus seuerissimè punit: & quamuis hæc gens blasphema est, tamen magistratus ab initio non debet illis præbere domicilium in suis regionibus, non autem postea contra ius hospitij, & pacem Politicam eos tractare.

*Ladislai soror
nubit Casimiro regi.*

Eodem anno splendidæ fuerunt legationes duorum Regum, Ladislai & Casimiri Vratislaviæ, post longam tractationem 20. Augusti soror Ladislai Elizabeth Casimiro cum dote centum milium aureorum, in vxorem promissa est. Legati isti secum abduxerunt Vratislavia Capistranum, quem magnis precibus accersabat Sbigneus Cardinalis Cracouiensis. Aduentanti ipsi Cracouiæ, Rex, Cardinalis & tota vrbs tanquam numini, obuiam processit, & cum ad vnum annum ibi commoraretur, prope diuini honoris illi sunt habiti.

*Iohannes Capistranus proficiscitur in
Poloniam.*

Tantum illi tribuerunt, vt scribatur etiam mortuos resuscitasse Ita animos hominum terrere & quasi fascinare solet opinio singularis cuiusdam sanctitatis, & quasi arctioris commercij cum Deo: sicut olim in vetustate ethnica legumlatores auctoritatem sibi apud populum conciliarunt, quod existimarentur habere colloquia cum dijs. Minos cum Ioue, Lycurgus cum Apolline, Numa cum Egeria.

*Silesia iurare
solet in uerba
regis præsentis.*

Ladislaus post coronationem Pragæ mansit amplius anno. Decreuerat reuerti ex Bohemia in Austriam, & inde inuisere Hungariam: Sed cum per totum annum frustra cum ordinibus Silesiæ actum esset de præstanda fide, neque illi contra leges patrias iurare vellent, nisi Rex adesset coram, tandem profectio in Silesiam indicta est. Ladislaus Pragæ incensus à Sacerdotibus Pontificijs, etsi ipse fuit ingenio placidissimo, iniquus fuit in Bohemos, qui mutationem in religione fecerant, quæ res ipsi fuit exitio. Nam totum regnum pendebat ex nutu Georgij Podiebracj gubernatoris, qui erat constans propugnator religionis emendatæ.

Prutenici belli semina.

Anno 1454. fuit initium belli Prutenici, quod durauit annos tredecim: illud cum vna attigerit etiam Silesiam, opus est, vt præcipua capita historiæ belli illius referamus. Erat sancta pax ex vtriusque partis consensione inter Polonum & ordinem Prutenicum, sed non erant restincta semina veteris odij, & præcipuè Casimirus captabat qualescunque occasiones, quibus ad sese retrahere posset Prussiam, excussa nobilitate Germanica. Tandem sicut ingenia Heneta, præsertim vbi excoluntur, non obscure referunt naturam gentis Græcæ, cum qua etiam Heneti vetustissimis seculis in Asia communes habuerunt sedes, mira vaficie inuenta est *αἰτία* belli.

*Heneta gens
ualet ingenio.*

Aliquot

Aliquot vrbes in Prussia querebantur de acerbitate Cruciferorum, illisq; aperte coeperunt resistere, & detrectare imperium Magistri, qui tunc erat ipsorum legitimus magistratus. Magister & nobilitas detulerunt querimoniam ad Casimirum, à quo tanquam confederato opem aduersus seditiosos expectabant. Sed ille non modo non compescuit Prutenos, verum etiam, quod dicitur, fuit vnguis in vlcere: in fidem tamen eos non recepit, quia nondum eiecerant præsidia ordinis. Sequenti autem anno, cum Fridericus Imperator, ad quem reiecta erat cognitio de causa, damnasset Prutenos, tanquam seditiosos, & iussisset eos parere suo magistratui, quinquaginta sex oppida, & munitiones in Prussia simul ab ordine defecerunt, & missis legatis ad regem, qui tunc celebrabat nuptias cum Elizabetha, mense Februario, anno 1454. Pruteni Casimiro deditionem obtulerunt.

*Prusica gens
discedit à suo
magistratu.*

Disputatum fuit ea de re in consilio Polonico, & Sbigneus Cardinalis vir ingenuus, quem multi honestiores ex nobilitate Polonica sequebantur, acerrime hanc iniquitatem, quæ erat contra fœdera, dissuasit: sed vicit ratio vtilitatis. Instituta est accusatio in publico cœtu contra Ordinem, in qua commemorantur exempla tyrannidum & libidinum ipsorum, partim vera partim falsa, etsi etiam quidam ex illis sibi sumpserunt licentiam delinquendi non bonam, & ita paratum bellum in ordinem.

Dehortabantur Casimirum ab hoc instituto iniusto Cæsar cum vniuersa Germania, Pontifex, Galliæ Rex, Philippus Burgundus, Ladislaus Rex, & pene tota Europa, orabantq; vt omisso bello ciuili & iniusto, coniungeret arma cum ipsis contra Turcos: sed frustra fuerunt omnes preces. Recepit igitur Prutenos in fidem suam optimis conditionibus, permisit vt vterentur legibus patrijs, & inserti regno Poloniæ fruerentur honoribus & omnibus commodis regni, nèue cogerentur tolerare in Prouincia gubernatores Polonos. Aboleuit vectigalia, donauit illis immunitates, & in primis ciuitati Gedanensi magnam partem agrorum attribuit, quos antea possederat ordo, & solum sibi reseruauit annuam pensionem 20000. aureorum, & vt ciuitas sibi cum comitatu aulico, singulis annis quatridui sumtus præberet.

Prutenis donantur magnæ immunitates à rege Poloniæ.

His rebus ita constitutis in perniciem ordinis Germanorum, quorum maiores gladios barbaricos à ceruicibus Polonorum depulerant, & ciuitates istas sanguine suo emerant, Casimirus exercitum collegit & Prussiam inuasit. Nam seditiosi ciues ordinem, quem superabant multitudine, eiectionem ex omnibus vrbibus & arcibus, in Mariæburgum incluserant. Huic igitur occasione noluit deesse Casimirus, & videbatur facili negotio bellum finiturus. Sed affuerunt ordini in tempore auxilia collecta mercede ex vicina Silesia & Bohemia, quæ ducebant Rodolphus & Balthasar Principes Saganenses: neque tamen ea numerum octo millium excedebant.

Cruciferi su-
perant Casi-
mirum Re-
gem.

Ea manus non magna, 17. Septembris ad oppidum Cunizam cum Casimiro, trahente exercitum numerosissimum, conflixit, & regem nobili clade affecit.

Nam quamuis Rodolphus fortiter dimicans in prima acie cecidisset, captus etiam esset Schombergius, vnus ex præcipuis ductoribus: tamen Balthasar Saganensis animose pugnam restituit, & ipsum agmen, in quo constiterat Rex, in foedam fugam profli- gavit. Capta sunt castra regia, referta multis preciosis rebus, & plurimis impedimentis. Quatuor enim millia curruum sunt inuenta.

Ladislaus rex
ingreditur
Vratislauiam.

Venerunt etiam in potestatem ordinis, multi ex præcipua nobilitate, in Polonia minori, qui ab ordine nimis iracundè & asperè habiti sunt, vnde etiam odia creuerunt. Autores defectionis in potioribus vrbibus magno studio bellum redintegrarunt. In Silesia Rex Ladislaus venit Vratislauiam die S. Nicolai, quo die etiam anno 1563. diuus Cæsar Maximilianus Secundus eandem urbem, celebri cum pompa, aduentu expectatissimo ingressus est.

Habuit Ladislaus in comitatu suo duos Principes Bauariæ, Vilhelmum & Ottonem, Albertum & Fridericum Marchiones Brandenburgenses, & deinde Principes Silesiæ, & proceres regni maximo numero. Vndecimo Decembris in area publica fori iuratum est in verba Ladislai, agentis tunc annum ætatis decimum quintum. Missa fuit Vratislauiam legatio Polonica, cuius Princeps fuit Iohannes Archiepiscopus Gnesnensis. Rogauerat Ladislaus sororium suum Casimirum, vt ipse accederet Vratislauiam, & esset arbiter inter Ladislaum & Principes Misnenses, qui ambigebant de finibus, deinde vt sedaretur bellum inter ipsum & ordinem Prutenicum. Verum Rex à pace fuit alienus.

Georgij Podiebracij sermo
de religione
Vratislauiæ.

Die natali Saluatoris missam more Pontificio in æde cathedrali cecinit Archiepiscopus, astante Rege & Principibus: ibi fuisse memorabile colloquium inter Georgium Podiebracium, & quendam nobilem histriionem gratum Regi, refert Aeneas Syluius.

Accesserat ille morio fictus, homo nobilis, Georgium spectantem pompam sacrorum, eumque huiusmodi verbis affatus est: Vultu quidem satis commodo te sacra nostra aspicere video, sed cogitationum tuarum solus Deus est conscius. Rogo vero te, proloquere, an non speciosa & magnifica tibi nostra videtur religio? Vides ne, vt Rex & tot nobilissimi Principes, concordēs sunt in seruandis ritibus Ecclesiæ Romanæ? Cur non igitur potius his assentiris, quam paucis Bohemis, quorum caput est Rochezana, qui suas opiniones recentes consensui tot seculorum antefert?

Georgius, vt vir sapiens, dedit illi responsum valde appositum. Si, inquit, hæc oratio ex tuo cerebro nata est, non es is, quem
simulas,

simulas, & tibi tanquam prudenti respondeo: Sin autem alij te sub-
miserunt, audi quod illis renuncies: Oportet Christianum homi-
nem in religione intueri normam scripturæ Propheticæ & Aposto-
licæ, illudq; sequi, quod conscientia sua erudita & conuicta ex testi-
monijs diuinæ vocis sibi dicat. Ego igitur, cum Dei beneficio cer-
tus sim, doctrinam, quam amplexus sum, esse consensum veræ Ec-
clesiæ Dei, nec volo nec debeo in gratiam ullius hominis verita-
tem deferere, aut aliud externo gestu præ me ferre, aliud in corde
credere. Nam nec Deus, qui est scrutator cordium, decipi potest, &
simulatio falsa histrionem quidem, qualis tu es, decere potest, viro
autem nobili fugienda est.

Hæc igitur tibi habeto, si sapias: aut illis referto, qui te subor-
narunt. Ladislaus profectus est Vratislauia ultimo die Ianuarij,
anno 1455. & cum Suidniciam ex itinere diuertisset, in Austriam
rediit. Non multo post rursus in aula, magna est facta mutatio.
Nam Vlrucus Ciliæ comes reconciliatus Regi, eiecit Eizingerum
Austriacum, cuius hæcenus summa fuerat apud regem autoritas.
Tales nimirum sunt Euripi in aulis Principum, & tales fiunt con-
uersiones fortunæ, quando, vt Pindarus inquit, secundus ventus
desinit spirare.

*Vlrucus Ciliæ
comes reuocatur
in aulam.*

In Prussia vrgebat bellum Casimirus, & cum hyeme prioris
anni frustra laborasset, Balthasar vero Saganensis Regium mon-
tem Prussiæ, & alia quædam oppida recuperasset, totam Poloniam
ad arma vocat, iam instante hyeme. Conuenitur segniter, & sine
pecunia, rapiuntur ornamenta templorum, nec tamen conficitur pe-
cunia vltra sex millia aureorum.

*Balthasar Sa-
ganensis militat
in Prussia.*

Interposuit deinde sese intercessorem Fridericus Elector Bran-
deburgensis, sed Casimirus conditiones pacis, quæ suadebant, vt
vtraq; pars causam æquo iure coram Pontifice & Cæsare disceptari
permitteret, repudiat, neque tamen aliud quid effectum est. Poloni
urgente hyeme domum dilapsi sunt, amissis plurimis equis, gra-
uiusque socios, quàm hostes afflixerant. Interea Capitanei quidam,
quibus Rex stipendia non soluerat, conductâ manu latrunculorum
ex Morauia & Silesia, latè Poloniam vastarunt.

Eodem anno Sbigneus Cardinalis, vir magnæ dignitatis per
Poloniam, decessit. Romæ etiam mortuus est Nicolaus Quintus,
qui reliquit thesaurum duodecies centum millium aureorum, com-
paratum in bellum Turcicum. In Austria Cilianus, qui rursus to-
tum Regem solus possidebat, insidias struebat vitæ viri clarissimi
Huniadis, quem sublatum cupiebat, vt ipse eius potiretur exuijs.

*Sbigneus Car-
dinalis mori-
tur.
Nicolai Quin-
ti Pontificis
thesaurus.*

Vocatur igitur Huniades Viennam, & parabat ipsi necem
Cilianus: sed Huniades præmonitus, ipsum Comitem, non pro-
cul à Vienna equitatu suo circumdatum, in potestatem redegit &
cum eum ob perfidiam & scelera accusasset, tamen incolumem in
gratiam regis in urbem remisit.

*Huniades ef-
fugit insidias
Ciliani.*

Anno 1456. fama terribilis compleuit Europam, Mahometum, collectis omnibus regnorum suorum viribus, irruere ad occupanda reliqua regna Christiani orbis, eumq̃ spe ingenti imperium totius orbis terrarum sibi despondisse, & iam orae Pannoniae ab omni parte ardebant, flamma & rapinis excitatis ab antecursoribus Turcorum.

Ladislaus, persuasus ab Huniade erat profectus Budam, sed territus impetu aduentantis Turci, cui Hungari videbantur futuri valde impares, sub specie venationis vrbe egressus, Viennam sese abdidit. Friderico Cæsari cum Ladislao non optimè conueniebat, & nulla erat vera concordia inter Principes Germaniae, quare ab imperio nihil poterat expectari opis. Solus igitur Huniades suum & suorum corpora asperrimo Tyranno obiecit.

Iohannes Cardinalis mittit copias uoluntarias in Hungariam.

Iuuit eum agmen voluntarium Germanorum, quos Iohannes Cardinalis, legatus Calixti Tertij, collegerat, & cruce signauerat. Capistranus etiam properè ex Polonia accurrens 600. secum adduxit, Polonos & passim in Hungaria concionibus homines ad istam piam militiam hortabatur. Interea nunciatur, Mahometum ad obsidendum Belgradum, cum exercitu 150000. hominum, accedere. Eo igitur sese proripiunt, Huniades & Capistranus, cui Germani plus fidebant, quàm Huniadi Hungaro.

Erat Belgradum circumdatum duplici muro, ita ut intermedium esset spacium vel pomerium satis amplum. Mahometus, qui secum ducebat machinas stupendae magnitudinis, primum murum sine intermissione verberauit, tandemq̃ diruit, ibi Turci, proposito signo à suo Imperatore, confertim truci cum ululatu sese infundunt: Sed acies Christiana, quae in illo spacio ad murum stabat, alacriter eorum impetum excepit, & Huniades cum expeditis cohortibus Hungarorum, omnibus ex partibus praelium instaurabat, & laborantibus opem ferebat.

Iohannes Capistranus Belgradi praeliatur in Turcos.

Ex alta vero turri Capistranus vexillum crucis vibrans, magna voce Christianos ad fortitudinem hortabatur. Virtute igitur nostrorum Turci, amissis praecipuis ductoribus, extra moenia pulsi sunt, sed rursus paulò post, vociferante & castigante eos suo Cæsare irruerunt, & tamen denuò cum clade reiecti sunt. Postea in libero campo atrox contractum est praelium, quod cum ad vigesimam quartam horam usque durasset, vulnere Mahometi finitum est.

Mahometus Turcus accipit uulnus.

Nam cum Tyranno ipsi acerrimè dimicanti oculus hasta esset traiectus, & ipse semianimis in castra relatus, Turci pugna excesserunt, & nocte sequenti Mahometus incensis castris trepidus in Thraciam redijt. Machinae bellicae, quarum fuit ingens numerus, in potestatem Huniadis, peruenerunt. Ita rursus ope Dei virtus Huniadis, tanquam moles obiecta, exundans flumen Mahometum,

tum, qui proculdubio Pannoniam & Germaniam erat completurus, repressit.

Capistranus historiam belli scripsit ad Pontificem, & sibi soli attribuit gloriam rei gestæ contra Turcos, nulla facta mentione Huniadis, ideo Aeneas Syluius, ridens ambitionem Monachi, inquit, in eo etiam apparuisse, cupiditatem gloriæ viros sapientes non omnino posse exuere. Pontifex Romanus in memoriam tantæ victoriæ, quæ salutaris fuit vniuerso orbi Christiano, instituit quotannis eum diem, qui fuit 6. Augusti, haberi festum, & celebrari *Festum Transfigurationis Christi instituitur.* sub nomine Transfigurationis Christi. Canciones festi illius, quæ sunt valde piæ & dulces, scripsit Aeneas Syluius Cardinalis, qui tunc præcipua negocia in aula Romana gubernabat.

Huniades defatigatus laboribus tanti prælii, mense proximo post, 10. Septembris placidè decessit, cum patriam pijs precibus Deo commendasset, & filios ad virtutem fuisset hortatus. In morbo, quamuis iam languidus & morti vicinus, tamen in ædem sacram se vehi iussit, vt ibi in publico cœtu sacra cœna vesceretur, & preces cum Ecclesia ad Deum funderet. Capistranus etiam 26. Octobris in Hungaria mortuus est. Hos belli motus antecessit *Huniades piæ moritur.* terribilis Cometa, qui per multos dies arsit.

Prutenis iam hoc accidebat, quod olim Græci, qui fastidierant Athenienses, & adiunxerant se Lacedæmonijs spe libertatis, de Lycurgo dixerunt, eum vino libertatis triste acetum infudisse. Nam cum Toruniæ & Dantisci, multi ciues detestarentur auarum imperium præsidum Polonorum, miserabiliter interfecti sunt.

Sub exitum huius anni, Ladislaus adductus consilio Ciliani, statuit reuifere Hungariam, quia regi adolescenti insusurrabat Cilianus, hostis Huniadis, Regi non minus carum esse debere interitum Huniadis, quam cladem Mahometi. Nunc enim demum *Ladislaus inuisit Belgradum.* ipsum vere regno potiturum, quod antea fuisset in manu Huniadis, instillauit etiam ipsi crudelissimas suspiciones de filijs Huniadis, Ladislao & Mathia, & amicis per literas capita duorum adolescentum promississe dicitur.

Ducitur ex Buda Belgradum sub initium anni 1457. monstratur illi locus prælii, & castra Turcica, adhuc madentia tabo & cadauerum illuuiæ. Tenebat autem Belgradum valido præsidio Ladislaus Huniades, qui iam persenserat dolos Ciliani, ideo, sicut fuit magnanimus, Regem cum aulico comitatu in arcem intromissit, sed exercitum quatuor millium, quem Cilianus adduxerat, exclusit. Ea occasione vsus Comes, acerbè Huniadem apud Regem criminatur, tanquam insidiatorem vitæ regiæ.

Ladislaus, qui habebat studia multorum Principum in Hungaria, in consilio procerum conqueritur de iniuria Ciliani, qui & antea

antea patri esset insidiatus, & vniuersam familiam Huniadum extirpare conaretur. Moti rei indignitate procures, mittunt qui Cilianum in Consilium vocent. Rex tum temporis rem diuinam spectabat: Comes autem fidens suæ autoritati & gratiæ apud regem, paulisper cunctatus accessit consilium, sed tectus lorica validissima. Cilianum venientem Ladislaus de insidijs sibi structis, & criminationibus apud regem, compellat, & dicitur etiam protulisse literas, scriptas à Comite, de nece Huniadum.

Vlricus Cilianus interficitur Belgradi.

Comes verò inflatus opinione potentiæ suæ, Ladislaum proditorem appellauit, regiꝑ suo rebellem, & simul rapuisse dicitur gladium ex manu astantis satellitis, ibi cum alij procures intercurrent diremturi litem, & prohibitori Comitem iam ferientem, digiti aliquibus amputati sunt. Ladislaus vero sese colligens Vlricum repulit, quem deinde satellites Hungari, qui moto tumultu irruerant, multis vulneribus confectum obruncarunt.

Ladislaus cum proceribus euestigio regem, attonitum propter atrocitatem facti, accedit & exposita historia casus, petit sibi ignosci. Profitentur etiam omnes, sese cum vniuerso regno esse in ipsius potestate, & Comitem hostem regni, iure occisum.

Ladislai regis sermo de nece Ciliani.

Rex etsi adolescens, & qui commotus erat nece Vlrici, quem venerabatur vt patrem, tamen dissimulato omni dolore, tantum dixit, Non arbitrari se, Comitem iure esse occisum: & cum amici circumstantes monerent eum, vt casum hunc æquo ferret animo, respondit: Omnino ferendum est, quod mutari non potest. Non possumus reddere vitam ademtam Comiti. Ille suo fato functus est, nos nunc manent nostra, faciat modo propitius Deus, vt ea sint meliora: Quæ vox regis, tunc etiam visa fuit esse ominosa. Ladislao verò promittit fidem publicam, & cadauer Comitis in sepulchrum patrium iubet reuehi.

Ladislaus Rex reconciliatur filijs Huniadis.

Non multo post in reditu Rex clementissimè salutauit viduam Huniadis cum liberis, & non modo fanciuit ἀμνηστίαν, & ignouit Ladislao, verumetiam pronunciata insigni laude Huniadis mariti, iussit matrem & liberos deponere vestes lugubres, viduæ filijsꝑ ipse donauit vestes purpureas auro intertextas, & instituta est solennis pompa, epularum & chorearum, quasi nuptiæ celebrarentur. Ideo filij Huniadis nihil mali suspicati aulam Regis secuti sunt.

Huniadis filij conijciuntur in carcerem.

Ladislaus Huniades afficitur supplicio.

Sed cum peruentum esset Budam, amici regis quotidianis calumnijs animum regis fauciabant, & Huniadas atrociter criminabantur. Ita Rex adolescens incensus, Budæ filios Huniadis in arce, portis occlusis, cum aliquot familiaribus comprehendi iubet. Statim producit Ladislaus adolescens egregius, natus annos 24. cui paterna virtus ex oculis spirabat, flauis crinibus, de more illius ætatis, per humeros fluentibus, indutus talari & aurata veste, eaque, quam

quam ipsi Rex donauerat, reuinctis post tergum manibus. Vbi ad locum publici supplicij ventum est, pauca pro excusatione sui locutus, iussus, inter vota ad Deum, in genua procumbit, & erecta ceruice, forti animo mortem expectat.

Præco interea populo denunciabat, hoc modo puniri, qui domino suo essent infideles. Licetor autem religata Ladislai coma, ne collum teget, iussus ferire, nutans & tremens ter eum vulnerat, nec tamen ceruicem abscindit. Ladislaus, quanquam pronus in terram lapsus, ligatus & vulneratus esset, tamen rursus se erexit scribitur, & cum Deum clara voce inuocasset, dixit eum esse testem suæ innocentiae. Quarto demum ictu caput illi præciditur.

Fuit etiam hoc spectaculum inter tristia exempla, quorum ætas illa fuit ferax. Extinctus fuit miserabiliter Vricus Comes, qui fuit in odio, non solum apud ordines regnorum, verumetiam apud Cæsarem Fridericum, & tamen ex ipsius arbitrio tot regna pendebant. Deleta fuit memoria meritorum præstantissimi Huniadis, quo nemo regum aut ducum res vtiliores Europæ contra Turcos gessit, & crudeliter sumtum est supplicium de filio, qui tamen & ipse quadam insolentia ex gloria paterna fortassis exitium sibi attraxit.

Ladislai regis error.

Gessit morem flabellis aulicis Rex adolescens, & illa specie asperitatis, cum tamen ipse natura esset alienissimus ab omni crudelitate, triste sibi creauit periculum & interitum. Capti sunt cum filijs Huniadis etiam alij proceres Hungari, sed illi tamen paulò post à rege dimissi sunt, qui palam testatus est, importunitate consiliariorum sese ad ista consilia adactum. Mathiæ autem Huniadi custodia in aula posita est, quia metuebatur, ne esset vindex fratris næ necis.

Mathias Huniades seruatur in custodia.

Rex, Viennam posteaquam reuersus est, cœpit cogitare de coniugio, tandemq; promissa est ipsi Magdalena, filia Caroli Secundi regis Galliae: & statim consultatum de loco nuptiarum eligendo, quæ futuræ erant splendidissimæ. Neq; enim in orbe Christiano tunc erat Rex, cuius potentia posset anteferri viribus Ladislai.

Ladislai regis sponsalia.

Certatum est inter proceres aulae ambitiosè. Austriaci flagitabant Viennam, Hungari Budam, Bohemi Pragam. Interea venit ad suburbia Viennæ Georgius gubernator Bohemiae, trahens secum agmen octingentorum equitum armatorum, qui urbem intrare noluit, sed tandem obtinuit, ut Rex vrbe egressus triduum cum eo in castris colloqueretur.

Terrebant Bohemos, & præcipuè Georgium insidiæ structæ vitæ Huniadis, & supplicium Ladislai filij: ideo Georgius nulla ratione patiebatur sese persuaderi, ut caput suum fidei procerum aulae crederet, qui Georgium propter religionem, & propter autoritatem

Georgius Podiebracius contendit cum rege Ladislao & vincit.

ritatem eximiam quàm maximè oderant: ideo vrgebat importunius etiam, vt nuptiæ Pragæ fierent. Et cum hoc non impetraret, iratus domum rediit. In itinere tamen legati regij eum consecuti sunt, qui ei nunciarunt futurum, quod peteret, Regemq; nuptias Pragæ celebraturum. Nec multo post, ante diem dictum, Rex cum ingenti apparatu in Bohemiam profectus est.

Ladislau Rex
uenit Pragam.

Pragæ rursus valde offendit factionem Georgij, quia aspernabatur religionem ipsorum, & videbatur agitare consilia cum suis de opprimendis Ecclesijs Hussiticis, quorum autores erant legati Pontificij, qui regem sine intermissione ad sæuitiam incendebant. Regi etiam in illa ætate, grauato tanta mole curarum, fideles deerant amici & monitores, & suo quodam fato sinistro exercebat inimicitias cum Friderico Cæsare, qui pro sua sapientia optimè potuisset gubernare imbecillem ætatem Ladislai. Quamuis etiam illud verissimè in historia Herodoti à milite Persico prolatum est, qui Thebano hospiti interroganti, cur Principi suo Mardonio, non significaret cladem & necem, quam ipse in conuiuio certò prædicebat, respondit: *Ξεῖνε ὅτι δὲ γίνεσθαι ὡς ἔφη, ἀμήχανον ἀποτρέψαι ἀνθρώπων. εἰ δὲ γὰρ πῶς λέγοντι ἐθέλει πείθεσθαι εἰδείς*: Hospes, quod Deo ita decernente euenturum est, non potest humano consilio auerti. Nam etiam recta monentibus nemo obtemperat.

Ladislao spon-
sa frustra ac-
ceriscitur.

Missa est legatio sumtuosissima in Galliam, quæ adductura erat sponsam, eius Princeps fuit Vlricus Episcopus Patauensis, qui secum ducebat septingentos equites, & inter illos, equos octoginta candidissimo colore splendentes, secuta etiam pompa muliebris, regijs cum impedimentis & ornamentis, tota etiam Pragæ in apparando triumpho nuptiali strepebat.

Ladislau Rex
extinguitur.

Nunciabatur venturos esse, Cæsarem, regem Poloniae, præcipuos Germaniæ Principes, frequentissimo cum comitatu. Maxime autem varij in omni populo serebantur sermones: alius spondebat sibi expeditionem omnium regum Christianorum in Turcos: Pontificij sperabant reges deleturos esse Hussiticos, quod quidem Bohemi suspicabantur & metuebant. Sed, vt hic etiam exemplum inconstantiae humanæ ederetur, omnes illas cogitationes mirificas insperatus regis interitus abrupit. Ita non frustra dictum est:

Omnia sunt hominum tenui pendentia filo,

Et subito casu quæ valuerunt ruunt. Item:

Eheu quàm leuibus pereunt ingentia causis.

τί γ' ἴς, τί γ' ἔς ἴς; οὐκ ἴς ὅναρ ἀνθρώπων. Quid est aliquis, & quid est nullus? Homo est somnium vmbrae.

Historiam autem mortis Regiæ, de qua non modo dissimiles, verum etiam odiosæ & iniustæ fuerunt narrationes & opiniones, refero

refero, vt relata esse scribitur à Medicis & cubiculariis Regiis. Die Nouembris 22. Rex federat iudex in disceptatione quadam de nobilitate familiarum Podiebracii & Cernhauri Morau. Nam hanc litem æmuli, vt Georgius premeretur, suscitauerant.

Visus est autem Rex eo die & corpore & animo paulum esse ægrior. Nam nec prodierat indutus ex more suo, sed iniecerat solum corpori longam vestem talarem, pellibus subductam. In vultu etiam apparebat mœror, neq; eo die visus est ridere. Cœnauit deinde astantibus proceribus aulicis, grauiter & modestè quædam locutus. Sub multam iam noctem in cubiculum suum ductus est, ibiq; rapulas, quæ apud Bohemos sunt mirè dulces, auidè comedit, & superbibit quid ex generosa quadam mulsa, & iam sermones hilariores miscebat cum cubiculariis, priusquam in lectum ascenderet, preces suas pro more ad Deum recitauit pias & ardentes, illisq; finitis conquestus est, stomachum sibi dolere, eumq; grauatum videri. Bohemus vero quidam monuit regem, vt lectum ingrederetur: nam dolorem somno desitutum. Obtemperauit Rex, & horam fermè vnā dormiuit.

Sub mediā noctem experrectus torminum, quæ iam magnam partem ventris occupabant, acerbitate, vocato cubiculario, ait, vim doloris sibi esse intolerabilem. Bohemus incogitantior & imperitior, atque etiam cupidus somni, respondit: Nihil magis lenire dolorem quàm somnum: daret igitur operam, vt dormiret. Rex modestus & placidus, ne turbaret quietem amicorum, dolores etiam sæuissimos, vsque ad horam decimam tertiam, quæ diei vicina est, pertulit.

Tunc demum vocati sunt Medici: Illi, cum frustra conarentur, natura iam superata, cordeq; incenso, per ductus aut superiores aut inferiores ventrem regium ab illa massa maligna exonerare, regi denunciarunt, videri sibi, ipsum hausisse venenum: quibus respondit, scire se ita factum: Sed moneo, inquit, ne hoc spargatis. Me enim non seruabitis, & vobis attrahetis periculum.

Inualecente vi morbi, vocatus est Georgius: qui primum ex Rege percunctatur, quid doleret, deinde hortatur, vt bono sit animo, Deum ipsi affuturum: rogauit etiam, vt sibi suisq; imperaret, quæ vellet, omnia posita esse in ipsius arbitrio. Eum Rex oratione, valde lugubri omnibus suis, allocutus est: Optime mi Georgi, inquit, perspecta est tua erga me fides & virtus egregijs documentis. Nam & tua ope in hoc regnum collocatus sum, illudq; tua virtute huc vsque mihi conseruatum. Speraram quidem me fruiturum hoc tuo beneficio: sed nunc aliter visum est propitio Deo: Ego ex hac vita euocor, regnum in tua manu erit. Peto autem à te duo maximis precibus: Primum vt iustus sis in gubernatione, & æquale ius potenti & inopi dicas: Deinde vt meos homines, qui aulam

Ladislai morituri sermo ad Georgium.

meam ex alijs regnis comitati sunt, sine iniuria in patriam remittas. Hoc vltimum beneficium, quaeso te, ne mihi denega.

Georgius respondit : Cogitationes has regis esse intempestivas, colligeret sese, breui ipsum futurum esse sospitem, & Deo dante in multos annos beatum & florentem regnaturum. Desineret igitur talia loqui, quæ & ipse, & omnes circumstantes cum dolore audirent.

Rex vero apprehensa manu Georgij : Age, inquit, mi Domine Georgi, promitte. Nam ego quidem certo morior, si feceris, quæ peto, ego in altera vita æternum Deum pro te precabor : Scio enim me emigrare ad cœlestem & beatam Dei consuetudinem. Quare tu ne aduerseris meæ petitioni. Excusserat hæc oratio Regis, Georgio & omnibus qui aderant, magnam vim lacrymarum : & Georgius dedit fidem, se facturum imperata.

Finito sermone accersiti sunt sacerdotes, cum quibus de consolatione Euangelij multa locutus est, & pia vota ad Deum miscuit, simul etiam sacra cœna administrata, legauit sua ornamenta Ecclesiæ Pragensi : capillos autem, qui ad humeros vndiq; expansi, tanquam aurum fulgebant, iussit refecari, ne in morte adhuc videretur fastui indulgere : Sed ministri, prætexentes causas moræ, hoc neglexerunt.

Ladislavus rex
pie expirat.

Nocte cum animaduerteret vires cordis languefactas iam concidere, apprehendens manu facem, & intuens imaginem Salvatoris crucifixi, precationem Dominicam inter ardentia suspiria ad finem vsque recitavit, & cum vltima verba : Sed libera nos à malo, pronunciaret, deficiente voce placidissime expiravit.

Aeneas Syluij
epiphonema
de interitu
Ladislav regis.

Subiungit huic narrationi sanè tristi, memorabile epiphonema Aeneas Syluius, commonefaciens nos de vicibus rerum humanarum : Ladislav nobilissimus adolescens, natus annos octodecim, in ipso ætatis flore, in ipso gloriæ fastigio, tot regnis & gentibus imperans, tot delicijs atque opibus affluens, inter tot auxiliantium manus, intra trigesimam sextam horam, postquam ægrotare cepit, extinctus est.

Hæc quidem est historia mortis Ladislav, quam ideo retulimus copiosius, non solum quia interitus regis tunc fuit in ore omni populo, & adhuc hodie in frequenti est memoria apud nostros homines, verum etiam, quia est insigne exemplum inconstantiae rerum humanarum, quod merito animos nostros ad timorem Dei & modestiam flectere debet.

Mariæburgū
deditur Polo-
nis per proditi-
onem.

In Prussia, proditione præsidiariorum, Mariæburgum oppidum & arx munitissima traditum est Regi Casimiro : Præfectus præsidij fuit Bohemus, qui accepit à Rege quinquaginta sex aureorum

rum millia . Sed multa alia oppida in fidem à Cruciferis recepta sunt.

Interea in Polonia minori crudeles factæ sunt vastationes à militibus, quibus Poloni debebant stipendia, eosq̃ iuuabant multi ex Silesijs . Missus est aduersus eos exercitus sexaginta milium, qui sauerunt in suos sacerdotes, hostibus autem nihil nocuerunt. Die 24. Nouembris, Georgius in consilio procerum Bohemiæ proposuit, gubernationem Regni vsque ad festum Pentecostes sibi à Rege commissam, & postulauit, ne fieret mutatio : Neque aliquis ipsi, penes quem summa erat potestas, aduersatus est.

Die 25. Nouembris, qui sacer est diuæ Catharinæ, corpus Ladislai mortuum solenni cum pompa in sepulchrum Caroli pro-
Ladislai sepultura.
auū illatum est. Putatum est à nonnullis, ideo maturius, quam ferebat consuetudo, peractum esse funus, ne conspicerentur indicia veneni in cadauere regis.

Respublica Viennensis medicos Germanos, qui sese deprehendisse manifestas notas veneni affirmabant, tacere iussit, ne iram Bohemorum in urbem concitarent. In vulgus fama edita fuit, regem pestilentia extinctum fuisse, & in inguine venenatum apparuisse tumerem, quem Medici Bubonem nominant.

Anno 1458. mortuo Ladislao Posthumo, 2. Martij ren-
Georgius re-
nunciatus est Bohemiæ Rex Georgius Podiebracius. Appetebant
nunciatur rex
regnum Bohemiæ præcipui orbis Christiani Monarchæ, Galliarum
Bohemiæ.
Rex ingentibus pollicitationibus propositis, postulabat, vt aut filium suum, aut illum, cui filiam, promissam olim Ladislao, traditurus esset, eligerent. Sed illa legatio facta iam electione primum fuit audita. Aspirabat etiam ad regnum Casimirus Polonorum Rex, qui habebat in matrimonio sororem Ladislai : Similiter Vilhelmus Saxoniarum Princeps, cui nupta erat soror Ladislai natu maior. Fridericus Imperator ad se reuocabat electionis potestatem. Sperabant etiam Austriaci Principes. Sed illi omnes præteriti sunt, & euectus ad dignitatem regiam Georgius, vir clarus consilio & armis, charusq̃ suis Bohemis ob studium religionis.

GEORGIVS BOHEMIÆ REX,

quem Silesia fermè non agnouit
pro Rege.

IN Hungaria mirabili fato eligitur Rex Mathias Huniades, qui
Mathias Huniades ex carcere uocatur ad Regnum.
erat captiuus in aula Ladislai. Abductus fuerat à Rege Viennam, sed non vnà Pragam profectus est. Quia mater Huniadum mulier generosa, & auunculus Mathiæ, Michaël Silagio, vt est apud Bonfinium, graue bellum minabantur Ladislao, nisi Mathiam dimitteret,

mitteret, & tanta erant studia Principum Hungarorum erga Huniadas, ut etiam attracturi Turcos viderentur: nisi Rex morem ipsis gessisset: Priusquam tamen ex pacto Matthias dimitteretur, Ladislaus decessit.

*Mathias ducit
filiam Georgij.*

Georgius, intelligens suum compendium, properè nomine Regis, cuius mors nondum euulgata erat, literis scriptis Mathiam accersit Pragam, eumque in potestatem suam traduxit. Missa autem fuit splendida legatio Pragam, quæ Mathiam ad regnum reposcebat. Georgius vir Prudens, acceptis quinquaginta aureorum milibus, non solum adolescentem dimisit, verum etiam collocavit ipsi nuptum filiam suam, fecit cum eo fœdus, eumque comitatum usque ad fines Pannoniæ exercitui Hungarico tradidit.

Mathia indoles.

Grata erat omnibus memoria patris, viri excellentissimi, & in ipso Mathia præclara indoles ad maximas virtutes, iudicio patris, & aliorum sapientum elucere videbatur. A teneris adhibitus ad optima studia fuerat, & literas artiumque multarum semina mirabili celeritate & auiditate didicit. Erat pater imperitus linguæ latinæ, in maximè arduis verò deliberationibus & tractationibus cum legatis Pontificis, aut aliorum Regum, qui negocia sua lingua latina proponebant, non utebatur alio interprete, quàm filio Mathia, qui cogitationes & consilia patris eleganter & splendide exponebat.

Iohannis Cardinalis præsentium de Mathia.

Animaduersum est, cum in prima pueritia, cum audiret, Musicos patrios sonare poemata de prælijs & laboribus Rolandi vel Theodorici Veronensis, gaudio & animi alacritate exilisse, & gestus pugnantium manibus & pedibus expressisse, in eaque intentione sæpe magnam partem diei, oblitus cibi potusque, immoratus fuit. Ideoque & parentes optimè de illo sperabant, & Iohannes Cardinalis legatus Pontificius, qui illa ætate laudem sapientiæ habuit, palam dixit, se in hoc puero virtutem & fortunam regiam manifestè deprehendere.

Amisit patrem anno ætatis duodecimo: inter gratulationes verò hominum, ubique occurrentium, & fausta optantium, ex carcere Budam ad amplissimum Regnum ductus est, anno ætatis, ut scribit Galeotus Martius familiaris ipsius, decimoquarto.

Georgius Rex repudiatur à Silesijs.

Vniuersa Silesia ægerrimè tulit electionem Georgij, quia & Hussitici, propter memoriam vastitatis factæ in Silesia, erant in odio, & ipse Georgius putabatur non fuisse ignarus necis Ladislai, de qua circumferebantur cantilenæ, & narrationes iniquæ & falsæ. Die 22. Martij Lignicj fuit conuentus Principum & ordinum Silesiæ, in quo fœdus factum est contra Georgium Regem, quem ex communi consensu omnes repudiabant, propendebant verò ad Vilhelmum Saxoniam Ducem, Ladislai sororium. Erantque in eo conuentu legati Ducum Saxoniam, Vilhelmi & Friderici Electoris, qui in fœdus illud Principes suos ascripserunt.

Rursus

Rursus Vratislaviae 19. Aprilis foedus illud confirmatum est. Venerunt ad eum conuentum legati Georgij, qui postulabant iuramentum fidelitatis ab ordinibus, sed reiecti sunt. Georgius, cuius prudentia & patientia, etiam in ista ætate prouectiori, fuit eximia, inibat rationes, quomodo pacatè & sine cæde posset componere turbas regni. Diligenter igitur per legatos suos egit apud Pontificem de concordia, illiq; reconciliatus est. Quia aula Romana meminerat, infœliciter olim Germaniam cum Bohemia fuisse commissam, & sperabat arte quadam emolliri posse animos gentis ferocioris, cui faciebat spem de concessione integri Sacramenti, quam maxime Georgius flagitabat.

*Georgius res
conciliatur
Pontifici.*

Missæ sunt igitur Roma Pontificiæ Bullæ, quibus titulus regni Georgio tribuebatur, atque ita, cum plurimorum animos flexisset, die 7. Maij Pragæ coronatus est. Circumlata est per Silesiam formula iuramenti, vbi Georgius promittit, se obseruaturum fidem traditam à viris Catholicis, quod Pontificij intelligi volebant de religione Romana: sed ipse Georgius postea interpretatus est de consensu Ecclesiæ Catholicæ, congruente ad normam scripturæ Apostolicæ.

*Georgius iura
rauit in reli
gionem Catho
licam.*

Peraçta coronatione multorum studia, præsertim eorum, qui erant amantes quietis, ad Georgium conuertebantur. Ipse Rex in Morauiam & Lusatiam profectus est, easq; Prouincias mirifica humanitate & benignitate deuinctas sibi in fidem recepit.

Iodocus Rosembergius Episcopus Vratislaviensis, qui ante biennium ex commendatione Regis Ladislai Petro successerat, suadebat Silesiæ, vt idem faceret, neque inutili pertinacia clades patriæ accerseret. Non abhorrebant à studio pacis præcipui Silesiæ Principes, sed mirabili quodam fato Ciuitatis Vratislaviensis is fuit ardor contra Georgium, qualis fermè olim fuit vrhis Atticæ in reprimendo Philippo Macedonum Rege. Ideo constanter omnem mentionem pacis abiiciebat, & spargebat, edicta Pontificia per fraudem esse extorta.

*Vratislaviensis
Episcopus
suadet pacem.*

Ipse etiam Episcopus publicè in concionibus laceratus est, præsertim à Monachis, & magna affectus contumelia, quòd contra acta prioris temporis nunc remollesceret, & suaderet recipiendum esse in Regem hominem hæreticum, Ecclesiæ Romanæ hostem. Ideo Episcopus vir placidus, vt exploraret animum Pij Secundi Pontificis, qui recens in locum Calixti defuncti electus fuerat, mense Septembri Romam profectus est.

Fuit autem is Pius Aeneas Syluius Senensis, qui ex parentibus mediocris fortunæ natus, commendatione literarum, quæ tunc in Italia renascebantur, venit in noticiam potentum, & primum fuit scriba Concilij Basiliensis. Deinde à Casparo Scliccio, Cancellario Friderici Cæsaris, qui amabat studia doctrinæ, impetrauit

*Pius Senensis
Pontifex.*

locum in aula. Ibi cum innotuisset Cæsari, & probaretur ipsius industria, commendatus est illi Episcopatus Tergestinus, tandem etiam Senensis, & cum migrasset in curiam Pontificis, ascriptus coetui Cardinalium, præcipua negocia sub Calixto gubernabat, illiq; mortuo successit. Ita ut ætate illa luisse videatur fortuna, quæ & ad præcipua regna euexit homines tenuiores, & fastigium Monarchiæ Pontificiæ tribuit homini inopi & penè ignobili.

Erat autem Pius non solum vir sapiens & callidus, verum etiam omnium rerum Germanicarum valde peritus, quas in aula Cæsaris didicerat: ideo, cum sciret Georgium non esse æquum aula Pontificiæ, astutè ipsi aduersarios concitabat, & tamen eum simulatione beneuolentiæ lactabat, ne manifestum bellum accendere videretur.

In Prussia nondum conticuerat bellum Polonicum, sed hoc anno Casimirus Rex rursus suam nobilitatem ad expeditionem Prussicam euocauit. Cruciferi habebant exigua quædam auxilia Germanorum: Polonorum verò tanta fuit multitudo, ut teste Duglossio, singulis diebus ad centena millia aureorum infumerent. Nihil tamen memorabile gestum: sed, cum fame homines & iumenta perirent, Poloni domum reuersi sunt.

*Matthias sedat
seditiones
in Hungaria.*

In Hungaria Mathias adolescens compescebat seditiones domesticas, quas excitabant aduersus eum quidam ex suis nobilibus, adiuti à Casimiro Poloniæ Rege, qui Pannoniam ad se trahere nitentur. Sed illud agmen penè vniuersum Mathias deleuit. Fuit deinde in iugis Carpathi nobilis latro Telephus, qui ex illis montibus latè prædas agebat, multis annis. Eum Mathias non sine difficultate cum manipulo suo seditiosorum hominum superauit, & ex Regno eiecit.

*Georgius rex
reconciliatur
Friderico Cæsari.*

Georgius verò Rex, recepta Morauia, inuenit rationem, qua sibi conciliaret Cæsarem Fridericum. Austriacos, qui paruerant Ladislao Regi, & quos alioqui oderat, quod illi frequenti sermone spargerent, quasi scelere Georgij Rex esset necatus, contractis copijs terruit, ut Friderico Cæsari sese dederent. Impetravit igitur à Cæsare diplomata, quæ testabantur, autoritate Cæsaris Georgium in Regnum collocatum, & mandabant subditis Regni, ut eum agnoscerent. Posteaquam vero in Bohemiam regressus est Georgius, reliqui Principes Austriaci Morauiam latè vastarunt.

Anno 1459. mense Martio, Corbusij, Principes Saxonie, Henricus Freistadiensis, Collegium sacerdotum Vratislaviensium, ciuitas Vratislaviensis, & plurimi alij ex ordinibus Prouinciæ, collocti sunt de foedere in annos aliquot faciendo aduersus Georgium Regem. Sed altero mense post tota res fuit discussa:

Quia

Quia Principes & vrbes plæræq̃, cum intelligerent, Georgium etiam à Cæsare esse appellatum regem, promiserunt ipsi obedientiam. Sed Vratislauià vnà cum collegio, quod acerbè oderat Georgium, & quotidianis concionibus per suos oratores Monachos, ciues inflammabat, nulla ratione passa est sese flecti. Sacerdotibus, qui erant faces publici incendiij, denunciarunt bellum, Capitaneus Glocensis, & Princeps Teschinensis, qui multa prædia eorum passim deuastarunt & exusserunt.

Georgius autem, qui sperabat æquitate & clementia sese animos Silesiorum expugnaturum, Pridie Calend. Septembris venit Suidniciam, ea vrbs cum vniuersa nobilitate honorifice regem excepit. Iauroniæ deinde ab omnibus Principibus & ciuitatibus salutatus est Rex, soli Vratislauienses & Namslauenses, qui eorum sequebantur auctoritatem, eum repudiarunt.

Iniit autem rationem, quomodo Vratislauiam posset adducere ad officium sine magna immanitate. Distribuit præsidia in varia loca, vt vrbi commeatus intercluderetur. Præcipui duces copiarum erant Boleslaus Opoliensis, Vladislaus Glogouiensis, & Conradus Albus Olfnicensis. Occupauerant Bohemi iam Nouorum oppidum, & aliquot vicinas arces: Principes vero isti Calend. Octobris subito contractis suis militibus, ex ripa Viadri Aquilonari adorti sunt monasterium S. Vincentij in suburbij Vratislauiæ, quo si essent potiti, facilem habuissent aditum ad urbem. Sed virtute ciuium & præsidiariorum militum, acre cum illis est commissum certamen, & cum glande vulneratus esset Vladislaus Glogouiensis, pugna diremta est, & Principes cum magna clade repulsi sunt, ita vt postridie totus exercitus dilaberetur. Vladislaus ex vulnere illo quadriennium decubuit, & nullo hærede relicto, Glogouiæ decessit. Eruperunt deinde milites Vratislauienses, & plures ex nobilitate, qui ipsis erant iniqui, profligarunt. Georgius omisso infelici bello, in Bohemiam redijt.

Pius vero Pontifex, vt audiuit litem Bohemicam in manifestum erumpere bellum, misit in Germaniam Hieronymum Landum Archiepiscopum Cretensem, cui mandauerat cognitionem & compositionem belli Bohemici, & iusserat eum quoque esse arbitrum inter Casimirum & Cruciferos.

Venit is Vratislauiam die S. Martini. Iodocus Episcopus in senatu ordinum grauiter differebat, sedandum esse perniciosum illud bellum ciuile, & Georgium recipiendum pro Rege, in eum acriter inuectus est Cretensis, adeoq̃ incanduit, vt Iodocum venenum patriæ appellaret. Sed Episcopus masculè & appositè respondit: Bene, inquit, pronunciauit de Cretensibus D. Paulus, *Κρητες ἀνὲ ψόγου, κατὰ τὴν ἐκκλησίαν, καὶ τὸν λαόν, καὶ τὸν βασιλέα.* Eorumq̃ tu es Archiepiscopus, & rectè quidem. Nam qualis populus, talis Pastor.

Tandem

Georgius à tota ferme Silesia agnoscitur pro rege.

Vratislauiæ opponit se Georgio.

Vladislaus Glogouiensis ad Vratislauiam letale vulnus accipit.

Cretensis Archiepiscopus non bene rem gerit in Silesia & Polonia.

Vratislauiensis Episcopi contentio cum Legato Pontificio.

Tandem multorum grauium virorum opera, quibus illa consilia exitiosa displicebant, Cretensis duxit secum aliquos præcipuos Senatores & Canonicos Pragæ, & cum Georgio rege inducias ad triennium pactus est, vt hoc temporis spacio appareret, vtrum Georgius serio Ecclesiam Romanam veneraretur.

*Pius Pontifex
damnauit Ca-
simirum.*

Inter Casimirum & Georgium Reges, interea hisce annis mirificæ fuerunt simulationes, cum Georgius metueret, ne Casimirus Silesios nutantes in fide, sibi coniungeret: Casimirus autem nollet implicari Bohemico bello durante Prutenico. Legatio Archiepiscopi Cretensis ingrata fuit Polonis, quia Pius Pontifex Mantuæ in Synodo publicè testatus fuerat, Casimirum gerere iniustum bellum cum Cruciferis, & iusserat Casimirum ordini restituere vrbes ademptas.

Ardebat præterea tota Polonia ciuilibus dissensionibus & factionum studiis: Casimirus Rex placidus & mitis, ita contemnebatur, vt etiam pueri publicè eum per ludibrium, tanquam parum prudentem inclamarent. Proceribus regni in publico conuentu longa oratione ipsius segnitiam insectantibus, breuiter respondit, nihil se rectè posse facere, cum destitueretur neruis, hoc est, pecunia, & ipsi bona regia occupata tenerent.

*Mathias in-
fert bellum
Friderico
Imperatorii.*

In Pannonia intercessit Mathiæ bellum cum Friderico Cæsare, quod deinde sequentibus annis subinde solitum est recrudesce-
re. Retinebat Fridericus coronam regni Hungariæ, quam olim vnâ cum puero miserat ad eum mater Ladislai, & habebat studia aliquorum procerum, qui ipsi faciebant spem de regno, copiarum etiam Cæsaris hoc anno fuerunt victrices. Motus tamen sedati sunt, & Cæsari multæ factæ promissiones.

*Pius Senensis
donat Vratis-
lauiæ Iubile-
um.*

Anno 1460. vbique fermè atrox sæuijt pestilentia. Pius vero Pontifex, misertus calamitatum & sumtuum Vratislaviensium, largitus est illis in quinquennium gratiam anni Iubilæi, vt nominant. Conflata est per nundinas illas grandis pecunia, cuius tamen bona pars Romam sub specie belli Turcici translata est. Propter mutationes etiam monetæ multæ fuerunt in Silesia dissensiones.

Anno 1461. Fulsit Cometa, qui proculdubio significauit cladem regni Bohemiæ, quæ paulò post secuta est. In Prussia segne & infoelix bellum Casimirus gerebat cum Cruciferis. Nobilitas Polonica succensebat suo regi, & omnia domi ipsorum plena erant discordiarum. Legatus Pontificius in nulla erat autoritate apud regem. Quia Pontifex existimabatur fauere Cruciferis, & odisse Poloniam, quæ ipsi aliquando negauerat Episcopatum Varnensem.

Acerbe autem Rex à legato obiurgatus est, quod contra voluntatem Pontificis vellet Episcopatum vni ex suis attribuere, repudiato

pudiato illo, quem designauerat Pontifex, & ita incaluerunt, vt cum Rex diceret, potius se regnum amissurum, quàm passurum, vt Cra-
 couiam iste collocaretur, Legatus responderet, præstabilius esse,
 tria regna Christiani orbis euertere, quam auctoritatem Pontificiam
 conuelli. Tanti nimirum tunc fuerunt spiritus Pontificiorum.

*Casimiri regis
 disceptatio cū
 legato Ponti-
 ficio.*

Casimirus igitur, cum finem belli Prutenici nullum prospice-
 ret, & metueret ne Pontifex alicunde sibi concitaret hostes, amicitia-
 m Georgij expetiuit, cui ipsi quoque cum Pontifice non optime
 conueniebat. Decretum est igitur, vt anno sequenti ipsi reges Glo-
 gouiae conuenirent.

Anno 1462. 15. Maij venit Georgius Rex Glogouiam, ha-
 buit in comitatu equites bis mille, duos Episcopos, Vratislauen-
 sem & Olomucensem, & quatuor Principes Silesiæ, Conradum
 album & nigrum Olsnicenses, Henricum Freistadiensem, & Jo-
 hannem Pribusensem. Casimirus traxit secum quinque millia
 equitum, & præcipuos regni sui proceres, 18. Maij.

*Georgius &
 Casimirus re-
 ges congrega-
 untur Glogo-
 uia.*

Georgius sperauerat se superaturum Polonos splendore, sed
 fuit inferior. Processit Casimiro obuiam ad vnum milliare, salu-
 tationes mutuæ ex equis factæ sunt. Casimirus ductus est in arcem,
 Georgius diuertit in curia vrbanæ. Collocuti sunt totos dies no-
 uem, & tandem foedus initum, quod ad vtriusque mortem vsque
 esset stabile. Valde istum congressum regum detestati sunt sa-
 cerdotes. Quia intelligebant, vtrumq; regem sese munire contra
 Pontificem.

*Casimirus
 Georgium
 superauit
 splendore.*

Decretum est inter alia, vt subinde alternis vicibus in Polo-
 nia & Silesia proceres conuenirent, & controuersias finium & alias
 amicè dirimerent. Scribitur Casimirum, Georgium adeo magnifi-
 co excepisse conuiuio, vt ipse Georgius, cum se victum videret, non
 auderet Casimirum inuitare ad sese. Post illud foedus Georgio cre-
 uit animus, coëgit Fridericum Marchionem Brandenburgensem
 cedere sibi de Lusatia inferiori, quam obtinuerat à Ladislao Rege:
 Marchio solum sibi Cotbusium cum paucis alijs oppidis retinuit.
 Nam Marchio tunc etiam in odio erat apud Casimirum, quod
 existimaretur fauere Cruciferis.

*Georgius &
 Casimirus
 iunguntur
 federe.*

*Lusatia infe-
 rior recipitur
 à Georgio
 rege.*

Postea mense Iulio Georgius euocauit ordines omnium sua-
 rum Prouinciarum Pragam, ibi tandem in publico conuentu to-
 tum sese aperuit. Retulit quàm demissè & apud Calixtum, & re-
 cens apud Pium Pontifices laborauerit de concordia Ecclesiarum
 Bohemicarum cum Romana: Sed nihil æqui sese posse in superba
 illa aula impetrare. Nam etiam vsum sacri calicis, quem Bohe-
 mis Basiliense Concilium concesserat, sibi negari.

*Georgius Rex
 palam religi-
 onem suam
 profitetur.*

Quare

Quare se nunc publicè coram Deo & coram ipsis suis subditis profiteri, etsi ipse pacis & quietis sit studiosissimus: tamen, cum veritas cœlestis vocis anteferenda sit omnibus rebus humanis, non se toleraturum esse idola Pontificia, sed pro defensione veritatis etiam cerebrum suum se velle effundere, & honestam, si Deus ita velit, oppetere mortem.

Sedebat Rex, cum ista loqueretur, augustis suis indutus ornamentis, & assidebat ipsi regina splendide etiam ornata. Hæc oratio Regis tam vehemens vniuersum cœtum commouit, & dissimiliter affecit. Nam Bohemi quidam magnanimitate & constantia sui regis lætabantur. Reliqui autem, addicti Pontifici, dolebant Regem, quem crediderant reuersurum ad obedientiam Ecclesiæ Romanæ, in sese concitare iram & fulmen Pontificis, & præfagebant secutura mala.

Fridericus
Cæsar oppu-
gnatur à ci-
uibus Viennensibus.

Dimisso conuentu, Georgius cogitauit de via, qua sibi arctius adhuc deuinciret Imperatorem. Discordia erat inter Cæsarem & Principes Austriæ reliquos, qui ægrè ferebant, partem Austriæ, quam habuerat Ladislaus, ad solum Cæsarem peruenisse, & habebant studia aliquorum in ciuitate Viennensi. Hoc vero anno, cum Cæsar sex Senatores captos inclusisset carceri, multitudo concitata, Cæsarem vnà cum Maximiliano in arce duos menses obsidebat, & reposcebat captiuos. Iuuabant vero ciuitatem reliqui Principes Austriæ.

Georgius igitur contractis ex Bohemia copijs tulit opem Cæsari, eumq; eripere ex arce conatus est. Etsi autem Viennenses armis reijcere non potuit, prohibitus à Principibus Austriæ, tamen hostes ita terruit, vt Cæsari reconciliarentur. Viennensis ducatus ex transactione attributus est Maximiliano Friderici filio, & puero, qui tunc quartum ætatis annum nondum excesserat, tutor datus est in ducatu illo Albertus Austriæ Princeps, frater Cæsaris.

Monsterbergensium Principum origo.

Fridericus, vt gratus esset Georgio, creauit filios ipsius Principes Monsterbergenses, quorum familia, Dei beneficio, adhuc superstes est. Fuit hoc anno 1463. Ad Rhenum etiam crudele bellum fuit inter Principes.

Pius Senensis, qui etiam Cardinalis adhuc oderat Moguntinum Archiepiscopum, quod is aduersaretur expilationibus Pontificijs in Germania, constituit eius autoritati, quæ est præcipua, iniicere frenum.

Bellum ad Rhenum.

Fuit electus Comes Isenbergius, huic inter alias condiciones Pius etiam hanc proposuit, vt iuraret se non conuocaturum esse Electores, nisi Romano Pontifice consulto & assentiente. Ita enim astutè auctoritatem Electorum languescere, & ad ipsos Pontifices transferre conatus est. Aduersatus est Isenbergius, ideo Papa eligi iubet Comitem Nassauensem, & fulmen excommunicationis edit contra

contra Isenbergium, & Fridericum Palatinum cum socijs, qui Isenbergium defendebant.

Hinc magnum bellum ortum est, & hoc anno Pridie Calend. Iulij facta pugna, à Palatino victore capti sunt Carolus Marchio Badensis, Georgius Episcopus Metensis, Episcopus Spirensis, Viricus Comes Virtembergensis, & præterea quingenti Comites & nobiles. In cœna primi diei nullus illis est appositus panis, quod non imitati essent legem Cyri, qui iussit parci agricolis & segetibus, tandem numerata pecunia dimissi sunt.

Palatinus Rhēni cepit multos Principes.

Mense Martio eiusdem anni Pontifex, qui rescuerat Georgium abieciisse spem pacificationis cum Ecclesia Romana, ciuitatem Vratislauensem & Namslauensem ipsius obedientiæ exemit, & sub poena excommunicationis vetuit, ne quis Georgio oppugnatoro Vratislauenses ferret opem. Fuit hoc leue principium fulminis Pontificij, quod deinde longe terribilius emissum est.

Pius Senensis denuo persequitur Georgium regem.

Georgius, qui præuidebat, iram Pontificis, quæ maximis etiam Imperatoribus grauis fuisset, sibi futuram intolerabilem, Vratislauensibus post finitas triennales inducias, alias quatuor annorum obtulit. Sed Vratislauia, Cretensi eos ad bellum instigante, hoc repudiavit.

In Polonia Cretensis nihil perfecit: Quia videbatur esse æquior causæ Cruciferorum, & interceptæ erant literæ ipsius, quibus scribebat, gentem Polonicam ignaram esse timoris Dei, atque ita pene cum contumelia regno eiectus est. Neque dubium est, Polonos subituros fuisse indignationem aulæ Pontificiæ, si diutius vixisset Pius.

Cretensis Archiepiscopus offendit Polonos.

Mahometi Turcici ingentes fuerunt hoc anno successus. Nam & Lesbos insulam potentem, & paulò post regnum Bosniæ, opibus & munitionibus florens, in suam potestatem traduxit: Regem Stephanum, cum vrbe præcipua laiza in deditionem acceptum, contra datam fidem palo alligatum sagittis confixit, increpante Mahometo auaritiā & ignauiam ipsius, quod perire maluerit, quam immensos thesauros auri & argenti, qui apud ipsum reperti fuerant, attingere. Ex gente illa Triballica, & Heneta, quæ robore corporis præstat, Mahometus multos phalangi suæ pratoriæ ascripsit, quos milites Ianizeros vocauit.

Mahometus occupat Lesbos & Bosniæ regnum.

Stephanus Rex Bosniæ trucidatur.

Ianizeri deleti ex Henetis.

Imminebant vicinæ Pannoniæ iam undique Turci, sed virtute & diligentia Mathiæ frustrati sunt successu. Nam præsidium, quod collocauerat ad limites regni Australes versus Bosnam, foeliciter dimicauit cum Turcis, deleto toto agmine, in quo fuerunt quater mille exercitati milites, & magna caterua Rascianorum, quæ in seruitutem abducebatur, liberata est.

Mathias recuperat Bosniæ regnum.

In altero limite Aquilonari ad Transsylvaniam, rursus duces sui foeliciter pugnarunt, & repulerunt Turcos. Inuitatus hoc successu Rex, pacem cum Cæsare & alijs vicinis confirmavit, & expeditionem

ditionem in annum sequentem aduersus Mahometum meditatus est.

*Pius Senensis
moritur.*

Anno itaq; sequenti magno animo adortus Turcos, Halibecum Ducem Mahometi celebrem fudit & fugauit: eadem æstate Iaizam munitissimam arcem, vnà cum viginti septem alijs oppidis Bosnæ & Rasciæ recepit. Eodem tempore Anconæ moritur Pius Pontifex, qui euocauerat omnes Christianos Principes ad piam militiam contra Turcos, cuius ipse volebat esse ductor.

*Bellum sacrū
mors Pontificis
interrupit.*

Extant de ea expeditione rescripta ipsius plena mirifici ardoris. Professi fuerant militiam illam Mathias Rex, Philippus Burgundiæ Dux, & Princeps Venetus. Confluebat vndique magna multitudo ex omnibus regnis Christianis. Sed cum totam administrationem belli mors Pontificis interrupisset miseri aduenæ cruce signati malè ab Italis accepti sunt, ita vt magni greges passim fame extinguerentur. Plærique deinde in reditu latrocinia exercuerunt.

*Paulus Secundus
concitat
bellum in Bohemiam.*

Electus est in locum Pij Paulus Secundus, qui inclementior erat Bohemis quam Turcis, eaq; consilia Europam euerterunt. Initia Pontificatus sui exorsus est à classico contra Bohemos, omis-
sa cura belli Turcici, & terribile fulmen excommunicationis emisit in regem Georgium, quem dignitate priuauit, & vniuerso regno deturbare conatus est.

Exemplum edicti Pontificij lectum est Vratislaviæ 5. Augusti, Anno 1465. & magnam in populo excitauit læticiam. Venit etiam Vratislaviam nouus legatus Pontificius Rodolphus, homo Germanus, sed imbutus arte & dignitate Italica.

Erat autem Episcopus Lauantiniensis, is, sicut habebat in mandatis, iniquissimis etiam conditionibus omnes controuersias inter Monarchas tollebat, & vniuersos in Bohemos concitabat. Episcopus Iodocus, ipso accedente, profectus est in Bohemiam, vt patriam de suo periculo doceret. Non multo post inde reuersus, reconciliauit Conradum Olsnicensem Casimiro Regi, cum quo ipsi erat lis propter hæreditatem vxoris suæ in Masuonia, placatus est dono aureorum octies mille, summa nempe exigua, si æstimari debebat pretium patrimonij.

Missæ fuit eo anno legatio ad Tartaricos reges, quæ nomine Cæsaris & Pontificis eos incendebat ad bellum contra Mahometum Turcicum, promissis grandibus stipendijs.

*Tartaris non
permittitur
ut inuadant
Turcos.*

Tartari ostenderunt se facturos postulata, si iuberet hoc Casimirus Rex. Sed ab eo, vrgente adhuc bellum Prutenicum, hoc non potuit impetrari. Ita odia & ambitiones iniustæ Christianorum Regum exacuerunt gladios Turcicos, quibus nunc nulla potentia par est.

Anno

Anno 1466. facta est pax inter Casimirum & ordinem Prutenicum, post bellum tredecim annorum. Redactus erat ordo ad paucos, & Germania implicata ciuili bello parum eos iuuabat: Caesar etiam à Mathia rege distinebatur, ne posset ipsis adesse, ideo facilius legato Pontificio, qui sitiebat cruorem Bohemicum, obtemperauit in accipiendis conditionibus pacis.

*Cruciferi
transigunt
cum Casimi-
ro Rege.*

Præcipuum caput transactionis hoc fuit, vt Prussia auellere-
tur ab Imperio, & Magister ordinis esset sub clientela Regis Polo-
niæ. Nam reliquæ conditiones fuerunt tolerabiles. Magna enim
pars Prussiæ illis relinquebatur, quia ipse Casimirus etiam expete-
bat pacem, quod exhaustus esset pecunia, & præuideret bellum
Mathiæ regis Hungariæ, viri acerrimi.

Fuit igitur etiam ille euentus belli non funestissimus Germa-
nis. Nam cum nobilitas ordinis, seditione suorum ciuium ex tota
terra penè esset pulsa, & in duas mutiones inclusa, & præterea, in-
uaderet eos potentia vniuersæ Poloniæ, regni populosissimi, ta-
men Dei benignitate, & virtute sua, tot annos impetum hostilem
egregiè sustinuerunt, & magnam partem Prouinciæ recupera-
runt: ita vt & hoc exemplum non malè congruat ad sermonem
Isocratis, qui dixit, se vidisse exitium omnium bellorum, quæ ma-
ximè varia sua ætate in Græcia gesta sunt, non secundum vires: sed
secundum iusticiam fuisse.

Rodolpho legato splendida munera oblata sunt, sed ipse im-
petrauit, vt eadem donarentur Magistro ordinis: qua re ostendit,
se affici calamitate Cruciferorum oppressorum per vim. Prutenis,
qui manserunt in potestate Regis, hoc accidit, quod Xenophon
habet in Epiphonemate suæ historiæ de bellis Græciæ: Cùm exi-
stimaretur esse debellatum, plus fuit confusionum in Græcia, quàm
ante bellum. Nam mutatione imperiorum raro mutantur cala-
mitates, & sæpe, vt aliàs dictum est, liberatores Rerum publicarum
solent vino libertatis acerbum acetum infundere, neque illa pru-
dentis Poëtæ querela vana est, qui dicit:

Libertatis amor stultum cur decipis orbem.

Rodolphus confecta pace, Casimirum incendebat aduersus
Georgium: cui quidem ad inuadendam Bohemiam voluntas non
deerat, sed malebat eum arte quadam excutere, ne videretur foedus
factum frangere.

*Rodolphus le-
gatus Pontifi-
cius est tuba
ciuilis belli.*

Reuersus in Silesiam, publicis concionibus & execrationibus
plebem inflammabat in Bohemos, & euocabat homines, proposita
spe de merito vitæ æternæ, non secus ac contra Turcos prius fa-
ctum fuerat. Conuenit magna multitudo ex plebe, sed nobilitas de-
testabatur furores Pontificiorum, qui patriæ attracturi erant cla-
des. Dux copiarum constitutus est Balthasar Saganensis, qui exer-
citus in Prussia duxerat.

Vratislauienses
superantur
à ducibus Ge-
orgij regis.

Anno 1467. die 15. Maij egressi Vratislauia occuparunt Monstbergam, & paulò post Francosteinum. Reliquerunt ibi præsidia equitum & peditum non contemnenda. Verum Duces regij ex ditione Glocensi collecto exercitu ex vicina Bohemia, adiuti etiam à Marchionibus Misnensibus & Brandeburgensibus, Vratislauienses in urbem inclusos obsederunt, ibi re desperata, equitatus profugit, pedites autem & promiscua multitudo die S. Viti à Bohemis oppressi, iugulati & capti sunt.

Venerunt in potestatem hostium multæ insignes machinæ bellicæ, quas adduxerant Vratislauienses. Rursus die S. Iacobi Vratislauienses cum exercitu quatuor millium tentarunt Francosteinum, sed cum clade tunc etiam reiecti sunt. Ita πολυπραγμοσύνη, præsertim quæ regitur iniusta cupiditate sacerdotum, nunquam est felix.

Paulò post tumultus bellici ad Saganum & Freistadium, fuerunt Iohanne Pribusense, exorti sunt, & restincti ab Henrico Freistadiense, de quibus in altero libro scribetur. Legatus Pontificius, cui recens Roma noui socij superuenerant, post cladem Francosteinensem Cracouiam rursus excurrit, & Casimiro nomine Pontificis denunciauit, nisi ipse acciperet Regnum Bohemiæ, Pontificem illud traditurum alteri, eumq; nullo modo passurum, ut ibi dominaretur hostis Ecclesiæ Romanæ.

Paulò ante fuerant apud Regem legati Georgij, qui orabant, ne contra fœdus pateretur sese inflammari à Pontificijs ad iniustum bellum. Casimirus, Rex circumspectus & astutus, videbat Georgio nec vires nec fortunam adhuc deesse, & iuuabant eum etiam missis auxilijs Principes Misnenses & Brandeburgenses, ipsèque Georgius multos ex Proceribus seditiosis foelici bello persequabatur & vlciscebatur, ideo ratus expectandos esse flatus fortunæ, reiecit negocium in aliud tempus, & respondit: Sine assensu omnium suorum in re tanta nihil posse statui.

Misit tamen legationem in Bohemiam, quæ moneret Georgium, ut supplex fieret Pontifici, & qualicunque ratione cum eo transigeret. Georgius opposuit Polonis, quàm nullam causam tanti odij in ipsum haberet Pontifex, à quo concessionem Synodi Basiliensis non posset impetrare: Si tamen putaretur ipsi esse iniurius, non recusare sese iudicem ipsum Casimirum, ex cuius sententia errata sua velit corrigere.

Rodolphus, qui cognouerat responsum Georgij, conuocauit ordines Morauia, Bohemiæ & Silesiæ, qui defecerant à Georgio, mense Decembri Vratislauiam, & perfecit, ut significaretur Casimiro, non se posse ipsum accipere pro arbitro, causa iam iudicata à Pontifice, cui necesse esset parere, & Georgium ex regno deturbare.

In Silesia & Polonia rursus magna hoc anno grassata est pestilentia. Valachiam infœliciter tentauit Mathias Rex magna cum strage suorum, à Stephano Valachorum Principe, viro supra modum strenuo & impigro, ex insidijs oppressus & cæsus est. Ipse acceptis tribus vulneribus æger lectica in Hungariam relatus est.

Mathias uincitur & uulneratur in bello Valachio.

Rodolphus legatus, feruore suo contra Bohemos ita sibi conciliauit studia sacerdotum, ut mortuo Iodoco eligeretur in Episcopum Vratislauensem. Pontifex regnum Bohemiæ tanquam pomum Eridos proiecit inter Monarchas, de quo mirificis studijs, odijs, artibus & bellis certatum est. Deferebat illud Mathiæ, cuius sciebat eum esse ardorem, ut semel moto bello, non esset conquieturus, nisi parta victoriâ. Fridericus etiam Cæsar, persuasus à Pontifice, cui totus erat addictus, ab amicitia Georgij Regis sese auertit, & non spernebat consilia suorum, qui monebant, ut in Regnum illud filium suum Maximilianum, egregiæ indolis adolescentem, collocaret.

Rodolphus legatus Pontificius eligitur in Episcopum Vratislauensem.

Fridericus Cæsar transigit cum Mathia.

Renouauit igitur fœdus cum Mathia, hoc postulante, ab eoq; assentientibus Hungaris designatus est successor in regno Pannoniæ. His ita constitutis, anno 1468. mittitur legatus ad Casimirum, qui & ipse hoc pomum captabat, Prothasius Episcopus Olomucensis, is secreto hortatus est Regem, ne irritaret aduersus se arma fortissimi Regis Mathiæ, qui iam haberet amicum Cæsarem, sed affinitate vtrumq; sibi conciliaret, cum Mathias esset viduus, & Maximilianus adhuc puer. Hoc modo enim filias ipsius regnaturas, & si nullus superstes relinqueretur hæres masculus, sine sanguine regna illa ad suos filios reditura.

Rex, qui optime & poëma & autorem eius agnoscebat, respondit alienius & penè rusticè, Successionem in regno Bohemiæ sibi ex lege & pacto deberi, si quis igitur illud esset appetiturus, se ius suum non neglecturum. Mathiam nolle sese generum, qui aliquoties grauitè ipsum offendisset. Post Prothasium euestigio aduenit nuncius Georgij, qui iam omnia erat odoratus, orabat regem, ut constanter fœdus seruaret, daturum sese operam, ut vnus ex filijs Casimiri ad regnum accerferetur.

Fuit hoc gratum Casimiro, renunciauit igitur ipsi, seruaturum se pacta, modo Georgius etiam faceret, ut promissa apparerent. Interea Mathias collecto ingenti exercitu, omissa expeditione Turcica, quam habebat in animo, inuadit Morauiam: cui quidem ad fines Bohemiæ Georgius occurrit, sed impar Mathiæ, amissis multis militibus & equis, domum regreditur: reliquit vero in castris filium Victorinum, natu maximum, qui paulò ante Austriam populatus fuerat, & à militibus Cæsaris, cum incautius oberraret, cum clade reiectus, eum Mathias inclusum in quandam munitionem arctissimè obsedit.

Mathias infert bellum Georgio.

Frater Henricus eum liberaturus accesserat, sed frustra laborauit. Victorinus tamen, deceptis stationibus vigiliarum, elapsus est. Arces verò & munitiones multæ in prima ora Bohemiæ, & in Morauia, Mathiæ deditionem fecerunt. Casimirus, qui videbat premi Georgium, callidè conatus est ipsi detrahere regnum. Postulauit enim, vt vni ex filijs suis regno cederet, ita enim tam graue bellum commodissimè posse sedari. Sed Georgius, qui technas illas fraudulentas detestabatur, hoc se facturum negauit.

Silesiæ populus trucidatur in finibus Bohemiæ.

In Silesia Vratislauienses cum socijs expugnarunt & diruerunt arcem Francosteinensem. Eodem tempore ex vtraque Lusatia, concitante vbique plebem Rodolpho Episcopo, collecta est multitudo signata cruce, illiq; magna misit auxilia Henricus Freistadiensis Glogouia & Freistadio: verum imperitus ille populus, dum sibi parum cauet, magna edita strage repulsus est, & plurimi ex subditis ducis Henrici desiderati.

Leodium urbs solo æquatur à Carolo Burgundo.

Rodolphus Episcopus eadem æstate Principes Olsnicenses & Fridericum Lignicensem, quibus ingrati erant illi tumultus, emissio fulmine excommunicationis Ecclesia exclusit, quòd non ferrent opem cæteris in profligando Georgio. Inuenio annotatum, eo etiam anno terribilem conspectum esse Cometam, & quidem orbis terrarum penè vniuersus, bellis & cædibus hominum tunc concutiebatur. Nam & in Gallia circumferebant arma, Galliæ Rex Ludouicus Vndecimus, & Carolus Burgundus, qui hoc anno Leodium, urbem potentem & claram, quinto anno belli captam exussit, magna hominum multitudine trucidata, aut in flumen proiecta.

Fridericus Tertius Cæsar denuo adit Romam.

Fridericus Imperator, posteaquam sibi foedere nouo coniunxerat Mathiam, de quo ita bene sperabat, vt eum appellaret filium suum, eiq; abiens Austriam tanquam tutori commendaret, profectus est in Italiam: cuius itineris causa vulgo quidem ferebatur esse religiosum votum, sed Cæsar vir omnium prudentissimus Pontificis autoritate res suas stabilire coram cogitabat. Respub. Veneta habuit ei honores exquisitissimos, quam urbem secundo tunc reuisebat. Celebris fuit sermone ætate auorum nostrorum, Fridericum inter epulas narrasse, se quidem Rempub: Venetam amicè complexurum, suos autem filios & nepotes graues futuros esse hostes eiusdem.

Romam venit Pridie natalis Saluatoris, & vt hoc etiam annotem, tanquam exemplum eximie pietatis in principibus veteribus, ingressus est urbem hora quinta noctis, sicut ab occasu Solis solent numerare horas Itali & Silesij. Iam tunc autem, pro more illius noctis, Paulus Secundus Papa precibus & cantibus nocturnis in æde Diui Petri præsidebat. Cæsar nihil moratus euestigio in templum cum aulico suo comitatu intrauit, ibique indutus

indutus ornatu, vt nominant, Diaconi, historiam Euangelicam de nato Christo publicè cecinit, cuius initium est: Exijt edictum à Cæsare Augusto. Paucas deinde horas ad lucem vsque, in aula Papæ quieuit. Mane autem ab orto sole pompæ missæ Pontificiæ, quæ mirabili cum strepitu & splendore peragitur, indutus ornamentis Cæsareis, ad vesperam vsque astitit.

Sequentibus diebus cum Pontifice & Senatu Cardinalium multa secreto tractauit, denunciatum tamen est, eum à Pontifice pro se & filio Maximiliano, confirmationem regnorum Hungariæ & Bohemiæ petiuisse, rogasse etiam Pontificem, ne ratam haberet pacificationem Prutenicam inter Casimirum & ordinem, quæ expressa videbatur vltima necessitate, & facta in detrimentum Imperij Germanici. Sed dum optimus Cæsar obit Italiam, & præsidium quærit à Pontifice, cui sua modo Monarchia cara erat, interea in Bohemia ea facta est rerum conuersio, vt Fridericus Mathiæ grauiter inciperet succensere.

Ineunte enim vere anni 1469. Mathias ducens exercitum 16000. hominum, in quo erat equitatus decem millium, adortus Bohemiam & Morauiam Georgij, ita crudeliter prouincias illas deuastauit, vt ab omni hominum memoria, Bohemi cladem tristior rem sese non expertos esse dicerent.

Mathias grauius affligit Georgium.

Georgio deerant vires, quas tam rapido flumini posset opponere, impetrauit igitur à Mathia colloquium, eumq; oratione valde querula & demissa affatus esse scribitur. Quæ mea peccata in te tanta sunt, inquit, optime mi fili, vt in me ita aspere sæuere statueris, qui te ex carcere, vbi vitæ & necis tuæ potestatem habebam, ad locuples regnum emisi, etiam filia mea nuptum tibi data, tu verò nunc, proiecto omni humanitatis sensu, mihi dignitatem & vitam eripis.

Mathia & Georgij regum congressus.

Mathias generosè respondit: Nullo priuato odio, inquit, in te incensus sum, sed quia Pontifex caput Ecclesiæ, te, tanquam hæreticum & hostem Ecclesiæ, damnauit, regno deturbauit, mihiq; mandat, vt te excutiam, & accedit etiam autoritas Romani Cæsaris, ego tanquam Princeps pius & religiosus obedio. Georgius, lacrymis obortis, Mathiæ respondit: Deus, qui est inspector & iudex cordium, testis erit meæ affectionis, & ille mihi benignè tribuet, vt in vera fide & agnitione ipsius ex hac vita migrem: Oro autem te, paciscere mecum paucorum dierum inducias, & vocato ad te legatos Pontificios, ego ipsis audientibus meam innocentiam demonstrabo.

Assensus est Mathias, qui, etsi erat asper, tamen libenter parebat supplicibus. Constitutus est dies colloquio, quartus Aprilis, in vrbe Olomucensi, eò cum accessisset Georgius, diuertit in vicinum oppidum Sternbergam. Inchoata est ibi quidem tractatio,

sed cum videret Georgius, Episcopos, qui aderant magno numero, omnem spem pacis interuerrere, petijt vt ipsi Reges soli inter sese colloquerentur.

Obtemperauit Mathias, & ita duo Reges in vicino prædio sæpe & diu collocuti sunt. Etsi autem non prorsus constabat, quid ibi actum esset, tamen apparebat, Georgium conquestum de Casimiro, à quo esset desertus, & qui, ipso excluso, conaretur filium in Bohemiam collocare. Mathiæ etiam spem successionis, præterito Casimiro & Cæsare, fecisse putatur. Factæ sunt igitur induciæ in vnum annum, vt interea de conditionibus perpetuæ pacis ageretur.

*Mathiæ regis
ingenuitas.*

Ostendit Mathias eo in congressu exemplum Principis generosi & verè heroici. Comitati ipsum fuerant Olomuciam in urbem vsque duo Georgij filij, Victorinus & Henricus, allekti regis comitate, & beneuolentiæ significatione. Hoc cum odoratus esset accipiter, legatus Pontificius, regem adit, eumq; nomine Pontificis orat, faceret tandem finem difficilis huius belli, & totum orbem Christianum periculo, socios vero grauissimis sumtibus liberaret. Mathias inopinata petitione motus, proloquere, inquit, Pater, quânam ratione existimes nos victoria potiri posse. Equidem ego viam talem nondum reperio, qui video Bohemiam viris & munitio-
nibus egregiè munitam, diu adhuc nostros impetus posse sustinere. At tu, inquit legatus, filios Georgij, qui incaute urbem intrarunt, detineto: hoc enim modo pater, cuius spes omnes ex filiis pendent, potestati tuæ sese permittet. Nec tamen perfidiæ crimen subibis, cum illis salutem & reditum non promiseris.

Mathias irritatus scelerato consilio sacerdotis: Apage te, inquit, sacerdos, neque ego hoc modo fidem meam regiam contaminauero. Comiter & amicè ego adolescentes regios in via affatus sum, ipsiq; fidem meam & sermonis benignitatem secuti, vrbi sese crediderunt, hos ego nunquam fefellerò, neque magis vultus meus, quam expressa oratio vel sponsio, mendax futurus est, cum simulatio insidiosa animo verè regio sit maximè indigna. Tibi etiam, ne posthac in regnis meis talia consilia seras, seridò veto. Atq; ita Rex adolescentes, honorificè donatos, patri remisit.

MATHIAS HUNIADES

*Hungariæ & Bohemiæ Rex, Princeps
Silesiæ.*

Georgius plenus bona spe domum proficiscebatur. Interea Episcopi, qui nullam mentionem pacis tolerare poterant, perfectarunt apud quosdam ordines Bohemiæ, vt etiam inconsulto Cæsare, tertio Maij, Mathias Olomuciæ renunciaretur Rex Bohemiæ.

Mathias

Mathias aliquandiu tergiuersatus, tamen, cum putaret placari posse Georgium, qui simile aliquid proposuerat, regnum accepit, & digitis pro more in codicem Euangeliorum impositis, iurauit se dominaturum sine iniusticia & crudelitate. Facta electione, Mathias vrgentibus Episcopis profectus est in Silesiam. Ingressus est Vratislauriam 26. Maij, qui fuit dies sexta post ferias sanctæ Pentecostes, adduxit equitatum quinque millium, in quo fuerunt Principes magni nominis. Deductus est à nobilitate & populo ad pontem vsque Viadri, vbi ab Episcopo & sacerdotibus exceptus est: Mathias equo descendens osculatus est reliquias Sanctorum oblatas à sacerdote, tandem templum intrauit, & peractis sacris cantionibus, in curiam Cæsaream diuertit.

Mathias renunciat rex Bohemiæ.

Mathias uenit Vratislauriam.

Reperio apud Mathiam tunc fuisse Vratislauriæ Principes Silesiæ octodecim. Venit etiam eò Albertus Marchio Brandeburgensis: is honorificè fuit acceptus à Rege, & reconciliauit Mathiæ Fridericum Lignicensem, nepotem suum, quem Rex in Ducatum illum collocauit, & nauauit deinde Fridericus Mathiæ egregiam operam in bellis Bohemicis & Polonicis. Calendis Iunij ciuitas Vratislauriensis iurauit in verba Mathiæ, eam deinde secuti sunt Principes, & alij ordines, cum Silesiæ tum Lusatiae. Mathias etiam Vratislauria excurrit, & sepulchrum beatæ Hedwigis inuisit.

Fridericus Primus collocatus in ducatum Lignicensem à Mathiæ.

Regi tunc non bene conueniebat cum Conrado Nigro Olfnia cense, & Iohanne Pribusense, qui adhuc Georgio fauebant. Quinto Iulij Mathias Vratislauria digrediens, in Morauiam rediit. Georgius Rex Pragæ quidem istos conatus Mathiæ ægrè ferebat, sed tamen, ne ipse inducias rumpere videretur, quiescebat. Cum autem mense Iunio denunciasset illi Mathias, non se posse impetrare vsum sacri calicis Bohemis à legatis Pontificijs, sicut promiserat, Georgius amicitiam ipsi renunciauit, atque ita assentiente Rege, & proceribus regni, qui erant partium Georgij, electus est in Regem Bohemiæ Vladislaus, filius natus maximus Casimiri.

Casimiro hæc electio denunciata est 12. Iulij, sed fuerunt adiunctæ tales conditiones: Georgius teneat regnum vsque ad mortem, illi succedat Vladislaus: Casimirus interea impetret à Pontifice, vt Georgius legitimo modo audiatur, aut si hoc non obtinetur, contra hostes eum quoscunque defendat. Reginæ Iohannæ, coniugi Georgij seruentur bona dotalia, filijs sui ducatus, proceribus regni magistratus & honores, quos habuerunt sub Georgio. Casimiro non placebant omnia, & dehortabantur eum ab amicitia Georgij magno studio Episcopi, tamen ne videretur fastidire Bohemos, misit legationem Pragam, quæ de illis conditionibus cum Bohemis ageret.

Vladislaus Casimiri filius eligitur in regem Bohemiæ contra Matiam.

Mathias reuersus in Morauiam, nactus est Victorinum filium Georgij, qui cum exercitu vastabat Morauiam, eum profligatum, &

Victorinus

Georgij Regis
filius captus à

Mathia.

tum, & demum 29. Iulij captum misit Budam, vbi per biennium fuit in custodia. His rebus perfectis, reuisit Hungariam, turbata à Casimiro, qui illi vndiq̃ submittebat aduersarios. Nam & procures regni ab eo abalienabat, & Stephanus Valachiæ Princeps, socius Casimiri, Transsylvaniam populatus fuerat.

Henricus

Monsterbergensis,
acerbe
depopulatur
Silesiam.

Interea autem dum Rex medetur turbis Hungaricis, grauiter fuit afflictæ Silesia. Sub initium enim Septembris, Henricus Monsterbergensis, filius Georgij, ulturus iniurias patris, collecto exercitu Silesiam inuasit: Vrbes quidem, Sittauiam, Laubenam, Boleslauiam, Goltpergam, Hannouiam, pecunia mulctauit, sed omnia bona sacerdotum, & pagos plurimos diripuit, & exussit.

Metuebat suæ ditioni Henricus Freistadiensis, ideo collectis copijs non contemnendis, processit ad Lubenam, vt opponeret se Henrico irruenti: sed is deflexit in agros Vratislauienses, vbi rapinis, flamma & ferro cuncta deuastauit. Sæuijt autem imprimis in prædia Episcopi & Sacerdotum, qui erant flabella huius incendijs.

Mathias re cognita, etiam pecunia Silesios iuuerat, vt sese opponerent hosti, sed ea fuit ordinum segnities, vt nulla mitterentur auxilia. Occurrit Henrico Monsterbergensi in Morauia cum tumultuaria manu suorum Mathias: sed à Bohemis victus & fugatus est. Vratislauiæ magnum periculum fuit de seditione, quia promiscua turba vociferabatur, consilijs Episcopi & Senatus accersitum esse Mathiam, & tantas clades regno attractas.

Mathie Regis
ingenium
apertum.

Ardente eo bello, & satagente Mathia, venit ad Regem quidam ex familiaribus Georgij, qui ferro se Georgium confixurum spondebat, si à rege premium aureorum quinquies mille sibi promitteretur. Mathias, scripto chirographo, argentum, quod postulabat, pollicitus est. Promisit etiam vberiora, si quidem præstitisset, quod in se receperat. Non multo post nunciauit idem regi, gladio quidem Georgium, fidis satellitibus stipatum, iugulari non posse, sed eundem veneno certò, modo hoc iuberet Rex, sese sublaturum. Mathias vero ne venena Georgio misceret edixit, & addidit, delectari se voce verè heroica Fabricij, qui dixerat, Romanos ferro non venenis pugnare consueuisse, exemplumq̃ illius imitatus, monuit Georgium, vitaret venena, nullisq̃ cibis, nisi prius à fidissimis prægustatis, vteretur.

Stephani Valachi
res gestas
in Tartaros.

Tartari eo anno effusi in Prouincias regni Poloniae, supra decem millia hominum in seruitutem abduxerunt. Attigerunt etiam Valachiam, sed Stephanus Valachiæ Princeps, quo tunc vix alius fuit Dux bellicosior, ex loco oportuno Tartaros adortus, ingenti strage eos profligauit, capto filio Regis Tartarici: eum pater

pater postea, missa legatione, in qua erant centum oratores, repetit, addita graui comminatione. Sed Stephanus, vir non modo imperterritus, verumetiam crudelis, Regium filium in conspectu legatorum in quatuor partes dissecari curauit, legatos vero palo transfixit, vno tantum resectis naribus & auribus ad suum regem remisso, qui historiam rei gestae exponeret.

Eadem hyeme, fluminibus omnibus glacie concretis, Turci irruptione facta, oras maritimas Hungariae per Sclauoniam ad vsque Ciliam atrociter & impune vastarunt, cum Caesar & Mathias, arte Romani Pontificis, alijs bellis essent impliciti. Initio anni 1470. Mathias, qui formidabat iram Caesaris, conatus est eum placare, & inuenio annotatum, Mathiam, qui inter alios in suo comitatu habebat Fridericum Principem Lignicensem, accessisse Viennam ad Caesarem, neque tamen facta est concordia. Nam paulo post Caesar misit legatum ad Casimirum, qui Mathia obsidente omnes vias, vix potuit penetrare in Poloniam.

Conquestus est is de iniurijs Mathiae, exposuit quam amanter ipsum esset complexus Caesar, quomodo illum iuuisset sua commendatione apud Pontificem: verum ipsum ardentem cupiditate iniusta proferendi Imperij, Caesari non seruare pacta, concitasse etiam seditionem in Austria contra Caesarem, vt hoc modo ipsum distineret. Quare Caesarem deinceps Mathiam deserturum, & quaesiturum amicitiam Polonorum.

Fridericus Caesar auertit se ab amicitia Mathiae.

Grata fuit haec legatio Casimiro, qui alioqui societatem Caesaris expetebat. Mittit igitur idoneos homines ex suis in Austriam, qui foedus cum Imperatore faciant, & etiam de affinitate mutua deliberent. Verum cum Caesar Regem Hungariae sese scriberet, Senatus Polonicus foedus illud non probauit: quia putabat filijs Casimiri deberi successionem in regno illo.

Mathias hoc anno fuit occupatus in pacando suo regno, & colligenda pecunia. Nam & domesticae seditiones ipsi, arte Polonorum, concitabantur, & superiori anno magnos fecerat sumtus. Interea Georgius mediocri cum successu percurrit Morauiam, & ex altera parte Henricus Monsterbergensis Silesiam ex ditione Glocensi acerbè rapinis & flamma vexauit. Mandante rege Mathia, vetus moneta edicto prohibita est, & excusa noua, & quidem adhuc hodie extant tales grossi. Iubente etiam Rege, aliqua pecuniae summa, vt populus oppressus miserijs bellorum placaretur, in multitudinem coniecta est.

Pontifex, qui erat fax tanti ciuilis incendij per Europam, cum intelligeret, malè audire se, quod suis consilijs attraheret & confirmaret arma Turcica, eò perduxit Venetos, quibus tunc Mahometus grauis erat hostis, & recens Chalcidem illis ademerat, vt Mathiam

*Mathias re-
spuit titulum
Imperatoris
in bello Tur-
cico.*

thiam eligerent Imperatorem in bellum Turcicum, ipsiq; sumtus promitterent. Intelligebat Mathias consilia Italica, quæ ipsum ita irretire cupiebant bello Turcico, vt progressus in Græciam, inde se non posset explicare, nisi bello ex sententia confecto: neque solum vires suas metiebatur, quæ valde impares erant Mahometo, verum etiam meminerat Vladislaum Polonum desertum & deceptum fuisse ab Italis, & videbat inhiare suis regnis, ab omnibus partibus, hostes intestinos, eosq; grauissimos. Ideo, quod olim dictum est, Cretizans cum Cretensi, respondit, assensurum se postulatis, modo Veneti prius oram Dalmatiæ, interceptam à Pannonia, redderent. Ibi cum Veneti tergiuersarentur, nihil fuit perfectum.

*Georgij Re-
gis mors.*

Annus 1471. rursus plenus fuit ingentibus motibus. Mathias, cum hostes experiretur Turcum, Fridericum Cæsarem, Polonum, Bohemum, Stephanum Valachum, & domi glisceret seditio, statuit transigere cum Georgio, misertus infortunitatis ipsius. Promittit igitur illi regnum ad mortem vsque: Victorino filio libertatem, & dominatum aliquem in Morauia aut Silesia. Placuit hoc vehementer toti Bohemiæ, & iam nemo cogitabat de accersendo Polono. Sed gratum nomen pacis mors Georgij conturbauit, is confectus senio & ærumnis, 22. Martij ex hydropoe decessit.

Fuit vir cupidus gloriæ quidem, & vaferrimus, sed alienus à fœuitia, & constans in sua religione, à qua nec ostentatione opum, nec vlllo metu periculorum potuit auelli. Monumento Adriani VI. Belgici, Pontificis Romæ inscriptum est: Hic nihil sibi infortunius in vita duxit, quàm quod imperaret: ita profecto longè foelicius fuisset Georgius, si nunquam regnasset. Corpus pro more Principum vbi euisceratum est, deprehensum est, mediam fermè epatis partem fuisse consumptam, eaque cœnosæ cuidam putrilagini similis fuit. Inuenti sunt etiam calculi grandiusculi in fellis vesicula.

*Rodiezana
moritur.*

Pontificij, tanquam ostentum æternæ damnationis, hoc sparserunt, sed notum est, hydropicis hoc modo sensim colliquari & absumi epar, lapillos vero cum in bilis folliculo, tum in ipsa epatis massa, in sectionibus Italicis crebrò vidimus: quod ipsum nos commonefacere debet, primam generis humani originem esse ex materia cœnosa & lapidosa, & tandem fore, vt corpora nostra rursus in lutum transmutentur. Rodiezana moriens quindecim diebus regem præcesserat.

Et si autem fortassis sua habuit vitia: sicut impetus ardentes, & grauium negotiorum moles, non semper sine erroribus procedunt, tamen certum est, fabellas, quæ de horrenda ipsius decessione euulgatæ sunt, confictas esse à Pontificijs, hostibus Bohemorum.

In Bohe-

In Bohemia ordines in diuersa studia propter creandum nouum Regem scindebantur. Nam alij cupiebant Mathiam, alij Cæsarem, alij Polonum, alij alios. Albertus Princeps Misnensis, cui & ipsi iuris aliquid videbatur esse in illo regno, cum exercitu 5000. Bohemiam ingressus est, & denunciauit proceribus, vt liberam facerent electionem, se ipsis præsidio futurum. Tandem arte Bohemorum Hussiticorum, qui Mathiam & Cæsarem, tanquam nimis acres propugnatores aulae Pontificiae, oderant, comitia in montes Cuthnos translata sunt: ibi inter magnas rixas & confusiones, aut ipse Casimirus, aut filius natus maximus acclamatus est Rex Bohemiae. Mouerant consilium legati Poloni, qui promiserunt, Casimirus pro sua autoritate placaturum esse Pontificem, & abolerum omnia edicta edita contra illud regnum. Præterea polliciti sunt, Vladislaum exoluturum debita regni, quorum summa trecenta millia aureorum excedebat. Missa est statim legatio Cracouiam, quæ accersuit Vladislaum.

*Vladislaus
uocatur ad
regnum Bo-
hemie.*

Interea Mathias, qui cognita morte Georgij, Iglauiam venerat, & frustra quosdam ex præcipuis proceribus suarum partium ad comitia miserat, à legatis Pontificijs, qui Romana diplomata proferebant, in Regem Bohemiae consecratus est. Deinde celeriter in Hungariam regressus est, vt colligeret exercitum, quem Vladislaus profecturo in Bohemiam, opponeret. Interea Fridericus Lignicensis, & Iohannes Pribusienſis, qui militabant Mathiae, & præterea Franciscus Hagecus, qui erat Dux belli apud Vratislauienses, cum copijs subitarijs Bohemiam grauissimè deuastarunt, grassati in bona illorum, qui Mathiae aduersabantur.

Albertus Misnensis, Ernesti Electoris frater, rebus hoc modo in Bohemia turbatis, domum rediit. Pater Casimirus filium Vladislaum instruit ad profectionem Bohemicam, eò quidem maturius, ne eum anteuenteret Mathias, qui hærebat adhuc in Hungaria, & occupatus erat in sedandis intestinis motibus, quos ipsi concitabat Casimirus.

Proficiscitur Vladislaus ex Polonia cum equitatu septem millium, peditatu duorum millium. Adiunxerant se ipsi in primo aditu Silesiae aliqui Principes, inimici Mathiae, inter quos erant præcipui Olsnicenses: raptim verò transibat, quia metuebat Mathiam, ne is eum consequeretur. Et properauit quidem Mathias magno studio, sed extremum agmen adipisci vix potuit non procul à Glocio: atq; ita Vladislaus à Bohemis ibi eum expectantibus cum exercitu, receptus est, & Pragam ductus. Imposita est ipsi corona regni Bohemiae 16. Augusti, ab Episcopis Polonis, quos deinde poena excommunicationis affecit Pontifex.

*Vladislaus
peruenit in
Bohemiam.*

*Vladislaus im-
ponitur coro-
na regni Bo-
hemie.*

Autumno huius anni fulsit Cometa per quatuor septimanas ante ortum Solis, percurrit signa Virginis & Librae: putabatur

*Cometa con-
spicitur.*

Q

accensus

accensus esse & regi à Marte. Denunciauit vastationem & ærumas Silesiæ. Casimirus, vt Mathiam distineret domestico bello, conciliauit sibi studia quorundam procerum Hungaricorum, illi facta conspiratione, accersunt ad regnum Hungariæ Casimirum filium, quem pater instructum exercitu viginti millium in Hungariam misit: & erat plenus bona spe, Mathiam ex utroque regno, Bohemiæ & Hungariæ, posse excuti.

Casimirus filius regis Poloniæ infeliciter inuadit Hungariam.

Habuit in castris illis quadringentos equites Silesios, quos ex Ducatu Glogouiensi collectos, adiuuante eos Principe Primislao Canonico, ducebant Abrahamus Baro Donauiensis, & Iohannes Lestius. Sed expeditionis illius exitus fuit infaustus. Nam Principes Hungari, territi à Mathia, nihil sese commouerunt, & Mathias munitiones limitaneas præsidij firmis tuebatur, & Polonos mora frangebat. Hyeme per ocium exacta, & profusa pecunia, quam aduexerat Casimirus, sub initium noui anni reduxit exercitum in Poloniam.

Mahometus late vastat prouincias Christianorum.

Mathias vero, edoctus de illo receptu, qui erat simillimus fugæ, adortus est eos, interceptit omnia impedimenta exercitus, & plurimos equos adeptus est: Poloni vero cum suo Principe, in gloriam, & cum clade domum redierunt. Interea dum ita dissident, & cruorem ciuilem fundunt Christiani Monarchæ, Mahometus vsus ea occasione, emisit Isabecum, magistrum equitatus Europæi, virum impigrum & immitem, qui non solum oras maritimas Illyrici, verum etiam Prouincias Austriæ ad ipsos vsque Italiæ limites, facta miserabili populatione, percurrit: & cum diu in Stiria, & tota illa vicinia vagaretur, scribitur abduxisse vltra quinquaginta millia hominum.

Fridericus Cæsar, qui erat Dominus illorum locorum, agebat tunc conuentus ordinum imperij Ratisbonæ, & proponebat Principibus controuersiam de regno Bohemico, vbi, etsi legati Pontificij & Mathiæ valde intercederent, ne Cæsar probaret electionem Vladislai, quam Pontifex dicebat esse factam ab hæreticis, odio religionis Romanæ, tamen, cum Cæsar vehementer irasceretur Mathiæ, facta est inclinatio ad Vladislaum: vnde postea luctuosa bella in Austria secuta sunt, & Pontifex irritatus in Cæsarem, non modo optimum & placidissimum senem, asperrime per literas obiurgauit, verum etiam Mathiam contra Cæsarem quantum potuit armauit.

Cometa denuo conspectus.

Mense Ianuario & Februario anni 1472. rursus conspectus est Cometa, per quinque Septimanas, qui, vt annotatum est à Sacerdotibus, fuit Pogonias. Fulgebat post Solis occasum & vagatus est per signa Zodiaci tria, Aquarium, Pisces & Arietem. Iudicatum est tunc excitatum & ductum eum fuisse à Mercurio & Saturno: Portendit clades præcipuis Europæ regnis, Galliarum, Belgicarum, & Germaniarum.

gico, Hungariæ & Poloniæ. Secuta est ingens aëris siccitas, ita vt ^{Siccitas aëris inusitata.} magna flumina exaruerint, & plurima passim fuerunt incendia.

In Pannonia Mathias deleuit reliquias exercitus Polonici, puniuit etiam seditiosos, & Episcopos, Strigoniensem & Quinque- ^{Mathias multat Episcopos sui regni.} ecclesiensem, qui fuerunt autores conspirationis, ita terruit, vt ex mœrore animi Apoplexia superueniente extinguerentur. Casimirus autem Rex fuit in magna sollicitudine propter res aduersas filij, & egestatem suam.

Cum enim vrgeretur multis bellis, adeo tamen erat inops, vt, ^{Casimiri Terræ Regis egestas.} sicut narrant scriptores Poloni, deessent ipsi sumtus ad quotidianum victum. Et cum equitibus, qui superiori anno in Pannonia militauerant, inter quos Silesij etiam erant, non soluerentur stipendia, omnia itinera in Polonia fuerunt infesta latrocinij.

Cæsar princeps sagacissimus, reuersus à conuentu Ratisponensi, motus precibus Pontificis, & quod cuperet Mathiam bellum transferre in Turcos, ostendit se non abhorre à concordia. In pactis superiorum temporum promiserat Mathias Cæsari, sese non ducturum vxorem, vt successio in Hungaria Cæsari esset certa, ea conditio tunc ipsi est remissa, facta etiam spes de confirmatione regni Bohemici. Alebat ita Cæsar beneuolentiæ significatione ^{Fridericus Cæsar respicit ad amicitiam Mathiæ.} vtrumque, Hungarum & Polonum, & ipse iam tunc respectare coepit coniugium Burgundicum: vbi Mathias, cui optimè cum Carolo conueniebat, poterat eum impedire.

Venit deinde in Poloniam, missus à Sixto recenti Pontifice, vir magnæ dignitatis per Italiam, Marcus Patriarcha & Cardinalis Aquilegiensis Venetus, vt constitueret pacem inter tres Reges, & accenderet bellum Turcicum. Mathias, etsi prosperitas præfens ipsi addebat animum, tamen Casimiro petenti inducias aliquot mensium, assensus est: & ipse magno apparatu moliebatur bellum Turcicum. Sed cum legatus Pontificius, de pace nihil efficeret, Mathias pecuniam, quam grandem corraferat, reseruare statuit in bellum Polonicum, quod omnino futurum videbatur. Atque ita rursus domestica discordia, occasio, rei præclarè gerendæ, amissa est.

Hussancanus enim Persarum Rex, genere Turcus, Asiam ^{Turcicum regnum creuit ex intestinis dissidijs regum Christianorum.} minorem penè omnem vastauerat ferro & flamma, captis vrbibus præcipuis, Trapezunte & Sinopoli. Is hortabatur Christianos Reges, vt, dum ipse Mahometum in Asia retineret, illi Græciam nunc datam robore militari inuaderent. Sed frustra hæc occinebantur Regibus, quorum animi domestica ambitione & odijs ardebant.

Nam Mathias, Rex plenus spiritus feruentissimi, cum audiuisset proponi à Casimiro conditiones pacis sibi incommodas, renunciauit ipsi per legatos, nihil opus esse tali pace, se propediem Casi-

Turei latissime faciunt uastitatem.

miro regi caluo, reliquos etiam pilos euulsurum. Interim præfectus Turcicus, qui putauerat reges processuros in Græciam, & iustas copias armauerat, ne esset ociosus, triplici excursionem omnem oram Sclauonicam, Istriam, & illum Italiæ aditum, qui forum Iulij nominatur, ad ipsum usque oppidulum S. Danielis, quod vix bidui itinere ab vrbe Veneta distat, depopulatus est, & abegit ultra 12000. hominum, nec vlla in tanta voluntatum distractione, illi opposita est defensio.

In Ducatu Saganensi Silesiæ inferioris, crudele est editum facinus, quod altero libro exponetur. Anno 1473. Cardinalis Venetus, Nissæ, Tropauia, & alibi, multum laborauit de pace conficienda inter reges, sed eo successu, qui iam olim significatus est: Nulla fides regni socijs, omnisque potestas Impatiens consortis erit. Tandem cum Casimirus Mathiæ quosdam latrones immisisset in Hungariam, tota spes pacis turbata est.

Erat in Pannonia agmen quoddam militum, collectorum ex varijs populis, quod nominabatur Acephalum, illud, ubi domi ocium erat, aut vacatio à bellis, passim grassabatur: & cum Cæsari in Austria quidam procures aduersarentur, latrones illi seditiosis operam suam nauarunt, & quia putabatur hoc factum Mathia non nesciente, Cæsar denuo illi grauiter succensuit. Attraxit etiam ad se ex illo agmine manum Polonicam, eamque clam auxit & instruxit Casimirus, eamque in Pannoniam misit, vt Mathiam domi retineret.

Hungari & Poloni acerbissime disident.

Sed Mathias, tanquam minimè cunctator, collectis copijs non magnis, Polonos non difficulter vicit, recuperatis omnibus locis, quæ iam occupauerant, & præsidijs in limitibus firmauerant. Adidit autem Mathias ignominia notam præsidiarjs Polonis. Erripuit illis arma, attribuit in manum fustes, eosque ita armatos in patriam remisit. Nobiles ex illis iurauerunt, etiam pro rege & patria sua, nunquam tamen arma in Mathiam sumturos. Tanta autem fuit acerbitas odij inter istas gentes, vt quidam præfectus Mathiæ, magni nominis, iuberet nunciari Polonis, se etiam pœnas inferni æquo animo toleraturum, modo prius insignem cladem Polonorum vidisset.

Friderici Cæsaris & Caroli Burgundici congressus.

Fridericus Cæsar ea æstate congressus est in vrbe Treuiorum, cum Carolo Burgundico, qui hoc diu multumque petiuerat. Fuit ibi actum de multis rebus, & inter alia de coniugio Maximiliani & Mariæ Burgundicæ. Sed perfici tunc nihil potuit. Nam Carolus nolebat pacisci cum Cæsare, nisi in pace simul comprehenderetur Mathias Rex, amicus Caroli. Cæsar vero, cui iam nuntiatum erat, Casimirum graue bellum in Mathiam moliri, noluit assentiri: Præterea cum in omnibus rebus esset splendor plus quam Persicus Caroli, & fastus in oratione & gestu valde indecorus, ita vt fastidire videretur tenuitatem Cæsaris, præ se ferentis parsimoniam

niam & modestiam quandam Laconicam, secuta est animorum alienatio, & Cæsar insalutato Carolo illinc discessit.

Reuersus in Germaniam superiorem, Augustæ legatis Casimiri promisit, se Vladislao insignia regni Bohemici collaturum. Cardinalis Venetus proposuerat, vt vterq; regum, Mathias & Vladislaus, Bohemia sese abdicarent, & paterentur arbitros, vel Galliæ Regem, vel Carolum Burgundicum, vter causam foueret iustiore, sed hoc frustra fuit. Præfectus Turcicus ex Bosna rursus omnem ferè Stiriam & Carinthiam depopulatus est.

Sed in Asia Mahometum, qui omne robur Asiaticum contraxerat ad delendos Persas, Hussancanus Rex Persicus duobus prælijs superatum fudit & fugauit, cæsis de exercitu Turcico 56000. hominibus, inter quos fuerunt ductores ordinum 150. Mahometus territus tanta clade, non obtulit sese amplius ad pugnam, sed ex castellis, extructis in faucibus montium, machinis bellicis graui detrimento Persas affecit, inter quos filius etiam Hussancani discerptus est.

Hussancanus
Rex Persicus
uincit Mahometum.

Cracouiæ eo anno mortuus est celebris Theologus Silesius Iohannes Cantienfis, is & ob doctrinam, sua ætate, & vitæ sanctimoniam, fuit clarissimus, ita vt eum Polonia pro numine post mortem adorauerit, & multa ipsi miracula, Pontificia nempe, ascripserit. Fuit eius Apophtegma memorabile, commonefaciens de modestia:

Iohannes Cantienfis celebris Theologus Cracouiensis.

Conturbare caue, non est placare suaue.

Infamare caue, nam reuocare graue.

Etiam hoc anno fuit torrida aëris siccitas, rebus terra nascentibus perniciofa, & magna fuit secuta annonæ caritas. In celebri memoria apud patres nostros fuit annus 1474. quo duo Reges Mathiam Vratislauia obsederunt & oppugnarunt, infelici cum euentu. Historiam rerum illarum breuiter recensebo.

Sub initium Februarij Mathias, vt vlcisceretur Polonum, qui toties ipsi latrones in regnum immiserat, exercitum sex millium hominum in Polonos armauit, qui subito oras Poloniae vndiq; grauius vastarunt. Exusti sunt supra bis mille vici & pagi, occupatae etiam aliquot munitiones, & multa millia hominum in Hungariam abducta.

Mathias vadit Poloniã.

Casimirus Rex lenis, interea agebat conuentus suorum ordinum, & frustra disputabat de coercenda licentia nobilitatis, & puniendis homicidis, nec suos potuit colligere, vt repelleret Hungaros. Pugnavit tamen suis artibus, hoc est, callida dexteritate, & rursus procures quosdam Hungariae, præsertim in Transyluania, sibi coniunxit, & contra suum regem concitauit. Verum paulò post denuò fiebat mentio induciarum, à quibus ne abhorreret Mathias, duæ eum causæ mouebant. Cupiebat enim prius pacare motus in-

Q ii testinos,

testinos, & imprimis metuebat Mahometum, qui tunc grandi cum exercitu obsidebat Iaizam urbem, quæ parebat Mathiæ. Et quidem tantus fuit ardor huius regis, vt subito arma in Turcum conuerteret, quem tamen sciebat robore & multitudine longè esse superiorem. Nec virtuti defuit salutaris euentus.

Mahometus
cedit Mathiæ
uenienti.

Nam Mahometus, cum urbem per aliquot dies acerrimè, sed frustra oppugnasset, certior factus aduentare Mathiam, bombardis in profluentem demersis, celeri abitu cum ignominia in Thraciam redijt. Inde apparuit, quam prodesse potuisset orbi Christiano regis huius vigor, si omissis ciuilibus bellis, Turcos, adiutus à cæteris Monarchis, fuisset adortus.

Iohannes Pri-
busiensis in-
vadit Poloni-
am maiorem.

Mathias regressus in regnum, multos ex suis proceribus afflixit, ademtis illis oppidis & arcibus, quod existimarentur colludere cum Polono, cui propter moderationem & facilitatem multi erant æquiores. Interea ex Silesia etiam bellum Poloniae illatum est. Iohannes Pribusensis, qui ducatum suum Saganensem Principibus Saxoniae vendiderat, & tunc Mathiæ militabat, ex mandato regis contraxerat exercitum sex millium bene armatorum. Senatus Vratislaviensis, ita iubente rege, misit ipsi machinas bellicas. Depopulatus est magnam partem Poloniae maioris, incendit vicos & pagos supra sexcentos. Oppositus est ipsi exercitus 12000. quem collegerant Palatini illius regionis, illi tamen cum hoste animoso, & instructo bombardis, non ausi sunt congredi: ideo deinceps admodum contumeliosè in Polonia, ob focordiam & infidelitatem, traducti sunt.

Iohannes Pri-
busiensis la-
psus fuit in
ignem.

Auxit autem eam suspicionem Dux Iohannes, qui prædijs Palatinorum parcebat, vt hac ratione eos magis inuifos suis redderet. Nullus autem fuisset finis illarum vastationum, nisi Iohannes in flammam in oppido Kifelio lapsus esset, vnde semiuuius vix extraxit, & Stinauiam ad socrum relatus est. Casimirus tunc desidebat in Prussia, vbi Mathias etiam illi aduersarios conciliauerat: audita vero vastatione Poloniae, grauiter exarsit contra Silesiam, eamq; aspere castigare decreuit.

Casimirus pa-
rat bellum in
Silesiam.

Edixit igitur expeditionem vniuersalem regni, & omne robur suum ad medium mensis Augusti sibi præsto esse iussit: Vladislao etiam filio, regi placido quidem, sed hebeti & inopi, misit in subsidium belli Silesij 24000. aureorum, eumq; monuit, vt sub finem æstatis ad Vratislaviam cum Bohemico exercitu accederet. Sed dum hoc modo indulget iræ Casimirus, & parat bellum in gentem nostram, acerbum accepit nuncium, qui tamen a proposito eum nec auertit, nec permouit, vt cogitaret de defensione.

Tartari deu-
stant Poloniã.

Tartari enim infusi in vicinas Poloniae Prouincias, tractum æquantem longitudine milliaria centum, peruagati sunt, ferro & flamma sæuientes promiscuè, & nemine resistente innumerabilem turbam hominum secum raptauerunt. Posteaquam fama per Euro-
ropam

ropam euulgata est, tres Reges omnibus viribus collectis bellum ciuile instaurare, multi ex Monarchis intercedebant, & de pace agebant, Pontifex, Carolus Burgundicus, & alij Principes. Verum Casimirus, qui omnino sperauerat, Mathiam non toleraturum impressionem totius Poloniae & Bohemiae, cum Hungari ipsum in Silesiam non essent secuturi, fuit alienus à pace.

Mathias, vt anteuenteret Casimirum, etsi adhuc erat imparatus, tamen cito Vratislauiam aduolauit, & eò peruenit 13. Septembris. Secutus est eum post aliquot dies exercitus sex millium hominum, qui dicebatur legio nigra, collectus ex militibus veteranis multarum gentium, quos perpetuo alebat in armis grandi cum sumtu. Poloni segniter conueniebant, & sine disciplina militari, atq; domi gerebant bellum in suos, praesertim in bona sacerdotum. Mathias vero copias in vicinum agrum Vratislauiensem hinc inde distribuit, vt haberent alimenta, sed milites, Hungari praesertim, graues erant hospites Silesijs, & penè minus tolerabiles quam hostes.

Mathias denuo uenit Vratislauiam cum exercitu.

Silesia grauitè afflicta à militibus.

Rex, qui non abundabat pecunia, saepe cogebatur conuiuere. Dicitur appellatus esse ab Episcopo, & rogatus, mandaret militibus, vt parcerent praedijs sacris. Rex subridens, Optime pater, inquit, tantae sunt meae huius temporis occupationes, vt ego non possum omnes coercere, oportet vos etiam partem aliquam communium malorum ferre, & cogitare non frustra vos illud in templis sonare: Pinguis est panis Christi, praebebit delicias regibus. Extorsit etiam à ciuitate ipsa ad 12000. aureorum.

Mathias sermo ad Episcopum Vratislauiensem.

Eodem mense venit Vratislauiam Ernestus Saxoniae Elector, qui adduxit equites sexcentos, optimè armatos, & praeterea in comitatu suo habuit multos egregios viros, dignitate & eruditione praestantes. Is persuasit Mathiae, vt denuo legatos de pace ad Casimirum mitteret, & ipse diligenter per suos intercedebat. Sed cum dilata res esset, & Mathias ignaua arma Casimiri metuere desisset, Ernestus tunc nihil perfecit, à Casimiro tamen impetrauit, vt in vastatione Silesiae abstineret à Ducatu Saganensi, qui ipsi parebat, ipse autem Pridie Calend. Octobris publicè Vratislauiae fidem dedit Mathiae regi, propter Ducatum illum, quem à Iohanne emerat. Magis enim probabat causam Mathiae, quam Vladislai.

Ernestus Elector Saxoniae iurat in uerba Mathiae.

Casimirus trahens exercitum 60000. in quo erant Lithuani & Scythae, sub initium Octobris processit in Ducatum Opoliensem, & grassatus est in pagos, & ignobilia oppidula regionis, quae fermè erant deserta. Viadrum, qui admodum exaruerat, facile transiit, nec tentauit Opoliam. Subinde tamen in pabulatores, qui incaute vagabantur, impetum fecerunt equites Mathiae & grauib; eos affecerunt cladibus. Deinde Casimirus castrametatus est prope oppidum Olauiam: ibi duodecimo Octobris mediocri praelium commissum est.

Casimiri exercitus quem duxit in Silesiam.

*Mathiæ castra
ad Vratisla-
uiam.*

*Vladislaus cū
exercitu ue-
nit in Sile-
siam.*

Mathias enim ante ortum Solis agmen suorum emiserat, ut illud antecursores exercitus Polonici inuaderet. Sed cum illi elati primo successu, & magna Polonorum multitudine trucidata, progresserentur ulterius, accurrentibus sensim pluribus, cum clade aliqua in urbem compulsi sunt. Mathias initio castra posuit in ripa Viadri meridionali: sed cum intelligeret, hostem prætergressum esse flumen, transtulit ea in ripam aduersam prope Monasterium S. Vincentij: ibique diligenter se communiit, ne incommodo tempore ad dimicationem posset cogi. 24. Octobris venit in castra Casimiri Vladislaus filius cum exercitu 20000. pedestri ferme: Is ad Monsterbergam grauiam damna à militibus Mathiæ passus fuerat, qui ex insidijs magnam multitudinem Bohemorum deleuerant.

Vladislaus ea clade irritatus, Francosteinum exussit. Reges, pater & filius, post mutuam salutationem, cum tanto exercitu, qui robori Turcico opponi potuisset, profecti sunt ad oppugnandam Vratislauiam: & primum castris locum ceperunt prope flumen. Sed Mathias, qui ex suis castris perpetuo grandine globorum ex machinis ingentibus, Polonorum castra verberabat, coegit eos ut retrocederent.

*Casimirus &
filius insoeli-
citer obsident
Vratislauiam.*

*Casimiri ex-
ercitus sine
disciplina mi-
litari.*

Omissa igitur oppugnatione deflexerunt ad Austrum ad oppidum Cantium, & longam obsidionem instituere coeperunt. Sed eius consilij foedus fuit euentus. Nam cum ipsi reges ingenio & consilijs bellicis parum valerent, nec adessent fideles monitores in castris, præterea esset licentia detestanda, culpa præcipuè Bohemorum, qui nihil regem suum reuerabantur, ad omnes partes quotidie sine vlla disciplina, aut ordine, multæ turmæ prædatum excurrerant: ex illis Mathiæ ductores & milites, quos aut Vratislauia emittebat, aut quos in vicinarum urbium præsidia distribu- rat, singulis diebus plurimos trucidabant, magnasque cateruas cap- tas secum raptabant, adeo ut Vratislaviæ & in vicinis urbibus omnes turre, carceres & ergastula, Polonis & Bohemis replerentur.

*Mathiæ uox
de exercitu
regum ho-
stium.*

Accedebat etiam fames grauis in castris. Nam annona Silesia erat comportata in vrbes: itinera autem Polonica & Bohemica à Mathia, cui multi ex Polonia sese adiunxerant, erant interclusa. Ipse Mathias, quo die exercitus adhuc incolumis, in conspectum ad moenia Vratislaviæ venit, in altera ripa impavidus stetisse scribitur, & cum tantas copias tantumque apparatus armorum cerneret, gemens & fremens capillos vulsit, addens, se dominum orbis terrarum futurum fuisse, si tales & tantæ copiae sibi militassent, istos vero imbelles & desides nihil sua fortuna uti didicisse.

*Vratislauia
tempore obsi-
dionis nunquam
clausit portas.*

Toto autem tempore obsidionis, Vratislauia portas urbis nec die nec nocte clausit. Præterea, ut Poloni retraherentur do-
mum,

mun, statum ab initio Silesiæ, ductore Melchiore Löbelio, ex oppido Suibusio vicinam oram Poloniae maioris vastarunt. Deinde sub finem Octobris Glogouiam venit Fridericus Lignicensis & Stephanus Palatinus Zepusienſis, illis equitatum suæ nobilitatis addidit Henricus Freistadiensis, ductore Casparo Nosticio. Iste exercitus diuisus in plures turmas, in Polonia maiori magnam fecit vastitatem, & oppidum Meſericium, quod in illis locis magni est nominis, cepit. In altera ora Orientali, Nicolaus Opoliensis etiam populationibus Poloniam afflixit. Grassabatur etiam sæua lues in castris.

*Mathiæ du-
ctores vastant
Poloniæ oras.*

Moti igitur his incommodis reges, pater & filius, flecti se ad pacem passi sunt. 19. Nouembris in libero campo primum congressi sunt Casimirus & Mathias, ubi quidem ambitione quadam ridicula inter reges certatum est. Vladislaum Mathias ad colloquium non admittebat: ipse autem non ignarus moris Polonici, sciebat Polonos postulatuſ, ut Casimirum nudato capite, cum significatione demissionis, salutaret. Hoc ut eluderet, progressus est in equo veste aurata pulcherrima indutus, caputq; nudum, etsi aura erat asperrima, corona ex folijs rutæ ornauerat.

*Casimiri &
Mathiæ con-
gressus ad
Vratislaniam.*

Casimirum sui multis pellibus texerant, easq; de industria collo obuinxerant, ut honorem Mathiæ habere non posse videretur: In via tamen de consilio & cultu Mathiæ certior factus, ipse etiam capitis tegumenta abiecit. Impetratum est à Mathia, ut pateretur vocari etiam Vladislaum, & colloquio dies dictus ad 21. Nouembris, ibi prope pagum Mocor erecta sunt tria tentoria, sed eo die, cum in colloquutione Mathias in Vladislaum exandesceret, nihil fuit perfectum, & tota res in conuentum consiliariorum in urbem Vratislauiam reiecta.

*Casimiri, Ma-
thiæ & Vla-
dislai Regum
congressus.*

Mathias exercitum Polonicum, qui inedia contabescebat, & miseram vitam vix ex esu raparum fermè sustentabat, totum triduum ex vrbe pauit. Nam super alias clades, 19. Nouembris, incendium in castris ortum fuerat, quod magnam partem castrorum consumpsit, perierunt multi homines, iumenta, & supra 500. currus, onusti victu & instrumentis bellicis, cremati sunt.

*Mathias ex-
ercitum Po-
lonorū pascit.*

*Polonorum
castra inuasit
incendium ad
Vratislauiam.*

Mathias in tractatione pacis, vnicam & simplicem proponebat conditionem, qua bellum perpetuo finiri posset. Appetebat nuptias Hedwigis filiae Casimiri. Sed turbauit hoc Elizabetha Regina mater, quæ Mathiam maximè oderat, & illi generis ignobilitatem obijciebat: Impediebat etiam hoc magno conatu Fridericus Cæsar. Coniugi autem omnia indulgebat Casimirus Rex. Mathias igitur, cum se sperni videret, noluit de perpetua pace pacisci cum Regibus, sed assensus est, ut fierent induciæ in menses triginta, oppida intercepta vtrinq; reddita sunt, & captiui dimissi: in ea pace etiam Pruteni, qui Mathiæ fauebant, comprehensi sunt.

*Elizabetha
Poloniæ regi-
na noluit Ma-
thiam generū.*

*Mathias pa-
ciscitur in-
ducias cum
Regibus.*

Historia de
Pacificatione
perfecta ab
Electore Sa-
xonie &
Brandebur-
gico.

Annotatum est à nostris præceptoribus, celebrem fuisse ser-
monem Principis præstantis sapientia & virtute, Electoris Saxo-
niæ Iohannis, Ernestum Saxonie Electorem & Iohannem Brande-
burgicum, eo tempore contraxisse equitatum sex millium, eumq;
adduxisse Vratislauiam, & fuisse hortatores Regibus, vt sinerent
rem amicè componi, quos vt facilius flecterent, professos etiam esse
Principes, se futuros hostes illius, qui foret in accipienda pace
durior. Causam autem eam in conuentu Regum & Principum
splendide proposuisse Marchionem Iohannem, cuius fuit eloquen-
tia & virtus eximia, & ita pacem factam esse.

Hoc vtrum ita acciderit, mihi non constat, neque in annali-
bus Silesijs aut Polonicis, qui eo anno scripti sunt, hæc narratio ex-
tat, quam tamen propterea non reprehendo. Magna enim fuit
nostrorum historicorum incuria & imperitia. Septimo quidem
anno post, opera Principum Saxonie, bellum, quod inter Mathi-
am & Electorem Brandenburgicum exarserat, sedatum fuit, eò v-
trum hæc historia spectet, non scio.

Gabrielis Ve-
ronensis Mo-
nachi fortu-
na.

Rebus hoc modo compositis, Poloni & Bohemi domum re-
uerſi sunt, non modo post inutiles sumtus profusos in tanta expe-
ditione, sed etiam amissis septem millibus hominum, & plærisque
impedimentis. Fuit tunc inter alios literatos, quorum magnum
semper coetum secum circumducebat, in castris Regijs, Gabriel
Veronensis, quem literæ & mirabilis fortuna altè euexerant. Erat
ille ex sodalitiis Monachorum, qui S. Francisci institutum profi-
tentur, & missus fuerat à Paulo Pontifice ad Mathiam in negocijs
Pontificijs.

Rex post Paucorum dierum colloquium ingenium & soler-
tiam viri agnouit, & præcipuè eruditionem ipsius, in studijs Ora-
torijs & Poëticis valde probauit, nec multo post, vt eum ciuem sui
regni haberet, locupletem Episcopatum Agriensem, præteritis
multorum Principum filijs, qui eum ambiebant, ipsi attribuit. Post
paucos deinde annos, nesciente hoc Gabriele, maximis precibus à
Pontifice Sixto petijt, ne Gabriel Collegio Cardinalium ascribe-
retur.

Pontifex & Collegium regi rescripserunt, aulam Romanam
libenter parituram voluntati Mathiæ, modo quemuis alium ma-
gis idoneum indicaret. Hunc enim Monachum, obstrictum voto
paupertatis, ad tantam dignitatem euehi non posse, nec eum qui
inter sordes inopiæ enutritus esset, ad maxima negocia politica in
aula Romana posse adhiberi.

Non desijt Rex contendere postulando, donec Pontifex ipsi
morem gessit, & Monachum illum olim mendicum, nudisq; pe-
dibus incedentem, in senatum Cardinalium legit. Qui tamen, vbi
Romam migravit, opinionem sui vicit, & cum in maxime arduis
rebus

rebus mirifica eiuseffet sagacitas & industria, probauit Mathiam inprimis sapientem esse ingeniorum æstimatorem. Tunc autem, cum adhuc esset Episcopus, Satyrico carmine, Polonorum fortunam exagitaui, cuius tale fuit initium:

*Bruma venit, nux alta ruit, migrate Poloni
O fugite ad proprios algida turba lares.*

Responsum illi fuit ab Archiepiscopo Leopoliensi Polono simili satyra, plena nigri salis. Vladislai milites in reditu ad Suidniciam, & in tota illa vicinia, Casimiri autem in Ducatu Volauensi & Stinauiensi grauius spoliarunt loca agrestia, sacra & profana, contra pacta. Stinauiæ Casimirus transijt per pontem Viadri, qui pressus pondere concidit: Perierunt in flumine multi homines & impedimenta, fuit hoc sub initium Decembris.

*Casimirus ex
Silesia redit
in Poloniam.*

Bello huic nihil se immiscere potuit Fridericus Cæsar, quia procul tunc aberat alio bello detentus, cuius tamen, quia illustris eius ubiq; fuit fama, breuem facio mentionem. Carolus Burgundia Dux vir spiritus excelsi & cupiditatis infinitæ, insidiabatur Germaniæ, & conabatur in suam potestatem traducere omnem ripam Rheni. Inuenit πέρφρων belli, quod diceret, se opem ferre Episcopo Colonienfi Ruperto, quem sui profligauerant. Hoc prætextu obsedit urbem Nouesium.

Fridericus Cæsar, assentiente senatu Imperij, edixit expeditionem contra Carolum, & collecto exercitu florentissimo ex robore Germaniæ, Carolo obuiam profectus est: præcipui Duces belli illius fuerunt Albertus Brandenburgensis Elector, & Albertus Saxonicus. Durauit ea obsidio amplius anno, & neuter Principum fortunam belli experiri statuit: Cæsar tamen alias etiam habebat causas, cur nollet dimicare. Nam occultè sibi Carolum conciliauit, & rursus nuptias filia Mariæ pro Maximiliano petiuit.

*Fridericus
Cæsar soluit
Obsidionem
Nouesium.*

Carolus etiam, qui videbat se imparem esse potentia Germanicæ, Cæsari assensus est, & impetrauit à filia literas scriptas ad Maximilianum, quibus testabatur obtemperaturam sese voluntati patris, illisq; muneris loco addidit Adamantem magni pretij. Quæ sponsio sola deinde coniugium illud, mortuo iam Carolo, & rebus omnibus valde turbatis, Maximiliano ratum fecit.

*Fridericus
Cæsar conciliat filio nuptias Mariæ
Burgundia.*

Egregiè vero tempore illius obsidionis Cæsar elusit artes & simulationem Ludouici Regis Gallia, qui putabatur calliditate sua ludificari posse omnes homines: Promiserat Ludouicus, cui Carolus perpetuus, & quidem grauis erat hostis, Cæsari auxilia contra Carolum, quæ tamen non mittebat, quia malebat bellum illud in longum tempus duci, & vtramq; partem atteri.

*Fridericus
Cæsar derisit
Ludouicum
XI. Gallia
Regem.*

Cæsar tandem illi nunciauit, se velle pacisci cum Carolo, cum in Gallia nihil inueniret præsidij. Illi renunciabat Ludouicus, rectè facturum

facturum Cæsarem, si omnes Prouincias Caroli, quæ essent deuina-
etæ Imperio, armis ad se traheret, sese idem facturum de illis, quæ à
regno Galliæ penderent. Legatis ista proponentibus, Cæsar se-
nex sagacissimus, recitauit Apologum, eumq; vt domum ad regem
suum referrent iussit.

*Apologus de
Vrso.*

Vagatus est, inquit, in mea Germania Vrsus vastissimæ ma-
gnitudinis, qui omnem vicinum agrum fœde vastabat. Tres au-
tem iuuenes oppidani, præditi singulari, vt videri volebant, animi
robore, accedunt Cauponem vrbis, ab eo impetrant apparari sibi
lautum conuiuium, intra biduum verò omnem se sumtum præstitu-
ros spondent. Nunc enim inquiunt venatum egredimur necaturi
illum truculentum vrsus, quem vbi iugulauerimus, non solum
corium magno vendemus, verum etiam munus luculentum à
Repub: propter beluam illam vastatricem interemtam, impetra-
bimus.

Conueniunt inter se, prandetur hilariter & liberaliter, pransi
egrediuntur in syluam ad latibulum feræ, in quam cum opinione
citius incidissent, maximo metu perculsi, illico omnes in pedes se
conſciunt. Et quidem vnus in altam arborem conscendit, alius
recta ad urbem currit, tertium autem, qui erat ignauior, Vrsus
comprehensum prostrauit, & pedibus fortiter conculcat, rictum
deinde prope os admouet. Ille consilio valde vtili, plane mortui
speciem simulat, spiritu quantum potest compresso. Ea enim vrsi
natura est, vt cadauer non attingat: cum igitur existimaret istum
esse extinctum, in suum antrum regreditur.

Adolescens tandem surgit, & urbem petit, qui in arborem
confugerat, vbi illum videt euasisse, consequitur eum, & age, inquit,
oro te, quid in aurem tibi immurmurabat bestia. Hoc mihi, inquit,
præceptum dedit, ne quod deinceps vendam corium, nisi fera prius
capta. Præter hanc fabulam nihil tunc aliud legatis respondit Cæ-
sar, quæ tamen regem monebat, ne partiretur exuuias Caroli, nisi
eum prius profligasset.

In Silesia Mathias abeunte hoste vocauit ordines Vratisla-
uiam, à quibus summis precibus exoratus est, vt coleret pacem cum
Polonis, & parceret Silesiæ. Deliberatum est etiam de corrigenda
moneta, quæ rursus confusiones multas excitauit. Ineunte anno
1475. profectus est Suidniciam, & expugnauit arcem Furstenstei-
num, vbi dicebatur esse receptus latronum Bohemicorum.

*Mathias mul-
tat Principes
Silesiæ.*

Falso verò relatum est à scriptoribus Polonis, Mathiam tunc
profligatum esse ab equitatu aulico Vladislai, qui tunc procul in
Bohemia aberat. Deinde afflixit multos ex principibus Silesijs,
præcipue Duces Ratiborienses, qui putabantur contulisse consilia
cum Polonis. Olsnicensem etiam Ducatum vniuersum ad se tra-
duxit, hac, vt reperio, occasione. Decefferat Conradus Niger
Olsni-

Olsnicensis, vidua illius, mulier Masouienſis, æqua ſuæ genti, Caſimirum in Sileſia conſilio & ope iuuerat, & inter alia monuerat Polonos, vt Viadro, qui tunc admodum decreuerat, in alium alueum traducto, vndiq; Mathiam & urbem obſiderent, quod quidam cum præſenti periculo Regis & urbis factum fuiſſet, ſi Poloni ſapere voluiſſent.

Ideo, finito bello, Mathias iratus mulieri minabatur, ſe ipſam ex Sileſia eiecturum. Conradus vero Albus frater, qui & ipſe non ſatis propitium habebat regem, cum Mathiam placare non poſſet, & ſuam ditionem, & eam, quam ex morte fraterna adire debebat, vendidit Ducibus Saxoniae, quos ſciebat valere gratia apud Mathiam, & quidem Rex initio bonam ſpem fecit Principibus, ſed tandem conſilijs ſuorum immutatus, qui dicebant, hac ratione paulatim Sileſiam in poteſtatem Principum exterorum venturam, ipſe omnem eam ditionem ſe emturum profeſſus eſt, & Cunrado numeraturum pretium quod petebat.

Mathias Olsnicenſem ducatum ad ſe tranſfert.

Mathias Vratiſlaviae reſciuit Heduigen Caſimiri, quam ſæpe appetiuerat, promiſſam eſſe Georgio Bauariae Duci, Ludouici filio. Abiecit tunc omnem ſpem veræ concordiae, & planè à Polonis ſe abalienauit, & vt in illa vicinia oſtenderet ipſis, ſe non eſſe in exigua autoritate apud exterarum gentes, expectauit ibi ſplendidam legationem Ferdinandi Regis Neapolitanorum, in qua fuerunt multi viri Principes, Senatores Veneti, & comitatus ducentorum equitum, quæ quinto die Februarij Mathiae promiſit coniugium Beatricis filiae naturalis Regis Ferdinandi, cum dote centum millium aureorum.

Mathiae promittitur coniugium Beatricis filiae Ferdinandi regis Neapolitanorum.

Ipſe autem Rex profeſtus eſt Vratiſlavia tertia Martij, & tranſiit per ditionem Olsnicenſem, quæ vniuerſa in verba ipſius iurauit. Conradum tamen Album ad mortem uſq; gubernatoris loco Ducatum adminiſtrare iuſſit. Grauis fuit hospes Sileſiae iſtis menſibus Mathias, & non ſolum grandibus exactiõibus eam exhaustit, ſed etiam nimium exiſtimabatur indulſiſſe libidini militum, qui violenter fuerunt graſſati. Ideo multorum ſtudia, quæ prius erga ipſum fuerunt eximia, refrixerunt: & quidem vetus eſt illud apud Thucydidem, qui inquit: In omni bello malè audire gubernatores, propterea quod etiam in bello non inſœlici multæ ærumnae reſtudent in populum.

Mathias oſendit Sileſios.

Mahometus, uſus occasione diſſidentium inter ſe Regum Chriſtianorum, ſub exitum anni ſuperioris miſerat exercitum 120000. militum ad domandam Valachiam, quam volebat conſtituere pro arce, vnde Poloniam & Hungariam poſſet inuadere. Sed Stephanus Valachus, etſi deſertus erat ab omnibus Principibus, tamen ex ſuis popularibus & militibus mercedè conductis, armauuit mediocres copias, quæ non excedebant 40000. uſus autem

Stephanus Valachus proſligat ingentes copias Mahometi.

opportunitate loci, exercitum Turcicum pene vniuersum deleuit, magna multitudine trucidata, & alia in Istrum demersa.

Captiuos omnes palis confixit. Bassas vero Principes ad Monarchas Christianos hinc inde misit. Stephanus ea victoria nihil elatus, sed publice professus est, agnoscere se, à Deo hostem esse profligatum, quem tamen irritare alia expeditione noluit, sed vicinos reges appellauit de auxilijs, quæ non impetrauit.

Datur Mathiæ vitio à scriptoribus Polonis, quod literis missis in omnem Europam, & præsertim in Italiam, narrauerit, suis auspicijs & à suo subdito Stephano deuictos esse Turcos. Constat tamen præcipuam partem exercitus Valachici fuisse Hungaros, & de ipso Stephano disceptabant inter se Polonus & Mathias. Dies pugnae fuit 17. Ianuarij, anni 1475.

Capha urbs occupatur à Mahometo.

Gotthica gentis reliquie in Taurica Chersoneso opprimuntur à Mahometo.

Tyrannus Turcicus non est fractus illa calamitate, verum sub initium æstatis terra mariquæ, adiutus etiam à Tartaris, obsedit Capham urbem Genuensium, quæ olim fuit Theudasia, eamque sexto die lunij prodentibus ultro, vt scribitur, urbem Italij, in suam redegit potestatem, & simul plerasque ex vicinis munitiõibus occupauit, atque ita reliquiae honestissimæ gentis Gotthicæ in illis locis aut deletæ, aut tristi seruitute oppressæ sunt.

Stephanus Valachus eripit insignem prædam Mahometo.

Nauis quædam Caphensium, magnitudine insignis, quam Tyrannus Constantinopolin duci iusserat, mirabili Dei beneficio seruata est. Vehebat ea 150. adolescentulos captos, forma egregios, segregatos ad spurcitiem libidinosam Tyranni, & præterea nobilem supellectilem multam, eam remiges appulerunt Ciliam, & Turcis, qui erant in naui, interfectis, dediderunt sese Stephano Valacho, qui illam urbem obtinebat.

Mathias Sabaciam arcem eripit Mahometo.

Mathias reuersus in Hungariam nihil defatigatus tanta mole continuorum bellorum, cito parauit se ad expeditionem Turcicam, & sub initium mensis Octobris exercitum suum familiarem 10000. militum, in quo erant Episcopi, eduxit, instructum machinis bellicis insignibus, & in ripa Sauj fluminis Sabaciam arcem munitam à Turcis, & firmatam præsidio 5000. Turcorum, magno cum labore expugnauit, interfectis omnibus Turcis, vicinam deinde oram Turcicam depopulatus est, & propter frigus hybernũ intollerabile domum regressus est.

Mathie singulare symptoma accidit in oppugnatione arcis Sabaciæ.

In ea oppugnatione in ipso rege memorabile quid animaduersum est. Erat is somni breuis & lenissimi, adeo vt leuissimum murmur quietem illius turbaret. Tunc autem, cum horrenda tonitrua ex machinis inusitatæ magnitudinis ederentur, muri ex verberatione continua creparent, terra fragore illo sub pedibus quasi fata quasi mugiret, tamen ipse Rex in multas horas altum dormiuit, quod ipsum pathos heroicum fuisse existimari potest.

Nam

Nam & Alexander ante prælium ad Arbela in multam lucem profundo oppressus somno dormiſſe, vt à Parmenione vix excitari poſſet, ſcribitur, animo nimirum heroico, ex longa ratiocinatione de inſtanti periculo ſuperando, defatigato, & tandem ex certa ſpe ſœlicis exitus corpus grata tranquillitate & quiete perſfundente.

Amiſit in ea expeditione Franciſcum Hagecum ducem magnæ virtutis, eum in Alba regali ſplendido funere extulit. Nec multo poſt Turci fluminibus glacie concretis ſubitaria excuſſione Hungariam depopulati ſunt. Volauit æſtate huius anni monſtrøſa caterua locuſtarum in Bohemia, Sileſia & Polonia, quæ agros multum vaſtauit. Romæ Pontifex Sixtus, cui graue erat expectare annum quinquageſimum, Iubilæum, vt ærarium ſuum expleret, indixit: ex Sileſia multi hoc anno Romam proſecti ſunt, & inter alios Fridericus Lignicenſis. Sed Pontifex, cui odor lucri erat ſuauiſ, ſub exitum anni, domi noſtræ nundinas eas inſtituit, vt plures inefcaret.

Vere anni ſequentis, qui fuit à nato Saluatore 1476. Mathias miſit ſplendidam legationem in Italiam, quæ adduxit ipſi ſponſam ſuam Beatricem Ferdinandi filiam, virginem optimis artibus bene eruditam, & quæ grata cum ſacundia, multa ex veteribus ſcriptoribus latinis appoſitè recitabat. Eius legationis Principes fuerunt Rodolphus Vratiſlauenſis, & Iohannes Varadienſis Epifcopi: duxerunt ſecum equites 700. Corona regni Hungariæ Beatrici impoſita eſt die S. Lucæ Budæ, & ibi nuptiæ ſuperba cum pompa peractæ, ad quas Mathias per ironiam etiam Caſimirum Polonum inuitauit.

Mahometus tandem finiturus bellum Valachicum, cum excidio gentis, ex Thracia exercitum adduxit, conduxerat etiam regem Scythicum, vt ab altera parte ſe in Valachiam infunderet. Stephanus fruſtra petiuit auxilia à Polonis, neque tamen ideo animum deſpondit. Sed collectis ſuis copijs, obuiam progreſſus Tartaris, eos magna ſtrage ad Borifthenem vſque cæcidit & fugauit, ademit illis omnem prædam, impedimenta, arma, veſtes, & vix pauci per flumen enatarunt.

Interea autem Mahometus abſente Stephano prætergreſſus erat Iſtrum: Stephanus, quia hoſti impar erat, ſuos ipſe vrebatur agros, & Turcos, qui longius excurrebant à caſtris, ſubinde expectata cum manu equitum opprimebat, ita vt ad triginta millia Turcorum trucidafſe dicatur. Sed cum Mahometus eum tandem ingenti cum exercitu circumfunderet, Stephanus in montes ſeſe abdidit. Turci omni Valachia deuafata, etiam vicinis regionibus Poloniæ non pepercerunt.

Mahometus ad extremum coactus ex inedia, peſtilentia, & propter claſſem in Iſtro tempeſtate diſiectam, exercitum reduxit.

*Locuſtarum
agmina Sile-
ſiam & Polo-
niam implent.*

*Sixtus Ponti-
fex cumulat
Iubilæos.*

*Beatrix con-
iunx Mathiæ
regis excel-
luit erudi-
tione.*

*Mathias Rex
celebrat nup-
tias.*

*Stephanus Va-
lachus ruſſus
Tartaros &
Turcos repri-
mit.*

Neq̃ sic tamen satis sibi nocuisse Christianis videbatur, verum dum Mathias nuptias facit Budæ, ipse ex regno Bosnæ ingentem manum prædatoriam emittit, ea perruptis castellis ligneis, quæ ad ripam Danubij extruxerat Mathias, latè Carinthiam & Stiriam populata est.

Traducitur Mathias, quod hoc etiam anno Italiæ nunciauerit, Mahometum metuisse suum aduentum, ideoq̃ reliquisse Valachiam. Hoc tamen verum est, Mathiam Stephano deserto, à Polonis, misisse auxilia, quæ Turci non expectarunt, illis deinde vsus est Stephanus in reprimendis Transalpinis populis, qui magis sæuebant in Valachos, quàm ipsi Turci, neque obscurum est, hunc regem solum tunc fuisse formidini Turcis, & potuisse eum prodesse orbi Christiano ardore & fortuna sua, nisi fata Europæ, quæ orta fuerunt ex tristibus, isq̃ diu cumulatissimis peccatis, obstitissent. Italia, annitente Ferdinando Neapolitano, misit ipsi 200000. aureorum in bellum Turcicum, quam pecuniam sequenti anno dissipauit in crudeli bello Austriaco.

Mathias accipit sumtus in bellum Turcicum ex Italia.

Fridericus Cæsar infeliciter laceffit arma Mathiæ.

Fridericus Cæsar iniquissimus erat Mathiæ, & fortassis, sicut ingenia iracunda multum peccant, ipse præbebat causam offensio- num. Reuersus igitur ex Germania inferiori, & à nuptijs Bauariæ, statuit Mathiam bello persequi, quæ consilia in sene alioqui sapientissimo fuerunt plena errorum. Confidebat ipse foederi Bohemico, & Polonico, quod recens ictum erat inter Cæsarem & duos illos Reges: verum sero tandem apparuit, recte dictum esse à Lacone illo: Pueros ludere consueisse astragalus, reges foederibus & iuramentis.

Hyeme istius anni, quæ fuit asperissima, adiutus à Vladislao Bohemico exercitu 4000. militum, animaduertit in proceres Austriæ, quorum fides erat suspecta, & qui colludere putabantur cum Mathia. Captæ & per deditionem acceptæ sunt multæ arces, sed moles belli in annum futurum dilata est. In ducatu Glogouiensi hoc anno, mortuo Henrico Freistadiense sine liberis, magna est facta mutatio, & factum initium belli Marchici, quod describetur suo loco.

Caroli Burgundici miserabilis interitus.

Celebris est iste annus propter interitum Caroli Burgundici, cuius tantus fuit splendor & fortuna, vt pene omnes Principes Europæ anteiret. Attraxit autem sibi exitium superbia & πολυπραγμοσύνη, quæ vitia multos sapientes & potentes homines euerterunt. Discesserat ab obsidione Nouessiana inflatus opinione potentiae suæ, & appetebat multas aliorum prouincias.

Heluetiorum inopia.

Anno 1475. decreuit bellum in Heluetios, qui ipsum non læserant. Miserunt ad ipsum legatos deprecatores, qui obtulerunt ipsi satisfactionem, si quid deliquisse viderentur, & inter alia narrarunt Carolo, tantam esse inopiam populi Heluetici, vt calcaria & frena

& frena equorum per ipsius exercitum, pluris debeant aestimari, quam omnis ea pecunia, quæ ex agris ipsorum posset cogi. Sed Carolus indulgit iræ, & cum Granfonium oppidum potestati ipsius sese permisisset, milites præsidarios Germanos 500. contra pacta, laqueo strangulauit. Heluetij irritati ea crudelitate & perfidia, raptim collectis suis militibus, obuiam iuerunt hosti.

Exercitus Caroli, qui erat instructissimus, quasi panico terrore perculsus, ne quidem conspectum Heluetiorum tulit, sed subito in fugam omnes sese coniecerunt. Cædes non magna facta est, verum Heluetij adepti sunt omnem ferme thesaurum Caroli: Nam, ut esset admirationi legationibus Regum exterorum, quæ castra sequebantur, vniuersam suam pretiosam suppellectilem, quæ vix apud aliquem Regem erat magis exquisita, domo secum aduexerat.

Heluetij potenti-
untur ingenti
thesauro Caro-
li Burgun-
dici.

Heluetij, quæ tunc fuit gentis simplicitas, pretia tantarum rerum nihil intelligebant. Tentorium Caroli, quod auro & gemmis mirabili arte contextum fulgebat, ab eis in frustra discerptum, & inter plures diuisum est: patinas argenteas vilissimo pretio pro stanneis vendiderunt. Adamantem ipsius, qui erat in toto orbe terrarum, tanquam miraculum naturæ, celebris, quidam ubi reperisset, tanquam inutilem lapillum abiecit, postea aliquid suspicans, eundem vendidit sacrificio sui oppidi aureo nummo, is dono dedit eum suo Magistratui vrmano, & ab eo accepit duos aureos. Nostra ætate cum peruenisset in manus illustrium Fuggerorum, æstimatur superare pretio suo redditus magnorum regum.

Adamas nobi-
lis Caroli Bur-
gundici.

Carolus ex mœrore animi incidit in Melancholiam, hoc est, in mentis quandam alienationem, quæ ipsum totum immutauit. Est quidem *m. d. c.* hoc familiare viris heroicis, sicut ostendunt exempla Nabuchodonosor, Herculis & aliorum, ut etiam hoc modo ostendatur exemplum iræ Dei, qui heroicæ animæ quoque potest adimere eximiam sapientiam & robur, propter peccata. Confluxit demum sub initium anni 1476. cum Heluetijs, qui habebant auxilia ciuitatum Germanicarum, & ab illis ingenti strage victus est.

Carolus Bur-
gundicus inci-
dit in Melan-
choliā.

Carolus Bur-
gundicus rur-
sus superatur
ab Heluetijs.

Tandem sub exitum anni, cum bellum transtulisset in Lotharingiam, quem Principem Heluetij & Germani iuuabant, ad Nanceium oppidum ex magna pertinacia, cum tamen à suis proditus esset, confligit cum Germanis, copijs suis exiguis, in qua pugna miserabiliter trucidatus est, & sero tandem inter cadauera inter-emptorum inuentus, eo penè modo, ut de Pompeio olim dictum est:

Carolus Bur-
gundicus ad
Nanceium
vincitur &
occiditur.

Iacet ingens littore truncus,

Auulsumq; humeris caput & sine nomine corpus.

Interfectus est Carolus, ut reperio in annalibus manuscriptis, die Thomæ Apostoli. Sed nos ad nostra reuertimur.

Vladislaus accipit insignia Regni Bohemiae à Caesare Friderico.

Anno 1477. Vladislaus vocatus à Caesare profectus est in Austriam cum exercitu 8000. fecit spem Friderico, etiam secuturas esse copias Polonicas. Exceptus est à Caesare exquisitis honoribus, & collata sunt ipsi insignia regni Bohemiae solenni cum pompa Viennae, multum dissuadente Pontifice & praecipuis Cardinalibus, qui prouidebant, inde funestum oriturum bellum. Vladislaus paulò post, apud Viennam agitantem conuiuia, defecit pecunia, & Bohemi, nihil morati imperium Regis, reuertuntur domum, dilabuntur etiam copiae Caesaris, ibi Mathias, frustra intercedentibus proceribus Hungaris, & orantibus, vt potius Turcos bello peteret, instar torrentis in Austriam irruit, duxit secum in castra nouam suam nuptam, virilis animi mulierem.

Fridericus Caesar transigit cum Mathia.

Mathiae conferuntur insignia regni Bohemiae à Caesare Friderico.

Totam vero Austriam ad fines vsque Bauariae peruastrauit, & in potestatem suam redegit: Viennam tamen frustra obsedit, ab eaque fortiter repulsus est. Optimus Caesar, quem sero poenitebat suae credulitatis, frustra implorabat opem Bohemorum & Polonorum ex foedere. Tandem Casimirus excusans se de auxilijs, misit ipsi in sumtum belli decem millia aureorum. Caesar iratus pecuniam illam in Poloniam remisit, & cum Mathia durissimis conditionibus transegit. Renunciat iuri suo in regno Hungariae, Mathiae confert insignia Regni Bohemiae, sicut Vladislao: pro munitionibus Austriae numerat ipsi 180000. aureorum: etsi Mathias, cui non dabatur pecunia, diu postea eas munitiones retinuit.

Accipiebat pacem eo libentius Mathias, quia Turci rursus littus Adriatici maris ad ipsam vsque Venetorum ditionem vastauerant: & respiciebat etiam Silesiam, ne, ardente tunc bello Marchico in Ducatu Glogouiensi, consociarentur arma vicinorum Principum, & ipse aliquid detrimenti caperet.

Annus 1478. paulò fuit quietior, etsi priores motus nondum plane resederant. Casimirus, qui ubiq; bellum infelicititer procedere videbat, animum ad pacem faciendam cum Mathia adiecit. Missi sunt legati, subinde ex vno regno in aliud cursitantes, qui proponebant conditiones. Audita fuit praecipua legatio Polonica à Mathia Vicegradi, non procul à Buda, vbi Mathias arcem regio & Italico cum splendore, sicut in aedificationibus fuit sumtuosus & exquisitus, condiderat.

Mathias in disceptatione de pace apposite respondit legatis Casimiri Regis.

In consilio Hungarico, quod fuit valde augustum, solus Rex linguam Sclauonicam callebat: & quamuis legati non ignari essent linguae latinae, eaque ipsos Rex vti malebat, tamen ipsi, ne intelligerentur à familiaribus Regis, de industria orationem sermone patrio ad duas integras horas pronunciarunt. Audiuit eos Rex patienter

patienter & attentè, cumq; perorassent, sciscitatus est Latinè ne an Polonicè sibi mallent responderi. Legati hoc arbitrio Regis permiserunt.

Tum Mathias splendidam orationem sermone latino exorsus est; in qua capita concionis Polonicae dissipata, optimo ordine distinxit: Postulatis Regis sapienter respondit, & ea, de quibus secum expostulabat Casimirus, grauitè & constanter refutauit. Proposuerant vero oratores Poloni in vestibulo sui sermonis, existimare Casimirum, Mathiam præter officium fecisse, quod Episcopus quosdam regni Poloniae à Casimiro alienasset, eosq; in oppugnando suo Rege pecunia iuuisset. Artem enim esse illaudatam, minimeque magno Principe dignam, alterius regis subditos ad seditionem concitare, & contra ius gentium religionem iuramentorum, neruum humanæ societatis euertere.

Caput hoc, quod plurimum habebat aculeorum, Mathias de industria ad finem vsque sibi reseruauerat, & existimabant Poloni, dissimulari hoc studiosè, quod excusari non posset. Verum Mathias tandem subridens: Renunciate, inquit, Regi vestro, olim me puerum à præceptoribus meis tale noëma dedicisse: Honestus est error eorum, qui magnos duces sequuntur. Anteit me ætate Casimirus Rex, eo igitur magistro & duce vsus sum. Concitauit ipse in me non solum præcipuos regni mei Episcopos & proceres, verum etiam seditiosos numerofo iuuit exercitu, vt me ex regno deturbarent. Non igitur mirabitur, si ego leniter exemplum illud aliquando imitari conatus sim. Erubuerunt legati, qui meminerant vera Regem loqui.

Animaduersum est, in tam longo & non præmeditato latino sermone semel omnino in Grammaticam peccasse Regem, quem tamen lapsum euestigio correxit. Promittebatur inter alia Mathiae magna pecuniæ summa, si regno Bohemiae vellet renunciare. Inter istas tractationes pacis, præfecti Vladislai conati sunt occupare Pilsnam, quam tenebat Mathias: profligati sunt vero ibi cum magna clade, & Mathias ad faciendam pacem factus est durior: Pepigit tamen postea inducias, quæ subinde extractæ sunt, donec sequenti anno inter ipsos conuenit. Turci rursus hoc anno in Carinthiam excurrerunt.

Vratislaviae fuit nuncius Pontificis Balthasar de Piscia, vir valde incogitans & turbulentus. Is ex mandato Pontificis, vt præse ferebat, emisit fulmen anathematis in Vladislaum Regem, quem dicebat probare dogmata Hussitica, & in Casimirum Poloniae Regem, quod is hæreticos defenderet. Vladislaus enim Rex mitis non patiebatur se accendi ad sæuitiam in Ecclesias Hussiticas, hoc ægre ferebat Roma. Ciuitates etiam Silesiae denunciavit pro ex-

*Mathias Rex
fuit peritus
latinae linguae.*

*Balthasar legatus Pontificis
seuit in Principes.*

communicatis, quod haberent commercia cum Bohemis, eosq; ad nundinas admitterent.

*Mathiæ &
Vladislai Re-
gum congrega-
tus in urbe Ol-
omucensi.*

In Ducatu Glogouiensi ardebat bellum Marchicum: Et misit hoc anno Mathias Iohanni Saganensi equitum Pannoniorum 1800. ductore Seleno Bohemo. Seriem belli recitat alter liber. Anno 1479. Mathias, quamvis omnibus rebus superior, tamen ad pacem se flecti passus est. Fuit conuentus Regum Olomuciæ, Mathiæ & Vladislai, & aderant multarum gentium Principes magno numero. Mirificus ibi fuit splendor Mathiæ, qui suo sumtu Vladislauum excepit.

*Mathias festi-
ue castigat
impudentem
Poëtam.*

Accidit in illis pompis conuiuiorum res non illepida, quæ & ipsa de natura Regis Mathiæ docere potest. Conuiuia Regis non solum luxu & magnifico apparatu, aut heluationum immanitate strepebant, sed aut audiebantur viri docti de aliqua parte doctrinæ utilis differentes, aut instituebatur dulcis & sedata Musica. Tunc in illa dissimilium hominum frequentia, admissus fuit ad mensam Regiam homo Germanus, histrio, vt putabatur, nobilis. Rex linguam Germanicam, quam in carcere didicerat, & postea multo vsu familiarem sibi fecerat, amabat: ideo istum audiuit facilius.

Pronunciauit autem ὁμοιότῃ Germanica, scripta à Poëta, vt apparebat, non infœlici, sed parum prudenti: ipse addebat gestus mimicos non indecoros. Primum caput poëmatis recensabat nomina Regum & Principum Christianorum longo ordine, nominabat etiam qualia, & quanta singuli daturi essent auxilia in Tyrannum Turcicum, illiusq; exercitus amplissimi spondebat futurum Imperatorem Mathiam, qui propter excellentem peritiam rei militaris, præsertim in bellis Turcicis, meritò omnibus esset præferendus.

Ex ea deinde mentionis occasione ille Rhapsodus longam teulam laudum Mathiæ texebat, in qua virtutes quidem veras in Rege, vt sapientiam, amorem doctrinarum, fortitudinem, recitauit, sed illis parum verecundas hyperbolas immiscuerat, quæ Mathiæ ascribebant robur Giganteum, & speciem corporis excellentiorem humana. Epilogus postremo admodum impudenter erat petax. Nam flagitabat amplum præmium pro tam eleganti Poëmate à Rege.

Mathias, quem in illo præsertim principum coetu, valde ista impudentia offenderat, iram tamen repressit, & ciuili reprehensione coruum hiantem ludificatum dimisit: Audiui, inquit, carmen tuum non inuenustum, quod mihi maximas virtutes & ornamenta tribuit. Etsi autem optimè sciam, me non esse talem, qualem tu me depingis, tamen tibi non irascor, sed hoc ita interpretor, moneri me, vt serio coner imaginem istam præstantem in vita exprimere, & quidem dabo operam, ne frustra admonitus esse videar.

Verum

Verum illud robur Giganteum, illamq; Ganymedis vel Abolonis pulchritudinem deinceps mihi non ascribas. Tui oculi me iam intuentur, qualis sim, ideo, si deinceps tam manifesta adulatione peccares, non impetrares veniam. Præmium autem illud luculentum, quod postulas, equidem tunc liberaliter dabo, vbi euerint ea, de quibus tu vaticinaris. Nunc autem tale tempus est, ut optare potius quam sperare ea, quæ tu dixisti, possimus. Imminet nobis bellum Turcicum asperissimum, ista vero Christianorum armorum consociatio nusquam apparet. Eodem quidem isto vrbano sermone Rex & fatuitatem Mimi, & ignauiam Principum Christianorum falsè & prudenter reprehendit.

Transfegerunt Reges his conditionibus. Vterq; regum habeat titulum regni Bohemiæ, sed dignitas electionis Cæsareæ maneat penes Vladislaum, qui ipsam quoq; Bohemiam possideat. Pro- uinciæ vero tres, quæ regno Bohemiæ dicuntur insertæ, Morauia, Silesia & Lusatia, pareant Mathiæ, quæ, si Mathias prior decesserit, redeant ad regnum Bohemiæ, eo tamen euentu Vladislaus exoluet regno Hungariæ 400000. aureorum: sin vero Mathias Vladislao superstes erit, in regno vniuerso succedet, neque Bohemi summam illam numerabunt.

Mathias & Vladislaus quibus conditionibus transfegerint.

Interea dum ita disceptant & transigunt reges, magnum vulnus inflictum est Lithuanix, Poloniæ, atque, ut nostra ætas sentit, reliquis etiam regnis Christianis. Nam Iohannes Moschus vir bellicosus & impiger, qui post trecentesium annum fermè iugum Tartaricum excusserat, hac æstate Nouigrodum urbem amplam ad fines Liuioniæ, quæ annum tributum centum millium aureorum Principi Lithuanico soluebat, nemine defendente occupauit, in qua gaza incredibilis reperta esse dicitur, ita ut consentienti testimonio scriptorum referatur, trecentos currus totos auro & argento onustos ex ea vrbe in Moscouiam translatos esse, qui autem reliquam prædam auexerunt, fuerunt innumerabiles.

Nouigrodum urbs amplissima capitur à Moscho.

Casimirus Rex bonus & timidior, etsi monitus à suis, tamen Moschos noluit irritare, sed inducias cum hoste, post cladem acceptam pactus est. In Pannonia vero egregiam operam orbi Christiano nauauit Mathias. Mahometus, etsi iam ad senium vergebat, tamen nihil de cupiditate amplificandi regna sua remittebat, & plenus erat bona spe, se adhuc Monarchiam constituturum, deletis reliquis regnis in Europa.

Hoc igitur anno misit in Transyluaniam exercitum centum millium, quem ducebant quinque præcipui Bassæ. Mathias, nuper reuersus ex Morauia, nihil cunctatus, copias suas, quas continuo in armis suis stipendijs alebat, hosti misit obuiam, & vocauit in Hungaria ad arma quos potuit. Exercitui tres præfecit duces, quorum Princeps

Mathias deuicit quinque Bassas Turcos.

Princeps erat Stephanus Bathorus, ipse correptus graui articulo-
rum dolore, decumbebat non procul à castris. Tria agmina ordina-
uerant Hungari, ex quibus in illud, quod ducebat Bathorus, Turci
primi inciderunt, & acerrimam pugnam cum illis conseruerunt:
Hungaris vero iam penè defatigatis, superuenerunt reliqua duo
agmina, & Turcos præter expectationem ex lateribus inuadunt,
eosq; conturbatos in fugam desiciunt. Concisi sunt fermè omnes,
neque Hungari supra quinquaginta captiuos seruarunt, reliquos
vero mactarunt.

Iohannes Pan-
nonius Epi-
scopus Vara-
diensis fami-
liaris Mathie
Regis.

Florentina
seditio.

In Silesia fuit Iohannes Episcopus Varadiensis & Olomu-
censis familiaris Regis, qui magnam pecuniam nomine Regis ab
ordinibus poscebat, & habebat administrum Georgium Stenium,
qui propter artes quæstorias deinde factus est gubernator Silesiæ,
cum magno damno huius prouinciæ. In Italia hoc anno fuit illa
cruenta seditio Florentiæ, vbi Medicei iuuenes à parte aduersa
in templo ex insidijs petiti sunt, ex quibus alter iugulatus est, alter
vulneratus euasit. Autores cædis, homines illustres, & prædiui-
tes miserabiliter strangulati & mactati sunt. Historiam descripsit
Iouius.

Anno sequenti 1480. in Austria rursus bellum erupit: Ma-
thias enim, qui vi morbi superatus nunciabatur mortuus esse, pro-
bavit sese viuere. Nam per legatos & exercitum suum familiarem,
Austriam foedè vastauit. Narratur fuisse belli causa, quod Bern-
hardus Archiepiscopus Strigonienensis magnum auri pondus, &
coronam regni Hungariæ in Germaniam asportasset. Sed tamen
bellum illud rursus cito conquieuit.

Mahometus
frustra op-
pugnat Rhodum

Mahometi ex-
ercitus occu-
pat Hydrun-
tum Apuliæ
urbem.

Mahometus hoc anno oppugnauit Rhodum, v. i. tute tamen
militum Germanorum ex ordine Cruciferorum vrbs fortiter est
defensa, & Turci ab Insula pulsi. Misit eadem æstate classem in Ita-
liam, quam nudatam præsidio Germanorum Cæsarum, capi posse
sperabat. In Apulia multa ignobilia oppida vi cepit. Hydruntum
urbem validam expugnauit, in victos nullum crudelitatis genus
prætermisit, Archiepiscopum vrbis medium dissecuit, in promiscu-
am turbam hominum passim sæuijt, urbemq; ipsam valido præ-
sidio munijt. Bellum hoc administrauit per suos Bassas.

Mahometus
Tyrannus
Turcicus ex-
tinguitur.

In Ducatu Glogouiensi hoc anno Iohannes Princeps ex vrbe
eiecit Margaritam viduam Vladislai Ducis. Series euentuum
alibi describitur. Annus proximus celebris fuit propter mortem
Mahometi Tyranni Turcici. Adortus fuerat Rhodum anno su-
periori, expugnauerat Hydruntum in Italia, & ipse cum tertio ex-
ercitu per Asiam, ineunte vere huius anni, in Syriam proficiscea-
tur. Sed tertio Mañ ad Nicomediam Bithiniæ urbem inter sæuos
cruciatus, qui aut fuerunt colici, aut potius, vt arbitror, ex inflam-
matione alicuius visceris, extinctus est.

In Italia

In Italia Alphonfus Calabriae princeps adiutus, à cæteris Italiae, & præsertim auctus auxilijs Hungaricis Mathiæ regis affinis fuit, Hydruntum Turcis eripuit, præsidio Turcico cæso, & captos Turcos ad duram seruitutem hinc inde distribuit. Enituit ibi opera Hungarorum, qui in bellis Turcicis erant exercitati. Ortum est ciuile bellum inter filios Mahometi, Baiazetum & Gemem, qui ^{Turci pelluntur ex Italia.} ^{Gemes Mahometi filius fit} ^{supplex Christianis & male tractatur.} pulsus à fratre fuit in Aegyptum, & rursus amisso exercitu venit in Rhodum, petens opem à Germanis, qui eum miserunt in Italiam ad Pontificem, vbi ludibrio multos annos habitus est, & tandem apud Carolum s. Galliae regem, scelere Alexandri Pontificis, in Campania veneno necatus.

Erat quidem occasio tunc rei præclarè gerendæ contra Turcos, sed ciuiles laniationes Christianorum Principum omnia corrumperunt. Mathias iam incipiebat languere ex morbo articulorum, ita ut minus esset idoneus ad longas expeditiones, & perpetuo litigabat cum vicinis. ^{Mathias semper litigabat cum vicinis.} Et si enim interdum erat imago pacis inter ipsum, Cæsarem, Bohemum & Polonum, tamen nulla erat fides & beneuolentia, nec reliquorum regnorum vlla erat coniunctio, Deo nimirum puniente peccata Europæ. Atque ita vindex dextera potentiae Turcicae subinde est confirmata.

Hisce annis grauib. bellis implicitus fuit in Belgico Maximilianus, qui ducta filia Caroli Maria, etsi potentes habuit aduersarios, & initia gubernationis erant infirma, tamen fortiter representit Ludouicum Vndecimum, qui fraude & aperta vi patrimonium Mariae inuadebat. Sed anno 1482. Maria Burgundica auia ^{Maria Burgundica extinguitur.} Imperatorum Caroli & Ferdinandi, domina præstans naturæ bonitate, infœlici casu, grauida ex equo in venatione lapsa est, & cum ex illa corporis concussione febris superuenisset, inter lacrymas mariti Principis, & totius populi expirauit.

Reliquit superstites filium Philippum, & Margaritam, quam Ludouicus Vndecimus, filio suo Carolo Octauo despondit, & tamen ab eodem Carolo postea ex agresti ^{Margaritis Maximiliani filia} ^{repudiatur à Carolo Octauo.} ^{ἀσποργία}, & auaritia est repudiata. In Silesia Rodolpho Episcopo Vratislauen. defuncto successit Iohannes Rotus Vendingensis Sueuus, vir doctrinæ & dexteritatis magnæ, cui graues deinde fuerunt lites cum suo sacerdote ^{Iohannes Rotus fuit sapiens Episcopus} dotio.

Sequenti anno sæuissima est grassata pestilentia per totam Silesiam, perierunt innumerabiles turbæ hominum, præcipuè in ducatu Glogouien. ^{Glogouien. ducatus miserabilis status.} cuius ea fuit fortuna, quæ describitur in veteri oraculo Thucydidae:

ἡ γὰρ δαειανὸς πόλεμος, ἔλπειται ἀπὸ αὐτῶν.

Bellum enim tristissimum, pestis & fames secuta sunt, ita ut non mirum sit, has vrbes inter tantas difficultates non potuisse emergere ad aliquam celebritatem.

In Bohe

Vladislaus Bohemicus fuit imbecillis Rex.

In Bohemia tanta fuit gubernationis deformitas, ut Vladislaus palam profiteretur, dolere se, quod regnum illud inops & turbulentum vidisset. Nam ipse, qui natura erat lentus & parum efficax in magnis rebus gerendis, & præterea oppressus ære alieno graui, à suis contemnebatur. Exoluerat filijs Georgij trecenta millia aureorum, & profuderat magnam pecuniam in bella Pannonica. Vectigalia igitur & reditus regni erant in manibus aliorum, & ipse fermè precario regnabat. Tandem hisce annis, cum, instigantibus Pontificijs, coepisset esse asperior in Hussiticos, ut hoc modo gratiam Pontificis promereretur, insignis exarsit seditio, adeo ut ipse Rex, in quem publicè dicebantur probra omnis generis, esset in periculo vitæ. Pragæ à furente multitudine Senatus trucidatus est. Noxam tamen hanc ita grauem, Rex multitudini, deprecantibus ducibus Monsterbergensibus, remisit, cum vires suas ipse optimè metiretur, & consilia Mathiæ metueret.

Pragensis seditio aduersus Vladislaum.

Stephano Valacho eripitur Bessarabia à Baiazete.

Anno 1484. Baiazetes pulso fratre, ut vlcisceretur cladem patris Mahometi, acceptam à Stephano Valacho, bellum terramariq; Valachiae intulit, & primo impetu, etsi non sine strage suorum, extremam oram Valachiae ad pontum Euxinum, quæ Bessarabia nominatur, ad ripas Istri & Tyrae occupauit, captis urbibus Cylia & Moncastro.

Stephanus Valachus iurat in uerba Casimiri Polonae regis.

Stephanus impar tanto hosti, cum frustra implorasset opem vicinorum regum, abdidit se in syluas & montes. Baiazetes autem Valachiam totam peruastrauit, & urbibus, quas ceperat, praesidio firmatis in Thraciam rediit. Sequenti anno Stephanus Valachiae Princeps, cum se aduersus potentiam Turcicam tueri non posset, iurauit in verba regis Casimiri in castris.

Stephanus Valachus deluditur Stratagemate à Casimiro rege.

Ad imitationem autem facti Rodolphi Caesaris, qui hoc intruxit in superbum regem Bohemiae Othocarum, tentorium in media actione dilapsum est, & Stephanus victor tot regum conspectus est procumbere ad genua Casimiri, qua re tamen nihil motus est, cum speraret se ope Casimiri recuperaturum amissam regionem, & impetrauit quidem auxilia à Polonis, quæ duxit Iohannes Polacicus, qui postea ob crudelitatem editam in ducatu Glogouienfi fuit nobilis. Sed plane irrita fuit ea expeditio, & Stephanum sero poenituit suae demissionis: Valachiam quidem, Bessarabia amissa, retinuit.

Mathias occupat Viennam.

In Austria, superiori anno recruderat bellum inter Caesarem & Mathiam, sed pulso exercitu Caesaris, qui non erat magnus, Mathias totam pene Austriam in suam potestatem redegit, & hoc anno 1485. post longam obsidionem etiam Vienna ipsi mense Iunio dedita est. Sola noua ciuitas adhuc tolerauit impressionem Mathiæ, & mansit in fide Caesaris.

Fridericus

Fridericus, cui in ista ætate & eo in loco dignitatis supremæ non poterant ista non esse acerba, oberrauit hinc inde in Germania, cum comitatu octingentorum equitum expeditorum, & vt mēderetur animi sui anxietati, quæsiuit hinc inde *ἡλπίεα* ex consolationibus Philosophicis. Passim igitur Noribergæ & alibi inscribebat parietibus hoc apophtegma: Rerum irrecuperabilium summa foelicitas obliuio. Intelligebat tamen morte Mathiæ, quæ in illa valetudine iam tunc non poterat procul abesse, omnia ea reditura ad suos hæredes.

Friderici Cæsaris animi æquabilitas.

Anno proximo post, Maximilianus Francofurti renunciatus est Cæsar, qui tamen propter bella Gallica nihil poterat opis afferre patri. Imo ipse adeo difficili fuit afflictus fortuna, vt in vrbe Bruggensi ex insidijs Gallicis, à suis ciuibus, enormi cum scelere, in carcerem duceretur. Friderico tamen Cæsare cum exercitu in Belgicum descendente, dimissus est, & vrbs graues poenas perfidiæ suæ luit. Reuerendus D. Lutherus existimauit, Bruggenses scelere illo in se attraxisse iram Dei, ita vt eodem tempore, refugiente mari, celebrem suum Portum amitterent, & emporium Antuerpiam transferretur. Anno 1487. noua ciuitas, quæ amplius vno anno obfessa fuit, in potestatem Mathiæ venit mense Augusto.

Maximilianus creatur Cæsar.

Maximilianus detinetur à Bruggensibus.

Mathias occupat nouam ciuitatem.

Fridericus in conuentu Noribergensi grauem de Mathia habuit querimoniam, decreta sunt igitur Cæsari subitaria quædam auxilia, & cum copijs mediocribus in Austriam missus est Albertus Dux Saxonie: Sed is, cum cerneret Mathiæ impetum & robur, noluit Germaniam tam difficili inuoluere bello, & putauit rectius esse, si tolerabili aliqua conditione posset iniri pax, à qua non videbatur abhorrere Mathias. Venit igitur cum eo in colloquutionem mense Decembri, & in nouem menses inducias pactus est.

Albertus Saxonicus paciscitur inducias cum Mathia.

Anno 1488. fuit bellum Glogouiense in Silesia, & eiectus est armis Mathiæ ex suo Ducatu Iohannes Saganensis & Glogouiensis. Historia narrabitur libro sequenti. Proximo anno post, ductores Regis in Silesia, & ad fines prouinciarum Marchionum, & Ducum Saxonie, circumferebant hinc inde arma, & vastitatem in multis locis faciebant Hungari, & milites legionis nigræ.

In Silesia planè excusserunt Conradum Album Olsnicensem, Henrico vero Monsterbergensi ademerunt Francosteinum & Monsterbergam, quod fauisse dicerentur hosti Regis Iohanni Saganensi. Georgius Stenius legatus Regius præcipuos ordines, præcipuè verò sacerdotes, grandem poposcit pecuniam, nec ullam admittebat excusationem.

Mathiæ ductores affligunt multos ordines Silesiæ.

Baiazetes pa-
ciscitur indu-
cias cum Ma-
thia.

Milites distribuebat in præsidia passim, quos Rex ali volebat in Silesia ad bellum Polonicum, quod certo instituerat, ut semel finem diuturnæ inimicitiae imponeret, illis permittebatur licentia & impunitas grassandi præter omnem modum & legem. Baiazetes Turcus Mathiam formidabat, ideo cum eo inducias pepigerat, ipsiq; magni muneris loco Constantinopoli transmiserat corpus Iohannis Eleemosynarij, quod Budæ celebri cum pompa conditum est.

Mathie sermo
ad legatum
Baiazetis.

Ineunte anno 1490. fuerunt in aula Mathiæ, legati Imperatoris Friderici, Regis Maximiliani, Romani Pontificis, multorum Principum Germaniæ, præterea legati Turcici & Sultani Aegyptij. Fuerunt illis omnibus arduæ deliberationes cum Rege de sedandis odijs & bellis. Prodiit autem orator Pontificius Cardinalis, qui erat Dux consilij publici inter Reges Christianos in pompa publica, magno cum splendore à Rege apparata, in illo suo galero, & longa purpura.

Turci & Aegyptij mirati formam viri, interrogarunt Mathiam, quisnam hominum esset ille, qui tam peregrino vteretur cultu corporis. Rex, ut eos terreret, festiuè respondit: Est inquit homo supremæ dignitatis, penes quem est potestas etiam remittendi peccata hominum. Ita quidem putabamus, dicebant legati, speciem eius augustiorem esse humana. Meditabantur quidem in Mathiam bellum Cæsar, Imperium, Reges Polonus & Bohemus. Horum tamen impetum ipse nihil metuebat, sed ad omnem euentum erat paratissimus, intercepto præsertim bello Turcico.

Mathias recõ-
ciliatur Prin-
cipibus Saxo-
niæ & Mar-
chiae.

Duci Saxoniae & Marchioni Brandenburgensi, qui visi fuerant consilia contulisse cum Iohanne Saganense, immiserat agmen prædatorium suorum militum ex Silesia, sed cum illi veniam peterent, passus est se facile placari, & omissis alijs, adoriri cupiebat Polonum, qui ipsi erat infestissimus.

Mathias me-
ditatur bel-
lum in Polo-
niam.

Erat aduentus ipsius in Silesia iam in expectatione: Senatui etiam Vratislaviensi nunciauerat, ne magistratum vrbæ ante ipsius aduentum, qui primo vere futurus esset, mutarent: & quidem tunc ab ea vrbe, grauib; criminationibus Georgij Stenij, & aliorum irritatus, erat alienus, ita ut aliquid mali inde oriri publicè posuisset. Verum illos motus omnes, qui proculdubio euertissent Silesiam, & alias Prouincias, abruptis interitus Regis.

Mathias ira-
scitur Vratis-
laviæ.

Mathias mo-
ritur ex Apo-
plexia Vien-
næ.

Opprimebatur multis annis crebro arthritide, & imprimis podagra sæua, sicut in tanta animi & corporis commotione, ad quam etiam accedebant noui amores, & liberalis vsus potentium vinorum, necesse erat accidere. Ultimo deinde anno vitæ, natura vi morbi iam debilitata, ex leui Apoplexia correptus est paralyti vtriusque cruris, ita ut pene nihil inambularet. Morabatur autem

tunc

tunc Viennæne, que de suis spiritibus & ardore aliquid remittebat, sed totus animo erat in armis.

Die Dominico, quem Ecclesia nominat Palmarum, sacra Pontificia sibi in arce celebri cum pompa, ut quidem in omni actione solebat esse magnificus, peragi curavit. Deinde Oratores Caroli Octavi Galliae Regis, adulatoria & grata facundia gloriam ex rebus ipsius gestis mirifice prædicantes, lætissimus audiuit, ac cubuit postea ad prandium: ibi cum in mensa secunda ficus recentes, allatas ex Italia, posceret, easque iam ab aulicis dissipatas & consumptas cognosceret, ingenti exarsit ira, ita ut totus tremere, humoribus vero agitat, & in ventriculis cerebri eliquatis, euestigio apoplexia secuta est.

Lapsus igitur in terram unà cum sensu & motu vocem quoque amisit, & inconditos tantum eiulatus & mugitus inter illos steratores sonuit, atque die sequenti lunæ, qui fuit quintus Aprilis, intercepto iam anhelitu expiravit. Ita quidem in terris vitam clausit suam Mathias Huniades, qui ob fortunæ suæ benignitatem, & rerum gestarum varietatem & magnitudinem, proculdubio in perpetua apud posteritatem erit memoria.

Apud Thucydidem Pericles inquit, visitatum esse omnibus laudare mortuos. Ego tamen, sicut nec falsam laudem cuique ascribere velim: ita dona Dei in heroicis Principibus iudico esse grata mente agnoscenda & celebranda.

Manifestum est autem, insigni Dei ope & fatali quadam foelicitate Mathiam ex summis miseris ad magnum fastigium rerum esse euectum. Cursus etiam ipsius magna ex parte fuit faustus & salutaris suis hominibus: etsi, ut nemo est tetragonus, etiam aliqua in ipso potuerunt desiderari: nec malè in eum quadrare inficior hoc vetus, ἀγαθὸν ἔστι καὶ πῆμα φίλιππον, sicut neque natura, neque fortuna dissimilis fuit Philippo Macedoni, qui etiam ex carcere ad regnum peruenit: etsi in Mathia impetus longè fuerunt acriores, & similiores ardori Alexandri.

*Mathie regis
virtutes.*

Ego enim existimo; huius Regis auctoritatem, quam ipsi conciliauit & memoria paternæ virtutis, quæ certe fuit longè laudatissima, & propria, eaque foelix alacritas, diuinitus fuisse obiectam irruenti Mahometo, quem profecto in illo cursu victoriarum, & accessione tot opulentissimorum regnorum, vulgaria repagula non potuissent retinere, cum semel in orbem terrarum terribilem suum acinacem Turcicum strinxisset.

Agnoscamus igitur præsentiam & opem Dei, qui armis Mathiæ illum tyrannum, quo inter Turcicos nullus fuit asperior

Mathias re-
sponsum ad
legatum Ma-
hometi.

& foelicior, à Pannonia & Germania reiecit. Recitatum fuit apud
auos nostros, legatum Mahometi Turcici aliquando superba ora-
tione nomine sui Regis poposcisse à Mathia Pannoniæ regnum.
Mathias vero, commotus illo Tyrannico postulato, cum vehemen-
ter excanduisset, reuertere, inquit, ad dominum tuum euestigio,
illiç renuncia regnare ipsum in Græcia beneficio meo, neque diu-
tius ipsi bene futurum, quàm mihi libuerit.

Quod vero tanti impetus ipsius consumti sunt in Ianienis ci-
uilibus, hoc accidit ex tristi fato Europæ, quod attraxerunt peccata
cumulata multis seculis, & fuerunt tubæ horum bellorum Roma-
ni Pontifices, qui neglectis incendijs Turcicis, malebant deleri Ec-
clesias Bohemicas, aduersantes tyrannidi ipsorum.

Mathias pec-
cauit iracun-
dia.

In gubernatione fuit quidem asper, sed tamen crudelis non
fuit. Et nota est imago Argonautica, vbi Hercules ex lege cogitur
agitare remos, eosç frangit. Nam Heroici & calidi illi motus non
semper vinculis legum coërcentur, & semper tristitia peccata sunt
& *ἔρως* in magnis viris, qui minime hoc præstare possunt, quod
dicitur: Vince animos, iramç tuam qui cætera vincis. Ideo sa-
pienter veteres bellatores suis filijs præcipiebant, vt iram frena-
rent.

Mathias ama-
uit studia.

In vita eius interiori lucebant multæ virtutes egregiæ. As-
suefactus erat ad studia doctrinæ à teneris ex autoritate patris,
itâque foeliciter didicit linguam latinam, vt adhuc puer in maxi-
mis negocijs esset orator & interpret patris. Ideo deinceps in
regno etiam artes honestas inprimis dilexit, & multos celebres ob
doctrinam, ad magnam dignitatem & opes ex infimo gradu eue-
xit. Instruxit Bibliothecam maximo sumtu, ex qua nostra ætate
prodierunt vtilissimi libri, Polybius, Diodorus Siculus, Nice-
phorus & alij. Ecclesiæ nomen valde semper est veneratus, sed
auaritiam & improbitatem sacerdotum maxime oderat. In collo-
quio quodam aulico vitia Episcoporum festiuissima ironia taxasse
scribitur.

Mathias dete-
statur auar-
itiam & ui-
tia Episcopo-
rum.

Alebat Hungaria, cum floreret, duodecim Episcopos, opibus
& dignitate maximis principibus pares. Conuenerant vero in
aula quidam ex Regis familiaribus, & deplorabant inter se reli-
gionem Christianam in pompam esse conuersam, reditusque Ec-
clesiarum ab hominibus improbis immani cum luxu profundi.

Interuenit commodum sermoni isti Rex, & cum audiuiisset
colloquium amicorum: Ego vero, inquit, non arbitror nominan-
dos esse illos malos, qui maximo studio inferos fugiunt, quod
profecto nostri Episcopi solum faciunt. Superbiam quidem non
fugiunt. Nam ea, si perisset ex memoria hominum; cultus & in-
cessus

cessus Episcoporum eam restitueret. Iram adeo non vitant, ut nusquam locorum horribiliora crudelitatis exempla edantur, quam apud ipsos: sicut credo hisce diebus vos audiuisse, Episcopum, familiarem quendam suum magni nominis virum, ob culpam leuissimam flagris cæsum occidisse.

Auaritia ipsis est carissima. Nam diuina vendunt, sacra vero & profana spoliant, ut opes corradant. Luxus nominatur magnificentia, eum ostendunt tot periti coci, tot structuræ popinarum maxime sumtuosarum, denique tanti greges lenonum & scortorum, quorum appellatio etiam inhonesta est.

Dominantur ibi inuidia, calumniæ, quibus maximè crescunt, ocium, ignauia, insidiæ & alia scelera. Verum vnum est, quod maximè oderunt, detestantur & fugiunt, illudque hoc est, quod seædem suam apud inferos habere dicitur. Omnibus auide sciscitantibus, quod nam hoc esset, subiecit Rex: Egestas. Ea enim, teste Poëta, inferni est alumna, & inter maxima monstra eam colat. Ita enim inquit: Maleuada fames & turpis egestas.

Ostendit illa oratio Regis, quæ fuit vehementer falsa, non solum morbos Episcoporum, sed etiam nominauit scelera illa, quæ Pannoniæ fatalem ruinam attraxerunt. Proximo etiam anno ante mortem, voluit ex veris fontibus sibi ostendi, an vsitati reditus, emti cum pacto de reuendendo, sint vsuræ, illisque modum cœpit constituere: itaque in eam rem incubuit, ut ordinem Ecclesiasticum, qui ipsi repugnabat, grauiter fuisset afflictorus, nisi interitus ipsius ea interrupisset.

Studiose didicit Mathemata, Astrologiam & diuinationes Physicas, adeo ut ex primo aspectu lineamentorum faciei de temperamento & moribus hominum solertissime iudicaret. Inimici inuidentes tantæ dexteritati ipsius spargebant, ex artibus magicis ipsum talia rescire.

Mathias fuit peritus diuinationum Physicarum.

Inprimis dilexit Regiomontanum, qui tunc erat præcipuus artifex: eum cum in aulam veniret mensæ suæ adhibebat, & stipendium annuum 200. aureorum illi dedit. Et quidem perpetuo talis erat forma conuiuiorum regionum, ut aut viros doctos discentes de aliqua parte doctrinæ ex artibus, vel historiis audiret, ubi ipse crebro & prudenter interfabatur, aut accerferet Musicum, qui ad lyram gesta præstantium virorum in bellis Turcicis sermone patrio, ut multos ad virtutem accenderet, cantabat.

Mathias dilexit Regiomontanum.

Mathias conuiuia fuerunt honesta.

Animus erat in ipso in omni re, non solum in præliis, excelsus & magnificus. Recitabatur aliquando ad mensam historia

*Mathias regis
iudicium de
facto Alphōsi
regis Neapo-
litani.*

de Alphonso Rege Hispano & Neapolitano, auo Reginae Beatrice, eiusmodi. Viuebat Alphonsus Tyburi: Oeconomus autem Regius subinde comeabat in forum Romanum. Nam vrbs inde miliaribus sedecim Italicis non magnis distat. Quodam autem die orta est nobilis & ambitiosa altercatio inter oeconomum Regis & Pontificis, qui simul ad forum conuenerant.

Exposita erat venum in macello vnica murena, eaque pro natura piscis, qui quatuor libras nunquam excedit, satis grandis. Expetebat eam vterq; Oeconomus, piscator ansam hanc arripiens, auferat, inquit, Murenam, qui plurimum numorum offert: Pontificius obtulit aureos tres, Regius sex: Rursus Pontificius decem, Regius vero viginti. Crescente altercatione, inquit piscator: Tollat piscem qui numerauerit triginta aureos.

Obmutuit Pontificius, Regius vero data pecunia, Murenam abstulit. Laudauit factum Oeconomi sui Alphonsus, illique munera dedit. Mathias finita narratione prudenter subiecit: Noluisssem ego Oeconomum, si meus fuisset, magnificentiam vel liberalitatem in tali re ostendere, aut si omnino fecisset, laudassem. si Murenam emptam donasset Pontifici, eaque re docuisset, Regem suum nec gulæ nec avaritiæ esse deditum.

*Mathias ode-
rat calumnias.*

Apud Claudianum singularis laus est Theodosij, quod non fuerit suspicax: ita Mathias non facile admittebat calumnias illorum, qui conabantur familiares Regis in odium adducere. Miserat in Pannoniam legatum suum Nicolaum Episcopum Madru-sensem Pius Senensis Pontifex. Ille allectus beneficentia & muneribus Regis, totam hyemem in aula commoratus est, & artibus suis Italicis in præcipuorum Principum amicitiam se insinuauit, qui omnes eum tanquam virum eruditionis & virtutis raræ venerabantur, illique prodige donabant. Solus Rex primo in congressu naturam eius, quæ erat plena simulationum, vafricie & perfidiæ, agnouit, & tamen egregiè omnia dissimulauit.

Iste legatus tandem inijt consilium crescendi apud Regem per calumnias, ad quas alioqui animos, præsertim potentum, ingenti pruritu sciebat esse pronos. Accusabat proditiōis præcipuos regni procures, & qui ipsi plurimum benefecerant. Rex, vt excuteret hominem, simulabat se mirari de perfidia illorum, quos nunquam offendisset, & quibus magnos honores mandasset, & vix adduci posse, vt crederet. Legatus, vt Regem magis incenderet: Equidem, inquit, Rex ego coram vbi videbitur ista demonstrabo: nam salutem tuam ego merito omnibus alijs commodis antefero.

Mathias,

Mathias, cum legatus quotidie nouas fabellas commiseretur, quibus animum Regis sauciaret, statuit eum retundere. Et cum ageretur conuentus Principum regni, dixit ad legatum. Age Nicolaë, pollicitus es, te coram probaturum insidias structas vitæ meæ à familiaribus meis, si videtur, iam esset data occasio.

Non putabat legatus regem serio loqui, & promisit se facturum, quæ dixisset. Rex apprehendit illico Episcopum manu, eumque in cœtum procerum duxit: Principes consurrexerunt, & Nicolaum tanquam amicum blandè salutabant. Rex vero dixit, Episcope nunc tempus est, proloquere palam, & nudato proditorem & insidias, quas tu in illis Principibus deprehendisti, & quas toties mihi insulurraſti.

Nicolaus confusus, metu meriti supplicij, & intuens venerandos vultus Principum, de quibus nihil inhonesti vnquam compererat, quique ipsi benefecerant, totus tremens & gemens, demisso vultu conticuit. At ego, inquit Rex, nisi moueret me autoritas Pontificis, ostenderem tibi, non decere legatos in alieno regno sementem dissidiorum & laniendarum ferere, & Principibus honestis periculum vitæ creare. Tibi igitur mando, vt intra biduum regno meo excedas, quod nisi feceris, ego tale exemplum in te statuam, vt orbi terrarum innotescat, Mathiam regem sceleratas tales artes serio odisse.

Discessit vipera illa sine mora. Non addam plures narrationes, istas verò inserui, vt extaret testimonium ingenij & virtutum huius Regis. Pinxit pro symbolo suo in moneta & alibi, coruum gestantem rostro annulum, cuius causam hanc reperiò: Eripuerat ipsi coruus nobilem Smaragdum detractum digito: Rex autem persecutus volucrem, globo sclopeti coruum interfecit, & annulum recuperauit: quæ historia penè similis est euentui, qui contigit Polycrati Samio, apud Herodotum. Nam & is Smaragdum suum data opera in mare ex consilio Amasis Aegyptij Regis abiectum, paulò post recepit repertum in ventre piscis marini.

*Mathias quæ
le symbolum
usurpauerit.*

Historiarum enim inprimis fuit gnarus, & multa ex historijs Græcis in Latinum sermonem transferri curauit sui vsus causa. Polonici scriptores, qui fuerunt admodum iniqui Mathiæ, perperuo hosti ipsorum, conqueruntur, de viris literatis illius seculi, quod illecti liberalitate Mathiæ, res gestas ipsius valde amplificauerint, cum quibus ego non litigo: sed tamen animaduerti potest, illam ipsam munificentiam potius fuisse virtutem verè regiam & dignam commendatione. Nam & Alexander, qui ineptum suum

*Mathias fuit
carus uiris
doctis sue æ
tatis.*

Chærilum ditauit, fortasse precio vnus regni venam Homeri emisset.

Mathiæ figuræ & temperamentum.

Vixit annos penè 47. regnauit 32. Habitus corporis, sicut etiam in vetustis statuís cernitur, fuit fermè quadratus, statura non procera: sed mediocris & virilis, capilli flauí & subcrispi, atque in humeros promissi, oculi *χάεροι* & viuidi, genæ rubicundæ, longi digiti manuum, ita vt æstimari possit, fuisse temperamentum ipsius medium inter sanguineum & biliosum: qualia nimirum solent esse magnorum bellatorum, in quibus sunt spiritus multi & ardentes, non tamen furiosi & nimis ignei. Nunc reuertimur ad seriem annalium.

V L A D I S L A V S H V N G A R I Æ

& Bohemiæ Rex, Silesiæ Princeps, auus maternus

Maximiliani Secundi Romanorum

Imperatoris.

Maximilianus Caesar recuperat Austriam.

Maximilianus occupat Albam regalem.

CAdauer Mathiæ relatum est in Albam regalem, & ibi raptim, cum omnia plena essent motuum, sepultum est. Maximilianus Caesar Austriam, & ipsam Viennam, mortuo Mathia, faciliè recuperauit. Hungari dissentiebant de electione noui Regis. Multi inclinabant ad Maximilianum, sicut iam olim pacta certa intercesserant, & ipse progressus in Hungariam, Albam regalem occupauit.

Beatrix uidua Vladislaui attrahit.

Casimirus Poloniæ Rex volebat in regnum illud collocare filium Iohannem Albertum, cumq; magno exercitu armabat. Budam cum præsidio tenebat Iohannes Coruinus filius naturalis Mathiæ, cui propter memoriam patris multi fauebant. Sed vicerunt consilia Beatricis Reginae, quæ, vt mulier Hispanica, callide summam rei ad sese traxit, & tamen deinde decepta est. Placuerat illi Vladislaus Rex, quem viderat Olomucij, & cum eo sæpe multumq; eleganti latino sermone, cuius erat peritissima, fuerat confabulata: illius igitur nuptias appetebat, & scribitur, Vladislaus ipsi promississe coniugium, sicut prius Barbaræ Freistadiensis, filia Marchionis Electoris.

Vladislaus Bohemicus coronatur in Regem Hungariæ.

Beatrix, quæ in manibus habebat thesauros Mathiæ: proceres Regni, & ipsam legionem nigram, vt nominabatur, in suas partes traduxit, & Vladislaui venientem cum Comitatu non magno, ad limites Pannoniæ excepit, & pulso Coruino Budam collocauit. Renunciatus est Hungariæ Rex 15. Iulij, coronatus 14. Septembris. Superuenit ex Polonia Iohannes Albertus cum valido exercitu, & aliquos ex Hungaris ad se pellexit: primas vrbes etiam in aditu regni occupauit.

Tandem,

Tandem, annitente Vladislao, qui maximè alienus erat à crudelitate, factæ sunt induciæ inter fratres, vt interea posset agi de firma pace. Lusatia primum iurauit in verba Vladislai. Deinde mense Iulio etiam Silesia agnouit eum pro rege. Vagabantur multæ turmæ militum Mathiæ in Silesia, viuentes ex raptis, ex illis plæræq; concisæ sunt ab oppidanis & rusticis. Biecti sunt etiam cum contumelia ex Prouincia capitanei aliqui, qui existimabantur fuisse flabella bellorum & expilationum.

Iohannes Albertus frustra inuadit Hungariam.

Vratislaviæ atrox exemplum seueritatis editum est. Nam 4. Iulij publicè ceruices abscissæ sunt Henrico Dominico viro magnæ dignitatis, Principi senatus, quod diceretur colluisse cum Georgio Stenio, & Ciuitatem ad Regem esse criminatus. Contra Olsnicensis & Henricus Monsterbergensis, adepti sunt rursus ciuitates suas, quas amiserant tempore proximi belli. Ducatus Glogouiensis, post eiectum Iohannem Pribusensem attributus fuerat Iohanni Coruino, qui eum gubernabat per præfectum: is mortuo patre profligatus fuerat à Ducibus Vladislai, & demum cum rege transfugerat, vt oppida & arces suas in Hungaria retineret. Mense igitur Septembri, Ducatus in verba Regis iurauit. Post elapsas inducias, duces Vladislai conflixerunt cum Iohanne Alberto Calendis Ianuarij, 1491, eumq; profligarunt.

Henricus Dominicus senator Vratislaviensis afficitur capitali supplicio.

Silesia accepit novos Magistratus mortuo rege Mathia.

Facta est pax inter fratres: Vladislao est relicta Hungaria, Alberto vero frater attribuit in Silesia ducatus, Glogouiensem & Tropauensem, illique, si ipse sine hærede decessisset, successionem promisit. Post ferias Paschatis Casimirus Teschinentis, præses Silesiæ, legato Iohannis Alberti, Iohanni Polaco Ceruicouensi, viro malo & sæuo, ducatum Glogouiensem tradidit. Eadem æstate Vladislaus pecunia Beatricis Albam regalem recepit. Cedebat autem eò facilius Maximilianus, quod vocaretur ad Bellum Gallicum, & interuenerunt certæ sponfiones, consignatæ monumentis, de successionem Maximiliani, aut liberorum ipsius in Hungaria, si stirps mascula defecisset.

Maximiliano promittitur successio in regno Hungariæ.

Pacauit ita totam Hungariam Vladislaus, sed Regina non bonam retulit gratiam. Ex concessione enim Pontificis, qui tamen ipse erat Hispanus, nuptias Beatricis, quod diceretur esse sterilis, repudiavit, & miseram mulierem ludificatus est, cum paulò post etiam in Italia propinqui ipsius, pater & fratres Arragonij, regno Neapolitano per Carolum Octauum eicerentur. Ipsa deinde tamen rebus pacatis Neapolim commigrauit, ibique vitam finijt.

Beatrix decipitur & Neapoli in exilio moritur.

Eodem anno cœpit gliscere odium in Silesia, inter Episcopum & collegia sacerdotum, quod deinde in litem ignominiosam erupit. Offenderat Episcopus Iohannes sua collegia, quod in sancien-

da disci-

Iohannes Ro-
tus Episcopus
Vratislaviens-
is corrigit
ritus Eccle-
siasticos.

da disciplina esset feuerus, & aboleuerat initio statim multos ritus, indecoros in templis, & in processionibus. Vetuerat etiam suo quodam consilio modos Musicos in templis, eosque nominabat cantum in crumpis. Nam ipse, sicut & Augustinus, querebatur in multis cantum, non pondus sanctorum verborum obseruari.

Quamuis autem Musicam omnibus ætatibus in sacris adhibitam esse constet, eaque omnes naturæ non monstrosæ delectentur, tamen manifestum est, oportere esse modum istius rei, & delectum harmoniarum. Affixi sunt libelli publicè, pleni contumeliarum, qui excitarunt & auxerunt contentiones maximas: vnde tunc, prolati multis sceleribus, sacerdotes esse coeperunt inuisi populo.

Iohannes Ro-
tus habuit ma-
gna certamina
cum suis col-
legijs.

Et cum doctiores iam legerent scripta Hegij Dauentriensis, Rodolphi Agricolæ, & deinde Brasmi, quæ taxant histrionicam & abusus in religione, apud multos inoleuit opinio, opus esse emendatione, donec tandem voce Lutheri Gordius nodus dissectus est, & veri morbi Ecclesiæ monstrati. Autumno huius anni Casimirus Teschinentis copijs Regijs expugnauit arces reliquas, quæ fuerant munitæ præsidijs Georgij Stenij, & erant receptacula latronum.

Casimirus Po-
lonicus mori-
tur.

Anno 1492. Casimirus Poloniæ Rex, qui instaurabat bellum contra Vladislaum filium, quem testamento exhæredauerat propter acceptam Hungariam, confectus senio & lenta febre, quam sibi conciliauerat, cum Diarrhœam ex consilio Monachorum repressisset esu panis Lithuanici durissimi, expirauit.

Iohannes Al-
bertus renun-
ciatur Polo-
niæ Rex.

Fuit Rex placidus, alienus à seuitia, & abstemius. Apud nobilitatem suam fuit in odio, quod existimaretur esse segnis, & aduersabatur auaritiæ sacerdotum, ideo ipsi regem hunc parcè in historijs suis laudarunt. Vixit annos 64. Regnauit 45. Successit ipsi, post longam altercationem inter ordines, Iohannes Albertus filius, adiutus à matre Elizabetha pecunia & militibus.

Bonifim Decad. 4. Lib. 10

Iohannes Epi-
scopus Vara-
diensis ingre-
ditur religio-
nem.

Accidit etiam hoc anno memorabilis Metamorphosis: Iohannes enim Varadiensis Episcopus, demum etiam Olomucensis, qui ob studia Poëtices præcipuè, primum innotuit Mathiæ, cum appellaretur Ianus Pannonius, deinde ob ingenij dexteritatem ita carus fuit Regi, ut totum regem pene solus possidere existimaretur, ardua quæque negotia administraret, & aulam, superantem splendore potentes etiam Principes, aleret, repudiata sua persona, religionem Monachorum, quos Bernhardinos nominant, ingressus est Vratislaviæ, coenobium sui ordinis Iaurauici extruxit, & hoc anno templum Bernhardinorum Glogouici, pro more Pontificio consecrauit.

hic asteris co-
chymus.

Pannonius socia-
ritas Episcopus fuit
Ecclesiæ

agrarius exul obiit cum Shigomensi auctoribus Archiepiscopo ut a Mathiæ cor-
agis fide deficeret auctor fuisse. Vide Bonifim Decad. III. Lib. III

Hic autem Varadiensis ex Olomucensis non Pannonius sed Iaurauici fuit
Prostonar natus palæ Unguentariis siue oleariis. Et cum sorore

Mense

Mense Martio, anni sequentis Iohannes Albertus, Poloniae Rex, Dominus Ducatus Glogouienſis, venit Poſnaniā, vbi ſplendide eum ſalutarunt legationes Turcicae, Venetae, Caeſaris, Principum Germania & aliorum. Baiazetes ſublato Mathia deſierat metuere arma Chriſtiana. Moliebatur bellum in Pannoniam, & in Venetos. Appetebat autem amicitiam Polonorum, ne diſtineretur ad omnes partes. Veneti & reliqui Principes hortabantur Albertum ad bellum Turcicum. Rex, vt haberet ſpatium deliberandi, pactus eſt inducias triennales cum Baiazete.

Eadem æſtate præfectus Turcicus vaſtauit limites Pannoniae, & Hungaros, qui iam tunc deſiderabant Mathiam, progreſſos ſibi obuiam, magna ſtrage proſtigauit. In Ducatu Glogouienſi hoc & ſequenti anno horribilis eſt edita tyrannis, & ciuitatibus ea inſlicta vulnera, quæ poſteritas adhuc ſentit. Autor tantorum malorum fuit Iohannes Polacus, præfectus Regius, ſimilior Phalaridi aut Buſiridi, quàm iuſto gubernatori. Hiſtoria deſcripta eſt libro ſequenti.

Fridericus Caeſar, cui paulò ante crus, ſphacelo affectum, reſectum erat, tranquilliffimè moritur 19. Auguſti, anno ætatis 78. Imperauit annos 53. cum ſingulari laude bonitatis & humanitatis. Ingenio fuit ſagaciſſimus, ita vt etiam Itali de ipſo ſcripſerint, neminem poſſe inſpicere latebroſum pectus Caeſaris. Principes ſuos dilexit vt pater, amauit Eccleſias & ſtudia. In bellis non fuit valde foelix, & debilitata potentia Imperij per artes Pontificias, deerant ipſi nerui ad res magnas gerendas.

Friderici Caeſaris Moris.

Annus 1494. celebris eſt propter bellum Neapolitanum, translatum in Italiam à Carolo gibboſo, Galliae Rege, qui victis & pulſis duobus Regibus Arragonijs patre & filio, Alphonſo & Ferdinando, Neapolin in autumnno cepit. Deinde propter editum recens exemplum iræ Dei aduerſus peccata hominum, præſertim libidines.

Neapolitanum bellum motum à Carolo octauo Galliae rege.

Imperante Romæ Tyberio, Peruſinus quidam eques, ex Aegypto & Græcia in Italiam intulit Lichenas ſæuiiores Græcorum. Quæ lues ita foeda contagione in nobilitatem Romanam graſſata eſt, in facie præſertim, vt Medici hæſitantes in ſanatione, etiam ad cauſtica deſcenderent, & multorum potentum hominum vultus vſtionibus turpiter deformarent. Osculo plerumq; propagabatur: & annotatum reperio, quendam ex ſenatoribus Medico ſuo quinq; millia aureorum exoluiſſe, cum deinde Medici accerſiti ex Græcia leuiſſimis auxilijs cutaneum illud vlcus ſuperarent.

Gallici morbi origo.

Lichenes & Elephantiaſis morbi transfati in Italiam

Testis eſt etiam Plinius, Elephantiaſin, quæ communi appellatione lepra vocatur, antea Italiae ignotam, cum triumpho Pompeij, quem

peij, quem duxit ex Syria & Iudæa, fuisse importatam in Italiam. Ratum est enim hoc: Propter peccata corripis filios hominum. Ita ea ætate, crescentibus libidinibus & sceleribus, nouo exemplo Deus iram suam aduersus peccata hominum ostendit.

Bello Neapolitano, cum Galli, adiuti auxilijs Germanorum, Italiam penè omnem essent peruagati, & tandem Arragonios, qui genere armorum longe erant impares Gallis, Neapoli pepulissent, Hispani sagacitate & dolis Gallos oppugnarunt. Putcos quidem & panes inficiebant, & militibus Gallis, pronis in luxuriam, submiserunt scorta ex suis castris, infecta quadam turpi & noua scabie, quæ celeritate mirabili, per contagia, non solum illa castra, verum omnem propè Europam subito incendit.

Columbi Genuensis res gestæ.

Existimatum est anno superiori luem illam ex Indijs occidentalibus allatam esse, quas tunc repererat Columbus Genuensis, sumatibus Ferdinandi & Elizabethæ, cum Italus ille ingeniosus ex constanti flatu ventorum ratiocinatus esset, non ex mari, verum ex latissima aliqua regione halitus illos diuturnorum ventorum attolli. Dicebatur vero, populis illis luem hanc ita esse familiarem, sicut nobis est vulgaris illa scabies.

Fridericus Cardinalis moritur ex morbo Gallico.

Adeo autem malum serpebat, vt inueniam anno 1495. illud iam apparuisse Cracouiæ, & sequenti post in Silesia. Anno vero 1503. ex eodem morbo, desinente in tabem, consumtus est Fridericus Cardinalis Cracouiensis, Sigismundi Regis frater. Consensu multarum gentium est nominatus Gallicus, quod in castris illis primum esset conspectus: aliqui eum nominabant Pudendagram, quod partes verendas principio attingeret. Nostri Silesij multos annos eum appellarunt morbum nouum.

Gallici morbi appellationes.

Gallici morbi forma.

Eruditiores Medici, præsertim Galli, vocarunt eum luem Veneream. Vir doctissimus Fracastorius Veronensis, edito Poëmate doctrinæ & leporis mirifici, nuncupauit eum Syphilida, quod ex amatorio complexu spargatur. Disputatum fuit inter Medicos, Astrologos & Philosophos de forma & causis huius morbi, vario & dissimili modo. Hoc tamen animaduersum est, venenata quadam qualitate imbui epar, quæ, nisi maturè restinguitur, sensim reliqua viscera inficit, nec aliter morbum, quàm per communicationem saniei & contagia propagatum: etsi dubium non est, accessisse analogiam quandam in humoribus humani corporis, & in aëre impressam à motu & lumine corporum superiorum.

Verum est etiam hoc, morbum nostra ætate iam coepisse miscere, ita vt minus grauius affligat: vel quia familiaritatem cum nostro cœlo contraxit, aut quia etiam impressiones cœlestes mutatae sunt. Illo seculo tanta fuit dolorum acerbitas, vt multi vltro sibi mortem

mortem consciscerent. Medici quidem anxij ad varia decurrerunt auxilia, sed frustra, donec primum ex imitatione Arabum, in vsum assumptæ sunt inunctiones & suffimigia ex hydrargyro, quod tota antiquitas habuit pro veneno, & inde multis eximiæ opes accreuerunt.

Gallici morbi remedia.

Tandem Consalius quidam Hispanus, sanationem petiuit ex ipsis Indijs, vnde attulit ligni quoddam genus, huic orbi incognitum, quod sanctum & Guaiacum appellatum est, cuius decocto in superando hoc morbo ita feliciter vsus est, vt hæredibus suis scribatur reliquisse vltra trecenta millia aureorum: & quidem hodie adhuc apparet, lignum illud, in corrigendis epatis vitijs & humoribus defecandis, miram vim possidere, ita vt nondum inuentum sit in hoc morbo medicamentum salubrius. Sed ista nos excutere prolixius, locus hic non patitur.

Consalius Hispanus feliciter medetur morbo Gallico.

Guaiaci ligni vires.

Fuerunt eodem anno vnà fratres, Poloniae Regis filij, & existimati sunt, post colloctionem longam de nouis quibusdam consilijs inueniendis, discessisse non valde concordēs. Aestate anni 1496. Viadrus & omnia flumina quasi prodigiosè aquis intumuerunt, eamq; inundationem mox secuta est pestilentia, omnium sceleratissima, quæ innumerabilem turbam hominum absumsit, & tandem in Poloniam etiam serpsit, cum magna hominum strage.

Viadri inundationem sequitur pestilentia.

In Austria & Morauia fuerunt seditiones cruentæ, excitatæ à reliquijs legionis nigræ Mathisianæ. Sed latrones illi maximo numero comprehensi, & crudelibus supplicijs sublati sunt. Anno sequenti fuit infelix expeditio Polonorum in Valachiam. Erat in Iohanne Alberto Rege, ingenium promptum quidem ad res magnas gerendas, sed deerant ipsi nerui & industria. Astute decreuerat ex regno suo excutere Stephanum Valachum, qui Polonis non erat fidus, in eamq; regionem collocare fratrem Sigismundum, vt ex illa quasi arce facilius posset inuadere Turcos, quibus iam minabatur bellum.

Iohannes Albertus infeliciter inuadit Valachiā.

Quamuis autem videbatur futurus esse impar ad longum bellum, propter licentiam suæ nobilitatis: tamen non omisit conatum suum. Vulgo narratum & creditum est, Callimachum Florentinum, qui solus callebat omnem animum Regis, & superiori anno decesserat, suasisse ipsi, vt etiam aliqua clade indomitos spiritus contumacis suæ nobilitatis reprimeret: Progressus est cum exercitu 80000. in quo fuerunt curruum triginta millia: præ se ferebat, quasi peteret Turcos, sed Stephanus cito subodoratus est, sibi strui insidias, & iuuabant ipsum Hungari, conniunte Vladislao, qui consilium fratris non probauerat: attraxerat etiam milites Turcicos.

Callimachus Florentinus præceptor Iohannis Alberti.

Polonicus exercitus primum ex insidijs hinc inde lacessitus graui est affectus detrimento, tandem etiam iusto prælio flos Polonici equi-

Stephanus Va-
lachus profli-
gat exercitum
Polonorum.

Stephanus Va-
lachus magna
agmina Polo-
norum abdu-
xit in serui-
tutem.

nici equitatus cæsus, captus, & in fugam versus est. Nisi autem vir-
tute Sigismundi fratris pacata fuissent castra, longe grauior acce-
pta fuisset clades. Nec solum res tunc foedè & infelicitè gesta est,
verum etiam irritatus est Stephanus, vir impiger & indomitus, ita
vt sequenti anno excurreret in vicinas regiones Poloniae, & post-
quam terrorem ingentem toti regno incussisset, abduxit vltra cen-
tum millia hominum, vt magna pars Turciæ captiuis Polonorum
impleretur.

Nicolaus Prin-
ceps Opolien-
sis Nissæ ple-
bitur capite.

In Silesia nouum exemplum seueritatis in virum Principem
statuerunt Episcopus & Casimirus Teschinenfis. Erant duo Prin-
cipes Opolienses fratres, Iohannes & Nicolaus, qui olim grauius à
Mathia fuerant mulctati, quod fauisse dicerentur Polonis contra
Regem, tunc vero inter cæteros erant Nissæ, vbi conuentum ordi-
num Silesiæ coëgerat Prouinciæ præses Casimirus. Forte allatae
sunt literæ in Senatum Casimiro, easq; tradidit legendas Episcopo.
Nicolaus Opoliensis, qui non solum erat amens, verum etiam præ-
ceps & turbulentus, subito suspicatur rursus agitari consilia, vt ipse
comprehendatur. Stricto igitur pugione adoritur vtrumq; Prin-
cipem Casimirum & Episcopum, eosque conatur confoderè. Vul-
nerauit etiam vtrumque leniter, sed accurrentibus multis ex Prin-
cipibus & nobilitate, in templum elabatur Opoliensis, inde ex man-
dato Episcopi retractus est, qui aiebat, non formidandas esse leges
Ecclesiasticas, se enim facili negotio locum illum ex ceremonijs
suis Pontificijs Ecclesiæ reconciliaturum.

Nicolaus Opo-
liensis turpi-
ter iuxit.

Adductus ad Principes & obiurgatus asperrimis verbis, du-
citur in carcerem, & sequenti die, qui erat 27. Iunij, sententia capi-
tali per iudices vrbanos pronunciata, in area fori spectantibus
Principibus capite truncatus est. Scriptum est, in morte ipsius
Deum edidisse iræ suæ exemplum. Cum enim pro more illius æta-
tis caligis non vteretur, cadauer supino casu in tergum procidit,
ipsoq; iam mortuo genitalia obriguissè, & erecta esse, conspecta
sunt. Indulserat enim libidinibus & adulterijs promiscue, ita vt
lectissimarum etiam sceminarum & virginum castitas non esset
propter ipsum tuta, & malè dicitur tractasse matrem.

Iudicatum est igitur tunc ab omnibus, eum propter scelera
ista, tam tragico exitu esse punitum, eumq; huic regulæ & similibus
annumerandum:

ἐδὲς αἰσχροῦτων ἀδίκων τῶν τοῦ διαποτίου.

Vladislaus or-
nat Silesiam
amplo Priui-
legio.

Multi putabant Regem indignè laturum, quod ipso inconsulto de
capite Principis iudicassent Silesij, sed ipse, sicut fuit ingenio placia-
dissimo, facilimè est placatus, & eodem anno Silesiæ donauit Pri-
uilegium amplum, & immunitates omnis generis.

Neq;

Neque hoc anno Silesia fuit immunis à pestilentia, & erant omnia itinera penè obfessa latrocinijs, ita vt ad pauca milliaria etiã nulli tutus pateret transitus. Ducebant turmas latrunculorum Sueuus quidam prædo nobilis, & alij, quos sequebantur multi ex decoctrice nobilitate, & passim spoliabant mercatores. Regis exigua erat autoritas, & is procul aberat. Ex proceribus multi cum latronibus colludebant, atque ita status huius regionis erat valde squallidus & miser.

*Silesia est in
festa latrocinij.*

Anno 98. fratres, Casimiri filij, inter se, abolita memoria omnium offensionum, fœdus percusserunt, & Vladislaus cedente Iohanne Alberto, ex pacto, ducatum Glogouiensem & Tropauensem assignauit Sigismundo fratri, eumq; renunciauit Silesiæ præsidem. Sigismundus tamen vix post triennium Glogouiam commigrauit.

Ardebat hisce annis bellis sæuissimis Italia, quam primum turbauerat Carolus Octauus, qui amisso regno Neapolitano, Apoplexia extinctus est in Gallia, & alebant bella ciuilia Principes & Respublicæ. Hoc autem anno Hieronymus Sauanorola vir celebris ob doctrinam & vitæ sanctitatem, crudeliter in foro Florentino exustus est. Fuit in eo aliquid lucis & robur animi tantum, vt publicè inciperet arguere tyrannidem & idola Pontificum. Habebat applausores multos ex nobilitate & plebe, ita vt maiestas Pontificia videretur periclitari, ibi astutè conflatae sunt ipsi inimicitiae & odia.

*Hieronymus
Sauanorola
combuitur
Florentiæ.*

Videbat Sauanorola in republica Florentina dominatum Pontificium acerrime propugnari à Mediceis, qui tunc erant exules, ideo coniunxit se cum parte aduersa, quæ omni conatu Mediceos vrbe excludebat, & dicitur sanè, sicut omnium hominum magna est imbecillitas, in ea tractatione ambitiosius se causis politicis immiscuisse. Ideo ab adulatoribus Pontificijs factio Medicea in ipsum incensa est, quæ populum furentem seditione permouit, vt Sauanorolam captum, tanquam hæreticum crudeli supplicio tolleretur: Pietatem eius in Deum, & ardens studium veritatis ostendunt scripta ipsius, quæ supersunt, ex quibus apparet, eum in illa caligine multa vidisse, & eluctatum fuisse ex coeno idolatriæ Pontificiæ.

*Hieronymus
Sauanorola temere se immiscuit negocijs
Reipub.*

Viri eruditi & pij illa etiam ætate dolebant, quod non abstineret à negocijs ciuilibus, ideo de eo scriptum est. Immemor errati Sauanorola tui. Exitus ostendit eum etiam oppressum fuisse illa vulgari & celebri tempestate, de qua dicitur: Obruunt ingentes ista procella viros. Item: *λαῶν μὴ πίστευε, πολύτροπον ἐστὶν ὁμιλεῖν.*

In Silesia decessit Henricus Monsterbergensis Princeps, clarus propter prudentiam & bonitatem: adeptus fuerat triennio ante

T ii à Vla

Henricus Mö-
sterbergensis
fuit adeptus
ducatum Ols-
nicensem &
Volauiensem.

à Vladislao Rege, ducatum Olsnicensem & Volauiensem, qui mortuo Conrado Albo sine hæredibus, ex transactione ad Regem peruenerat: ipse autem in Bohemia cesserat Regi ditione Podiebracensi.

Heluctiorum
bellum cum
Maximiliano.

Anno 99. fuit bellum Helueticum, quod Maximilianus Cæsar, adiutus auxilijs imperij, gessit aduersus Heluetios, non satis quidem prospero cum successu, animosè & constanter tamen. Acceptis multis cladibus ab vtraq; parte, & interfectis ad 20000. fortissimorum hominum, facta est pax. Heluetij scribunt, tantam fuisse suorum hominum alacritatem, vt toto belli tempore, etsi ab omnibus partibus oppugnabantur, non passi sint hostem vltra spatium viginti quatuor horarum in sua ditione pedem figere.

Alexander
Sextus Ponti-
fex tuba ciui-
lium bellorū.

In Italia tuba belli ciuilis erat Alexander Pontifex: is cum Rege Gallia Ludouico, & Venetis iniit fœdus, ad deturbandum Sfortiam ex ducatu Mediolanensi, & Fridericum Arragonium ex regno Neapolitano, vt locupletaret filium suum, hominem scelera- tum, Cæsarem Borgiam. Simul tamen orbem terrarum vocabat Romam ad emendas indulgentias anni Iubilæi: Ideo de eo tunc scriptum est:

Pollicitus cælum Romanus & astra Sacerdos,

Per scelus & cædes ad Styga pandit iter.

Illius fœderis iniqui, exitus fuit non bonus. Nam Sfortia desertus à Christianis regibus, questus est de ambitione & auaritia Venetorum apud Baiazetem Turcicum, qui euestigio statuit castigare Venetos, & crescentem eorum potentiam debilitare.

Baiazetes de-
let classem
Venetorum.

Emissa igitur classe Venetos grauitè cecidit, dissipatis nauibus ipsorum, & simul Duce Scanderbassa præfecto Illyrici, immisit equitatum hominum duodecim millium, qui se per Istriam in Venetiam infuderunt, & ad ipsum vsque Taruisium Venetiarum propugnaculum omnia ferro & igni vastarunt: multos ex prima nobilitate Veneta, in villis suis rusticantes, oppresserunt: plures etiam ex Silesijs & Polonis, qui ad Iubilæum Romam proficiscebantur, in miserabilem seruitutem abduxerunt.

Consalius re-
gnum Neapo-
litanum redi-
git in potesta-
tem Hispano-
rum.

Nec tamen Sfortia impunè tulit, quod Turcos attraxit. Nam ipse eodem autumno, proditus à suis Heluetijs, qui ipsi militabant, Regi Gallorum, in tetro carcere in Gallia contabuit. Ludouicus vero Gallia Rex regnum Neapolitanum per fraudem occupatum, eadem arte amisit, excussus à Ferdinando Hispano, auo materno Imperatorum Caroli & Ferdinandi, opera Consalui magni, Ducis clarissimi. De Mediolano etiam dimicauit cruentis prælijs cum exitio Gallia.

Alexander vero Pontifex anno quarto post, memorabili exitu fato suo functus est. Struebat regnum, per parricidia & rapinas Cæsari

Cæsari Borgiæ, cuius apophtegma erat : Aut Cæsar aut nullus. Alexandri Pontificis morabilis interitus.
 Mense autem Augusto splendidam apparauit coenam, ad quam vocauerat præcipuos & ditissimos ex Cardinalibus, quos destinauerat veneno tollere, vt exuias ipsorum indueret filio. Paratæ erant lagenæ duæ, ex quibus alteri inspersus erat venenatus puluisculus, altera erat sincera seruata pro ipso Pontifice & filio: sed fatali errore pincernæ, facta commutatione, Pontifex & filius biberunt vinum intoxicatum, vnde senex ex rapidissimo æstu cordis statim post extinctus est, filius autem euasit quidem ex morbo, sed ad miseriam seruatus est. Nam custodiæ à successore traditus, & hinc inde ad ludibrium circumductus, in Hispania tandem iugulatus est. Cæsaris Borgiæ exitus.

Filiæ Alexandri mortuæ scriptum est tale Epitaphium, quod commemoratione planè terribili mores Pontificis, qui sacrosanctus dicitur, describit :

Conditur hoc tumulo Lucretia nomine, sed re

Thais, Alexandri filia, sponsa, nurus.

Lucretiæ filiæ Alexandri Pontificis horribile Epitaphium.

Veneti anno proximo post amiserunt Pylum, Coronen & Methonem urbem splendidissimam, præterea Naupactum, Dyrrachium, cum Baiazetes eduxisset exercitum centum quinquaginta millium fortissimorum hominum. Capta est Methone anno 1500. 10. Augusti. Trucidata est ingens multitudo ciuium & militum, Episcopo caput cum mitra præcisum. Nec multo post, cum irritarent Maximilianum etiam Cæsarem, illata sunt ipsis arma à Germanis, & ipsi in extremum, non modo imperij, sed etiam salutis sunt adducti discrimen.

Methone capta à Baiazete.

Talis tela calamitatum tragicarum secuta est iniusta consilia, quorum brevis omnino fuit mētio facienda, ne res clarissimæ apud nostros maiores, ex memoria nepotum deleantur. Eodem anno Iubilæo Tartari grauitè depopulati sunt Poloniam, quam incursionem & bella Turcica denunciauerat Cometa. Iohannes etiam Moschus inuasit Lithuaniam, iratus genero suo Alexandro, eamq; foede vastauit.

Cometa arsit.

Moschi vastat Lithuaniam.

Alexander, diffidens viribus suis, collegit ex Silesia & vicinis locis copias mercenarias, quas dūctauit Iohannes Polacus, qui iam, succedente Sigismundo, non potuit amplius tyrannidem in ducatu Glogouiensi exercere. Sed qualis fuit Capitaneus talis etiam fuit fortuna expeditionis. Nam cum hostis iam esset reuersus domum, ipsi grassati sunt in amicos & Lithuaniam grauius quàm Moschi afflixaerunt.

Anno primo mortuus est Iohannes Albertus Poloniæ Rex, qui meditabatur bellum in Fridericum Misnensem, Prussiæ magistrum, quod ipse, sic iussus à Maximiliano Cæsare, nollet iurare in verba Regis Poloniæ. Multi ex proceribus Polonis vocabant

Iohannes Albertus Poloniæ rex moritur.

Vladislaus ce-
dit fratri A-
lexandro de
Regno.

ad regnum Vladislaum, illiq; iam erat significatum. Ipse igitur Vladislaus, missis nuncijs, plerisq; Principibus Christianis nunciabat, Deum etiam thronum paternum ad cætera regna sibi donasse.

Alexander
Rex Poloniae.

Sed Poloni, mutata voluntate, accersuerunt Alexandrum fratrem ex Lithuania: ibi tanta fuit modestia Vladislai, vt in fratrem & Polonos non modo nihil moliretur, sed etiam ipsis gratularetur, nuncios tamen suos, quos potuit, ex via reuocauit, ne à Regibus rideri posset.

In Silesia pugnarunt inter se odijs & contumelijs acerbissimis, Episcopus & sui sacerdotes. Episcopo, qui irritatus iniuria collegiorum, cooptabat sibi, vt nominant, coadiutorem, fauebant Principes & ciuitates initio. Sed Sacerdotes nacti idoneum vexilliferum Opicium, qui olim Glogouiam euerterat, omnia consilia ordinum impedierunt. Conuitijs maximè scurrilibus Episcopum & Principes deformabant, eosq; Romæ, vbi omnia sunt venalia, pecunia oppugnabant.

Vladislaus animi anceps modo huc modo illuc se conuertebat. Interea vero collegijs sacerdotum apud populum maculæ illæ aspersæ sunt, quas deinde nullum flumen verborum, aut potentia potuit eluere.

Sigismundus
migrat Glogouiam.

Anno secundo Sigismundus frater Regis ex pacto Glogouiam ingressus est, & postquam Silesiæ præfectus est, magno studio eam à latrocinijs repurgauit, cum sine discrimine cõditionis noxios capitalibus supplicijs afficeret. Fuit eius gubernatio salutaris huic ducatu, quem ex ærumnis multorum annorum erexit & recreauit. Dilexit inprimis Glogouiam, eamq; etiam tunc cum regnaret solitus est appellare suam urbem, sed fata sua eum nimis cito his regionibus eripuerunt.

Vladislaus re-
pudiata Bea-
trice ducit
Annam Galli-
cam.

Eodem anno Vladislaus Rex duxit in matrimonium Annam, virginem Gallicam ex Vasconibus regiae stirpis: Quia videbat, regem Ludouicum non habere prolem masculam, ideo aliquid potuit sperare de successione, quamuis hoc frustra fuit. Absoluerat autem eum prius Celæno Romana Alexander à iuramento, quod præstiterat Beatrici viduæ Mathiæ Regis, quam pecunia tandem placauit.

Nox Natalis
Domini cele-
bris propter
glaciem.

Autumno illius anni Rasciam, quæ Turcis parebat, per Iohannem Coruinum latè & impunè vastauit, quia Baiazetes distinebatur bello Persico, vbi tamen etiam fuit infortunatus. Nox Natalis dominici, incipientis annum 1503. fuit memorabilis propter glaciem multam & glabram, in qua homines multi lapsi sunt, & detrimenta valetudinis passi cruribus & brachijs fractis.

Episcopo datus est collega post multam altercationem Iohannes Turso, qui ea nocte domi suæ Vratislaviæ oppressus fuisset à sicarijs, quorum dux erat Adamus Sueuus, celebris latro, nisi tempestates

states iniquæ, & glacies eos impedissent. Litigauit etiam collegium cum vrbe Vratislauenſe, eamq̃ fulmine anathematis percussit, sed nullo cum successu. Nam vrbs non modo fatua illa fulmina risit, verum etiam sacerdotes venerunt in odium grauius apud omnes passim, & multi ex latrunculis denunciato bello grandem ab illis extorserunt pecuniam.

Eodem anno 23. Iulij hora ante meridiem septima, nata est Vladislao Regi filia, quam pater principio propter memoriam matris appellauit Elizabetham, sed tamen eandem postea propter desiderium amissæ coniugis, Annam vocari voluit. Nupta ea fuit diuo nostro Cæsari Ferdinando, cui peperit liberos quindecim, filios quatuor, natas vero vndecim, & quidem primo partu inuictissimum Romanorum Imperatorem Maximilianum Secundum. Ipsa domina laudata ab omnibus propter pietatem, & suauissimos mores, tanquam altera Esther, anno ætatis 44. in coelestem vitam migravit.

Anne filia Vladislai natalis.

Anne regina virtutes.

Anno 1504. Fridericus Misnensis Prussia excessit, venit in Germaniam, & Rodelizij mortuus est, pulsus ab Alexandro Rege. Mortuus est etiam Stephanus Valachus bellator dignus æterna memoria, qui ingenti robore animi & fortuna secunda sustinuit impetus Turcorum, Tartarorum, Hungarorum & Polonorum, quos omnes magnis prælijs vicit.

Fridericus Misnensis cecidit ex Prussia.

Stephanus Valachus moritur.

Fuit etiam hoc anno bellum Bauaricum, quod tamen cito finitum est, cum Philippus Palatinus victus ad Ratisponam vnâ cum filio, à miti Cæsare Maximiliano facile veniam impetraret. In Germania cœperunt reuiuſcere studia literarum, & iam erant in manibus adolescentiæ scripta Erasmi. Senatus igitur Vratislauenſis optimo consilio, suadente inprimis Haunoldo capitaneo vr̃bis, viro sapiente & magnanimo, decreuit in sua vrbe erigere Academiam, vt in Silesia etiam esset domicilium artium, vbi nostri homines rectè possent erudiri.

Bauaricum bellum.

Vratislauenſis Academia impeditur.

Magnis sumtibus igitur anno 1505. impetrarunt in aula Regia consensum Regis, qui ideo libentius assentiebatur, quod in Regnis suis, etsi amplissimis, nullam haberet scholam publicam, nisi Pragensem, cuius tamen vix exigua restabant reliquiae. Iussit autem attribui docentibus stipendia ex redditibus Ecclesiæ S. Crucis in collegio. Sed ecce, dum omnes benè sperant, quidam sacerdotes virtuti & doctrinæ iniqui, & qui ægre ferebant luce doctrinæ suam incitiam & barbariem prodi, per Academiam Cracouiensem, quæ ipsa etiam regno suo barbarico metuebat, apud Pontificem Iulium, totum negocium pecunia impediuerunt, atq̃ opes illas, quas religiosa antiquitas ad alendas Ecclesias & scholas contri-
buit, ocio & luxu, sicut assueuerant, prodegerunt.

Fräcofurtens-
sis & Vite-
bergensis Aca-
demiæ initia.

Eo ipso tamen tempore Marchio Brandenburgensis Franco-
furtensem Academiam constituit & locupletauit, cum initium Vi-
tebergensis, quæ nostra ætate verè fuit oculus Germaniæ, incidisset
in annum 1502.

Sub exitum anni coepit gliscere odium inter Maximilianum
Cæsarem & Vladislaum, quod penè in apertum bellum erupisset.
Nata erat Vladislao Anna, eam, vt conditiones de successionem fa-
cilius implerentur, Maximilianus petebat desponderi alteri ex ne-
potibus suis. Sed iam tunc obstabat illis autoritas Stephani Palatini
Transsylvani, quem euexerat Mathias. Is ex coniuge sua filia
Ducis Teschenensis, muliere sagacissima & ditissima, susceperat
Iohannem filium, pro quo appetebat sponsalia filia Regiæ, & ita
oppressus erat Rex factionibus procerum, vt se explicare non
posset.

Maximilianus
parat bellum
in Vladislau.

Sub initium igitur anni 1506. Maximilianus, vt discuteret
conspirationem Hungarorum, ipsumq; etiam Regem, qui alioqui
animo & armis parum valebat, terreret, armatus Posonium acces-
sit. Ibi Cæsari significatum est, reginam gestare vterum, dictumq;
recte ipsum facturum, si partum ipsius expectaret. Assensus est Ma-
ximilianus, & pactus est cum Vladislao inducias, tandem etiam,
cum Calendis Iulij editus esset in lucem filiolus, pacem cum illo
constituit.

Ludouico Re-
gi omnia eue-
nerunt præter
naturam.

Puero in baptismo datum est nomen Gallicum Ludouici,
cuius deinde fortuna fuit miserabilis. Intempestiuo eum partu ef-
fuderat mater, cute nondum carni obuestita, quæ demum inun-
ctionibus medicis producta est. Coronatus est, cum vix esset bien-
nis, destinata est ipsi coniunx, cum esset annorum nouem. Perue-
nit in regnum anno ætatis decimo, extinctus est etiam immatura
morte, cum vix vicesimum annum ætatis expleuisset. Sed de his
posterius. 26. vero die eiusdem mensis in puerperio extincta est
Anna Regina, Vladislai coniunx, quæ ingens desiderium suo ma-
rito Regi reliquit: prædita enim fuit moribus dulcissimis & pu-
dicissimis.

Anna coniunx
Vladislai in
puerperio
extinguitur.

Iohannis Roti
Epitaphium.

In Silesia mortuus est Episcopus Iohannes, carus toti regioni,
inuisus solis suis sacerdotibus, tumulo ipsius inscriptum est hoc
carmen:

Quartus Iohannes iacet hic, vis cætera dicam?

Non alium vellet Slesia Pontificem.

Iohannes Hau-
noldus præfe-
ctus Vratisla-
uiensis sena-
tor sapiens.

Mortuus est etiam Iohannes Haunoldus præfectus vrbis Vratis-
lauiensis, vir præstans consilio & dignitate, optime meritis de sua
patria, & tota Silesia, ita vt vere fuerit patriæ pater. Lithuaniam
effusè populati sunt Tartari, eos penè vniuersos concidit Michaël
Glinseus, capitaneus regni, qui gratia & potentia in Lithuania
omnes anteibat.

Michaël Glin-
seus vincit
Tartaros.

Regi

Alexander
Rex Poloniæ
moritur.

Sigismundus
Glogouia uocatur
ad regnū Poloniæ.

Sigismundus
erexit grandia uectigalia.

Michaëlis
Glinfcij hiftoria.

Regi Alexandro nunciatum est de victoria, cum iam animam ageret, pro qua sublatis manibus, amissa voce Deo gratias egit, & 19. Augusti expirauit. Huic successit Sigismundus frater, subito Glogouia vocatus, primum in ducatu Lithuanico, deinde assentiente Vladislao, in regno Poloniæ quoque 24. Ianuarij anni 1507. Cracouiæ coronatus est Sigismundus.

In ipsius gubernationis initia duæ res memorabiles inciderunt. Exiit in finibus Poloniæ versus Silesiam uectigal nouum & grande: Alienauit etiam à se Michaëlem Glinfcium, Principem Ruthenicum. Is militauerat in adolescentia, apud Albertum Saxoniae Ducem in Phrisia, imbutus disciplina & arte Germanica redierat in patriam, vbi ob egregiam peritiā rei militaris, regibus innotuit, & rebus aliquot præclare gestis, summum gratiæ locum apud Alexandrum Regem obtinuit, ita vt solus omnia posset.

Sed potentiam comitata est inuidia, & forte ipse superbia & fiducia suæ potentiæ peccabat: Criminati sunt eum apud Regem procures, quod affectaret dominatum Lithuaniae eiecto Rege: illos rumores apud Alexandrum Michaël non modo gratia sua, sed etiam virtute facile extinxit. Nam Tartaros & alios hostes Regis, sæpe felicissime fudit, & Lithuaniam tutatus est.

Mortuo vero Alexandro, eadem suspensiones instillatæ sunt Sigismundo. Michaël, vt se purgaret Principi, ad longum iter armatus obuiam profectus est, illi inermi fidem præstitit, & ne delatoribus crederet demisse orauit. Verum Rex paulò post indulgens suspicionibus, & accensus ab inimicis Michaëlis, animum ab ipso abalienauit, & subornati sunt illi clam aduersarij potentes, qui palam ipsum proditiōis insimularent. Michaël aliquoties summis precibus contendit, vt Rex de causa publicè vellet cognoscere, nec pati, vt fama sua in dubium reuocaretur, & cum Regem videret abalienatum, confugit ad Vladislaum, qui honorifica legatione missa fratrem rogabat, ne Michaëlem tantum virum causa nondum cognita opprimi pateretur.

Frustra fuerunt preces illæ, ideo Michaël coram dixisse fertur: Rex, administretur mihi iusticia peto, aut committetur facinus, quod tibi & mihi erit luctuosum. Non est auditus, ibi ipse indulgens iræ, aduersarium suum, virum Principem, domi in lecto cubantem iugulauit, & rebus suis compositis ad Moschum transfugit, magno tractu ducatus Lithuaniae simul in potestatem Moschorum traducto.

Sigismundus serò accusans suum consilium, tunc quidem Moschos repressit, sed postea idem Michaël arcem & Ducatum insignem Smolencensem, qui vltra centum annos fuerat in potestate Lithuanorum, Sigismundo eripuit, & Moscho reddidit, in cuius potestate adhuc hodie est, vnde quidem ante biennium impetum in vicinam ditionem magnam & diuitem fecit, eamque vna

Smolencensis
ducatus traditur
Moscho.

cum

Polocensis ditio occupatur à Moscho. cum arce Polocensi occupauit : neque adhuc grassationum ipsius finis est.

Restinguat propitius Deus ignem, qui in pariete proximo Silesiæ ardet, & iuuet nobilissimam gentem Polonicam, vt foelicius prælietur aduersus immanes Moschos, quàm Hungaria contra Turcos. Dederat fidem Moschus, se attributurum ditionem illam Michaëli, sed fefellit eum : Michaël vir animi sui impotens, rursus irritatus, post aliquot annos, annitente Vladislao, Sigismundo reconciliatus est.

Iohannes Reichenbergius eques Freistadiensis floret in aula Sigismundi. In ea tractatione professus est Michaël, nulli ex regijs se habiturum fidem, nisi duobus equitibus Germanis in aula Regia, Iohanni Pisbeccio & Iohanni Rechenbergio equiti Freistadiensi Silesio, qui florebat gratia apud Regem, & iam apud fratres nomen & locum celebrem adeptus erat. Sed ea consilia ab ipsis proceribus Polonis, qui oderant Michaëlem, prodita sunt, atq; Michaël ex fuga retractus vinctus & in tetrum carcerem coniectus est, ex quo quidem deinde exemptus est, & tamen rursus in eundem à viua Moschi, cognata sua inclusus, in squallore & sordibus vitam suam finiuit.

Hic fuit exitus viri strenui quidem, sed ambitiosi & iracundi, fermè talis, qualis fuit Coriolani apud Romanos. Celebre fuit eius nomen in Silesia, & à nostris hominibus appellatus est Pan Michaël. In Silesia post abitum Sigismundi Regis, & cum Fridericus Lignicensis, iuuenis optimæ iam tunc indolis, abesset in peregrinatione Hierosolymitana, præses Prouinciæ constitutus est Iohannes Turso Episcopus, cui anno 1509. successit in eo officio Casimirus Teschinentis.

Ludouicus Pragæ coronatur.

Eodem anno Sigismundus foeliciter belligeratus est cum Valachis, & tandem, persuadente Vladislao fratre, pacem illis concessit. Ludouicus filius Vladislai, nondum triennis, Pragæ vndecimo Martij coronatus est in regem Bohemiæ, quia pater in ista ætate & valetudine sua imbecilli, cupiebat filio prospicere maturè : 20. Maij post cruenta fuit concitata seditio Pragæ.

Pragensis seditio in Vladislauum & Ludouicum.

Incidit lis inter multitudinem vrbanam & aulicos Regis Hungaros, qui aliquid proterue dixerant in religionem Hussiticam : Populus commotus in ædes Regionum impetum fecit, & multis trucidatis, præcipui procures vix in arcem Regis se recipere potuerunt. In isto tumultu senex quidam Bohemus vidit Vladislauum Regem, cui astabat Episcopus lauriensis Hungarus, de fenestra prospicere, in eum grandem sclopetum dirigit : Deo tamen ita gubernante, globus medius inter Regem & Episcopum, in proximum parietem delatus est, & tantum calcem ex fenestra excussit. Rex attonitus, agnoscens præsentiam Dei, agit Deo gratias pro defensione.

Vladislauus Pragæ fuit in periculo uitæ.

Sedato

Sedato motu Bohemus ille, qui vitæ Regis insidiatus erat, corio detracto necatus est, & reliqui autores seditionis tetræ sunt affecti supplicij. Nec Silesia quidem fuit quieta. Discedente Sigismundo, rursus creuerunt latrocinia. Vratislavienses anno superiori impetrarant à Rege equites Pannonios 120. quos alebant suis stipendijs, vt comprehenderent latrones grassantes in vjjs, nec tamen multum profecerunt. Nunc vero experti sunt hostem *Fridericum Lignicensem inducit bellum Vratislaviensibus.* Fridericum Lignicensem, recens ex Palæstina reuersum, quod cum impedijse dicerentur, quo minus Silesiæ cum Imperio præficere-
tur.

Mense Maio mediocris conflictus fuit inter equites Vratislavienses, & Principis: vbi ab vtraq; parte multi sunt desiderati. Audiui à viris senibus, eo tumultu Principem offendisse Regem, sibiq; plurimum nocuisse. Nam cum fermè decretum esset, vt soror Regum ex Polonia ipsi nuberet, & dotis loco acciperet Ducatus, Glogouiensem & Tropauiensem, hanc vnicam causam totum negotium tunc perturbasse. 14. Maij memorabili strage exercitus *Venetum uincuntur ad Abduam flumen.* Venetum à Ludouico Gallorum Rege victus est, in ducatu Mediolanensi ad flumen Abduam.

Post eam pugnam infelicem, Veneti amissis vrbibus, quas habuerunt in Italia hinc inde amplissimas, in paludes suas inclusi sunt, & Cæsar Maximilianus Veronam, Vicentiam, Brixiam Pataviū & vicina oppida ad se transtulit. In ea conspiratione, Regum Christianorum contra Venetos solus Baiazetes fidem illis *Venetum amittunt plurimas urbes.* seruauit, & pacem, quam sub nomine tributis illis concesserat, non violauit.

Anno 10. Posnaniæ in conuentu regni Poloniæ, Maximilianus & Imperium à Polonis postularunt per Legatos, vt Prussiam antiquis dominis restituerent, nec Magistrum ab Imperio abstraherent. Sed re infecta fuit discessum. Fuit etiam ibi legatus Pontificius, qui hortabatur Polonos ad bellum Turcicum, & obtulit toti regno nundinas Iubilæi, vt corraderet pecuniam, quam insumeret in structuram templi D. Petri Romæ, quod diruebat, & ex fundamentis nouum ædificare instituerat.

Inuenio tunc inter præcipuos procures frequentem fuisse sermonem, stulte facturos Polonos, si regnum suum pecunia nudarent, qua possent extrui munitiones ad arcendos barbaros, & inter ea præberent occasionem, vt templa Romæ diruerentur, quæ deinceps fortassis nunquam ædificarentur qua in re non falsi fuerunt *Poloni nolunt conferre pecuniam ad structuram templi D. Petri Romæ.* vates.

In Italia res Venetorum aliquo modo restitutæ sunt. Recepit *Venetum recipiunt multas urbes.* Pataviū, segniter eam vrbem Cæsarianis tuentibus, Andreas Grittus: & quamuis Cæsar valido contracto exercitu fortiter eam obsedit

obsedit & oppugnauit, capi tamen non potuit: tandem cum Iulius Pontifex ex suis compendijs foedus turbaret, noua bella secuta sunt, quæ Italiam penè euerterunt.

*Vladislaus cū
liberis ingre-
ditur Vratis-
lauiam.*

Vladislaus Rex, ducens secum liberos Ludouicum & Anam, venit Vratislauiam anno 1511. 29. Ianuarij. Prima & maxime ardua disceptatio fuit de iuramento præstando regibus: nec conuenire potuerunt inter sese Principes Bohemi, & Hungari, quibus spiritus erant præter omnem modum superbi: Proponebant Bohemi, inde ab antiquis vsque temporibus Silesiam fuisse Prouinciam regni Bohemiæ. Regi igitur eo nomine fidem dari oportere à Silesijs.

*Hungarorum
& Bohemorum
disceptatio
Vratislauiæ.*

Hungari contra allegabant pacta inita inter Mathiam & Vladislaum Olomucij, quibus cautum erat, vt mortuo Mathia sine liberis, Bohemia Hungariæ certam pecuniæ summam lueret, atq; ita demum Silesiam reciperet. Ab hac sententia cum dimoueri non possent, totum negocium in aliud tempus reiectum est, & Reges quasi contentim habiti sunt. Imo eo ipso tempore vicina loca Silesiæ impunè vexabant latrunculi, cum viderent regem beneficium, sedatum & oppressum fastu suæ nobilitatis nihil posse.

Verum hæc perniciofa consilia postea grauis Nemesis secuta est: cum, vt nunc præ oculis est, Deus regnum superbum & inobediens suo magistratui, vt in Propheta dicitur, anathemate percussit. Vrbs Vratislauiensis cara Regi impetrauit ius Emporij à Rege 12. Februarij, cuius consilij hæc fuerunt rationes.

*Vratislauiam
impetrat ius
Emporij à
Vladislao.*

Creuerat ciuitas ex mercimonijs Polonicis, cū illo rudiori seculo Poloni, Vratislauiam modò cum mercibus commearent, nec vltiora loca Germaniæ nossent: Tunc vero relicta ea vrbe, quæ regnum ipsorum penè excoluit, passim noua quærebant Emporia, & simul intra ipsum regnum vectigalibus recentibus res Vratislauensium efficiebant deteriores.

Huic incommodo vt irent obuiam, iura Emporij generalis ciuitati apud Regem obtinuerunt, quæ talia sunt: Vratislauiæ sit limes Poloniæ & Germaniæ, & neutra gens eam urbem cum mercibus prætereat, sed ibi eas deponant, & inter se transigant. Vt etiam Polonis intercluderentur itinera, Marchio Elector loachimus Francoforti ad Viadrum idem sanxit.

*Vratislauiæ
nocuit Empo-
rium usurpa-
tum.*

Fuit hoc, vere istius anni in nundinis vrbium Germanicarum & Polonicarum denunciatum. Consilia ista ab initio fortassis non malè cogitata, pessime ceciderunt. Initiumurbationis ortum est ab ipsis Bohemis, qui odio Vratislauensium, Polonis in Germaniam concesserunt transitum, contra mandata Regia.

Deinde Sigismundus Poloniæ Rex, qui longè fratrem vigilantia & dexteritate superabat, regno sua commercia cum Vratislauiensi,

lauiensibus interdixit, ita vt nec Poloni Vratislauiam proficiscerentur, nec Germani in Poloniam admitterentur. Inde Vratislauiæ magna fuit solitudo, & tota Silesia grauiâ detrimenta passa est: multæ etiam ex vrbibus Silesijs, Vratislauiensibus eo nomine grauiter succensebant.

Etsi autem fuit res plena incommodorum, tamen Vratislauienses, in quartum annum vsque ius suum defenderunt, donec ignauia Vladislai succubuerunt. Reges rebus omnibus infectis 15. Martij Vratislauiâ profecti sunt.

Vrbs Lubeca ea æstate egregium facinus edidit in mari Balathico, captis multis nauibus, inter quas præcipuæ vehebant æs Cyprum ad Regem Danicum, hostem Lubecæ, quod eo mittebant Fuggeri Augustani, qui post longam disputationem, preces & minas Cæsaris & Principum, aliquid receperunt opera Pontificis, qui Lubecam terrebat fulmine anathematis.

*Lubecensis
Repub. capit
multas naues.*

Celebris apud nostros maiores fuit annus 1512, propter memoriam prælij Rauennatis, quod nos etiam non præterire omnino in historia debemus. Veneti, cum oppugnarentur à Cæsare, Gallo, Hispano & Pontifice, astutè placarunt Iulium, facti ipsi supplices, qui formidans crescentem potentiam Gallorum in Italia, pacem cum Venetis fecit, eosq; vetuit oppugnari.

Galliæ Rex Ludouicus detestatus perfidiam & auaritiam Iulij, non paruit, ideo telum suæ excommunicationis in totum regnum vibrauit Iulius. Gallus, vt vicissim eum vreret, tetigit vlcus minimè tangibile. Perfecit enim, vt quidam Cardinales anno superiori conuocarent Synodum primum Pisas, deinde Mediolanum.

Concilium Pisanum & Mediolanense contra Iulium.

Fuerunt in eo coetu quidam viri pij & docti, qui detestabantur scelera Iulij, & petebant emendationem Ecclesiarum: illi, vt retinerent Cæsarem iam nutantem, promiserunt ipsi Pontificatum deturbato Iulio.

Maximilianus oderat quidem scelera Iulij, & dicitur aliquando suspexisse in cælum, & dixisse: Aeternæ Deus, nisi tu vigilares, quàm male regeretur mundus per me imbecillum venatorem, & per illum ebrîum atque sceleratum sacerdotem Iulium: tamen, quia nolebat euerti autoritatem Pontificiam, & metuebat potentiam Gallorum, ab amicitia Iulij sese non auertit: sed pactus est inducias cum Venetis, & suos homines iussit adesse Pontifici.

Denunciarent simul bellum Gallo pro tuendo Pontifice Ferdinandus Hispanus, & Henricus Britannus, vir ingenio vario & ambizioso.

Ludouicus nihî territus tanta mole belli, repressit domi Britannum: in Italiam vero misit Gastonem Fosseium, nepotem ex sorore, cognatum reginæ Hungariæ olim Annæ. Is iuuenis, spiritus in-

*Gasto Fosseius
Imperator Ludouici Galliæ regis.*

tus indomiti & inuicti, sub initium anni incredibili celeritate & fortuna magnam partem Italiæ percurrit, vbique victor, tandem ad Rauennam eum consecuti sunt Pontificij duces, instructi à foederatis Principibus, præsertim ab Hispano, qui egregiam manum Hispanorum veteranorum duce Nauarro ipsis miserat.

Rauennale
prelium.

Machinarum
bellicarum
ingens uiolentia.

Confluxerunt ipso die Christiani Paschatis, 11. Aprilis, prælio ita cruento, vt ætas patrum nostrorum & nostra, in Europa non viderit simile, cuius cladis causa fuerunt tormenta bellica, quorum impetus planè diabolicus, tunc ferme primum enituit. Hispani duce Nauarro contemnebant Germanos, qui militabant in castris Gallorum, & adeo certam sibi spondebant victoriam, vt hostes, nullo negotio exhibito, paterentur transire amnem, qui castra dirimebat, deinde vbi vim & copiam hostilium tormentorum vident, iubente Nauarro, corpora in terram sternunt, vt pilas machinarum euitarent, atque explosis demum tormentis hostes iam defatigatos conciderent. Sed interea ita horribilis fuit fragor & tonitru tormentorum ab vtraq; parte, vt cælum terræque misceri viderentur, & capita abrepta à truncis maximo agmine in campis volitarent, & inuicem præ densitate colliderentur. Galli salubri consilio circumdlexerant machinas ad latus hostilis leuitatus, eumq; dissiparunt, plerisque ex præfectis discerptis aut captis.

Nauarrus ca-
pitur à Gallis.

Gasto interfi-
citur victor.

Sero tandem confurgit Nauarrus repressurus Germanos, sed superante equitatu Gallico iam victore, capitur, & priuæ acies Hispanorum disiectæ, in fugam conuertuntur. Verum Gasto, qui intemperantius persequebatur fugientes, auulsus à suis equitibus & cinctus, ab Hispanis iam plane victor trucidatus est, cuius cæde nunciata apud Gallos, omnes captiui penè ex Pontificijs miserabiliter iugulati sunt, & nullum genus crudelitatis prætermisum.

Heluetij Gal-
los pellunt ex
Italia.

Ceciderunt ab vtraq; parte, clade fermè æquata, viginti milia hominum, & flos militaris fermè ex omnibus gentibus tunc extinctus est, victoria autem mansit penes Gallos, qua tamen, amisso duce, non sunt vsi. Nam Heluetij adiuti à Cæsarianis, exercitum victorem quidem, sed imbecillem Italia expulerunt.

Selimus Tur-
cus per patri-
cidium inua-
dit regnum.

Eodem anno & die, Constantinopoli seditione militari acclamatus est Imperator Selimus, Solymani pater. Conatus fuerat anno superiori fraude & vi patrem suum senem & ægrotum regno excutere, sed fuerat victus magna clade in Thracia apud ignobilem vicum, vbi postea ipse Selimus animam exhalauit. Hoc autem anno, astutia & proditione procerum reuocatus à Patre, rapuit imperium. Pater senex, deferens urbem inter gemitus & imprecationes in filium, sequenti die post in itinere à medico Iudæo, iubente Selimo, veneno, quod pharmaco miscuerat, necatus est.

Baiazetes ne-
catur ueneno.

Selimus

Selimus, vt regnum sibi stabiliret, interfecit duos fratres, & septem nepotes ex fratribus, ita vt ex stirpe Othomanica ipse solus superesset. Hoc nimirum est, quod in Plutarcho dicitur: Sicut Geometræ in sua arte quædam proponunt postulata, quæ petunt sibi tanquam nota concedi, vt auditorem facilius possint docere: ita commune postulatum regum esse, interficere fratres propter regna.

*Selimi parri-
cidia horribi-
lia.*

Iugulauit etiam Mustapham Bassam, qui prodito patre, Selimum ad regnum euexerat. Inter tanta bella ciuilia Turcorum, præclara fuisset occasio rei optime gerendæ contra Turcos, sed Polonus tunc agitabat nuptias, & metuebat Moschos: Vladislaus amabat suum ocium, ideo vltro pacti sunt inducias cum Turco.

Sigismundus Rex hoc anno duxit Barbaram, filiam Stephani Transsylvani iam mortui, sororem Iohannis Veidani, Cæsare inuitissimo, vnde etiam graues iræ inter ipsos ortæ sunt. Despondebat enim Cæsar Annam filiam regiam, aut sibi aut nepotibus suis, & simul regnum Hungariæ, si Ludouicus sine hærede moreretur.

*Sigismundus
ducit Barba-
ram Transsyl-
uanam.*

Nuptiis Polonicis Cracouiæ interfuerunt, Georgius Bregensis, & Bartholemæus Monsterbergensis Principes Silesij. In ludis equestribus præcipuum præmium datum est Iohanni Rechenbergio equiti Freistadiensi, viro stre nuo, & rei militaris peritissimo, qui tunc viuebat in aula Sigismundi.

*Iohannes Re-
chenbergius
uictor in lu-
dis equestri-
bus.*

Iohannes Veidanus etiam per matrem consilia de nuptiis Regiæ filiae agitabat, illiq; iam fauere videbatur Sigismundus: Propter causam etiam Prutenicam, vbi iniuste agere videbantur Poloni, Cæsar Sigismundo erat iniquus. Ideo sæpè misit ad Moschum, eius amicitiam expetiuit, & ipsi auxilia in Sigismundum promisit. Mirabili etiam fato, eodem mense Aprili, 23. die, Poloni graui pugna deuicerunt Tartaros, magna multitudo cæsa est, & capti sunt 16000.

*Maximilianus
expetit amici-
tiam Moschi.*

*Poloni sternūt
Tartaros.*

In Silesia Bartholemæus Monsterbergensis, vir eloquens quidem, sed præceps & iniustus, indixit bellum Vratislauensibus, & prædia aliquot mense Octobri exussit. Graue autem detrimentum accepit ad Cantium oppidum, amissis militibus, & duobus signis militaribus: Fridericus Lignicensis coniunxit se cum vrbibus Silesiæ, & audacissimum latronem, qui nominabatur Christophorus niger, Lignicij laqueo necauit.

*Bartholomæus
Monsterber-
gensis profligatur à Vra-
tislauensibus.*

Anno 1513. mirabiles tumultus in omnibus fermè regnis Europæ fuerunt. Mense Iulio octo millia Heluetiorum, qui defendebant Sfortiam Ducem Mediolanensem contra Gallum & Venetos, qui tunc erant socij, adorti sunt exercitum Gallicum numerosissimum, & omnibus rebus instructissimum, eumq; fœdissime cum admiratione totius Europæ, profligarunt, interfectis octo millibus hominum & clarissimis Ducibus in fugam coniectis.

*Heluetij fun-
dunt maxi-
mum exer-
citum Gallo-
rum.*

Maximilianus
Cæsar & Hen-
ricus Angliæ
rex superant
prælio Ludo-
uicum Galliæ
regem.
Iacobus Sco-
tiæ rex inter-
ficitur in præ-
lio ab Anglis.

Menſe Septembri in ora Galliæ Occidentali ad Oceanum Cæſar & Henricus Britannus vicerunt Ludouicum Gallum prælio. Decimo etiam Septembris Iacobus Scotiæ Rex, qui contra fœdus & iuramentum, in gratiam regis Galliæ, inferebat bellum Anglis, à Ducibus Henrici, quos Rex, proficiſcens ad bellum Gallicum, in regno reliquerat, cum flore nobilitatis & gentis ſuæ trucidatus eſt, ad Thylen fluuium.

Annotatum eſt, nobilem quendam Scotum, qui Londini in Anglia aſſeruabatur in carcere, dixiſſe: Si quidem prælium committetur hodie, ſcio meum Dominum futurum eſſe inferiorem, quia animaduerto, in illo conſictu & turbine ventorum, Scotiæ admodum eſſe contrarios ventos.

Nec fanè ſermo ille ratione & euentu caruit: quia certum eſt, Angelos, cuſtodes imperiorum & ordinis in regnis, grauiter luſtari cum malis ſpiritibus, qui delectantur cædibus, & ordinis diuini turbatione: ſicut oſtendit hiſtoria Perſica, vbi Angelus Danieli reſert, ſe multos annos repreſſiſſe diabolum, qui impellebat Græcos ad euerſionem regni Perſici. Septimo deinde Octobris pugnatum eſt in Italia ad Vicentiam magno & memorabili prælio.

Vicentinum
prælium.

Veneta urbs
terretur ma-
chinis bellicis.

Vaſtauerant duces Cæſaris omnem oram Venetam duriter & miſerabiliter, dirutis ſuperbis villis, delitijs nobilitatis Venetæ, in ripa Medoaci, tandem ex vicino aggere littoris, exploſis globis tormentorum horribili & inſueto boatu, ipſam magnificam urbem Venetam terruerant.

Exercitus vero Venetus ulturus illas clades, hoc die conſlitit cum Cæſarianis, ſed improſpere. Agmina enim Italica vix primum conſpectum Germanorum & Hiſpanorum ſuſtinuerunt. Capta ſunt omnia ſigna militaria, interfecti homines ſepties mille, & plurimi viui in poteſtatem victorum peruenerunt. Maximilianum in ſua fortuna primum deſeruerunt Heluetij, qui inuito Cæſare cum Gallo pacti ſunt, & duces ipſius in Italia nihil tanta victoria uſi ſunt.

In Sileſia nihil accidit hoc anno memorabile, ſed inſœlix adhuc fuit forma ſtatus publici, cum paſſim graſſarentur latrunculi, & ſublata eſſent commercia cum Polonis. In Moſcouia Principi addebat animum amicitia Cæſaris, illum vt facilius retunderet Sigismundus, incepit ſtipendia quotannis præbere Tartaris, vt ſubinde bello laceſſerent Moſchos.

Cruciferorū
ſeditio in
Hungariam.

Crudelis illa ſeditio & laniena Cruciferorum incidit in annum 1514. Frequens erat ſermo inter omnes ordines, nimis grauem eſſe ſocordiam noſtrorum Regum, quod in illa ciuili diſſenſione Turcorum, non retraherent ad ſe ditiones auulſas à regno Hungariæ. Sed Vladislaus, cui dulce erat ſuum ocium, & qui erat indulgentiſſimus erga ſuos procures, nihil ſe commouebat.

Thomas

Thomas vero Archiepiscopus Strigoniensis, legatus Pontificius, proposuit venalem vitam æternam illis, qui nomina darent ad bellum Turcicum, eosq; signabat cruce: ibi subito confluit amplissima quædam colluies perditissimorum hominum ex tota Hungaria, & simul consurgebant ingentia agmina rusticorum, qui detestati tyrannidem nobilitatis, præsertim Episcoporum, in castra accurrebant. In Pannonia enim ex negligentia Regis creuerat apud nobilitatem fastus, luxus, & crudelitas enormis in subditos.

Caterua illa rustica electo duce, subito totam fermè Pannoniam rabie inaudita peruagata est, ubique trucidata nobilitate & Episcopis, ex quibus ditiores et clariores palis, teterrimo genere supplicij, viuos solebant configere. Ad eum modum cum grassarentur, coniunxerunt se nobiles & ciuitates iubente rege, & ductore quodam Bornemissa sceleriter aliquoties pugnatum est cum Cruciferis, ex quibus multi concisi sunt, multi etiam Budæ supplicij affecti.

Tandem vero Iohannes Veidanus, Stephani filius, qui postea regnum inuasit, ad internecionem cum ipsis præliatus est, & deleta multitudine comprehendit duces, in quos sæuijt exemplis, quæ vix cadere poterant in sensum humani pectoris. Georgium enim, Imperatorem Rusticorum, in equuleo extendit, caput ipsi corona ex ferro candenti cingit, venas aliquot aperit, & sanguinem profluentem Lucatio fratri Georgij potandum præbet, deinde præcipuos ex rusticis, quos inedia tridui excruciauerat, cogit vt dentibus artus Georgij adhuc spirantis lacerent & vorent.

Iohannis Veidani crudelitas.

Inter illos cruciatus nullum edebat gemitum, tantum precabatur, vt Lucatio fratri, quem ipse inuitum ad hoc bellum traxisset, parcerent. Laniatis membris ipsius, cum iam expirasset, viscera ipsi extrahunt, dissecant, eaque ahenis cocta verumque assata militibus voranda proponunt, eosque demum illis Thyesteis epulis satiatis, vnà cum Lucatio longis & diris supplicij interficiunt.

Non extat simile exemplum sæuitiæ planè inhumanæ in historia mundi: ideo non mirum est, si Deus hanc tantam rabiem in domino & gente sua vltus est, immisissis latronibus Scythicis, qui penè soli ab omni hominum memoria propter crudelitatem fuerunt celebres: per quæ enim quis peccat, per eadem puni-
tur.

Sæuitiæ inhumane exemplum.

Accitæ sunt copię ex Bohemia & Silesia in Hungariam, sed illæ re iam perfecta venerunt: sedarunt tamen motus, qui alioqui fuissent orituri contra Episcopos, & fortè contra ipsum Regem. Die natali Mariæ, ad Borysthenem fluuium pugnatum est nobili prælio inter Moschum & Sigismundum.

*Sigismundus
ad Borysthe-
nem Moschos
ingenti pre-
lio fundit.*

*Maximilianus
liberat Mos-
chos captiuos.*

Tanta fuit confidentia Moschorum, vt Polonos, numero lon-
gè inferiores, vltro paterentur transire fluuium, sed in ipso confli-
ctu opera sclopetariorum, quibus carebant Moschi, sunt victi. In-
terfecti sunt ad triginta millia, & plurimi capti. Ex illis Sigismun-
dus Rex Procere quatuordecim misit ad Leonem Pontificem, sed
in itinere Cæsar eos liberauit, & ex Lubeca domum remisit. Ea-
dem tamen hyeme cogitatum est de rationibus, quibus Sigismun-
dus posset reconciliari Cæsari, & institutum est, vt reges ipsi coram
anno sequenti conuenirent.

*Selimi pugna
acerrima cum
Persis.*

Die Augusti 26. acerrimum prælium commissum est inter
Selimum Tyrannum Turcicum & Ismaëlem Sophum, regem Per-
sicum, ad oppidum Choim, situm in ripa Araxis, vbi post longam
dimicationem, Persæ iam victores territi tormentis, & vulnere sui
regis, campo cesserunt, sed reliquerunt Turcis victoriam admo-
dum cruentam. Ceciderunt vero ex Selimi exercitu supra tri-
ginta millia hominum, & equitatus Europæus penè totus deletus
est.

*Maximiliani
Cæsaris &
Regum Hun-
garie atq; Po-
lonie conuen-
tus.*

Nobilis conuentus Cæsaris cum regibus Hungariæ & Polo-
niæ, fuit anno 1515. ad Viennam, 16. Iulij. Egregium fuit studium
Sigismundi erga Cæsarem, cum quo redire in gratiam omnibus
modis cupiebat. Dictus erat primum dies ad medium mensis Fe-
bruarij Posonij. Deinde in Martium vsque Cæsar rem protrahi
voluit: Procere Pannoniæ libenter turbassent totum negocium:
sed instabat Sigismundus, & mense Martio Cracouia egressus est,
quamuis Mechouiensis, illius temporis celebris Astrologus, pa-
lam prædiceret, Reges ante medium mensis Iulij Cæsarem non vi-
suros.

*Mechouius
celebris As-
trologus.*

*Bartholemeus
Monsterber-
gensis perijt
in Danubio.*

Posonij Cæsar per Legatos cum Regibus de matrimonijs
liberorum tractauit, & dum huc illuc cursitant nuncijs, Barthole-
meus Monsterbergensis, legatus Vladislai ad Maximilianum, na-
uigans Danubium, in vndis perijt, magna cum lætitia Vratislaui-
ensium, quos criminatus fuerat apud regem, & vt multa illis in-
diceretur perfecerat, quam etiam Rex exoratus ipsi Principi iam
donauerat, 16. demum Iulij Cæsar Vienna Pridie egressus, cum
Regibus patenti in campo ad pyrum arborem conuenit.

Scribitur Hungaros, cum procul aspicerent turmas Cæsaris
ad radios solares ferro collucentes, expauisse, & nunciasse Sigis-
mundo Regi videri sibi, reges parum tuto se armato Cæsari cre-
dituros: neque enim ad colloquium amicum opus fuisse armis,
quibus renunciauit Sigismundus, se optimo Cæsari nequaquam
diffidere, & omnino processurum, sequerentur sanè ipsi, si ita vide-
retur.

Vbi inter se amicissime consalutassent, dicitur Cæsar in hæc
verba prorupisse: Hæc est dies, quam fecit Dominus, exulte-
mus &

mua & lætemur in ea. Subiecit Rex Sigismundus: Faciat Deus, cle-
mentissime Cæsar, vt hic noster congressus sit faustus & salutaris
nobis, & toti orbi Christiano.

Maximiliani
& Sigismun-
di salutatio.

Reges deinde inuitati, Cæsarem Viennam comitati sunt: vbi alteri ex nepotibus Cæsaris promissa est Anna Hungarica, Ludouico autem Maria Burgundica, filia Regis Philippi. Actum etiam de successionibus, & certa inita pacta, si regna illa carerent sobole mascula ex stirpe Regum, successionem transferri debere ad Principes Austriacos, nepotes Cæsaris, & de eo solennes literæ consignatae sunt.

Maximilianus
inuit pacta
de successioni-
bus cum regi-
bus.

Annæ Hungaricæ, Viennæ regia corona à Cæsare imposita est, eamq; vnâ cum Maria educauit. Obtinuit etiam Sigismundus à fratre, vt Emporium Vratislauenſe abrogaret, quod Rex nimis facilis concessit, & prouinciâ suam graui detrimento affici passus est. Ita impredientibus Polonis, Silesiæ duo ornamenta, Academia & Emporium ademta sunt.

Vratislauen-
ſe Emporium
abrogatur.

Vere eiusdem anni Iohannes Transsylvanus, cui procures Pannoniæ filiam Regis, & gubernationem regni promittebant, vt congregientibus regibus, ipse singulare exemplum fortitudinis ostenderet, collectis copijs Turcos adortus est, sed eo cum euentu, vt victus, & castris exutus ab hoste fugiens domum rediret.

Iohânes Trāſ-
sylvanus pro-
ſtigatur à
Turcis.

Sub finem etiam Autumni Cracouiæ Apoplexia extincta est Barbara regina, quam Poloni multum commendant ob egregiam pietatem & virtutem in omni genere. Vt autem firmior esset concordia, promisit Sigismundus Cæsari, se ex ipsius arbitrio ducturum secundam vxorem, atque ita annitente Maximiliano, promissa est ipsi Bona, Iohannis Galeaci Ducis Mediolanensis filia, quæ olim desponsata fuerat Iohanni Coruino.

Barbara Re-
gina Poloniæ
moritur.

In Silesia fuerunt nuptiæ inter Elisabetham sororem Sigismundi, & Fridericum Principem Lignicensem, quas conciliauit Iohannes Turzo Episcopus Vratislauenſis. In agro Mediolanensi 13. Septembris tribus horis ante solis occasum, Heluetij, qui tunc, vt olim de Spartanis dictum est, ignem spirabant, adorti sunt iniquo loco castra Regis Francisci Gallici, qui transierat in Italiam, vt recuperaret Ducatum Mediolanensem: Pugna protracta est in quartam noctis horam, donec occidente Luna caligo prælium diremit, quod tamen prima luce sequentis diei redintegratum est, tandem cum Heluetij numero pauciores, & impransi fortissimè se defenderent, deserti à socijs, & superati multitudine hostium supra quinquies mille ex suis amiserunt, plures etiam illustres Galli in prælio ceciderunt.

Bona Medio-
lanensis despo-
ſata Iohanni
Coruino nup-
ſit Sigismun-
do Regi Po-
loniæ.
Fridericus Li-
gnicensis du-
cit sororem
Sigismundi
Regis.
Franciscus Gal-
liæ Rex præ-
lio fundit Hel-
uetios ad Me-
diolanum.

Vladislaus
rex Hunga-
riae & Bohe-
miae moritur.
Ferdinandus
Hispaniae &
Neapolis rex
moritur.
Vladislai re-
gis natura.

ANno 1516. mortui sunt duo Reges maximi nominis, 13. Martij Vladislaus, anno ætatis suæ sexagesimo primo. Deinde in Hispania Ferdinandus, qui omnium regnorum hæredem reliquit Carolum Maximiliani nepotem.

Fuit Vladislaus quidem Princeps non admodum ingeniosus, sed tamen præditus iudicio non malo, peritus linguæ latinæ, amans iusticiæ & quietis. In grauioribus deliberationibus, vbi multorum sententias audiuiſſet tacitus, tandem, si quis scopum negocij attingere videbatur, solebat disputationem hac voce finire, Doberſi: vnde à multis hoc nomine appellatus est. Beneficentia & clementia in eo fuit eximia, adeo vt eo nomine præcipuè laudem quæreret, quod neminem vellet offendere. Ideo eius facilitate multi ex potentibus sceleratè abusi sunt.

Vladislaus
rex fuit simi-
lis Arcadio
Cæsari.
Ludouici Re-
gis tutores.

Denique, si facienda est collatio, videtur non dissimilis fuisse Arcadio Romano Cæsari, post cuius ætatem etiam statim dilaceratio imperij secuta est per Gotthos & Vandalos. Filio suo nondum decenni constituit tutores, Cæsarem & Sigismundum fratrem.

Selimus asper-
natur conuen-
tus Christiano-
rum.

Selimus Turcicus excitatus fama de conuentu Regum superioris anni, & metuens ne arma coniungerentur contra ipsum, in Thraciam ex Asia redijt, duplex agmen prædabundum in Pannoniam emisit, sed vbi ipsi nunciatum est, conuentus regum Christianorum solere tantum celebrari speciosis concionibus, & magnificis conuiujs, rursus arma in orientem conuertit.

Maximilianus Cæsar ex pacto misit oratores in Moscouiam, qui facerent pacem inter Moschum & Sigismundum. Sed illi re infecta redierunt. Tartari hoc anno crudelissimè Russiam vastarunt. Maxime memorabilia negocia continet annus 1517. cuius initium totum orbem terrarum compleuit fama de Aegypti excidio, & deletione regni Mamaluchorum. Capita euentuum breuissimè nominabo.

Selimus dele-
to regno Ma-
maluchorum
occupat Aeg-
yptum.
Selimus gessit
asperissima
bella.

Campſon rex Aegypti formidabat crescentem potentiam Selimi, illiç, nisi quiesceret, bellum denunciauit: hoc fuit initium illius belli, quo, meo iudicio, post bella punica, nullum in genere humano fuit asperius. Intra spacium medijs anni quinquies prælio acerrimo dimicatum est, & amissa sunt duo magna regna, Syriacum & Aegyptium.

Selimi victo-
ria in Syria
& Aegypto.

Die Augusti 26. anno 1516. qui etiam est dies pugnae ad Arbelam, Selimus in Syria ornatissimum exercitum Sultani Aegyptij vicit, proditione cuiusdam ductoris, qui in pugna ad Turcos defecit,

defecit, in fuga Rex Campson labore & mœrore animi sine vulnere exanimatus est. Secundo, Selimus in aditu Aegypti rursus cruentissima pugna deleuit magnum exercitum Mamaluchorum. Tertio, 24. Ianuarij anni 1517. idem Selimus non procul à Memphi, magno prælio Sultanum nouum, Tomumbeium superauit, sed tamen robur sui exercitus ab equitatu hostium deletum est. Quarto, occupata vna parte vrbis illius amplissimæ, Mamaluchos in parte munita fortissimè pugnantes deuicit: vbi rursus is fuit ardor animorum, vt Selimus iam de victoria & de vita inciperet desperare, sed tunc etiam à suis proditi fuerunt Mamaluchi. Selimus contra datam fidem illos, qui se dediderunt, omnes interfecit. Vltimo ad ripam Nili Tomumbeium, qui contraxerat reliquias & omnes vires regni, victum cepit cum multo sanguine suorum, eum deinde in vrbe Memphitica excruciatum tormentis, quæ ipse constantissimè pertulit, 13. Aprilis, qui fuit dies lunæ Christiani Paschatis mulæ impositum & laqueo ex collo pendente, per totam vrbem circumductum, ad frequentissimam portam vrbis suspendi iussit.

*Campson Rex
extinguitur.*

*Tomumbeius
Rex necatur
à Selimo.*

Hic fuit finis regni Mamaluchorum in Aegypto, qui tenuerunt eam annos 260. Fuerunt autem Mamaluchi serui venditi in Aegyptum ex ea regione, quæ adiacet ponto Euxino & paludi Mæotidi, versus Moscouiam, vbi nunc sunt Circassi. Ibi exercebantur ad militiam abiurata doctrina Christi, amplectebantur furores Mahometi: sicut ipsum nomen significat circumcisos: tandem euehebantur ad honores & ad regnum.

*Mamaluchi
quales homines
fuerint.*

Tristis autem ista seruitus & calamitas Aegypti, quæ olim fuit florentissimum regnum, commonefaciat omnes homines de ira Dei aduersus peccata generis humani.

*Aegyptus puni-
ta est pro-
pter blasphemias in Christi-
um.*

Neque enim dubium est, hoc regnum ita miserabiliter discerp-
tum fuisse, quod primum Arii furores genuerit, & latè propaga-
uerit, & quod deinde odio Christianæ religionis, sicut semper istius
gentis fuit curiositas & petulantia enormis, Sarracenos & Ma-
hometanos attraxerit.

In Pannonia infœlix orphanus Ludouicus spernebatur à suis
proceribus, qui iam constituebant factiones inter sese. Vere huius
anni fuit conuentus Budæ, vbi actum fuit de gubernatore constitu-
endo in regnum, & magna erat autoritas Iohannis Veidani, qui ad
eam dignitatem aspirabat: miserunt legatos Budam Cæsar & Sigismundus, vt Iohannem, cui nihil fidebant, impedirent.

Venit etiam eò Nicolaus Schombergius nobilis Misnensis, qui in Italia fuerat ingressus religionem Dominici, vir eloquens, va-
serrimus, & plane natura Italica imbutus. Missus fuerat in Hun-
gariam à Leone, suadente hoc Iulio Medice fratre Pontificis. Cæsa-
ri ex ipsa Roma significatum fuerat, vt obseruaret artes istius Mo-
nachi, quæ essent mirabiles.

*Nicolaus
Schombergius
legatus Ponti-
ficis ad regnū
Hungarie.*

In ipsa

In ipsa tractatione primum mirificè omnium mentes sibi conciliauit, & iam bene de ipso sperabat Cæsar, sed tandem, ubi se patrefecit, animaduersum est, eum hoc agere, vt Pontifici permitteretur potestas collocandi in regnum Hungariæ gubernatorem, qui ex ipsius arbitrio ibi regeret, ipsiq; pareret. Tali enim artificio aula Romana conabatur illud potens regnum ad se trahere. Valde autem offendit Cæsarem ista improbitas, neque in tanta dissensione tunc aliquid potuit perfici.

Nicolaus

Schombergius
offendit Ma-
ximilianum
Cæsarem.

Elisabetha cō-
iunx Frederici
Lignicensis
moritur.

Floruit deinde ille Schombergius in Italia multos annos, creatus est Cardinalis, & à Carolo Cæsare impetrauit Archiepiscopatum Capuanum. In Silesia 17. Februarij decessit Elisabetha Polonica in puerperio. Mors eius fuit admodum detrimentosa Friderico Principi marito, qui ex eo coniugio, si præsertim vixisset Vladislaus frater, potuisset crescere.

Lutherus or-
ditur instau-
rationem do-
ctrinæ sacræ.

Hoc etiam anno fulgere cœpit lux doctrinæ Christi, repurgatæ à D. Luthero. Circumferebantur venales indulgentiæ Romani Pontificis, cuius lacunas, opes totius Europæ in illis sumtibus bellorum, & profusionibus ad luxum, plusquam Persicum, non poterant explere. Tanta autem fuit impudentia quæstorum Pontificiorum, vt publicè prædicarent, ad tinnitum argenti coniecti in cistam, subito animam liberam ex cruciatibus purgatorij in cœlum euolare.

Lutherus ta-
xat indulgen-
tias.

Lutherus verò, vir egregiè doctus & pius, excitatus à Deo, Pridie Calendas Octobris ad valuas templi Vitebergensis, in arce, ubi die omnium Sanctorum solebant esse insignes nundinæ Indulgentiarum, hora duodecima Propositiones affixit, quæ grauiter taxant impiam audaciam Pontificiorum, monstrant veram doctrinam de conuersione, & remissione peccatorum propter obedientiam, & mortem filij Dei. Vnde deinceps, semel motis rebus, paulatim alij articuli, obscurati fecibus Pontificijs, illustrati sunt, & magna lux, Dei beneficio, cœlestis vocis accensa.

Religio in to-
to orbe terra-
rum immuta-
ta est.

Tempus hoc emendationis prædictum fuit à Iohanne Husso morituro, & à Iohanne Hilteno Isenacensi, Monacho Franciscano. Intuenti vero historiam mundi, mirum est quod intra viginti annos, ferme in toto orbe terrarum motæ sunt disputationes de religione, & multæ factæ mutationes. Nam primum latissimæ illæ terræ Indicæ & Aphricanæ, recens inuentæ, quæ fuerunt implicatæ tetrus idolis, magna ex parte doctrinam Christi acceperunt. In Asia secta Mahometica in duas partes scissa est, & Persæ novos instituerunt cultus. Nunc vero, præeunte Luthero, paulatim magna pars Europæ oculos sustulit ad Solem iusticiæ Filium Dei, relictis tenebris Pontificijs.

Bellum Venetum finitum est foedere, quod in Belgico factum est Nouioduni inter Franciscum Regem & Carolum, conditionibus

bus iniquissimis adolescenti Carolo, ideo non modò cito turbatum est, verum etiam causam præbuit sæuis bellis, quæ vix hisce proximis annis restingui potuerunt. Sub finem Septembris Glogouia in Silesia penè tota miserabiliter conflagrauit: perierunt in incendio plurimi homines.

Fraciscus rex Gallia & Carolus Hispanus iunguntur foedere.

Selimus deuictis regnis Orientis, aspirabat ad imperium Europæ, & reuersus in Thraciam, parabat bellum terra mariq; in orbem Christianum. Maximilianus Cæsar, qui erat in excubijs pro suo imperio, indixit conuentum ordinum Imperij Augustam, anno 1518. belli Turcici causa, vbi conclusum fuit, vt Gallis & Venetis in societatem belli pertractis, Pontifex, Hispanus & Veneti, classe Græciam inuaderent, Cæsar vero auxilijs Germaniæ, Gal-
Selimus parat bellum in regna Christianorum.
Maximilianus deliberat de bello Turcico.
 liæ & Angliæ, ex Pannonia Turcos adoriretur: descripta fuit etiam formula militum & pecuniæ in hanc sacram expeditionem, & videbantur omnium studia in hoc bellum esse erecta.

Vocatus fuit etiam Augustam Lutherus ad Cardinalem Caietanum, qui eum minis terrere voluit, vt caneret palinodiam. Ipse in illo tantorum certaminum exordio, aliquanto motus à Pontificijs, promisit Cardinali, se deinceps silere velle, modo etiam aduersarijs suis silentium indiceretur. Sed cum hoc nequaquam impetrasset, & tantum adigeretur ad reuocationem, Augusta discessit, & telam, quam Deus ipsum ordiri voluit, constanti animo per texuit.

Lutherus Augustæ sistitur Caietano Cardinali.

Pulcherrimas cogitationes Maximiliani de inferendo bello Turcis, & rursus furores Selimi de euertendis Ecclesijs, & regnis Christianorum, vtriusque mors interruptit. Inuaserat Cæsarem lenis & lenta quædam febricula: Medicus vero minus cautus propinauit ipsi pharmacum deiectorium potens, tempore non opportuno, inde & febris aucta est, & diarrhææ colliquatiuæ multorum dierum, ita vires affligerunt, vt vim morbi amplius non ferrent.

Maximiliani Cæsaris mors & eius uirtutes.

Decessit igitur Cæsar optimus 12. Ianuarij, anni 1519. apud oppidum Velsium, & ex testamento in noua ciuitate sepultus est sub ara, ita vt sacerdos, panem consecratum attollens, supra pectus Cæsaris consistat.

Fuit in eo ingenij & corporis robur planè heroicum, atque is est, qui Deo iuuante inclitam familiam Austriacam ad illud supremum fastigium honorum, vbi nunc fœliciter fulget & floret, euexit. Expertus est in sua gubernatione vtramq; fortunam, quam tamen magnitudine & mediocritate animi egregiè tulit. Nupta ipsi fuit Maria Burgundica, quæ non solum opes & regiam dotem, verum etiam bella & ærumnas attulit: quo tempore ipse tamen potentem & vaferimum regem Gallia Ludouicum Vndecimum, etsi omnibus rebus inferior, repressit: & prouinciam suam, aliquot splendidis victorijs partis, tutatus est.

Mortua

Maximiliano
eripitur spon-
sa à Gallo.

Mortua Maria, & quidem infelici ex casu, contraxit coniugium cum muliere Gallica, quam nouo & detestando scelere, ipsi itinere eripuit petulans & impurus rex Carolus Octauus, & modestissimam virginem, filiam Maximiliani, Margaritam, quæ voluntate patris sui ipsi fuerat desponsata, ex Gallia cum contumelia domum remisit. Inter istas calamitates & dolorem insignem, tamen veram animi æquabilitatem retinuit. Gallo, appetenti regnum Italiæ & Europæ, restitit, & paulò post vidit eum extinctum florenti in ætate, & scelerum suorum dare poenas.

Gessit deinde varia bella, Gallicum, Helueticum, Venetum: ubi eius virtus & industria enituit, ita vt Imperio Germanico amissum decus & robur redderet. Respublica Veneta à condita vrbe non est grauius afflictæ, quàm ab hoc Cæsare, quem tanquam imbecillum contemnebat.

Memoriæ proditum est, legatos ipsorum, fiducia potentiæ elatos, Romana & superba voce bellum illi denunciaffe: S. P. Q. Venetus indicit bellum Maximiliano: quibus Cæsar sapiens & placidus respondit: Ite, inquit, & gerite bellum simili stultitia, qua indixistis.

Sed dolendum est, nondum inuentum esse virum aliquem literatum, & rerum in vita peritum, qui historiam tanti Cæsaris ordine & eleganter describeret, cum tamen ipse Cæsar, non solum in doctos esset munificus, verum etiam lectione & scriptione historiarum inprimis delectaretur. Ego in hoc breui scripto plura commemorare nec debeo nec possum.

Selimus in
Thracia ex-
tinguitur
Iuc.

Carolus Au-
striacus crea-
tur Cæsar.

In Thracia vero venenum veneno extinctum est. Selimus enim propè illum pagum, ubi ipse ante annos septem patrem suum senem bello adortus fuerat, pestilentia iugulatus est. 28. Iunij Francofurti ad Mænum renunciatus est Cæsar Carolus Austriacus, Hispaniarum Rex. Historia & disceptatio electionis, quæ est insignis, legatur apud Sleidanum.

Friderici Ele-
ctoris Saxo-
niæ sapientia.

Enituit tunc prudentia & dexteritas singularis Friderici Saxonix Electoris, qui non modo delatum sibi imperium ab omnibus Electoribus recusauit, excusatione ætatis vsus, verum etiam, cum voluntates principum vehementer essent distractæ, studijs partium Gallicarum atq; Austriacarum, ipse, ne ex dissensione ciuili accenderetur bellum in Germania, autor fuit, vt singuli Electores sanctissimè iurarent, non se habituros vllum pro Cæsare, nisi eum, qui ex communi consensu omnium esset electus.

Solymanus
succedit Se-
limo patri.

Pecuniam grandem, quam ipsi obtulerant legati Caroli, reiciebat constanter, & vt idem sui aulici facerent, iussit. Meminerunt aliqui ex senioribus, dixisse Principem illum: Equidem quæro virtutem, sed eam cum non inueniam, accipio potentiam. Selimo successit filius vnicus Solymanus, natus ex muliere Scythica, filia
regis

regis Bosporani: contudit eodem anno satrapam Syriæ, qui antiquum regnum Mamaluchorum restituere conabatur, victoria magna, sed non incruenta.

In Prussia accensum est bellum inter Sigismundum & Albertum Brandeburgicum Prussiæ Magistrum, qui volebat haberi pro Principe Imperij, & à Polonis reposcebat vrbes olim occupatas proditione subditorum Ordinis. Durauit bellum illud totum quadriennium, & si Albertus impetrasset auxilia Germanica, sicut sperabat, non cessisset Polonis, sed demum noua & inopinata compositione bellum sedatum est. 2. Augusti anno 1520. Nissæ in Silesia moritur Iohannes Turso Episcopus Vratislaviensis: Fortuito vero excitato incendio, aiunt magnam partem cadaueris ante sepulturam flammis esse absumentam, quod ipsum fuit omen emendationis & repurgationis Ecclesiarum in Silesia.

Albertus Brädeburgicus gerit bellum cum Polonis.

Electus est in locum defuncti nobilis Iacobus Salzensis, Legum doctor, qui nomine regio ducatus Glogouiensi præerat, & Ladislaum Sternbergium fuerat comitatus ad comitia Francofurtensia, ubi propter illustrem operam nauatam Carolo, aulæ regię factus est carus. Præfuit Ecclesijs cum laude sapientiæ & moderationis ad annos 19. fuit alienus à sæuitia, ad quam alioqui flabella Diabolorum Episcopos solent accendere.

D. Iacobus Salzensis Episcopus Vratislaviensis.

In littore Oceani congressi sunt Gallię Rex & Henricus Anglus. Fuit tantum mutua ostentatio opum & splendoris aulici. Ad duxerat Henricus ligneam domum mirifici operis, illi inscripserat: Cui adhæreo, præest. Certabant enim inter se Carolus & Franciscus, inter quos iam semina noui belli oriebantur, vter sibi coniungere posset Britannum. Sed Carolus nauigans ex Hispania ad hunc diuertit, eumq; ab amicitia Galli auertit. 22. Octobris, Carolus celebri pompa Aquisgranum ductus est, & postridie solenni cum ritu coronatus.

Franciscus Galus & Henricus Anglus cōgrediuntur.

Carolus coronatur Aquisgrani.

Fridericus Saxonię Elector, propter valetudinem substitit Coloniae, eoque vocauit ad se Erasmus Louanio, cuius iudicium de Lutheri doctrina sciscitatus est: Erasmus festiuè respondit: Duo esse magna peccata Lutheri, quod attigisset coronam Papæ, & ventres Monachorum. Deinde significauit genus doctrinæ rectum esse, sibiq; probari, sed suadebat, hortaretur Princeps Lutherum, vt quædam minus horride diceret.

Friderici Electoris Saxonie colloquiū cum Erasmo.

Anno 1521. factum est initium calamitatum Hungaricarum, & perrupta repagula, quæ diu Turcos à ceruicibus Pannoniæ auerterant. Principes occupati erant in apparandis nuptijs, Budæ Ludouicus adolescens quindecim annorum ducebat Mariam Burgundicam: Lincij Ferdinandus Austriæ Archidux, anno ætatis decimo nono celebrabat nuptias cum Anna Hungarica mediocri cum pompa.

Ludouicus & Ferdinandus celebrant nuptias.

*Hungari stulta
superbia
irritant Turcos.*

Interea Solymanus insidiatus est regno Ludouici, & quidem attractus fuit ex stulta superbia procerum regni. Miserat Solymanus legationem in Pannoniam, quæ pro more phrasi Turcica, denunciabat Ludouico, consedisse Solymanum in paternum solium, & iam portam ipsius regiam patere omnibus, qui aut pacem aut bellum poscere vellent: deliberarent igitur Hungari, vtrum placeret.

Superbi Principes legatum illum Turcicum retinuerunt, posita ipsi custodia. Disputabant enim, vindicandam esse hoc pacto iniuriam Selimi, qui ante triennium legatum Pannonium apud se detinuisset. Venerat is ad Selimum iturum ad bellum Aegyptium, eumque ille in castris secum circumduxerat, sed demum Constanti-
nopolin reuersus, honorificè eum in patriam remisit.

Nunc igitur similiter plectere volebant filium Solymanum, quem aspernabantur, tanquam adolescentem, eumque stolidum, deditum voluptatibus, & omnium rerum imperitum. Sigismundus Poloniae Rex, ad quem similis legatio Turcica peruenerat, misit Budam ad nepotem & Senatum Pannonium, eosque monuit, vt vnà secum ablegarent Constantinopolin aliquos ex suis, qui inducias paciscerentur cum Turcis, neque eos in hac ætate Regis, & rerum perturbatione irritarent. Verum consilium Sigismundi neglectum & reiectum est, & existimabatur Hungaris satis esse virum ad arcendum filium, cuius patrem non formidassent.

*Leo Pontifex
putatur Turcos
immisisse
Hungaris.*

Solymanus ista detentione sui legati irritatus, bellum in Pannoniam molitur. Multus tamen fuit eo tempore sermo, Leonem Pontificem, qui metuebat Italiae, & simul irascebatur Hungariae, quod suum gubernatorem accipere noluisset, pretio in aula Turcica effecisse, vt bellum in Pannoniam transferretur: quam post castigationem aliquam opinabatur facilius accepturam frenum.

Solymanus occupat Belgradum.

Collecto igitur exercitu, dum nostri epulantur & ludunt, Belgradum, Hungariae & Europae repagulum, adoritur & acerrimè oppugnat. Nostri sero experrecti conueniunt segniter, vrbs Vratislauiensis etiam misit quingentos pedites. Sed antequam ad hostem peruentum est, iam Belgradum 21. Augusti captum est cum ignominia vniuersi orbis Christiani, qui eam arcem contra abauum Solymani Amurathem, & proauum Mahometum, duo fulmina bellica, fortissimè olim defenderat.

*Carolus Caesar agit conuentum Vorma-
tie.*

*Lutheri confessio in conuentu Vormatien-
si.*

In Germania conuentum imperij agebat Carolus nouus Cæsar, ad quem euocatus est Lutherus: is coram Cæsare & Principibus publicè & intrepidè confessionem suam edidit, testatus est, nullo modo veritatem Euangelij sese deserturum & abiecturum: Publica fides ipsi est seruata, in reditu vero, iubente ita suo principe, qui eum, sicut Abdias olim Prophetas, suffurabatur, in suam Pathmon ductus est, & fermè biennio Viteberga absuit.

Cæsar.

Cæsar persuasus consilijs suorum, qui traducere in suas partes cupiebant Pontificem, Lutherum & omnes socios ipsius proseripserunt. Et fuit sanè hoc quæstuosum aulae. Pontifex enim deserto Gallo transijt ad Cæsarem, & hoc anno ductores Pontificij & Cæsaris, Prosper Columna & Ferdinandus Piscarius bellator virtutis & fortunæ mirificæ, Gallos victos & fusos Mediolanensi ducatu eiecerunt.

Lutherus proseribitur à Cæsare & ducitur in Pathemon.
Caroli Cæsaris copiae occupant ducatum Mediolanensem.

Pontifici vero gaudium hoc non fuit solidum. Statim enim post nuncium victoriæ Mediolanensis interijt, hausto veneno, vel in vino, vel, vt creditum est, inter familiaria catapotia, quæ singulis mensibus, pro iuuanda valetudine, solebat deuorare. Decessit etiam hoc anno Iohannes Capnio, præceptor nostri Philippi, illustrator linguæ Græcæ & Hebrææ.

Leo Pontifex tollitur ueneno.
Iohannis Capnionis uita.

Romæ audiuerat Iudæum docentem linguam sacram, cui *διδάκτωρ* numerabatur pro singulis horis singuli aurei. In auditorio etiam Argyropyli Græcè legit periodum ex concione Thucydidea scitè, eamq; rectè interpretatus est: ibi senex Argyropylus illacrymans exclamauit: Græcia nostro exilio transuolauit Alpes, cum sentiret studijs linguarum artes & eruditionem Græcam etiam in his horridioribus gentibus accendi.

Fuit illi longum bellum cum stultis & auaris Monachis, qui nihil aliud effecerunt, nisi quod stulticiam suam mundo deridendam propinarunt, & animum addiderunt Luthero, vt totum regnum Monasticum & Pontificium cum applausu Germaniæ conuelleret. 30. Maij mortuus est Georgius Bregensis in Silesia, frater Friderici, Princeps ingeniosus quidem, & optimè educatus in aula Maximiliani Cæsaris, sed corruptus crapula & voluptatibus. Hæredem habuit fratrem Fridericum.

Georgius Bregensis moritur.

Nono Ianuarij anni 1522. Romæ mirabili casu in Pontificem electus est Adrianus vir Belgicus. Natus fuit ex parentibus fortunæ admodum tenuis, Louanij nutritus est ex eleemosyna, innotuit propter laudem industriæ & doctrinæ: ascendit subinde per gradus ad honores, factus est gubernator Academiae, vocatus est dum in aulam, vt erudiret adolescentem Carolum, qui tamen in discenda lingua latina minus obsequens fuit præceptori, abductus ab alijs ad exercitia equestria.

Adrianus Traiectensis creatur Pontifex.

Adrianus fuit præceptor Caroli Quinti.

Ipsè Carolus Cæsar, post multos annos, cum orationem latinam Genuæ eleganter recitatam minus intelligeret, conuersus ad suos: Nunc, inquit, agnosco adhortationes præceptoris mei fuisse veras, qui sæpe prædicebat, me puerilis incuriæ daturum aliquando poenas. Doleo enim me flores & elegantias sermonis istius non rectè assequi.

Carolus Quintus accusauit incuriam adolescentiæ suæ in discendo.

Adrianus demum in Hispania est factus Episcopus, & vbi Carolus illa regna adeptus est, cum imperio toti Hispaniæ præfectus est. A Leone lectus est in Senatum Cardinalium anno 1517.

Adriano erecti sunt arcus triumphales in Belgico inuerecundi.

Et nunc demum, postquam diu litigassent inter se Cardinales, nec illi fluctus æmulationum mutuo possent sedari, iste absens, alienigena & incognitus Romanis, ad Pontificatum euectus est.

Adrianus fuit ineptus ad gubernationem.

In Belgico sunt ipsi erecti arcus triumphales, & pro more gentis, ornati dictis sacris petulanter detortis. Ita enim fuit scriptum: Traiectum plantauit, Louanium rigauit, Cæsar dedit incrementum. Vir quidam pius, detestatus illam profanitatem, subscripsit: Hic Deus nihil fecit. Fuit in ipso mirabilis Melancholia, oderat studia Poëtica, quod diceret ea aduersari religioni. Cognatis suis, qui ex Belgico pedibus Romam accurrerant, nihil est largitus, ne videretur imitari profusionem superiorum Pontificum in suos.

Solymanus occupat Rhodum.

Cæsarem Carolum in Hispania noluit videre, & somniabat veterem Romam. Sed fuit eius gubernatio breuis & infelicissima. Romæ est grassata sæuissima pestilentia, quæ ideo grauius inualluit, quod ipse contagia, vilitata seueritate Italica, nollet coercere. Solymanus autem re bene gesta in Pannonia, alterum etiam propugnaculum orbis Christiani, Rhodum oppugnauit.

Defendebant eam fortissimè 700. equites Rhodij in septimum mensem vsque, deserti vero à Pontifice & Christianis regibus, die natali Christi fecerunt deditionem, pacti corporum & rerum suarum incolumitatem, quam Turci egregiè ipsis præstiterunt.

Vratislaviæ creatur periculum apud Ludouicum propter emendationem doctrinæ.

In Silesia fuit hoc anno status turbulentus Vratislaviæ. Iam illuxerat emendatio doctrinæ, instituta per Lutherum, neq; amplius premi poterat veritas. Senatus pio studio quædam monasteria, sine iniuria tamen Monachorum, conuertebat in vsus pauperum. Hoc ægre ferebant Monachi, & inueniebant patronos potentes in aula, Bohemos, Hungaros & Germanos. Re disceptata per aliquot annos, tandem isto anno, cum Pragæ esset Rex Ludouicus, qui à Principibus imperij Noribergæ postulabat auxilia contra Turcos, incensus à Pontificis minatus est bellum Vratislaviensibus, & vtrique præfidi Silesiæ, Casimiro Teschensi & Friderico Lignicensi mandauit, vt pararent arma. Sed interueniente Georgio Marchione Brandeburgensi, qui præcipuè regem in ea ætate gubernabat, & veram doctrinam amabat, Vratislaviæ controuersia ea sedata est.

Georgius Brandeburgicus tegit Vratislavienses.

Multis etiam annis de moneta lis fuerat Suidniciæ, & populus contra voluntatem Senatus & Regis non admittebat mutationem. Vocati sunt à Georgio Brandeburgensi & Friderico Lignicensi Vratislaviam ex tribunis & populo, qui putabantur esse auctores dissensionum, & cum ex illis aliquot damnati essent ad capitalia supplicia, Georgius tamen Brandeburgensis, exoratus à matronis Vratislaviensibus, vitam suis donauit. Sed Fridericus Lignicensis tres capite plecti curauit.

Suidnicenses ciues afficiuntur supplicio Vratislaviæ.

Accesserunt

Accesserunt deinde cum exercitu Suidniciam, vt cogerent ciues ad obedientiam, sed cum Bohemi denunciarent Principibus, se Suidnicensem populum omnino, si opus foret, armis defensurum, domum Principes reuerſi ſunt, & hoc etiam negocium ſecundo anno poſt, amicè tranſactum eſt.

Iſto anno etiam fuit initium liberationis Monachorum. Paſtor Eccleſiæ Kembergensis prope Vitebergam duxit vxorem. Iuſſus eſt igitur à Principe cauſas exponere, cur nec Pontificia lege, nec voto impediuntur coniugia diuinitus probata. Inde magnæ diſputationes in Academia ortæ ſunt de lege coelibatus, de votis Monaſticis & ſimilibus. Lutherus ex ſuo pathmo miſit Propositiones de votis, & totum laqueum legum & votorum impiorum vno icſtu conſcidit. Eaſ propositiones cum primum legeret D. Bugenhagius Pomeranus, dixiſſe ſcribitur: Hæc res mutationem publici ſtatus efficiet, doctrina vero ante haſ propositiones tradita publicum ſtatum non mutaret. Ita laqueus contritus eſt, & multi ſunt liberati ex triſti ſeruitute conſcientiarum & corporum.

Monachi liberantur ex monaſterijs.

Ludouicus ex conſilio Principum vincula quædam obedientiæ iniecit Bohemiæ, & gubernatorem generalem regni nominauit Carolum Monſterbergensem, frementibus & indignantibus Bohemis. Ipſe paulò poſt in Pannoniam regreſſus eſt, quæ ipſi nihil parebat.

Carolus Monſterbergensis conſtituitur gubernator Sileſiæ.

Anno 1523. Romæ Adrianus, qui nimis erat hebes ad aulam Romanam, & fortassis melior, quam decebat Pontificem illius ætatis, Idibus Septembris mortuus eſt febricula, vt ſcribunt ſatellites Pontificij, quam contraxerat quarto Auguſti, dum in magno æſtu miſſam canit, ſed potius, vt adhuc hodie notum eſt in Italia, ex ueneno, quod Cardinales hoſtiæ, vt nominant, in miſſa illeuerant: Succeſſorem habuit Iulium Medicen, qui ſe nominauit Clementem Septimum: is euertit Romam: huic cum fortiter & foeliciter ſe opponeret Pompeius Columna Cardinalis, vulgo à Poëtis ſcriptum eſt, Romam rurfus à Pompeio & Iulio turbari, quærendum igitur eſſe nouum Brutum, & nouum Photinum.

Adrianus Pontifex Romæ ueneno tollitur.

Clemens Septimus oppugnetur à Pompeio Columna.

Franciſcus Galliæ Rex miſit in Italiam exercitum peditum 40000. inter quos plurimi erant Heluetij, equitum 1000. & tamen ille, adminiſtrante bellum Piſcario, à Cæſarianis longe inferioribus, per partes hinc inde oppreſſus & conciſus eſt. Vratiſlaviæ etiam hoc anno ſacerdotes duxerunt vxores.

Vratiſlaviæ ſacerdotes ducunt uxores.

Semina ſeditionis ruſticanae orta ſunt anno 1524, ex tali occaſione, vt quidem vrbs Noriberga in ſuos annales retulit: Abbas quidam Sueuicus prope Vlmam habebat ruſticos ſeruos, & decedente agricola, ex veteri conſuetudine, abducere ſolebat iumentum aliquod: Tunc autem, mortuo villico quodam auriga, ipſe vxori & miſeris orphanis eripuit duos equos magni pretij, meliorem partimonij nempe partem. Hac tyrannide moti ruſtici, primum con-

Ruſticane ſeditionis ſemina.

currerunt, & deinde aucto paulatim agmine tam crudele incendi-
um ortum est.

In Italia memorabiles acciderunt vices rerum, & celeberrima
fuit deinde etiam in nostra regione fama prælii Ticinensis. Annoto
igitur præcipua capita euentuum, ex diuersis descriptionibus Pauli
louij excerpta.

*Ticinensis
prælii hi-
storia.*

Aestate anni 1524. duces Cæsariani penetrarunt in Galliam,
& oppugnarunt Massiliam, maximo sed irritum conatu. Fran-
ciscus Rex incensus ira, omnibus viribus parauit bellum, & supera-
tis Alpibus celeriter toto ducatu Mediolanensi potitus est, exceptis
duabus vrbibus, Laude Pompeia, quo profugerat cum Hispanis
Piscarius, & Ticino, quod defendebat cum Germanis Antonius
Leua. Rex inutili consilio statuit oppugnare Antonium: Sed
Germani fortissimè sustinuerunt obsidionem in quintum vsq; men-
sem. Anno demum proximo post mirabilis est secuta conuersio.
Videbantur Cæsariani iam, penè profligati, expectare vltimum in-
teritum: Pontifex etiam & Veneti ad latus nauis sælicius se incli-
nauerant. Sed quod sæpè aliàs accidit, tunc etiam fortuna inexpectato
flatu Cæsari fauit.

*Georgius
Fronspbergius
& Marcus
Sittius Ger-
mani ductores
Cæsaris.*

Venerunt auxilia ex Germania, quæ adduxit dux Borbonius,
illisq; præerant Nicolaus Salmenis comes, Georgius Fronspber-
gius & Marcus Sittius, maximi nominis duces: Piscarius igitur
bellator ingenio & manu promptissimus euestigio victoriam sibi
despondit.

Coniunxit Hispanos cum Germanis, & Ticinum ad eripien-
dos Germanos ex obsidione profectus est. Tota Italia, & multi
Principes Galliæ monebant Franciscum regem, vt relinqueret ob-
sidionem, nec cum audacissimo milite Cæsariano configeret, cui
paulò post esset defutura pecunia, & qui deinde sua sponte esset di-
lapsurus. Sed Rex ex sua quadam opinione statuit perseuerandum
esse, & vrgendam oppugnationem: Piscarius diu, etsi vteretur ar-
tibus vaferrimè cogitatis, non potuit elicere Gallos ad dimicatio-
nem, tandem murum aræ, in qua castra locauerat Rex, quam Itali
parcum nominant, cum sit septum ferarum, nocturno tempore
perrupit, & partem agminis introduxit, ipse autem cum reliquo
exercitu insecutus est.

Ea occasione Franciscus Rex iuuenis, & gloriæ cupidus, in aci-
em prodijt, & videbatur omnibus rebus superior esse Cæsarianis,
tormentis, equitatu, & peditatu, qui constabat ex Heluetijs & Ger-
manis militibus, quos appellabant legionem nigram. Initium etiam
pugnæ scælix fuit Gallis, profligarunt pedites Italos auulsos à reli-
quo exercitu, tormentis equitatum Cæsaris dissiparunt, & ipse e-
quitatus Gallicus, genere armorum & disciplina militari illustris,
latè equites Hispanos & Germanos, quorum non erant supra duo
millia, submouit.

Verum

Verum inter præliandum, dum Rex studio vincendi longius à peditatu progreditur, conuersa fuit fortuna. Nam amissus fuit vsus tormentorum, & Piscarius equitatum Gallicum à tergo & lateribus circumfudit sclopetarijs Hispanis, qui illis suis longis can-

Hispani sclopetarij sternunt equitatum Gallicum.

nis ferreis, tunc recens excogitatis, miserabili procella glandium ornatissimos equites conciderunt, ita vt vnus sæ penumero humilis & retorridus Hispanus duos nobilissimos equites, aut duos generosos equos vno globo transuerberaret.

Cum ita ab equitatu initium fugæ oriretur, simul perturbati sunt ordines Heluetiorum ab ipsis Gallis fugientibus, & Alphonsus Vastius cum peditatu Cæsariano ampliore in ipsis incussit terrorem, vt pene nihil motis armis turpiter aufugerent.

Legionis autem Germanicæ tantum fuit robur, vt ipsa videretur restituere posse prælium, ibi Piscarius cohortatus Fronspergium & Sittium, vt pro fortuna Cæsaris egregiè laborarent, ipse inter primos, Germanos hostes in equo inuadit, sed infœlici cum successu. Nam ex equo deturbatus duo grauiâ accepit vulnera, ita vt pro mortuo haberetur.

Verum Fronspergius & Sittius, ex peculiari sua disciplina, laxatis ordinibus, legionem nigram in medium accipiunt, eamq; accerrime se defendentem vniuersam contrucidant, imprecati illis mala, quod nati in Germania ferrent arma contra Cæsarem. Interea profligato equitatu Gallico, nobilissimis Gallorum ducibus captis, aut interfectis, ipse Franciscus Rex prolabente equo capitur ac-

Franciscus Gallus capitur.

ceptis duobus vulneribus non magis, & Lanoio traditur. Capto rege victoria à Cæsarianis vbiq; conclamatur, & Galli sese dedunt. Rex abductus, diu altum tenuit silentium, tandem cum à Vastio benignè appellaretur in campo, respondit: Nihil magis se optasse quàm mortem, viuere tamen vnica hac spe, quod amplius in tota vita nihil tristius sibi accidere posset, quàm hoc quod iam sustineret. Existimarunt Pontificij, eum globis sclopetorum non potuisse trañci, quod in pectore gestaret frustulum ex sacra cruce donatum ipsi à Leone Pontifice. Ceciderunt eo die, qui fuit sacer Matthiæ Apostolo, & Caroli Cæsaris natalis, supra decem millia hominum. Cæsar, vbi de victoria rescivit, vetuit excitatis ignibus aut ludis vllam significationem publicæ læticiæ dari, sed per triduum preces in templis recitari iussit, vt victoria illa utilis esset orbi Christiano.

Francisci Galli capti uox.

Carolus Quintus modeste se gessit post victoriam Ticinensem.

Galliæ Rex aliquamdiu asseruatus in Italia, cum Pontificem & Venetos nihil conari pro liberatione sui uideret, in Hispaniam à Carolo Lanoio Belga prorege Neapolitano, nesciente Piscario, ductus est. Putauerat Franciscus, Cæsarem illico amicè ipsum compellaturum, & inito foedere in suum regnum dimissurum. Sed iussus fuit subsistere Madritti, & Cæsar per duos menses eum non vidit.

Francisci Re-
gis morbus in
carcere,

Ideo Rex ex incrore animi in grauissimum incidit morbum, ut de vita ipsius dubitaretur, tandem Cæsar eum inuisit, atq; amicè affatus & consolatus est, ex ea animi lætitia euestigio vires in rege recreatæ sunt, & morbus facili negotio superatus.

Disputatum fuit in senatu Cæsaris de conditionibus ferendis Francisco, penè simili cum ratione & euentu, sicut accidit apud Samnites post captas legiones Romanorum. Piscarij & aliorum ducum hæc erat sententia, ut Cæsar regem liberaliter dimitteret, cum eo amicitiam iungeret, & persuaderet, ut ab Italia abstineret: eandem vero Italiam Carolus veterum Cæsarum more perdomaret, & imperata facere cogeret, illudq; futurum esse factu facile omnes putabant.

Carolus Quin-
tus incaute
proposuit con-
ditiones Fran-
cisco captiuo.

Mercurinus, cuius summa apud Cæsarem erat autoritas, contra disserebat, non habendam esse fidem Regi captiuo, quam ille non esset seruaturus, ubi liber foret, aut gratia aut armis prius recipiendam esse Burgundiam, quam Galli, mortuo Carolo Burgundico, nullo iure ad se traxissent, deinde inito foedere regem demum esse dimittendum: Italiam vero, deuicta Gallia, vltro futuram in potestate Cæsaris. Carolus vero suo quodam fato oblitus illius dicti: medias vias in consilijs plerumq; esse periculosas, mediam sententiam elegit: præscripsit regi conditiones, quibus ipse promittit restitutionem Burgundiæ, renunciat Italiæ, pollicetur Cæsari pecuniam, naues & alia quædam: despondetur ipsi soror Cæsaris Heleonora, traduntur Cæsari obsides, filij Regij Franciscus & Henricus: nisi pacta seruet, spondet sese denuo sistere captiuum.

Franciscus
rex turbatis
conditionibus
pacis, Cæsa-
rem bello ag-
greditur.

Sed, quam primum fines sui regni attigit, quod fuit sub initio anni 1526. profitetur publicè nolle se pacta illa, expressa vltima necessitate carceris, seruare: & cum Pontifice atque Venetis foedus facit contra Cæsarem, eo euentu, ut ex breui interuallo Roma bis vnà cum ipso Pontifice caperetur: Veneti demum supplices pacem à Cæsare precari cogerentur, & Galliæ Rex ornatissimo exercitu ad Neapolin, Duce Lotrechio miserè perduto, pro filijs obsidibus viciis centena millia aureorum exolueret. Sed has historias persequi institutum nostrum non patitur.

Rusticana se-
ditio in Ger-
mania.

In Germania ille annus 25. fatalis fuit furore rusticorum, qui ubiq; arma sumebant contra Magistratum. Commouebant eos fanatici concionatores, qui simulatis visionibus & Enthusiasmis miseros homines dementabant & inflammabant. Concisa fuerunt in diuersis locis supra 50000. rusticorum.

Friderici Ele-
ctoris Saxo-
niæ mors.

Optimus Princeps Fridericus Saxoniae Elector triduo ante mortem, sub initium tumultus rustici, orti etiam in Thuringia, concitante plebem Monetario, homine deliro & fanatico, misit Epistolam ad fratrem Ducem Iohannem, in qua consolatur fratrem, narrat sperare se, Deum omnino protectorem fore istius regionis, & hunc

& hunc errorem plebis non fore longum : monet vt per pastores homines de suo officio rectè erudiantur, & vt ipse comparatis præfidijs, & paucis castigatis, parcat multitudini : postremo significat, natura sua vi morbi superata, se iam in cœlestem vitam migrare, vbi sese denuo sint conspecturi & complexuri. Paruit huic consilio optimus Princeps, & suam plebem facile ad officium reuocauit.

Mense Nouembri eiusdem anni in Italia ex Hectica febre decessit Ferdinandus Daualus Piscarius, bellator virtutis & fortunæ admirandæ. Vix excefferat annum ætatis 34. & tamen nullus ex ductoribus in Europa ipsi poterat comparari. Octies aut etiam sapius iusta acie conflixit, & semper fuit victor, præterquam in prælio Rauennensi, vbi fuit adhuc Tyro.

Piscarij fortissimi ducis obitus.

Tantum illius industriæ & fortunæ tribuit Italia, vt Pontifex & Veneti offerrent ipsi possessionem regni Neapolitani, si vellet deferere Carolum : cui tamen ipse, etsi pro tantis rebus gestis non multa obtinuit, fuit fidissimus. Ducatus certè Mediolanensis & Galliæ Rex, ita volente Deo, viri huius virtute capti sunt.

Vratislaviæ in Silesia hoc anno, docentibus D. Ambrosio Moibano, & D. Iohanne Hesso, emendati sunt ritus Ecclesiastici, aboliti impij cultus statuarum & consecrati panis : passim etiam in alijs Silesiæ oppidis Euangelij lux innotuit, sed intermixti fuerunt fanatici doctores, qui multos turbarunt. Nobilis clades ad Mogatium & interitus Regis Ludouici accidit anno 1526. Historiam illam recenseo.

Vratislaviæ emendantur Ecclesiæ.

In veteribus fabulis ingeniosè scriptum est, matrem terram ante tempus belli Troiani supplicem factam esse Ioui, grauiusq; conquestam, intolerabili se pondere hominum malorum & vita indignorum premi, iniret igitur rationem, quomodo sibi posset consuli. Iouem vero re deliberata excitasse bellum Troianum, vt ista tot gentium cæde terra ab inutilibus ponderibus leuaretur & repurgaretur : Ita propemodum tunc Pannoniæ peccata hominum attraxerunt poenas publicas.

Ludouici regis interitus.

Euersæ erant magna ex parte leges sub Vladislao, qui nimium conuiuebat, creuerat in ocio luxus, superbia, tyrannis in subditos, cumulabantur idola, cultus statuarum portentoso modo. Vladislao mortuo, successit adolescentulus Ludouicus, præstans quidem naturæ bonitate & singulari modestia : sed deerant ipsi idonei rectores. Constitutæ sunt statim factiones inter proceres, Episcopos & Principes, & verè inducebatur quædam *ἀναρχία* : Iohannes Veidanus, cuius pater sub Mathia inclaruerat, gerebat spiritus indomitos, præstabat opibus, coniunxerat sibi affinitate regem Poloniae, despondebat sibi gubernationem regni, illi resistebat Cæsar Maximilianus, demum etiam Sigismundus.

Hungariæ regnum fatales sustinet clades.

Adiunctus

Adiunctus fuit tandem adolescenti Georgius Brandeburgensis, Princeps cognatus, bonus & sapiens, sed præualebant studia nobilitatis Hungaricæ. Imminebat ipsis potentissimus hostis, quem errore & superbia attraxerant, eripuerat ipsis præcipuum regni propugnaculum, & tamen non parabantur necessaria ad defensionem. Bona regia abripuerant harpyæ, præsertim Episcopi, & ea profundebant immani cum luxu.

Scriptit vir illustris Dominus ab Herberstein, vidisse se aliquot conuentus Hungaricos illo tempore, ingressos fuisse Episcopos, & procures regni aliquos splendore plus quam regio, ita ut tota vrbs perstreperet tubarum clangore, & tympanorum crepitu, non secus ac si quotidie de hoste deuicto duceretur triumphus: Viæ publicæ, inquit, equitantibus Episcopis ab omni parte refertæ erant sectatoribus & seruis, epulantibus illis audiebatur primum tubarum & tympanorum quasi tonitru, deinde concentus Musicus, dignus magnis Monarchis.

Interea in aula Regis adolescentis erat solitudo, adeoq; detracti ipsi erant nerui, ut interdum egeret: petebatur vinum ad mensam regiam ex cellis vrbis ciuium, & lagenæ ipsæ sæpe exhauriebantur ad contumeliam regis à petulantibus seruis procerum in vestibulo.

Ipsi Episcopi & Principes certabant odijs, æmulatione, pompa, nec curæ ipsis erat regni salus. Nam interea dum sese pascunt, limites regni erant nudi à militibus, armis & pecunia, ita patebat hosti aditus facillimus. Intuebantur exemplum Hungariæ etiam reliquæ prouinciæ, quæ & ipse in tanto periculo minus erant vigilantes, minusq; liberales quam oportebat. Nam scimus, negatam fuisse regi adolescenti in bellum Turcicum summam non magnam: quod deinde sæpe fuit deploratum à prudentibus. Hoc nimirum est, quod dixit Poëta: *Nam cætera regna*

Luxuries vitijs, odijsq; superbia vertit.

Irruebat Solymanus copijs ingentibus, impositurus tandem finem bello Hungarico, regnumq; in suam potestatem traducturus. Belgrado Balibeio duce leuioris armaturæ equites emisit, qui Pannoniam longè latèque effuse populati sunt. Ludouicus in isto metu bellico Oratores miserat Spiram, vbi tunc erat conuentus imperij, & sollicitè admodum à Germania, præsertim à Sororio Ferdinando opem petebat.

Intelligebant aliqui periculi magnitudinem, & suadebant, ut conscriberentur copiæ: multi verò in illa voluntatum distractione, alias ferebant suspiciones, ita ut aliud perfici non posset, nisi quod decreta est legatio ad inspiciendas res Hungariæ, sed antequam ea redijt, iam perierat Rex, & Turcus Budam inspexerat.

Ludouicus
rex non impe-
travit auxilia
à Germania.

Misit

Misit etiam ad patrum Sigismundum aulae suae magistrum virum fidissimum Trepconem, qui eum interpellaret de auxilijs tam necessario suo tempore, aut si ea non impetraret, saltem exoreret Sigismundum, ut ad fines Hungariae ad paucorum dierum colloquium accederet: cupere enim Ludovicum ipsius uti consilio.

Ludovicus frustra à patre Sigismundo colloquium exposcit.

Neutrum potuit obtineri. Nam Sigismundus longè à Panonia Dantiscum progressus est, ut motus urbanos ibi sedaret. Ibi legatus ille obortis lacrymis, cladem futuram praeficiens, dixit, Ergo, inquit, Rex, neque dulcem tuum nepotem amplius in hac vita intueberis, neque aliam ab eo unquam habebis legationem. Et quidem iste nimis verus vates post paucos dies una cum domino suo interfectus est. Conuocauerat ordines in isto metu panico Rex Budam, deliberatum est de arcendo hoste, Episcopi appellati de auxilijs, milites & pecuniam infideliter contulerunt. Nobilitas ebria ocio & luxu superbè Turcos contemnebat, quos concisuros & deleturos se exigua manu iactabant.

Volitabat in coetibus hominum Paulus Tomoræus, Monachus quondam Franciscanus, tunc vero Archiepiscopus Collocensis: is, ut homo imperitus & Thraconicus, petebat sibi imperium in exercitum, & monstrabat manu, quomodo esse profligator hostes: Illique credebatur, quod aliquando excursores Turcorum non infeliciter repressisset. Decretum est igitur bellum magno animo, adductae sunt etiam paucae cohortes peditum conscriptae in Germania, & Bohemia, ex pecunia indulgentiarum, ut narrabatur, illisque adiunctus equitatus, ita ut vniuersae copiae non excederent numerum vices quinque millium.

Paulus Tomoræus Monachus bellator.

Ludovici copiae exiguae.

Ludovicus ipse, Maria regina Posonium remissa, exultabundus Buda egressus est, & omnium magna erat alacritas. Ideo deinde multus inter prudentes fuit sermo, nullum unquam regnum maiori cum laetitia amissum esse, quam illud: proponebant aliqui saniores ex consiliarijs, ut parceretur aetati regis, qui vix vigesimum annum excesserat, & is extra periculum Budae relinqueretur, sed vicit Tomoræus, ut ipse Rex coram spectatore esset fortitudinis suorum militum.

Exercitum regium cito adepti sunt antecursores Turcici, ducte Balibeio, qui ad omnes partes diffusi regis comeatum interceptiebant, eosque prohibebant ab aquatione. Inter has difficultates ventum est ad Mogatium oppidum, medio loco positum inter Budam & Belgradum: ibi regis compulsi intra castra, quae carris & plaustis obsepserant, cum arcerentur à flumine, puteis effossis in castris, metu hostilium incursionum, aquam quaerere coacti sunt.

Turci antecursores inuadunt exercitum Ludovici.

Disputatum est igitur in consilio Regio de conferenda pugna. Ductores Germani & Bohemi maxime dissuadebant praelium, in illa tanta copiarum imparitate, & disserebant non videri humanum

num

num esse, singulos Christianos octonos Turcos, eosque strenuos & bene armatos posse sustinere, hortabantur igitur regem, saltem aduentum Iohannis Veidani, qui cum suo agmine statim venturus esse putabatur, expectaret.

Iohannes Veidanus non uenit in castra regis.

Sed Tomoræus, partim ex temeritate partim ex ambitione, contra differuit. Videbat Iohanni superuenienti tradendum esse imperium exercitus, etsi ipse fortassis nunquam constituerat opitulari regi, deinde adeo inflatus erat fiducia sui roboris & fortunæ, ut Turcos, quamuis iam castigatus ab illis, insolenter adhuc aspernaretur.

Ludouicus fuit proditus à suis.

Assensus fuit huic Georgius Sepusienis frater Iohannis, qua ratione non liquebat: spargebatur tamen tunc palam, regem domesticis hostibus, qui nihilo ipsi fuissent æquiores quam Turci, circumdatum fuisse. Franciscus tamen Perenus Episcopus Varadiensis detestatus Tomoræi imprudentiam & temeritatem, publicè dixit, futurum se vatem, quid Monachus ille imperator esset effecturus: præuideo enim, inquit, cum Christianis fastis inserturum diem à cæde triginta millium martyrum Hungaricorum celebrem, qui pro defensione religionis à Turcis trucidati sint.

Francisci Pereni Episcopi præsagium de clade Mogatiensi.

Ludouici uox ante prælium.

Ipse Rex urgentibus suis dixisse fertur, optare se, ut omnes sint forti & præsentis animo, se quidem non futurum ignauum nec sanguini suo se velle parcere. Postridie igitur, qui dies festus est ob memoriam interfecti Baptistæ, Tomoræus instruit aciem, permixtis inter se equitibus & peditibus, ut ordinibus ita dilatatis ab hostibus circumdari non possent.

Ludouicus collocatur in primâ aciem.

Memoria proditum est, regem in tertium ordinem agminis fuisse collocatum, & in ipso conflictu impetu pugnæ ad primos fuisse protrusum: Prope tamen vallum castrorum apposita erat ala lectissimorum equitum, ut ea regi, si euentus prælii non responderet, præsidio esset. Sed longe aliter res cecidit quam putauerat Tomoræus.

Mogatiense prælium.

Præfecerat Solymanus suo exercitui duos præfectos præcipuos, Habraymum & Becramum, eos cum monuisset, quid fieri vellet, eductis copijs ex castris, tormenta in hostem displodit, ea verò etsi magnitudine & numero essent eximia, tamen Christianis nihil nocuerunt, & vix apices hastarum perculerunt. Tormenta Ludouici pauca & futilia etiam hosti nihil attulerunt incommodi.

Tunc vero Turci extendentes latissima agmina sua, non modo Christianam aciem undique circumfuderunt, verum etiam eodem impetu & tractu ad ipsa usque castra regis peruaferunt. Cadit inter primos Tomoræus, totus equitatus foedè conciditur, ala equitum quæ iussa fuerat operiri regem, in Turcos, qui castra adoriebantur delata est. Orta igitur effusissima fuga, Rex prælio sese eripit.

Traditum

Traditum est tantum fuisse fugientium pauorem, vt vnus Turcus immistus primis agminibus regijs, multis nobilissimis & fortissimis Hungaris capita acinace suo nemine sese defendente detruncaret, donec Germanus miles conspecta rei indignitate eum hasta transfixit. Georgius Sepusiensis, cum equo in nauim insilire niteretur, in flumine perijt.

Rex autem insidens equo vasti corporis, & grauibus protectus armis, vno modo comitatus cubiculario suo Cetericio Silesio, ad amnem non magnum venit, quem minister agilior facile transijt, Rex autem secutus eum inuenit vadum à fugientibus turbatum & cauatum, ita vt minus esset peruium. Equus igitur in luto hæsit, quem cum Rex impelleret, dicitur ripam extractis pedibus anterioribus appetijisse, sed cum posteriores explicare non posset retroactus esse & collapsus supra regem, atque regem in limum altè deturbatum, itaq; suffocatum esse in illa ignobili aqua, cuius profunditas scribitur non superasse sex palmos.

Ludouicus
rex suffoca-
tur in aquis.

Locum illum, cum Regi nullam opem afferre potuisset Cetericius, notauit: ex cuius indicio deinde corpus regium repertum est. Dicuntur interfecta esse quindecim millia Christianorum, prope sine vulnere Turcorum. Solymanus tanta victoria parta Budam profectus est & 14. Septembris vrbe & arce potitus est. Inuisit ipse quidem regiam arcem, sed in ea non pernoctauit, quod hoc vetaretur lege Turcica.

Cetericius Si-
lesius fuit spe-
ctator mortis
Ludouici.

Solymanus oc-
cupat Budam.

In castris ad eum allata sunt Episcoporum & procerum interfectorum cruenta capita septem, quæ cum ex ordine collocata essent, & à satrapis, qui eos strenuos Papas appellabant, salutarentur & irriderentur, Solymanus nomina eorum percunctatus est. Deinde vehementer detestatus est Ladislaum Strigoniensem, qui regi expetenti negauerat mutuo aurum ad vsum belli, quo tamen maxime abundabat. Merito igitur eum ob auaritiam & perfidiam poenas luisse dicebat Turcus.

Solymanus de-
testatur furo-
res Episcopo-
rum.

Tomoræum arguit propter temeritatem, quod ex latebris Monasticis erumpens maluisset esse bellator quàm monachus. Perenum Varadiensem ob fidem erga regem suum commendauit. Ostensa sunt ipsi demum simulacra Ludouici & Mariæ: vbi palam dixit Turcus, misereri se calamitatis Regis adolescentis, quem insani consiliarij ad prælium & mortem præcipitassent, neque venisse se in Hungariam, vt Ludouico regnum eriperet, sed vt iniuriam & ignominiam acceptam ab Hungaris ultore suo acinace vindicaret.

Ideo, si Rex discrimen prælij euasisset, omnino se fuisse ipsi redditurum regnum, mediocri tributo imposito, quod sciret eum culpa vacare, & sibi gloriosum putaret, si conseruare potuisset nepotem amici sui regis Sigismundi, eumq; qui propinqua affinitate coniunctus esset familiæ Austriacæ florentissimæ.

Solymanus
præ se fert
dolorem pro-
pter necem
Ludouici.

Hæc Mariæ reginæ, quæ tunc Posoniæ erat, nunciari iussit. Ipse interea per 10. dies, quibus Budæ commoratus est, prædatorias manus in omnes partes Hungariæ emisit, quæ ultra 150000, omnis sexus & ætatis homines mactarunt, aut in seruitutem abduxerunt.

*Solymanus ex
arce Budensi
abstulit uete-
res statuas.*

Ex arce Budensi, quæ mirifico studio Mathiæ Regis fuit exornata, abstulit tres statuas æneas, prisce & exquisitæ operis, Herculis cum claua, Apollonis Cytharædi, & Dianæ cum pharetra, eas tanquam trophæum victoriæ Pannonicæ Byzanti in Hippodromo collocauit. Abduxit etiam tria inusitatæ magnitudinis tormenta, quæ olim Mathias capta bello, ex Bosna aduexerat.

*Ludouici se-
pultura.*

Discedente hoste, corpus Regis ex limo extractum, die S. Martini Pannoni in Alba regali, regia, sed miserabili cum pompa sub terram conditum est. Hæc est historia necis Ludouici Regis, adolescentis optimi & modestissimi, de quo verè vsurpari illud querulum carmen de Pallante potest:

Quem non virtutis egentem

Abstulit atra dies & funere mersit acerbo.

Pannoniæ ea fuit fortuna, vt deinceps fermè semper posterior dies priori, vt olim dictum est, ipsi tristior & grauior illuxerit. Redundauit etiam hoc detrimentum ad orbem Christianum vniuersum, qui dormitantibus, aut inuicem pugnantibus nostris Principibus, commodissimum illud propugnaculum vidit à latronibus Scythicis discerpi, & immani seruitute opprimi. Faciat Deus & magnus Michaël, qui stat in excubijs pro filijs populi sui, ne nostri etiam niduli, extincta luce sanctæ doctrinæ, & euerso ordine politico, fiant stabula prædonum Turcicorum.

Iohannes Veidanus à quibusdam acclamatur Hungariæ rex.

Sepulto Rege indictum est armatum concilium, pro more gentis, ibique Iohannes Veidanus, qui arma tenebat, & cui mors Regis, non solum grata, verumetiam quæstiosa erat, aliquorum procerum suffragia impetrauit, à quibus Rex renunciatus est, illicque imposita corona regni. Sed multi ex honestioribus, memores veterum pactorum, contulerunt se ad Ferdinandum Austriacum, ad quem regnum iusto ordine detulerunt.

*FERDINANDVS PRIMVS, ROMANORUM Imperator, Hungariæ & Bohemiæ Rex,
Archidux Austriæ, Princeps Silesiæ.*

PERduximus annales nostros ad exitum vsque Ludouici Regis, quibus nunc finem imponimus, non modo, quòd historiam sui temporis scribere iudicetur esse periculosum, sed multò magis, quod

quod res gestæ in Hungaria, & apud alias gentes exteras, luculenter prius descriptæ sunt, partim à Iouio Italico, partim à Sleidano: & speramus adhuc alios, sapientia, iudicio & usu rerum præstantes, datuos meliora. Silesiæ vero status Dei beneficio talis fuit, ut historiam bellorum aut aliarum tragicarum calamitatum texere non possimus.

Exculta est sub potentissimo Cæsare Ferdinando hæc Provincia literis, religione, opibus, honesta disciplina, morum & ædificiorum elegantia, neque intra annos 76. ex singulari Dei benig-<sup>Silesiæ bene-
fuit sub Fer-
dinando rege.</sup> gnitate bellum experta est, cum pleræque ex vicinis regionibus grauiter sint concussæ. Regnante etiam hoc Rege non fuit oppressa enormi aliqua fame, qualem viderunt aliæ gentes, atrocissima etiam pestilentia, qualis olim frequens in hac terra sæuijt, non est conspecta. Quæ quidem beneficia diuinitus collata, grata mente agnoscere, & vera vitæ pietate celebrare nos decet.

Delineationem regionis, qualis nunc est, formam status publici, & mores gentis, breuiter altero in libro describemus. Simul vero gratam & honorificam, cum perpetuo obseruantia cultu, memoriam retineamus optimi & beneficentissimi nostri Cæsaris Ferdinandi, quem Deus in illa fatali ruina imperiorum, & inter excidia multorum populorum euexit, texit & gubernauit, ipsiusque cursum voluit esse salutarem omnibus suis regnis, & huic imprimis nostræ patriæ.

Nam si quis Principis huius curriculum mente complectitur, is manifesta signa præsentia Dei intuetur, qui inter maxima pericula bellorum & motuum, ærumnas clementer lenijt, & tolerabiles dedit euentus. Natus fuit Ferdinandus Modinæ in regno Castiliæ Hispaniarum anno 1503. 10. Martij, hora pomeridiana decima, patre Philippo, Maximiliani filio, & Iohanna filia Ferdinandi & Isabellæ in Hispanijs.<sup>Ferdinandus
Primus est
expertus præ-
sentiam Dei.</sup>

Amisit patrem extinctum maligna febris, quam contraxisse scribitur ex liberaliori & Germanico victu in nouo & insueto climate, cum nondum expleisset annum ætatis 4. Ingenij bonitas & vis maturè in ipso eluxit. Auide & rectè didicit linguam Latinam, neque solum vtilis scriptores cum legeret, rectè intelligebat, sed etiam animi cogitata eleganti & vere Romano sermone exponere, eoque familiariter utebatur.<sup>Ferdinandi
natalis.</sup>
<sup>Ferdinandi
studia &
præceptores.</sup>

Secutus est magistros Ludouicum Viuem & Erasum, quem semper nominabat præceptorem. Initia Mathematum in prima ætate cupide hausit, adeoque artes illas amauit in ætate proejectiori, ut ex inspectione τὰν ἀστρονόμων præcipuam caperet oblectationem, quando animum defatigatum ærumnis & laboribus gubernationis, ex contemplatione admirandæ harmoniæ motuum in corpo-<sup>Ferdinandus
Erasum sem-
per nomina-
uit præcepto-
rem.</sup>

Y ij ribus

ribus cœlestibus recreabat. Eaque in arte ita fuit exercitatus, vt eum nullus Princeps huius ætatis superaret, & poterat cum præstantissimis artificibus de difficillimis hypothesibus eruditè & accuratè differere.

*Ferdinandus
studiose coluit
fratrem Ca-
rolum.*

Mortuo vtroque auo, & fratre ad dignitatem imperij vocato, Austriam pro parte patrimonij sui possidendam accepit, & quamuis fratris longè latius esset imperium, tamen illi volens cessit, eum dilexit & obseruauit studiosissimè, ita vt singulare exemplum fidei & concordiae fraternae essent isti duo Monarchæ, quale non crebro in historijs ostendi potest.

*Ferdinandi
castitas con-
iugalit.*

*Anna regina
coniunx Fer-
dinandi quin-
decies fuit
puerpera.*

Ex autoritate Cæsaris aui desponsata ipsi fuit Anna Vladislai Regis filia, cuius Reginae ea in Deum & homines fuit pietas, vt sanctis & heroicis matronis, Saræ, Abigail, Esther, & alijs possit iure annumerari. Vixit cum ea in coniugio casto & dulcissimo optimus Princeps, sicut Theodosius cum sua sancta Placilla, ad annum vsque 26. Ipsaque domina quindecies fuit puerpera.

Audiuimus Cæsarem nostrum aliquando compellatum fuisse à suis, qui putabant minus rectè fieri, quod reginam coniugem, & gynecæum ad conuentus imperij secum duceret propter sumtum magnitudinem, illis Cæsar piè & prudenter respondit: Est, inquit, honesti Principis in coniugio castè viuere, & constat plura profundi in libidines vetitas, quam in sumtus honestæ vitæ coniugalit.

*Ferdinandus
coronatur
Pragæ.*

*Ferdinandus
primum in-
greditur Vra-
tislauiam.*

Extincto sororio Ludouico renunciatus est primum Bohemiæ Rex, & Pragæ coronatus est 24. Februarij. Calendis Maij eiusdem anni 1527. vnà cum regina Vratislauiam ingressus est. Excipiebatur singulari omnium ordinum studio & gratulatione, qui lætabantur in illo publico luctu, & periculo Deum his regionibus rursus præfecisse Regem sapientem & potentem, qui arcere posset à ceruicibus nostris gladios barbaricos. 20. Maij Rex Suidniciam profectus est, & inde, edoctus de commutatione rerum in Hungaria, celeriter Budam properauit cum exercitu, quem ducebat Nicolaus Salmensis.

*Ferdinandi
copiæ Iohan-
nem Veidani
ex Hungaria
eijciunt.*

Iohannes Budam deseruit, eum tamen assecutus est exercitus Regius ad Tocacium & prælio commisso 25. Septembris, à Rege profligatus est. Cæsus deinde à Iohanne Catianero, & amissis reliquijs suorum in Poloniam fugit. Ferdinandus pulso hoste coronam regni Hungariæ vnà cum Regina accepit, regnumq; in suam traduxit potestatem.

*Hieronymi
Lasci consili-
um perdidit
Hungariam.*

Iohannes inuenit hospitium & auxilia in Polonia, & ex consilio atque ope Hieronymi Lasci, viri ingeniosi, rerumq; aulicarum valde periti, in fidem Tyranni Turcici se dedidit, ex quo consilio impiè ambizioso, in totum orbem Christianum verè llias malorum redundauit.

Fuit

Fuit quidem Cæsar noster præliator minus scælix, quàm Carolus frater, sicut nec Augustus ad arma natus erat, tamen in illis difficillimis fluctibus bellorum, & in tanta armorum imparitate, manifeste conspecta est dextera Dei, qui Regem nostrum & hæc regna aduersus tantam potentiam, qualis nunc est Turcica, clementer defendit, & quamuis præcipui tractus Pannoniæ amissi sunt, tamen mirifica Dei ope repressi sunt barbari, & sæpe parua manu ter-
riti, ne progredierentur ulterius, & vicinas regiones absorberent.

*Ferdinandum
Deus texit cō-
tra potentiam
Turcicam.*

Quaternis expeditionibus terribilibus ipse Solymannus tan-
quam horribile fulmen nostrum Regem inuasit, & quidem spe sua totam Germaniam iam deuorabat. Sed à mœnibus Viennæ planè diuina ope, sicut rex Assyrius ab vrbe Hierosolyma, magna parte exercitus amissa, repulsus est, & deinceps etiam reiectus, ne in vi-
cinam Germaniam posset transire. Debet igitur proculdu-
bio æternam gratiam huic Cæsari Germania, quem Deus voluit esse murum patriæ aduersus irruptiones Tyranni audacissimi & foelicissimi.

*Solymannus
quater regnā-
te Ferdinando
uenit in Hun-
gariam.*

*Solymannus ab
obsidione Vi-
ennæ à Deo
repulsus est.*

Qualis fuerit ipsius gubernatio & vita interior, publicè notum est. Olim & recens de aliquibus Principibus pronunciatum fuit dictum Dionis de Antonino Pio, quod profecto in nostrum Cæsarem imprimis congruit: Similis sibi semper fuit, nec mutatus est vlla in re vnquam. Erat autem bonus, & nihil erat in eo ascitum, plurimum autem iuuabatur à doctrina. Item hoc, quod de imperatore Seuero scriptum est: Fuit intentus in ea, quæ agenda erant, & populi fabellas neglexit.

*Ferdinandi
bonitas, indu-
stria & reli-
quæ uirtutes.*

Enituerunt in nostro Imperatore præcipuè hæc virtutes, Pies-
tas, Iusticia, Clementia, Humanitas vel Affabilitas, Temperantia
& diligentia, seruans ordinem in omnibus actionibus. Fulgebat
in ipso ardens studium pietatis erga Deum, quem in vera fide intu-
ente misericordiam Dei inuocabat: publicè etiam quotidie preces
fundebat, quibus Ecclesiæ & imperiorum salutem Deo commen-
dabat.

Ecclesiæ nomen maximè veneratus est, & cum motæ essent controuersiæ de multis articulis doctrinæ, ipse Ecclesias emenda-
tas in hac nostra Silesia non oppressit: sed legitimam in pia Syno-
do multarum gentium fieri voluit cognitionem, eaque, quod non
coiret aut insidiosè turbaretur, acerbè indoluit.

*Ferdinandus
non oppressit
Ecclesias in
Silesia.*

In morbo etiam suo extremo, non desijt laborare, quomodo
Ecclesijs distractis, pia posset afferri concordia, ita vt verum fuerit
de ipso, quod D. Ambrosius scripsit de suo Cæsare Theodosio,
à quo hic noster natura & instituto non valde fuit dissimilis: Di-
lexi virum, qui, cum corpore solueretur, magis de Ecclesiarum sta-
tu, quam de suis periculis angebatur.

*Ferdinandus
fuit similis
Theodosio.*

*Ferdinandus
fuit amans
pacis.*

Erat præterea custos legum & ordinis politici diligentissimus: æquale ius dicebat potenti & inopi: parcebat supplicibus, & multis, qui graues pœnas erant meriti, clementer ignouit. Fluctus etiam ciuiliū bellorum singulari cum prudentia sedauit, offensionibus medebatur, & tandem sua autoritate Carolum fratrem flexit, & pacem salutarem Germaniæ reddidit, quæ tamen semel motis armis intestinis, non videbatur etiam ex sapientum iudicio, nisi euerso imperio conquietura.

*Ferdinandus
fuit tolerans
laborum.*

*Ferdinandi
temperantia.*

*Ferdinandi
affabilitas.*

Distribuebat necessarias operas diei in certas horas, quas seruabat accuratissimè, & in tanta corporis imbecillitate sustinebat labores, qui etiam robustissimis videbantur futuri intolerabiles. Sed alebat vires mentis & corporis temperantia & sobrietate, plane inusitata in hac nostræ ætatis ingluuie, ita vt constanter referatur, Cæsarem non visum esse ebrium. Sæpe solum prandebat, & quidem sine longa pompa epularum, vt cognitioni causarum & deliberationibus iustum tempus posset tribuere, peracto prandio promiscue exponebat se omnibus, audiebat omnium, etiam infimorum, sermonem & petitiones, omnibusq; commode respondebat.

Narratur obiurgatum fuisse cubicularium ab ipso acriter, qui noluerat sceminam humiliorem ad colloquium Regis admittere, & addidit Cæsar: Si nos excludimus inopes à conspectu nostro, quid nobis ipsis ad tribunal Dei eueniet?

*Ferdinandi
ingeniosa
pophtegmata.*

In mensa familiariter audiebat sermones doctorum de natura rerum, aut alia parte utilis doctrinæ: vbi ipse non modo multa prudenter sciscitabatur, sed etiam eruditè suam sententiam ostendebat: sæpe etiam ex occasione colloquiorum intermiscebat apophthegmata Ethica, ingeniose & rotunde cogitata: quibusque, sicut Augustus, & multi alij Principes, in quibus fuit heroica quædam melancholia, delectabatur.

*Ferdinandus
floruit in
senecta.*

Accidit in puncto, quod non speratur in anno, solebat dicere, vbi quid præter expectationem euenisset. Subiecerat vero quidam ex consiliarijs: Perditur in puncto, quod non reparatur in anno: Cæsar rursus respondit: Incommodo isti medentur piæ preces & sapiens consilium. Sed ego non institui panægyricum, quem fortassis scribent alij, verum breuem in calce historiæ de nostra patria etiam patris patriæ mentionem facere debui, qui cum ornatus esset illis virtutibus, quas nominaui, & quæ in gubernatore sunt summæ, rursus Deus eum ad supremæ dignitatis fastigium euexit, largitus est illi senectam tranquillam, florentem autoritate, gratia & laude apud omnes, quam multi alij potentissimi reges & bellatores non sunt adepti, quos ad extremum fortuna destituit & euertit. In ipso autem verè apparuit exemplum huius diuinæ promissionis: Beati mites, illi possidebunt terram. Nam verè pietas & clementia ipsi

ipsi fuerunt fructuosæ, & amplum atque scelix ipsi pepererunt imperium. Exitus etiam planè congruit ad dictum: Plantati in domo Domini, etiam in senectâ florebut.

In morbo, quem ex assiduitate laborum & curarum contraxerat, vera fide conuersus ad filium Dei insignia testimonia pietatis suæ in Deum, inuocationis, spei & patientiæ edidit, & in vera inuocatione filij Dei placidissimè decessit 25. die Iulij, quo celebratur recordatio Iacobi Apostoli, filij Zebedæi & Salomes, hora à meridie sexta, anno 1564. Consumtus fuit longa tabe: & in sectione animaduersum est, pulmones ex longis destillationibus vitium & putrilaginem aliquam contraxisse. Vixit annos 61, menses 4, dies 14, horas 20.

*Ferdinandi
exitus placidus
discimus.*

Oremus omnes prijs votis æternum Deum, patrem vnici Saluatoris nostri Iesu Christi, vt ipse inter nos perpetuo sibi colligat Ecclesiam, sit custos ordinis politici in his regionibus, tueatur sanctissimum magistratum nostrum Maximilianum Secundum Imperatorem, omnium votis exoptatissimum, & inclytam familiam Austriacam, quam ipse in hac mundi senectâ ruentis Monarchiæ Romanæ voluit esse columnen, & talem in illa Gigantæa Danielis statua, qui compagem adhuc fulciret & sustineret, donec æternum regnum filij Dei inchoetur, eosque Principes, quos præ cæteris ornauit pietate, humanitate, affabilitate & temperantia, diutissimè in florenti cursu gubernationis, repressis Diabolis & omnibus satellitibus ipsorum, Turcis & alijs, conseruet, vt ipse verè inter nos agnoscatur & celebretur, & multi fiant hæredes æternæ vitæ & gloriæ, partæ per Filium Dei Redemptorem nostrum.

*Austriaca familia est talis
in Gigantæa,
statua Danielis.*



Y iij

ALTERA

260 ALTERA PARS ANNA-
LIVM SILESIORVM, COMPLECTENS
DESCRIPTIONEM REGIONIS, FORMAM STATVS
publici & annotationem euentuum particularium, qui
inclytæ vrbi Vratislaviæ & ducatus Glogo-
uiensi acciderunt.

GLOGOVIA JOACHIMI
CVREI FREISTA-
DIENSIS.



N ARGONAVTICO CARMINE
Apolloni, heroes Græci deliberantes de
reditu, accersunt quendam ex suis peri-
torem, Phryxi filium, qui situm terrarum
callebat: is narrat, apud Aegyptios
in templis vidisse se tabellas religiose su-
spensas, in quibus metæ totius terræ, am-
bitus Oceani, fontes & cursus fluminum,
spacia regionum & urbium insigniorum
loca picta fuerint. Et in narratione Herodoti, Aristagoras Milesius
Spartanis ostendit æneam tabulam, cui situs & figura orbis terrarum
& maris fuit insculpta.

*Patriæ situs
est cognos-
cendus.*

Hæc cum fuerit illius melioris antiquitatis sapientia, haud
dubiè accepta à primis patribus, qui in viridi cespite alicubi confi-
dentes, nepotes suos de forma & positu huius mundi, qui est domi-
cilium generis humani, erudierunt, & fortassis in pulvere interual-
la locorum appositè pinxerunt, proculdubio amanda & magnifa-
cienda est: sicut econtra barbaries est digna odio, eorum, qui hanc
considerationem, cum aliarum regionum, tum patriæ suæ asper-
nantur aut negligunt, nihilq; magis solliciti sunt de solo illo, quod
eos primum nascentes in hanc lucem excepit & pavit, quam Ho-
mericus Cyclops, quem in sua spelunca epulæ, ex carne humana,
pascunt.

*Martini Hel-
uigij diligen-
tia laudatur.*

Laudandum est igitur studium viri docti & periti M. Mar-
tini Heluigij, qui superioribus annis picturam nostræ Silesiæ edi-
dit, & optandum est, vt collatis iudicijs & laboribus, subinde plura
illustrentur. Ego autem, vt superiori historiæ lucem addam, subij-
cio breuem delineationem huius prouinciæ, eiusque situm & sta-
tum, qualis nunc est, depingo: deinde recitabo positum inclytæ
urbis Vratislaviæ, Silesiæ metropolis, & euentus præcipuos, qui
in ea Republica acciderunt. Hæc vbi breuissimè contexuero, con-
uertam me ad descriptionem ducatus Glogouiensis, patriæ meæ,
qui libri huius præcipuum est argumentum.

Etsi

Et si vero in hac parte non potero recitare res insigniter arduas, quales olim fuerunt bella Punica, aut consilia Senatus Romani de gubernatione orbis terrarum: tamen & ista digna sunt, quæ conseruentur in memoria nostrorum ciuium, & propter recordationem patriæ & maiorum nostrorum, illæ ipsæ narrationes, quamuis exiliores, dulcescunt: sicut apud Homerum vir senex & sapiens Nestor, cum insigni delectatione solet commemorare euentus etiam non arduos, qui in sua vicinia acciderunt.

Silesia, si quis positum ipsius intueatur, ferme habet figuram tetragoni, sed laterum inæqualium. Longitudo enim, quæ est circiter milliarius quadraginta Germanicorum, valde superat latitudinem, quæ vix est milliarius viginti. Latus orientale statuo à fontibus Vistulæ, qui sunt ad radices Carpathi montis, non procul ab oppido Teschena, vsque ad fontes alterius fluuij non magni, quem lingua Sclauonica Brednicium nuncupat, non procul ab oppido Beuteno, vbi sunt veteres venæ argenti. Hoc latus est milliarius fermè 20. Occidentale latus constituo à fontibus fluuij, quem nominamus Queissam, qui non longè distant à thermis Silesijs, vsque ad confluentem Boberæ & Viadri, qui est ad oppidum Grosnam, quod ipsum lingua Græca significat simbriam, & est limites Silesiæ versus Marchiam Brandeburgensem, etiam hoc latus est milliarius ferme 20.

Meridionalis pars est à fontibus Vistulæ vsque ad fontes flu-
uij Queisnæ. Excurrit autem hoc latus in occasum ad radices mon-
tium, quos Ptolemæus nominat Sudetes, qui diuidunt Bohemiam
à Silesia, longitudo huius est milliarium ferme 40. videlicet ab op-
pido Teschena, vsque ad fines Lusatix. Latus septentrionale me-
tior à fontibus Brednicj & radicibus Carpathi, vsque ad confluen-
tem, qui est Crosnæ, & ferme est milliarium 40.

Deducitur autem hoc propè ripam Viadri vel Guttali, qui olim etiam dictus est esse limes Germaniæ, ita tamen ut interdum in alteram ripam aliquot milliariibus versus Poloniam, quam ferme continentes sylvæ à Silesia diuidunt, extendatur. Annoto etiam hoc. Initium longitudinis est à gradu 32. fermè vsque ad 36. & aliquot scrupula. Maxima latitudo est graduum fermè 52. minima paulò minor quam graduum 50. Inde eruditi facillè de situ regionis possunt ratiocinari.

Distribuitur hodie Silesia in Ducatus, vt nominant, Quinde-
cim, ex quibus singuli nomina sua acceperunt à sua metropoli. Ra-
tiborienſis & Tropauienſis, qui ſunt finitimi, excurrunt ad montes
Sudetes uſque, & attingunt fines Morauiae: Teſchinenſis extendi-
tur ad Carpathum uſque, Pannoniae limites, & ad Poloniam mino-
rem. Opolienſis attingit ſimiliter Poloniam minorem, ſicut etiam
Bregenſis, ubi excurrit ultra Viadrum. Niſſenſis & Vratiſlauien-
ſis collocati ſunt quaſi in vmbilico Prouinciæ: Vratiſlauienſis ta-
men in

Viadrus est
limes Ger-
maniae.
Silesiae longi-
tudo & lati-
tudo.
Silesiae ducatus.
Ratiboriensis
& Tropau-
ensis ducatus.
Teschinensis,
Opoliensis, Bre-
gensis, Nissen-
sis, Vratisla-
uensis, Olsni-
ensis, Lignia-
ensis, Mon-
sterbergensis,
Suidnicensis,
laurensis, Glo-
gouensis, Sa-
ganensis.

men in ripam fluminis Septentrionalem extenditur. Olsnicensis totus ferme situs est ultra Viadrum, versus Poloniam maiorem. Lignicensis medio loco in regione constitutus est: Monsterbergensis, Suidnicensis & laurenensis excurrunt usque ad fines Bohemiæ, & laurenensis etiam versus occasum ad Lusatiam, quæ nominatur superior. Glogouiensis vicinam habet Poloniam maiorem & Marchiam Brandeburgensem: Saganensis autem Lusatiam inferiorem.

Lignicensium
Principum
stirps.

De stirpe Principum veterum dictum est in annalibus. Superfunt hodiè tres familiæ in Silesia: Lignicensis, quæ etiam tenet ducatum Bregensem, orta materna stirpe à Carolo Magno, & à beata Heduike, paterna vero à Regibus Poloniæ longo ordine. Autor familiæ ciuis fuit Crusnicensis, qui propter pietatem ad regnum vocatus est, cum Polonia nondum fidem Christi profiteretur.

Tanta generis claritas & vetustas digna est obseruantia, cum præsertim in illustri hoc stemmate, adhuc Dei beneficio conspiciamus fulgere pietatem, amorem religionis & artium, virtutem & iusticiam: ut hoc Pindaricum omnino de illis verum sit:
σάφει δ' ἐπὶ κάλλιον φέροντι τὰν θεόδοτον δῶκεται: Sapientes ornant fortunam à Deo datam.

Dominatur autem nunc Bregæ Georgius, Friderici Secundi filius, Lignici Henricus, filius Friderici Tertii, Principes sapientia & bonitate præstantes, quos Deus in florenti curriculo gubernationis diutissimè conseruet.

Teschinenses
Principes.

Teschinenses etiam veteres sunt, origo tamen familiæ mihi non est certo cognita. Enituit virtus eorum sub Regibus Bohemiæ, qui Silesiam ad se transtulerunt, diuque domini fuerunt, etiam aliqua ex parte Ducatus Glogouiensis: Peperit ista familia Principes aliquot excellentes sapientia & virtute, & hodiè adhuc cum laude superstes est.

Monsterbergensium
Principum stirps.

Principes Monsterbergenses & Olsnicenses sunt orti à Georgio Podiebracio, Bohemiæ Rege, qui filiis suis impetrauit dignitatem Principum à Friderico Tertio Imperatore. Olsnicensem Ducatum permutatione acceperunt à Vladislao Rege. Magna virtus fuit Henrici Glocensis & Monsterbergensis Principis: & quàm salutaris fuerit gubernatio Caroli Ducis Monsterbergensis, qui fuit gubernator totius regni Bohemiæ, præses Silesiæ, & præfectus ducatus Glogouiensis, meminerunt seniores. Nunc quoque reliqui sunt ex ea stirpe Principes pietate & virtute excellentes, quos Deus regat & protegat.

Olsnicenses
& Bernstadienses.

Reliqui Ducatus, extinctis veteribus dominis, peruenerunt sub potestatem regum Bohemiæ. Vnum tamen tractum in Ducatu Tro-

catu Tropauienti, & alterum in Opolienti impetrauit à Ludouico rege Georgius Marchio Brandeburgensis, qui Regi adolescenti fuit adiunctus tanquam pater, & optime de toto regno fuit meritus.

Georgius Brädeburgicus tenuit ditio- nes aliquas Silesiæ.

Crosnam etiam & Zulichiam oppida, quæ olim fuerunt ditionis Glogouientis, ante annos 80. ex transactione in possessionem acceperunt Marchiones Brandeburgenses. Nissam religiosa beneficentia obtinuerunt à Ducibus Lignicensibus iam olim Episcopi, vt ex illis opibus alerentur Ecclesiæ & Scholæ. Ipsi etiam Episcopi emtionibus ditionem suam auxerunt, ita vt apud maiores nostros, Episcopatus ille sit appellatus aureus.

Crosna et Zulichia sunt æuulse à ducatu Glogouienti.

Numerantur deinde inter status Prouinciæ tres familiæ nobilium dominorum, qui nominantur liberi Barones, inter quos nunc est præcipuus D. Vilhelmus Curzbachius, dominus Trachenbergensis, & vicinæ ditionis in ripa Viadri Aquilonari, præses consiliij Cæsarei in vrbe Vratislauia, vir præstans sapientia, virtute & humanitate. Ditionem Mileciam ad extremos Poloniae limites tenet eiusdem familiæ generosus Baro D. Sigismundus Curzbachius, cui nupsit Helena Friderici Tertij Lignicentis filia.

Barones qui sunt status prouinciæ.

Curzbachij liberi Barones.

Secundus est dominus Vartembergensis, quam ditionem nunc tenet magnificus D. Malsanius. Tertius est Plessensis ad limites Poloniae minoris in Ducatu Teschinensi, cuius nunc est dominus magnificus D. Stanislaus Promicius, nepos ex fratre D. Balthasaris Episcopi Vratislauientis.

Malsanij liberi Barones.

Promicij liberi Barones.

Creuerunt sub Cæsare Ferdinando aliquæ familiæ nobiles opibus & autoritate quàm maximè, inter quas præcipuæ sunt Schöneichij. Late enim iam dominatur in Silesia inferiori D. Fabianus Schöneichius, vir animi excelsi & fortitudinis eximiae, qui propter scientiam rei militaris & virtutem singularem gratissimus fuit Cæsari & Electori Saxoniae Mauricio, apud quos summa cum laude ordines duxit.

Fabianus Schöneichius eques auratus potens consilio & opibus.

Sunt deinde Domini Promicij liberi Barones, producti ad magnam dignitatem & opes ab Episcopo Balthasare, qui non modo eximias opes, sed etiam dulcissimam memoriam sui propter placiditatem & studia pacis ad posteritatem reliquit. Sunt deinde aliæ familiæ vetustiores, quæ ante multa secula inclaruerunt: vt Gutschij & aliæ: neque enim recensere possum omnes. Faciat Deus, vt ista nostræ patriæ nobilitas, quam Deus ornauit generis splendore, autoritate & diuitiarum assiduo incremento, sit in excubijs pro vera Ecclesia, & nostra Republica, & omnes sint organa salutaria, per quæ Deo grata fiant, memores illius commonefactionis diuinæ, pronuntiatae à scemina sancta & sapiente: Quia prælia Domini præliaris: non inueniatur in te iniquitas: & vocis diui Baptistæ: Estote contenti stipendijs vestris: Neminem concutiatis & neminem calumniemini.

Nobilitatis equestris officia.

Silesia alia superior, alia inferior.

Silesiæ præfectus generalis.

Statuum tribunal in urbe Vratislaviensi.

Cæsarea curia & consilium in urbe Vratislaviensi.

Lusatia brevis descriptio.

Silesiæ positus ad cælum.

Silesiorum ingenia.

Silesia vſitate diuiditur in ſuperiorem & inferiorem, ita vt Vratislauia conſtituatur pro vmbilico. Conſtituitur à Rege præſes totius Prouinciæ vir Princeps plerumque, penes quem ſuprema in regione eſt autoritas: Singulis deinde ducatibus ſui tribuuntur præfecti ex arbitrio Regis, quem tamen certæ leges circumſcribunt.

Vratislaviæ ſupremum ex ſtatibus Prouinciæ conuocatur tribunal, vbi ipſe Rex etiam lege agit in eos, qui quocunque modo deliquiſſe viſi ſunt. Nunc ex autoritate Cæſarum noſtrorum in eadem vrbe conſtitutum eſt conſilium Cæſareum, ex viris magnæ dignitatis & ſapientiæ, qui ordinis & diſciplinæ in hac regione, nomine ipſius Cæſaris, ſunt cuſtodes.

Lufatiæ, tam ſuperior quàm inferior, Sileſiæ nunc non annumerantur: cuius rationem hanc eſſe puto, quod illi tractus raro, & non diu paruerunt Polonis, ſed recepti ſunt maturè à Marchionibus Germanicis, qui erant cuſtodes limitum, collocati eò à Cæſaribus.

Varia fortuna illi bellum cum Polonis geſſerunt, & tandem inter ruinas illius regni ditiones ſuas amplificauerunt, occupatis vicinis locis Sileſiæ. Henricus Barbatus autem & filij ipſius adhuc imperarunt Gorlicio, Sittauia & alijs vrbibus. Fuerunt Luſatij illi aliquando coniuncti cum Miſnia, tandem Bohemi, qui regnum ſuum anguſtum, vndique conabantur extendere, eos ad ſeſe traxerunt. Ingenia, mores & lingua parum à Sileſijs differunt: ſed vnica fermè appellatio & diſtincta præfectura facit diſcrimen. Ipſum vocabulum Luſatorum affine eſt voci Elyſiorum, vel Lygiorum, quorum ſedes in illa vicinia fuiſſe certum eſt.

Expoſita eſt Sileſia ventis præcipuè Aquilonaribus & Occidentalibus. Nam ad Auſtrum cingitur montibus Bohemicis, ab ortu vero longis iugis montis Carpathi. Aquilones vero ex Polonia libere in eam excurrunt, & ex Marchia occidentales.

Aſtologi arbitrantur eam ſubiacere Virgini & Mercurio. Nec ab ea cœli aëriſq; conſtitutione ingenia hominum multum diuerſa ſunt, quæ vt plurimum media ſunt inter ſanguinea & melancholica. Ideo plerumq; in illis, qui doctrina & vſu exculti non ſunt, cernitur naturalis quædam triſtitia, moroſitas, *δυσωμία*, vel ſubagreſtis quidam pudor.

Verum vbi accedit cultura, ex liberali inſtitutione & aſſuefactione, apparet ingenia noſtrorum hominum non ſolum optime eſſe omnium artium capacia, verum etiam accipere ea elegantem quandam dexteritatem ad res magnas efficiendas, & plurimos adiutos literis, cum ſplendore & vbertate quadam, animi cogitata exponere & proloqui poſſe: ſicut ſcimus præſtantiſſimum D. Philippum ſæpè familiari ſermone Sileſijs facultatem oratoriam tribuiſſe.

De veteribus incolis Prouinciæ, libro superiori dictum est, *Silesiæ ueteris incolæ.* posteaquam hæc Regio exhausta fuit perpetuis migrationibus popu-
 pulorum, creberrimis bellis & tyrannide Attilæ, occuparunt eam
 Sarmatæ, quorum origo Heneta est, progressi ex locis Arctoïis,
 vbi nunc domicilium suum habent Moschi. Fuit Silesia prouincia
 regni Poloniæ, conditi à Lecho, annos penè 860. Expleta enim
 fuit sub idolomania ethnica integra periodus, sub professione reli-
 gionis Christianæ anni 360.

Ante annos vero 230. auulsa à Polonia propter discordiam
 Principum & ruinas regni Poloniæ, facta est socia regni Bohemiæ,
 quod olim ab eadem gente Sarmatica, duce Zecho fuit constitu-
 tum. Primus Rex Bohemiæ, cui Imperium fuit in Silesiam, est
 Iohannes Lucelburgensis, Pater Caroli Quarti Imperatoris.

Imperat nunc ex Regibus Bohemiæ duodecimus, exoptatissi-
 mus Maximilianus Secundus Imperator, amor & deliciæ Germa-
 niæ. Ex regibus istis sex fuerunt Romanorum Cæsares, genere Bo-
 hemus tantum vnus, Pannonius vnus, Quatuor Lucelburgenses, *Bohemiæ re-
 ges, qui impe-
 rarunt Silesiæ.* Quatuor ex inclyta familia Austriaca, Duo Poloni, sanguine ta-
 men materno Austriaci.

Scriptura Prophetica, prædicans terræ Palestinæ bonitatem,
 dicit eam fluere lacte & melle, quod significat abundantiam omni-
 um rerum ad vitam & victum hominum necessariorum. Non tri-
 bui potest hæc laus alijs regionibus, præsertim his Arctoïis, vbi cœ-
 li maior est inclementia, & terræ horriditas: tamen etiam nos fateri
 oportet, Silesiam esse benignam matrem, eamq; satis larga cum v-
 bertate fundere res, quibus vita nostra non potest carere.

Veterum ea fuit diligentia, vt fertilitatem soli in qualibet re-
 gione diligenter obseruarent, & quidem pars disciplinæ est, vesti-
 gia diuinæ benedictionis agnoscere & celebrare. Isacio Deus scri-
 bitur donasse centuplum, hoc est, singulos medimnos frumento-
 rum messem centum tulisse.

Herodotus scribit, agros Babylonios ferre ducentuplum, in-
 terdum etiam trecentuplum, & Plinius locum quendam in Aphri-
 ca nominat, vbi proueniat trecentuplum, eaque summa vbertas est,
 quæ in historijs extat. Siciliam & Tauricam Chersonesum, præser-
 tim ad urbem Theudasiā, ferre sexagecuplum narratur. In Italia
 alicubi tregecuplum prouenire certum est. In Germania maxima
 vbertas existimatur assurgere ad quindenos aut circiter medimnos, *Silesiæ uber-
 tas.* eamq; aliqui statuunt in veteri sede Senonum, quæ nunc est vetus
 Marchia, & vicinus tractus. Nam bonitatem soli Thuringiaci,
 quæ alioqui egregia est, exhauriri multum Isatide, prudentes iu-
 dicant.

Agros Silesiæ meliores, quales sunt ad Strelam & Lubischia-
 am, vbi quasi est fumen regionis: deinde etiam ad Glogouiam,

Z

ferre

ferre medimnos octones aut etiam denos constat: & tanta Deo dante frumentorum est copia, vt vicinæ etiam gentes sæpe numero inde alantur. Multis annis, Dei beneficio, non vidit hæc nostra patria insignem aliquam difficultatem annonæ aut famem, qualis fuit olim alibi, & etiam nostra ætate.

Ex Verrinis Ciceronis intelligi potest, precium medimini Attici, qui pene æqualis est mensuræ Glogouiensi, quæ à scapha nomen habet, frumenti in Sicilia fuisse annis mediocribus 24. grossorum alborum, vt loquimur, monetæ nostræ: Chcenix vero frumenti, demensum diurnum serui, emebatur vsitatis annis ferme grossulo nostrate cruciato, aut non multo pluris. Eadem ratio emtionum etiam hodie in hac regione familiaris est.

*Pretia rerum
ferme manent
eadem in mun-
do.*

Ex veteribus Comœdijs colligimus, vitulum communiter emtum fuisse pretio medij loachimici, nec hodie mos multum diuersus est: ita vt non temerè pronunciauerit noster Philippus, in genere humano in regionibus cultis & benè habitatis ferme semper eadem mansisse precia rerum. Sed in calamitatibus publicis, Deo puniente peccata hominum, sæpe tristitia accidunt exempla.

*Fames prædi-
cta ab Agabo.*

In Apocalypsi de fame, quæ fuit sub Claudio, dicitur: Chcenix tritici emetur denario. Ea ratione precium Medimni nostratis esset s. aureorum, vel 10. marcarum Glogouiensium, vt vulgo loquimur. Hæc difficultas magna fuit. In Italia nostra ætate multi homines mortui sunt fame, qui inuenti sunt tenere gramina & herbas in ore. Et tamen acerbiores casus in hac nostra Silesia legimus accidisse.

*Fames horri-
bilis in Silesia.*

Nam ex consentienti testimonio multorum historicorum, anno 1315. & proximè sequentibus, tanta in Silesia & vicina Polonia fuit annonæ charitas, tantæque fames, vt parentes efferati rabie inediæ cadauera mortuorum liberorum vorarent, & rursus liberi parentum. Tam triste exemplum cum non legamus in alijs historijs, nisi in longis obsidionibus euenisse, agamus Deo gratias, quod in ira misericordiæ suæ recordatur, neq; nos tam terribilibus supplicijs plectit.

lumentorum etiam optimorum copiam, ad escam & laborem, affatim hæc regio educat, & suppeditat vicina Polonia. Lacticia tam sunt copiosa apud nos, itaq; proba, vt etiam apud exterarum gentes ea clara sint, multæq; familiæ nobiles inde ditescant.

Nec desunt syluæ, quæ alunt feras ad vsus & delicias hominum crebriores quam alibi. Flumina piscosa maiora & minora sunt multa, & præterea stagna ingentis magnitudinis, quæ præbent pisces eximie bonitatis & salubritatis, ita vt hac in parte non cedat vlli ex prouincijs Germaniæ.

*Thermæ Si-
lesie.*

Ex beneficio conditoris Dei etiam ad radices Sudetum prope urbem Hirspergam sunt thermæ, sulphureæ præcipuè, deinde non
nihil

nihil etiam nitrosæ & aluminosæ, quæ propter medicationem appetuntur à multis populis. Est etiam alia aqua medicatrix, cuius scaturigo est non procul à Francofteino, quæ etiam sulphur redollet, & visceribus mirifice prodest.

Constat autem singulare beneficium Dei esse fontes illos medicamentosos, qui vitæ hominum multis modis opitulantur. Metalla aurea vel argentea non quidem in summa copia effodiuntur: Sunt tamen ad radices Carpathi ad Bythoniam oppidum venæ argenti veteres, alicubi etiam ad montes Sudetes reperitur aurum non ignobilius Hungarico: & sunt fluuij, qui auream arenam ducunt: vt Cattus & alij.

Venæ Metallæ Silesiæ.

Ferrum cuditur maximo numero, & multum inde nobilitati accedit lucri. Sale hætenus sumus vsi importato ex Saxonia & Polonia, nunc etiam cura Imperatorum Ferdinandi & Maximiliani, excrementum quoddam maris allatum ex Hispanijs, quod ἄλφι & ἄχνη, spuma maris à veteribus dictum est, & in littoribus illis, post validiorem tempestatem frigore aëris concretum, copiosè reperitur, melius excoquitur & defecatur apud nos, atque in vsum feliciter assumitur.

Sal quo vititur Silesiæ.

Vinum pluribus in locis colitur, præsertim in Silesia inferiori, subausterum quidem, sed tamen non incommodum. Cereuisia autem triticea magnæ probitatis multiq; nutrimenti passim coquitur, inter quas præcipuam laudem habet Vratislaviensis. His donis foecunditatis prouincia hæc cum ornata sit, abundat multitudine hominum, frequentia ciuitatum. & pagorum. Et quamuis hæreant adhuc in multis locis vestigia negligentiae Sarmaticæ in ædificando, tamen rursus alibi multi excitantur ad elegantiam in structuris, vtilem ad ordinem & valetudinem in vita.

Vina Silesiæ.

Cereuisia Silesiæ.

Silesia abundat multitudine hominū.

Oppida autem omnia fermè, valde populosa sunt, referta cœtib; opificum, & habent ea etiam vera ornamenta religionis, studiorum disciplinæ & honestæ Oeconomiae. Nam in plerisque vrbib; & pagis, cura magistratus Ecclesiæ emendatæ sunt, & accensa lux doctrinæ purioris, quæ magna diligentia inter grauiuscula pericula hætenus Dei beneficio est conseruata.

Ecclesiæ & studia Silesiæ.

Adiunctæ sunt etiam Ecclesijs scholæ, vbi iuuentus ad pietatem & artes vtilis in vita eruditur. Fuit autem magistra nostræ gentis multis annis schola Goltpergensis, quam aluit beneficentia Principum Lignicensium, ibiq; ingenia multorum foelicissime formauit vir æterna laude dignus Valentinus Trocedorffius, natus ad gubernationem scholarum, ex cuius ludo, tanquam ex equo Troiano, magna examina doctorum prodierunt.

Goltpergensis schola.

Valentinus Trocedorffius formator sceleris inuentus.

Fuit is vir imprimis sedulus propagator veræ doctrinæ, & Vratislaviensis custos seuerus honestæ disciplinæ. Enituit deinde schola Vratislaviensis,

Z ij

laviensis,

Freistadiensis
schola.
Erasmus Be-
nedictus omni-
sue scholæ
Freistadiensis.

lauiensis, & post aliquot annos Freistadiensis, erecta à viro doctrina & virtute præstanti, M. Erasmo Benedicto Freistadiensi, qui ad annos 15. fuerat auditor Philippi, & cum eo in domestica familiaritate coniunctissime vixerat: præreptus quidem fuit immatura morte, cum magno studiorum detrimento, sed tamen propter memoriam ipsius schola est conseruata.

Reipublicæ
Silesiæ.

Gubernatio politica iusta est, & vbiq; in vrbibus senatus honestis legibus, & Aristocratica gubernatione vitam ciuium regit. Domi liberis & familiæ præscribitur ordo precationum & laborum ab honestis ciuibus, & recitantur à pueris manè, vespèri & ad mensam preces & sententiæ piæ, quibus commonefiunt homines, singulas familias debere esse Ecclesiam & templa Dei, vt rectè dictum est: Vult Ecclesiolam quamlibet esse domum.

Oeconomix
Silesiæ.

Antecellit autem populus Silesiæ plerisque alijs sedulitate, & cura faciendi necessarios labores, ita vt vix alibi reperiantur Oeconomix, in quibus diligentius operis domesticis incumbitur, non solum à viris, verum etiam à mulieribus, ipsque nobilibus & ignobilibus. Magna vbiq; est multitudo opificum, conficiuntur panni maxima in copia. Magna sunt mercimonia ex lino quod tractatur à fœminis nobilibus & alijs. Ideo pecunia in hanc regionem importatur ex precio pannorum, lini, ex rubea tinctorum, quæ ad Vratislauiam colitur, & ex ferro.

Mercimonia
Silesiæ.

Silesia amat
mundiciem
in victu.

Victus etiam mundior & elegantior est, quàm inter alias gentes, quæ quidem mundicies cum sit nutrix valetudinis, & multarum virtutum, digna est laude. Vult enim Deus nos habere honorem corpori, vt Paulus inquit, hoc est, delectu ciborum, potus, eorum ordine & apparatu conseruare vires corporis non modo, vt corpus sanum fungi possit officio suæ vocationis, verum etiam, vt in homine sobrio & alacri, diuinas suas actiones efficere possit Spiritus Dei, qui in pectoribus piorum habitat.

Matres fami-
lias Silesiæ.

Ingens decus in illa domestica consuetudine est modestia & industria matronarum, quæ Oeconomias præcipuè gubernant, quarum exempla filia, figura, forma corporis & modestia excellentes intuentur, & ab illis ad agnitionem Dei, ad bonos mores, ad scientiam Oeconomicam à prima vsq; ætate assuefiunt.

V R A T I S L A V I A S I L E.

S I A E C A P V T.

Vratislauiæ
situs.

LVmen & oculus Silesiæ, vnicumq; veri decoris exemplum est Vratislauiæ, de qua vrbe nunc pauca sumus dicturi: situs ipsius talis est. Longitudo vrbis est graduum 34. M. 34. Latitudo graduum

duum 51. M. 10. De origine eius nulla extant certa monumenta, sed nos probabiles coniecturas recitabimus.

In Ptolemæo nominatur ciuitas Budorgis vel Bidorgis, quæ ^{Bidorgis} fermè cum hoc situ congruit, ideo aliqui ex eruditis opinantur ex ^{Ptolemæi est} ruinis illius cœpisse Vratislauiam. Hæc opinio, à qua nec ego, cum ^{Vratislauia.} spatia fermè eadem sint, abhorreo, si certa est, iucundum est etymologiam & rationem appellationis inquirere. Recito autem meas diuinationes, sumtas ab affinitate soni, qui fermè in talibus solet esse iudex.

Docent historiæ, gentes has Arctoas huc commigrasse ex oriente, & paulatim eas deinde versus occidentem longius progressas. De peregrinationibus Sueuorum, Francorum, Gotthorum, Vandalorum & aliorum supra diximus: Imprimis vero memorabile est, quod scribitur ab Eutropio, Quados ex his locis in Heluetiam, & vicinam Galliam profectos esse, etiam ante Cæsaris tempora, proculdubio in illis terribilibus motibus Cimbricis, ubi omnes hi populi exciti suis sedibus noua loca appetiuerunt. Et manifestum est, Lygios vel Lygiriscos populos Gallicos, quibus fuerunt intermisti Heneti, appellatione & alijs rebus nostris fuisse cognatos.

Numerantur inter gentes Gallicas Bituriges, quod vocabulum sine dubio Germanicum est. Nam Biturix, secundum illam inflexionem, quæ veteribus scriptoribus, imperitis linguæ nostræ, præsertim vero Cæsari & Ptolemæo familiaris est, videtur esse ^{Biturix Lygi-} ^{us conditor} ^{ueteris Vra-} ^{tislauie.} *Widerreich*, hoc est, vir honestus & integer, quæ Græci καλὸν κ' ἀγαθὸν nominant. Vetus enim lingua nostræ gentis *Biederman* nominat, quasi, *ein Man bey ehren* / virum honoris & famæ integræ, sicut contra *Schelman* appellat virum malum & infamem. Ab isto Principe protectionis, quem gens Lygia in Galliam & Aquitaniam habuit ducem, mansit appellatio populi.

Et testatur Strabo, solos Bituriges inter populos Aquitanie esse alienigenas, differentes à reliquis lingua, moribus & cultu, atque fortassis inde est nomen celebris vrbs Burdegala. A Principe igitur Lygio huius nominis censemus olim conditam fuisse urbem hanc Budorgim aut Bidorgim. Nomina enim à scriptoribus mirè ficè deprauata sunt.

Hæc etymologia grata nobis esse debet, non solum, quia honorifica est, verum etiam, quia ominis loco accipi potest. Videmus enim, Dei beneficio, hanc præclaram urbem multis seculis verè fuisse honestatis & pietatis in nostra gente magistram, eamque singulari cum cura religionem & virtutum ornamenta in hac regione plantasse & defendisse. ^{Biturigis etymon.}

Et si autem potentia ciuitatum Germanicarum, in illis perperuis migrationibus & mutationibus, non fuit magna, tamen credibile est illas, quas annotauit Ptolemæus, etiam olim cultura & fre-

quentia reliquas antecelluisse. Posteaquàm vero gens Sclauonica post mortem Attilæ sese infudit, hæc etiam vrbs deserta à suis colonis veteribus, qui meo iudicio magna ex parte Longobardis se adiunxerunt, quassata etiam prioribus bellis sub Attila, penè diruta est, ita vt vix exiguæ manserint reliquæ. Ideo non arbitror veram esse coniecturam illorum, qui putant Vratislauiam conditam esse imperante Carolo Magno in Germania, cuius rei testimonium habeo valde euidens.

Anno Christi 965. imperante in Germania Ottone Primo, Silesia fuit amplexa fidem Christi, anno verò proximo post institutæ sunt scholæ & Episcopatus in Polonia, tunc Godefridus Romanus, primus Silesiæ Episcopus, sedem suam collocauit Smogram, in vicum aut pagum ignobilem, qui, præsertim vt homo Italus, studiosus elegantiae & frequentiae, prætulisset Vratislauiam, si ea tunc fuisset vrbs alicuius nominis.

*Vratislauia
instaurata ex
ruinis veteri-
bus.*

Deinde Duglossus, quo nullus inter scriptores Polonos est locupletior, commemorat Vratislauiam conditam esse à Mieslao Polonorum Principe, paulò ante annum Christi millesimum, in quod tempus etiam natales Glogouiæ conijcio: putarim tamen Principem ex veteribus ruinis aut ruderibus ciuitates illas instaurasse, sicut postea expresse in historia dicitur, Boleslaum procerum Lignicium & Lubenam amplificasse. Sed tamen neque proximis annis post aliqua fuit huius oppidi celebritas.

Nam, cum sub Boleslao Rege, Mieslai filio, inter se inciperent dimicare Bohemi & Poloni, & multæ in Silesia fierent vastationes, Episcopus cum suo collegio ex Smogra migravit Bicinam in agrum Bregensem. Ego vero arbitror urbem hanc, etsi fortassis ipsius fundamenta iacta sunt à Mieslao, & structura deinde per illa continua bella impedita, reductam in quandam ciuitatis formam eo tempore, quo Bohemi in Silesia dominati sunt, quod accidit circa annum Christi 1030.

*Vratislauia
instaurata &
denominata à
Principe Bo-
hemico.*

Extincto enim Boleslao viro acerrimo & fortunato, successit filius imbecillis animo & corpore: is amisit Silesiam occupatam à Bohemis, eamq; deinde mortuo Mieslao Secundo, tempore interregni, cum nobilitas Polonica, per seditionem matrem & filium in exilium pepulisset, munierunt ex autoritate etiam Conradi Saliqui Cæsaris, qui iratus Polonis obiectum Principem & matrem Rixam, neptem Ottonis Tertij Cæsaris, Silesiam sub conditione tributum numerandi Imperatori, adiudicauit Bohemo.

Circa hunc igitur temporis articulum colloco vera primordia & veram exornationem huius vrbs, quæ tunc etiam nomen suum, quod omnino Bohemicum est, accepit. Fuit autem is Vratislavus, meo iudicio, filius Bisetislai, natus ex matre Germanica ludititha, qui mortuo patre factus est Dominus Morauiae & vicinæ Silesiæ, & demum ab Henrico Quarto renunciatus est Rex Bohemiae,

mīa, illiq̃ permissum, vt, quoniam Poloni pacta inīta cum Casimiro monacho non seruabant, Silesiam bello repeteret. Celebratur ob pietatem & religionis studium.

Istis annis tam turbulentis Episcopus habitauit Bicinæ: Sed Casimirus exul anno 1041, reuocatus in regnum, cum Polonia Cæsari esset reconciliata, recepit Silesiam à Bohemis, & collegio locum ad studia & exercitia pietatis construxit in Viadri insula, templo ex materia lignea ædificato, cum seculum illud adhuc religioni, non fastui aut pompæ seruiret. Istæ sunt meæ coniecturæ deductæ partim ex appellationibus, partim sumtæ ex annalibus Polonorum. Ex monumentis nostris docere nihil possumus.

Nam, vt testantur viri studiosi antiquitatis nostræ gentis, vetustissimæ literæ, quæ reperiuntur, sunt Friderici Secundi Cæsaris, scriptæ anno 1200. Olim vero, si literarum vsus aliquis fuit, ad sacra illæ imprimis vsurpatæ sunt: sicut non dubium est, Italicos Episcopos & doctores imprimis fuisse occupatos in docenda religione in his populis, quorum fuit mirifica in superstitionem pronitas. Et si quæ etiam scripta sunt, tamen illis crudelissimis vastationibus Scythicis, & deinde alijs, ijsq̃ diuturnis bellis ea perisse constat.

Poloni, cum Silesiam recuperassent, præfecerunt illi gubernatorem, cuius domicilium fuit Vratislauriæ, ibiq̃ est constituta arx & munita contra incursiones hostium. Vratislaus Bohemiæ Rex, de quo supra diximus, mortuo Casimiro, cum filij non soluerent pensionem promissam imperio, acerbe Silesiam vastauit.

Sub annum Christi 1095. annales Polonorum narrant factum præfecti & ciuitatis Vratislauriensis, plenum æquitatis & humanitatis. Vladislaus Princeps detruferat in monasterium filium nothum Sbigneum inuitum, instigatus à coniuge & proceribus: *Vratislauria defendit exules contra caelumniatores aulicos.* passim vero populus opprimebatur per vim à quodam potente aulico Sececho, ita vt multi ex nobilitate & plebe fugientes tyrannidem se cederent in voluntarium exilium.

Sbigneus autem cum agmine exulum, honestorum hominum, proficiscitur Vratislauriam, orat præfectum prouinciæ Magni, vt ipsos defendat contra Tyrannum aulicum. Receptus est in urbem ex autoritate præfecti, & missa legatio ad Principem, quæ ipsi causam exulum commendaret. Sed Vladislaus iratus, armis Vratislauriam adortus est. Ciues autem vnà cum Episcopo Ieroslao obuiam Principi prodierunt, & professi sunt, nunquam se sumsisse arma contra magistratum, sed recepisse tantum illos bonos homines, qui fuissent supplices, ideo petebant sibi parci.

Vladislaus bonus Princeps cum illis rediit in gratiam, nec multo post Sbigneum filium in pristinum locum restituit. Sbigneus vero cum fratre Boleslao Vratislauriæ inijt consilium in Secechum, eoq̃ rem deduxerunt, vt ille, exutus sua dignitate, pelleretur in exilium. Digna laude fuit illa vrbis humanitas, quæ non spre-

uit supplices in iusta causa, nec tamen dimicare voluit cum suo magistratu, sed demissione & reuerentia, quod æquum erat, obrinuit. Ita olim laudata est ciuitas Thebana, quæ recepit & texit exules Atheniensium contra triginta tyrannos, etsi Spartani erant focij ipsorum.

Anno Christi 1109. proditum est à scriptoribus Polonis, nobilem illam pugnam, qua Henricus Quintus Cæsar victus est à Boleslao Polono, factam esse non procul à Vratislauia, quam oppugnaturus erat Cæsar, ad vicum illum, qui nominatur Hundsfeldt / & scribitur victoria parta esse opera Silesiorum, qui in mediam aciem inuecti, ordines exercitus Cæsariani turbauerant. De eo prælio supra meam sententiam exposui.

Petri Dani
historia.

Enitere deinde cœpit Vratislaviæ quidam nobilis Danus Petrus, quem Silesij appellarunt Principem: is apud Ethnarchas Polonos omnia poterat, & sedem suam Vratislaviam collocauit: Monasterium S. Vincentij, & plura alia templa extruxisse legitur. Exitum hominis descripsi in historia. Exectis oculis & lingua mortuus est anno 1149.

Anno 1158. fuit bellum Barbarossæ Cæsaris, cum Boleslao Polono. Ager Vratislaviensis direptus est à milite Cæsaris: reconciliatus est Boleslaus Cæsari sub pactis durissimis, quæ tamen ipse, Cæsare occupato bellis Italicis, non seruauit.

Vratislaviæ
Princeps Bo-
leslaus pro-
cerus.

Valtherus E-
piscopus or-
nat suum col-
legium.

Anno 1163. Silesia distributa est inter filios Vladislai, & Vratislavia assignata est Boleslao proceri, primo Principi Silesiæ, viro bellicoso & iusto, qui ad Mediolanū Monomachia superauit & interfecit equitem prodigiosæ & Giganteæ staturæ. His annis, cum in Polonia & Silesia cresceret autoritas & opes Sacerdotum, qui immiscebant se negocijs gubernationis, & ipsos Principes regabant, Valtherus Episcopus Vratislaviensis etiam suum collegium ornauit, extruxit templum ex lapide, instituit uestitum & ritum nouum, quem attulerat Lugduno ex Gallia. Nam eò nostri homines solebant proficisci ad studia. Vrbs tunc lingua & structura adhuc fuit Polonica & exigua.

Anno 1197. institutus est cœlibatus sacerdotum in Silesia, & multa coniugia à legato Pontificio impio scelere diuulsa. Boleslao patri intulit nefaria arma Iaroslaus filius, natus ex muliere Ruthenica, coëgit patrem, vt traderet ipsi Vratislaviam. Tandem urbem patri reddidit, & ipse retinuit Nissam.

Anno 1198. illum impium Iaroslaum ex cupiditate escæ collegium creauit Episcopum. Episcopatu attribuit ditionem Nissensem, vt hoc modo mulcicaret fratres, natos ex nouerca, quos oderat, sed cito dedit pœnas. Non enim totum superuixit triennium. Boleslaus excoluit Lignicium, eaq; vrbs ita creuit, vt Vratislaviam paulò post superaret.

Henricus

*Vratislavia
perit ex in-
cendijs.*

Henricus Barbatus & coniunx Hedwigis frequentissimè habitauerunt Vratislaviæ, illiq; magno studio urbem exornarunt: Sed aduersata est fortuna. Nam fatali clade, vt quidem ego annotatum reperio, 1200. & rursus 1219. maxima pars vrbs incendijs periit.

Lignicium obtinebat Henricus Pius, Hedwigis filius, qui eò vocauit ex Germania passim colonos, eosq; dilexit, ita vrbs creuit frequentia & cultura. Nam in tota Silesia illæ ciuitates citissimè excultæ sunt, in quas migrarunt Germani. Mortuo Henrico Barbato anno 1241. secuta est miserabilis vastatio Tartarica, vbi Silesij corpora sua obiecerunt furori & rabiei Scytharum, qui toti Germaniæ excidium & vastitatem minabantur.

*Lignicium ui-
cit Vratisla-
uiam.*

Tartari deuastata Polonia accesserunt ad Vratislaviam paulò ante ferias Paschatis. Vrbs, quæ parum munita erat propter recentem conflagrationem, à ciuib; fuit deserta. Importata sunt bona in arcem, domus uero inflammatae. Cinxerunt obsidione arcem Tartari, sed frustra. Nam precantibus pjs dicuntur flammæ & fulgura ex coelo cecidisse & Tartaros latè ambussisse atq; terruisse. Ita diuinitus repulsi sunt Scythæ ab arce Vratislaviensi precibus piorum: sicut olim Attila ab vrbe Aurelia in Gallia. Historia belli Tartarici legatur suo in loco.

*Vratislaviæ
arx sustinet
impetus Tar-
tarorum.*

Post hanc cladem sequitur noua ætas vrbs. Fuit enim dominus Vratislaviæ Henricus Tertius adolescens, quem regebant mater Anna, filia Regis Bohemiæ Ottocari Primi, mulier sapiens, & Thomas Episcopus: illis assentientibus, vt ciuitas citius aueretur, permissum est illi ius Germanicum, & abolitæ sunt iniquæ leges, & seruitus Polonica, concessæ uero immunitates, quales sunt in ciuitatibus Germanicis.

*Vratislaviæ
accipit for-
mam nouæ
urbis.*

Cito igitur creuit habitatoribus, & mediocriter etiam munita est, propter loci insignem oportunitatem, adeo vt anno 1245. quarto post conflagrationem, iam sustineret trimestrem obsidionem Boleslai Lignicensis, qui fratrem excutere ex Ducatu suo conabatur. Discessit tunc re infecta, & cum non multo post bellum redintegraret, propè Vratislaviam captus, & in arcem ductus est.

*Vratislaviæ
trimestris
obsidio.*

Anno tertio post fuerunt Vratislaviæ legati Pontificij, missi Lugduno ab Innocentio Quarto, isti petiuerunt pecuniam à Silesijs Pontifici in vsus bellicos contra Fridericum Secundum Cæsarem, & vt nostros homines simpliciores inescarent, ieiunio quadragesimali ex autoritate Pontificis detraxerunt dies Septendecim, & cum ex veteri more Moschouitico & Græco prius inchoatum esset ieiunium illa Dominica, quæ nominatur Septuagesima, iusserunt fieri initium die cinerum, vt loquimur, & prius more Romano agitare Bacchanalia, ita plebs delinita, concessione conuiuiorum & ludorum Pontifici misit nummos.

*Legati Pontifi-
cij ueniunt
Vratislaviam.*

*Quadragesima
ieiunium
mutatur.*

Subinde

Boleslaus Cal-
uus fuit pestes
Silesiæ.

Subinde autem recruderunt odia inter fratres Principes, & fiebant continuæ vastationes in Silesia, quarum autor erat Boleslaus Lignicensis, vir supra modum iniustus & stultus. Is non modo Lignicium & Silesiam perdidit, verum etiam animos Polonorum à Silesijs abalienauit, ita vt regnum deinde illis inuiderent.

Vratislavia
rursus con-
flagrat.

Anno 1266. mortuus est Henricus Tertius Vratislaviensis, reliquit filium puerum Henricum Quartum, qui postea probus dictus est. Hoc proximè sequenti decennio tranquillus & fortunatus fuit status Vratislaviæ, & auctæ sunt opes ciuium mercimonijs. Princeps enim adolescens habebat curatores aliquos ex præcipuis ciuibus, qui bene gubernabant ditionem, & Principi magnam pecuniæ vim collegerunt.

Sed anno 1276. rursus secutæ sunt turbæ & calamitates. Nam, vt scriptum reperio, die S. Marci vrbs tota conflagrauit, & anno proximo post Henricus probus captus est à patruo Boleslao Lignicense, & posteaquam multis oppidis mulctatus est, vix tandem dimissus est.

Anno deinde 81. Henricus Probus, vlturus veteres iniurias, per speciem amicitiae ad se vocatos multos ex Principibus Silesiæ cepit: Poloni ideo indixerunt ipsi bellum, & agrum Vratislaviensem grauitè vastarunt. Iste Princeps, anno 1288. cum recepisset in gratiam Episcopum, quem acerbissimè afflixerat, erexit collegium sacrae Crucis Vratislaviæ, adeoq; in religionem factus est procliuis, vt offerret Episcopo dono urbem Vratislaviam, quam tamen ipse, metuens inuidiam Principum & bella, non accepit, moritur anno 90. 22. Augusti: successorem habuit Henricum Quintum obcesum Lignicensem, patruelem suum, quem anno 1292. abductum ex balneo in suburbij Vratislaviæ per insidias, Conradus Glogouiensis in caueam ferream inclusit, ibiq; eum penè necauit, ademit illi oppida pleraq; in territorio Vratislaviensi, & ipse Henricus triennio post moritur. Tutor filiorum Henrici Quinti fuit Episcopus Henricus.

Vratislavia
creuit opibus.

Hiscè annis viginti rursus respirauit Vratislavia, & cumula- uit opes non contemnendas, adeo vt circa annum Christi 1320. ciues Vratislavienses Hannouiam & Goltpergam vrbes, à Boleslao Lignicense Principe prodigo & iniusto, hypothecæ nomine pro magna summa pecuniæ acciperent. Nec multo post consilio vrbs Vratislaviensis facta est illa mutatio in Silesia, quæ adhuc hodie manet.

Vratislavia
facit inclina-
tionem ordi-
num ad re-
gnum Bohe-
miæ.

Videbant omnes homines prudentes, Principum Silesiæ non modo esse imbecillitatem magnam, in illa prouinciæ inter plures dominos dilaceratione, verumetiam plurimorum enormem petulantiam & tyrannidem, vnde perpetua oriebantur bella, & necesse erat tandem prouinciam ab hoste externo opprimi. His malis

vnica

vnica inueniebatur medicina, si vocaretur Monarcha potens, qui Principes tumultuantes sua autoritate coherceret, & esset custos legum & disciplinæ.

Senatores igitur Vratislavienses, qui autoritate & gratia in aula sui Principis Henrici Sexti valebant, imitati sunt consilium Meccenatis. Nam & is Augusto deliberanti, ecquid expediret imperium Senatui & populo Romano reddere, dissentiens ab Agrippa, hoc dissuasit, quod putaret, non eam virtutem atq; coniunctionem esse Senatus, quæ tueri posset pacem, sed ciuilibus laniens eos mutuò perituros, potius igitur autoritate Monarchica compescendos esse turbulentos, & illud imperium conseruandum. Respexerunt igitur ad Regem aliquem præstantem virtute & viribus, qui hanc regionem posset pacare.

Vratislaviensis senatus imitatur consilium Meccenatis.

Et si autem credibile est, eos magni fecisse Imperium Cæsarium Germanicorum, & futurum erat honorificum, si hæc prouincia fuisset immediatè subiecta Imperio Romano: tamen has cogitationes interuertebat tunc status Germaniæ turbulentissimus. Extincto enim Henrico Septimo Lucelburgense, dissidijs Electorum inuaserunt Imperium duo, Ludouicus Bauaricus, & Fridericus Austriacus, vnde tota Germania motibus ciuiliū bellorum amplius viginti annis fuit concussa, atque ita nostra patria inde nihil opis potuit expectare.

Erant autem in vicinia duo Reges, Polonicus Vladislaus Locticus, & Iohannes Lucelburgensis, qui cum filia Venceslai adeptus erat Bohemiæ regnum. Locticus inuisus erat omnibus Silesijs, quia erat Tyrannus, & sceleratus grassator: oderat etiam acerbissimè totum nomen Teutonicum: oppugnabat ordinem in Prussia: sæuebat in ciuitates Germanicas: peruenerat ad regnum cum contumelia Principum Silesiorum, qui erant iniquè præteriti, & nunquam assensi fuerant isti electioni. Deinde gubernatio Polonica, in qua tunc multum erat seruitutis, non placebat ciuitatibus.

Iohannem vero regem multa commendabant: natus erat ex patre Cæsare laudatissimo, ipse videbatur excellere humanitate & clementia. Florebat tunc etiam regnum Bohemiæ, & longè præstabat Polonico, quod rapinis Scythicis & bellis intestinis planè erat debilitatum: Præterea tenebat iam Bohemus ducatus Silesiæ superioris, ita vt non posset sine incommodo fieri diuulsio.

Has causas grauissimas habuit ciuitas Vratislaviensis, cum suasisit suo Principi, vt se cum Bohemis coniungeret, eiusque auctoritati obsecutus est Henricus. Non dubium est igitur, gentem Bohemicam debere gratiam huic vrbi, quæ prima fecit inclinationem ad ipsorum regnum. Procatarectica vero erant furia Boleslai, qui affligebat

Vratislaviensis Senatus motus fuit grauib; causis, quando suasisit coniunctionem cum Bohemis.

affligebat fratrem, conabatur eum eijcere Vratislauiā, quam ipse deinde funditus euertisset.

Transegit igitur Henricus Sextus cum Iohanne: nominauit eum hæredem sui ducatus, cum ipse non suscepisset prolem masculam, muneris autem loco accepit ad tempora vitæ suæ ditionem Glocensem, quam Iohannes emerat à duce Monsterbergense. Rapiebantur etiam reliquæ ciuitates incredibili studio in Iohannem, qui intra proximum decennium deinde, precibus, precio, minis, ferè reliquos omnes sibi deuinxit, præter Suidnicensem, vt suo loco narratum est.

Quare ego existimo, non proditam fuisse libertatem patriæ nostræ, sed fuisse causas huius consilij necessarias, & vtilis huic regioni, quæ intra paucos annos tota concidisset, nisi hæc à Deo fuisset monstrata ratio. Nam diadema regium Poloniæ, Locticus, qui iam genuerat filios, & erat satis foelix præliator, nunquam erat redditurus Silesijs, & quidem iam gliscebant odia inter has duas gentes, quæ non faciliè potuissent restingui.

Grati etiam fuerunt reges Bohemici erga Vratislauiam. Nam & viuente Henrico Iohannes effecit, vt ciuitas administrationem iudiciorum acciperet, emta ea à viris nobilibus, qui negligentia superiorum Principum eam sibi vendicauerant: & Carolus filius eam vrbem in primis dilexit.

Iuratum est in verba Iohannis Regis anno 1337. Sabbato, qui præcessit dominicam Palmarum, Henrico iam mortuo. Qualis tunc fuerit lis Regi cum importuno Episcopo Nancero, scriptum est alibi. Ciuitas etiam experta est grauissima odia collegij, quod magis fauebat Polonis.

Anno 1341. 7. Septembris rursus conflagrauit Vratislauiā penè tota, sed ea calamitas Dei benignitate ciuitati in commodum cessit. Tunc enim inchoata est noua exædificationis forma, & ædes eleganti ordine penè omnes ex lapide extructæ. Deinde anno 1353. Carolus Cæsar suo sumtu templum arduum ædificauit, sub nomine Diuæ Dorotheæ, & ciuitati adiecit insignem appendicem, ripam videlicet vltiorem Olauix fluij.

Ita igitur excreuit vrbs, vt nulli ex Germanicis structuræ pulcritudine cedat, plerasque autem ordinata concinnitate platearum superet. Carolus Quartus venit Vratislauiam anno 1348. 7. Nouembris. Senatus Vratislauiensis anno 1355. Carolum comitatus est ad coronationem Romam, triennio post Cæsar Senatui magistratum perfecturæ super totum territorium attribuit.

Hoc modo sub tam propitio & benigno Cæsare, qui verè fuit patriæ nostræ pater, conquieuit Silesia, & Vratislauiā, Deo benedicente, creuit in vrbem laudatam & elegantem, ita vt plerisque ex Italicis possit opponi. Dixerat idem Carolus, lætari se, quod haberet in

Iohannes Bohemix Rex
potitur Silesia.

Vratislauiensis collegium
fauit Polonis.

Vratislauiā
denuo perit
ex incendio.

Vratislauiæ
structura noua & egregia.

Vratislauiā
magna ornamenta accepit
à Carolo Quarto.

beret in limitibus imperij duas præclaras vrbes, in Italia Romam, in Germania Lubecam, ipsius autem beneficentia effectum est, vt etiam his annumerari possit Vratislauia.

Ornauit Pragam quoque, ita vt de ea scripserit Aeneas Syluius, eam parem esse Florentiæ, sed illa euerfa fuit furore Hussiticorum. Anno 1381. fuit ciuitati lis cum sacerdotibus, orta ex cereuisia intercepta: Sed poenas superbiæ dederunt, grauiter mulctati à Venceslao rege, sicut prius dictum est.

Anno 1404. fuerunt Vratislaviæ vnà Vladislaus Iagello Poloniæ Rex, & Venceslaus Bohemus. Sperabat vafer Rex Lithuanicus, se decepturum simplicem & credulum Regem Bohemiæ, sed tamen impedita fuerunt eius consilia, & alioqui leges fœderum inter reges constitutæ. Florebat tunc ciuitas, sed, quod solet accidere, fortunam sequebatur insolentia in populo.

Legerat Venceslaus nouum Senatum, sed eum plebs vrba-
anno sequenti post per seditionem 9. Septembris abrogauit, & ab eo tempore in vrbe cœperunt gliscere factiones, quæ eruperunt in
tristes motus, & multis extremas calamitates attraxerunt. Non enim sedari potuit furor multitudinis multis annis.

Vratislaviensis
seditio.

Anno 1418. 18. Iulij plebs vrba horribilibus acta furijs expugnauit curiam, plerosq; ex ordine senatorio, aut suis manibus, aut etiam per carnificem trucidauit, vnum ex loco sublimi præcipitem deiecerunt, & hastis armatorum confixerunt. Tam tristia scelera in armis populi confirmauit diuturnum ocium, ignauia Regis & cupiditas licentiæ. Sed tristes sunt secutæ poenæ, non modo quas inflixit Sigismundus Cæsar, sed etiam bella multorum annorum, quæ vltæ sunt contemptum legum & disciplinæ neglectiorem.

Cæsar quidem 6. Martij anno 1420. securi percussit autores seditionis viginti duos, qui fermè erant tribuni opificum, multos in exilium eiecit, & bona eorum ærario Senatus adiudicauit. Secutum est deinde bellum Hussiticum. Quia Bohemi irritati sæuitia concilij Constantiensis, & quod Silesij, secuti exercitum Sigismundi, Bohemiam vastassent, Silesiam latè depopulati sunt, grassati ferro, flamma & rapinis, rabie plusquam Turcica.

Seditioforum
supplicia in
urbe Vratis-
laviensi.

Etsi autem agmina illa se nominabant Hussitica: tamen plerumq; conflata erant ex perditissimis latronibus Bohemis, Morauis & Polonis, qui trucidabant pueros in scholis, exurebant templa & statuas, vnà cum ipsis sacerdotibus & hominibus, quos adepti erant, perierunt tunc præcipua & optima oppida Silesiæ: Huic tanto incendio nulla opposebatur defensio à magistratu superiori: procul enim aberat Sigismundus Rex occupatus alijs bellis.

Vratislavia
defendit Si-
lesiam contra
latrones Huf-
fiticos.

Ibi in publico periculo virtus huius verbis enituit, quæ pro patria fuit in excubijs, sicut olim ciuitas Attica in bello Persico. Coniunxit se ipsi vrbs Suidnicensis, cuius erant tunc opes non vulgares. Conducto exercitu passim represserunt latrones Bohemicos, multa oppida texerunt, atq; etiam receperunt ab hostibus.

Laborauerunt in ea statione annos pene sedecim vario & dissimili cum euentu, benignitate tamen Dei ita sunt accisæ vires hostium, vt regionem in suam potestatem redigere non possent. Bellum Bohemicum excepit Polonicum, ortum à fratribus Poloniae regibus, Vladislao & Casimiro, qui primum Albertum Austriae cum, Sigismundi generum, ex regno Bohemiae excutere, deinde Ladislao Posthumo regnum Hungariae eripere conati sunt.

Albertus Cæsar venit Vratislaviam 18. Nouembris, 1438. mansit ibi vsque ad ver anni sequentis: prolapsus ex gradibus scælaræ, postea claudicauit. Vratislaviensibus belli ducem dedit Marchionem Albertum Brandeburgensem, qui fortiter reiecit Polonos, illisq; incussit metum, ne, sicut assueuerant, liberè grassarentur. Certa tamen pax in Silesia non fuit ab anno Christi 1420. vsq; ad regnum Vladislai Poloni, annos 70.

Poloni subinde carpebant Silesiam incursionibus, etiam post interitum sui Vladislai ad Varnam, & deprædationes illæ bellicæ tot annorum, repleuerunt regionem latronibus & prædonibus, qui omnes vias obsidebant. Mortuo deinde Ladislao cœperunt litigare de Silesia primum Georgius Bohemus & Mathias, postea Mathias & Vladislaus. Historiam motuum illorum non repeto, cum ea copiosè libro superiori sit descripta.

Ladislaus Posthumus venit Vratislaviam 1454. die S. Nicolai, triennio post Pragæ perijt. Anno priori fuit Vratislaviæ Capistranus hypocrita Italicus. Non fuit alius error maior, & magis perniciosus huic vrbi, quàm ista mirifica & tamen non necessaria fortitudo, quòd ista Respublica se opposuit Georgio Bohemo, eumq; tandem armis & consilijs suis Silesia eiecit.

Vratislaviæ
error in bello
contra Georgium Bo-
hemum.

Erat is vir sapiens & clemens creatus in Regem legitimo modo, tribuebat illi titulum regni Cæsar, tota Silesia & Lusatia agnoscebat eum pro rege. Sola autem hæc vrbs constanter eum reiecit. Cuius ardoris duæ fuerunt causæ: prior sæuum odium erga Bohemos, qui superioribus annis crudelissimè Silesiam afflixerant, deinde persuasio religionis vel pietatis, quam instillabant ipsis sacerdotes, qui publicè sine fine Georgium tanquam hæreticum execrabantur.

Sed illi ipsi, qui erant faces huius incendij, postea leuiter icti resilierunt: plerosq; ex ciuibz iuuabant pecunia, sed sub conditione grauis

ne grauis fœnoris, & quasi vniuersas ciuitatis cædes seruitute sibi deuinxerunt. Ipsi autem, vrbe iam exhausta, occultè apud hostem sibi cauerunt.

Georgius urbem amabat, cui noluit supremam adhibere vim, etsi à principio beneuolentia & viribus suorum egregiè erat instructus: potuisset Respublica per transactionem ab hoc rege libertatem & alia ornamenta adipisci. Nam Georgius etiam illi annuam pensionem de suo promittebat, si modo vellet quiescere, & abstinere à bello: Sed alia fuerunt fata. Peruicit quidem consilium vrbis, & cum immisceret se Mathias Huniades, Georgius Silesia eiectus est: sed graui cum patriæ detrimento.

Nam filij Georgij regionem sæpè acerbissimè diripuerunt & exusserunt, & tandem Mathias à duobus regibus Vratislaviæ cum exitio regionis oppugnatus est. Et quamuis Poloni & Bohemi grauius cæsi sunt, tamen, vt olim dictum est, victus quidem plorauit, sed victor interiit, Silesia nempe ferro & flamma deuastata. Ordinem rerum istarum poterit lector inspicere in historia, quæ ipsa commonefacere debet prudentes de illo præcepto Paulino: In hoc sitis ambitiosi, vt propria faciatis. Item: Patriam quoque perdidit olim Gloria paucorum laudis tituliq; cupido.

*Vratislavia
attraxit Ma-
thiam.*

Existimatum fuit Mathiam ad extremum non fuisse bonam gratiam relaturum Vratislaviensibus, si diutius vixisset. Quia aduersabantur consilijs ipsius, nimium interdum calidis. Mandauerat ne mutarentur magistratus urbani ante ipsius aduentum, & de nouo volebat Silesiam & hanc præcipuè urbem constituere arcem belli Polonici. Sed mors Regis hæc omnia interrupit.

*Mathias non
fuit gratus
Vratislaviensi
urbi.*

Anno igitur 1490. quieuerunt quidem bella, sed successerunt latrocinia admodum terribilia. Vladislaus vero Rex segnissimus & parum efficax, nullum opponebat præsidium. Vrbs Vratislaviensis & Gorlicensis represserunt grassatores per equites suos emissarios. Deinde Sigismundus frater Regis bonam operam nauauit in extirpandis prædonibus, & multos ex nobilitate etiam, inquinatos rapinis & cædibus affecit supplicijs.

Intercessit deinde vrbi breuis quædam lis cum Friderico Lignicense, quæ tamen cito sopita est, & bonus Princeps magno deinde redemisset, si non iræ suæ indulsisset. Sub hoc Rege fuit foelix successus mercaturæ, & auctæ sunt opes multorum ciuium in vrbe. Floruit etiam Respublica Senatoribus præstantibus consilio & fide, inter quos eminebat Iohannes Haunoldus: is multos annos egregie retudit fastum sacerdotum, qui inflati opibus & potentia meditabantur singularem dominatum constituere, & omnia conabantur figere & refigere pro suo arbitrio.

*Vladislaus reg-
nante fuit
foelix merca-
tura in Sile-
sia.*

*Vratislavia
habuit sapi-
entem Sena-
tum.*

Vratislaviensis
lites de
Academia &
emporio.

Autor fuit Senatui, Academiæ constituendæ in sua vrbe, consilio laudatissimo & vtilissimo. Sed hoc bonum publicum, & singulare prouinciæ nostræ ornamentum euertit iniquitas sacerdotum, qui hoc impedierunt largitione in aula Iulij Pontificis, vere illa laudati, cum & lucem doctrinarum in illa sua tyrannica barbarie non ferrent, & quia à Rege quidam redditus sacri, ipsis detracti, donati fuerant recenti Academiæ: putauerim tamen consilia sacerdotum non futura fuisse superiora, cum præsertim Leo, qui Iulio successerat, faueret artibus & literatis, nisi urbem retardassent duo incommoda: mors Haunoldi viri industrii & magnanimi, deinde disceptationes, quæ fuerunt vrbi cum Polonis propter emporium.

Anno enim 1511. 29. Ianuarij cum liberis, Anna & Ludouico, urbem ingressus est Vladislaus Rex, & mense Februario edicto publico iussit Vratislaviam esse limitem commerciorum inter Poloniam & Germaniam. Sed cum totum quadriennium acriter esset litigatum, & Poloni commercia cum Silesijs vetarent, freti audacia Bohemorum, qui ipsis dabant transitum, cum maximo detrimento vrbis ius illud abrogatum est.

Bartholemeus
Monsterbergensis
hostis
Vratislaviensis.

Fuit deinde vrbi negotium cum Bartholemeo Monsterbergense, Principe facundo, sed inquieto. Is cæsus est ad Cantium, & quamuis ciuitatem apud Regem in odium adduxerat, tamen hoc illi nihil profuit. Anno enim 1515. perijt in Danubio.

Vratislaviæ
emendantur
Ecclesiæ.

Post mortem Vladislai, & primis annis regni Ludouici, illustre fuit studium vrbis in emendatione doctrinæ coelestis, & abolendis idolis Pontificijs. Qua in re ipsi etiam exemplo suo, reliquæ Silesiæ optime præluxerunt, neque moti sunt vlla periculorum denunciatione, etsi in aula Regis habebant aduersarios Episcopos, qui omnia poterant, & domi circumfessi erant à domesticis hostibus sacerdotibus.

Iohannes Hesus & Ambrosius Moibanus
instauratores
Ecclesiarum
in vrbe Vratislaviensi.

Nacti sunt ab initio statim doctorem pietate doctrina & modestia excellentem, D. Ambrosium Moibanum, qui circumspectè grauiore abusus taxauit, & peritè monstrato discrimine Euangelij & ordinationum politicarum, animos multitudinis admodum incensos delinijt, ne orirentur seditiones aut alij violenti motus. Electus etiam tunc fuit Episcopus Iacobus Salzensis, Legum Doctor, vir sapiens & moderatus, qui veritatem opprimere vi, quod petebant sacerdotes, non voluit, cum præuideret inde secutura grauissima mala.

Ipsam D. Moibanum adductum, vt manus ipsi imponeret, his verbis affatus esse dicitur: Vade, doceas Euangelium Iesu Christi in nomine Patris, Filij & Spiritus sancti. Inchoauit verò primus ministerium purioris doctrinæ vocatus in urbem ex collegio, anno 1523. D. Iohannes Hesus præstans sapientia & mirifica eaq; quasi

Periclea

Periclea eloquentia. Illi coniunctis sententijs & operis ceremonias Ecclesiasticas emendarunt, reiectis superstitiosis & idolatricis ritibus, tamen retinuerunt eos, qui prodesse possunt ad ordinem, & ad excitandos motus inuocationis in animis hominum.

Cum etiam in hac regione passim vagarentur erronei Enthusiastici, Anabaptistæ & alij, qui homines abducebant à ministerio, & multos in doctrina turbabant, ipsi constanter coniuncti cum Academia Vitebergense eos refutarunt, & ab Ecclesia sua deliria illa excluderunt.

Hoc exemplum cum intuerentur alia pleraque oppida in Silesia, Enthusiasticis non patuit publicè locus docendi, nisi alicubi, vbi singulari fato miseri & dementati populi irrepererunt, eosque aculeos in animis hominum reliquerunt, qui nondum planè potuerunt eximi. Ea fuit etiam prudentia amplissimi Senatus, ut semper frenum calidis motibus in religione iniecerit, & voluerit dici necessaria, omis-
Vratislavia amauit moderationem in disputationibus religionis.

Ideo mortuo etiam Ludouico, & euecto ad imperium diuo Cæsare Ferdinando, etsi multa crudelitatis flabella in aula fuerunt, & ipse Rex ter urbem eam reuisit, anno 1527. Calendis Maij, rur-
Vratislavia impetrauit ut religioni daretur pax à Ferdinando Rege.
 sus 1538. 9. Maij, & tertio. 1546. 20. Martij, tamen vrbs singulari modestia & demissa obedientiæ significatione, clementissimi Cæsaris animum ita flexit, ne propter emendationem religionis ipsis irasceretur: cui etiam concessione, non dissimili edicto Cyri, permisit vsum rituum receptorum, donec in synodo legitime conuocata posset fieri dijudicatio dogmatum.

Hæc tanta moderatio non solum vrbi, verum etiam reliquæ Silesiæ fuit salutaris, adeo ut ardente seditione rustica, fermè in tota Germania, hæc Regio à contagijs furorum illorum fuerit immunis, & æquissimus Cæsar nullam etiam ex minoribus ciuitatibus consentientem in doctrina cum Vratislauenfi perdiderit.

Anabaptistas vero & alios, qui seditiosa & perniciosa dogmata circumferebant, hæc vrbs & reliquæ maturè represserunt, & relegarunt, qui deinde in Morauiam profugerunt, vbi inuenerunt domicilium, ibique singularem politiam Platoniam, plenam turpitudinis & scelerum constituerunt.

Fuit etiam hoc beneficium Dei eximium, quod in ea religionis purioris plantatione largitus est duos Episcopos huic regioni, sapientes & bonos, qui admodum propitij fuerunt aduersarij, neque vnquam ad sæuitiam se accendi passi sunt, sed quietem publicam consilijs iracundis anteferre maluerunt.

D. Iacobo enim successit Balthasar Promicius nobilis Freistadiensis Princeps doctus eloquens & beneficus, qui cum imperio

Iacobus Sal-
zenſis & Bal-
thaſar Promi-
cius fuerunt
Episcopi ſalu-
tares Sileſiæ.

etiam Sileſiæ, nomine regio, præfuit, & urbem hanc ſicut reliquam Sileſiam totam amore verè patrio complexus eſt, fuit cuſtos pacis, concordiæ & iuſticiæ aſſiduus, neq̃ ullum ordinem, propter con- feſſionem veræ doctri-næ aſſixit.

Non dubium eſt igitur, æternam huic optimo Principi debe- ri gratiam, qui verè talis fuit, ſicut verſus græcus inquit: *χρησὶς αἰνε-
κείνῳ ἀγαθόν ἐστι*: Vir bonus eſt bonum publicum. Ipſe etiam in vita præſentiam Dei expertus eſt, qui eum euexit, textit & ampliſſimis opibus auxit, ſecundum promiſſionem: Beati mites, illi poſſide- bunt terram.

Recenſui ſeriem euentuum memorabilium, qui acciderunt vrbi uſq̃ ad necem regis Ludouici, vt illi in vna quaſi tabella faci- lius poſſint ſpici & conſiderari. Expoſita ſunt autem iſta copioſius in hiſtoria. Chorographiam vrbis accuratam non deſcribo, & ex- tant picturæ non inueniuntur. Magnitudo ſatis ampla eſt, & ex mea æſtimatione, quam tamen non pro certa pono, diameter non eſt minor ſex ſtadijs.

Vratiſlauiæ
magnitudo.

Vratiſlauiæ
qualis ſit aëris
conſtitutio.

Veteres Philoſophi & medici iuſſerunt conſiderare, quibus ventis quælibet ciuitates expoſitæ ſint. Nam cum corpora noſtra ex aëre nobis circumfuſo maximè immutentur, prodeſt ea diligen- tia ad curam tuendæ valetudinis. Sita eſt vrbs in magna campo- rum planicie in ripa Viadri Auſtrali. Ad ortum tamen brumalem montibus protenſis excluditur Euronotus. Liberrimè autem per- ſatur Aquilonibus, excurrentibus per longos campos ex Polonia, deinde etiam ventis orientalibus & Zephyris.

Siccitas vero Aquilonum retunditur ex duabus potentibus cauſis. Verſus Septentrionem enim cingitur plurimis locis palu- ſtribus, vliginoſis & multum humidis, ſicut traditur, ipſam urbem olim in lacu exiccato extructam. Ripa etiam illa Viadri admodum depreſſa eſt & decliuſis. Deinde prope urbem paſſim eſt ager, qui habet glebam pinguem & humidam.

Ex his cauſis ſiccitas ventorum remittitur, & aër potius ad humiditatem quandam notabilem declinat. Deinde etiam fri- giditas propter halitus terreſtres & paluſtres, præditos vuida qua- dam caliditate, atq̃ ex incurſu calidiorum ventorum remittitur. Ita vt crediderim, conſtitationem aëris primo quidem eſſe humidam, deinde nonnihil calidam, eamq̃ reſpondere ex quadam analogia, ſeruato videlicet diſcrimine climatum, aëri Italico, præſertim Bo- nonienſi aut etiam Longobardico.

Nec ab hac noſtra opinione diſſentiunt Aſtrologi, qui urbem ſubijciunt Virgini & Mercurio, eamq̃ conferunt cum Ticino, Lu- tetia, Baſilea. Ingenia etiam vt plurimum congruere manifeſtum eſt, quæ ex temperie quodammodo media ſunt inter ſanguinea & bilioſa. Ideo plurimi ex inclytis ciuibus, non modo ſunt excitati ad honeſtas actiones diligenter efficiendas, capaces artium, prudentes,

aman-

amantes religionis & artium, verum etiam præditi singulari dexterritate in familiari consuetudine, affabilitate & morum eleganti ciuilitate, quæ quidem virtutes propriæ sunt gentis Italicæ excultæ.

Morbi familiares, & quasi *ενδημιοι* sunt, procliuitas in febres ex facili errore, calculi renum & dolores articulorum omnis generis. Causæ sunt non solum ex aëris qualitate, verum etiam ex ratione victus, qui apud plerosq; est liberalior & plenior, accedit simul ratio in potu, qui constat ex cereuisia succulenta, multi nutrimenti illiusq; subuiscidi, ita vt, si cibi potusq; in genere facienda sit collatio, ego eam cereuisiam ex proportionem respondere existimauerim carni suillæ, quæ ex testimonio Galeni, vbi bene conficitur, & in habitum corporis distribuitur, præbet alimentum multum, laudatum & compactum.

*Vratislauiæ
qui sint mor-
bi familiares.*

Deinde hauriuntur ibi familiariter vina plena, fumosa & dulcia, Hungarica, Austriaca & Francica. Inde suppeditari ex erroribus intemperantiæ excrementum partim pituitosum, partim biliosum, euident est, multumq; repleti caput exhalationibus illis calidis & humidis. Humores eiusmodi præbere occasionem generationi calculorum constat. Articulorum vero imbecillitas est à naturali humiditate, quæ efficit laxitatem, & occasionem ad recipienda excrementa affluentia ex capite, præcipuè quæ ab humore bilioso & acri, tanquam à vehiculo eò deducuntur & intruduntur. Sed hanc considerationem prudentissimis Medicis illius ciuitatis relinquitur & subijcimus.

De statu ciuitatis sparsim iam dictum est. Vetusitas laudauit Massiliam, veterum Ionum coloniam, qui ex sua patria in litus illud Gallicum importarunt sapientiam & eruditionem Græcam, ipsaq; vrbs tanquam illustris Academia, Romanam iuuentutem & aliarum gentium diu erudit doctrina & honestis in omni genere virtutum exemplis.

Hæc nostra vrbs ciuilibus ornamentis Massiliæ non cedit, alijs verò illisq; verioribus bonis, longè eam superat. Nam Principio habet Ecclesias rectè constitutas, in quibus sonat vox incorruptæ doctrinæ de agnitione Christi & de vera inuocatione Dei propter Mediatorem, resectis omnibus erroribus idolatricis.

*Vratislauiæ
ornamenta.*

Ita vero amans est populus publicorum congressuum, vt etiam illa spaciosissima templa tantam multitudinem non capiant, in ea frequentia funduntur preces publicæ pro Ecclesia, pro Magistratu & Oeconomis ardentes & piæ. Templis adiunctæ sunt scholæ, constitutæ ex pia liberalitate Senatus & ciuium, vbi iuuentuti magna cura & assiduitate traduntur initia pietatis & optimarum artium semina. Hæc nimirum sunt vera & laudata bona, quibus hæc ciuitas illustris est, multasq; alias, etsi potentia superiores, sed implicatas idolatria, aut inquinatas barbarie, quales sunt Constantinopolis, Alexandria, atq; ipsa etiam Roma, antecellit: de quibus verum est

*Vratislauiens-
es Ecclesie
& scholæ.*

hoc, quod in Græco versu de Helide dicitur, eas esse ebrias & mendaces, hoc est, defendere ipsas idola, & contaminatas esse luxu & libidinum immundicie.

Vratislauiensis Aristocratiæ.

Respublica autem ipsa pulchra est Aristocratia, in qua nec sunt Oligarchiæ, nec Democraticæ confusiones. Magistratus urbanus seuerus custos est legis diuinæ in vtraque tabula. Tuetur ministerium, punit blasphemos, homicidas, inquinatos libidinibus, fures & alia scelera cum decalogo pugnancia.

In consilijs sunt circumspecti, non præcipites, sed amantes exquisitæ & cunctatrici cuiusdam prudentiæ. Atque prorsus ea præstantissimi Senatus augusta est dignitas, & ad suos ciues cum graui cultu reuerentiæ caritas, ut verum sit illud poetæ: Formosi pecoris custos formosior ipse.

Ferdinandi Cæsaris elogium de Republica Vratislauiensi.

Ideo honestissimo hoc elogio Cæsar sapiens, diuus Ferdinandus, urbem hanc ad fratrem Carolum Imperatorem ornauerat: Est, dixerat, Vratislauiæ vrbs pulchra, ibique forma gubernationis optima est. Aedificia quidem urbis etsi sunt splendida, eaque structuræ & ordinis elegantia distincta, ut Germania ea in re non habeat urbem meliorem, tamen pulchriora non sunt, quam ipsi domini, & œconomiæ, in quibus sunt multi ciues ornati honestis opibus, quibus benefaciunt discipulis doctrinam Ecclesiæ & artes vitæ necessarias, animi promptitudine maximè pia, ita ut quorundam præstantium ciuium in hoc genere liberalitas sit par magnis Principibus.

Vratislauiæ ædificia & œconomiæ.

Vratislauiensis liberalitas & studia discipulorum.

Erga ministros etiam doctores suarum Ecclesiarum & Scholarum sunt munifici & officiosi. Magistratui cum superiori tum urbano largiuntur liberaliter ad conseruationem pacis & disciplinæ. Nulla etiam in Silesia, aut in vicinia quoque est vrbs, ubi ita accurata habetur ratio pauperum, sicut in ista. Nam & publica impensa extructa sunt commodissima nosocomia, ubi inopibus & ægrotis munda & locuples alimonia datur, & præterea peritis medicationibus iuuantur: in eamque rem ciues eleemosynas amplissimas contribuunt.

D. Iohannes Hefius erexit amplam nosocomia Vratislauiæ.

Instituti huius primus autor & hortator fuit D. Iohannes Hefius, qui voce sua studia reipublicæ & ciuium ad hanc pietatem mirificè excitauit. Oeconomiam domi gubernantur pie, sobrie, ciuilitate, & ex conuenienti inprimis ordini. Nam liberi & familia assuefiunt ad preces & exercitia pietatis: dicuntur preces manere, ante & post cibum, ante somnum à liberis, qui inspectores habent domesticos præter parentes doctos & modestos pædagogos. Matronæ excellentes forma, ingenio & pudicitia filiabus sunt monstratrices pietatis, modestiæ, elegantis culturæ & assiduitatis in œconomis. Verè itaque in multis prijs familijs conspicitur exemplum Prophetici voti: Sint filij nostri sicut plantulae crescentes in iuuentute sua: Filiae nostræ sicut anguli ornati ad similitudinem templi: nempe, ut

pe, vt non solum puellæ figura & cultu corporis sint similes templo ornato, verum etiam, vt ipsæ intus sint templa Spiritus sancti, in quibus vera lux de Deo, & veræ virtutes fulgeant.

Neq̃ facile locum reperiēs, vbi mundior & exquisitior sit vitus, maiorq̃ elegantiā & ciuilitas in œconomijs, quàm in ista vrbe. Sed ego, ne nimium euagari videar, desino, & Deum supplex oro, vt hanc regionem atq̃ hanc urbem, quæ est corona huius Prouinciæ, protegat, & ipse faciat, vt ad omnem posteritatem nostræ vrbes sint domicilia pietatis, sapientiæ, doctrinæ & virtutis, ipseq̃ arceat à nostris ceruicibus, aris & focis latrones Scythicos, ne ista Ecclesiarum atq̃ politiarum hospitola & niduli fiant mapalia aut stabula impietatis, blasphemiarum & barbaricæ turpitudinis, propter Filium Mediatorem & Saluatorem nostrum. Non enim frustra dictum est: Nisi Dominus custodierit ciuitatem, frustra vigilat qui custodit eam.

DVCATVS GLOGOVI.

ENSIS.

NON est mei instituti depingere vel describere omnes Silesiæ vrbes aut loca. Nam & hoc esset laboris infiniti, & multa repetitione rerum non magnarum oboriretur fastidium legentibus, cum præsertim nunc extent picturæ. Verum posteaquam in genere situm & statum Prouinciæ recitauī, & quædam etiam de inclyta vrbe primaria dixi, nunc harum urbium, in quibus natus sum & magnam partem vitæ meæ transegi, breuē historiam texam: vt in hac re etiam amorem meum patriæ testificer, quam verè diligo, & cui opto, vt Deus tribuat ciues multos, qui ipsi tanquam dulcissimæ matri pareant, à qua victum, leges, disciplinæ, religionis, literarum & artium intellectum acceperunt, & cogitent, tali se foedere obligatos, vt eadem bona posteris tradant, nec laxent frenos iniustis cupiditatibus odiorum, ambitionis, curiositatis, aut auaritiæ, ex quibus accendi possunt dissensiones, aut alioqui attrahi mala inextricabilia, memores illius tristissimi vocabuli, quod multi ex veteribus Principibus Græciæ, quamuis excelluerunt sapientiā & autoritate, tamen, quòd suis consilijs, ortis ex flammis malarum cupiditatum, vrbes suas euerterunt, nominati sunt parricidæ patriæ.

Patriæ debetur gratitudo.

Nouum regnum Sclauonicum vel Sarmaticum veteres ciues Silesiæ coëgit accipere leges & linguam suam, & inter tot bella vrbes antiquæ, si quæ fuerunt, sunt deletæ: quamuis nunquam sub imperio Lygiorum & Marcomannorum fuisse insignes aut valde amplas ciuitates in hac regione consentaneum est, quia perpetuæ erant harum gentium migrationes, & vix vsquam diu hæserunt. Ideo etiam veteres historici de Germania scribunt, eam non fuisse excultam magnis urbibus.

Distri-

Silesiæ & Germaniæ ueteris urbes quales.

Distributa erat gens in præfecturas & pagos, ita ut plures vici parerent uni præfidi: sicut ea vocabula manserunt penes Heluetios. Deinde populi Sarmatici nunquam fuerunt studiosi ædificationum. Vrbes igitur Silesiæ penè omnes sunt recentes, & cæperunt ab eo tempore, quo religio Christi his populis innotuit: tunc enim, cum doctrina, etiam ordinem politicum in hæc loca intulerunt homines Itali & Germani: qui huc ex vicina Misia & Saxonia commigrarunt. Interea tamen verisimile est, mansisse aliquorum locorum appellationes veteres, quæ deinde ob memoriam vetustatis sunt repetitæ.

Inuenio nominatim antiquas vrbes esse Lignicium & Lubenam, de quibus dicitur, quod Boleslaus procerus primus Silesiæ Princeps, circa annum Christi 1170, eas exornauit & amplificauit. Tales autem fuerunt veteres vrbes, ut circa arcem aliquam munitam trabibus & cratibus, starent aliquot casæ congestæ ex materia lignea rudi & cespitibus: quales adhuc hodie multæ sunt ciuitates in Lithuania & Moscouia.

Germanorum ueterum nomina.

Cœnobium Leubense etiam antiquum est: & scribitur locum illum sub idolomania ethnica fuisse sacrum statuæ cuiusdam, quæ religiose colebatur: aliqui suspicati sunt, eam fuisse Martis. Apud Lucanum nominantur numina veterum Germanorum, quæ fuerunt heroes gentis proculdubio Theudates, Taran & Hesus. Isti sunt Deudschman/Garman, vel Herman: & Hesus, quem dicunt fuisse Martem, forte est Herzog. Monstrantur etiam alibi adhuc templa, quæ putantur fuisse ethnicorum. Ea fuerunt ab initio parua, sed à Christianis amplificata sunt. Quia templa Christianorum sunt condita propter doctrinam, ethnicorum tantum propter sacrificia: Conciones autem gentium meliorum & cultiorum erant poemata scenica, quæ recitabantur in theatris.

Glogouia antiquissima ciuitas in hoc ducatu.

Bythomia uetus oppidum est.

Vtrum Suidnicia & Suibusium nomina sua retineant à Sueuis, non possum certo affirmare. In hoc nostro ducatu non credo esse antiquiorem urbem Glogouia, quæ est metropolis ducatus. Est quoddam oppidulum Bethania, quod olim appellatum est Bythomia, illud est quidem vetus, & haud scio an non habeat suum nomen à Biturige, sed iam non est in veteri sua sede.

Complectitur hic ducatus præter Glogouiam alia oppida quinque, Freistadium, Guram, Sprottam, Grunbergam & Suibusium, de quibus annotabo ea, quæ videntur memoria digna.

GLOGOVIA.

IN Ptolemæo nominatur vrbs Lugidunum, cuius situs non multum differens est ab hac ciuitate, cui ascribuntur Gradus longitudinis

dinis 33. M. 1. Latitud. Gr. 51. M. 31. Existimo igitur antiqua rudera & *ἐρείματα* Lugiduni excitata & coacta in formam nouæ vrbis Glogouiae. Origo vocabuli Lugiduni, meo iudicio est, à Lygîs, vel à Luîs: Ita enim hos populos nominant Strabo & Ptolemæus: & proculdubio vetus appellatio in lingua Germanica fuit *Liuenau*: vnde, vt esset mollior flexus, gentes exteræ dixerunt Luîunum & Lugidunum. *Glogouia instauratur, ex ruinis Lugiduni.*

Vtrum vocabulum Luî sit à leonibus, non certo determino: quamuis sonus alienus non est, & notum est, veteres Principes sibi tribuisse appellationem Leonum, Vrforum, & talia etiam symbola pinxisse. Apud Herodotum est, Lygios vel Luîos sua lingua mercatores nominare Sigynas: & ita scribit appellari gentem, quæ habitet ad ripas Istri in Germania: posset quis existimare, hoc nomen esse nostrum *Ziehgan*, qua voce maiores nostri appellarunt homines vagabundos, qui in assiduâ fuerunt profectiõibus, etiam antequam noti fuerunt illi erronei Aegyptij: & apparet Herodotum hoc velle, illos populos sic nominari, quod propter commercia longa suscipiant itinera. Ex mea opinione ab eadem sunt origine Lugidunum, Lignicium, Leubusum, Lubena, Libusum, & si quæ sunt alia, videlicet à Lygîs vel à Luîs. *Sigyna Herodoti qui sint.*

Quo tempore Glogouia sit instaurata, & hoc nouum nomen Sclauonicum acceperit, certò non possum indicare, cum nulla extant monumenta. Vetustissimæ literæ, quas ego Glogouiae videre potui, sunt scriptæ anno 1285. sub nomine Henrici Principis, qui fuit filius Conradi, nepos S. Hedwigis. Scio tamen, in hac vicinia apud viros nobiles extare paulò vetustiores, paucis annis post bella Tartarica scriptas. *Glogouia instauratio.*

Historiæ Polonicæ incipiunt disertè facere mentionem Silesiæ sub annum Christi 1100. & nominatur Glogouia primum apud Duglossum circa annum Christi 1104. vbi dicitur, Boleslaum Crispum Principem collegisse copias Glogouiae, quas duxit in Pomeranos. Deinde narrat, anno 1109. urbem eam ab Henrico Quinto Cæsare obsessam esse: Sed eandem non tunc primum cœpisse indicio est, quod Duglossus scribit, oppidum illud tunc fuisse frequens numero hominum, sed incenia illa fuisse collapsa ex vetustate. Ergo iam vrbs fortassis longius vno seculo steterat. Neque enim muri, etsi ex roboribus constructi, quales fuerunt veterum, cito cadunt.

Existimo igitur natales illius incidere in Vratislaviæ instauracionem: quo tempore nempe in toto regno Poloniæ fuerunt plantatæ Ecclesiæ, scholæ, & vrbes, illarum domicilia, gubernantibus consilia ista hominibus Italis Godefrido Episcopo & alijs. Regnabat autem tunc Mieslaus Princeps. Crebro Episcopi fuerunt in hac

*Breichauui-
ensis ager do-
natur Episco-
po.*

in hac vicinia, quia ager *Breichau* prima fuit donatio, quæ Episcopo facta est. Ideo apud maiores nostros fuit sermo, Episcopum domicilium suum ibi habuisse, quod tamen historiæ Polonicæ non testantur. Verum eos ideo sæpe & multum in hæc loca excurrisse constat, ut Ecclesias hinc inde constituerent: cum Episcopus Smogrensis inspector esset Ecclesiarum ad ipsum usque Libusium, Marchiæ oppidum.

*Glogouia ue-
teris situs.*

Deinde hæc mea est opinio, urbem ab initio sitam fuisse in altera ripa, Aquilonari fluminis Viadri, non vero in Australi, ubi nunc est. Cuius rei istas habeo coniecturas, propemodum certas. Narrat historia, Cæsarem cum exercitu Germanico & Bohemico progressum ex Misnia expugnasse primum Libusium, quod nunc est Marchiæ oppidum, deinde penetrasse eum in loca interiora ad ripam fluuij, & irrito conatu tentasse Bythomiam, postea transisse ipsum fluuium Oderam die S. Bartholemæi, & oppugnasse magna vi Glogouiam. Deinde interfecto Principe Bohemo, eum, motis castris, in eadem ripa Aquilonari perrexisse Vratislauiam, & ad vicum *Hundseldt* conflixisse cum Polonis. Ex qua narratione manifestè colligitur, urbem fuisse in altera ripa.

In annalibus etiam manuscriptis dicitur, Glogouiam eò loci sitam fuisse, ubi nunc est collegiata Ecclesia S. Mariæ, ita enim loquuntur. Forma quidem loci omnino talis est, qualem amauit vetustas, palustris & vliginosa, ut non facile pateat aditus. In vicinia illa adhuc effodiuntur urnæ, & similia vestigia sepulturæ ethnicæ, ita ut mihi plane videatur probabile, stetisse urbem in illa ripa, ubi nunc est sedes collegij sacerdotalis, & via, quæ nominatur lapidea: neque tunc valde magna fuit.

*Glogouia ca-
tymon.*

Facit etiam fidem appellatio, quæ deducitur à frutice spinoso, quem latini nominant paliurum: Significat igitur spinetum vel senticetum. Qua in re accuso nostros maiores, quod non maluerint vrbi attribuere nomen minus horridum, minusque ominosum. Fermè enim nomina solent esse fatalia. Porro in ista ripa adhuc hodie tale est fruticetum & spinetum.

*Nomina sunt
fatalia.*

Non procul ab ea parte est pagus, qui paret ciuitati, is nominatur *das Hœttrich*, quæ vox planè est interpretatio vocabuli Sclauonici Glogau: & fortassis hic etiam locum habet opinio nostri Philippi, qui putabat inde usque ab antiquissimis temporibus promiscuè habitasse Teutones & Henetos, qui simil ex oriente sunt progressi versus Aquilonem & Occasum: etsi magna pars Henetorum consedit in Sarmatia vel Moscouia. Quælibet autem gens habitationibus suis, suæ linguæ attribuit nomina. Sicut Lipsia significat tilietum, & non procul ab ipsa vrbe pagus est, qui Germanicam appellationem habet à *tilia*. Plurima vero similia exempla passim in Germania reperiuntur.

Quo

Quo tempore translata sit Glogouia in hanc, vbi nunc est, ripam, etiam videor posse colligere ex historia. Anno proximo post obsidionem, nempe 1110. Boleslaus Crispus fuit Babebergæ apud Cæsarem, cui tunc est reconciliatus, & vt firmior esset concordia, coniugia ibi sanxit. Reuersus ex Germania diu substitit Glogouiæ, eamq; urbem bene meritam de nomine Polonico, quassatam verò priori bello, vt historia narrat, restituit & ornauit.

Tunc igitur urbem ex illa loci angustia, quæ frequentiam ciuium non bene capiebat, & ex illo fabulo transtulit in hanc ripam vberiore & ameniorem. Descripsit formam vrbs ampliore, eamq; vt ornaret & cœtibus religiosorum augeret, assentiente & iuuante Haymo Episcopo Vratislauenſe, instituit collegium sacerdotum ad doctrinam & ad exercitia pietatis: illudq; cum Vratislauenſi, tanquam cum suo corpore, coniunxit.

Glogouia in alteram ripam translata.

Glogouiense collegium fundatur.

Fundatio scribitur facta 1120. Fuit vero templum Canoniorum in illo loco, vbi postea extructum est cœnobium sodalibus Dominici: & adhuc hodie notum est, quæ ædes fuerint domicilia præcipuorum ex collegio. Huic narrationi de condita vrbe fidem facit euentus. Anno quadragesimo octauo post hoc tempus, Fridericus Barbarossa cum exercitu inuasit Poloniam, ibi Princeps Polonicus, filius huius Boleslai, cum desperasset Glogouiam urbem magnam, sed recentem, & adhuc non satis munitam, posse defendi aduersus Cæsarem, eam exussit: Si autem in veteri sede ripæ aduersæ fuisset, proculdubio exemplo patris eam munisset præsidio, cum præsertim prius foelix fuisset euentus.

Glogouia oppressa à collegio.

Neq; etiam consilium de collegio vrbi fuit salutare. Nam breui tempore annitentibus Episcopis, magna pars vrbs venit in potestatem sacerdotum, qui hic dominati sunt pro suo arbitrio, & cum iniquiores essent Germanis, ciuitas in illo suo oportunissimo situ non magna habuit incrementa. Creuerunt interea Lignicium & Vratislauia exultæ à Germanis.

Tandem sub annum Christi 1260. Conradus Glogouiensis, nepos S. Hedwigis, qui domicilium suum in arcem Pridomiam vno milliari ab vrbe distantem collocauerat, eamq; ad vsus bellicos muniuerat, collegium ex vrbe, facta permutatione, in istam, vbi nunc est, Viadri insulam transtulit: ipse autem extructa arce in urbem migravit: exemplo fratrum huc accersijt colonos ex Germania. Atq; ita Glogouia serius quàm aliæ vrbes, mores & deinde linguam Polonorum deseruit, & primum sub isto Conrado accepit formam veræ vrbs, cum prius, quod esset inflammata, & quod seruiret sacerdotibus, esset neglecta.

Glogouia exornatur à Conrado.

Inuenio igitur istum Conradum vrbi tribuisse iura & priuilegia ciuitatis Germanicæ, cum abrogasset imperium sacerdotum, & iniquas leges Polonicas. Istorum saluberrimorum consiliorum apud maritum Principem fuit gubernatrix Salome Posnaniensis,

Monasterio-
rum Glogoui-
ensium fun-
datio.

cuius opera cœnobium Dominicanorum constructum est in parte ciuitatis occidentali, & rursus ad ortum Solstitialem magna ciuitati adiuncta appendix, & ille locus, vbi olim cruce publicorum suppliciorum steterant, designatus ad cœnobium Virginum erigendum, quam ædificationem absoluit Henricus Tertius Glogouiensis, filius Salomes. Fœmina ista propter pietatem adeo fuit celebris, vt post mortem à Monachis & alijs fuerit adorata.

Glogouie ma-
gnitudo.

Hoc modo paulatim vrbs aucta est, & in eam formam, qua nunc cernitur, promota. Diameter eius, meo iudicio, est quatuor stadiorum: ambitus duodecim stadiorum fermè. Situs ita opportunus est, vt post Vratislauiam in Silesia locus commodior non sit. Ex Polonia enim, quæ vrbes magnas in hac vicinia non habet, importantur annona, carnes, merces omnis generis magna cum vberitate, ita vt hæc ciuitas multorum populorum sit commune quasi horreum, vnde frumenta magna in copia euehuntur.

Glogouie cō-
moditates.

Agrorum circa urbem magna etiam est fertilitas, & rei pecuariæ insignia sunt studia. Flumen piscosus est, piscinæ etiam in vicinia multæ: Secundo fluuio aduehuntur ligna, atq; ita forum egregium, refertum omnium rerum necessariarum copia est, nisi auaritia hominum precia auget.

Glogouie sa-
lubritas.

Vrbs ipsa versus Austrum montibus & locis editioribus cincta est, neq; ab vlla alia parte liberè à ventis perflatur, præterquam ab Aquilonibus, & angularibus ventis, ipsi proximis, qui ex planicie Polonica per flumen ad urbem feruntur. Ipsa ripa meridionalis fluuij alta est, non depressa aut decliuis, qualis est Vratislauiensis: Salubritas igitur aëris satis commoda est, melior etiam quam Vratislauia, & constitutio talis, quæ non facile impressiones putridas recipit.

Nam cum auram Australem, eamq; insalubrem, montes excludant: Aquilones vero, qui omnium maximè aërem à putridis halitibus expurgant, sine impedimento aliquo quotidie aspirent, atq; horum tamen mordacitas & acrimonia ab halitibus fluminis humidis, & quasi tepidis refrenetur, manifestum est hunc aërem, qui Vratislauensi paulò est frigidior & siccior, non esse proum ad pestifera semina admittenda, neq; tamen eundem ob nimiam tenuitatem & mordacitatem inimicum esse cerebro & pulmonibus.

Ratione igitur aëris, qui, vt in hoc climate, nullo enormi vitio præditus est, non multi sunt in hac ciuitate morbi *ενδημιοι*: propter delicta tamen in potu præcipuè deinde propter ventorum naturam huic etiam vrbi familiarior est Arthritis quam vicinis.

Cereuisia enim coquitur ex aqua, cuius fontes pleriq; sunt versus Austrum, in solo pinguiori & limoso, ipse etiam Viadrus vehit aquam lentam, turbidam & tepidiorē: Præterea magna ex parte triticum quidem probum pingueq; est, sed ex nimia torrefactione in præparatione contrahit quandam acrimoniam fumosam, quæ proculdubio

culdubio qualitas est accedens ad aliquam putredinem. Cereuisia igitur efficitur succulenta quidem, multiq; nutrimenti sed turbida or, acris & fumosa, cum præsertim largè conditur lupulo, qui sua natura caput petit. *Glogouiensis cereuisia est succulenta & fumosa.*

Victus etiam ut plurimum plenus, crassiorisq; succi est ex carne suilla, bubula, caseo, brassica condita, & similibus. Ex his vitæ erroribus corpora excremento pituitoso & bilioso impleri manifestum est, & imprimis caput, in quo fumi isti eleuati & condensati necessario transeunt in serum limosum & acre, quod deinde in caua spatia articulorum, qui alioqui ab Aquilonibus debilitari solent, delabitur. *Glogouie fa- miliares mor- bi.*

Secundo loco, corpora hæc multum nephritidi obnoxia sunt, ex eadem causa. Materia enim proxima, ex qua lapis aut arenulæ in renibus concrescunt, est pituita diluta sero bilioso & acri. Aedificia vrbs paulatim emendantur. Nam huc vsq; semper fuit neglectio Sarmatica in ædificando, & vrbs magna ex parte adhuc lignea est. *Glogouie aedificia.* Nihil est amoenius collegio sacerdotum, quod in suburbio flumensano extructum est in insula Viadri pulchra, ibiq; sunt horti feraces. Nam solum alterius ripæ aridius, arboribus non est æquum.

Figura vrbs penè est oualis, maximè protenditur ab Austro versus Aquilonem. Fuit olim arx in parte Australi, sed ea diruta est, & commutata in portam vrbs, extructa vero est alia versus occasum solstitialem ad ripam fluuij, eaq; studio veterum Principum pro ratione illius ætatis munita est. Fuit ea domicilium veterum Principum, & ibi est magna, & tetra illa turris albicans, vbi fame necatus est Senatus Glogouiensis, ex mandato Ducis Iohannis, ut postea referetur.

Templum urbanum in loco editiori (nam versus Austrum vrbs assurgit in quandam altitudinem) ad meridiem locatum est, structura vetustissima est, sed subinde annexæ sibi sunt appendices, pro ut aut vrbs creuit frequentia habitatorum, aut inualescentibus subinde superstitionibus, aut nouis cultibus diuorum. Habet hoc templum turrim altam, crassitudinis miræ, ita ut grandiore Silesia vix videat. Aetas eius ignoratur: sed proculdubio ante annos 400. vnà cum ciuitate cœpit, ignoratur etiam quando ipsi sit auulsum fastigium. *Glogouiensis templi turris.*

Sunt in vrbe monasteria tria. Virginum vnum ad ortum solstitialem prope flumen, ante annos ferme 300. constitutum, religiosa pietate veterum Principum, qui ibi voluerunt educari puellas ad pietatem & honesta officia disciplinæ, quæ consilia adhuc hodie essent vtilissima, si abolitis impijs votis & superstitionis cultibus ætas puellaris, in hac præsertim domesticæ disciplinæ nostra ætate laxatione, assuefierent ad exercitia precationum, lectionum cantionum & modestiæ in omni vita. Ad Aquilonem est Monasterium sodalitij S. Francisci, in quod deinde immigrarunt illi, qui nomi-

Glogouiensis
urbis portæ.

nantur obseruantes Bernhardini, & aliud Dominicanorum, vbi olim fuit collegium sacerdotum ad occasum Solis, cum templo spatiofo & egregio, extructo ex eleemosynis multorum piorum ciuium. In illis, sicut alibi etiam, olim habitarunt apes, quæ fundebant mella vtilis doctrinæ, deinde successerunt fuci ignaui, & ebrj ventres: faciat Deus, ne immigrarent auaræ harpyiæ, sicut in multis locis accidit. Portæ vrbs sunt quinque, ex quibus duæ sunt flumentanæ, quarum tamen altera tantum seruit molæ vrbanae: præterea duæ ianuæ minores, pro viatoribus.

Vrbs quidem fermè duplici muro & fossa cincta est, sed tamen ad longas oppugnationes nihil haberet roboris: Pacem igitur poscamus, & Deum oremus, vt ipse sit murus igneus in circuitu nostro, sicut in Propheta dicitur.

FREISTADIVM VEL ELEVTHE.

ROPOLIS ELYSIORVM.

Ioachimi Cu-
rei familia.

A Pud Homerum vir sapiens Vlysses de sua arida & saxosa Ithaca inquit, inter longa sua exilia nondum se reperisse terram dulciorem ista: ita certè ego verè diligo hoc oppidum, quod auo meo paterno, nato in oppido Camencio Lusatiæ, & deinde dulcissimis meis parentibus, Gregorio Cureo & Margarethæ matri, hospitium tribuit annos propemodum 70. ab anno nempe 1494. vsq; ad annum 1564. quo matrem nostram, post mortem Vitrici, inde abduximus. Ibi ego quidem non solum vitales spiritus, verum etiam semina coelestis doctrinæ & artium hausi.

Freistadij com-
moda.

Cum igitur virtus sit amare patriam, & eius tranquillitatem omni officio tueri, amorem & gratitudinem huic oppido debeo, quod etsi nō ita liberum est, sicut vrbs Veneta, quæ tenet imperium & regias opes, tamen est Eleutheropolis Christi, exempta tyrannidi Diaboli & idolatrarum: adiuncta autem Ecclesiæ filij Dei, in qua est vera libertas in coelesti republica, parta per Christum, nec tamen etiam oppressa est tyrannica seruitute corporum, sed fruitur libertate, quam honestis legibus circumscripsit legitimus magistratus, & in ea modestè tolerat communes ærumnas imperiorum in hac senecta mundi, & vitat illa vulgaria errata hominum, de quibus dicitur: *Libertatis amor stultas cur decipis vrbes.*

Freistadij
situs.

Situs oppidi talis fermè est: Longitudo (si modo certæ sunt annotationes Appiani) est Grad. 32. M. 36. Latitudo Grad. 51. M. 28. Est quasi centrum collatum ad vicina oppida, Sprottam, Saganum, Grunbergam, Bethaniam: vbiq; enim interuallum est miliarium trium: distat à Vratislauia miliaribus 16. versus occasum, à Glogouia quinque.

Freistadij con-
stitutio.

Situm est quasi in valle: Cingitur enim montibus & locis editioribus ad omnes plagas cœli, præterquam ad Aquilonem proximum ortui solstitiali. Defenditur igitur ab omni-

omnibus ventis vel aura, & solum liberrimè perflatur ventis Septentrionalibus & orientalibus solstitialibus, qui feriunt ciuitatem, accurrentes per loca decliua, sabulosa & arida, ita vt ipsis nulli vapores aquei aut humidiores misceantur. Viadrus enim spacio vnus magni miliaris abest. Inde facile est ratiocinari de loci salubritate, quæ esset ad aëris puritatem, & ad putredinem eius arcendam, valde commoda, nisi ex erratis hominum aliquantum deprauaretur. Stagna enim prope urbem, inquinata coeno & sordibus opificum, tetrum exhalant foetorem, qui bonitatem aëris corrumpit.

Præterea cum maxima sit aëris tenuitas cum frigiditate, manifestum est illum minus commodum esse pulmonibus, qui cum sint aëris receptaculum, & constent ex substantia delicata & flaccida, facile à talibus halitibus acrioribus sauciantur, & simul propter penetrationis facilitatem ad cerebrū, expressionem factam ab aura frigidiori, excitantur catharri tenues & acres, ad loca thoracis defluentes. Ideo huic oppido morbus *Freistadio familiaris morbus.* & familiaris est Phthisis, eaq; immedicabilis, qua totæ familiæ intereunt, præsertim mulieres, cum etiam errata laborum & defatigationum sub Sole, delicta in victu, & expurgationum muliebrium difficultas accedant.

Diameter oppidi, ex æstimatione mea, est duorum stadiorum: ambitus stadiorum ferme 6. Oppidum ligneum est, quamuis etiam quotannis quædam emendentur. Arx posita est ad Aquilonem, exstructa & munita fossis à veteribus Principibus, præsertim ab Henrico decimo. Instauratur vero splendide à D. Fabiano Schöneichio ditionis illius hypothecario. Templum & schola sunt ad occasum solstitialem. *Freistadij magnitudo.* Nullum fuit in oppido monasterium, sed ab Henrico Decimo templo fuit annexa appendix lapideis fornicibus iuncta, in eam collocati sunt sacerdotes, quos ætas illa nominauit Mansionarios: illis attributi sunt locupletes redditus, & iniunctum, vt sonarent in templo cantilenas de passione Christi. Princeps enim pius, qui iam illa ætate detestabatur scelera monachorum, maluit tales, qui minus essent hypocritæ, eosq; voluit seruare memoriam passionis Christi, omissis alijs cancionibus de Sanctis, quæ admodum sunt inuerecundæ. Agri sunt sabulosi, partim etiam lapidosi, sed cultura emendantur. Sunt circa urbem horti non inamæni, plures & meliores quàm Glogouiæ.

Frequentes in territorio illo sunt pagi, ideo in hoc oppido etiam, vbi alioqui hominum multitudo magna est, forum est egregium, & mediocre precium omnium rerum, carniū, piscium, leguminum, frumentorum, & cereuisiæ, ita vt tenuiores ibi facilius viuunt quàm alibi, vbi precia rerum sunt maiora, aut vbi ea, quæ ad victum plebeium pertinent, venum quotidie non exponuntur. *Freistadiense forum.*

Ætas certa oppidi ignoratur, sed ex coniectura probabili ea potest æstimari. In annalibus manu scriptis inuenio, primam mentionem fieri Freistadij sub annum Christi 1390. Sed oppidum esse *Freistadij ætas.*

vetustius inde potest intelligi. Tres Henrici fratres, cum partirentur ducatum paternum, constituerunt pro prima parte Saganum, Croßnam, Naumburgum & Suibufium, pro secunda mediam partem Glogouiæ & Guræ, Stinauiam & Hencedorfium arcem, pro tertia Sprottam & Freistadium. Ergo necesse est hoc oppidum tunc fuisse mediocriter cultum, quod vna cum Sprotta potuit æquare aliarum partium vrbes multas.

Anno 1309. post mortem Henrici Tertij Glogouiensis, qui fuit filius Conradi, facta est diuisio inter quatuor filios Henrici, ex quibus natus maximus domicilium suum collocauit Saganum, & dicitur simul obtinuisse Sprottam cum vicinis locis. Ibi nulla adhuc fit mentio Freistadij. Sed credibile est urbem hanc, sicut & reliquas, paulatim accepisse incrementa, neque vno anno formam veræ urbis accepisse.

Quia autem appellatio oppidi, sicut fermè omnium pagorum in vicinia, Germanica est, certum est illud cœpisse eo tempore, cum vsus linguæ Germanicæ in his locis fieret familiarior: quod ut plurimum accidit sub Henrico Tertio Conradi filio, sub annum Christi 1300. Nupta fuit illi Henrico fœmina sancta & sapiens Mechtildis, filia Alberti Ducis Brunsvicensis, quæ maximo studio ditior nem hanc excoluit. Deduxit huc ex Saxonia plurimas familias nobiles & urbanas, quibus sedem & amplas immunitates attribuit.

Mechtildis
exornauit
Freistadium.

Freistadiensis
character un-
de.

Ideo, cum Freistadium in signis suis pingat turrim cum litera M grandiori, existimo hoc propter memoriam præstantis huius dominæ in usum assumptum, ut ad posteritatem extaret monumentum, ex beneficentia Mechtildis turrim, hoc est, urbem illam suam accepisse exordia. Quæri etiam potest de origine gloriosi illius nominis, deducti à libertate. Nescio an existimare debeam, proposita immunitate allecitos fuisse Germanos, ut loca illa excolerent, an vero, quod magis puto, vetus nomen loci seruatum esse.

Freistadij ap-
pellatio.

Nam in illo tractu iacuerunt campi spaciosi, consiti arboribus omnis generis syluestribus, distincti pratis & pascuis, qui erant publici, destinati à magistratu, ut pro certo vectigali essent communes toti viciniae: sicut adhuc hodie aliqua restant vestigia. Nam illi campi nominantur liberi ab incolis. Inde igitur censeo attributum fuisse huic oppido nomen, quod in campis illis fuerit exædificatum: Si tamen prior coniectura cuiquam videtur probabilior, ego non repugno. Nam certum est, oppida hæc omnia tunc creuisse, quando Respublicæ ex legibus Germanicis fuerunt constitutæ.

Freistadij no-
men Poloni-
cum.

Poloni nominarunt hanc urbem Cozuchouiam, à vestibus pelliceis, quod ipsum documento est, frequentes hic confedisse opifices Germanos. Multum autem, ut ex omnibus circumstantijs colligi potest, creuit sub filijs Henrici Tertij, quando Glogouia

gouia Principibus istis adempta fuit à Iohanne Rege, quod fuit anno Christi 1331.

Tunc enim Princeps Henricus Quartus Saganum migravit, & vt damna sua refarciret, noua oppida partim condidit, partim iam inchoata excoluit: præcipuè caput suum tamen exeruit, quando Principes domicilium in urbem eam transtulerunt, quod factum est circa annum Christi 1415. atq; hac occasione accidit.

Mediam partem Glogouiae vnà cum arce, reges Bohemici attribuerant Principibus Theschinensibus: Saganum etiam assignatum erat fratri nato maximo ex filijs Henrici passeris. Ibi Henricus Decimus sedem suam fixit Freistadium, opibusq; valde creuit, cum ex breui interuallo duos fratres amisisset, quorum ipse solus fuerat hæres, quia Iohannes Saganensis diu antea à fratribus plane fuerat seiunctus.

*Freistadium
quo tempore
creuit.*

Simul etiam intra annos 18. bis conflagrauit Glogouia, & præterea exposita erat iniurijs & incursionibus Polonorum. Ideo multi ex vicinis urbibus commigrarunt Freistadinm, & ipse Princeps, vt propitius pater, ciues tegebat & iuuabat omni genere beneficentiae. Breui itaq; tempore ita auctum est oppidum, vt inueniam annotatum, anno 1444. adeo honestas fuisse opes ciuium Freistadiensium, vt ciuis quidam opifex elocauerit filiam suam, illiq; præter iustam partem patrimonij donauerit vestitum & ornamenta, æquantia precium aureorum Hungaricorum 194. quæ pecuniæ summa tunc non fuit exigua: Similis etiam pietas in ciuitatem fuit Henrici filij, clementis & iusti Principis.

*Freistadien-
sum ciuium
opes.*

Sed deinde secuti sunt motus horribiles sub Iohanne Saganense viro furioso, & sub tyrannicis præfectis Regum Poloniae, vt in historia paulò post recensebimus. Ex mea igitur opinione, quæ probabili nititur coniectura, ætas oppidi est circiter 250. annorum. Reliquæ descriptiones & narrationes postea attextentur. Nam ista capita situm urbium præcipuè recitant.

G V R A.

Oppidum est non valde inæquale Freistadio: Distat à Glogouia versus ortum solstitialem milliaribus quatuor. Situm est in limite Polonico, & ipsum vocabulum, quod significat montem, Sclauonicum est. Stat enim in loco edito, exposito omnibus ventis, præsertim Aquilonibus. Sed versus Septentrionem syluæ & dumeta sunt palustria, & multum coenosa, quæ vapore humido Aquilonum siccitatem & mordacitatem refrigerant, ideo, etsi sit constitutio frigida & Borealis: tamen minus est sicca, quàm Freistadiensis, minusq; subtilis. Agri sunt sabulosi & lapidosi, mediocriter tamen fertiles.

*Gura oppidi
situs.*

Oppidum vetustius est quàm Freistadium, quod, sicut existimo, coepit ætate Henrici Barbati, qui libenter in illa vicinia crebro vixit, propter venationes: & passim in illa vicinia, vt in oppidulo Cöbena & alibi dicitur erexisse arces, ad vsus venationum. Neq; tamen subito creuit. Nam sub annum Christi 1300. Conradus Gibbosus à fratre Henrico Glogouiense collocatus est Stinauiam, non vero Guram.

Sed prima mentio Guræ in historijs fit anno 1309. Eo enim anno Iohanni filio Henrici Tertij pro parte sui patrimonij assignata sunt oppida Stinauia & Gura. Non fuit ibi cito magna frequentia habitatorum, quia propter vicinitatem Poloniae fuit exposita primis periculis.

Nam ipse Henricus Barbatus, & deinde filij atq; nepotes ipsius multis annis dimicarunt de possessione Poloniae maioris, in quibus bellis crebrae sunt factae vastationes in illis locis. Deinde culpa Principum inopum oppidum fuit distractum inter plures dominos, & peruenit tandem in potestatem Principum Teschinentium.

Guram amavit
Margareta
Ciliensis.

Valde dilexit oppidum hoc, illiq; benefecit Margareta Ciliensis, vidua Vladislai Glogouiensis, nec quidem iniuria. Nam Gurenenses egregia fide & constantia ducissam defenderunt aliquot annos, contra tyrannicam vim Iohannis Saganensis, qui mediam partem Glogouiæ tenebat, & tandem viduam ex arce eiecit: Gurenenses eam in suam receperunt urbem, fecerunt Iohanni bellum, & quamuis ab omnibus essent deserti, tamen transfegerunt cum Iohanne conditionibus non iniquis, & interea ex beneficio ducissae ornati sunt immunitatibus & peculiari iurisdictione in suo territorio. Forum frumentarium in hoc oppido est locuples propter situs opportunitatem ad Poloniam.

S P R O T T A.

Sprottae oppidi
ætas.

Omnes populi amarunt ripas fluminum in condendis urbibus, propter plurimas commoditates. Ideo in Silesia etiam cito culta sunt loca vicina fluuijs. Atq; ita Sprotta post Glogouiam & Bythomiam in hoc ducatu est antiquissima, meo iudicio. Ipsum nomen, sicut multorum pagorum in vicinia, Sclauonicum est, quod significat locum repurgatum à vepribus & dumetis ad vsus habitationum, der Neumauff.

Sprottensis
arcis antiquitas.

Adeo magna opinio est de vetustate, vt in propinquo agro adhuc monstrantur templa, condita ab ethnicis. Arx vero longè ciuitate ipsa est antiquior, & si ex probabili coniectura, in hac veterum monumentorum inopia, iudicandum est, extructa est circa ætatem Boleslai cui paulò post annum Christi 1100. Nam in historia illius Principis scribitur, eum, cum præuideret bellum Bohemicum & Germanicum, multa loca oportuna in Silesia munisse, hinc inde arcibus

arcibus & propugnaculis extructis : Postea vero Silesia iam distributa inter filios Vladislai ethnarchæ, cum sedatis motibus bellicis certa spes pacis appareret, cōfluxit eò multitudo hominum, qui aliquam formam oppidi inchoarunt, excisis vepribus & arboribus in illo syluestri loco. Ante tempora tamen Conradi Glogouiensis non redactum est ad formam vrbis Germanicæ.

In historia, prima mentio Sprottæ fit sub annum Christi 1280. Eo enim tempore, cum Conradus ducatum inter filios partiretur, Sprottam collocavit Primislaum, illiq; etiam Saganum assignauit. Inde æstimari potest iam tunc Sprottam mediocriter fuisse auctam. Ibi enim Princeps suum habuit domicilium, & Saganum, quod Sprotta tunc erat infirmius, locupletauit. Ex oppido Naumburgo huc transtulit collegium Canonorum, qui vocantur regulares, illiq; donauit redditus admodum vberes, qui tamen deinde paulatim ad maximas opes creuerunt.

Bythoniam debilitauit Glogouia, ideo propter inopiam oppiduli & damna incendiorum, cenobium Virginum Sprottam translatus est. Sed tandem Saganum, & postea Freistadium, hoc oppidum rursus exhauferunt. Nam Henricus Quartus Saganum migravit, eoq; sedem suam fixit, & tandem Henricus Freistadiensis Sagano etiam amisso Freistadium Sprottæ prætulit, & cum ibi habitare mallet, oppidum illud multum euexit.

Situs est amœnus & commodus. Ad meridiem alluitur Bobera fluuius, qui cum habeat solum lapidosum & arenosum, vehit pisces optimi succi & admodum salubres. Ab altera parte affluit fluuius minor, cui nomen est à nigredine, & appellatur etiam ab ipso oppidi nomine. Arx sita est versus ortum, loco qui circumdatur à fluuijs & paludibus, atq; ita satis munita est.

Oppidum Freistadio paulò minus est, satis tamen frequens. Aëris salubritas est mediocris, sed tamen impeditur à duabus causis. Nam amnis ille niger, qui vehit aquam cœnosam & limosam, inquinat aërem vaporibus crassis & humidis. Deinde magnam partem auræ Aquilonaris ab vrbe excludunt montes. Rursus tamen Austros multū arcent syluæ magnæ & propinquæ vrbi, eosq; emendant exhalationes à Bobera frigida & tenues. Distat à Glogouia versus occasum brumalem milliaribus quinque magnis.

GRUNBERGA VEL PRASIÆ

ELTSIORVM.

Oppidum inter omnia huius ducatus est recentissimum, conditum à Germanis sub filijs Henrici Fidelis, post annum Christi 1320. non multo antequam Silesia venit in potestatem regum Bohemiæ. Apud Thucydidem oppidum est Laconicæ, Prasiæ, quod appellatione huic est affine.

Situm

Virginum cœnobium in oppido Sprotta.

Sprotta situs & cōstitutio.

Grunbergæ
etas & situs.

Situm est in valle longe amœnissima, quæ egregijs ornata est commoditatibus. Aër frigidus est & humidus. Sunt ibi pulcherrimæ scaturigines & riuuli limpidissimi. Aues & feras suppeditant vicinæ sylvæ, pisces Viadrus, qui inde abest milliari vno, & sunt plurimæ piscinæ in vicinia. Sunt etiam egregij horti, & montes ex culti ferunt vina mediocriter proba.

Magnitudo congruit cum Sprotta. Abbati Saganensi olim ibi extructum fuit domicilium, qui eò mittebat suos colonos Monachos. Tenuerunt illi templum oppidi: Sed nostra ætate est facta emendatio. Distat à Glogouia versus occasum solstitialem milliaribus septem.

S V I B V S I V M.

Suibusij etymon & situs.

EXistimo & hoc oppidum esse vetus, sed tamen rara in historijs illius fit mentio. Sonus appellationis non est alienus à nomine Sueuorum, vel Suionum. Possibile est igitur hæsisse in hoc loco veterem appellationem. Situm est vltra Viadrum versus Aquilonem & Poloniam.

Acerrimè dimicarunt de hoc oppido Marchiones Brandeburgenses & Poloni. Posteaquam enim Polonia fuit distributa inter multos, eosq; discordes Principes, non fuit par Prutenis & Pomeranis, qui subinde totam illam oram hostiliter ferro & flamma percurrerant. Accersiti sunt igitur Germani ex Saxonia & aliunde, illisq; datæ sedes, vt arcerent illos prædones ethnicos. Collocatus est etiam eò ordo militum Teutonicorum, qui nominantur S. Mariæ. Illi homines equestres & militares optimam operam nauarunt Poloniæ, & tandem ita illas gentes afflixerunt, vt fidem & imperium Christianorum acciperent. Sed demum parta victoria Poloni coeperunt litigare de finibus cum Germanis: & repetebant tractus illos, quos Germani suo sanguine emerant, tanquam suos. Inde orta sunt sæua & diuturna bella, quæ nostra ætate vix sunt sedata.

Acerrimè autem dimicarunt de parte illa, quæ nominatur Marchia noua, cum ducibus Poloniæ maioris Marchiones Brandeburgenses, & anno 1296. Primislaum Posnaniensem, cui ex longo interuallo imposita erat corona regni Poloniæ, nocte oppressum vicerunt & trucidarunt. Anno tricesimo post, Vladislaus Locticus Rex, adiutus à Scythijs & Moschis, rursus crudeliter vastauit Marchiam & Silesiam.

Suibusij fuit varia fortuna.

Ita tunc variæ fuerunt vices huius etiam vrbs, quæ erat limitanea, & modo fuit in possessione Marchionum, modo Polonorum. Tandem vero opera regum Bohemiæ, qui erant recentes Domini Silesiæ, constitutis limitibus, attributa est duci Glogouiensi, & illius fit mentio sub annum Christi 1380. Iam tunc enim paruit Principi Saganensi.

Hæc

Hæc fuit causa, cur oppidum minus cito creuerit, quod propter propinquam Poloniam semper esset in metu: propter loci tamen opportunitatem magna copia est ibi omnium rerum necessaria-
rum. Abest à Glogouia versus occasum solstitialem milliaribus decem.

Fuerunt olim cum ducatu Glogouiense coniuncta alia oppi-
da plura, ditio rota Saganensis, quæ complectitur præter Saganum, Glogouiensis ducatus amisit multas ditio-
nes. Pribusium & Naumburgum, præterea Stinauia, Crosna, Zülchiz-
um: imo magna pars Poloniæ maioris, sed illi tractus iniquitate
temporum sunt auulsi & distracti: sicut inferius narrabimus.

Sunt in ducatu isto adhuc alia oppidula ignobilia & parua, Bythomiæ opa-
piti etas. partim vetusta, partim recentia, inter quæ primi locum tenet Be-
thania, quam veteres nominarunt Bythomiam. Habuit olim arcem
satis munitam, quæ anno 1109. sustinuit oppugnationem Henrici
Quinti Cæsaris. Sed ea tunc sita fuit in colle quodam excelso pro-
pe ripam Viadri, quem iam in vineam conuertit vir nobilis &
optimus, dominus loci, Volfgangus Glaubisius. Distat spatio
fermè medijs milliaris ab eo loco, vbi nunc est Bethania.

Nam posteaquam vetus oppidum in motibus bellicis fuit in-
censum, incolæ migrarunt in ripam paulò inferiorem & magis oc-
cidentalem. Sed cum Glogouia subinde augetur, Bythomia non
potuit coalescere, & collegium virginum migravit Sprottam. In
nidum vero Virginum immigrarunt Monachi Saganenses, quos
tunc Principes locupletabant. Nunc dominus oppiduli est D. Fa-
bianus Schoneichius.

In eodem territorio Glogouiense est aliud oppidulum Polco-
uicium etiam vetus, quod multis seculis paruit Principibus Glogo-
uensibus. Prope Guram est Cöbena, quæ cœpit sub Henrico Bar-
bato. Ad Freistadium sunt oppidula recentia Neustadia & Var-
temberga. Vbicunq; enim nomina sunt Germanica, structuræ sunt
nouæ. Polcouicium.
Cöbena.
Neustadium.
Vartember-
ga.
Primislaui. Ad Sprottam est Primislaui, sic nominata à Principe
Sprottensi, qui celebratur hoc nomine, quod fuerit diligens in au-
genda & ornanda sua ditioe.

ANNOTATIO PRÆCIPVARVM MV-

tationum, & euentuum, qui acciderunt ciuitatibus ducatus
Glogouiensis in Silesia inferiori.

IN vestibulo historiæ indicauius, in Silesia hac inferiori olim
consedisse Elyfios, Manimos & quosdam ex vicinis populis, teste
Tacito, qui fuit Germaniæ inquisitor diligentissimus. Compre-
hendebatur autem olim & iste tractus sub nomine Sueuorum: sicut
non longissimè abest à nostris limitibus fluuius, qui Sueuus est no-
minatus.

Cognas

Cognitione vero moueor, vt credam vocabulum Elyſij eſſe ab Eliſcha. Nec dubito de illa opinione, quam ſecuti ſunt viri doctiſſimi, quod videlicet noſtri maiores ex Aſia, cum bella & tyrannidem fugerent, huc progreſſi ſint. Et ſicut in Aſia vicinas ſedes habuerunt Aſcanij, Lygij, Myſi & Heneti: ita iſtæ gentes ſimul etiam profectæ ſunt, & promiſcuè habitarunt. Deinde aucta multitudine, cum ſubinde affluerent noui populi, cognati tamen prioribus, ex oriente, ex littore maris Caſpij, quæſitæ ſunt etiam nouæ ſedes verſus occaſum & Aquilonem. Vbi autem quælibet gens diutiſſime læſit, ibi impreſſit locis ſua nomina.

Grata autem nobis eſſe debet recordatio veterum Elyſiorum, de quorum pietate & beatitudine multa dixerunt veteres poëtæ: ſicut recentiores de Inſulis Fortunatis: & ipſum nomen ſignificat ſalutem Domini, hoc eſt, felicitatem à Deo datam.

Ex narratione etiam Taciti manifeſtum eſt, in hac vicinia fuiſſe ſingularem & celebrem cultum, & quaſi religioſum quoddam foedus, quod continebat pacta pietatis & honeſtatis in vita: illud igitur etiam indicio eſt, noſtros maiores claros fuiſſe ob pietatem & modeſtiam. Hæc ornamenta vetera noſtræ patriæ, non minus quam ipſos agros & ædificia nos tueri & augere par eſt. Articulos præcipuarum mutationum, ex probabili coniectura, & indicatione veterum hiftoriarum, colligere poſſumus.

*Glogouiſis
ducatus veteres
incole.*

Conſtat Sueuos ante Iulium Cæſarem tranſiſſe Rhenum, ex quibus multi exercitibus Cimbricis in Italia & Græcia permiſſi fuerunt, multi etiam in Galliam migrarunt: ſicut expreſſe fit mentio Lygiorum & Quadorum in Gallia & Heluetia. Deinde poſt ætatem Auguſti cœpit regnum Marcomannorum, quod complexum eſt totam hanc viciniam: geſſit aſperrima bella cum Romanis vario cum euentu: deſijt ſub annum Chriſti 400. & aliquanto antea iam innotefcere cœperat nomen & potentia Vandalorum. Quia in ſedes vacuas Lygiorum, qui aut in bellis ceciderant, aut in alias regiones profecti erant, ſucceſſerunt magna agmina vicinorum Henetorum ex Sarmatia, vel Moſcouia: qui Vandali, hoc eſt, Heneti vel vagabundi dicti ſunt: & tamen illi adhuc imperium Lygiorum acceperunt.

Paulò poſt illi ipſi Vandali, collectis ingentibus copijs ex tota vicinia, inuaſerunt Galliam, Hispanias: Ceperunt Romam, & in Aphrica nouum regnum condiderunt: quæ omnia acciderunt circa annum Chriſti 450. ea ætate magnæ cateruæ noſtrorum maiorum ex his locis migrarunt, alleſti vbertate illorum regnorum, & quia illis imminebat periculum ex vicina Pannonia, quam occupauerunt populi Scythici Hunni, & deinde Auares.

Seruijt

Seruijnt autem nostra Silesia etiam, sicut alij populi multi, trulentissimo Tyranno Attilæ, illiusq; castra est secuta. Vbi cogitemus de miseris nostrorum maiorum, qui amplius viginti annis, pertulerunt seruitutem & tyrannidem sæuissimam: sicut gens ludæica sub Assyrijs. Necato Attila, Sarmatæ & Sclauu infusi innumerable agmine hæc loca, penè deserta, compleuerunt.

Narrant vetusti annales, Lechum & Zechum sine sanguine potitos esse his locis: atq; ego credo illos ultro inuitatos fuisse cōtra Attilam: sicut recitat historia Romana, ex vltima Sarmatia accurrisse populos in Galliam ad opprimendum Attilam. Illi noui hospites arripuerunt dominatum, & paulatim aucta multitudine plurima loca Germaniæ sibi deuinxerunt. Tandem autem conuenit agmen quoddam, quod nominarunt Longobardos, à longa agrorum planicie, illud fugiens imperium Sclauonicum, & appetens libertatem, per Silesiam transijt in Pannoniam superiorem, vbi nunc est Austria. Factum est hoc sub annum Christi quingentesimum.

Tunc igitur temporis flos gentis Lygiæ & Elysiæ, ex mea opinionione, sedes suas reliquit. Illi populi regnum Longobardorum in Italia condiderunt, quod stetit annos 204. vsque ad Carolum Magnum. Ampla laus tribuitur à vetustis scriptoribus Longobardis, quod antecelluerint pietate, virtute & iusticia, domi & foris.

Apud Ligurinum veterem Poëtam, qui vixit ætate Cæsaris Barbarossæ, eiusq; res gestas carmine non inuenusto descripsit, inter alios isti sunt de Longobardis, hoc est, de nostris maioribus versus:

*Gens astuta, sagax, prudens, industria, solers,
Prouida consilio, legum iurisq; perita,
Corpore, mente valens, animo vigil, ore venusta,
Membrorum leuitate vigens, patiensq; laboris,
Prompta manu, sermone fluens, audivissima laudis.*

Longobardorum commendatio.

Inter alias hæc lex Longobardica laudata est, quæ dignitatem equestrem pro præmio virtutis omnibus tribuit, non solum natis ex familia veteri. Ita igitur in Silesia cæpit regnum Sclauonicum, quod principio non solum fuit barbarum, sed etiam inops & tenue. Non sunt constitutæ magnæ & splendidæ vrbes, sed passim, præcipuè vbi Principes Sclauonici locum aliquem palustrem munierant, ædificatæ humiles aliquot casæ, quæ sine magno detrimento poterant dirui & restitui. Et si autem opinabile est, aliquas reliquias etiam veterum habitatorum mansisse in hac terra, tamen illi tandem linguam, imperium & mores Sclauorum acceperunt.

Sclauonicum regnum ab initio fuit inops.

Apparet hodie loca illa, vbi nunc sunt vastissimæ syluæ, olim fuisse arata & consita, postea autem ea neglecta & inculta iacuisse:

*Sclauonici regni
periodus.*

quod ipsum indicio est, regionem olim expletam fuisse habitatoribus, ante tempora nimirum Sclauonica, postea secutam fuisse solitudinem, populis illis per bella & migrationes varias dissipatis. Durauit regnum Sarmaticum sub idolomania ethnica fermè integram periodum, hoc est, annos quingentos: quo tempore qualis huius nostræ patriæ fuerit fortuna, facile potest æstimari ex historijs.

*Glogouienfis
Ducatus forma
sub regno Sclauo-
nico.*

Vsq; ad Carolum Magnum mediocres fuerunt successus nostrorum, quia Franci diu occupati fuerunt in bellis Italicis & Sarracenicis: sed eo temporis articulo, cum media periodus esset expleta, Potentia Sclauonica nonnihil est languefacta. Nam à Carolo Poloni cæsi sunt & ad pensionem tributi adaçti. Deinde, vt omittam cætera, hæc nostra patria duriter quassata est ab Henrico Aucupe, circa annum Christi 920. Deuictis enim Sarmatis, Cæsar constituit Marchias in hac vicinia, contra nostros homines: Brandeburgensem, Lusaticam & Misnensem.

In illo bellorum feruore, quotannis fermè hæc ditio arsit. Nam vbi hostis irruebat, illa sua mapalia ipsi ciues inflammabant, ne essent vsui hosti: eodem abeunte, noua constituebantur tuguria. Expleta periodo ethnica, paulò ante annum Christi millesimum, qui erat lubilæus magnus, propagata est in Silesiam religio Christi, & cum ea initia quædam culturæ politicæ & œconomicæ. Ducatus iste fuit subiectus inspectioni Episcopi Smogrensis, & prima donatio fuit agri Breichauiensis, non procul à Glogouia.

Tunc igitur, ex meo iudicio, cœpit Glogouia, & quidem ex consilio fortassis Episcopi, excitata ex veteribus ruderibus Lugidunum: vbi tamen etiam post veteris vrbis deletionem semper aliquot casæ propter loci oportunitatem steterant. Nec multo post etiam condita fuit arx Bythomia, & quædam aliæ, inter quas primæ fuerunt Sprotta & Crosna, quæ etiam antiqua est, sed tamen longo interuallo post Glogouiam.

Hinc igitur incepit noua periodus, & initium regni Sclauonici. Nam corona regni imposita est Boleslao Gnesnæ ab Ottone Tertio Cæsare, qui procul dubio per hæc nostra loca iter fecit, anno 1001. Fuit pax vsq; ad annum Christi 1012. Nam tunc ex hac Silesia inferiori, Boleslaus Rex bellicosus, intulit bellum vicinis Marchionibus, & latè Germaniam vastauit. Post quinquennium, bellum hoc sedatum est, & Boleslaus rursus rediit in gratiam cum Henrico Bauaro Cæsare.

Et si autem tunc continua fuerunt bella cum Prutenis & Moschis, ad quæ etiam proculdubio maiores nostri ducti sunt, tamen ego solum facio mentionem earum rerum, quæ in hoc Ducatu acciderunt. Incidit in hanc ætatem initium bellorum Bohemicorum cum Polonis, quæ Silesiæ admodum fuerunt exitiosa & funesta.

Sub

Sub annum Christi 1030. Marchio Brandeburgensis multa loca in limite huius Silesiæ inferioris ademit Polonis, eaq̃ immediatè subiecit imperio Germanico: Sexennio post insignis mutatio toti Silesiæ contigit. Nam cum nobilitas Polonica eiecisset matrem Regis & filium Casimirum, secutæ sunt seditiones, & domestica bella teterrima, ea vsus occasione Princeps Bohemicus, totam Silesiam in suam redegit potestatem. Dicitur eum tenuisse Vratislaviam & Posnaniam. Casimirus tamen reuersus, Silesiam per transactionem à Bohemis recepit.

Valde fuit vastata hæc Silesia sub annum Christi 1090. à Vratislao Bohemiæ Rege: cui titulum Regis tribuerat Henricus Quartus, eiq̃ permiserat, vt Silesiam Polono, qui contemnebat Cæsarem, eriperet.

Narrat historia hanc partem tunc fuisse ex longa pace benè cultam, ideo grauissima tunc fuerūt accepta damna. Nam etsi erant crebra bella ex Bohemia, tamen illa rarius attingebant hanc partem Silesiæ, quæ erat remotior. Boleslaus curuus, qui factus est Princeps Poloniæ anno 1102. iure nominatur pater ducatus Glogouien-
Boleslaus curuus est pater ducatus Glogouien-
sis.

Anno 1104. Glogouiæ collegit exercitum, quem duxit in Pomeranos, qui erant ethnici, & perpetui hostes Poloniæ.

Anno 1109. ab Henrico Cæsare, qui huc accessit ex Misnia, obseffa est primum Bythomia, deinde Glogouia, sed frustra. Nam ciues defenderunt urbem, & ideo celebrem famam fidei & virtutis Glogouien-
Glogouie ob-
sidio.

Anno 1110. incipiunt noui natales Glogouiæ. Nam vrbs translata est in nouam sedem, & dati sunt illi spaciosi campi. Verum
Glogouia in
alterâ ripam
translata.

successum culturæ eripuit fundatio Collegij, facta anno 1120. à Boleslao Principe & ab Episcopo Vratislaviense Haymo. Nam sacerdotes facti sunt non vicini, sed Domini nouæ vrbs, itaq̃ rexe-
Glogouia in-
censa à suo
Principe.

rum vel nihil creuit. Interea Petrus Danus ornauit Vratislaviam & Silesiam superiorem. Superuenit etiam noua calamitas.

Nam anno 1158. cum Fridericus Barbarossa duceret exerci-
Glogouia in-
censa à suo
Principe.

tum contra Poloniam, Boleslaus Princeps oppida ducatus Glogouien-
Glogouia in-
censa à suo
Principe.

Cc ij Impera-

Imperator non procul à Glogouia transijt flumen 22. Augusti, & deinde à Boleslao obedientiam extorsit.

Conradus Pri-
mus Princeps
Glogouienfis.

Anno 1163. Silesia accepit primos suos Principes, cum post bellum Barbarossæ diuideretur inter filios Vladislai. Boleslaus procerus adeptus est Silesiæ ditionem mediam, Vratislauiam nempe & Lignicium. Nam istæ vrbes nominantur: Mieslaus factus est dominus Silesiæ superioris: Conrado adolescenti valetudinario data est Silesia inferior, & nominantur istæ vrbes, Glogouia, Crosna, Saganum: ita tunc quasi est constitutus ducatus Glogouienfis: Sed ea ordinatio non fuit diuturna.

Erant adolescentes Principes nati ex matre Germanica, educati in Germania, & moribus Germanicis imbuti. Ideo cœperunt imitari mores & culturam Germanicam in suis oppidis. Sed ducatus Glogouienfis adhuc fuit iniqua fortuna. Nam Conradus Glogouienfis cito mortuus est, atq; ita omnis Glogouienfis ditio peruenit ad Boleslaum, is fuit occupatus in ornando Lignicio, & Glogouia neglecta est.

Conradus Hē-
rici Barbati
filius extin-
guitur in ue-
natione.

Henricus Barbatus factus est dominus totius Silesiæ, anno 1201. Iste fuit Princeps bonus & amans suorum. Ideo etiam Glogouia, vbi Princeps crebro erat, aliquantum sub ipso creuit. Anno 1213. fuit ciuile bellum inter duos filios Henrici Conradum & Henricum, quod pater putaretur patrimonium assignasse locupletius Henrico quam Conrado. Dederat enim Conrado Crosnam, Saganum & aliquam partem Lusatiae superioris: praeliati sunt prope Lignicium: Conradus ducebat Polonos, Henricus Germanos. Henricus pater eo tempore fuit Glogouiae: Conradus victus ad patrem eò profugit, vt esset tutus à fratre: paucis diebus post interiit in venatione ad pagum Tarnau, prope Bythomiam, fractis ceruicibus ex lapsu ab equo.

Anno 1221. cœpit ingens fames & lues totam hanc regionem premere, durauit per triennium.

Anno 1233. Polonia maior venit in potestatem Henrici Barbati, quæ deinde cum ducatu Glogouienfi fuit coniuncta.

Tartaricæ ua-
stationes inci-
dunt in medi-
am periodum
regni Poloni-
ci.

Anno 1238. Henricus Barbatus inspexit ciuitates ducatus Glogouienfis, mortuus est Crosnæ 19. Martij. Henricus pius tenuit totam Silesiam & Poloniam maiorem: posteaquam fuit expleta media periodus regni Polonici, inciderunt horribiles vastationes Scythicæ, à quibus tamen hic ducatus fuit immunis.

Glogouienfis
præfecti uir-
tus in prælio
Tartarico.

Heduigis cum virginibus Trebnicensibus tempore belli fuit Crosnæ in oppido limitaneo. In ipso prælio fuit egregia virtus Clementis præfecti Glogouienfis, qui Principem suum, desertum ab equitibus, conatus est tegere contra Tartaros, & prope ipsum trucidatus est, cum etiam Princeps in eodem loco cecidisset. Fuit hoc anno 1241. 9. Aprilis.

Anno

Anno 1244. Maior Polonia magna ex parte fuit amissa : Silesia vero diuisa est inter filios Henrici Secundi, & exarserunt inde ciuilia bella luctuosa. Boleslaus tenebat Lignicensem & Glogouensem ducatum: is fratri natu minimo noluit cedere Glogouia, & insuper alteri fratri Henrico conabatur eripere Vratislauiam. Ita autem furijs Principum fuit concussa Silesia, vt, cum alioqui futura fuisset domina totius Poloniae, tunc auctoritatem suam amiserit.

Conradus, qui vixerat in studijs Lutetiae, & destinatus fuerat ad Episcopatum Bambergensem, repudiato sacerdotio, coniunxit se cum Primislao Duce Gnesnense, sororio suo, & duxit sororem Primislai Salomen. Ab eo fuit adiutus, occupauit primum ditio-

Conradus Secundus occupat Crosnam & munit Pridomiam.

Annus 1255. fuit conuentus Principum Glogouiae, ibi opera Thomae Episcopi Vratislauensis, est facta pax inter fratres, & Conrado attributus Ducatus Glogouiensis, qui tunc simul com-

Glogouiensis ducatus tempore Conradi Secundi. Conrado attribuitur Glogouia.

plectebatur tractus, Costensem & Fraunstadiensem in Polonia maiori: praeterea Stinauiam, Sprottam, Saganum & Crosnam. Ab isto Conrado proximè descendunt Principes Glogouenses. Habitasse dicitur aliquot annos in arce Pridomia, cum in vrbe adhuc dominaretur collegium.

Sub hoc Principe paulatim immigrarunt Germani, non solum in oppida ista, verum etiam in agros Poloniae maioris, Fraunstadiensem & Costensem, qui omnes tunc sub nomine Silesiae censabantur. Anno 1257. Conradus fratrem Boleslaum Lignici captum abduxit Glogouiam, illumq; coegit sibi renumerare mul-

Conradus abduxit Boleslaum secum captum.

ctam, quam paulò ante extorserat ab Episcopo. Non fuerunt æqui isti Principes ordini sacerdotali, quem iam tunc propter auaritiam accusabant, & Episcopus captus, coactus est promittere, se deinceps omissa postulatione decimarum contentum esse velle mediocri pecuniae summa, vt supra recitatum est. Conradus facta pace adiecit animum ad exornandam Glogouiam, quam primo liberauit ab imperio Sacerdotum.

Transtulit eos in insulam Viadri ad illum locum, vbi olim arx & templum vrbis steterat: ibi extruxit templum & habitatio-

Conradus exornat Glogouiam.

nes, pro illa ætate, satis magnificas. Templum collegij in vrbe mutauit, ex contributione multorum piorum hominum (nam ipse Princeps non abundabat) amplificauit, & in illud collocauit monachos instituti S. Dominici, qui tunc recens in lucem editi erant. Hæc consilia præcipuè gubernauit Salome, foemina sancta & sapi-

Dominicanorum monasterium extruitur. Salome Glogouiensis monasterium.

ens, quæ anno 1271. apud Dominicanos est sepulta. Tunc simul enituerunt Sprotta, Saganum, Gura, quæ oppida omnia accessione Germanorum auxit Conradus, etsi nobilitas adhuc & aula sermonem retinebat Sclauonicum. Eodem anno Con-

radus egens pecuniæ duxit Brigittam, filiam Marchionis Misnensis cum ampla dote. Sed cum eadem anno proximo post esset mortua, implicatus fuit nouis damnis.

*Crosna uenit
in potestatem
Henrici Pro-
bi.*

Nam Marchio focer Crosnam & vicinas quasdam arces, donatas filiae propter nuptias, pignoris loco tribuit Archiepiscopo Magdeburgensi: easdem biennio post sua pecunia redemit Henricus probus Vratislaviensis, & fuit Crosna aliquandiu in potestate Principis Vratislaviensis. Anno 1277. Boleslaus Lignicensis cepit nepotem suum Henricum probum adolescentem ex insidijs. Intulerunt ipsi propter hoc scelus bellum Princeps Posnaniensis & Conradus Glogouiensis. Pugnatum est die S. Georgij. Victoria mansit penes Lignicenses, & captus est Primislaus Posnaniensis adolescens, qui postea fuit Rex.

*Henricus Ter-
tius Glogoui-
ensis.*

Conradus iam vergens ad senium partitus est ducatum inter filios, ne post mortem suam, sicut prius acciderat, orirentur bella. Henrico assignauit Glogouiam & ditiones in Polonia maiori. Conrado Stinauiam, Guram & vicina loca. Primislao Sprottam & Saganum. Henricus Glogouiensis anno 1281. captus est ab Henrico proba, ductus est Vratislaviam, & tandem dimissus. Is, sicut ostendunt vetustæ literæ, viuente adhuc patre, sustinuit labores gubernationis, & nominatus est Princeps Glogouiensis.

*Primislaus
Sprottensis
interficitur.*

Anno 1290. Conradus misit filium suum Primislaum Sprotensem cum exercitu, ut ferret opem Henrico proba, tunc lethaliter decumbenti, contra Polonos, qui ipsi conabantur eripere Cracouiā. Pugnatum est 26. Februarij non procul à Cracouiā. Silesij pulsi & superati sunt, ipseque Primislaus interfectus.

Habet iste Princeps laudem pietatis & prudentiæ: dicitur exornasse cœnobium Canonorum regularium Sagani, cum mores & religio veterum Canonorum iudicarentur admodum diffuere: illud deinde Principes sequentes valde locupletarunt. Henricus Probus moriens scripserat heredem Conradum Glogouiensem patrum, sed Vratislavienses accerferunt Henricum obcesum Lignicensem. Inde ortum est bellum inter Principes.

Anno 1293. Conradus Henricum proditum à suo ministro captiuum abduxit ex balneo in suburbio Vratislaviensi, & Glogouiæ crudeliter eum excruciauit. Inclisit illum in caueam ferream, angustam, humilem & breuem, cuius duo erant orificia, alterum pro porrigendis alimentis, alterum pro excrementis efficiendis, in ea totos menses sex, cum nec sedere erectus nec iacere posset, corpore ita conuoluto delituit, sordibus vermibusque ferme consumptus.

Fuit

Fuit hoc exemplum inusitatæ sæuitiæ allatum ex Italia. Nam ibi & præsertim in ducatu Mediolanensi ipsdem annis tyrāni vrbi-
um talibus enormis crudelitatis artibus inter se certabant. Exoluit
pro liberatione sui Conrado 30000. marcas, cessit ipsi magna parte
ducatus Vratislauenſis, illis videlicet oppidis, quæ sunt vltra Via-
drum, Namslauia, Bernstadia, Creuceberga, Bicina, Cunstadia, Ro-
senberga, præterea Boleslauia & Hannouia. Ita quidem locupletas-
uit se Conradus, sed hæredes ipsius hac accessione non sunt lætati.

Conradi cru-
delitas in ne-
potem ex fra-
tre.

Anno quidem 97. mortuo iam Henrico, territus à tutore pu-
pillorum Conradus, filijs Henrici reddidit Boleslauiam & Han-
nouiam. Ipse Conradus anno proximo post etiam mortuus est, se-
pultus in templo Collegij Glogouiæ, vt quidem scribitur in veteri-
bus chartis. Fuit dominus Ducatus annos 43. eumq; ornauit le-
gibus & ædificijs. Sacerdotes non rectè annotarunt hunc deces-
sisse anno 1270. decepti ea occasione, quod viuente adhuc patre filij
fuerunt in gubernatione.

Conradi
mors.

Fuerunt patri superstites duo filij, Henricus & Conradus:
præcipua pars gubernationis tradita est Henrico. Conradus, qui
erat ingenio simplici, & præterea gibbosus, fuit præpositus Vratis-
lauenſis, & simul frater ipsi tradidit Stinauiam, Rudnam & vici-
nos agros.

Fuit anno 1302. renunciatus Archiepiscopus Salzburgenſis,
sed cum nollet relinquere suam cereuiſiam Stinauiensem, Vienna
domum reuersus est, & à fratre collocatus in turrim arcis Glogo-
uiensis, quæ tunc fuit ad portam Nosocomij, ex ea ereptus est à sua
nobilitate Stinauiense & Rudnense, quam ornauit amplis immuni-
tatibus & priuilegijs.

Conradus Gib-
bosus Stinaui-
ensis.

Sed anno 1304. ille Conradus mortuus est, & Henricus solus
fuit dominus. Habuit vxorem Mechtildem filiam Alberti Ducis
Brunſuicensis. Ab initio statim iste Henricus munijt sese auxilijs
Germanorum. Sanxit igitur leges honestas & salubres, sustulit la-
trocinia, repressit licentiam barbaricam nobilitatis Polonicæ, pas-
sim attribuit sedes familijs Germanicis, nobilibus & ignobilibus.
Ad quas res habuit hortatricem coniugem suam, fœminam sapien-
tia & bonitate præstantem, & cogeabant eum tempora, Quia Polo-
ni iam oderant Sileſiam, eamq; conabantur traducere ad suos Prin-
cipes.

Henricus Tere-
tius Glogoui-
ensis addidit
nouā formam
ducatus Glo-
gouiensi.

Hoc igitur tempore mutatus est sermo, & noua facies rerum
orta in hoc Ducatu: habuerunt etiam tunc initia sua vrbes & alia
loca, quorum appellatio Germanica est, vt Freistadium, Grunber-
ga, Vartemberga, & alia plurima.

Vetustas celebrauit Orpheum, Linum & alios gubernatores,
qui sapienter constituerunt & auxerunt suas vrbes. Retineatur igi-
tur memoria etiam huius Principis, qui nostræ patriæ barbariem

Cc iij detraxit,

Henrici Ter-
tij Glogoui-
ensis titulus.

detrahit, eamq̃ multis vitæ commodis ornauit. Posteaquam mor-
tuus est Venceslaus Bohemiæ & Poloniæ Rex anno 1305. Henri-
cus potitus est tota Polonia maiori. Tunc igitur vulgo appellatus
est Rex Poloniæ, sed ipse scripsit talem titulum, Henricus D. G.
hæres regni Poloniæ, Dux Silesiæ, Dominus Glogouiæ & Posna-
niæ.

Vladislaus
Locticus
Henrico de-
trahit Polo-
niam.

Verum anno 1306. Vladislaus Locticus, cui maior Polonia
fauebat, & qui armatus erat auxilijs Lithuanorum, Hungarorum
atque etiam Scytharum, Henrico Glogouiensi bellum intulit, &
quamuis præsidia plerasq̃ munitiones defenderunt, tamen magna
pars ditionis miserabiliter est deuastata rapinis & flammis. Locti-
cus etiam, cum mutassent fidem Episcopi, in Polonia maiori multa
ad se traxit.

Iohannes Bi-
berstenius So-
rauiensis in-
fœliciter ge-
rit bellum.

Iohannes Biberstenius Sorauiensis anno 1308. Henrico iam
decumbente, cum exercitu ad pacandam Poloniam profectus est,
sed nulla re perfecta regressus est: Princeps anno proximo post
consumtus animi mœstitia, 15. Decembris decessit. Imagines ipsius
& coniugis sunt collocatæ in templum Collegij. Sepultus est in
monasterio Leubensi. Liberis suis Epitaphium in monasterium
Leubense posuit, quod propter memoriam veteris & simplicis
scripturæ annoto: Hic iacent pueri S. Hedwigis:

Henricus Ter-
tius Glogoui-
ensis moritur.

*Hedwig vnd auch Salome mit Gott vrobent sich vmmern/ Hin-
ricus zwen edele Kint von Glogowe hy begrabe ligen/alle hernach.*

Henrici Ter-
tij Glogoui-
ensis filij di-
uidunt patri-
monium.

Quatuor filij huius Henrici Tertij Glogouiensis partiti sunt
patrimonium. Henricus Quartus accepit Saganum, Sprottam &
loca vicina: Conradus Tertius Olsnam, Volauiam & oppida illa,
quæ auus detraxerat Principi Vratislauiensi: Iohanni cessit Stina-
uia, Gura & vicina ora: Primislaus Secundus natu minimus reti-
nuit Glogouiam, Territorium Costense & Fraunstadiense, cum
Locticus Polonia maiori alia esset potitus.

Henricus ere-
xit Epitaphi-
um suis libe-
ris.

Silesia auulsa
à Polonia ex
fatalibus cau-
sis.

Hoc tempore facta est inclinatio ad Regem Bohemiæ Iohan-
nem, qui recens fuerat adeptus regnum Bohemiæ. Præbuerunt cau-
sam ad hanc mutationem, primum, quod Principes Silesiæ essent
adolescentes, & grassarentur mutuo bellis & cædibus: Secundo
quod Poloni prætulissent Silesijs Locticum, virum malum, &
quod Iohannes Rex esset Princeps Germanus, præstans consilio &
humanitate.

Primislai Glo-
gouiensis in-
dustria &
fortitudo.

Primislaus Glogouiensis, etsi sæpe prece, precio & minis fue-
rat tentatus, vt se Iohanni subijceret, tamen constanter hoc negauit,
& in illa sua adolescentia habet laudem, quod fuit industrius in gu-
bernatione: Pingi se curabat cum gladio erecto, & scripsit se domi-
num & hæredem Poloniæ.

Anno 1315. fuit illa miserabilis & horribilis inedia, vbi pa-
rentes cadauera filiorum, & liberi parentum vorarunt. Boleslaus
Bregensis

Bregensis anno 1319. Conrado Olsnicensi oppida pleraq; Vratislauiensis ditionis ademit. Anno 1331. mortuus est sine hærede Primislaus Glogouiensis sepultus in monasterio Leubensi. Exuuias illius diuiserunt fratres, Conrado Olnicensi inopi Principi data est à Iohanne fratre Stinauia, quæ deinceps fermè semper coniuncta mansit cum ducatu Olsnicensi, quem etiam rexit stirps Principum Glogouiensium, sed auulsa & separata à reliquis Principibus.

Glogouia traditur in potestatem Bohemæ regis.

Ipse autem Iohannes retinuit Guram, & adeptus est mediam partem Glogouiæ, altera pars cessit Henrico Saganensi, qui est quartus inter Henricos Glogouienses. Sed Iohannes Gurensis partem suam vendidit Iohanni Bohemiæ Regi: Is cum non impetraret ab Henrico Saganensi, ut se profiteretur subditum regni Bohemiæ, eiecit eum Glogouia anno 1332. Rex habuit castra in pago Creideluisio, milliaribus duobus ab vrbe.

Interea à ciuibus & nobilibus vexillum regium ab arce suspensum est, & Rex in urbem receptus, præfecit huic Heinamanum Dubensem, quæ familia apud Reges Bohemiæ Lucelburgeneses in magna fuit autoritate. Fuit tota Glogouia immediate in potestate Regis Bohemiæ amplius viginti annis. Henricus Saganensis, cum quo nupta fuit Mechtildis filia Marchionis Brandeburgensis, Princeps pius & modestus, domi ex mœrore animi mortuus est, successorem habuit Henricum Quintum, qui nominatus est Ferreus.

Henricus Saganensis pater Henrici Ferrei.

Anno 1333. Locticus Rex vastauit agros, quos adhuc Silesij Principes in Polonia maiori tenebant, & tunc amissum est territorium Costense. Biennio post est facta pax inter regem Poloniae Casimirum, Loctici filium, & Regem Iohannem. Casimirus renunciauit toti Silesiæ, & descripti sunt fines regnorum, eo tempore Suibusum Silesiæ adiudicatum est.

Costense territorium amittitur.

Silesiæ fines describuntur.

Decennio post turbauit pacem inopinatò contra pacta idem Casimirus, & ducibus Glogouiensibus, absente Rege Iohanne, eripuit territorium Fraunstadiense. Occupauit & inflammauit Stinauiam. Principes impares tantæ potentiae, pacem à Polono cessione Fraunstadij redemerunt. Fraunstadio oppido ius cudendæ monetæ & leges Germanicæ sunt conseruatae.

Suibusum adiudicatur Silesiæ.

Fraunstadium amittitur.

Anno 1345. Iohannes Rex iniuriam istam ultus est, & cœdè vastauit Poloniam minorem. Conradus etiam Olsnicensis vir proceri corporis, & animi magni Polonos grandi strage fudit, multosq; captiuos abduxit. Henricus ferreus subinde excursionibus hisce annis vexauit præfectum Glogouiensem, nullum tamen bellum grandius exarsit. Carolus Quartus Cæsar, cum faueret virtuti ipsius, promisit restitutionem Glogouiæ, eumq; vnà Romam ad coronationem duxit.

Anno

Glogouia à
Carolo Cæsa-
re diuiditur.

Anno 1349. & proximè sequenti sæuissima pestilentia in hoc,
& in toto orbe cognito grassata est, quam descripserunt Bocatius
Florentinus & Guido Medicus Chirurgus.

Glogouia au-
ta immunita-
tibus à Carolo
Cæsare.

Anno 1360. scribitur ipse Carolus fuisse Glogouiæ, partitus
est urbem in duas æquales partes, ex quibus alteram tribuit Henri-
co ferreo, in arcem autem Aquilonarem (Nam Australis paulò an-
te sub rege Iohanne fuit diruta) collocauit præfectum suum.

Extant monumenta, quibus Carolus Cæsar ciuitati Glogoui-
ensi tribuit ius in syluis Bythomienfibus, quas tunc ad arcem Glo-
gouiensem transtulit, & præterea administrationem iudiciorum
Regiorum. Henricus Ferreus, Iohanne Gurense extincto sine sobo-
le, etiam mediam partem oppidi Guræ adeptus est: habitauit Saga-
ni, fuitq; Princeps satis potens. Tenebat enim Crofnam, Suibusium,
Zulichium, Freistadium, Sprottam, Saganum, Grunbergam, me-
diam partem Glogouiæ, mediamq; Guræ.

Henricus fer-
reus superauit
Biberstenium
Sorauienfem.

Intercessit illi bellum cum Domino Biberstenio Sorauienfi
propter aliquos agros, quem coëgit facere imperata. Hic tamen
Princeps florens opibus & dignitate, in senectâ adeo spretus est à
sua nobilitate, vt annotatum inueniam, potentiores quosdam no-

Henricus Fer-
reus contem-
nitur in se-
nectâ.

Glogouia li-
berat Principi-
pem captiuū.

biles, eum captum velata facie circumduxisse per ludibrium, frons
dibus ipsum percussisse, & inclamasse, vt auerso capite ictus ramo-
rum vitaret in sylua. Tandem abdiderunt eum in vicinum pagum
Jacobs Kirch in cellam subterraneam: hoc cum à rustico quodam,
qui ex eodem carcere euaserat, significatum esset, ciuitas Glogoui-
ensis Principem liberatum cum magna lætitia in urbem reduxit.

Henricus fer-
reus moritur.

Henrici tres
impuberes.

Adeo cum ætate magnæ accrescunt calamitates etiam poten-
tibus & foelicibus hominibus. Ideo non temere dixit antiquitas:
Φόβος τὴν γῆρας: & γὰρ ἐρχεται μόνον: Formidato senectam: non enim venit
sola. Dicitur Principem hunc, quasi intemperanter amasse suam
coniugem, cui fuit nomen Catharina, de cuius tamen stirpe nihil est
annotatum. Mortuus est Henricus Ferreus anno 1369. sepultus Sa-
gani: reliquit tres filios superstites impuberes, Henricos, illi aliquot
annos simul educati sunt, sicut ostendunt multa monumenta, edita
sub nomine trium Henricorum.

Henricorum
trium diuisio.

Sub annum Christi 1380. facta est diuisio Ducatus inter tres
Principes. Henrico Sexto Saganensi, qui est nominatus senior, da-
ta sunt territoria Saganense, Crofense & Suibusense. Henrico
Septimo, Rapoldo dicto, cessit media Glogouia, medietas Guræ
& Stinauiæ etiam, præterea arx Hencedorfensis cum suis agris.
Henrico Octauo, qui ob fecunditatem nominatus est Passer, ob-
uenit Freistadium & Sprotta cum vicinis locis, inter quæ procul-
dubio fuit Grunberga.

Rapol-

Rapoldus Glogouiensis fuit Princeps non ignauus. Anno enim 1388. Polonia fuit quassata bellis ciuilibus, cum Poloni repudiarent Sigismundum, qui postea fuit Cæsar: Ibi Rapoldus adiutus auxilijs Conradi Stinauiensis & Gurensis, adortus est territorium Fraunstadiense, illudq; post annum quadragesimum, ex quo amissum fuit, conatus est recuperare: Sed non respondit fortuna.

Henricus Rapoldus superat Polonos.

Oppidum enim, etsi in diuersis locis fuit incensum, tamen à ciuibus & præsidarijs est defensum. Poloni etiam maturè noua submiserunt auxilia, quibus cum Rapoldus cederet, factæ sunt vastationes in agro Glogouiensi: Sed Rapoldus sese colligens profligauit Polonos ad pagum Veschiz prope flumen, ibi magna multitudine fugiens in vndis Viadri perijt. Ex spolijs hostilibus Princeps in suburbio Glogouiensi prope pontem fluuij extruxit templum sub nomine & honore diui Georgij.

D. Georgij templum erectum ex manubijs hostium.

Non diu superstites fuerunt Principes isti. Scribitur enim Henricus Passer adeptus esse Glogouiam & Saganum, fratribus sine liberis extinctis. Grassabatur ea ætate frequens & popularis lues, quæ cum in illa inscitia, atque etiam superstitione hominum, nihil coherceretur, maximam turbam hominum subinde tollebat.

Henricus Passer totum ducatum Glogouiensem adipsatur.

Anno 1395. Glogouiæ tanta fuit pestilentiaæ sæuitia, vt scribatur, extincta esse supra duo millia hominum. Annonæ vero miræ fuit vilitas. Annotarunt sacerdotes, medimnum tritici emptum fuisse tribus grossis Glogouiensibus. Olyrae duobus, Auenæ vno, atq; etiam quatuor numulis. Fuerunt tunc vero vsitati in his vrbbus Grossi Misnenses, insigniti ensibus.

Pestilentia grauis. Annonæ attilitas.

Eodem anno mortuus est Henricus Passer, qui reliquit filios quatuor, Iohannem Venceslaum, Henricum Nonum dictum Rapoldum, & Henricum Decimum. Natu maximus plane voluit se iungi à fratribus, illi datum est territorium Saganense, quod hoc modo à Glogouiensi ditione auulsuum est, & cœpit habere nomen peculiaris ducatus.

Henrici Passeris mors & filij eius.

Saganensis ducatus constituitur.

Freistadij longo tempore simul vixerunt tres fratres, sicut ostendunt literæ editæ sub nomine Principum iuniorum scriptæ lingua germanica. Cœpit autem vsus Germanicæ scriptionis sub Carolo Quarto, & paucis annis ante sub Henrico Tertio & filiis eius. Et vt extet testimonium vetustæ simplicitatis, & rectitudinis, subiicio formulam ex antiquis literis Glogouiensibus. Tale igitur est exordium monumenti scripti anno 1373. Glogouiæ.

Germanicæ scripturæ initium.

Wir Rathman der S. G. G. in dem theil des Innerlichsten Fürsten vnseres gnadigen Herrn Carls/ von G. G. vnd gunst göttlicher mildikeit/ Römischen Keisers/ zu allen zeiten mehrer des Reichs/ vnd Kunigs zu Bemen/ etc.

Anno

*Iudæi exusti
Glogouia.*

Anno 1401. exusti sunt Iudæi Glogouia, qui dicti sunt affecisse contumelia panem consecratum in missa Pontificia: tabula rei gestæ pender in templo Glogouienſi. Paulò ante annum Christi quadringentesimum Venceslaus Bohemiæ Rex mediam partem Glogouia attribuit Boleslao Duci Teschinensi, quem ob fidem & virtutem diligebat. Tenuerunt isti Principes Glogouiam ad annos fermè octoginta, habitarunt in arce, & paulò pòst etiam adepti sunt Guram vniuersam, Principibus vero Olsnicensibus tota Sinauia data fuit.

*Teschinenses
Principes ad-
dipiſcuntur
Glogouiam.*

*Glogouia fuit
incendium.*

Anno 1406. Glogouia magnum fuit incendium in suburbio flumentano. Conflagrauit longa platea, quæ nominatur lapidea, & tota area, vbi sunt casæ piscatorum. Anno 1412. rursus per bienium tota Silesia fuit lue infecta. Anno 1414. Venceslaus Glogouienſis militauit regi Vladislao Polono contra Prutenos, in bello quod nominatum est famelicum.

Gubernatio fuit penes Henricum Decimum, qui paulò pòst duorum fratrum fuit hæres: Venceslao assignata fuerat Croſna & illa vicinia, sed cum in ea vrbe incautè tractaret machinam bellicam, ab ea discerptus est. Henricus Rapoldus, cum aliquamdiu militasset in Bohemia, profectus est in Daniam ad regem, ibiq; mortuus est.

*Henricus Deci-
mus Prin-
ceps potens.*

Henricus Decimus fuerat vocatus ad possessionem Episcopatus Vratislauenſis, quia amabatur propter morum pietatem & placiditatem, sed ipse hoc repudiavit. Fuit potentissimus inter omnes Principes Silesiæ sui temporis, & complectebatur tunc Ducatus Glogouienſis, mediam partem Glogouia, Freistadium, Sprottam, Grunbergam, Zulichium, Suibusium, Croſnam, & præterea oppidula minora multa, arcesq.

*Glogouia cõ-
flagrauit.*

Anno 1420. quo Sigismundus Cæsar venit Vratislariam: poſtridie festi Dominicæ Ascensionis tota Glogouia conflagrauit, præter monasterium sodalium Dominici: Princeps habitauit Freistadij, sub quo oppidum illud floruit.

*Henrici Deci-
mi fœdus cum
Biberſtenijs.
Terræmotus
in Silesia.*

Anno 1426. factum est initium deprædationum Hussiticarum in Silesia, sed illæ non peruenerunt in ducatum Glogouienſem, quia magna erat potentia Henrici Ducis, & ipse non irritabat Bohemos. Quia metuebat fratrem, hominem malum & turbulentum, fecit fœdus cum Biberſtenijs, qui tunc erant potentes.

Anno 1433. tota Silesia scribitur esse concussa terræmotu, qui denunciauit sequentia bella.

*Glogouia rur-
sus perit in-
cendio.*

Anno 1433. die Iacobi filij Zebedæi, qui tunc erat Dominicus, & dicatus recordationi consecrationis templi parœcialis, dum populus spectat missam, tota Glogouia igne perijt, præter cœnobium fratrum S. Francisci. Magnas igitur oportet fuisse calamitates huius vrbis, quæ toties interiijt.

Testantur

Testantur etiam historiae multum mali omnibus temporibus accidisse sub theatricis missis, cum Deus puniret idolatriam. Eodem anno excitatum est bellum Polonicum, cum Poloni conarentur eiectione Alberto Austriaco, Sigismundi genero, collocare in regnum Bohemiae Casimirum, Vladislai Regis fratrem.

Missæ præbuerunt causam ad multa mala.

Anno 1439. mense Ianuario, manus quædam prædonum Polonicorum inuasit oram Suibusiensem. Tanta fuit virtus ciuium & agrestium, ut euestigio obuiam irent hostibus, quos circumuentos in syluis iugularunt, capitaneis præcipuis captis. Interfecti sunt ex Polonis supra 250. Mortuus est eo anno Iohannes Saganensis Henrici frater, vir malus & Tyrannus. Scribitur coniugem suam, quæ fuit filia Landgrauii Thuringiæ, calcaribus peragitantem, eamque cum duabus filiabus & tribus filiis domo eiecit. Abbati Saganensi eruit oculos, & præterea in multos alios seuiit.

Suibusienses profligant Polonos.

Iohannis Saganensis scelera & mors.

Dicitur familiari sermone sæpe multumque dixisse, non se moriturum, priusquam turris Saganensis cecidisset. Illa ipsa turris cecidit eodem anno, die Iouis antecedente Orgia Bacchi, ibi Princeps accipiens omen, peccata sua deplorare coepit, & post Pascha mortuus est. Reliquit superstites quatuor filios, Venceslaum, Rodolphum, Balthasarem & Iohannem, qui proximis istis annis simul Saganensi educati sunt.

Anno 1441. Varteberga oppidum agri Freistadiensis totum conflagrauit. Fuit eo anno paræcus Glogouiensis, vir pie liberalis & diues, qui celebratur ob virtutem. Maluit opes suas collocare in usus pios quam in luxum. Adiutus ab altero ciue hoc anno instituit in suo templo sacellum, ubi decantari voluit religiosas cantiones de Passione Christi. Tabulæ in ara illa ad statuam Christi crucifixi inscripsit hos rythmos: Vt viuant morior, non est dilectio maior, Pellicanus vocor, pro pullis scindor.

Varteberga oppidum perit incendio.

Glogouiensis paræci pia liberalitas.

Anno deinde decimo octauo post accersuit alios præbyteros, illisque alimoniam de suo constituit, qui in altero sacello sonarent cantum de beata virgine, sed ille magis est superstitiosus. Nam cum videret à sacerdotibus maioribus negligi rem diuinam, hoc modo putabat se mederi aliquantum posse profanitati hominum. In testamento assignauit aureos trecentos ciuitati, ex qua pecunia sculperetur tabula, quæ collocata fuit in altare templi præcipuum. Legauit etiam summam pecuniæ in usus publicos, qua canales & aquæductus per ciuitatem traducerentur. Quæ omnia cum sint indicia voluntatis honestæ, merentur approbationem, nomen illius fuit Franciscus Launald.

Mansionarii Glogouienses.

Francisci Launaldi pietas.

Audæorum synagoga Glogouia euer- titur.

Margarita Ciliensis fuit sapiens femina.

Anno 1442. fuit Glogouia incendium in platea Iudæorum die S. Marci, populus vsus ea occasione domos Iudæorum diripuit & synagogam eorum euerit.

Anno 1445. Glogouiam venit die S. Dorotheæ Margarita Ciliensis, nupta Vladislao Teschinensi & Glogouiensi, qui hisce annis bellum fecit Vratislauiensibus, quod supplicio capitis affecissent Hassenheimerum Austriacum. Sedata fuit controuersia triennio post ab Episcopo. Ipsa autem domina fuit sapientior & melior marito. Rursus eo anno platea lapidea suburbij frumentarij exusta est.

Glogouiensis Consul interficitur in seditione.

Anno 1453. Glogouia fuerunt motus seditiosi. Aduersatus fuerat tribui fullonum Consul in parte ciuitatis, quæ parebat Henrico, eosq; ad Principem detulerat, ibi tribuni & socij ipsorum Consulem oppressum per vim necarunt. Nomen eius fuit Georgius Schillingius. Seditiosi recepti sunt in cenobium Dominicorum.

Rodolphus Saganensis uictor cecidit in acie.

Anno sequenti post nobilitas Silesia iuit militatum in Prussia aduersus Casimirum Polonicum: duxerunt ordines duo Principes Saganenses, Rodolphus & Balthasar: prælium commissum est 17. Septembris ad oppidum Cunizum. Exiguum agmẽ Germanorum grandem exercitum Polonorum profligauit. Rodolphus in acie cecidit, sed Balthasar pugnam restituit, & fuit victor: capta sunt supra 4000. curruum, & impedimenta omnis generis.

Gura oppidum perit in incendio. Polonicium oppidum conflagratur.

Anno 1457. quo Pragæ mortuus est Ladislaus Rex, 6. Septembris, oppidum Gura vnũuersum vnà cum templo conflagrauit. Eodem anno 16. Martij oppidum Polcouicium etiã totum incendio absumptum est, sicut ex simili calamitate rursus anno 1564. 26. Iulij interijt.

Sigismundus Freistadiensis moritur.

Anno 1458. 24. Decembris Freistadij decessit Sigismundus, Henrici Principis filius, iuuenis annorum 28.

Henricus Decimus recepit Georgium regem.

Hoc tempore cœpit dissensio in Silesia propter electionem Georgij Podiebrachij. Vladislaus Glogouiensis constanter tuebatur partes Georgij. Henricus Princeps sapiens principio noluit consentire in electionem, tandem cum videret Georgium confirmationem regni impetrasse à Cæsare, acquieuit, & cæteris etiã fuit autor, ne amplius reluctarentur. Multos quidem autoritas tanti Principis mouit, soli Vratislauienses manserunt in sententia, & bellum quam imperium Georgij pati maluerunt.

Anno 1459. oppugnauit eos cum alijs Vladislaus Glogouiensis, sed cum in prælio glande scopeti esset percussus, delatus est Glogouiam, vbi integrum penè quadriennium decubuit, & nullo relicto hærede mortuus est.

Anno 1462. 15. Maij ingressus est Glogouiam Rex Georgius cum comitatu equitum 2000. secutus est Regem inter alios Principes Henricus Freistadiensis.

Die 18. Maij Glogouiam venit Casimirus Poloniae Rex, duxit secum equites 5000. Certarunt reges splendore & pompa, sed Georgius fuit superatus. Casimirus deductus est in arcem, Georgius diuertit in curia vrbana. Magnifico conuiuio excepit Casimirus Georgium, eumq; luxu & ostentatione ita terruit, vt ipse Polonum ad suas epulas inuitare non auderet. Sancitum est foedus inter Reges, cum animi interea pleni essent odiorum. Fuerunt vna dies nouem.

Anno 1463. à legato Pontificio, qui erat Archiepiscopus Glogouienſes Cretenſis, emerunt istae ciuitates recentem cultum: permisit ipsis legatus, vt singulis diebus quintis panem consecratum cum theatra ciuitates emunt nouum cultum à legato Pontificio. Adeo stultitia humana Diabolus abutitur ad cumulanda idola. Vt vero Paulus inquit, Corinthios morbis & morte fuisse punitos propter profanationem sacrae coenae: ita euestigio poenae apud nostros secutae sunt.

Nam anno proximo post, inaudita lues saeuit in tota hac vicinia, propagata ex Misnia. Et quidem ratione atq; experientia certum est, periculossima contagia pestifera his locis esse ea, quae ex Misnia, regione nobis Australi, huc deferuntur. Glogouiae saepe vno die extincti sunt homines 68. interdum plures. Grassata fuit à medio mensis Augusti vsq; ad initium Decembris.

Anno 1465. Margarita Ciliensis vidua extruxit nouum monasterium, in suburbio prope arcem in colle editiori, in quod collocauit fratres obseruantes, quos ante annos duodecim in Silesiam adduxerat Capistranus Italus, animalia non bona. Anno 1467. Ciliense. fuerunt turbae bellicae in agro Freistadiensi.

Iohannes Pribusienſis sua bona decoxerat, & appetebat Saganum, qd tenebant duo fratres, Venceslaus & Balthasar, cum sororibus. Inuenit occasum belli, quod Balthasar frater oppugnabat partes Georgij, quas ipse defendebat: inuadit igitur Saganum, & urbem in suam traducit potestatem. Balthasar Princeps tunc militabat Vratislauiensibus, ab illis impetrat milites quadringentos, properat domum, & putat se fratrem inopinato oppressurum. Sed ille praemonitus de suo periculo, iam vigilabat & erat in armis. Balthasar igitur, diffidens suis copijs, deflectit ex itinere Freistadium, vt patrum Principem de auxilijs interpellaret.

Iohannes subito fratrem est consecutus, eumq; 12. Octobris, qui tunc fuit dies Lunae, prope urbem Freistadiensem profligauit. Adempta sunt militibus Vratislauiensibus arma & impedimenta, eosq; spoliatos nudosq; domum remisit. Episcopus Vratislauiensis Iohannes Pribusienſis reſtunditur ab Henrico Decimo. offensus iniusticia Iohannis, fulmen sacrum in ipsum emisit, quod tamen ipse derisit. Ideo Henricus Freistadiensis excogitauit fulmen efficacius, armauit suos, 18. Octobris accessit ad Saganum, coegit Iohannem cedere vrbe, promittere pacem, & Saganum restituere fratri.

Henrici Decimi mors & elogium.

Verum ista fuerunt initia maiorum motuum, qui postea orti sunt. Vndecimo die Nouembris proximè post, optimus Princeps, sapientia, virtute & clementia excellens, Freistadij moritur. Retineat memoriam Principis huius Freistadium, quod nec expertum est, nec fortassis experietur similem dominum. Verè hoc de ipso prædicare nostra patria potest, *πατὴρ δὲ ὡς ἡμεῖς ἤεν.* Erat tanquam propitius pater.

Successit ipsi vnicus filius Henricus Vndecimus, bonitate patre non inferior, sed ingenio & corpore imbecillior. Anna filia nupsit domino Rosenbergio Bohemio. Elizabeth vixit apud fratrem, & dicitur habitasse in vrbe. Hoc anno rursus sæuijt hic pestilentia: contagia allata esse dicuntur ex Austria: plura fuerunt funera in pagis quàm in vrbibus. Henricus nouus Princeps fuit Vratislauiæ in conuentu, & ibi adduci se passus fuit ad rem non bonam.

Henrici ultimi copiae uincuntur à Bohemis.

Anno enim 1468. motus à sacerdotibus, qui execrabantur Georgium Regem, misit auxilia collecta ex sua ditione ciuitatibus Lusatiæ superioris: illa multitudo imperita inuasit Bohemiam, & grauiter cæsa est. Multum detrimenti acceperunt ciuitates Freistadium & Glogouia.

Anno 1469. cum Matthias Rex Vratislauiæ domum rediens in Morauia cepisset Victorinum Georgij filium, venit in Silesiam Henricus Monsterbergensis, frater Victorini, eamq; crudeliter vastauit. Videbatur is etiam imminere ducatu Glogouiensi, sed Henricus subito comparatis auxilijs profectus est ad Lubenam vsque, & ita terruit Henricum Monsterbergensem, vt copias alio duceret, & hoc modo ducatum suum incolumem seruauit.

Annus calidissimus & siccissimus.

Maiores nostri annotauerunt, constitutionem anni septuagesimi primi, quæ fuit calidissima & siccissima. Sexto Martij apparuerunt Violæ. Die Baptistæ in foro Glogouiensi poma & pyra recentia fuerunt venalia: messis finita fuit ante ferias Apostolorum Petri & Pauli. Sub medium mensis Decembris adhuc flores in campis conspecti sunt. Hoc vero anno & sequenti fulserunt Cometae. Mense Septembri ex hoc ducatu & reliqua vicinia conscripti sunt equites quadringenti ductore Abrahamo Donauienſe & Iohanne Lestio ex mandato Casimiri Regis Poloniae. Missi sunt cum Casimiro filio in Hungariam. Redierunt amissis equis & sine stipendio.

Iohannes Priusienſis eiſcit & necat fratrem suum.

Annus 1472. fuit infœlix ducatu Saganensi. Iohannes Priusienſis Tyrannus desiderat metuere Henricum Freistadiensem patrum, ideo anno 1470. rursus fuerat minatus bellum fratribus, qui placauerant eum data pecunia, quam singulis annis ex Prussia & Dania solebant accipere. Ipse iuit militatum ad Regem Mathiam, vt conciliaret sibi patronum potentem. Hoc anno quarto Maij collegit

collegit prædones exteros, & armauit suam multitudinem rusticam & oppidanos, ista manu oppugnauit Saganum.

Balthasar Princeps, qui & ipse erat vir militaris aliquamdiu sustinuit obsidionem. Sed Iohannes septimo Maij, quo, eo anno celebrata fuit memoria triumphus filij Dei ascendentis in coelum, coniecit ex machinis in urbem faces & ignita tela, vnde tecta conceperunt flammam, & tota ciuitas vnà cum templo & magna monasterij parte, in quod ciues bona sua congefferant, exusta est. Balthasar in arce, paucos dies adhuc se defendit. Dedit arcem 16. Maij, quod erat pridie Pentecostes.

Crudelis frater etiam contra fidem datam fratrem vinctum duxit Pribusum in vicinum oppidum, eumq; in tetram turrim coniecit, vbi squalore carceris & morbo paulò post interijt. Sepultus est Saganus 15. Iulij. Coniunx ipsius, quæ fuit filia Ducis Teschinentis, in exilium à leuiro impio pulsa est. Commorata est ea Glogouia per aliquot septimanas, post mortem mariti deinde redijt ad patrem.

Iohannes perpetrato hoc scelere, cum metueret odia reliquæ Silesiæ, totum ducatum vendidit Principibus Saxoniae fratribus, Ernesto & Alberto. Fuit ipse Dresdæ mense Decembri, precium fuit 55000. aureorum Hungaricorum. Venceslao fratri Iohannis Principes ex summa ista exoluerunt aureos 2100. qui deinde in honesto ocio omnibus carus ob bonitatem & virtutem Vratislaviae consenuit. Tribus sororibus singulis mille aureos numerarunt. Reliquum promiserunt Iohanni post triennium, vbi prius assensum Regis Mathiæ impetrasset.

Iohannes ducatum Saganensem vendidit Saxoniae Principibus.

Nobilitas & oppida iurarunt eodem mense in verba Principum, qui eò miserant suos legatos. Ita Saganum, quod olim fuit territorium ducatus Glogouiensis, peruenit in manus Ducum Saxoniae: mansit in eorum potestate annos 77. fuitq; gubernatio horum Principum salutaris & foelix isti ditioni. Nam bella & calamitates, quæ paulò post reliquam Silesiam, & inprimis ducatum Glogouensem duriter oppresserunt, prudentia & virtute Principum Saganum non attigerunt.

Saganum fuit tranquillum & foelix sub Principibus Saxoniae.

Recuperauit ditionem eandem per transactionem ab Electore Saxoniae Mauricio, anno 1549. potentissimus Cæsar Ferdinandus, cui nunc nomine Cæsaris præest Sigefridus Promicius Baro liber dominus Sorauiensis, pietate in Deum & virtutibus heroicis ornatissimus. Mense Iulio eiusdem ætatis Henrico Freistadiensi desponsata est Barbara filia Alberti Electoris Brandenburgensis, puella annorum septem. Fuit constitutum, vt traderetur ipsi post quinquennium. Mense octobri publice sunt facta sponsalia.

Henricus ultimus ducit Barbaram Brandenburgicam.

Eadem æstâte in hoc Ducatu magna fuit lis de moneta. Superiori anno ex decreto conuentus prouincialis ciuitas Vratislaviensis mutauerat monetam, cudebat numulos, quorum octoni valerent vsitato grosso Misnensi, cuius insigne sunt gladij, duodeni vero æstimarentur grosso Silesio, quem album nominamus, rursus seni grosso albo medio, qui respondet cruciatis Germanicis. Hæc ratio tandem præualuit. Sed cum ciuitates Glogouienses imitari vellent hanc constitutionem, non successit.

Monetæ mutatio in ducatu Glogouiensi.

Aureus Hungaricus, cuius præcium iam tunc iudicabatur nimium crescere, iubebatur valere albis grossis quadraginta: & grossi ensiferi, qui existimabantur esse minus probi, excludebantur. Edebantur Glogouiæ & Freistadij noui numuli, & tertio Augusti numuli veteres, quorum duodeni æquabant grossum ensiferum, edicto tollebantur. Verum, cum præcia omnium rerum crescerent, populus concurrebat, petebat rem numariam relinqui priori in loco, & iam omnia spectabant ad seditionem.

Rythmi Sparsi de ciuitatibus Ducatus Glogouiensis.

Post varias autem actiones, cum Princeps sæpe autoritatem suam frustra interposuisset, mense Septembri negocium fuit suspensum, & veteres numuli in vsum recepti. Excogitatum est vestigal nouum frumenti, ex quo ciuitatibus facta est compensatio sumtuum. Sacerdotes annotarunt, in illo fremitu populi iactatos esse hos rythmos, *Der Gloger Gebot / der Freistedter Rath / der Sprotter Briel / geschehen seldom on furtel.*

Glogouia nouus instituit nundinas. Rodolphus Episcopus primo uenit Glogouiam.

Ciuitas Glogouiensis, assentiente Henrico Principe, eodem anno instituit mercatum annuum hybernum sub festo D. Andreæ. Anno 1473. 4. Ianuarij Rodolphus Episcopus Vratislaviensis, legatus Pontificius, primo venit Glogouiam, & ne nihil ageret, consecrauit suo more templum Monachorum instituti Bernhardini post arcem.

Glogouiensis templi ruina.

Nocte, quæ antecessit diem festum, quo celebratur memoria Christi infantis gestati à matre in templum, columna lapidea in templo maximo corruit, cum qua tres proximæ testudines ingentium fragore sunt collapsæ. Oppressi fuissent multi homines, si hoc accidisset die sequenti. Fuit omen denunciâns huic Reipublicæ euerisionem, & inprimis interitum Senatus.

Sprotta perit incendio.

Pridie diei S. Margaritæ hora matutina octaua oppidum Sprotta totum conflagrauit cum monasterio & templo, arx non est læsa: perierunt incendio duo homines, adolescens & puella.

BELLVM POLONICVM.

OCCasionem & seriem belli, quod gessit Mathias cum Rege Polonico patre & filio, retulimus in parte scripti superiori. Hic mentionem faciemus solum eorum, quæ attigerunt hunc ducatum.

Mandante Rege Mathia, Iohannes Saganensis exul spontaneus conscripsit Stinauiæ ex Silesia equites ter mille, & pedites totidem, præfecit huic exercitui ductorem, virum rei militaris peritum, Melchiorem Löbelium: 18. die Martij, anno 1474. transierunt flumen Stinauiæ, progressi per agrum Gurensem, 20. die mensis illius oppugnarunt Fraunstadium, oppidum ditionis Polonicæ: Iohannes de uastat Poloniam maiorem. per quadriduum excitata fuerunt in eo incendia diuersis in locis, sed tamen ciues urbem non dederunt.

Totum autem agrum vicinum, foedè diripuerunt, & exusserunt hostes, processerunt in loca Poloniæ interiora, omnia ferro & flamma, sursum & deorsum miscentes. Consumti sunt incedijs supra 600. pagi & vici: Palatini Polonici contraxerunt agmen duodecim millium militum tumultuarius, verum non sunt ausi præliari cum hoste armis & bombardis optimè instructo.

Dum verò ita circumfert flammæ Iohannes, in oppido Kiefio incenso, præceps in ignem subterraneum, superiori contignatione corruente, lapsus est, eripuit cum ex flamma, miserè iam vstulatum, quidam nobilis Freistadiensis Bussus, quem Princeps polstea patrem nominauit. In media flamma dicitur alta voce inclamasse opem Hedwigis cognatæ. Sub initium Aprilis ductus est Stinauiam ad socrum, vt ibi sanaretur. Nam etiam crus perfregerat. Lusit in eum populus talibus Rythmis: *Herzog Hans one Lande hat für der Kiesel das Maul verbrandt.* Fraunstadium defenditur contra Iohannem Pribusiamensem. Rythmi in Iohannem exulem.

Milites regressi ex Polonia, inhiabant collegio sacerdotum Glogouiæ, vt ex illa quasi certa arce subinde facerent excursions in Poloniam. Sed Henricus Princeps, qui nihil fidebat Iohanni, statim sub initium Aprilis, de nocte misit præfectos duos, Georgium Glaubisium & Melchiorem Gurum, qui ex mandato Principis coëgerunt validum agmen ciuium & agrestium ex vicinia, atq; subito oportunis locis munitiones in collegio excitarunt. Postquam autem 28. die Aprilis indictæ fuerunt induciæ inter Polonos & Silesios, domum reuersi sunt. Exercitus autem Regius, qui in limite Poloniæ partim in pago Vilca, partim in Suusa desidebat, dilapsus est.

Vere superioris anni Henrico, qui videbatur valetudine esse parum firma, sponsa Marchica Crosnam adducta fuit, ipsiq; sponso commendata, qui isto anno cum ea concubuit, cum ætatis annum

decimum nondum expleffet: Sacerdotes scripserunt de illa visita-
tum Canonem: Malicia supplet ætatem.

Autumno recruduit bellum Polonicum. Missi sunt à Rege
Mathia Fridericus Lignicensis & Stephanus Sepusienſis, pater Io-
hannis Veidani Hungari, illis adiunxit ex sua nobilitate multos
Henricus Freistadiensis, ductore Casparo Nosticio. Venerunt Glo-
gouiam 20. Octobris, ducebant secum equites septingentos, inter
quos erant multi Pannonij, & ducentos pedites. Intromissi fue-
runt in ciuitatem, sed timide.

Mandauerat Rex, vt illis traderetur arx, vnde inuadere pos-
sent Poloniam, sed hoc Margarita Ciliensis constanter negauit.
25. Octobris propè pagum Beichau transierunt flumen, & subito
visa est ardere tota ea Poloniæ ora, quam Iohannes reliquerat in-
tactam. 28. die occuparunt oppidum & arcem Mesericum, quod in
illis locis magni est nominis, ditati sunt multa præda.

Mesericum
oppidum ca-
pitur à Sile-
sij & Hun-
garis.

Calendis Nouembris. Fridericus Lignicensis cum paucis do-
mum recurrit, repressurus hostes Polonos in suo ducatu. Iisdem
diebus venit Glogouiam Melchior Löbelius Capitanius Regius,
cum comitatu equitum quadringentorum, in urbem non est intro-
missus, pagi sacerdotum fuerunt prædæ equitibus, qui deinde in-
gressi in Poloniam confederunt Suibusij, vt inde Regionem depo-
pularentur. Agmen Stephani Hungari mansit Meserich, & to-
tum oppidum inflammavit. Sedato bello arx est restituta Polonis
ex pacto. Collegio sumtu sacerdotum imposuit mediocre præsi-
dium Princeps.

Venceslaus
Stinauensis
moritur.
Neustadium
conflagrat.

Circa initium mensis Februarij eiusdem anni mortuus est Sti-
nauiæ focer Iohannes Venceslaus Princeps, qui fuerat dominus
loci annos viginti duos. Mense Martio oppidum Neustadium
propè Freistadium totum conflagrauit. Hyeme huius anni ascrip-
tus est collegio sacerdotum superiorum Iohannes Dobergastius
Freistadiensis patruus auia paternæ Ioachimi Curæi.

Iohannes Do-
bergastius
Freistadiensis.

Habet laudem ingenij, & amauit studia Mathematicum.
Duos nepotes ex fratre, Iohannem & Martinum aluit in Acade-
mia Coloniensi, ea ratione, vt, cum in studijs profecissent, alternis
vicibus in scholis alter doceret, & illis redditibus fratrem in Acade-
mia sustentaret. Fuit ingenio magno Iohannes, & celebris ob do-
ctrinam illa ætate, sed Coloniæ immatura morte decessit. Marti-
nus autem vir doctrinæ non mediocris & vitæ laudatæ, postea
floruit Cracouiæ, adeptus laudem oratoriam in religione Pon-
tificia.

Martinus Do-
bergastius
Freistadien-
sis.

Duellum in
urbe Glogo-
uicnse.

Anno 1475. post Pascha, Glogouiæ, spectante Henrico Prin-
cipe, duello decertarunt duo nobiles in circo, Busuius & Bernhar-
dus Nosticius, qui fuit victus, & vitam ab altero impetrauit. Pon-
tiffex

tifex hunc annum habuit pro Iubilæo, & multi homines ex ciuitatibus istis Romam profecti sunt, inter quos fuit Fridericus Lignicensis.

Ex mandato Regis sancita est moneta Vratislaviensis, & prior abolita, populus tamen diu reluctatus est. Pontifex etiam misit his ciuitatibus nundinas indulgentiarum domum, & auexerunt quæstores ipsius ex hac ciuitate vltra septingentos aureos Hungaricos. Mense Septembri conflagrauit oppidum Beuthen, templum tamen mansit incolume.

Moneta Vratislaviensis sancitur.

Hactenus fuit mediocris fœlicitas harum vrbium, sed proximis annis viginti post magnis fluctibus calamitatum obrutæ sunt, ita vt penè ex toto conciderent. Initium ærurnarum fuit mors Henrici Principis modesti & iusti, qui anno 1476. 21. Februarij, qui erat dies Iouis antecedens festa Bacchi, Freistadij mortuus est. Nullam reliquit sobolem Henricus, neq; coniunx Barbara egressa erat annum ætatis duodecimum, cui, cum Iohannem propter feritatem & iniusticiam odisset, vniuersam suam ditionem legauerat.

Henrici ultimi mors & testamentum.

Vt vero vniuersæ huic historiæ lucem addamus, deficiente iam stirpe, pingo Genealogiam Principum Glogouiensium.

STIRPS DVCV M GLOGO.

VIENSIV M.

Vladislaus Secundus Ethnarcha Poloniae, exul, natus ex familia Regia, cui ex transactione fuit promissa Silesia à fratribus, quam tamen ipse non est adeptus. Distributa est Silesia inter filios huius Vladislai anno 1163.

Mieslaus Princeps Silesiae superioris, dominus Ducatum Opoliensis, Ratiaboriensis, Teschinensis. Stirps eius extincta fuit circa annum Christi 1250. Si modo Duglossio creditur.

Boleslaus Procerus, Dux Vratislaviae & Lignicij, mortuo demum fratre etiam Glogouiae. Habuit duas coniuges.

Conradus I. Loripes dictus, dux Glogouiae, Sagani, Crosnae, decessit sine liberis.

Ex Venceslawa Moscovitica suscepit

Ex Adelheide, quæ erat soror coniugis Conradi Sueui Caesaris nati sunt.

Iaroslaum, qui intulit bellum patri, factus est Episcopus Vratislaviensis. Nissenfè territorij detractum patri attribuit Episcopo. Sed non fuit postea superstes vltra triennium.

Boleslaus Otilia mortuus in adolescentia.

Henricus Barbatus vnicus hæres & dominus totius Silesiae, coniunx ipsius S. Heduigis filiae ducis Meraviae.

Conradus mortuus in adolescentia.

Iohannes puer mortuus in do. Mar- chioni Moraviae.

Henricus

Henricus Barbatus moritur Crofnæ 1238. 19. Martij

FILII.

Boleslaus constitutus à patre dominus Lusatiae inferioris, prodigè vixit, & cito mortuus est.

Conradus Secundus, collocatus à patre in extremam oram Silesiae & Lusatiae superioris, dominus Saganæ & Crofnæ. Post bellum ciuile motum in fratrem perijt in venatione ad Bythomiam anno 1213.

Henricus Secundus, Pius post patrem dominus totius Silesiae & Poloniae maioris. Coniunx eius Anna filia Ottocari Primi Bohemiae Regis, interfectus à Tartaris, anno 1241. 9. Aprilis.

Henricus Tertius Princeps Vratislauiensis, cuius progenies mascula defecit anno 1290. dominati sunt post eum duo Principes Lignicenses vsq; ad annum 1337.

Boleslaus saeuus ex quo longo ordine nati sunt Principes Lignicenses, quorum stirps adhuc Brengae & Lignicij foeliciter superstes est.

Vladislaus Archiepiscopus Salzburgensis, mortuus anno 1270.

Conradus Tertius primū consecratus in Diaconum, deinde Princeps Glogouiensis, coniunx eius Salome, filia Ducis Posnaniensis, mortuus 1298.

Filij Conradi Glogouiensis.

Primislaus dux Sprotensis & Saganensis, interfectus in praelio Polonico 1290.

Conradus Quartus, Gibbosus praepositus Vratislauiensis, electus in Archiepiscopum Salzburgensem, sed noluit relinquere suam ceuissā, moritur anno 1304. Stinauiæ.

Henricus Tertius Glogouiensis, coniunx eius Mechtildis, filia Ducis Brunsvicensis, dominus Poloniae maioris, praeterea ditionum Glogouiensis, Saganensis, Stinauiensis, Volauiensis & Olsnicensis, electus ab aliquibus ordinibus in Regem Poloniae, mortuus 1309.

Henricus Quartus, Glogouiensis & Saganensis, dictus fidelis, cōiunx Mechtildis, filia Marchionis Brandenburgensis, mortuus circa annum Christi

1334.

Primislaus Glogouiensis mortuus sine liberis 1331.

Iohannes Gurenensis mortuus sine liberis.

Conradus Olsnicensis à quo descendunt duces Olsnicenses & Stinauienses, pleriq; dicti Conradi, stirps deleta est anno Christi 1491.

Henricus

Henricus Quintus Ferreus Glogouiensis & Saganensis
mortuus, anno 1369.

Henricus Sextus, Henricus Septimus, Henricus Octauus, Passer,
Senior dictus Sa- Rapoldus, Glogo- Freistadiensis & Sprotten-
ganensis & Crof- uienſis mortuus ſine ſis, mortuis fratrib⁹ etiam
nenſis, non reli- hærede. Glogouiensis & Saganen-
quit ſobolem. ſis, deceſſit anno 1395.

Iohannes Sa- Venceslaus Henricus No- Henricus Decimus,
ganenſis ſe- Croſnenſis nus, Rapoldus dominus totius Du-
iunctus à re- perijt ado- dictus, mortu- catus Glogouiensis,
liquis fratri- leſcens. us in Dania. Coniunx Hedwigis
bus, moritur mortuus anno 1467.

anno 1437. Henricus Vndecimus, Glo-
gouiensis, coniunx Barbara
Brandenburgica moritur ſine
liberis, anno 1476.

Filij Iohannis Saganenſis.

Rodulphus Balthaſar Venceslaus Iohannes Priuſenſis,
interfectus mortuus mortuus ſucceſſor Henrici Vnde-
in bello in turri Vratſla- cimi, coniunx Cathari-
Prutenico, Priuſe- uia, anno na, filia Venceslai Stina-
enſi. 1488. uienſis, quæ peperit ipſi
quatuor filias.

Margarita Salome Hedwigis Anna nupta Carolo Mon-
nupta Ba- nupta Al- nupta Ge- ſterbergenſi, vnde eſt ma-
roni Pan- berto Mon- orgio Mon- terna ſtirps Ducum Olsni-
nonio. ſterbergēſi. ſterbergenſi. cenſium.

B E L L V M M A R C H I C V M.

EXtincto Principe, die 27. Februarij, qui eo anno erat iſ, quo Pon-
tificij ſolent cinerem ſpargere in capita, fuit conuentus ordinum
ducatus Freſtadij, & in illo mcerore & metu omnium, fuerunt pro-
poſitæ deliberationes de ſtatu publico. Auditæ ſunt legationes
multorum Principum, qui omnes petebant ducatum.

Primo loco præfecti Regis Mathiæ commemorabant, ducatum morte Henrici, qui non reliquiſſet ſobolem, rediſſe ad regem,
totius prouinciæ dominum. Secundo legati Marchici allegabant
teſtamentū mortui Principis, qui totum territorium coniugi ſuæ vi-
duæ assignaſſet. Tertio Vladislaus Bohemus vrgebat ſuū ius, quod
ſe pro legitimo Rege Bohemiæ, ratione acceptæ coronæ gereret.
Quarto Iohannes Saganenſis proponebat iura agnationis in ſucceſ-
ſionem, quod Henricus fuiſſet frater ſuus patruelis, ideo æquū eſſe
ſui haberi rationem.

Ordines

Glogouiensis
ducatus uoca-
tur in diſce-
ptationem.

Schencius
Marchicus
nocuit suis
dominis.

Rodolphus E=
piscopus ex=
cluditur à
Glogouia.

Glogouia ex=
cōmunicatur
ab Episcopo.

Ordines re deliberata prudenter responderunt, sese disceptationem hanc æquo & legitimo permissuros iudicio, & habituros pro domino illum, quem leges dominari iuberent. Interea visum est, iustum esse, vt vidua ante cognitionem maneret in possessione ducatus: atq; ita post paucos dies gubernator supremus à Marchione nominatus est dominus Schencius, qui magistratum vrbani in ciuitatibus constituit. Sed is obfuit causæ sui domini. Accusabatur propter superbiam, quæ in ipso maior fuit, quàm in Principe mortuo, viro placidissimo & humanissimo.

Die 29. Martij Rodolphus Episcopus Vratislauenensis accessit ad Glogouiam eo consilio, sicut constabat, vt ciuitati persuaderet imperium Regis Mathiæ. Etsi autem ipse, vt callidè propositum suum tegetet, plures eò miserat, qui ordines sacros ibi essent accepturi: tamen præfecti ciuitatis mandarunt Senatui, ne ipsum in urbem reciperent.

Fuit hoc denunciatum Episcopo, qui petebat, vt cum comitibus octo, vel sex paterentur adire ipsum collegium, & in suam aula diuertere: verum etiam hoc fuit negatum. Pernoctauit igitur fremens ira in habitatione Cruciferorum in suburbio Nosocomij, mane aliquos initiauit sacris, & finita missa, cum nihil cibi gustasset, Vratislauiam rediit, fulmen excommunicationis in omnem magistratum ciuitatis torfit.

Erat hoc Dominico die Palmarum, & septimana sancta, ideo valde laboratum est de reconciliatione. Placatus est tandem Episcopus multa aureorum Hungaricorum 16. & rursus ciuitati vsus sacrorum permisit. Sacerdotes scripserunt, Deum excitato bello Glogouiensi puniuisse hoc scelus, quod non fuit receptus Episcopus.

Iohannes Saganensis sciebat fouere se causam non valde bonam. Quia olim disertè cautum erat, vt patri & liberis nullum esset ius in ducatu Glogouiensi, & Henricus Decimus solus fuerat hæres fratrum mortuorum, præterito Iohanne. Præterea ipse Iohannes, cum Saganum dissipauisset, nullum territorium in Silesia possidebat, atq; ideo secundum leges ad has ciuitates vix poterat habere accessum.

Iohanni Saganensi traditur
ducatus Glogouiensis à
Mathia.

Confugit vero ad Mathiam, qui legibus & armis erat validior. Is tunc parabat nuptias, præuidebat bellum Austriacum, amabat etiam Iohannem, qui ipsi operam egregiam contra Polonos nauauerat, ideo huic concessit, vt ducatum in suam potestatem traduceret, eaq; de re mandata ad Glogouienses misit: sed iam tunc certa pacta interuenerunt. Quia Rex ducatum illum destinabat filio suo naturali Iohanni Coruino.

Hæc consilia cum intelligeret Elector Brandeburgicus Albertus, quem Germania nominauit Achillem, pater Barbaræ, conuertit se ad Vladislaum, & tandem post longam tractionem hæc fuit

fuit inuenta ratio, vt Barbara vidua nuberet Vladislao, ipsiq; loco dotis, & tanquam Regi Bohemiæ traderetur possessio Ducatus Glogouienfis.

Actum hoc fuit sub exitum Augusti: 26. Augusti conuocati fuerunt ordines Freistadium, fuerunt ibi legati Vladislai & Marchionis, quorum Principes erant Henricus Dux Monsterbergensis, cum quo nupta erat Vrsula, filia Electoris Alberti, & Schencius, qui postulabant iuramentum fidelitatis ab ordinibus. Eo die quidem perfici hoc non potuit, sed postridiè curarunt cum certa conditione, hoc nempe pacto: Promittimus fidelitatem & obedientiam, Vladislao Bohemiæ Regi, marito nostræ dominæ, quatenus ipsa domina de iure in nos potest habere imperium. In hanc sententiam etiam fuerunt confectæ literæ.

Non multo post Iohannes, qui nitebatur Mathia, & sciebat Vladislaum esse segnem bellatorem, non amplius lege, sed armis statuit agere. Stinauiæ igitur magnas spirans minas coëgit exercitum equestrem & pedestrem. Calendis Decembris ordines denuo congregati Freistadij, missa legatione rogauerunt eum, vt ageret mitius, & responsum ipsorum expectaret.

Septimo Decembris vocauit ordines Saganum: vbi cum prius de iure suo quædam esset locutus, protulit literas Mathiæ Regis, quibus tribuebatur ipsi possessio Ducatus. Ordines multum ancipites, in diuersa studia scindebantur, quia iam præuidebant bellum funestum patriæ. 9. Decembris iurauit in verba eius tota nobilitas ducatus, & ciuitas Glogouia sola, quam præ cæteris ode- rat Iohannes: reliquæ vero vrbes, quibus cara erat Barbara vidua, discesserunt.

Iohannes nihil cunctatus, post biduum accessit ad Sprottam armatus. Vrbs re deliberata elegit minus malum, aperuit ipsi portas, & promisit obedientiam. Postridiè iuit Freistadium, & idem obtinuit. Sequenti die Grunbergæ, ipsum oppidum, præterea Zulichienfes & Suibusienses eò vocati, potestati eius se permiserunt.

Hæc cum summa celeritate perfecisset, 14. Decembris prope- rauit Crosnam, sed ea iam erat munita præsidio Marchionis. Conabatur Iohannes ab illis exprimere deditiõem: per triduum inflammavit ædificia suburbana, sed cum præsidiarij eum contemnerent, reuersus est Sprottam.

Die 9. Ianuarij, anno 1477. ordines conuenerunt Freistadij, collocuti sunt per triduum, & pacti sunt inducias cum Marchione vsq; ad ferias S. Georgij. Tempore induciarum Iohannes domicilium suum collocauit Sprottam, & occultè nobilitatem in Lusatia inferiori, quæ parebat Marchioni, ad Corbusium & Sprembergam, conatus est sibi conciliare, sed frustra.

*Freistadiensis
arx obsidetur
à Iohanne.*

Vix dum elapsis inducijs, Iohannes conuertit se ad bellum. Tenebatur præsidio Marchico arx Freistadiensis, illud statuit eijs cere. Die lunæ sequenti ferias Dominicæ Ascensionis venit Freistadium: vrbs, quæ diligebat viduam, & præterea prohibebatur à præsidio, non recepit eum: recessit plenus furoris. Reuersus est post octiduum, in ferijs Pentecostes armatus, ciuitas ipsi aperuit portas, sed arx exclusit eum.

Marchio Albertus, Princeps non solum militaris, sed etiam prudens, nolebat rem cito deduci ad arma. Parcebat enim miseris ciuibus, & sperabat Mathiam facturum quod esset æquum, ideo segniter opposuit se Iohanni. Arcem Freistadiensem muniuit præsidio militum solum sexaginta, quibus præerat Sigismundus Ro-tebergius.

*Barbara Brä-
deburgica de-
seritur à Vla-
dislao.*

Vladislaus Bohemus promiserat suæ sponsæ auxilia & defen-sionem, & sub initium Maij duplex agmen ex Bohemia emiserat, quod Glogouiam proficisceretur, sed vtrumq; infoeliciter rem ges-sit: Prius in ducatu Suidnicensi exterritum armis incolarum, do-mum redijt: alterum, cum in Lusatia superiori frustra ciuitates ali-quas tentasset, etiam dilapsus est. Ipse Vladislaus respiciebat bel-lum Austriacum, & iam eum affinitatis Marchiæ poenitebat: atq; ita Barbaram suam deseruit, & Cæsarem non defendit.

Die sexta post Pentecosten, præsidarij & ciues Crosnenses co-nati sunt pulso Iohanne, soluere obsidionem arcis, verum hoc fru-sstra fuit: in reditu aliquot pagos agri Freistadiensis & Grunber-gensis inflammaverunt.

*Crosnenses de
uastāt agrum
Freistadien-
sem.*

Die Sabbati Iohannes conuentum suorum habuit in pago Brega, agri Glogouiensis, & petijt auxilia. Sequenti die, qui erat festus S. Trinitati, Glogouienses, qui multum formidabant iram Iohannis, miserunt ipsi ex oppidanis pedites triginta, equites 16. de-tinuit eos Freistadij septimanas tres: 21. Iunij de nocte venit in sub-urbium Glogouiense, mane vix tandem exoratus à senatu vtriusq; partis, urbem ingressus est. Abijt inde Calendis Iulij, collocutus fuit cum Margarita Ciliensi, sed non obtinuit quod quærebat.

*Iohannes Epi-
scopus Hauel-
bergenensis ca-
pitur à Iohan-
ne.*

Quarto Iulij, prope Francofurtum, interceptus est ab equi-tibus Iohannis Episcopus Hauelburgensis, ductus fuit captiuus Sprottam, deinde mense Octobri missus est Freistadium, donec mense Martio anni sequentis soluit λύτρον aureorum mille, & dimis-sus est.

*Iohannes Mar-
chio frustra
conatur solu-
re obsidionem
arcis Freista-
diensis.*

Quinto Iulij Iohannes Marchio Alberti filius, missus à patre cum mediocri exercitu, venit Freistadium: Castra prope urbem posuit, obsidionem arcis soluere non potuit: multa parua prælia facta sunt, in quibus plerisq; Silesij fuerunt superiores: sed pagi multi in territorio Freistadiensi & Grunbergeni à Marchicis sunt exusti.

*Grunbergenses
ses profliga-
runt Crofne-
ses.*

Die 27. Iulij Iohannes Glogouia armauit suam nobilitatem, & conscripsit milites stipendio in bellum Marchicum. Eodem die, qui fuit Dominicus, Grunbergenses conflixerunt cum Crofneſibus, qui populabantur agros ipsorum: victoria fuit penes Grunbergenses. Interfecerunt viros 60. ceperunt viuos 150.

Vltimo Iulij in oppidulo Bethania vna fuerunt Episcopus Varadiensis, Iohannes, & Fridericus Lignicenis, egerunt de pace inter Iohannem & Marchionem, pax non conuenit, sed rursus dictæ fuerunt induciæ vsq; ad festum Galli, hac conditione permisum est, vt obsessi ex arce egrederentur, si vero pax intra dictum diem constitui non posset, promiserunt ijdem se redituros in arcem, & fortunam belli expectaturos.

*Freistadiensis
arcis obsidio
soluitur.*

Sic obsidio post decimam septimanam est soluta, & Marchio domum redijt, 27. Augusti Iohannes, quem priores successus animauerant, statuit vrgeri bellum contra pacta, omnem nobilitatem vocauit Freistadium, eam sibi denuo deuinxit iuramento, multos ex illis, quod putarentur fauisse Marchioni, afflixit acerbè, aliquos vero in gratiam recepit.

Die Iohannis interfecti, traduxit in suam potestatem Zulichium, & paulò post Suibusium urbem & arcem. 28. Septembris ante finem induciarum euocauit suos ad expeditionem Neustadium. Glogouia misit ipsi equites quadraginta, pedites centum. Contraxit stipendiarios magno numero: prætergressus Viadrum obsedit arcem Beutenicium, vbi Bohemi erant in præsidio, qui relictis equis & impedimentis fugerunt. Adeptus est Iohannes equos centum, arcem captam inflammauit.

Iohannes occupat Zulichium & Suibusium.

Iohannes occupat arcem Beutenicium.

Accessit ad Croſnam, vastauit suburbia, processit vltèrius. Quinto Octobris venit ad Francofurtum, quam urbem cum præsidio tenebat Marchio filius, is erupit, & prope pontem conflixit cum Iohanne improspere, Marchici in urbem compulsi sunt, capti sunt 350. Vastauit ædificia suburbana, abegit armenta pecorum, extorsit pecuniam à vicis & pagis hinc inde.

Iohannes ad Francofurtum prospere dimicat.

Vrbs Francofurtenſis fidem suam pro captiuis interposuit, promisit numeraturam sese Iohanni aureorum 14000. aut captiuos omnes ad festa Martini Sprottam missuram. His rebus confectis, 17. Octobris domum redijt, suosq; ditatos spolijs dimisit. 29. Octobris denuo nobilitatem Neustadium euocauit. Die Martini Episcopi, secundum pacta, Marchici Sprottæ se sistebant, distribuit eos in carceres hinc inde per vrbes, quidam se ipsos redemerunt. Mense vero Martio ciuitas Francofurtenſis numerauit pro reliquis 8000. aureorum, eosq; liberauit.

Eodem anno nocte, quæ præcessit diem Dominicæ Ascensionis, oppidum Gura exceptis quadraginta ædiculis & templo totum conflagrauit. Iohannes hac æstate ascripsit collegio Sacerdotum

Opicius Coloniensis.

primariorum Opicium Colonem consiliarium suum, cumq; deinde ad magnam dignitatem euexit.

*Mathie Regis
consiliarij in-
tercipiuntur
in Silesia.*

Fuit is vir fax & pestis huius ditionis, proiectus in omne scelus & flagitium. Die 18. Septembris prope Cöbenum oppidulum in ducatu Glogouiensi, capti sunt legati Regij, Doctor Fabianus & scriba Reipub: Vratislauiensis à prædonibus: omnes Principes Silesiæ, qui metuebant iram Regis, fecerunt diligentissimam inquisitionem, neq; tamen constabat, quo ducti essent.

Vere anni sequentis emissi sunt ex carcere arcis prope Sittauiam, cum Vratislauiensis scriba soluisset aureos trecentos, Consiliarius vero Regius 1500. Sub initium veris anni 1478. rursus fuit actum de concordia ex mandato Regis inter Marchionem & Iohannem: sed frustra. Quia Marchio irritatus, iam armabat se contra hostem.

Iohannes occupat Belicium oppidum Marchiciæ.

Post Pascha milites Iohannis tempore nundinarum per fraudem occuparunt Belicium, Marchiciæ oppidum, plenum bonarum rerum. Marchio re cognita obsedit oppidum spacio trium septimanarum, tandem iniecit ignem, quo ciuitas, supellex & equi militum omnes perierunt. Ipsi milites nudi se Marchioni dediderunt, fuerunt numero 160.

Circa festum Pentecostes rursus constitutæ sunt induciæ usq; ad diem recordationis Bartholemæi Apostoli, redditi sunt vtriusque captiui, & causa tota permessa est arbitrio Regis Matthiæ. Sub medium mensis Iunij ipse Iohannes ad Regem profectus est, redijt 18. Iulij plenus bonæ spei, quia ardente bello inter Mathiam & Cæsarem, etiam Principes Germaniæ destineri voluit hinc inde Mathias, ne possent opitulari Cæsari.

Primislaus Princeps scholasticus Glogouiensis moritur.

Circa hoc tempus mortuus est Glogouiæ Primislaus, Dux Teschinensis, scholasticus collegij Glogouiensis, & gubernator Margaritæ Ciliensis: exuias ipsius tribuit Princeps scelerum suorum ministro Opicio. Margarita iam tunc metuebat Iohannem, quem videbat clam tentare suorum ciuium animos: ideo accersiuit leuimum Casimirum Teschinensem, vt sibi esset præsidio. Venit is cum magno comitatu Glogouiam 5. Septembris.

Casimirus Teschinensis punit magistratum Glogouiensem.

Tertio die post ab omnibus subditis Margaritæ postulauit iuramentum obedientiæ. Ipsi autem hoc negarunt, vsi tali excusatione, quod nondum esset hæres. Postridie nobiles & magistratum vrbs vocauit in arcem, eosq; captiuos esse iussit. Senatores decem in turrin inclusit. Sequenti die accersiuit ciues quosdam Gura, vt essent præsidio arcis in isto motu.

Venit interea Iohannes in vrbem, qui per suos egit de concordia, atq; ita 11. Septembris iuratum est Casimiro vt tutori in quinque annos. Ipse ante abitum mutauit magistratum arcis & vrbs, atq; Guram

Guram successit, vbi aliquandiu expectauit, vt videret conatum Iohannis. 20. Septembris Iohannes denuo inchoauit bellum, armauit suos subditos & stipendiarios, accessit ad Crosnam, 22. die inflammauit pontem fluminis, vastauit vineas, per dies septem populatus est territorium Cotbusiense, deinde ad Crosnam redijt.

Interea, rogatus à suis, iuit Francofurtum ad Marchionem, sub fide publica. Sed nulla potuit sanciri pax. 10. Octobris, cum Princeps ex castris Crosnensibus iuisset Freistadium, Marchio Silesios, incautè se gerentes, cum exercitu adortus est. Commissa pugna Marchici magna strage Silesios superarunt, euaserunt pauci equites, pedites capti sunt omnes, omnia arma & impedimenta. Captiui ducti sunt Francofurtum, per totum autem quadriennium sæpe coacti sunt illi se ad mandatum Marchicorum hinc inde sistere, donec tandem prorsus pax facta est.

Iohannis exercitus in castris ad Crosnam profligatus à Marchione.

Octobris die 16. venit ad Glogouiam Selenus Bohemus, missus à Mathia cum turma equitum Pannoniorum 1800. populati sunt vicinos pagos, vbi habebant diuersoria sua. 26. Octobris Princeps subditos suos ad arma exciuit: Conscripsit Glogouiæ stipendiarios 300. & coniunxit se cum Hungaris. Ingressi sunt Marchiam, eamq; duriter vastarunt. Ipse Princeps cum suis reuersus est sub initium mensis Nouembris, stipendiarij 14. die post. Pannonij diutius ibi hæserunt, & vastitatem in multis locis fecerunt.

Mathias Rex mittit equites Pannonios in Silesiam.

Interea miserum hunc ducatum Iohannes etiam grauissimis exactionibus exhauriebat. Nam sub ferias sanctorum Angelorum, singula capita in sua ditione, tam hominum quàm brutorum grandiorum exoluerunt ipsi singulos grossos Bohemicos, oues singulæ grossum medium. Sub finem Nouembris indixit aliam contributionem, coëgit omnes suos subditos pendere marcam tricesimam suarum facultatum, ita vt de mille darentur marcæ triginta tres & paulò amplius, quod certè fuit graue.

Iohannes exhaurit suos subditos grauibus exactionibus.

Mense tamen Februario anni sequentis, cum milites ob non soluta stipendia occupassent oppidula Beuthen & Neustadium, illis etiam cogente Principe satisfecerunt ordines. Nobilitas contribuit quater mille aureos, ciuitates bis mille, & tamen suo sumtu simul alebant milites in castris ducis. Hæc onera tulerunt maiores nostri, quæ etiam nostræ ætati, quamuis magis pecuniosæ, viderentur intolerabilia. Sed & inaudita tamen tyrannis tandem mutationem publici status attulit.

Anno 1479. Mathias inclinauit ad pacem, & sua incipiebat patefacere consilia. Miserat ad eum Iohannes legationem mense Februario: Mense vero Aprili venerunt à Rege Episcopus Vra-

Ec iij tislauis

tislaiuensis & orator Pontificius, acturi cum Marchione de pace, quæ tamen tunc non conuenit. Selenus cum Pannonijs deserta Marchia transijt in vicinam Lusatiam, deinde in Silesiam montanam, & passim multos concussit. Ademit aliquot oppida Conrado Albo Olsnicensi, propterea quod mortuo fratre totum Ducatum vendere volebat Principibus Saxonix inuito Mathia.

*Iohannes se-
uit in suum
consiliarium.*

Pacificatio belli Marchici reiecta fuit ad cognitionem Mathiæ, cuius animum iam callebat Marchio. Iohannes vltro citroq; misit ad Regem, sed nihil explicati referebatur. Sæuijt autem in quendam ex suis consiliarijs valde atrociter. Is erat Theophilus Bergmanus Glogouiensis vir doctus & facundus, qui multos annos in aula vixerat, carissimus Principi, cuius arcana fermè solus sciebat.

Fortunam vero florentem comitata est inuidia. Nobiles enim oderant illum propter potentiam, & dolebant eum ipsis anteferri: ideo criminati sunt eum apud Principem varijs artibus, & tandem hoc anno, cum à Rege reuersus esset, vicerunt accusationes, & extrema ipsi est conflata calamitas.

*Theophilus
Bergmanus
plectitur ca-
pite.*

Die 13. Iunij coniecit eum in turrin Sprottæ, detinuit eum sine cibo & potu vsq; ad noctem, quæ secuta est diem Viti, tunc extra oppidum ductus est, & nocte intempesta, spectantibus duobus hominibus, capite truncatus est, cum prius opem Dei supplex implorasset, & lugubri sermone questus esset de tyrannide sui Domini, qui ipsi inaudito & indemnato vitam eriperet. Iohannes etiam coëgit omnes ordines sui Ducatus exoluere exactionem, quam priori anno dederant.

BELLVM GVRENSE.

*Tempestas in
ducatu Glo-
gouiensi.*

ANnus sequens, qui fuit 1480. rursus fuit turbulentus in hac ditione, & fuit etiam causa sequentium calamitatum. Prædixit illas ærumnas sæuissima tempestas, quæ fuit 21. Februarij, horis duabus ante Solis occasum, Glogouiæ & in vicinia.

Fuit ingens ventorum commotio, tonitrua & fulmina horribilia, ceciderunt lapilli grandinosi, æquantes magnitudinem oui columbini, qui excusserunt fenestras in ædificijs publicis & priuatis, contracta sunt tecta multarum ædium, & in agris passim inuenta sunt cadauera anserum, leporum, volucrum omnis generis.

Eodem tempore Mathias, iam sedato bello Austriaco, nunciavit Iohanni, Glogouiensem Ducatum ex lege deuolutum esse ad ipsum,

ad ipsum, qui sit dominus Prouinciæ, se igitur illum in suam pote-
statem traducturum, cum præsertim Iohannes Marchioni non pos-
sit esse par. Interea tamen Regem Iohanni, coniugi & filiabus ipsi-
us prospecturum commodè & luculenter, ita vt causam querela-
rum habere non possint.

Tulit hoc Princeps ægerrimè, & euestigio, sicut fuit incogi-
tans, & audax, deliberauit de vindicta. Terruit primum ciuitates
reliquas, quæ ipsi promiserunt auxilia, ex illis armauit manum ali-
quam, venit Glogouiam s. Martij de nocte. Mane in curia conuo-
cata plebe conquestus est oratione admodum demissa & lugubri
de iniusticia Regis, qui ipsi vellet eripere vetus patrimonium Du-
cum Glogouiensem, petijt igitur vt ipsum iuuarent contra regem.
Populus persuasus oratione Principis est assensus.

Iohannes Episcopus Varadiensis, qui intelligebat traduci su-
um Regem de iniusta violentia, & accendi populum rerum impe-
ritum ad exitiosum bellum, subito Vratislauiam excurrit iturus Glo-
gouiam, vbi in conuentu expositurus erat voluntatem sui Regis.
Iohannes Princeps vero diffidens suæ causæ, vsus technis Opicij,
virum illum, sapientia & gratia Regis florentem, vrbe Glogouia
exclussit, illiq; nunciauit, in vicino pago, cui nomen est Ecclesiæ
altæ, se ipsum velle operiri, urbem autem ipsi patere non posse.
Tulit hoc indignè Episcopus, & Lübenam Vratislauiam, non viso
Principe, regressus est.

Iohannes Va-
radiensis Epi-
scopus exclu-
ditur Glogo-
uia.

Iohannes magna celeritate, antequam de turbis istis doceri
posset Rex, inuenit rationem, qua posset eijcere Margaritam Ci-
liensem, quam intelligebat moto bello futuram à partibus Regis.
Misit suos internuncios ad ducissam & ciues ipsi subiectos, qui
proposuerunt nomine Principis, censere Iohannem, rectè factu-
ram ducissam, cum suis ciuibus, si omnino quiescerent, nec cum
hostibus Iohannis sese coniungerent.

Responsum est, ducissam nihil hostile moliri contra Principi-
pem: sed ipsam non posse præliari cum Rege, cui esset deuincta
religione iuramenti, quare orare se, daret operam Iohannes, ne Rex
irritaretur.

Ipsa 9. Martij misit, qui vocarent Casimirum Teschinentem
in auxilium, quod tamen frustra fuit: Simul ciues, qui iam odora-
bantur mentem Iohannis, comportarunt in arcem ducissæ alimo-
niam & bona sua: data sunt etiam mandata, vt singuli parati essent
ad subitos casus.

Vndecimo Martij Iohannes hanc causam belli arripuit, quod
ducissa videretur munire arcem, armauit oppidanos & nobiles
suos, & paulo ante Solis occasum bellum miseræ viduæ indixit.

Iohannes op-
pugnat arcem
Glogouien-
sem.

Ee iij Nocte

Nocte intempesta armatus arcem inuasit, occupauit vestibulum, abstulit obsessis aliquot tormenta bellica, & multa vasa cereuisiæ. Ipsi ciues præsidarij compulsi in arcem interiorem, sub auroram ædificia vestibuli incenderunt. Venit in potestatem Iohannis etiam turris vicinæ portæ, quam muniuerat ducissa, vt retineret potestatem portæ flumentanæ.

Sic factum est initium deprædationum & latrociniorum in ipsa vrbe. Adduxit tormenta & alias machinas Sprotta & Freistadio, totamq; arcem obsidione cinxit. 13. Martij ciues subditi Margaritæ, qui in vrbe manserunt, renunciant ducissæ, & iurant in verba Iohannis: Præsidarij in arce aliquoties egressi sunt, & domos hostiles diripuerunt. Fugerunt in arcem Iudæi, quos texerat prius Margarita, domos eorum spoliarunt, synagogam spoliatam euerterunt milites stipendiarij, mandante ita Principe.

Ordines in Silesia grauiter commouebantur isto furore insani Principis, & præuidebant iram asperrimi Regis, ideo diligenter laborabant de pace. 18. Martij venerunt in pagum Hohenfirch Conradus Olsnicensis, & Legati Friderici Lignicensis, vt Iohanni pacem persuaderent, quam ipse planè repudiauit.

Nec tamen propter salutem patriæ communis, quæ in discrimen proijciebatur, cessarunt ordines: Sed denuo 22. Martij in eundem pagum venerunt Iohannes Varadiensis, qui cum Imperio Regio erat in Silesia, Rodolphus Vratislauenensis Episcopus, Fridericus Lignicensis, Legati Vratislauenenses & Suidnicenses, multiq; alij præstantes viri, qui omnes longa & prudenti oratione dehortabantur Principem ab isto furore, sed ipse superbè omnia contempsit, & cum multa de iniusticia Regis locutus esset, dixit, se iuuante Deo, profecuturum ea, quæ inchoasset, itaq; colloquium abruptit.

Iactauit postea, rescivisse se ex consiliarijs Marchionis, ducissam aliquando agitasse consilia cum Marchione, ipsiq; tradituram fuisse arcem, si voluisset. Gessit igitur sæuum bellum, & inter alia imitatus est factum obsidionis Bohemicæ. Nam ex machina quadam in arcem proiecit vasa referta putridis cadaueribus equorum, cattorum, canum & stercore humano, quæ foetore intolerabili miseram ducissam cum suis penè necassent. Neq; tamen præsidarij fuerunt inertes, sed globis emissis & glandibus, multos quotidie feriebant.

Iohannes proijcit stercora in arcem Glogouensem.

Annotatum est diebus festiuis, quales fuerunt Christi concepti in aluo virginis, diebus Palmarum, quinta & sexta in septimana sancta, quasi tacitas fuisse inducias. Quieuit enim omne bellum, nullaq; sunt explosa tormenta.

Die,

Die, quo fit recordatio sanctæ cœnæ, Princeps in collegio peccata sua pro more sacerdoti confessus est, & longa oratione in cœtu sacerdotum omnium bonitatem suæ causæ prædicauit, & blandis verbis sacerdotes sibi conciliauit, ita vt in suis annotationibus factum Principis non multum vituperare videantur. Munijt Iohannes proximos pontes & templum S. Georgij in suburbio flumentano impositis præsidijs, quæ arcere possent Gurenfes.

Tertio Aprilis, qui tunc erat dies secundus festiuitatis Christiani Paschatis, eiecit ex vrbe vxores & paruos liberos ciuium illorum, qui erant in arce, illasq; domus attribuit alijs. Ingens vero ab illo misero grege fuit excitatus planctus & eiulatus in vrbe. 5. Aprilis agmen Gurensum ostendit se prope pontem collegij, nullo cum successu. Redierunt de nocte 9. Aprilis, cohortati sunt obsessos in arce, vt fortiter agerent, se ipsis affuturos.

Eodem die venerunt legati Principum & ciuitatum Silesiæ, qui rursus Iohannem hortabantur ad pacem, sed frustra. 20. Aprilis eiecit Monachos Dominicanos, quod existimarentur colludere cum obsessa ducissa. Die Marci deuastarunt totum agrum Cöbensem, prædas aduexerunt Glogouiam. Venerunt eo die equites Poloni 50. quos collocauit in collegium. 30. Aprilis ducissa ex arce misit nuncios, qui peterent pacem à Principe, inter quos fuit Nicolaus Dreissimarchius, res dilata est in diem sequentem.

Nicolaus
Dreissimarchius
concliat Margaritham cum
Iohanne.

Calendis igitur Maij facta est transactio, cum ducissa nullibi auxilium reperiret: Arx est tradita Principi, res suas singuli exportarunt, exules sunt restituti, sed in domos spoliatas. Ducissæ permissum est, vt aut habitaret in arce, aut in ciuitate, frueretur rebus suis vsq; ad mortem, Iohannes iam teneret imperium, & postea esset hæres ducissæ. Ipsa noluit assentiri, sed relicta arce, eodem die migravit Guram. 8. Maij Gurenfes in suburbio flumentano rapuerunt armenta ciuium, & domum suam abegerunt: Sic demum mutua exercuerunt latrocinia per duos menses.

Glogouienfis
arx traditur
Iohanni.

Cœpit litigare eodem tempore cum collegio, quia sperauerat sacerdotes emollitos blandis suis verbis collaturos pecuniam in stipendia militum, sed cum ipsi hoc negarent, cœpit per vim hoc extorquere à præcipuis tantum. Nam cum senatus collegij inuoluere etiam vellet sacerdotes minores, eosq; posceret pecuniam, Princeps dixisse fertur: *Taus Es hats nicht / Sechs Zinck mus geben:* Addens interpretationem Allegoriæ talibus verbis: Volo vt vos sacerdotes Primarij contribuatis quantum postulo, aut si refragabimini, eijciam vos, retraham ad me reditus vestros, & inde meos milites alam. Ita collegium denuo agmine Polonorum repleuit.

Die

Iohannes Glogouienſis ex urbe eiſcit Iudeos.

Die 17. Aprilis Gurenſes tranſgreſſi Viadrum, in ripa Auſtrali plurimos pagos depopulati ſunt, Crampſcicium & alios, ab actis inde pecoribus redierunt domum, inſecutus eſt eos Princeps Cöbenum uſq; nullo cum ſucceſſu. Gubernabat vero bellum Caſimirus Teſchinenſis, qui erat Guræ. Die Vrbanī ipſe Princeps agrum Gurenſem deuastaui, 18. Maij Iudæi Glogouia pulſi ſunt, & iuſſi ſunt perpetuo vrbe exulare. Hoc vnicum pro ſalute ciuitatis ſuſceptum fuit ab hoc Principe.

Sexto Iunij manus quædam prædatoria, quæ militauerat Principi, ob non ſoluta ſtipendia inuaſit agrum Freiftadienſem, & ex paſcuis illis armenta rapuit. Secutus eſt eos Princeps ad Tribellium oppidulum uſque, ibiq; cum illis tranſegit. 13. Iunij Princeps collectis omnibus ſuis copijs infudit ſe in ditionem Gurenſem, ibiq; graſſatus eſt rapina & ferro. Arcem, quæ fuit in NARTHAU obſedit per octiduum, præſidiarijs extorſit deditionem, & arcem exuſſit.

Gurenſe bellum ſedatur.

Die 19. Iunij ad ipſum oppidum Guram factum eſt paruum prælium, vbi tanta fuit alacritas Principis, vt in ipſum pontem inſiliret, & cepiſſet urbem ea die, ſi Poloni maturè eum fuiſſent ſecuti. 23. Iunij Conradus Olſnicenſis ſanciuit inducias annuas inter Principem & Gurenſes. Captiui ſunt redditi vtrinq;. Non multo poſt, cum exiſtimaretur eſſe debellatum, maior confuſio eſt ſecuta.

Mathias irafcitur Iohanni.

Senſerat Iohannes veniſſe fulmen ex aula, ideo cœpit ſe communiſſe contra Regem. Poſtulauit à ciuitate, vt conſcriberet ex pecunia ſua pedites quingentos, extorſit trecentos, atq; rurfus graui exactione onerati ſunt homines. Poſtulauit etiam à nobilitate, vt eſſet in procinctu, & cum non impetraret quod vellet, nobiles viros 19. coniecit in turrim. Vltimo Iulij legatus Regius Vratiſlauriæ mandauit ex Imperio Mathiæ toti Sileſiæ, vt Iohanni eriperent ducatum, eumq; captum & vinctum in Pannoniam mitterent.

Ordines Iohannem monuerunt de ſuo periculo, & legatum Regium exorarunt, vt paulum rem differret. 12. Auguſti fuit conuentus Parchenicij in oppido agri Lignicenſis, ibi Iohannes Varadienſis, vt parceret afflicto ducatu Glogouienſi, largitus eſt pacem Iohanni ad vnum annum, vt interea culpam ſuam apud Regem poſſet deprecari, & quærere reconciliationem. Sed pacem penè turbaffent ſtipendiarij Iohannis, qui apud legatum queſti fuerunt, quod ipſis non ſoluerentur promiſſa ſtipendia.

Iohannes conuenit grauiter ſuos ſubditos.

Tandem onera incubuerunt in miſeros ſubditos. Nam 14. Septembris Freiftadij in conuentu nobilitas & ciuitates fidem ſuam pro illo debito interpoſuerunt, profeſſi ſunt hoc apud legatum Vratiſlauriæ, & coacti ſunt ſoluere ſequenti anno. Redundauit autem malum in ciuitates, quia à nobilitate parum potuit extorqueri.

Marga

Margarita Cilienſis, conſumta dolore animi & ærumnis obſidionis, Guræ mortua eſt die Magdalenæ, ſepulta eſt in templo collegij Glogouienſis, vbi ante annos vndecim ſibi curauerat extrui ſepulchrum. Anno 1481. ſæpe legati Regij egerunt cum Iohanne de reconciliatione, ſed non potuerunt conuenire.

*Margarita
Cilienſis
moritur.*

Tandem igitur perſuaſus à Georgio Stenio miſit ad regem, ſuum Opicium & ſcribam ciuitatis, Iohannem Keppelium, quem tunc magnificiebat, illi exorarunt regem, & die S. Laurentij renunciarunt ſuo Principi, recipi ipſum in gratiam à Rege. Ideo proximo die Dominico poſt, publicè in templis & in arce Glogouiæ fuit excitata læticia cantu & ignibus. Poſtea rursus emunxit ſuos, vt poſſet ſoluere ſuis latronibus, & circa Martiniana coëgit nobilitatem & ciuitates fideiubere pro aureis Hungaricis 12000.

*Iohannes re-
cipitur in
gratiam à
Mathia.*

Anno proximo poſt die Iunij 18. venit Glogouiam cum mandatis Regijs Georgius Stenius, is renunciauit Iohannem publicè dominum ducatus Glogouienſis, nempe vrbiũ Glogouiæ, Freſtadij, Sprottæ, Grumbergæ, Suibuſij & Zulchij. Sed ipſe Princeps & omnes ordines iuramento ſe deuinxerunt Regi, ſi Iohannes decederet ſine liberis masculis, omnem ditionem immediatè futuram ſub imperio Regis.

Ita Glogouia poſt annos ferme 120. rursus peruenit ſub vnum Principem. Annitente deinde Georgio Stenio, ſedatum eſt etiam bellum Marchicum die 16. Septembris Camenci, vbi fuerunt vna Principum Saxoniz fratrum, & Electoris Brandenburgici Conſiliarij, Princeps Iohannes & Georgius Stenius.

*Glogouia re-
dit ad imperi-
um vnius do-
mini.*

Tranſactum eſt hoc modo: Iohannes reſignauit in manus Regis oppida, Zulchium, Croſnam, Sommerfeldium, & Boberoſpergam, illa Georgius nomine Regis, vt quidem inuenio in vetuſtis chartis, pro dotalicio Barbaræ viduæ, quod fuit 50000. aureorum tanquam hypothecam tradidit Marchioni. Die deinde Dominico, qui fuit 13. Octobris, in omnibus ciuitatibus cantu publico Deo ſunt actæ gratiæ pro concordia. Sed oppidi Croſnæ eadem æſtate miſera fuit fortuna.

*Iohannes Glogoui-
enſis trā-
ſigit cū Mar-
chione.*

Nam 27. Iulij vniuerſum conflagrauit, ita vt ne vna quidem reliqua eſſet domus: conciderunt cellæ ſubterraneæ, & plurimi homines omnis ætatis interierunt, templum etiam oppidi corruit, ſed conclaue ſupelleſtilis ſacræ, quod mirum eſt, fuit ſeruatum, reſtin-cto igne ſanguine vituli, qui ſubito fuit iugulatus, fortassis vt eo caſu præmonerentur omnes, in publicis & fatalibus poenis mitigari calamitates, & ſeruari aliquas reliquias, propter interceſſionem filij, qui eſt victima, cuius ſanguis ex terra clamat in cœlum, ſicut ſanguis iuſti Abel, & placat iram æterni patris, ne totum genus humanum redigatur ad nihilum. Quomodo fuerit excitatum incendium, nunquam potuit cognoſci.

*Croſnæ miſe-
rabilis con-
flagratio.*

Tsabeliæ nobilis familie interitus.

Editum est aliud memorabile exemplum in familia nobili eodem anno. Erant Tsabelij viri nobiles, domini Vuartembergæ, & vicini territorij Contupensis, quod longum tractum complectitur in ripa Viadri Aquilonari. Erant fratres tres: Caspar, Bruno & Christophorus. Nec erat familia potentior & ditior in hoc ducatu. Ex fratribus Caspar erat magister equitum in aula Principis Iohannis.

Die vero 21. Octobris, qui appellationem eo anno habebat à Luna, vbi ex consuetudine agrestes in urbem conueniunt ad forum, ministri ciuitatis, ita mandante Rege Mathia, armati ex mensa captiuos abduxerunt Casparum & Brunonem, illum in curiam urbanam, hunc in turrim. Portæ ciuitatis euestigio clausæ sunt, nec vlli hominum patuerunt.

Interea properauit cum paucis familiaribus Freistadium Princeps, armauit ibi viros ducentos, venit Vuartembergam hora noctis secunda, ibique oppressit fratrem tertium Christophorum, quem captiuum misit Freistadium. Eadem nocte occupauit arcem Contupensem: Postridie Vuartembergæ & omnes pagi nobilium illorum iurarunt in verba Principis.

Deinde in arcibus quæsiuit prædam, quam congeffisse dicebantur ex latrocinij, inuenerunt merces omnis generis, pannos intertextos auro, sericum diuersæ formæ, aromata copiosa, margaritas, deinde merces iocularias, grande vas nouacularum, præterea pelles Sabellinas & alias: ex istis multa misit Glogouiam, vbi hora secunda noctis Caspar capite truncatus est, die 23. Octobris Bruno eodem fuit affectus supplicio. Tertius frater Christophorus in turri Freistadiensi fame periit.

Annonæ caritas & pestilentia in ducatu Glogouensi.

Confessi sunt, sicut scribitur, quod agitassent consilia de Principe tradendo hostibus. Tam funestum exitium habuit dignitas huius familiæ. Annus 1483. fuit luctuosus his ciuitatibus, quæ cum respirare debuissent ex bellis tot annorum, subito oppressæ sunt, primum magna annonæ caritate, quam auxit turbatio propter monetam, cum princeps seuerè iuberet tantum valere monetam Vratislauensem. Inediam secuta fuit pestilentia atrocissima, quæ magnam partem populi absumsit.

Saganum incendio perit.

Sequenti anno mediocria fuerunt halcyonia. Iohannes filiam natu maximam nuptum tradidit in Pannoniam cum magna pompa. Anno 1486. 18. Maij Saganum vniuersum incendio periit, unà cum omnibus templis & monasterijs. Glogouiæ princeps arcem muniit, excitata fossa, compulit omnes agrestes ex territorio Glogouiensi in urbem, eosque coegit vt laborarent ad ipsam hyemem usque.

Glogouiensis arx munitur.

Mense Ianuario anni 1487. Salome filia Iohannis desponsata fuit Alberto Monsterbergensi, Henrici filio: Glogouiæ fuit pompa nuptialis. Sponsa nondum egressa erat annum ætatis duodecimum;

num: coniugium dilatatum est in annum secundum post. Promisit dotem filiae 6000, aureorum, quos in se receperunt ordines.

Autumno tamen anni eiusdem nouam eos postulauit pecuniam, qui cum humilimo sermone suam testarentur inopiam, tamen tyrannicis comminationibus territi, coacti sunt facere quod volebat Princeps, cui promiserunt aureos 18000. Simulabat se redempturum ea summa bona sua, quæ partim erant oppignorata, Sed ipse parabat sibi subsidium ad bellum contra Regem.

BELLVM GLOGOVIENSE.

ORDior narrationem belli non maximi quidem, sed valde tristis & exitiosi nostræ patriæ, & maioribus nostris, qui concussi fuerunt continua mole ærumnarum multorum annorum, quem catalogum miseriarum, vbi legit posteritas, grata mente prædicet Dei bonitatem, qui hætenus nobis pepercit, ne inuolueremur tam tragicis calamitatibus, & oremus Deum, vt porro nos suo auxilio tegat propter Filium, qui est vmbraculum, ne ira Dei totum genus humanum absorbeat.

Suauis erit hæc lectio nostris popularibus, etsi externos historia rerum non celeberrimarum frigidius afficit. Et debemus hanc gratiam patriæ, vt in perpetua memoria vices, quas ipsa sustinuit, conseruemus, & inde exempla virtutum & modestiæ in tota vita petamus: sicut sapientissimus inter omnes historicos, Thucydides narrationibus suis hanc præfixit commonefactionem: Historiam esse thesaurum vitæ, non tantum declamationem ad delectationem scriptam. Annotabo igitur seriem omnium rerum, quæ memoria dignæ sunt.

Dominabatur annos quatuordecim in hoc ducatu Iohannes Saganensis, varia cum fortuna, quam tamen mores sui ipsi fermè fingeant, & exhauriebat hanc suam ditionem perpetuis penè bellis, latrocinij & exactionibus, ita vt omnes ciues, supplices palmas Deo porrigerent, & peterent liberationem.

Secuta est igitur fatalis mutatio. Nam, sicut Stesichorus eruditè scripsit: Cicadas in campis sonare Tyrannorum scelera, & petere vindictam à Deo: ita Deus audiit gemitus miseræ & rusticæ plebis, & Tyrannum ex regno suo deturbari voluit, etsi prius hæc ditio asperè fuit quassata.

Statuebat Rex Mathias in hunc Ducatum collocare filium suum nothum, Iohannem Coruinum. Ideo non aliter pacem largitus fuerat Iohanni, quàm hac conditione, vt post mortem ipsius ducatus rediret in manus Regis, & ante sexennium omnes ordines in verba Regis iurauerant. Tulcrat hoc ægerrimè Iohannes, tamen obsecutus tempori aliquamdiu quieuit.

Ff

Interea

Interea subinde circumspiciebat, quomodo hoc iugum posset excutere, & ducatum transferre ad filias suas. Quærebat igitur illis maritos potentes opibus & armis, qui possent sustinere iram Mathiæ, atq; conuertit se ad Henricum Monsterbergensem, Principem florentem non solum potentia, sed etiam autoritate apud Regem suum Vladislaum, quem totum solus possidebat, & iudicabatur nutu suo armare posse Bohemiam. Deinde sciebat Reges Poloniae, Bohemiæ & vniuersam Germaniam vnâ cum Cæsare agitare bellum contra Mathiam.

Sperabat igitur Regem, distractum tot curis bellicis, non respecturum ad exiguam hanc ditionem, nec Pannoniam spoliaturum exercitu. Deniq; animabant eum priores successus, quod inuito Rege Margaritam Ciliensem eiecisset, & tamen pacem impetrasset.

Opicius Colo-
accendit bel-
lum Glogo-
uiense.

Horum consiliorum autem, quæ Principem & populum euerterunt, architectus fuit Cancellarius Opicius, sacerdos vaser & iniustus. Nam in ipso Principe potius erat rustica quædam ferocia, quàm magna calliditas, ita vt hoc exemplum etiam doceat iniustam πολυπραγμοσύνην, & ambitionem sacerdotum semper fuisse exitiosam Rebuspublicis & regnis. Exitus enim prorsus congruit ad has Regulas: *Εὐμαρδύον γὰρ τῶν κακῶν βουλευμάτων, κακὰς ἀμοιβὰς εἶναι κερτύνει βροτῆς.*

Iohannes Glo-
gouiensis pa-
rat nuptias
filiabus suis.

Henricus
Monsterber-
gensis uenit
Glogoulam.

Ineunte anno 1488. vocati sunt ad nuptias Glogouiam Principes, & simul conscripti eò ordines, quos armis terrere volebat, vt facerent imperata. Venerunt Glogouiam die Epiphaniarum, qui tunc erat Dominicus, Henricus Monsterbergensis, & tres filij eius, Albertus, Georgius & Carolus, præterea Dominus Rosenbergius, natus ex filia Henrici Freistadiensis, & plures alij Bohemi, traxerunt secum equites 150. Excepti sunt à Principe honorificè, data illis cœna hora tertia noctis: Præses senatus Collegij, quem nominant Præpositum, ex ritu sacro connubia sanxit.

Alberto iuncta est Salome, Georgio Hedwigis, Carolo Anna. Postridie fuit apparata in sacello arcis theatra missa, ea peracta, cum omnes expectarent epulas, Iohannes tragicœdiam exorsus est, quæ ditionem hanc cruore & cæde repleuit. Vocauit ordines nobilitatis & ciuitatum in atrium, locutus est de suo iure, conquestus est præteritas esse filias suas iniquè à Rege, qui patrimonium ipsis eriperet: postulauit igitur, vt moti his causis iuramentum præstarent Principibus Monsterbergensibus, illisq; post mortem suam parerent.

Nouum hoc erat omnibus, & quia ante sexennium obstricti erant iuramento Regi, re deliberata, nobilitas & ciuitates vno consensu responderunt: Futuros sese in potestate sui Domini, quocunque tempore, modo Princeps hac in re ipsis parceret. Non enim posse

posse ipsos discedere à pactis initis cum Rege Mathia. Supplices etiam rogarunt Principem, vt consideratione tantorum malorum, quæ paulò post essent secutura, sententiam mutaret.

Disceptatum fuit ea die vsq; ad horam secundam noctis, & acerbæ epulæ conuiuiis appositæ sunt. Sequenti die vocauit in curiam multitudinem vrbanam, concionatus est ibi de suo iure vsq; ad horam 22. sed frustra: Laborauit deinde per suos singulis diebus, donec ordines, metuentes vim, in consilium venerunt armati.

Tunc die Sabbati, qui erat 12. Ianuarij, Henricus cum omnibus suis discessit. Tandem Princeps conatus est per Senatores aliquos, sibi addictos, populum mouere, vt iurarent, & iactatum fuit, consulem vrbis, Iohannem Keppelium, cuius opera Princeps prius in magnis rebus vsus fuerat, fecisse ipsi aliquam spem populi flectendi. Sed omnia frustra sunt tentata, cum præ oculis versaretur ira Regia. Ciues tamen, ne viderentur reluctari ex contumacia, responderunt, iuratuos se, si prius hoc fecissent nobiles, quorum potior est conditio & locus. Sed Princeps dicebat, si modo obedientem haberet ciuitatem, facile se nobilitatem armis coacturum, vt pareret.

Cum igitur non obtineret, quod volebat, vim meditabatur, & 27. Ianuarij denunciauit Senatui collegij, vt res preciosas Ecclesiæ collocaret in tutum, imminere enim nouos motus. 4. autem Februarij coniugem & filias vnà cum præcipua supellectile Suibus misit: quia præ se ferebat, Senatum concitare sibi seditionem, ciuibus edictum proposuit, ne quis rerum suarum aliquid ex vrbe exportaret, quod magnos fletus in promiscua multitudine mulierum excitauit.

Iohannes Senatum Glogouiensem insinuat seditionis.

Subinde Princeps interea à nobilitate conabatur extorquere iuramentum, & die Sexto Februarij in arce præcipuos ex nobilitate ita exagitauit, vt Iohannes Crecouicius à Vircheuicio, vir optimus & carus omnibus, ex animi anxietate phrenitide corripereetur, ex qua duodecimo die post mortuus est.

Postridie venit Bregam, in pagum Glogouiæ vicinum, Comes Crossicensis cum comitatu equitum centum, qui putabatur opem laturus esse Iohanni, sed tamen nulla re perfecta abiit. Magnum capiebant dolorem ex illa vesania Iohannis Silesij Principes. Ideo Fridericus Lignicensis, qui cum imperio Regio præerat Silesiæ, vt maturè turbis illis mederetur, ad diem 10. Februarij conuentum indixerat Lignicij.

Venerunt eò Episcopus Iohannes, Georgius Stenius & alij: Sed Iohannes pertinaciter omnem tractationem pacis reiecit. Quia iam rescuerat, generum suum Georgium Monsterbergensem, collecta manu militum Bohemorum Silesiam attigisse, & peruen-

Georgius Monsterbergensis profligatur in ducatu Suidniensi.

nerat ille quidem his ipsis diebus vsq; ad oppidulum Schönau, prope Goltpergam.

Sed Fridericus Lignicensis subito euocauit suam nobilitatem, armauit etiam suos homines Vlricus Gotschius, illi Bohemos numero 1500. adorti sunt, eosq; ita terruerunt, vt potestati Principis se permitterent, & sponsione facta, quod Silesia excedere, nec militare vellent Iohanni Glogouiensi, dimissi sunt. Ipsi autem Georgio permissum est, vt comitatu equitum 45. ad socerum profisceretur. Fuit hoc Februarij die nono. Ex Bohemis multi frigore in agris extincti sunt.

Iohannes cum comitatu suo aulico progressus erat Sprottam, vt generum: cum exercitu exciperet, sed ibi accepit nuncium de dissipatione suorum. Fremens igitur domum reuersus est. Georgius ad coniugem suam Suibusum profectus est.

Fridericus Lignicensis & Episcopus, cum putarent Iohannem spiritus suos post tantam cladem remissurum, miserunt legatos, qui eum diligenter ad pacem hortati sunt: proposuerunt, cogitaret conatum esse similem insanix, velle præliari cum Rege potentia & fortuna excellentissimo Mathia: parceret igitur sibi suisq;, & tandem resipisceret, sese Regem omni arte placaturos.

*Opolienses
Principes ne-
gant auxilia
Iohanni Glo-
gouiensi.* Non audijt Iohannes, sed cum de dolo & fraude Georgij Ste-
nij esset prolixè conquestus, legatos re infecta domum remisit. Su-
um autem idolum Opicium misit ad Principes Opolienses, quos
Mathias etiam recens multauerat, eosq; ad belli societatem pertra-
here nitebatur: Sed illi rectius sapuerunt, neq; malum malo medi-
cari voluerunt. Opicium vacuum dimiserunt, qui in itinere penè
interceptus esset ab equitibus Pannonicis.

*Mathias Rex
mittit exerci-
tum in Silesi-
am aduersus
Iohannem Glo-
gouiensem.* Interea nunciatur multorum sermonibus & scriptionibus,
Mathiam Regem, irritatum audacia & perfidia Iohannis, mittere
exercitum ex Pannonia, cuius ductor præcipuus esset Tetaurus, rei
bellicæ imprimis peritus. Nam & Rex ægre ferebat, tam superbe
à suo cliente, quem ipse ditauerat, sese contemni, & metuebat, ne suo
exemplo Principes Germaniæ ad bellum concitaret.

*Iohannes mu-
nit Glogoui-
am ad toleran-
dam obsidio-
nem.* Iohannes nihil motus ea fama, cum semel fortunam suam &
aleam belli periclitari decreuisset, vocauit suam nobilitatem in ar-
cem, ab illis obtinuit, vt suo sumtu militem alerent præsidarium,
& annonam in arcem importarent. Instituta fuit talis ratio: Qui
singulos equos Principi in vsus bellicos debebant, alebant binos
pedites, pendebant medimnos olyræ senos, singulos medimnos pi-
forum, salis medimnum medium, præterea carnes salitas & duratas
fumo, caseos, butyrum & similia.

Vt

Vt autem aliqua simulatione retardaret impetum regionum, iisdem diebus edidit scriptum, quod publicè affixit Vratislaviæ, & alibi, in quo profitebatur, nunquam à suis ordinibus se iuramentum fidelitatis pro generis petiuisse, & minis adduxit aliquos ex ciuitatibus & nobilitate, vt sigilla sua imprimerent. Meliores tamen constanter hoc negauerunt.

Extruxerat Margarita Ciliensis Monachis instituti Bernhardini monasterium in suburbio prope arcem ad Viadri ripam, & erat adiunctus hortus confitus multis egregijs arboribus: quia verò illud ædificium tempore obsidionis poterat esse detrimentosum arci, totum monasterium Princeps funditus demolitus est: Monachis verò donauit nouum domicilium in horto suo suburbano ad orientem, vbi deinde habitarunt.

*Monasterium
Bernhardi-
norum ad ar-
cem destrui-
tur.*

Bohemis, qui à Friderico Lignicense superiori mense fuerant dissipati, impetrauit transitum per Misniam ab Alberto Misnense, qui exercebat inimicitias cum Mathia, & Sprottam vsq; ipsis obuiam profectus est. Adduxit eos Glogouiam s. Martij, qui tunc erat dies Sabbati, antecedens diem Dominicum, quem Ecclesia nominat, Oculi. Distributi erant in quatuor signa, erant numero 1000. instructi armis idoneis.

Transierunt per arcem in aream fori ad curiam circa meridiem: fuit ibi præsto Princeps, cui nunc erat oblata occasio sæuendi in miseram urbem: pro certò relatum est, statuisse illum ex suo furore ejicere ex vrbe omnes ciues, & in vacuas domos collocare Bohemos scelerum suorum ministros. Sed hæc consilia insana dissuasit ipse præfectus Bohemorum, vir non malus, Naslouius.

*Iohannes mu-
nit Glogoui-
am præsidio
Bohemico.*

Vocauit in curiam omnem magistratum vrbis, Senatum, assessores iudiciorum & tribunos opificum, ibi in foro ad populum atroci oratione senatum accusauit, quod seditionem ipsi concitassent inter suos, quòd fidem datam fregissent, ipsum ad Regem essent criminati, & hostem in Silesiam attraxissent.

His dictis, cum ipsi parati essent ad reddendam rationem consiliorum suorum, reiecti sunt, & captiui facti vniuersi, causa nunquam cognita. Claues ciuitatis senatui eripuit, curiam spoliavit, ademittit ciuitati literas, continentes antiqua iura & immunitates, ærarium expilauit, pagos & bona ciuitatis fisco suo adiudicauit.

*Iohannes atro-
citer sæuit in
Senatum &
magistratum
Glogouien-
se.*

In turrim arcis tetram coniecti sunt Senatores fide erga suum Regem & virtute præstantes, quorum nomina sunt ista: Iohannes Keppelius, qui antea fuerat carissimus Principi, Mathias Kelnerus, Caspar Tonfor, Iohannes Pruferus, Antonius Knapius, Bernhardinus Dreissmarchius, & Nicolaus Kunzelius. Iudices vrbanos & tribunos in turre vrbis inclusit eosq; vinctos seruauit in tertium diem vsq; tunc emissi sunt, cum iurassent ipsi fidelitatem, & omnibus bonis, quæ Princeps, ciuitati abstulerat, renunciassent: seruati

tamen sunt in carcere duo, Christophorus Lursius, qui tandem emissus fuit, & Nicolaus Fisch, qui fuit necatus fame. De exitu aliorum suo ordine plura dicemus.

*Iohannis scur-
rilas cum le-
geret nouum
senatum.*

Postridie in curia ex plebe legit nouum senatum homines hebetes & improbos, qui sub iuramento Principi cesserunt de omnibus bonis Reipublicæ, clauēs ciuitatis tradidit capitaneo Bohemorum. Memoria proditum est, cum senatum recentem ex fece illa plebis legeret, vocatum fuisse cerdonem prodigiosæ staturæ, quem Princeps renunciavit consulem, is cum diceret, minimè se ad gerendum tale officium esse idoneum, subiicit Princeps: Equidem tales quæro: nam priores nebulones astutiores erant quam volebam.

Ita quidem tunc sæuīt & lusit Tyrannus. 15. Martij ex ciuitate relegauit Christophorum Lursium & coniugem Keppelij scemiam primariam. Freistadij proscripsit Iohannem Scultetum, & Nicolaum Bergmannum. Bohemi graues erant inquilini ciuitati, grassabantur pro suo arbitrio, & silebant omnes leges in vrbe. 24. Martij redijt Suibusio in urbem coniunx Ducis cum Gynecæo magna cum læticia, quæ tamen ipsis non fuit diuturna.

Septimo Aprilis, qui tunc erat dies secundus festiuitatis in Paschatae, Princeps senatui sacerdotum mandauit, vt collegium præsidio suo sumtu munirent, & propugnacula idoneis in locis extruerent. Die sequenti fuit *exercitus* militiæ in vrbe. Inspexit enim Princeps in campo omnes, qui poterant gestare arma. Ciues Glogouenses numero Bohemos superarunt, sed armis similibus instructi non erant.

Peruenerat Tetaurus in Silesiam, & castra ad Nouoforum locauerat, ducebat secum exercitum 3500. collectum ex legione nigra Pannonica, ex Rascijs & Triballis, sed illud agmen subinde accessione nouorum militum, à Rege augebatur. Mandabat Tetaurus toti Silesiæ, vt euestigio in castra milites ex uisitata formula mitterent. Sed Fridericus Lignicensis & Episcopus diligenter laborabant de pace, & sperabant Iohannem Principem rediturum ad mentem meliorem. Placuit tamen, vt ex propinquo illi ostenderetur periculum.

Accessit Tetaurus Stinauiam, miserunt eo militem Principes & ciuitates Silesiæ superioris: hæserunt ibi in tertiam septimanam vsque, quia expectabant auxilia ciuitatum Lusaticarum, & omnes abhorrebant à bello. 12. Aprilis Tyrannus vrbe eiecit coniuges & liberos illorum, qui erant captiui.

*Glogouie sub-
urbia exurun-
tur à Iohāne.*

Calendis Maij, cum præuideret vicinam obsidionem, suburbium Prosthicense inflammauit, exussit domos, horrea, excidit arbores in hortis: Postridie Bohemi, qui erant Hussitici, templum Cruciferorum euerterunt, sacras vestes induerunt, & imagines per ludibrium in foro vrbis gestarunt.

Quarto

Quarto Maij, qui tunc incidebat in eam dominicam, quam vetustas nominauit Cantate, exoratus est Iohannes precibus Silesiorum, vt veniret ad conuentum in pagum suum Hohekirch. Excepit Principes & Legatos magnifico conuiuio. Erant ibi Tetaurus, Georgius Stenius, legati ciuitatum Vratislaviæ & aliarum.

Proposuit Tetaurus, & proluxa oratione Iohannem ad pacem hortatus est, denunciando illi mala, quæ passurus esset, si pugnare pergeret cum tanto Rege. Tandem re diu disceptata, Tetaurus dixit: Iohannes Princeps, vide quàm tibi tuisq; velim bene, proficiscere mecum ad Regem, spondeo tibi fidem publicam sine dolo & fraude, promitto etiam, meos milites non venturos interea temporis in tuam ditionem. Apud Regem vero certo tibi veniam & gratiam impetrabo, taliaq; commoda, quæ tu nunquam potuisti sperare.

Iohannes, quem consiliarij ex stulto insanum faciebant, scurrili sermone omnia reiiciebat. Suspexit in cœlum atque dixit: Agite, videtis me consensisse, & ad longa itinera ineptum esse, rupti mihi sunt ramices, & longè propendet scrotum, non videbo ego Hungariam.

Iohannis scurrilitas in colloquio publico.

Offensi tanta scurrilitate Regij, euestigio consurrexerunt, & in castra reuersi sunt. 9. Maij Tetaurus & tota Silesia furioso Principi bellum scripto indixerunt. Eodem die decessit Lignicij Fridericus Princeps, anno ætatis 40. de quo ea fuit opinio, quod si vixisset, & collecto iam exercitu, præsens cum Iohanne colloqui potuisset, hoc bellum non fuisse futurum.

Iohanni indicitur bellum ab ordinibus Silesiæ.

Sequenti die Dominico antecursores Pannonij & Germani ciuitati se ostenderunt. Emissi sunt equites ex vrbe, qui fortunam experirentur, sed nullus fuit successus: duo ex vrbe vulnerati sunt. Interea Iohannes bellum gerebat cum suis suburbij, eoq; die exussit reliqua ædificia suburbana, templa, nosocomia, molas & omnes villas.

Fridericus Primus Lignicensis moritur.

Postridie, qui erat 12. Maij, exercitus Regius ad urbem accessit: castra posita sunt in plaga orientali, ad pagos, Nasteuicium, Schropium & Zarcouium. Gerebant autem bellum mite, quia sperabant Principem, agnita sua temeritate, adhuc insaniam suam mutaturum.

Glogouienfis obsidionis initium.

Tantum igitur ciuitati intercludebant commeatum, & his primis diebus prope Zarcouium construxerunt pontem super Viadrum, vnde & annonam importabant in castra, & prohibebant ne ex Polonia comeatus in urbem adueheretur. Bohemi præsidarij egressi spoliarunt omnes domos collegij, & proximam plateam lapideam: Princeps, vt præcaueret occasionem motuum, die 13. Maij proposuit edictum, ne amplius campanæ sacræ, aut horologiorum sonarent.

Calendis Iunij, qui fuit dies Sanctæ Trinitati, Iohannes Glogouia eduxit equites 130. transiit Freistadium, infudit se in agrum Sorauiensem, abegit aliquot armenta pecorum, & cum diceretur adducturus esse octo millia equitum, reuersus est. 5. Iulij, qui fuit dies profanationis sanctæ Ccenæ, comitati eum sunt 260. pedites Austriaci, qui ad ipsum peruenerant ex Misnia.

Iohannes adducit Glogouiam milites Austriacos.

Die Iunij septimo venerunt in castra Regia milites 4000. missi à Rege ex legione nigra: quia Matthias audiuerat arma parari in Bohemia, fuerunt inter illos sclopetarij 400. His copijs auctus Tetaurus cœpit cogitare, quomodo Iohanni detraheret collegium. Nocte, quæ secuta fuit diem Iunij vndecimum, Regij magno labore excitarunt castellum ad ripam fluminis prope collegium, vt inde posset fieri oppugnatio. Explosa fuerunt quidem tormenta creberimè ista nocte à præfidiarijs collegij, sed Regij non sunt deterriti.

Iohannes inprospere dimicat cum Tetaur.

Die sequenti Iohannes, cum desperasset de collegij defensione, statuit aliquid audere. Circa meridiem emisit Bohemos, qui inflammaverunt ædes & ædificia omnia collegij. Excitato iam incendio, ipse collectis copijs erupit ex vrbe, milites, qui erant in propugnaculo recenti, penè incautos oppressisset, accessit ad ipsum vallum & abduxit duo tormenta, quorum alterum fuit Vratislauienses, alterum Budissinense, in urbem, quæ demum finito bello fuerunt reddita. Hoc vbi rescivit Tetaurus, subito suis submisit auxilia.

Constiterant primo loco Glogouientes, deinde Bohemi, postremo agrestes, & quamuis fortiter præliati sunt, tamen multitudine & violentia tormentorum sunt superati ei repulsi. Capti sunt ciues 15. Bohemi 40. ceciderunt 17. qui postridie, cum essent induciæ, sunt sepulti. Redeuntibus oppidanis in urbem, totum collegium vnà cum suis templis arsit, similiter platea lapidea & area piscatorum.

Glogouia obsessa aluit multa sacerdotes.

Irruerunt eadem hora in collegium hostes, milites Vratislauiensium, primo, postea Episcopi & alij, qui non modo domos, sed etiam templa spoliarunt, rapuerunt omnia ornamenta, libros & aliam supellectilem sacram. Sacerdotes dissipati sunt, & multi in urbem fugerunt. Fuerunt in vrbe tempore obsidionis sacerdotes septuaginta, inter quos fuit Iohannes Dobergastius Freistadiensis. Nobiles verò viginti septem.

Georgius Monsterbergensis fuit Glogouia tempore obsidionis.

Decimoquarto Iunij Princeps vocauit in curiam ciues & milites, illisq; constituit capitaneos, summum imperium traditum est Georgio Principis genero, sed interea pro suo arbitrio omnia gubernauit, & promiscuè sæuijt Opicius Colo.

His ita constitutis, Princeps obsessos impleuit magnificis promissis, pollicitus est, nunquam se deserturum istam ciuitatem, prius cerebrum & sanguinem suum effusurum, nunc verò egredi se, & ad ductu-

ducturum exercitum 22000. qui iam appropinquaret, & breui castra regia dissipaturum. Ita quidem urbem reliquit Iohannes, in quam deinde nunquam rediit.

Decimo sexto Iulij de nocte regij castra propius urbem moverunt: sed tamen eo die tormentis reiecti sunt. Ex urbe aliquot equites emissi sunt, qui non bene rem gesserunt. Vicesimo primo Iulij, nocte regij coeperunt urbem circumdare excitatis castellis ex ordine sex, ad portam Polonicam, in monte qui nomen habet ab hirundinibus, ad portam nosocomij, ad templum Diui Iohannis, ad portam Prosthicensem, & ad arcem, illa, cum abundarent multitudine, cito munierunt, vt tormentis peti non possent.

Iohannes Glogoniam deseruit.

Princeps tumultuariam manum militum collegerat ad Sprotam, & exspectabat Bohemicum exercitum, qui iam dicebatur aduentare: hisce vero diebus excursionem fecerat ad Boleslauiam, & vrbi rapuerat armenta, hoc fuit nunciatum obsessis ideo, vt viderentur bene sperare. Opicius 27. Iulij excitauit laticiam sonitu campanarum & cantu in templis.

Aegre tulerunt hoc regij, & nocte sequenti faces & globos ignitos in urbem coniecerunt, sed tamen incendium nullum excitatum est. Moti illo periculo postridie Georgius Dux & Opicius circumierunt, & mandarunt ciuibus, vt ædibus vicinis muro detraherent tecta, nō omnes tamen paruerunt. Venit iisdem diebus in ciuitatem nobilis prædo Sueuus, missus à Principe, ex cuius denunciatione Opicius obsessis proposuit, consociaſſe arma in Mathiam, & mittere auxilia Iohanni, Reges Poloniae & Bohemiae, Principes Saxonicos & Marchionem, atq; ita regios non diu victuros. Ipse Sueuus triduo post, cum metueret suo corio, ex urbe euasit.

Hoc tempore canales aquæductum incisi sunt ab hoste, & aqua intercepta ciuitati. Ultimo Iulij venerunt in castra equites Rascij octingenti. Ideo hoc bellum à rustica plebe nominatum fuit Rascianum. Calendis Iulij acceſſerunt ad Francoſteinum Bohemi 4500. qui excurrerant in vicinas oras, ad ipsa vsq; castra Glogouienſia. Decimo nono Iulij Tetaurus miſit ex caſtris Rascios 1000. qui ad Suidniciam profecti sunt, vt expectarent motus Bohemorum.

Rascij uenerunt ad Glogoniam.

Sexto Iulij in castra Regis venit multus peditatus, conſcriptus in Aulſtria & vicinis locis: triduo post eruperunt oppidani, verum iterum cum clade in urbem compulſi sunt.

Die Diuæ Margaritæ, Opicius magno cum fastu adiit paræcum vrbis, ostēdit ipsi literas Principis, quibus nunciabat post quadriduum se affuturum cum exercitu 20000. Rursus igitur theatrica miſſa cum laticia est decantata. Senatui autem mandauit, vt tentoria in forum collocaret, tormenta ante curiam duceret, legit etiam ex omni numero equites centum, pedites 200. qui veniente Principe facerent eruptionem, regiosq; ab urbe fugarent.

Miſit

Misit eodem die Princeps in urbem virum quendam Alsenium, quem constituebat imperatorem supremum totius militiæ, sed Bohemi eum sunt aspernati. Naslavius in pomeria ciuitatis collocauit præsidia ex ciuibus & stipendiarijs ad subita pericula.

*Prostha pagus
exurit.*

Decimosexto Iulij stipendiarij ciuitatis excurrerunt, & vicinum pagum Prostham inflammaverunt, totumque exusserunt. Postridie castra Regia rursus aucta sunt accessione multorum militum pedestrium, qui literis scriptis bellum ciuitati indixerunt.

Die Peccatricis castra mutata sunt: exercitus commigravit ad pagum Prostham versus plagam occidentalem, & in vicino agro ubique castra locata sunt. Eo in metu præsidarij rursus fortunam suam experiri voluerunt, egressi vrbe conflixerunt cum turma hostili, interfectus fuit ex ciuitate quidam ciuis Sprottensis, multiq; vulnerati.

Postridie contracta fuit acrior dimicatio, vbi, cum oppidani timidius refugerent ad urbem, Regij eos longius insecuti pene portam Prosthemensem occupassent, accurrentibus tamen pluribus repulsi sunt. Interea fratres duces Monsterbergenses seniores, contracto vndique exercitu validissimo, equestri & pedestri, in Silesiam profecti sunt opem laturo Iohanni. Interuenientibus certis pactis per ducatum Suidnicensem transierunt ad Hannouiam usque.

Accurrit propere ex Hungaria Iohannes Hauguicius Baro Morauus, qui ex mandato Regis ducebat copias ex legione nigra: coniunxit is sibi equites Rascios missos à Tetauro, cui etiam nunciavit, ut aliquot expeditas cohortes sibi submitteret. Ipso veniente, subito nobilitatem Lignicensem armauit præfectus Ducatus Henricus Zedelicius.

Regij, etsi longe superabantur multitudine ab hostibus, adeo, ut annotatum sit singulis Silesijs fuisse rem cum denis Bohemis, (quod tamen ego non certo affirmo) statuerunt prælio decertare. Instruxit Hauguicius acies quinque, ut altera alteram releuaret. Rascijs locus pugnandi extra ordinem datus est: prælium commissum est 28. Iulij, quo die fuit æstus intolerabilis, in campis Hannouiensibus.

*Silesij ad Hannouiam pro-
fligant auxi-
lia Iohannis
Glogouiensis.*

Impetum primum in hostem fecit equitatus Silesius, cui deinde opem tulere Rascij. Submissæ sunt sero re iam inclinata acies secunda, tertia & quarta: Legio nigra, quæ putabatur esse robur exercitus, non fuiteducta ad prælium. Nam Hauguicius non existimabat hostes ita facile cessuros, ideo triarios illos retinebat in ordinibus, ut in subitis casibus alij haberent ad hos receptus.

Sed Silesij terribili boatu tormentorum ita terruerunt Bohemos, ut hoste vix viso in fugam sese conicerent: potuissent deleri omnes eo die, si Tetaurus misisset equitatum ex castris, sicut promiserat,

ferat, qui ipsis iter Sprottam præcideret. Interfecta fuit ingens multitudo Bohemorum tormentis & gladijs Silesiorum, reliqui receperunt se Sprottam ad Iohannem, qui non putauerat pugnam in illo loco futuram, ibi posuerunt castra, eaq; munierunt.

Hauguicius reuersus est Hannouiam, collegit suos, vt bellum vrgeret, sed non multo post cognitum est Bohemos Principes domum esse dilapsos, Iohannem vero retinuisse paucos aliquos, quos distribuisset in præsidia vicinarum vrbum, Freistadij, Suibusi. *Iohannis con-
pæ auxilia-
res dilabun-
tur.* Prælij fama cito Gloglouiam perlata est, spargebant Capitanei vrbis, Bohemos fuisse victores, sed facile intellecta fuit vanitas.

Quarto Augusti, Hauguicius cum suis venit Glogouiam & auxit castra Regia.

In vrbe crescebat difficultas victus, & Principe profligato ciues atq; stipendiarij spectabant ad deditionem. Opicius & Dux Georgius militem placarunt rapinis: passim enim spoliabant domos ciuium & sacerdotum, atq; annonam distribuebant inter milites.

Vicesimo septimo Iulij de nocte Regij ceperunt construere sepem cum duplici fossa, quæ totum ambitum vrbis cingebat ab vna ripa Viadri ad alteram: idoneis in locis constituerunt sportas expletas arena. Intra octiduum totum opus perfecerunt, urbemq; ita clauserunt, vt ne canis quidem posset egredi.

Eodem die oppidani obseperunt portam Prosthensem. Nam nosocomij portam sub initium belli statim clauserant.

Die Baptistæ necati, conuenerunt in curia vrba nobiles & ciues, conquesti sunt de miserabili statu rerum suarum, elegerunt Legatos tres, quos miserunt ad Principem, iussi sunt illi exponere calamitatem vrbis, extremas ærumnas obsidionis, & denunciare, non se amplius toleraturos obsidionem.

Vltimo Iulij hostes tormenta grandia in locum munitum prope portam Prosthensem collocarunt, multis ictibus plusquam tertiam partem turris decusserunt, fregerunt ipsam portam, pontem & magnam muri partem: Turre nutante Bohemi conati sunt eam funibus demoliri, & attrahere, vt versus urbem caderet, & quasi nouum propugnaculum efficeret, sed Germani, qui videbant ruderem expletura esse fossam ciuitatis, hoc impedierunt.

Et si vero tormenta multa explosa sunt à Regijs, tamen de industria factum est, ne læderentur homines, quia omnes dolebant vicem ciuium, quos sciebant oppressos esse à Bohemis, neq; plures quàm tres homines toto tempore obsidionis tormentis interfecti sunt, infans, Bohemus & Faber ferrarius.

Glogouia habuit mites hostes.

Quarto Septembris redierunt legati missi ad Principem, illos comitabatur Busco, qui nominabatur pater Principis, quod eum gestasset

gestasset ex incendio Kifeliensi. Attulit is aliquantum numorum, vt stipendiarij retinerentur in officio, ciuibus autem nunciauit, Principem breui affuturum cum exercitu vniuerso. Expectarent igitur adhuc septimanas sex, & viriliter agerent, se finito bello singulis satisfacturum pro damnis acceptis.

Ciues aperte reclamarunt, & testati sunt, non se amplius expectaturos vnum diem. Nobiles & Capitanei tacuerunt. Hoc vbi fuit renunciatum Principi, inuenit rationem, qua ciues compesceret. Octauo Septembris de nocte per flumen immisit in urbem milites 400. quos collegerat ex præsijs vicinarum urbium. Postridie Opicius, cui creuerat animus ex istis nouis auxilijs, cum Duce Georgio vocauit multitudinem in curiam, & multos volebat placare, qui suaserant deditiōem. Mitigatus tamen fuit precibus suorum, pepercit multitudini, aliquos autem inclusit in carceres ad multos dies.

Octauo Septembris in castra Regia venerunt recentes milites, inter alias adducta fuit, bombardæ Suidnicensis, quam trahebant equi 32. castra propius urbem transtulerunt: Tetaurus ab vna parte, Hauguicius ab altera, qui aduexerat bombardam, quam trahebant equi 40. Reuertebatur tunc is ab expugnatione arcis Hencedorffij, quam Iohannes munierat præsidio, sed præsiarij desperantes de defensione, ipsi arcem inflammârunt & dilapsi sunt.

Decimo Septembris decretum est ex communi consilio in vrbe, vt emitterent equos, quibus iam deficiebat pabulum. Emissi sunt equi 300. quibus singuli insidebant ministri, & iussi sunt euadere per munitiones hostiles. Regij sub auroram eos sunt insecti, quosdam retraxerunt ex fuga, cæteri euaserunt.

Hiscæ diebus sine intermissione murus tormentis quatiebatur, & is ad plagam Australem late prostratus fuit. Die Mauricij turma quædam regionum adhibitis scalis murum armati adorti sunt cum truci clamore. Bohemi territi audacia hostis relicta custodia ex porta Prostheni ad Cœmiterium Dominicanorum fugerunt, sed Austriaci fortiter sese hosti opposuerunt. Iudicio tamen omnium ciuitas eo die capta fuisset, nisi Tetaurus & Hauguicius proprios suos milites graui cum imperio inuitos à muro reuocassent. Volebant enim parcere ciuitati innoxie.

Mandauit etiam, ne tormentis peteretur turris templi vrbanæ, ne videretur bellum gerere cum religione. Tanta quidem tunc fuit virtus & clementia in his ductoribus. Ex oppidanis aliquot eo die sunt interfecti.

Secundo Octobris Princeps ad ripam Viadri miserat boues ferme trecentos, vt pasceret suos obsessos, sed hostis tota armenta interceptit, & oppidanos delusit.

INTERITVS SENATORVM
GLOGOVIENSIVM.

SVperiori loco recitabam de carcere Senatus Glogouienſis, & tyrannide Principis Iohannis. Quia vero optimi viri circa hoc tempus anni necati inedia deceſſerunt, referam capita rerum ex ſcripto quodam, quod ipſi in turri confecerunt, eius hæc ferme eſt ſententia.

Anno, inquit, 1488. octauo Martij, die Sabbati, qui antecedebat dominicam Oculi, Iohannes Princeps, notus ob enormem tyrannidem, qui fratrem ſuum Balthaſarem fame necauerat, ſores ſuas in triſte eiecerat exilium, Duciffam etiam Margaritam Glogouia per vim expulerat, nos miſeros, qui tunc in ſenatum lecti eramus, captiuos ſtatuit.

Glogouienſium ſenatorum ſcriptum in carcere.

Confinxit in nos crimina atrocia, quaſi Regi ipſum prodere decreuiſſemus, urbem arcemq; in poteſtatem Regis tradere promiſſiſſemus, & præterea alia multa. Sed ſupremum numen teſtabitur de noſtra innocentia, nos nihil tale vnquam conatos eſſe.

Petebamus vt in legitimo iudicio cauſa cognosceretur: verum irritæ fuerunt omnes preces. Furens ex ira, duci nos iuſſit in rotundam turrim arcis, carcerem tetrum & horribilem. Alius etiam vir bonus Nicolaus Fiſch coniectus fuit in turrim Poloniæ cam urbis. Sedimus in eo ſqualore uſq; ad ferias lætiſſimi Paſchatis, tunc ex inſtituto Chriſtiano petebamus ſanctam Chriſti cœnam, ea tamen miſeris fuit denegata.

Hactenus etiam pauerant nos noſtri ex vrbe, ſed deinceps & hoc fuit edicto prohibitum: paruo ſpatio temporis largiti ſunt nobis cibum aulicum bis ſingulis diebus, demum ſemel.

Cogitent verò p̄j & boni homines, qualis fuerit vita, quales ærumnæ & animi anxietates noſtrum ſeptem hoc tempore, poſſemus multa narrare, ſed commendamus iſta propitio Deo. Viximus igitur vna uſq; ad diem Auguſti 14. tunc vnus ex noſtris Antonius Knappius extinctus eſt ſine ceremonijs ſacris, etſi & ipſe & nos vna diligenter hoc petebamus. Ita quidem expirauit iſte, ſerio dolens de ſuis peccatis, & magna pietate intuens miſericordiam Dei, cui benefaciat Deus.

Post mortem iſtius grauiâ rurfus paſſi ſumus, obiecerunt nobis varia & diſſimilia ſcelera, cum tamen teſte Deo ſimus innocentes. Tandem cum nullam inuenirent cauſam, relictî ſumus in carcere, alias quidem nos paſcebant, alias cibum detrahebant.

Die natali Virginis dabant aliquid, deinde totum quatrimum nihil accepimus nec cibi nec potus: quilibet vero facile poteſt æſtimare, hoc modo nos diu non fore ſuperſtites, poſtulauimus vſum ſacramentorum Eccleſiæ, ſed nihil impetrauimus. Nunc qui-

dem intelligimus nobis paratam esse crudelem & tristem necem, nisi quidem ope diuina mirabiliter sustentabimur.

Testamur autem publicè coram omnibus, quicumq; hoc scriptum lecturi sunt, aut audituri, cum arceamur ab usu Sacramentorum Ecclesiæ, nihilominus nos decessuros in vera & sancta fide in Christum, & nos innocentes tam diris affici supplicijs, neq; aliquid in nobis residere culpæ, de qua Princeps nos accusauit in area fori ad curiam, & quotiescunq; ea in nos congerit crimina, equidem affirmamus nobis fieri iniuriam, & prouocamus ad Deum, & quidem Iohanni Principi nostro inclementi respondebimus coram iusto & tremendo tribunali Dei.

Neq; enim difficile est intellectu, siquidem conuincere nos potuisset legitimo modo, non tam crudeliter nos in hoc tetrum antrum detrusos enecaret: verum si in lucem producti fuisset, proculdubio vidit, crudelitatem & iniusticiam suam omnes fuisse cognituros.

Cum igitur omnipotens Deus iuste hoc modo propter peccata nostra nos plectat, tolerabimus patienter & pie. Rogamus vero, vt propter infinitam suam misericordiam tribuat nobis vitæ exitum beatum. Atq; ita oramus omnes bonos, ad quos fama ista perueniet, vt de innocentia nostra testes sint, in gratiam nostri, vxorum & liberorum nostrorum.

Verè enim affirmare possumus, quod honeste & fideliter egerimus. Supplices etiam preces fundant ad Deum pro nobis miseris viris, vt per infinitam misericordiam & mortem suam nos consoletur in tantis æumnis, largiatur nobis patientiam, & verum fidei robur vsq; ad finem vitæ, & ducat nos in vitam æternam.

Scripta sunt hæc inter dolores & cruciatus inenarrabiles die sexta post ferias Exaltationis Christianæ crucis, fuit vero is decimus nonus Septembris. Paulò post subiecit hæc: Fermè quatuordecim dies nihil cibi aut potus nobis dederunt, parcat illis & omnibus, qui hæc consilia cudunt, propitius Deus.

Die Sabbati post ferias Crucis venerunt, & Nicolaum Kunzelium ex quadam gratia abduxerunt ex turri, nos autem in eadem reliquerunt. Rursus petebamus vsum sacramentorum, sed responsi nihil tulimus, rogabamus ne paterentur ita miserabiliter nos perire, sed darent aliquid cibi: attulerunt tunc triginta paruos panes aulicos, duos cantharos impletos cereuisiæ, & cantharum aquæ: produximus ita vitam vsque ad diem tertium septimanæ, eo die tantum petiuimus potum, dederunt nobis cantharum, qui capiebat mensuras cereuisiæ decem: rursus ad diem Iouis vsq; quieuiamus, ibi in maxima siti propter Deum & beatam ipsius matrem petebamus vnum potum aquæ, nihil obtinuimus. Cruciatum igitur sumus siti inenarrabili, & scitote boni homines, grauius nos torqueri siti quam inedia.

Superuenit deinde nobilis dictus pater Principis, is clauis turris ad se recepit & abiit. Relicti igitur sumus in carcere, Deus adsit nobis. Inter hos dolores, anxietates & ærumnas tristissimas, ego Iohannes Keppelius ista scripsi, & atramentum miscui ex fuligine, quam præbuit candela, quæ sit deinde futura nostra conditio, positum est in manu Dei, & in misericordia ipsius. Nam si nobis cibum & potum detrahunt, non diu uiuemus: iuuat & feruet nos Deus.

Hæc quidem est scriptura captiuorum sane miserabilis, præsertim si legatur sermone patrio, qui ex vetusta simplicitate est admodum querulus & lugubris. Miretur sane quis, quomodo in pectus humanum cadere possit tanta rabies immanitatis, & certe talia corda efferantur, ut duriora fiant omnibus in Caucaaso scopulis. Terreant igitur nos talia exempla, & cogitemus de potentia diaboli in impijs, sicut scriptum est: Intrauit in eum satanas.

Rursus etiam subeat animum nostrum cogitatio de ira Dei punientis tragica scelera tragicis exemplis, ut testantur dicta: Qui gladium acceperit, gladio peribit. Visitat Deus iniquitatem patrum in tertiam & quartam generationem. Et manifestum est, multos potentes homines accersere suis familijs & posteritati longam telam tragicorum malorum.

Fuerunt ad ministri tyrannidis Principis præcipuè duo detestanda capita, Opicius, vir vere sacer scelere & immanitate. Deinde Buscus, quem Princeps vocabat patrem, quibus tamen etiam improbitas non fuit impunita. Nam Opicium exulem tota Silesia est execrata tanquam *κατάρα*, & commune piaculum: Alter autem, quod clauis turris Glogouia abstulisset, Freistadij finito bello capitali supplicio affectus est.

*Glogouienſes
ſenatores in
turri arcis
extinguitur.*

Sub initium Octobris mortui sunt quatuor, Iohannes Keppelius, Mathias Kellerus, Iohannes Pruferus, & Caspar Tonſor. Scriptum est, eos in agone, ut leones horribili voce ululaſſe, & frustra miſericordiam hominum imploraſſe. Geſtati ſunt nudi, ſpoliati omnibus veſtibus, quas habuerant in turri ſatis elegantes, impositi ſcalis, ad ſepulturam in templum Dominicanorum quinto Octobris, qui erat Dominicus, hora quarta noctis, & ſepulti ſunt in ambitu Monasterij.

Triduo poſt ſeptimo Octobris extinctus eſt etiam Bernhardinus Dreiffimargius, quem exportarunt ad ſepulturam amiſtum induſio, quod vix umbilicum attingebat, ſed concionator Monasterij eum veſtijt & ſepelijt honorifice. Nicolaus Kuntzelius, quem ex turri extraxerant, mortuus eſt 17. Octobris. Extincta eſt moerere animi etiam Caſparis Tonſoris coniunx.

Glogouienſi-
bus ſenatio-
ribus erigitur
Cenotaphion.

Edictum fuit, ne qua illorum mentio publice aut priuatim fieret, vt quaſi memoria eorum vniuerſa deleretur, ſed longe aliter reſcedit. Nam vbi iuſto Dei iudicio facta eſt rerum commutatio, ſunt illis peractæ publice exequiæ, & vt extaret monumentum ad poſteritatem, erectum eſt illis in primario templo vrbis Cenotaphion cum pictura, illiſq; rudior illa ætas inſcripſit hos verſus :

Lector aue, lachrymanda leges, memoranda notatu,

Quæ peperit quondam liuor & ambitio.

Accurrunt tacite Princeps cum Principe, tandem

In Sleſiam, vt fundant intoleranda mala.

Inchytus Hungariæ vt nouit Rex rite Mathias,

Vallauit populo mœnia Glogouie.

Illico & iniuſte clauſit Ducis ira Iohannis

Carcere, conſilij quos habuere viros.

Ille cibum negat, his exhaustis viribus heu mox,

Dira fames vitam ſoluit, & aſtra petunt.

Rem cape, mille, quadringent : octogint : ſimul octo,

Horum, qui legis hæc, dic miſerere Deus.

Freiſtadium
incenditur
à militibus
præſidarijs.

Decimo tertio Octobris fuit monomachia in campo ex pacto inter Bohemum oppidanum & Polonum hoſtem magnæ ſtaturæ virum, Bohemus fuit victor. Dies 14. fuit fatalis Freiſtadio. Deſperabat iam tyrannus de ſua ſalute, nec poterat ex inopia pecuniæ Bohemos amplius alere & retinere in præſidijs. Fremens igitur ira paulò ante vesperam, quæ iam erat feſtiua propter memoriam Hedwigis Sileſiæ, cui dies ſequens eſt dicatus, mandat præſidarijs, vt ſequenti nocte oppidum diuerſis in locis incendiant, rapiant quæ poſſent & abeant.

His mandatis datis, ipſe monſtrum hominis oppido exceſſit. Bohemi auari & crudeles paruerunt, hora quarta noctis urbem inflammârunt, quæ tota incendio perijt præter arcem, domum paræci, & ſcholam. Supelleſtilem, quam ciues exportabant ex flamma, abripiebant Bohemi, quorum erant 400. Tetaurus illis fide publica cauît, & permisit vt domum redirent. Arx fuit munita præſidio aliquot militum.

Circa hoc tempus inualeſcebat fames Glogouię. Nam prius mediocris fuerat rerum neceſſariarum copia. Scribunt vnum ouum emtum fuiſſe ſex numulis, gallinam ſex groſſulis Sileſijs, ternos medimnos auenæ ſingulis aureis Rhenenſibus, quindecim caſeolos ſex cruciatis: Cereuiſiæ maximum precium fuit in vas vna marca, hoc eſt, viginti quatuor groſſi Albi : & dicitur ea fuiſſe proba : ſed ad exitum Septembris non potuit amplius haberi.

Hiſce

Hiscē etiam diebus Bohemi cœperunt mactare equos pro cibo, & rapiebant passim panem & potum tanquam latrones. Vagati sunt ex illo victu insalubri contagiosi morbi in ciuitate, & multi ex præsidarijs extincti, & cadauera eorum abiecta hinc inde. Scribunt aliquos ex Bohemis mortuos fuisse in cœmiterio Dominicanorum sepultos, astabat autem inter reliquos spectatores quidam adolescens scribe Capitanei Naslouij, ille eo ipso momento cecidit ex paroxismo Epilepsiæ in terram tanquam mortuus, eum Bohemi subito in sepulchrum abiecerunt, cum autem ille oculos attolleret, & ingemisceret, & aliqui inclamarent milites, viuere istum, Bohemi tamen terram iniecerunt, eumq; viuum sepelierunt: Omnino enim deinceps ipsi moriendum fuisse dicebant.

Vicesimo quarto Octobris Regij inſœliciter oppugnarunt templum S. Georgij in suburbio flumentano, quod Princeps munierat, vt eſſet propugnaculum. Concufferunt illud tormentis per triduum tanta cum violentia, vt bombardæ Lignicenſis vaſtæ magnitudinis diſſiliret, tamen præſidiarij hoſtem reiecerunt. Propter rem bene geſtam publicam læticiam cantu celebrauit Opicius.

Regij prope arcem extruxerunt ſemitam per flumen, vt tranſire poſſent ad loca collegij, vbi liberet. Vicesimo nono Octobris fuerunt in curia vnâ magiſtratus omnes in vrbe, & palam ſignificarunt Opicio & Duci Georgio, non inuenire ſe vllam rationem, quomodo diutius poſſit tolerari obſidio. Cederent igitur tempori, & vltimæ neceſſitati: illi aliquandiu tergiuerſati promiſerunt, ſe reſponſuros die ſequenti: ſed ipſi poſtridie de nocte ducti ſunt clam per flumen, & euaserunt per ſyluas: poſt triduum Opicius miſit literas in vrbem, ſed nunciuſ cum contumelia reiectus eſt. Vltimo Octobris magiſtratus pactus eſt inducias cum hoſtibus, cœptum eſt agi de pace, & nulla amplius tormenta exploſa ſunt.

Tertio Nouembris Tetaurus propoſuit conditiones tales: Expectarent omnes reſcriptum Regis, & illius ſe permitterent poſteſtati ſine exceptione. Ciuibus, quod fideliter erga Regem ſuum egiſſent, promiſit ſecuritatem & beneuolentiam Regis. Nobilibus mandauit cogitare, quomodo ſatiſfacerent Regi, contra quem geſtaſſent arma. Militibus præſidiarijs hæc propoſuit. Exoluant omneæ alienum contractum apud ciues, reſarciant damna, ſint captiui Regis, neq; militent contra ipſum ſpatio vnuius anni, nullas amplius domos in vrbe demoliantur, nec cauſam damni alicui præbeant, permiſit vt exirent & colligerent ligna: & cum non aſſentirentur conditionibus propoſitis, rurfus eos incluſit, vt delibera-

Glogouia obſeſſa ſuſtinuit magnam famem.

S. Georgij templum in suburbio fruſtra tentatur à Regijs.

Georgius Monſterbergiſis & Opicius Coloſ profugiunt Glogouia.

Glogouia de-
ditur exerci-
tui Mathie.

Interea deficiebat victus in ciuitate, & ingrauescebat fames, ideo omnes supplices, orabant Tetaurum, vt aliquid ex conditio-
nibus mitigaret, ipse misertus inopiæ obsefforum, decimotertio
Nouembris concessit vt exirent, & emerent victum in castris: po-
stridie vero tota res fuit transacta. Inusitatum tunc fuit gelu, ita
vt flumen glacie concrefceret, & pontem regionum plane euerte-
ret. Decimo sexto demum die Nouembris restituta sunt com-
mercia, aperta portæ ciuitatis, oppidani exiuerunt maximo nume-
ro, liberati ex diuturna captiuitate, læti emerunt necessaria ad vi-
ctum. Regij ingressi conspexerunt ciuitatem, & iuerunt ad bal-
neum.

Postridie, qui fuit dies Dominicus, præfidiarij vrbe excesser-
unt, iussi sunt exoluere debita ciuibus, verum cum ipsi propera-
rent & essent armati, euaserunt: ægroti, quorum fuit ingens nu-
merus, eiectioni sunt ex ciuitate & misere perierunt. Ipse Tetaurus in-
ermis cum paucis equitibus in ciuitatem venit, & cum mandata de
aliquibus rebus dedisset, in castra reuersus est. Hungari splendide
sonantibus tubis & tympanis circa meridiem arcem occuparunt.
Ex omni vicinia apportata est annona, potus & res necessariae in
urbem.

Die decimo octauo Nouembris, Tetaurus cum præfectis præ-
cipuis primarium templum ingressus est, & cantu Deo gratiæ actæ
sunt pro pace. Postridie ciuitas iurauit in verba Regis: nobilitas
impetrauit dilationem ad initium vsque noui anni. Eodem die ci-
uitati sunt redditæ clauæ portarum, & promisit Tetaurus, se pri-
mo quoq; tempore post rescriptum Regis etiam omnia bona ipsis
restituturum.

Iohannes uae-
gatur exul.

Iohannes Princeps sub exitum Octobris Suiusio profuge-
rat, & hoc tempore oberrabat in Polonia, venit ad Casimirum Re-
gem, ab eo petijt auxilia contra Mathiam, sed quamuis ipsi prius
fuerat ostensa aliqua spes: tamen, sicut infortunium rari sunt amici,
iussus est relinquere regnum: neq; enim Regem ipsius causa motus
esse bellum. Venit deinde Opoliam, vt illos Principes concia-
ret contra Regem, sed nunquam in conspectum ipsorum admissus
est. Mœrens igitur & gemens profectus est Glocium, in itinere
insecuti sunt eum equites Nissenfes, ab illis pene fuisset comprehen-
sus, ex comitatu quidem pleriq; capti sunt, ipse autem prolapsus ex
equo latuit in paludibus & syluis aliquot dies, tandem vir rusticus
vexit eum Glocium: ibi, cum ex frigore & dolore animi periculo-
sum contraxisset morbum, diu decubuit: venit ad eum vxor cum fia-
liabus, habitarunt in oppido in vulgari domo, & fortunam, quam
sibi sinxit, passus est.

Die 22. Nouembris, Tetaurus exercitum ex castris duxit oc-
cupaturus reliquas vrbes, quæ adhuc tenebantur præsidio Iohannis.

Tetaurus

Tetaurus quidem profectus est ad oppugnandam Sprottam, Hauguius Freistadium. Hungari incolas passim crudeliter afflixerunt, & ciuitates oppressæ à præfidiarijs non poterant petere pacem. Calendis Decembris Freistadium fecit deditionem, quia Freistadium deditur Mathie Regi. vrbs erat vasta & inops: arx vero à præfidiarijs defensa est ad ipsum usque tempus Quadragesimæ: & cum oppidani crebro peterentur tormentis, interfectus est quidam præfectus Regius magni nominis Sturmus: tandem, cum Iohannes ultro renunciaret omni suo iuri in ducatu, illi arce excefferunt, quibus tamen nunquam fuerat suprema vis adhibita à Regijs.

Cogitent vero nostri ciues, qualis fuerit fortuna nostrorum Glogouiensis ducatus calamitates. maiorum, qui in illis fauillis & ruderibus exustæ ciuitatis casas & tuguria aliqua vilia excitauerant, in quibus ipsis, propter pericula globorum ex tormentis, securi non poterant cum suis paruis natis & puerperis consistere. Vetustas non male dixit, Amandam & colendam esse pacem. In ea enim liberos sepelire parentes, cum tempore belli parentes efferant liberos: & in eadem homines dormientes ad vsitatas operas excitari cantu galli & sonitu campanarum, in bello vero clangore buccinarum & crepitu tympanorum ciues ad necem euocari.

Die Mariæ conceptæ constitutus est nomine Regis præfectus Glogouiensis Ducatus despondetur Ioanni Coruino. ducatus Urbanus Nimcius, vir peritus rei militaris, sed auarus & rapax, illi denuo Glogouenses præstiterunt iuramentum fidelitatis, & iurarunt in verba Regis & Iohannis Coruini filij. Legit notum senatum, in quo fuit Melchior Dreissmargius: ciuitati detraxit mediam partem vectigalis publici, & molas flumentanas, quas tamen deinde ex beneficio Regis recuperarunt.

Statim post brumam Vilhelmus Tetaurus bellator egregius reuocatus est à Rege in Pannoniam. Milites ciuitatum dimissi sunt domum. Ex Regio exercitu copiarum aliquot missæ sunt, quæ occuparunt Francostenum & Monsterbergam. Tertio Calendas Ianuarij vrbs & arx Sprottensis Regijs fecit deditionem. Venit in potestatem Regis eodem tempore etiam Grunberga. Sprotta deditur Mathie Regi.

Post diem Epiphaniarum omnes copiarum Regis profectæ sunt ad oppugnandum Suibusium. Erat in vrbe coniunx Iohannis cum filiabus. Oppidum deditum est 15. Februarij, arx 17. Magnis precibus orabat ducissa, vt hæc vnica vrbs sibi relinqueretur pro habitatione, sed nihil impetrauit: permissum tamen est, vt inde auheret suam suppellectilem. Inter magnos igitur dolores filias collocauit in currus, profecta est Stinauiam ad matrem, & inde Glocium ad maritum ægrotum. Suibusium attributum est Baroni Hungarico. Suibusium deditur Regi Mathie.

Glogouia mense Ianuario misit Legatum ad Regem, vt recuperaret iura ciuitatis, quæ ipsis interuertebat Capitaneus, & peteret libertatem ab oneribus publicis in aliquot annos, vt possent respirare post tantas ærumnas. Rex clementer eos affatus est, promissit se illis liberaliter benefacturum, daturum etiam immunitatem in triennium, modo expectarent, donec ipse veniret in Silesiam, quod futurum esset breui. Nam decreuerat ex Silesia bellum inferre Casimiro Polonico & tandem eum retundere, ne ipsi deinceps faceretur negotium. Ideo non modo priores copias in Silesia retinuit, sed etiam submitit noua agmina Pannoniorum, vt ea haberet ad manus, vbi opus esset.

Occupato ducatu Glogouiensi copiarum Regiarum bifariam distributæ sunt. Hauguicius cum suis transiit in Lusatiam inferiorem ad limites Marchionis Iohannis. Copiarum autem, quæ occupauerant Francoftenum, profectæ sunt in Lusatiam superiorem ad fines Ducum Saxoniarum. Mathias enim iudicabat Principes illos alieno esse à se animo, illos fauisse Principi Iohanni, & nunc auxilia missuros esse Cæsari: ideo vt retinerentur domi, terruit eos domestico bello. Hæserunt ibi in tertium vsq; mensem, longiq; tractus vastati sunt.

Principes Saxoniarum & Marchio collectis copiis sese muniebant, multos ex illis prædonibus occiderunt, & videbatur res spectare ad graue bellum. Venit autem in Silesiam, missus à Rege, Iohannes Varadiensis, vir præditus egregia animi dexteritate: is primum negocia quædam Vratislaviæ expediuit. Nam ineunte anno Rex dederat signa offensionis erga urbem, & mandauerat, ne pro more suo mutarent magistratum, donec ipse veniret. Istos motus sopiuit Episcopus.

Venit deinde Glogouiam 23. Aprilis, qui fuit eo anno quartus dies in festiuitate Paschatis, fuerunt præsto Legati Ducis Iohannis, Opicius Colo, Ernestus Tschamerus & alij, qui nomine Iohannis renunciarunt toti Ducatui, eumq; Regi resignarunt. Graui contumelia affectus fuit Opicius, & tanquam pestis huius ditioris iussus est vrbe excedere. Episcopus fuit æquior sacerdotibus, & quamuis Rex ciuitati promississet immunitatem, ne quid exoluere ex visitatis censibus ad triennium, tamen mandauit, vt aliquid darent sacerdotibus præsentibus ad urbem.

Sub medium mensis Maij fuit in oppido Luca, ibi sedauit bellum inter Regem & principes vicinos, quo nomine non dubium est, illum optime meritum esse de Silesia. Post eam reconciliatorem quassatus est Conradus Albus Olsnicensis. Milites ex Lusatia superiori regressi sunt in Ducatum Suidnicensem, ibiq; graues fuerunt hospites ciuitatibus & agrestibus. Omnes enim mulcârunt & duriter afflixerunt.

Haugui

Iohannes Ducatus Glogouiensem resignat in manus Regis Mathie.

Iohannes Varadiensis Episcopus Principes Saxonicos & Marchicos reconciliat Regi Mathie.

Hauguicius vero adortus est Conradum propter hanc causam. Ante annum decimumquartum fuerat reconciliatus Regi, & receperat suas vrbes, ita vt eas regeret tanquam gubernator: hoc anno vero mense Februario, cum mortua esset Salome vidua Ducis Venceslai Stinauiensis, socrus Iohannis Saganensis, ipse tanquam verus hæres Stinauiam ad se inconsulto Regi traduxerat. Hoc facto offensus Rex, mandauit suis Capitaneis, vt eum prorsus eijcerent.

Salome Stinauiensis moritur.

Diu rem distulit Hauguicius, & quamuis milites in vrbes distribuerat, tamen à vi abstinebat. Venerat autem in Silesiam Despotus Rasciæ, missus à Rege cum equitibus ter mille, belli Polonici causa: fuit is Glogouix mense Maio, postea profectus est in oppida Conradi Albi. Mense Septembri circa diem natalem Mariæ, cum Mathias sententiam non mutaret, & Despotus vrgeret, Hauguicius militem ex oppidis in campum eduxit, postulauit à Conrado, vt omni suo Ducatu cederet, eumq; in manus Regis traderet.

Conradus Albus Olsnicensis eijcitur ex suo ducatu.

Conradus Princeps prudens & bonus, cum nollet inutili pertinacia sibi & Silesiæ creare periculum, obtemperauit. Reliquerunt ipsi solum arcem Auriensem, & promisit ipsi Rex in victum singulis annis aureos 1600. Paulò post Stinauiensis & Rudensis ditio iurauit in verba Regis, & Georgij Stenij, qui promisit, se duas sorores mortuæ Ducissæ placaturum data pecunia. Erant illæ, Abbatissa Trebnicensis & Catharina vxor Iohannis Saganensis.

Georgius Stenius adipiscitur Stinauiam & Rudnam.

Hauguicius deinde excussit aliquot nobiles, qui fouebant prædones in suis arcibus. Baronibus etiam Donauiensibus ex mandato Regis ademit agrum Hernstadiensem. Deinde afflixit Principes Opolienses, eosq; grandi pecunia mulctauit. Tandem pertæsus tam crudelium vastationum, paulò ante brumam militem in Morauiam abduxit.

Donauiensibus Baronibus adimitur Hernstadiensis ditio.

Talem exitum sortitum fuit bellum excitatum à furioso & crudeli Principe Iohanne, & tota Silesia insania ipsius pene fuit pestundata. Imprimis vero misera Glogouia fuit oppressa malis & ærumnis intolerabilibus. Nam finito bello incendium vrbis, si quid mansit reliquum, absumsit. Grassatum fuit illud nocte, quæ præcessit diem 28. Maij, anni 1489. quo eo anno celebrata fuit memoria triumphi Filij Dei ascendentis in cælum.

Glogouia incendio perijt.

In platea nosocomij ignis excitatus fuit hora quarta noctis negligentia mulieris, quæ cum ad lucernam florem siliginis excuteret, facem ardentem in conclauis reliquerat. Exustæ sunt tres partes vrbis, inter alia domus paræcialis & monasterium virginum, in quo vna ex virginibus fuit suffocata: Perierunt in flamma homines 18. pars ciuitatis ad plagam occidentalem mansit.

Capita

Capitaneus ducatus sæuijt in scribam Reipublicæ Daniele
Timonem Freistadiensem, coniecit eum in turrim, vbi alterum
crus & dentes ex lapsu perfregit, iussit eum amoueri ex officio. Erat
vir doctus & celebris in Silesia, sed venerat in odium apud Capita-
neum, quod putaretur intelligere artes ipsius non bonas, easq; signi-
ficasse Regi, cum notus esset aulæ.

*Glogouia ac-
cipit benefi-
cium à Rege
Mathia.*

Ciuitas à Rege impetrauit immunitatem in decennium, &
mandatum est Capitaneo, vt omnia in priorem locum restitueret,
& bona ademta ciuitati redderet. Receptus est in gratiam à Rege,
cum culpam deprecatus esset, Ernestus Tschamerus, qui fuit inti-
mus Iohanni, & ciuitatibus non carus. Hyeme eiusdem anni misit
Rex Glogouiam Legatum, cui mandata dederat, vt cognosceret,
ecquid abuteretur sua potestate capitaneus ducatus.

Timo Freistadiensis publice eum de iniusta violentia accusa-
uit, res tamen, cum Capitaneus argenteis lanceis pugnaret, fuit sup-
pressa. Etiam in hoc Ducatu propositum est mandatum Regium,
quod iubebat ostendere literas de censibus Ecclesiasticis: quia Rex
iudicabat vsuris exhauriri suas regiones, & ipse pecuniam ad futu-
rum bellum colligebat.

*Matthias ore-
nauit Glogo-
uiam.*

Ineunte anno 1490. nobilitas & ciuitates concordēs miserunt
legationem ad Regem, quæ peteret remissionem censuum sacro-
rum in aliquot annos, donec Ducatus posset se colligere, impetra-
runt immunitatem in triennium. Inprimis autem Rex benigne
complexus est ciuitatem Glogouensem propter fidem, eamq; sin-
gulari munere ornauit, vt vteretur insigni ipsius Regis, coruo ge-
stante annulum, & cera rubea. Multum quidem commodasset
vrbi huic, quæ egregie erga ipsum in fide fuit constans, Mathias,
si diutius vixisset: Extinctus vero fuit Apoplexia quinto Aprilis.
Nono Maij, qui fuit dies Dominicus, quem Ecclesia nominat Can-
tate, solennes exequiæ ipsi Glogouiæ peractæ sunt in templo vrbis
primario. Regnauit post eum Vladislaus.

*Mathia Regi
Glogouiæ per
aguntur exe-
quia.*

Graues fuerunt lites ordinibus in ducatu cum sacerdotibus,
qui spreto edicto Regio postulabant suos census. Vrbanius Nim-
cius Capitaneus, qui fuit receptator prædonum, & collocauerat
Sprottam ministros, qui exercebant latrocinia, remotus est ab offi-
cio mense Septembri. Iohannes enim Coruinus profligatus à co-
pijs Vladislai, & illi tandem reconciliatus, cessit Regi de posses-
sione Ducatus.

*Iohānes Cor-
uinus amittit
ducatum Glo-
uiensem.*

Pridie Calendas Octobris ordines absoluti sunt à iuramento
præstito Coruino: eodem die iuratum est Glogouiæ in verba Vla-
dislai, qui instituit Capitaneum Ducatus Christophorum Talce-
bergium.

Mense

Mense Nouembri nobilitas & ciuitates missa legatione impetrarunt à Vladislao confirmationem immunitatis triennalis contra sacerdotes. Conradus Olsnicensis & Henricus Monstherbergensis amissas suas vrbes recuperarunt. Elapsus etiam est fuga ex Silesia Georgius Stenius, & ditio Stinauiensis reddita est duabus sororibus, Abbatissæ Trebnicensi & Catharinæ Saganensi. Talcebergio mense Decembri, ita mandante Casimiro Teschinensi, præfide prouinciæ nomine Regis, successit Glogouiæ nouus capitaneus.

Georgius Stenius eijcitur ex Silesia.

Sub initium statim regni Vladislai omnis Silesia fuit infesta latrocinijs, prædabantur tunc latrones magni nominis, Sueuus, Maxius, Cotbusius, quos valde segniter reprimebant præfecti Regij. Anno proximo post Ducatus Glogouiensis rursus mutauit Dominum. Facta fuerat pax inter Vladislauum Regem & Iohannem Albertum Principem, fratrem Regis, huic Rex donauit in Silesia Ducatus, Glogouiensem & Tropauensem, cum Casimirus pater adhuc esset superstes.

Venit Glogouiam Casimirus Teschinensis Silesiæ præfide Dominica proxima post Christianum Pascha, ordines Ducatus exemit ab obedientia Vladislai, & iussit eos iurare Alberto Polono. Deliberatum fuit aliquandiu ab ordinibus, vtrum hoc expediret.

Iohannes Albertus efficitur dominus ducatus Glogouiensis.

Verum cum Regij exposuissent, non propterea Ducatum auelli à regno Bohemiæ, sed manere eos ciues eiusdem Regni, sicut prius, omnes sunt assensi. Capitaneus renunciatus est Iohannes Polacus Ceruicouius vir militaris, sed sæuus & iniustus.

TYRANNIS EDITA IN CIVITATE

tem Glogouiensem & reliquas à Polaco capitaneo ducatus.

A Pud Iohannem Principem fuerat flabellum & administer ad varia scelera quidam relatus inter nobilitatem, vt arbitror, Buscus, quem nominabant patrem Principis, is post profligatum suum Principem fuerat aliquandiu hinc inde vagatus: Hoc vero anno comprehenderunt eum Freistadienses: venerunt Freistadium, vocati eò, legati Glogouiensium die Dominicæ Ascensionis, tota nocte sequenti Buscum in equuleo suspensum excruciarunt, qui non solum historiam vitæ & scelerum suorum recitabat, sed etiam nominabat, quos habuisset socios & adiutores, quod deinde multos offendit.

Buscus minister Iohannis Glogouiensis afficitur supplicio.

Glogouienſis
ducatus ordi-
nes diſtrahun-
tur.

Necauerat Balthaſarem Principis fratrem, vxorem eius Saga-
no eiecerat, Theophilum Bergmannum Sprottæ interfecerat, cla-
ues Glogouia abſtulerat, & Senatores in turri fame ſuſtulerat: ob
hæc ſcelera poſtridie ipſi in foro ceruices abſciſſæ ſunt. Nobilitas
accenſa à quibuſdam, quorum famam attigerat Buſcus, ob hanc cau-
ſam fuit irata ciuitatibus, & ſecutæ ſunt inde inimicitia non leues,
ita vt vix deinceps, vera potuerit coaleſcere beneuolentia inter ip-
ſos, cum magno malo publico.

Nam, vt leniſſime dicam, in diſſidijs ordinum coniunctorum
ſub eodem imperio, omnino illud Thucydideum verum eſt:

Ἐν τῷ Διαλλάσσει τῆς γνώμης, καὶ αἱ Διαφοραὶ τῶν ἔργων καὶ δισσενται:

Vbi ſententiæ ſociorum diſcordes ſunt, etiam contrariæ ſuſcipiun-
tur actiones.

Accendebat vero vltro odia iſta Polacus, qui propter memo-
riam Mathiæ Regis & bellorum Polonicorum, ciuitates, quæ Re-
gi fuerant fideles, oderat, conabatur ipſorum libertatem abolere, ra-
pere bona publica, & ipſas ciuitates redigere in ſeruitutem Scyti-
cam. Auellebat igitur nobilitatem à ciuitatibus, & augebat diſſen-
ſiones vbi poterat. In ipſo Senatu ſpergebat ſemina diſſidiorum,
& cum tribuni opificum coepiſſent diſſentire à conſule vrbiſ Mel-
chioſi Dreißſimargio, ipſe odia illa amplificauit, ciuitatem ad Re-
gem criminatus eſt, & tandem in eam crudeliter ſæuiſt.

Iohannes Va-
radienſis Mo-
nachus uenit
Glogouiam.

Anno 1492. venit Glogouiam Iohannes quondam Episco-
pus Varadienſis & Olomucenſis, quem euexerant ſtudia Poëticeſ
& Philoſophiæ ad tantum ſaſtigium, vt Mathiam Regem totum
poſſideret, Eo vero mortuo noua ipſum inceſſit religio, & ingreſſus
eſt ordinem monachorum Bernhardinorum. Templum igitur re-
uens ſui ſodalitij in horto Principis in ſuburbio orientali hoc anno
Glogouia ex ritu Pontificio conſecrauit.

Iohannes Po-
lacus euerſit
Glogouiam.

Polonia Rex renunciatus eſt Iohannes Albertus Glogouien-
ſis: fuit apud ſuum Principem Polacus, redijt ſub exitum anni, & à
miſeris ciuitatibus nouum vectigal cereuiſiæ extorſit, in ſingulos
enim medimnos tritici impoſuit ſingulos groſſos Vratiſlauienſes.
Sub initium quadrageſimæ anni 1493. vbi ſolent creari noui ma-
giſtratus vrbanī, Polacus contra leges ciuitatis totum ſenatum
Glogouia mutauit, & priores omnes loco mouit, iubente illo idem
factum eſt in magiſtratu inferiori. Legit autem illos, quos ſciebat
non aduerſaturos eſſe ſuis conſilijs.

Martinus Ar-
noldus Glogo-
uia capitur.

Glogouia ex-
citatur motus
populi contra
capitaneum.

Geſſerat conſulatum ſuperioribus annis Martinus Arnoldus,
is acriter iura ciuitatis contra præfectum defenderat: cum igitur vt
plecteret ex inſidijs comprehendit in ſuburbio 9. Martij, qui erat
dies Sabbati antecedens Dominicam Lætare, & cum eo Nicolaum
Lincium, vtrumq; coniecit in turrim arcis: poſtridie, vbi violentia
iſta multitudini vrbanæ innotuit, ſonitu campanarum populus ad
arma vocatus eſt.

Conſti-

Constiterunt armati ante curiam, & reposcebant captiuos, responsum est à senatu, ductos esse illos in arcem, missi etiam, qui nomine populi illos expeterent. Respondit præfectus, ex mandato Regis se ista fecisse, expectarent igitur eius rescriptum: promisit tamen, se illos non necaturum. Motus populi irati non potuerunt sedari ante vesperam. Ablegati sunt ad Regem Albertum, qui tunc erat Posnaniæ, nomine senatus & ciuitatis Legati sedecim, sed nihil impetrarunt: quia animum Regis nimis creduli plane exulcerauerat Polacus: denuo urgente plebe profecti sunt in aulam post Pascha nullo etiam cum successu.

Sacerdotes ægre ferebant immunitatibus ordinum diminutos esse suos census, ideo apud Regem continuo urgebant, ut res restitueretur in integrum, & videbatur Rex morem esse gesturus Episcopo Vratislaviensi, qui 20. Aprilis, ita petente Rege, venit Glogouiam, sed Rex ad diem constitutum suos non misit: Polaco tamen, qui adueniente Episcopo vrbe excesserat, profecturus Posnaniam, nunciauit, ut ex itinere domum rediret, & obseruaret Episcopum.

Sub ferias Dominicæ Ascensionis senatus obtemperans præfecto, qui omnia poterat in aula, captiuos statuit ciues decem, qui putabantur fuisse autores motus vrbanæ. Accidit hoc præter multorum expectationem, quia sperabant senatum potius laboraturum, ut cæteri dimitterentur.

Die Apostolorum Petri & Pauli accesserunt Glogouiam Legati Regij & Episcopi Vratislaviensis. Regij fuerunt Ambrosius Pampouius, qui multos magistratus in Polonia gerebat, Raphaël Liscinius magister aulae Regiæ, Iohannes Lubrantius D. & Iohannes Sapientius.

*Glogouien-
um ciuitatum
actiones co-
ram Legatis
Regijs.*

Primis diebus disputatum est de censibus sacris, & tandem assentientibus Legatis Episcopi & Sacerdotibus facta talis transactio, ut per quinquennium aliquid remitterent sacerdotes, deinde rursus vterentur suo iure. Quinto Iulij cœperunt disputationes inter nobilitatem & ciuitates: Polacus adiunxit sibi nobilitatem, conquestus est de ciuitatibus, quod non essent audientes dicto, & varia comminiscabatur, sicut solent homines vafri & sanguinarii. Producti sunt captiui in conspectum legatorum, qui deserti fuerunt à popularibus, quos deterruerat Polacus, & cum non multa essent locuti, in carcerem reducti sunt.

Octauo Iulij vocatus est solus Arnoldus, quem accusabat præfectus & nobilitas, exorata ad iniquam causam. Omnis multitudo eum prius impleuerat bona spe, ageret viriliter, tueretur causam communem ciuitatis contra iniquum Polacum, sese ipsi futuros præsidio, sed tunc, cum senatus metu resiliret, ab omnibus fuit desertus. Ipse tamen constanter proposuit, non sibi conscium esse

vllius seditionis: sed cum videret malitiose interuerti iura & libertatem vrbis, se de ea vi iniusta coram præfecto esse locutum, & disceptationem tamen magistratui superiori reliquisse. Interea autem causa non cognita se esse detrusum in tetrum carcerem: quod vero populus armatus ipsum reposceret, hoc se non debere præstare: & cum iure naturæ æquum esset, Vim vi repellere, nullam esse tamen vim factam Polaco.

Legati, qui erant æquiores Polaco, mandarunt vt reduceretur in turrim, donec Rex renunciaret quid fieri vellet. Decimo Iulij Polacus cum nobilitate accusauit Freistadienses, quod cederent monetam sine concessione præfecti, & quod interfecissent nobilem Buscum ministrum Principis Iohannis, virum omnium pene, quos tunc sol videbat, sceleratissimum. Ciuitas proposuit ius suum tam de moneta, quam de plectendis reis, & prouocauit ad cognitionem Regis, neq; aliud tunc fuit decretum. Postridie à Legatis absolutus est Melchior Dreissimargius, & conscripta monumenta de innocentia ipsius: atq; his rebus perfectis Legati ad Regem reuersi sunt.

Post abitum illorum Polacus Lincium & præterea alium ex carcere ciuitatis emisit. Instituta fuit alia legatio à Senatu ita volente populo ad Regem: sed aures eius surdæ fuerunt, quas calumnijs iniustis occupauerat Polacus. Is tandem mense Octobri cœpit exequi, quod diu fuerat meditatus, protulit mandatum Regium, quod iubebat parere immani Polaco, neq; repugnare audebat senatus. Nono Octobris in foro capite truncatus est Nicolaus Agricola ciuis, pronunciata fuit causa, quod ipse signo dato ex campana plebem ad arma concitasset.

Die Galli Abbatis Polacus accersiuit senatum prima cum luce, illisq; terribili mandato præcepit nomine sui regis, vt eo die omnes captiuos publice interficerent: edito hoc fulmine, ipse se proripuit ex vrbe Polceuicium, ne posset res impediri. Sparsa hac fama tota ciuitas luctu fuit impleta: erat planctus & fremitus passim miserabilis: Senatus obtemperaturus tyranno, iussit vt captiui vescerentur sacra cœna, & se ad necem pararent.

Erat tunc in vrbe Ernestus Tschamerus consiliarius olim primarius Principis Iohannis, & ideo infestus ciuitati, tunc verò conscius omnium consiliorum præfecti: ad eum tanquam ad cuspidem Herculis confugiunt cognati aliqui captiuorum, & orant per misericordiam Dei, flecti se patiatur, & iuuat miseros viros. Ille primum tergiuersatus est, tamen quod haberet causas sui consilij, & magis ab extrema sæuicia abhorreret quam Polacus, passus est se exorari, iuit in curiam, rogauit senatum ne istos necarent. Respondum est, senatum non posse negligere mandatum Capitanei, alioqui ipsis parata esse grauissima pericula. Ernestus vero inquit,

Quiescite,

Melchior
Dreissimargius
absolutus.

Polacus Capitaneus
seu in ciues
Glognienses.

Quiescite, ego placabo praefectum, & rem omnem in me recipio: Sic illis seruata est vita.

Rediit Capitaneus sub vesperam, & euestigio sciscitatus est, an fusus esset sanguis, & cum audisset viuere adhuc captiuos, furere coepit, & exitium toti senatui minabatur. Interea accedit Ernestus, Age inquit Domine, colligas te, neq; tam immanem in modum sauias: prolocutus est praeterea alia quaedam, quibus bilem Polaci mitigabat, & vitam insontibus seruauit excepto Arnoldo.

Postridie senatus Duce Ernesto Capitaneum adiit, interposuit preces pro captiuis. Assensus fuit capitaneus, sed hac conditione, ut suum prius expleret animum, & ciuitas ipsi supplex fieret. Post meridiem vocatus est in curiam omnis magistratus vrbanus, & omnes ciues, ibiq; propositum est, publice agendam esse poenitentiam & capitaneo supplicandum.

Accersiti sunt in curiam captiui, iussi sunt exuere calceos, nudare capita, tegere corpus solo panno laneo, imitati sunt hoc omnes ciues, & ordine processerunt ad arcem. Stabat in ponte arcis Polacus cum ministris & Ernesto Tschamero, tunc etiam senatores capita & pedes nudarunt, atque supplices ad pontem accesserunt. Captiui sex prostrauerunt se expansis brachijs in terram ad pedes Capitanei.

Polacus, ut videretur humanus, iussit senatores tegere capita, quod ipsi non deliquissent: deinde Ernestus omnium istorum consiliorum architectus concionem Scythicam habuit ad populum: commemorauit iustam iram Regis in ciues propter contumaciam erga capitaneum. Deinde pronunciauit abolendam esse memoriam omnium euentuum praeteritorum, fanciendam vero ἀμνησίαν, donari captiuis vitam, restitui omnibus priorem tranquillitatem, modo deinceps essent in officio: captiuos tandem iussit exurgere: Vnum vero ciuem Petrum Glogouiensem mandauit Polacus, ut arcte vincirent, illum enim esse venia indignum.

Hoc spectaculo Turcico cum satis oblectatus esset Polacus, discessum est. Ciuitas comitata est captiuos in templum vrbis primum, & ad Diuum Iohannem in coemiterium, ibiq; Deo sunt actae gratiae, & Diuo Nicolao liberatori: tandem in curia vrba captiui constituerunt fideiussores, quod futuri essent in potestate magistratus, & acturi secundum leges. Ultimo Octobris, cum exoratus esset Polacus barbaricum caput, etiam Petrus Glogouiensis publice egit poenitentiam, sed acerbiolem.

Magistratus & vniuersa ciuitas eum est comitata ad arcem, ipse autem genibus insidens ex carcere in curiam, ex curia ad arcem per caenum repere coactus fuit, in ponte nudauit corpus, & supplicem se prostrauit ad Capitaneum, qui tandem illi donauit vitam. Primis diebus huius mensis Polacus Arnoldum, cuius cruorem

omnino statuerat haurire, coniecerat in fundum turris, septimo Nouembris collocatus est in domunculam turris superiorem: interea nemo ad ipsum admittebatur: Ipse paratus erat in omnem euentum, condiderat testamentum, & expectabat exitum.

Martinus Arnoldus Glogouienſis necatur.

Postridie Polacus vetuit aperire portas vrbs: circa auroram venit in carcerem miniſter capitalium ſuppliciorum, dormiebat vero Arnoldus in ſuo ſtrato, iuſſus eſt ſurgere: Ipſe cum non ſuſpicaretur ſine legitimo iudicio clandestina & tyrannica nece ſe interfectum iri, dixit, quis tu es? Agnoſces, inquit ille, & manus capitui vinxit, eumq; per poſticum arcis eduxit in aream, vbi ante aliquot annos ſteterat cœnobium Bernhardinorum, & iuſſit ipſum flectere genua. Quid facies inquit, Arnoldus: conſuſus iam metu vltimi & iniuſti ſupplicij? Experieris dixit alter, & ſimul vno icu bouo viro ceruices abſcidit, veſtimenta detraxit & cadauere relicto abiit, quod poſt aliquot horas miniſtri ciuitatis pheretropoſitum ad turam in cœmiterium ſuburbanum geſtarunt: tunc aperta ſepulchra ſunt portæ ciuitatis, ſonitu campanarum conuocatus eſt populus, & vſitata decantata ſunt nœniæ.

Tanta verò fuit ciuitatis conſternatio, & tam mœſtum ſilentium in vrbe, vt nemo tam violentam rabiem Polaci deteſtari videretur, & cum diſtracti eſſent animi factionibus, atq; plariq; eſſent mali, nullus alteri poterat fidere, neq; ſatis tuto ingemiſcere de perturbatione publici ſtatus & calamitate bonorum. Nos vero, vbi legendo in hæc tam horribilia ſpectacula, quæ maiores noſtri ſuſtinuerunt, deducimur, cogitemus de communibus miſerijs generis humani, & flectamur ad pietatem & modeſtiam in omni vita.

Non commeruerant tantam ſuppliciorum atrocitatem, eamq; noui exempli, delicta ciuitatis in capitaneum, etſi liberius quædam contra tyrannidem ipſius erant dicta, ſed oderat tota aula Polonica acerbe has ciuitates ob fidem & conſtantiam erga Mathiam, cui Polonia fuit infeſtiſſima, & cupiebat graſſari hic Scythico more, ſicut alibi inter mancipia ſua aſſueuerat Polacus: deinde accedebant faces, aliqui ex nobilitate, qui coniuncti fuerant cum Iohanne, & à Mathia, annitentibus ciuitatibus, ob perfidiam erga Regem ſuum, eiecti fuerant in exilium.

Inde igitur hoc incendium excitatum eſt, & ſtructæ inſidiæ vitæ & ſaluti omnium ciuium: benignitate tamen Dei fuerunt mitigatæ ærumnæ innocentibus hominibus, & imperium tyranni cum non fuit diuturnum. Nam & ipſi Regi, qui ſibi & ſuis nimium indulgebat, in flore ætatis Deus vitam præcidit, & Polacus cito ex ſuo ſaſtigio deturbatus & eiectus eſt.

Interea tamen, cum omnino verum ſit illud Prophetæ: Vtſi nam auſcultaffes mandatis meis, quod ſi feciſſes, pax velut flumen rigaſſet terram veſtram, proculdubio aliqua enormia peccata populi

puli ista tam tragica mala bellorum, incendiorum & tyrannidis attraxerunt. Et cum apud maiores nostros fuerit alioqui disciplina honestior & seuerior : omnino credibile est, præcipue propter idolatriam eos tam graues pœnas luisse.

Oppressa erat lux veræ doctrinæ idolomania intolerabili, vera vox ministerij pene tota conticuerat, proponebantur publice ea idolorum & mendaciorum portenta, vt nunc etiam saniores ex aduersarijs Ecclesiæ eorum suppudeat, populus cœcus inuoluebatur superstitionum horribilium caligine; prouoluebant se homines ad statuas, easq; adorabant, sicut negari nō potest, more plane ethnico.

Idolatria attrahit pœnas publicas.

Ita creuerat & quotidie amplificabatur cultus Dei Maozim, vt illæ theatricæ circumgestationes nihil differrent ab Ethnicis & Persicis pompis : paulatim in singulos annos etiam magna cura, magnisq; sumtibus excogitabantur noua Numina, noui cultus diuæ Annæ, Hedwigis Silesiæ & alia. Vt non commemorem, quam vere inuerecundæ factæ fuerint salutationes aut potius deformationes beatæ Virginis in his & similibus compellationibus : Fuga mortem, Confer sortem in cœli patria. Solue vincla reis : Monstra te esse matrem : Cogitent modo piæ mentes has similesq; cantilenas, quæ passim in templis cum magno applausu & studio repetebantur, Hedwigis sancta, inclyta, nos serues à ruina, nosq; frui facias gratia diuina : Item de S. Catharina : Ab æstu mundi transfer nos ad amœna Paradyssi : Item, Sancta Dorothea cor mundum in nobis crea : cum tamen, vt nihil dicam de idolatrica adoratione, ferme constet narrationem hanc vtramq; de Catharina & Dorothea esse Apologos, scriptos ad imitationem Græcorum Poëtarum ab Apollinari. Hæc cum nunc etiam sonent Pontificij, saltem cogitare debebant, quam incaute iactitent, se defendere consensum Ecclesiæ Catholicæ, cui profecto ista fuerunt ignotissima.

Quia vero ærumnosi nostri parentes tam grauib; calamitatibus propter idolorum cultum oppressi fuerunt, nos maiori cura puritatem doctrinæ amemus, tueamur, & seriam vitæ emendationem instituamus. Non enim dubium est, nunc etiam tyrannidem Turcicam vindicem esse idolomaniæ & aliorum peccatorum orbis Christiani. Polacus etiam postea non cessauit incommodare vrbibus, subinde aluit & auxit odia inter nobilitatem & ciuitates, quas vltimo iugo seruitutis premi cupiebat. Vulnera quidem illa ne nunc quidem coaluerunt, neq; postea firma fuit coniunctio ordinum in hoc ducatu, quod ipsum coniunctum semper fuit cum magna pernicie.

Litigatum est sequenti anno, cum senatui præsideret Melchior Dreissmargius, cum sacerdotibus, qui in illa calamitate vrbis etiam aliquid emungere conabantur, & graues sunt facti sumtus, nec tamen superbæ & segnes illæ aulæ finiebant lites : paulò

H h iij post

post castigata est insolentia Polonorum, cum Rex anno 1496. maximum exercitum in Valachia amisisset. Coepit eo anno grassari in Silesia pestis sæuissima, eaq̃ biennio post in hoc Ducatu, præsertim Freistadij inualuit & magnam turbam hominum interemit.

Iohannis Sa-
ganensis exi-
tus.

Vladislaus Rex iam dudum ex pacto reposcebat à fratre ducatum Glogouiensem : fuit ipsi is redditus anno 1498. & ita scelestus Polacus amotus fuit à gubernatione. Ducatus traditus est Sigismundo fratri Regis, qui tamen primum post mortem Alberti fratris Glogouiam commigrauit. Viuebat quidem adhuc Iohannes Saganensis exul, sed nullam apud fratres Polonos potuit impetrare gratiam, etsi putabatur ab ipsis fuisse incitatus contra Mathiam. Posteaquam re perditâ Glocium euaserat, diu ibi æger decubuit, & per Legatos se suaq̃ Mathiæ Regi permisit.

Eo mortuo plenus bonæ spei volauit ad Vladislaum, nec dubitabat, se breui futurum diuitem : sed Regem opinione sua inuenit duriorē, & animaduertit, non restinctam esse apud eum memoriam veteris odij. Fuit etiam Vratislaviæ eodem anno in conuentu ordinum Silesiæ, & proponebat noua consilia, sed iussus fuit egredi ex vrbe. Iratus Vladislao, contulit se ad fratrem Iohannem Albertum, fuit illi socius in bello Hungarico contra fratrem Regem, sed quia illius belli fuit exitus infelix, Iohannes hunc nullo beneficio sibi deuinxit. Regem vero grauissime offendit. Mansit Cracouiæ, donec Iohannes Albertus est renunciatus Poloniæ Rex, deinde venit eodem anno sub hyemem in ducatum Glogouiensem, vagatus est præcipue in territorio Crosnensi, & nobiles passim eum pascebant.

Anno sequenti iuit Dresdam ad Principes Saxoniam, vt pararet sibi intercessores ad Regem, illi dato munere eum dimiserunt. Fuit deinde Cotbusij per aliquot dies, & rursus properauit ad Regem Petricouiam. Eundem paulò post adiit Posnaniæ, multa postulauit, & nihil impetrauit, cum non desineret instare apud Regem, donati sunt ipsi aurei sexaginta, & iussus est abire, nec amplius ingredi in prouincias Regis : edicto etiam Regis prohibitum est, ne quis in ducatu Glogouiensi eum hospitio exciperet. Venit etiam Posnaniam coniunx ipsius, sed Rex noluit eam videre.

Inops igitur consilij diuertit ad Marchionem, à quo impetrauit hospitium Francofurti. Ciuitas eum inuita suscepit ob memoriam cladum superiorum annorum, tamen mandato Principis obtemperarunt. Habitauit ibi in domo conductâ humilis & egens, vt esset exemplum illius vetustæ imprecationis :

Ἀφρήτωρ, ὁ δέμις ἀνέστι ἐν κένῳ,
ὃς πολέμῃ ἐργαζήσῃσι δαδῆμῃσι ὀκρυέει.

*Exulet hic longe vrbe sua Laribusq̃ domoq̃,
Qui cupit in sese ciues dira arma parare.*

Recus

Recuperauit quidem ditionem Stinauiensem coniunx, sed cautum erat, ne marito ibi vllum esse ius. Serò igitur in illa sua egestate & solitudine cœpit deplorare scelera sua, & anno lubilæo iuit Romam, vt à Pontifice expiaretur. Dicitur tamen & ibi more suo scurriliter lusisse. Cum ipsi sacerdos *Antipapa* indixisset, nunciauit illi postridie, excidisse sibi in confessione, quod Senatum Glogouiensem fame necasset, annumeraret tamen hoc cæteris peccatis, nec poenam augeret.

Relatum est etiam ipsi, Pontificem, qui audiuiisset in vrbe esse Principem germanum, ipsum admissurum ad oscula sanctorum pedum, Princeps Pontifici renunciauit, se properare domum, nec appetere linctus istos. Reuersus in Silesiam à generis Monstherbergenfibus Principibus impetrauit ad tempora vitæ suæ possessionem ditionis Volauiensis, quam vna cum Ducatu Olfnicensi pater Henricus permutatione à Rege fuerat consecutus. In illam igitur urbem suam collocauit domicilium, ipse suum cor edens, hominum vestigia vitans, vt olim dictum est.

Instituit vero, ne nihil ageret, alchymicen, & loco ciuitatum, quas decoxerat, nouum aurum coquebat numero non magno. Ibi igitur vitā suam clausit in miseria, cuius ipse sibi fuerat faber. Adeo dicitur indoluisse de suis peccatis, vt post mortem sparsus sit rumor, dignum eum esse, qui pro exemplo peccatoribus statueretur, & in numerum sanctorum referretur. Fuit in eo animus magnus & plane impavidus: sed ingenium agreste & nimis crudele: in sermone fuit facetus vsq; ad scurrilitatem.

Narrabant maiores nostri, sacerdotes, nescio ex qua causa, emisisse fulmen suum Ecclesiasticum in totam urbem, ita vt ceremoniæ & cantus in omnibus templis conticerent: Princeps, qui putabat eos non habere causam, cur hoc facerent, rogauit sacerdotes collegij, quoniam aulam suam, tanquam hominis damnati, fugerent, saltem in pontem fluminis venirent ad colloquium. Cupere enim se reconciliationem: paruerunt senatores collegij, venerunt in locum dictum, vbi etiam præsto erat Princeps cum aulico suo comitatu frequenti: interea vero dum in medio ponte consistunt sacerdotes, piscatores ex mandato Principis trabes & asseres pontis à tergo demoliuntur: re perfecta inclamat eos Princeps: Agite, inquit, patres circumspicite vtrum velitis cantare, an vero saltare: Illi, cum vndiq; vndas, vim irati Principis, & præsentem mortem cernerent, territi clamarunt: Domine cantabimus. Redite igitur, inquit, domum, & vestro officio fungamini, aut omnes mala morte peribitis.

Non recitabo plura, sed potius communibus votis precemur Deum, vt nostræ patriæ præficiat magistratus, qui sint organa salutaria Ecclesiæ & Reipublicæ, non verò vasa iræ & pestes patriæ.

Vtilis Princeps huic Ducatui fuit Sigismundus, qui migravit Glogouiam anno 1502. Ipse etiam in illa mediocritate suauiter vixit, & postea, cum in regno experiretur ærumnas & fortunam aduersam, sæpe dicitur huc respexisse, & Glogouiam, quam suam urbem appellabat, desiderasse.

Sigismundus
Poloniae Rex
dilexit Glogouiam.

Sustulit latrocinia in Silesia, quæ superioribus annis, conuiuentibus & interdum iuuantibus præfectis, præter omnem modum creuerant, adeo ut honesti homines vix tuto vrbe egredi possent. Hominibus enim profligatis coniungebant se multi ex nobilitate, quæ in illa annonæ vilitate, rei agrariæ & œconomix negligentia, facile decoquebat, & ad inopiam redigebatur: illi spoliabant mercatores, & ex rapto viuebant. Sigismundus vero vigilantia sua & poenarum atrocitate itinera repurgauit, cum multos hinc inde, nulla habita generis ratione, meritis supplicijs afficeret.

Francisci Fabri
carmen
de Sigismundi
Regis uigilantia.

Celebrauit hoc Sigismundi beneficium versibus amoenis & vere heroicis vir & Poëta optimus Franciscus Faber, quos propter memoriam ascribo:

*Quodq; omnis posthac pacatior ora quieuit,
Tutus & in quauis mercator Valle diurnum
Carpfit iter, tibi præstantissime Iagellonum
Iure tuo, meritisq; tuis Sismunde fatemur
Deberi, te magna sequi non Herculis acta
Inuictæ puduit nostris grassantia terris
Monstra domare animo, sontum nec sanguinis ortus,
Aut equitum splendor mouit, nec honestior ensis
Diuisit poenam, sed equiso pependit eadem
Cannabe cum domino, cupidam & crocantibus escam
Effractæq; olim afflictis solatia ciste
Præbuit, hic primum nostri videre tremantes
Et quauis magnos furca pallefcere fures.*

In hoc Ducatu etiam Sigismundus constituit iudicium publicum ex nobilitate, & in illo tanquam supremo ditionis tribunali lites dirimi, & pacem custodiri voluit. Laborabat ut urbem, superiorum Principum culpa deformatam, exornaret legibus & structura: & valde fuit munificus erga omnes ordines, ita ut aula ipsius bonam partem ciuitatis pasceret: sed nimis cito hinc auocatus est, postquam frater Rex Alexander decessit anno 1506.

Ducatus rediit in potestatem Regis, quem deinceps gubernauit per præfectos: Sed statim is discerptus est: Bartholemæo enim Monsterbergensi attributum est pro pecuniæ summa non magna Freistadium, sedes veterum Principum, quibus ipse fuit dissimilimus:

mus: pollebat quidem aliqua aulica dexteritate, sed erat iniustus, & rapina medebatur suæ inopiæ. Trahebat in suo comitatu nobiles prædones, Christophorum Nigrum & alios. Indixit deinde bellum Vratislauenſibus, & multos paſſim excitauit tumultus, donec tandem Danubiꝝ vndis abſorptus eſt.

Anno 1511. cœperunt lites de emporio Vratislauenſi, ibi multi ex Polonis Glogouiam merces aduexerunt, & niſi diſſenſio illa mature fuiſſet ſopita, magna eſſet facta mercaturæ mutatio.

Annus 1517. quo factum eſt initium repurgationis doctrinæ ſacræ, fuit fatalis Glogouiæ. Nam 26. Septembris, qui erat dies Sabbati, ſub horam noctis quartam, cum miniſter ebrius incaute tractaſſet lumen, in area fori occidentali incendium excitatum eſt, quod ſubito inualeſcentibus ventis, & hominibus improuiſo malo conſternatis, celerrime in omnes partes peruagatum eſt, & conflagrauit vrbs pene vniuerſa.

*Glogouia tota
conflagrat.*

Extincti ſunt etiam flamma & fumo homines ferme 80. inter quos fuerunt familiæ in vrbe celebres, quæ pernicioſo conſilio abdidérant ſe in cellas ſubterraneas, vbi fumo & halituum multitudi-
ne ſunt ſuffocati. Manſit incolume templum vrbs primarium. Schola & vicinæ ædiculæ paucæ, & monaſterium ſodalium Domini. Audiuius vero ſcholæ ſcholaſticum quendam ea nocte ebrium in ſua camera ſcholæ obdormiſſe, itaq; ſopitum fuiſſe ex crapula, vt tumultum concidentis & pereuntis vrbs non exaudiuerit, ſed in multam lucem vix euigilauerit. Fuit iſta nox, quæ antecedebat diem, qui conſecratus eſt à Pontificiꝝ apotheoſi Stanislai Epiſcopi Polonici, vbi noſtra gens ſolita eſt in templis ſonare talia vota valde contumelioſa in Deum: Plebem tuam Stanislæ paſtor bene foue benediſtione, gubernâ protectione, ſana, ſalua interceſſione.

Docent vero hiſtoriæ, articulos fatalium pœnarum ſæpe congruere ad circumſtantias peccatorum. Sacerdotes medicantes, vt eſt in prouerbio, malum malo, fruſtra panem conſecratum, flammam ſedaturi, circumgeſtarunt. Annus notatus eſt illo hymni ſacri verſu: Tibi Cherubin & Seraphin inceſſabili voce proclamant: Characteres enim Arithmetici numerum annorum implent. Congruit vere hoc vaticinium ad vocem Lutheri, quæ illo anno, Deo ſic volente, cœpit tonare, & æternum ſuum hymnum ordiri.

Extincto Bartholemæo Monſterbergenſe arcem Freſtadienſem cū ſuis agris adeptus eſt vir nobilis & magnæ autoritatis apud Reges fratres Iohannes Rechenbergus, qui magna cum laude virtutis & indiſtriæ ordines in Hungaria, Moſcouia & Pruſſia duxerat: Fuit æquus ciuitati eamq; dilexit, ipſe etiam carus omnibus ibi conſenuit, & anno vigefimo primo, poſtquam eo migrauerat, Pragæ deceſſit, & Freſtadiꝝ cum luſtu publico in monumentum, quod viuens ſibi extruxerat, conditus eſt anno 1537. Ducatum nomine Regis gubernauit Iacobus à Salza legum Doctor, qui interſuit

*Iohannes Re-
chenbergius
adipiſcitur
Freſtadium.*

terfuit electioni Caroli Quinti nomine sui Regis Ludouici: Vbi ita enituit eloquentia & sapientia viri, vt deinde electus sit in Episcopum Vratislauensem.

Fama de emendatione religionis populariter increbuit in his vrbibus sub annum 1519. postquam Lutherus ex conuentu Augustano superioris anni reuersus, Eccium publice Lipsiæ retulisset, & cum paulò ante integra periodus annorum ab accepta religione Christi in Silesia esset expleta. Obuijs vlnis vero multi pñ homines, implicati laqueis inextricabilibus Pontificiorum, lucem veritatis amplexi sunt, & auidissime excipiebantur libelli refutantes impiam doctrinam de pœnitentia & indulgentijs.

*Freistadiensis
Ecclesiæ imi-
tium.*

Publice primum puriorem doctrinam doceri curarunt Freistadienses in hoc ducatu, nacti viros non indoctos: & omnium tunc erat feruens studium pietatis, quod nunc certe in multorum animis illanguit & refrixit. Turbati sunt multorum animi clamoribus Enthusiastarum, qui passim vagari cœperunt sub annum Christi 1524. & proxime sequentibus.

Extenuabant illi à Principio dignitatem & vsum Sacramentorum maledicebant literis & artibus, paulatim deinde assuerunt plures errores arreptos ex libris multorum fanaticorum hominum Serueti & aliorum. Prima tuba illorum motuum fuit Andreas Caroloostadius, qui odio & ambitione ardens à Luthero discessit. Captabat auram popularem & plausus indoctæ plebis, volebat deleri studia & artes, & quidem Vitebergæ scholam puerorum euertit absente Luthero.

*Anabaptista-
rum & En-
thusiastarum
origo.*

Academia vero vix magna cura & vigilantia Philippi Melanthonis & D. Hieronymi Schurffij, qui acerrime fanaticis hominibus aduersabantur, fuit conseruata. Ipse demum Caroloostadius, deserta sua vocatione, cum esset Theologiæ Doctor, migravit ad rusticos, & opera seruilia cum simulatione singularis humilitatis fecit, donec desperans de successu sui consilij in alia loco commigravit. Irrepserunt etiam Anabaptistæ, quorum primus autor fuit quidam fullo Nicolaus Storch, is fuit magister Monetarij, iactabat afflatus, colloquia cum Deo & Angelo Gabriele, passim vagabatur & spargebat suum virus, tandem mortuus est Monaci in nosocomio in magna miseria.

Latissime contagia illa in Silesia grassata sunt. Populus enim auide quærebat veritatem, magistratus vero, accensus à Sacerdotibus, doctores puriores eijciebat, interea clam se insinuabant isti errores, qui specie mirabilis sanctimonix & commertij cum Deo animos hominum terrebant & plane capiebant. Tantum effecit hac arte diabolus, vt ex tota Silesia, & ex hoc præcipuè ducatu, magna agmina plebis, præsertim rusticæ, venditis omnibus bonis currerent in Morauiam, vbi Anabaptistæ constituebant suas Respublicas turpes & impias.

Legi

Legi annales scriptos ab ipsis Anabaptistis in Moravia, recitantes adeo tetrum multorum furorum Catalogum, ut piam mentem expauescere oporteat, & deplorare, tantam & tam infinitam potentiam esse diaboli, ut animos hominum, plane possit excecere, in ijs etiam vsum naturalis, & quæ ferme bestijs communis est, intellectus delere, eosque ad tam enormia flagitia & scelera abripere.

Initia fuerunt similia exordijs Tragoediæ Monasteriensis. Confluebat multitudo imperitorum hominum ex multis Germaniæ partibus, cui Moravia propter quæstum dabat hospitium. Illos simulatione arcanorum colloquiorum cum Deo, representatione mirabilium, & sæpe stultorum gestuum, & prodigiosis verborum præstigijs plane mente mouebant illi fanatici impostores. Miseri illi & dementati coetus, scurriliter sæpe ludentibus suis doctoribus, iacebant prostrati in terra, & cum magno eiulatu preces suas ad Deum fundebant.

Crescente turba Anabaptistica, tandem venerunt duo Magistri homines Bauarici, Iacobus Hutterus, & quidam Gabriel Scheringensis pellio, qui maiores coetus collegerunt, eosque gubernarunt paulò maiori cum calliditate, ne propter imposturas nimis euidentiores fierent dissipationes. Sed cito, ut malum seipsum destruit, orta sunt inter ipsos ambitiosos doctores dissidia. Ideo factæ fuerunt separationes, & ipsi Magistri diuersas sectas condiderunt.

Hutterus vir toruior, audax & seditiosus palam docebat, suam toruitatem, Stoicam ἀνέτην, & rigidam vitam esse iusticiam Evangelicam: abolebat ordinem politicum, magistratus, iudicia, sanciebat communionem rerum, quæ quidem miseræ plebeculæ satis fuit grauis, ipsi autem & socijs eius quæstiosa & utilis. Iste Hutterus, cum diu insanisset: tandem propter seditiosum scriptum ex fuga retractus est, & Oeniponte ultimo affectus supplicio.

Gabriel fuit vir paulò astutior & ciuiliior: inflectebat sua dogmata ad temporum conditionem: quando poterat imitabatur ritus Anabaptisticos, ubi imminebat periculum, ut labrax piscis post deuoratum hamum maxillas sibi lacerat, quærebat Πένδαυρον, addebat molliores interpretationes, iubebat suos dissimulare genus suæ professionis, & obsequi magistratui prohibenti propagationem impiorum dogmatum. Isti duo, præsertim vero Gabriel, habebant suos emissarios, qui in Silesia magnas cateruas hominum ex bonis suis & sedibus eliciebant, & in Morauiam, tanquam in terram promissionis traducebant.

Fuerunt in vno coetu supra mille homines magna ex parte Silesij, qui collegerant supra septem millia aureorum ex facultatibus vili pretio venditis. Eam pecuniæ summam credebant Gabrieli & socijs.

socijs eius: ipsi inclusi in easdem habitationes, interdum angustas & incommodas, misere victitabant: fatigabant corpora duro labore in agris & vineis dominorum Moraviæ, mercedem colligebant magistri, & de ea statuebant pro suo arbitrio: ex quibus multi scelerate viuebant, & subinde alter alterum ex communione excludebat: tamen populus fascinatus suis persuasionibus, non modo grauissimam seruitutem patienter ferebat, sed etiam flagitia suorum doctorum dissimulabat.

Exstructæ illis fuerunt ædes in agro in loco solo, vbi sæpe la trunculis fuerunt prædæ impune. Nam cum docerentur, Euangelium damnare omnem vindictam, quando nuntiabatur venire aliud quod agmen vagabundorum militum, qui insidiabantur pecuniæ aut armentis ipsorum, ipsi patefactis ianuis conueniebant in vno conclaui ad precationem, & expectabant percussores.

Gabriel demum ille iussus à magistratu Moravia excessit, & in limite Poloniae vitam suam finijt, autorq; fuit suis auditoribus, vt manerent in suis possessionibus deinceps, & suas opiniones de religione clam fouerent. Grandis vero illa pecuniæ, quæ ex collatione & labore multorum tenuium hominum conflata fuit, fraudulenter dissipata, & populus egens & inops in patriam remissus est.

Glogouiæ quatuor ex istis erroneis Doctoribus fuerunt affecti supplicio, ex quibus vnus fuit Clemens, qui plurimos deceperat, & qui tamen paulò ante à Gabriele cum suo coetu peculiari fuerat exclusus. Reliquiæ agminem Hutteri adhuc hodie sunt in Moravia superstites, quæ suam seruant Rempubicam, & Gabrielicos tanquam transfugas & apostatas damnant.

Sunt tamen ibidem & alij coetus fanaticorum hominum separati ab istis, ex quibus aliqui se nominant Sabbatarios, quod more Iudaico septimum diem volunt esse festum, isti probant vsum armorum & legum forensium, & quasdam singulares opiniones defendunt. Immiscent vero se illis cateruis quidam erronei admodum blasphemii, qui circumferunt & spargunt furores contumeliosos in diuinitatem Christi & Spiritus sancti, haustos ex fontibus Arrii, Mahometi & Serueti.

Arrianum uirum renouatur.

Tales nunc veniunt applausores in Polonia, & præcipuè in Lithuania: arcent infantes à Baptismo: sanciunt communionem rerum: maledicunt Christo, & Spiritui sancto: & omnes festiuitates, vt Paschatos, Pentecostes, Natalis saluatoris, in quibus solent fieri congressus ad commemorationem beneficiorum Christi, abolent.

Inter istas confusiones opinionum & dogmatum etiam in Ducatu Glogouiensi multa bona ingenia abstracta sunt à studijs, cum

cum existimaretur professionem illam esse vitæ genus otiosum & inutile. Eximia tamen, gliscentibus illis motibus, fuit prudentia senatus Freistadiensis, qui intuebatur exemplum vrbs Vratislaviæ: nunquam præbuit locum publicum docendi Enthusiastis, sed diligenter se ad sententiam & doctrinam Academiæ Vitebergensis coniunxit, eam consulebat, audiebat, & inde Doctores petebat.

*Freistadiensis
Ecclesiæ fœ-
licitas.*

Et quamvis sæuicia magistratuum in hoc Ducatu, qui pios doctores passim ejiciebant, atq; etiam necabant, impediabantur, tamen ipsi, imitati exemplum pñ Abdiæ, Prophetas suffurabantur, eosq; alebant sicut poterant. Deinde subleuabat eos æquitas & clementia Episcopi Iacobi, qui non patiebatur se accendi ad tyrannidem erga nascentes Ecclesias.

Fuit ad Episcopum illum ablegatus à senatu Georgius Pezelus senator egregiæ sapientiæ & virtutis, vt supplex peteret ab Episcopo, permetteret ciuitati Freistadiensi concionatores suos, qui modestè dicturi essent vera & necessaria populo, & acriter refutaturi Anabaptistas. Episcopus audita oratione commoda viri disertis: Ergo, dixit, ex templo vestro altaria & statuas eiecistis Freistadienses. Respondit Legatus: Equidem Princeps, consistunt illa suo in loco. Maneant, inquit Episcopus, in suis sedibus, & si quis erit, qui ambiget, an lapides & ligna sint, admoneatur denuo. Sacra vero cœna integra vtimini? Omnino, dixit Georgius, secundum Christi institutum. Poteram, inquit Episcopus, hoc existimare. Video igitur ex tuo sermone, vos esse semiLutheranos.

*Georgius Be-
zeltus Frei-
stadiensis pla-
cat Episco-
pum Vratisl-
aviensem.*

Tum Georgius, qui erat mire facetus, profecto, inquit, Domine, qui nunc noster concionator futurus est, tantum dimidium laboris sustinebit. Episcopus vero ridens subduxit se, & legatus, qui erat admonitus, vt modo ciuitas moderate abusus emendari curaret, lætus domum rediit.

Profuit ea circumspectio & pietas oppido inprimis. Nam & Ecclesiæ & Scholæ fuerunt bene constitutæ, & ciuibus assuefactis ad officia pietatis & virtutis melior ibi fuit forma status politici, & honestior disciplina in omni vita. Et propria laus est huius oppidi, quod amat studia & literatos, & quod vix alia vrbs in Silesia reperitur, quæ in illa tenuitate sua plures vires excellentes doctrina educauit & aluit, quam ista.

*Freistadiensis
Reipublicæ
laus.*

Seueritate etiam & vigilantia magistratus honesta ibi custoditur disciplina, & populus, qui plærumq; viuunt ex opificijs, modestior & fugalior est in vestitu & victu, quam alibi: fœminæ etiam vsq; ad dispendium valetudinis sunt laboriosæ.

Docet nunc ibi Euangelium Christi in 22. annum vir pietate & eruditione excellens D. Iohannes Gigas Northusanus, qui assiduus

*Iohannes Gi-
gas pastor Ec-
clesiæ Frei-
stadiensis.*

duus hortator est suis ciuibus ad veram agnitionem Dei, & ad virtutem in omni vita: tuetur concordiam publicam maximo studio, & vicissim colitur & diligitur à magistratu, & omnibus suis auditoribus reuerenter: ita vt vere exemplum antiqui dicti ibi conspiciatur: *Ευδαίμων Πολιέδρον ἐνὸς κήρυκος ἀκούων.*

Erasmus Benedictus instauratur
scholæ Freistadiensis.

Puericiam subinde etiam ibi erudierunt viri doctrina & industria præstantes: & cum ante annos 18. amore patriæ motus, vir clarissimus Erasmus Benedictus, piæ memoriæ, studiorum gubernationem in oppido illo susciperet, simul cum eo in scholam illam felicitas docendi Philippica, sicut in Lesbum Lyra Orphei, immigrauit: adeo vt etiam post beatam decessionem Erasmi possessio utilis doctrinæ, & mediocris discentium frequentia à viris eruditione, & fide excellentibus ibi conseruata sit.

Die Innocentium inchoante annum 1523. in oppido illo vna decem aedes incendio perierunt, & tota ciuitas fuit in periculo, sed benignitate Dei flammæ sunt sedatæ. Paulatim in alijs oppidis etiam vicinis veritas illuxit, & Ecclesiæ, etsi inter magnas difficultates, sunt emendatæ. Reuerendus D. Abrahamus Buchholtzerus bonitate naturæ formata à Spiritu sancto & præceptore Philippo, præstantissimus, Ecclesiam Sprottensem 22. annum exulantem in suburbio, traduxit in templum oppidi, assentientibus virginibus cœnobij anno 1564.

Glogouiæ post longum interuallum ministerium veræ doctrinæ instauratæ ad vocem scripturæ Propheticæ & Apostolicæ, & normam confessionis, quæ fuit exhibita Carolo Cæsari Augustæ, ex clementissima concessione, non dissimili edicto Cyri de restitutione veri templi, inuictissimi Cæsaris Maximiliani inchoauit in pago vicino vrbi vir reuerendus D. Ioachim Picus Glogouiensis, auditor Lutheri & Philippi, inter magnas gratulationes populossimæ ciuitatis, agentis Deo & benignissimo Cæsari gratias pro luce veræ doctrinæ, anno 1564. Dominico die, quo celebratur gloria trium personarum diuinitatis.

Sed iam ad metam præfiniti temporis nostra annotatio peruenit. Tribuat nostræ patriæ & toti huic territorio lucem veræ & sanæ doctrinæ, atq; salutarem pacem & tranquillitatem propitius Deus, & nobis omnibus clementer mitiget ærumnas, quas in hac mundi senectâ peccata horribiliter cumulata totis gentibus attrahunt.

CATA.

CATALOGVS EPISCOPORVM

S I L E S I A E.

ETiam vetustas sapientior & melior iudicauit, præcipua bona in ciuili hominum societate esse ordinem disciplinæ, honestarum legum, iudiciorum & bonorum morum. Ideo Gorgias hos ciuitatum neruos nominauit *ψυχὴ πόλεως*, opes vero, multitudinem, apparatus armorum sine politico ordine vocabat corpus sine anima.

Nos verò, qui veræ Ecclesiæ sumus ciues, scimus præcipuum & vltimum finem consociationis politicæ esse communicationem & propagationem sinceræ religionis, doctrinæ de vera agnitione & inuocatione Dei, artium necessariorum ad conseruationem vitæ & aliarum bonarum rerum, generi humano à Deo traditarum. Hoc vere debebat esse *ἡγεμονικὸν* & caput omnium honestorum cœtuum, illiq; *τὸ διορθωτικόν*, vt Plato loquitur, seruire debebat.

Religio vera
est anima
Reipub:

Non est enim alia anima præstantior in humanis cœtibus quam Ecclesia. Ideo merito nostra gens Silesia etiam gratam retinet memoriam illorum, qui in plantatione veræ doctrinæ de Deo, & propagatione studiorum & literarum nostris ciuibus vera animæ ornamenta instillarunt, ipsq; iter ad cœlestem patriam monstrarunt.

Et si igitur in historia sparsim Episcoporum, qui Ecclesias & studia in hac prouincia gubernarunt, facta est mentio, tamen perspicuitatis gratia in vna tabella ordinem & successionem illorum describere volui, vt posteritati noti essent illi boni & pii viri, qui ab initio, cum nondum opes nimix & fastus doctores impedi-
rent, religionis & artium fuerunt apud nos propagatores. Sequor autem annotationes Duglossi, cum aliæ meliores narrationes non extent.

GODEFRIDVS PRIMVS EPISCO.

pus Smogrensis.

Mleslaus Princeps Polonicus, cum amplexus esset doctrinam Christi, condidit in suo regno nouem Ecclesias, illisq; redditus amplios attribuit, inter quas vna fuit Smogrensis. Doctores accersiti sunt ex Italia, & misit Pontifex Iohannes 13. anno 966. in Poloniam Egidium Cardinalem Tusculanum, qui Ecclesias in Polonia constituit. Is in Ecclesiam Smogrensem collocauit hunc Godefridum. Literæ foundationis, vt quidem in quodam scripto Canonorum Vratislauenſium refertur, non extant.

Ii ij

Fuit

*Godefridus
Episcopus est
instaurator
pietatis in
Silesia.*

Fuit is Godefridus ciuis Romanus, natus ex familia nobili, quæ fortassis, cum nomen sit Germanicum, ex Germania orta fuit. Et fuit Godefridus Catecheta Silesiæ. Vnicum longo tempore, vt scriptum illud Canonice recitat, in tota hac Prouincia fuit templum, dicatum memoriæ diui Baptistæ, quem semper nostra gens est venerata, & quidem veteres Principes in suis titulis, vt vetustæ literæ Henrici Barbati ostendunt, nomen sancti Iohannis præscribent.

Ad illud ligneum & vile templum nostra gens ad certas festiuitates conuenit, in illo sedit Episcopus humilis: sed vera morum pietate ornatus, & infirmæ atque imperitæ plebeculæ verba Symboli, Decalogi & Dominicæ precationis est præfatus. Abducebat paulatim animos ab opinionibus & cultibus Ethnicis, & monstrabat elementa doctrinæ de essentia & voluntate veri Dei. Sæpe etiam iter faciebat per prouinciam in loca, vbi aliqua erat frequentia hominum, & ciues suos erudiebat, & impios ritus sacrificiorum & rituum abolebat.

*Godefridi pij
labores & æ-
rumnæ.*

In hoc laudabili vitæ cursu & digno vero Episcopo consummatum sit annos septendecim inter ærumnas grauissimas. Nam multi ex populo idolomaniam ethnicam pertinaciter defendebant: nobilitas etiam vocem pij Pastoris aspernabatur, & ipsi aduersabatur, atq; omnia plena erant, vt initia mutationum solent essent turbulenta, confusionum. Ipse tamen in statione sua fideliter mansit, & anno 983. pie decessit.

Delector vero omine ex nomine, cum nomina sint fatalia. Primus Episcopus Silesiæ est Godefridus: Ergo Deo agamus gratias, qui nos ex tenebris idolatricis retraxit ad lumen agnitionis veri Dei, & eum precemur, vt perpetuo inter nos seruet incorruptam lucem suæ doctrinæ, & faciat vt nostri Episcopi & doctores semper sint Godefridi, sonantes Deo gloriam, hominibus pacem & læticiam.

VRBANVS PRIMVS.

Non erant in hoc regno viri eruditi, ideo post mortem pij Pastoris alius gubernator Ecclesiæ ex autoritate Regis Boleslai fuit accersitus Roma Urbanus, qui fuit Canonicus in vrbe Roma, natus ex nobili stirpe: habuit laudem iustitiæ & prudentiæ: Vidit nec propagari nec conseruari religionem posse sine eruditione, ideo

ideo, sicut ab initio Ecclesiæ semper fuerunt coniunctæ scholæ: ita ipse ex Italia adduxit secum cœtum piorum & doctorum hominum, & supellectilem vtilium librorum: Instituit igitur scholam ad templum Smogrense, in qua viri docti adolescentiæ instillarunt femina pietatis, linguam latinam & initia artium, eamq; ad exercitiâ pietatis, & vtilis ceremonias assuefecerunt.

Vrbanus instituit scholam Smogrensem.

Hoc igitur tunc fuit Collegium Smogrense, in quo Episcopus, tanquam supremus inspector, & totius ministerij gubernator, doctoribus & auditoribus victum ex sua mensa dedit: Et hoc consilio vbiq; olim erecta sunt Collegia, vt essent scholæ: sicut ipsa nomina dignitatum Decani, Scholastici, Custodis, quæ olim fuerunt officiorum scholasticorum appellationes, testantur.

Ab hoc igitur Urbano Silesia vere vrbanâ & ciuilia ornamenta studiorum accepit: in quibus etsi tunc multum fuit caliginis & barbariei, ex vitio barbari seculi: tamen recta voluntas meretur approbationem, neq; illa initia fuerunt sine fructu. Nam & religio foelicius fuit propagata, & mores gentis sunt facti molliores & humaniores. Rexit Vrbanus Ecclesiam suam annos 22, mortuus est anno 1005.

CLEMENS PRIMVS.

Iste fuit vnus ex socijs Collegij Smogrensis, homo Romanus, qui cum Urbano ex Italia venerat: Et considerandus est mos electionis vsitatus illo tempore, congruens ad consuetudinem primæ & purioris Ecclesiæ. Manifeste dicit historia, fuisse eum electum à Collegio & populo Ecclesiæ Smogrensis, assentiente rege.

Clemens extirpauit idolomaniam.

Olim fiebat exploratio doctrinæ & morum ab vniuersa Ecclesia, & commendabatur ministerium docendi idoneis, & qui videbantur futuri in suo munere fideles. Scribitur fuisse assiduus in extirpandis cultibus ethnicis, quod ea occasione accidisse puto. Vixit tempore belli Saxonici, quod Boleslaus acer gessit cum Germanis, in quo fuit tanta rabies populi Sclauonici, vt odio nominis Germanici etiam religionem Christi abijcerent, & doctores Ecclesiarum trucidarent. Ideo iste bonus Clemens præliatus est ardentem, ne idem accideret in hac regione, & motus insani populi proculdubio non sine graui labore frenauit. Decessit ex febrili anno 1027.

Electionis mos in Ecclesia.

LVCILIUS PRIMVS.

Lucilius in-
struxit Biblio-
thecam in
schola Silesia.

ET iste fuit natus in Italia, instructus magna eruditione. Amavit studia & doctos : comparauit sibi Bibliothecam amplissimam, & omne tempus, quod à labore docendi habebat vacuum, consumsit in studijs. Mores eius fuerunt casti & honesti.

Iam tunc autem crescentibus opibus, nimium sibi indulgebant sacerdotes, & multi sibi sumebant licentiam non bonam. Ideo seuerè flagitia illa puniuit Episcopus, & asperas poenas in delinquentes sanciuuit. Moriens reliquit Bibliothecam suam Collegio Smogrensi, decessit anno 1036.

LEONARDVS PRIMVS.

Leonardus
Episcopus
migrat Bi-
cinam.

Fuit Decanus & gubernator studiorum in Collegio, homo Italus. Cumulauit opes : sed cum illo tempore graues fierent vastationes in Silesia à Bohemis, & ipse fuit afflictus. Post bellum anno 1041. cum redisset in regnum Casimirus, migravit in vicinum oppidulum Bicinam. Mortuus anno 1045.

TIMOTHEVS PRIMVS.

Electionis
mos mutatur
in Ecclesia.

Crescentibus opibus creuit ambitio : plures igitur tunc locum illum, qui antea fuerat spretus, appetebant, & mutabatur tota forma electionis. Electus fuit à Collegio & iste ortus ex Italia, peritus legum Pontificiarum, & vitæ laudatæ. Mortuus anno 1051.

HIERONYMVS PRIMVS.

Hieronymus
Episcopus
migrat Vra-
tislauiam.

Vt homo Romanus quæsiuit incrementa opum & dignitatis. Migravit cum suo Collegio ad ripam Viadri in urbem Vratislauiam. Casimirus Rex, qui viderat splendorem Italicum & Gallicum, multa huic Episcopo donauit. Templum tamen fuit frabricatum ex ligno, & lineum etiam pedum gestabat pastor. Mortuus ex dysenteria 1062.

IOHAN.

IOHANNES PRIMVS.

Commendatum fuit huic munus Episcopi iubente Rege Boleslao. Fuit nobilis Polonus : & tantum hoc annotatum est, egisse eum magno studio, vt in Collegium solum reciperentur homines Poloni, non exteri. Ita ambitione & luxu paulatim studia sunt languefacta & oppressa. Mortuus anno 1072.

PETRVS PRIMVS.

FVerat Ecclesiæ Vratislaviensis Scholasticus, natus est familia nobili in Polonia, creatus est Episcopus ex autoritate Boleslai Secundi Poloniæ Regis : fuit familiariter notus Stanislao Episcopo Cracouiensi, quem Boleslaus interfecit : Ob cuius necem, cum totum regnum fulmine anathematis ferirent Episcopi, regem eijcerent, & titulum etiam regium Poloniæ detraherent, secutæ sunt confusiones miserabiles, vt quidem in historia relatum est

Petrus scribitur imprimis valde rigide censuram illam obseruasse : etsi miser populus, cui tam graues laquei intjciebantur, nihil deliquerat. Sed opprimebatur tunc orbis Christianus horribili caligine, & artificijs Hildebrandi Pontificis gliscebant sub Henricis in Germania bella plusquam ciuilia, per quæ maiestas & potentia istius imperij fuit quassata & euerfa. Ipse Episcopus locupletauit Ecclesiam suam opibus, emtis multis prædijs. Auxit etiam numerum personarum sacrarum in Collegio, & tenuioribus dedit victum ex suis redditibus. Moritur anno 1091.

Petrus Primus fuit familiaris Stanislao Cracouiensi.

ZYROS LAVS.

Natus fuit in nobili familia in illa Poloniæ parte, quam patriâ lingua nominant Cuiauiam. Erat Ecclesiæ præpositus : amauit ceremonias, & sacros ritus : instituit in templis ordinem lectionum & cantus vsitatum in Ecclesia Cracouiensi, in quo tamen tunc etiam adhuc plus fuit sinceritatis, cum nondum exortati essent cultus multorum sanctorum, quos ætas recentior perperit.

Zyroslaus instituit Ceremonias Ecclesiæ Cracouiensis.

Neq; dubium est hanc curam pertinere ad Episcopos, vt instituantur ritus utiles ad disciplinam, & qui rudiores assuefaciant ad amorem doctrinæ & pietatis. Omnes etiam homines non efferi

li iij delectan

delectantur honestis ritibus & ceremonijs, praesertim quibus à teneris annis assuetuerunt: ut prudenter apud Herodotum dictum est:

ἐχθρῶν εἰσὶν ἐπὶ ἄλλων γε ἢ μενόμενον ἄνδρα γέλασθαι. τὸ δὲ νόμιμον ποιεῖσθαι:

Non est consentaneum alium nisi insanum hominem aspernari visitatos ritus vitae. Sed in Ecclesia oportet esse delectum & modum ceremoniarum, & necesse est remouere opiniones & abusus superstitiosos. Decessit anno 1126.

IMISLAUS VEL HEIMO.

Imislaus fundauit collegium Glogouien-
se.

Sunt flexus Sclauonici in appellationibus. Non fuit diu superstes. Ex consilio ipsius à Boleslao distorto erectum est Collegium Canonorum in vrbe Glogouia, quam Princeps diligebat. Fuerunt tunc sacerdotes in Silesia mariti, & pauciores ordines monachorum tunc erant noti. Erat etiam integer vsus sacrae Coenae visitatus, neque dum instituta erat circumgestatio. Moritur anno 1126.

RUPERTVS PRIMVS.

Rexit Ecclesiam Vratislauensem annos decem & septem, & cum laudaretur ipsius dexteritas & industria, collocatus est ex voluntate Principis Boleslai in Ecclesiam Cracouiensem.

MAGNVS PRIMVS.

Natus fuit ex stirpe nobili Zarambiorum, collocatus in Ecclesiam ex aula. Fuit enim Principis Cancellarius. Ut vir politicus quaesuit dignitates, locupletauit suos cognatos. Commendabat eum eruditio. Moritur anno 1146.

IOHANNES SECVNDVS.

Iohannes Secundus Episcopus accessit Cistercienses in Silesiam.

Celebrata fuit huius pietas. Adiutus à fratre construxit coenobium in territorio Cracouiensi, & in illud collocauit monachos ordinis Cisterciensium accersitos ex Burgundia ex loco, qui nominatur Morimundus. In Collegijs sacerdotum crescentibus opibus studia refrixerant, ideo passim erigebantur monasteria, ut essent scholae: & inclaruerant propter exercitia doctrinae & pietatis sodales Cistercienses propter gubernatorem ordinis Bernhardum,

hardum, qui tunc adhuc erat superstes, in quo scriptore certe aliquid fuit lucis, cum recitet sententias de iusticia fidei præclaras. Iohannes accersitus fuit Gnesnam, vt esset Archiepiscopus regni.

VALTHERVS PRIMVS.

ETiam iste fuit Cancellarius Principis Boleslai proceri. Induit aliam formam Ecclesiæ suæ. Voluit imitari splendorem Galliarum. Nam in illud regnum tunc nostri homines proficiscebantur ad studia. Vsurpauit insignia Gallica liliorum & Lugduno accersiuit ordinem ceremoniarum cantus & vestitus in sua Collegia.

Valtherus instituit noua edificia & varios cultus in Ecclesia Vratislaviensi.

Totos annos 22. quam diu fuit in gubernatione, consumpsit in constructione noui templi Cathedralis. Forma ædificationis nunc etiam conspicitur. Fecit graues sumtus. Nam vt homo aulicus amabat pompam, & Silesia, iam propemodum alienata à Polonia voluit etiam distinctionem in ritibus seruari. Mortuus anno 1176.

ZYROS LAVS SECVNDVS.

REstituēbat huius ætate Boleslaus procerus coenobium Leubense, & impetrauit ab Episcopo, vt monachis, qui erant recentes hospites in hac prouincia, donaret decimas ex ditione Lignicensi. Quia Princeps iudicabat sustentanda esse studia monachorum opibus Episcopi: sed ea liberalitas offendit Collegium. Moritur 1181.

FRANCISCVS PRIMVS.

ISTe fuit Silesius natus, vt videtur, ex familia nobili Germanica, cum plures Germani tunc in Silesiam commigrarent. Fuerat etiam Principis Cancellarius, ex cuius autoritate gubernatio Ecclesiæ ipsi fuit commendata. Sed fuit valetudine admodum tenui & afflicta.

Paulò ante huius decessionem Ecclesijs Polonicis & Silesijs graue vulnus inflictum est. Pontifex enim Romanus Cælestinus Tertius legem cœlibatus sacerdotibus imposuit, & multa coniugia diremit. Moritur 1198.

IAROS

IAROSLAVS PRIMVS

*Princeps Silesius.**Iaroslau Episcopus fuit impius in patre.*

FVit filius Boleslai proceri natus in priori coniugio. Ex auctoritate patris euectus fuit ad hanc dignitatem: sed fuit impius in patrem, cui intulit scelerata arma. Nouercam Adelheidem foeminam nobilissimam etiam grauidam ex Prouincia eiecit.

Cœnobio Leubensi ademit redditus donatos ab antecessore. Nissense territorium totum attribuit suæ Ecclesiæ, ne perueniret in manus fratris. *Asopia*, & crudelitas in parentes præcidit ipsi vitam. Extinguitur 1201.

CYPRIANVS PRIMVS.

IRascebatur Canonicis Princeps, quod iuuissent impia consilia & conatus Episcopi. Ideo nullum ex Collegio suo elegerunt, sed accersuerunt istum, qui erat Episcopus Libusienfis, olim Abbas monasterij S. Vincentij. Post sextum annum interijt apoplexia, anno 1217.

LAVRENTIVS PRIMVS.

Heinrichouiensis & Camencensis monasteriorum fundatio.

AVxit opes Episcopatus. In prædio suo Preichau agri Stinauiensis, cum nimium se oblectaret odoriferis rosis, conciliauit sibi catharrum, qui desijt in tabem. Mortuus anno 1232. Aetate huius extructa sunt cœnobia, Heinrichouienfe à Cancellario Principis Henrici Barbati, & Camencense in monte editiori, ubi olim Vratislaus Bohemiæ Dux, & tunc Dominus Silesiæ, qui Vratislauiam exornauit, sacellum in memoriam beati Procopij erexerat. Locus postea attributus fuerat monachis Vratislauiensibus in arena, qui sunt Canonici regulares, qui eum reliquerunt Cisterciensibus.

THOMAS PRIMVS.

Natus fuit ex genere nobili in Polonia. Amauit eum Henricus Barbatus initio: sed postea avaricia eius Principem patrem, filios & nepotes offendit, & graues ipsi creauit calamitates. Retraxit ad se redditus, quos Cœnobijs Leubensi & Trebnicensi
vrgente

urgente Principe donauerant antecessores. Boleslaus sæuus Lignicensis eum cum duobus Canonicis Vratislaviensibus expaciatum in pagum ad consecrationem noui templi, captiuum abduxit, & quamuis Archiepiscopus Gnesnensis & Pontifex Romanus sua fulmina in Principem emittebant, tamen nihil est motus: coëgit Episcopum facere pacta de commutatione decimarum in certam summam pecuniæ. Rexit Ecclesiam annos 35, inter calamitates publicas & priuatas magnas. Nam in eius ætatem incidit vastatio Scythica in Silesia. Moritur 1267.

THOMAS SECVNDVS.

ERat nepos prioris Thomæ, vir ærumnosus & infelix: redditibus sacris, qui ad magnas iam opes excreuerant, insidiabantur Principes. Vladislaus Archiepiscopus Salzburgenfis, filius Henrici pñ interfecti à Tartaris, qui tunc erat tutor nepotum, impetrauit in suum sumtum redditus Episcopatus: post triennium tamen mortuo Vladislao ius suum Romæ obtinuit Thomas.

Postea duriter quassauit eum Henricus probus Vratislaviensis, cui negauerat pecuniam, eumq; ex tota ditione eiecit. Archiepiscopus Probum terrebat sacro fulmine: sed Franciscani, qui erant recentes coloni in vrbe, peragebant sua sacra palam, nihil morati edictum Episcopi. Exulauit Thomas Ratiboriæ, & ibi post longas lites & bella supplex est factus Principi, illiq; reconciliatus. Vt esset gratus hospiti suo Casimiro Opoliensi, erexit Ratisboriæ Collegium Canonorum, illiq; donauit redditus. Moritur 1292.

*Ratiboriensis
collegij fundatio.*

IOHANNES TERTIVS.

FVit prælatus Conrado Gibboso Glogouiensi Principi: ideo non fuit gratus aulis, ipse tamen, cum esset nobilis Polonus, uicinit apud Archiepiscopum. Aetate huius extructum est Cœnobium Grissense. Mortuus anno 1301.

*Grissensis
cœnobij fundatio.*

HENRICVS PRIMVS.

ORtus fuit ex celebri stirpe dominorum de Virbna. Quæsiuit pompam & aulicum fastum. Fuit tutor Principum Vratislaviensium, illisq; ex patrimonio grandem pecuniam dissipauit: à quibus deinde fuit afflictus: adeo fuit exhaustus, vt sumtus funebres dati sint ipsi à Collegio. Mortuus 1319.

VITVS

VITVS PRIMVS.

FVit dissensio inter Canonicos in electione, & gliscentibus tunc dissidijs inter Polonos & Silesios, vbiq; creuerunt odia. Litigauit iste, qui erat Germanus, cum Lutoldo Polono, post septennium vicit Romæ in iudicio, & superuixit post victoriam octiduum. Mortuus anno 1326.

NANCERVS PRIMVS.

Nancerus fuit
Episcopus
mis asper.

Migravit ex Episcopatu Cracouiensi Vratislauiam, quod in odio esset apud Regem Locticum, à quo, cum loqueretur liberius, acceperat colaphos. Valde commendatur propter zelum erga Regem Iohannem. Narratio nota est, quam non repeto. Magis digna est admiratione Regis patientia, quam Episcopi audacia, quam armabat fiducia autoritatis Pontificiæ. Fons dissidij fuit inuidia & superbia. Multi ægreferebant diuelli Silesiam à Polonia, eaq; potiri Lucelburgenses, qui erant Germani. Ideo Regi parabantur multi aduersarij. Moritur anno 1341.

PRETISLAVS PRIMVS.

Grotcouiensis
ditio emitur
ab Episcopo
Vratislaui-
ense.

FVit nobilis Silesius, electus dum viueret in Academia Bononiensi. Casimirus Rex Polonicus pugnabat, vt Episcopatus possessio maneret apud solos Polonos, sed iste vicit Romæ. Fuit diligens paterfamilias, emit à Boleslao Bregenſe oppidum & ditionem Grotcouiensem, & ita Ecclesiam suam locupletauit, vt deinde iste Episcopatus sit appellatus aureus. Et ab eo tempore Episcopi pleriq; præcipuam partem gubernationis publicæ sustinuerunt.

Eximie veneratus est Gothardum, tanquam datorem tantæ felicitatis, illiq; nouos instituit cultus. Sed officia Ecclesiastica & scholastica infelicitè onerantur gubernatione: & sicut à principio in mundum peruasit idolatria ex exemplis non rectè accommodatis: ita κακὸς ἡγίασας subinde eam cumulauit & stabiliiuit. Rexit Ecclesiam annos 35. mortuus 1376.

THEODORICVS PRIMVS.

Non numeratur ab omnibus in Catalogo Episcoporum: quia, etsi fuit electus, tamen confirmationem à Pontifice non potuit impetrare. Aula Romana audiuerat de aureo Episcopatu: ideo Pontifex reditus ad se traxit, & intra paucos annos emunxit ultra 50000, aureorum. Hæc nimirum sunt felicia aucupia.

VEN

VENCESLAVS PRIMVS.

ERat Princeps Lignicensis, collocatus fuit Vratislauiam, cum
esset Episcopus Libusianus, à Pontifice. Ingratus fuit Regi
Venceslao: Ideo multis modis Episcopum & Regem mulctauit:
placatus est tandem data pecunia. Erexit Collegium Canonico-
rum in oppido Otmachouio. Resignauit Episcopatum in manus
Martini Pontificis, quem creauerat Concilium Constantiense.
Moritur 1417.

CONRADVS PRIMVS

Senior.

EVit Princeps Olsnicensis ex stirpe Glogouiensi, commendatus
fuit ipsi Episcopatus à Pontifice opera Sigismundi Cæsaris. Conradus Episcopus Vra-
Fuit ingenium Musicum, pronum ad hilaritatem & voluptates. tislauensis
Erat comis & liberalis vsq; ad prodigalitatem. Amabat dulces har- amauit cerea
monias in sacris, & multas cantilenas ipse scripsit. Cumulauit su- monias.
perstitiosos cultus Hedwigis Silesiæ, S. Annæ, D. Baptistæ. Ac-
cusatur ipsius gubernationis infelicitas, sed incidit in misera tem-
pora, cum Hussitici Silesiam, & præcipue ditiones sacras crudelia-
ter vastarent.

Ex Synodo Basiliensi impetrauit constitutionem, quæ vetat
tribuere dignitates sacras alijs nisi illis, qui aut sunt nati in hac dio-
cæsi, aut ornati gradu doctoris in professionibus superioribus.
Moriens 1447. reliquit Ecclesiam implicatam grandi ære alieno.

PETRVS SECVNDVS

dictus Nonack.

PROpter magnitudinem æris alieni non facile inueniebat Eccle-
sia gubernatorem, etsi multis apud externos, qui erant pecuniosi,
honor ille fuit oblatus: tandem fuit electus iste Petrus, natus in
humili pago ex parentibus rusticis. Erat doctor legum Pontifi-
ciarum, & collegij præpositus. Fuit vir industrius, præditus ma-
gna doctrina & usu rerum. Frugalitate sua corrasit opes, & bona
oppignorata ab antecessore redemit. Auxit & iste ceremonias mul-
tis modis.

Vtili consilio instituit preces publicas, fundendas pro pace, Ecclesiæ in
cum tunc in Pannonia inualescerent arma Turcica. Sanciuit no- Silesia paula-
uam formam theatricæ circumgestionis die dicato memoriæ cor- tim sunt in-
poris Christi, & amplificauit cultum in ferijs Omnium sanctorum. quinata su-
Ita paulatim inuecti & confirmati sunt abusus, qui non solum Ec- perstitutioni-
clesiæ vetustiori, sed etiam antiquitati in hac gente fuerunt ignoti. bus.

Fouit & promouit Capistranum, qui in Silesiam deduxit con-
lonias sodalium Bernhardini, & sua mirabili vafricie Italica no-
stros homines in reuerentia Pontificiæ maiestatis continuit. Con-
uocauit Episcopus vniuersum coetum religiosorum, ad quem in
templo ianuis clausis, vt arceretur populus, orationem habuit Ca-
pistranus, & cum vitia acriter esset infectatus, disputauit de emen-
datione morum & vitæ. Duglossus annotauit Petrum esse mor-
tuum anno 1456.

IODOCVS PRIMVS.

*Iodocus Epi-
scopus fuit
autor pacis.*

EX commendatione Ladislai Regis creatus est Episcopus Iodo-
cus ex clara familia dominorum de Rosenberg Bohemus, etsi
adhuc esset adolescens. Fuit in eo egregia doctrina, facundia &
prudencia. Multa erant flabella tunc in Silesia ad bellum Bohemi-
cum, sed Episcopus constanter suadebat, vt acciperetur pax, quæ
sub honestis conditionibus posset impetrari. Ideo apud multos fuit
in odio.

Ipse iuit Romam ad Pium Senensem Pontificem pacificatio-
nis causa. Archiepiscopum Cretensem, qui eum propter studium
pacis graui conuicio sauciauerat, acri recriminatione refutauit. Sed
cum Episcopus ad bellum videretur segnior, subinde Vratislavi-
am veniebant legati Pontificij, qui canebant classicum, & popu-
lum accendebant.

Cardinalis Papiensis Romæ descripsit historiam illorum
motuum. Episcopus Iodocus Vratislaviæ, cum idiomatis Germa-
nici minus esset peritus, latinas conciones in suo templo habuit,
quas deinde alius est interpretatus. Moritur anno 1467, ex ne-
phritide, vt apparet.

RODOLPHVS PRIMVS.

Natus fuit in oppido non celebri ad Moguntiam. Euexerunt
eum literæ. Sedit Romæ in iudicio Rotæ, & fuit deinde fami-
liaris duobus Pontificibus, Pio Senensi, & Paulo secundo. Renun-
ciatus est Episcopus Lauantinus, & missus à Paulo secundo in Po-
loniam, vbi sedauit bellum Prutenicum conditionibus iniquissimis
Ordini.

In Silesia assiduo erat tuba belli aduersus Georgium. Ideo
propter talia consilia valde annitente Casimiro Poloniæ rege crea-
tus est Episcopus Silesiæ. Fuit vir politicus, & in illis negocijs vi-
tam suam consumpsit. Mathiæ Regi sponsam suam ex Apulia addu-
xit. Obijt apoplexia 1482, elatus est humeris Canonicorum, qui-
bus fuit gratus.

IOHAN.

IOHANNES QVARTVS

dictus Rotus.

OMnes suos antecessores superauit eruditione. Natus fuit Vendingæ in oppido Sueuæ. Legibus operam dedit Patauī. Romæ fuit auditor Vallensis, ex cuius assuefactione, & imitatione formauit orationem bene latinam, elegantem & splendidam, ut quidem ostendunt aliqua eius scripta, quæ hodie leguntur. Notus fuit plerisque viris doctis suæ ætatis, Philelpho, Guarino, Pogio: scripsit ad eum etiam familiariter Pius Senensis.

*Iohannis Quartus
Episcopi
egregia doctrina.*

Fuit Consiliarius Regis Ladislai, deinde Friderici Cæsaris, apud quem præcipua negotia Imperij Germanici gubernabat: postea fuit familiaris Mathiæ Regi, quo nemo Regum suæ ætatis liberalius homines literatos fouebat, & huic statim spem fecit certam ex autoritate Pontificis de Episcopatu Vratislaviensi, cum prius Rodolpho successisset in Ecclesia Lauantena.

Sæpe dixit, apud præstantissimos homines suæ ætatis fuisse sese in pretio, sed singulari fato esse in odio apud sua Collegia. Cum in solenni pompa progredieretur post electionem ad templum, terribilis fuit orta tempestas, & ex collisione ingentis turbæ hominum fores maximi templi ex cardine euulsæ pene procidissent. Quod omen significabat fatalem ruinam.

Fuit Iohannes vir vitæ admodum honestæ & continentis, qui omne tempus vacuum à laboribus publicis consumebat in studiis, & suis scriptionibus. Ideo, cum reuirescentibus iam tunc bonis literis, multos abusus crassiores non probaret, & esset amans disciplinæ, cogitauit quomodo ritus aliquos profanos emendaret, & restituere posset disciplinam collapsam.

In Collegio vero erant tunc multi valde factiosi, ambitiosi & superbi homines, cum ingentes opes & otium in multis confirmarent fastum & mala consilia. Ideo cœperunt Episcopo, tanquam censori nimis seuerò, aduersari: primo tamen anno Iohannes aboleuit pompam circumgestionis pomeridianæ die Corporis Christi, & emendauit alios abusus multos, qui ex superstitione & incuria inoleuerant.

In Ecclesias voluit reuocari veterem Cantum Gregorianum, qui est sincerior, & sustulit modos Musicæ, quæ nominatur figuratæ, illosque nominabat cantum crispum. Coniecit in carcerem quosdam ex Collegio, qui ipsi contumacius repugnabant, eaque seueritate maiora sunt accensa dissidia.

*Iohannes
Quartus quædam
correxerat
in abusibus
Ecclesiæ.*

Cum itaque finem odiorum nullum prospiceret, & ipsius etiam cordis robur frangerent calumniæ, statuit sibi cooptare viuens successorem, quem nominant coadiutorem, non solum ut sese muniret contra aduersarios, sed etiam, ut onere gubernationis commu-

nicato cum altero, ipse frui posset suo otio in literis. Sed consilij huius exitus fuit valde infauustus.

Principes & ordines petebant, vt assumeret Fridericum Casimiri Teschinensis Ducis filium, qui operam dabat literis Bononiæ. Antequam vero res confici potuit, interuenit Iohannes Turso, vir magna dignitate & multis opibus clarus, qui cum Episcopo Patavi in adolescentia contraxerat familiaritatem: is magno conatu & largitionibus in aulis pugnabat pro suo filio.

Iohannes negotium inuidiosum magna parte reiecit ad Collegium, in quo fiebant distractiones & factiones admodum tetrae. Opicius Colo, qui fuit fax belli & calamitatis Glogouiensis, oppugnabat Principes Silesiæ magno furore. Illi aduersabatur in Collegio pars altera, etiam munita suis præsidij. Trahebat secum Opicius gregem latronum & nobilium scortorum, & insidiabatur vitæ & saluti æmulorum.

Collegij Vra-
tislauensis
intestina dis-
sidia.

Spargebantur libelli pleni turpissimorum conuictorum, & recitantes spurcissima exempla: Ita vt de istis contentionibus annales scripti in Collegio talia verba recitent: Ea de se mutuo iactabant, quæ non de scurra Mimis, non de latrone homicida, non de scorto meretrix diceret, & tamen impollutis manibus Missas se celebrare credunt.

Nec vero commemorabo plura, sed certum est, tunc multorum animos in hac Prouincia valde tam tetræ exemplis fuisse fauciatis, & ab ordine Ecclesiastico alienatos, donec deinde lux veritatis cœlestis effulset: quam cupidæ, perterritæ & ambigentes mentes sunt complexæ.

Turso pater placauit competitores muneribus, & filio dignitatem obtinuit. Iohannes aliquandiu etiam politicum munus sustinuit: fuit enim Prouinciæ supremus præses, & in ipsius ciuitate sumtum fuit supplicium nouo exemplo de Nicolao Principe Opoliense. Verum ipse defatigatus temporum & hominum iniquitate, abduxit se à negotijs, & vltimam ætatem tribuebat suis studijs, latens in sua Bibliotheca, quam habebat amplissimam. Obijt die S. Agnetis 1506.

IOHANNES QVINTVS.

FVit ex familia Tursonum Cracouiensium, acceptus ad successionem, non sine magno labore. Placati sunt Principes & ordines Silesiæ concessione quarundam rerum, de quibus prius fuerant magnæ dissensiones. Ipse Iohannes Turso non fuit etiam carus suis Collegijs, quæ eum, vt segnem & parum efficacem in rebus gerendis, spernebant: sed fuit ingenio miti, cupidus pacis, humanus, & qui neminem lædebat.

Non

Non erat rudis literarum, & delectabatur consuetudine doctorum, fuit etiam liberalis in discipulos. Moritur 1520. mense Augusto ex tabe catharrali. Contraxit grande æs alienum, quia superbia quorundam in Collegio toti ordini conflauerat plurimos & potentes inimicos, qui sæpe dabant grauius damna.

Iohanni Tursoni successit nobilis D. Iacobus à Salza, præses ducatus Glogouiensis, cuius prudentia & virtus præcipuè in electione Caroli Cæsaris Francofurti innotuerat, eaq; deinde in tota gubernatione ipsius foeliciter est conspecta. Ingruente enim fatali mutatione, orta ex religionis dissidijs, ipse magna sapientia & æquitate certamina illa mitigauit, nec ad sæuitiam iniustam erga Ecclesias nascentes se accendi passus est.

Eam prudentiam imitatus est etiam successor Iacobi Balthasar Promicius, eques Freistadiensis, & sua moderatione dulcem pacem in hac regione, & concordiam inter ordines conseruauit. Intellegebant enim illi sapientes viri, gubernatores oportere consulere salutem totius gentis, & sæpe ut in senili corpore quædam lenire. Et ubi, ut olim dictum est, non contingit ὁ ἐξ ἐρίας πολέως, non decere prudentes, ut iracundia, odijs & pertinacia publicas difficultates augeant: sed rectius esse tentare δὲ πρὸς πολέως, sua æquitate lenire incommoda, & sanare rempublicam.

Fatebantur Ecclesiæ opus esse emendatione, sparsa igitur aliqua Euangelij luce nolebant cogi populum ad obseruationem veterum abusuum contra conscientiam. Nam in tali perturbatione animorum & inuocatio multis excutitur, & ubi desunt boni concionatores, qui publice doceant, sæpe à dubitantibus concipiuntur prauæ opiniones, quæ animabus & paci publicæ nocent: Ut quidam exempla satis tristia alicubi in hac ipsa nostra regione ostendunt.

*Religionis
dissidia non
non deservenda armis.*

Placebat igitur prudentibus illis Episcopis hæc mutua & maxime ciuilis moderatio, ut neutra pars alteram impediret, sed communis tranquillitas politica retineretur. Sciebant enim semper in ciuium dissensionibus magis salutaria fuisse mitia consilia, quam violentia, & non æquum esse labefactari conscientias illorum, qui abusus in Ecclesia intelligunt & vitare cupiunt, inutili pertinacia, quæ aditum deinde posset patefacere impijs opinionibus, paci publicæ perniciosas.

Hanc prudentem moderationem si etiam posteritas intuebitur, non solum timorem Dei & veram inuocationem in populo conseruabit, sed etiam pacem patriæ muniet, & ciuilem crudelitatem prohibebit.

Iacobus Episcopus decessit anno 1539. 25. Augusti, Balthasar 1561. 20. Ianuarij, de quibus ideo plura non dicimus, quia nostræ narrationes desinunt in nece Ludouici Regis, & quia multorum optimorum Episcoporum mentio in historia est facta.

Nunc vt breui epilogo totum hoc opus concludam, breuem subiicio commemorationem de facie quarundam rerum in publico statu, qualis nunc conspicitur.

Dei beneficio intra annos octoginta in hac prouincia non sunt factæ vastationes bellicæ: & quamuis regimina, præsertim in hac languida mundi senectâ, non sunt sine miserijs: tamen grato animo omnes nostros ciues fateri oportet, illam fuisse hætenus sub propitio magistratu nostro formam gubernationis, vt in ea potuerimus viuere vitam tranquillam & placidam ἐν πύσῃ εὐσεβίᾳ καὶ σεμνότητι, vt Apostoli verbis vtamur.

Cum Monarchiam Romanam discerperent Arctoæ & barbaræ gentes, narrat historia, graues tunc fuisse querelas de Christo, quasi propter mutatos veteres ritus, & abolita priora numina imperium prædæ esset immanibus populis: tales propemodum multorum nunc sunt sermones, qui declamitant, propter emendationem quorundam abusu in Ecclesia crescere ærumnas & difficultates publicas.

Sed, vt quidem omnibus temporibus, sicut in nocte primi Paschatos, filius Dei per mundum transiens potentissima regna propter blasphemiam & scelera delet, præstantissimos etiam homines veritati suæ aduersantes horribiliter euertit: ita non dubium est nunc quoque Europam propter idola multis seculis cumulata, & crudeliter etiam defensa, & simul propter alia peccata multa à Christo plecti, non vero propter veritatis professionem. Et tamen Dei beneficium esse agnoscamus, quod ærumnas hætenus clementer nobis mitigauit, & aliquam Ecclesiam & Rempub; in nostra patria conseruauit.

*Silesia floruit
sub imperio
diui Ferdinandi.*

Finis pacis in qualibet honesta societate debet esse propagatio veræ doctrinæ de Deo & alijs rebus bonis, & mutua multorum officiorum communicatio, educatio & institutio sobolis, officia iustitiæ, beneficentiæ, veracitatis & similia. Ista bona cumulate sub imperio diui Ferdinandi nostra patria est adepta.

In multis locis Ecclesiæ piè constitutæ sunt, & populus de Deo, de obedientia debita magistratui, & alijs operibus mandatis à Deo fideliter & recte eruditur. In scholis etiam nostris exulta sunt literis & disciplina, multa præclara ingenia, quorum in Ecclesia, & ciuili vita vsus est.

*Silesiæ ciues
aliquot clari
propter doctrinam.*

Superioribus annis celebres fuerunt, Vrsinus Velius Poëta diui Ferdinandi, Trocedorffius, D. Iohannes Mezlerus, D. Hefsus, D. Moibanus, Erasmus Benedictus: in aula Friderici Secundi Lignicensis floruit vir nobilis Volfgangus Bock, doctrina & quasi Periclea eloquentia præstans: poëma D. Fabri nominat eum eleganti compositione Lycotragum. Enituit ipsius amor & pietas in patriam, cum alias sæpe, tum anno 1546. Vratislaviæ, quando

quando coram Rege Ferdinando Silesiæ ardua fuit disceptatio cum Bohemis, qui libertatem huius prouinciæ in præcipuis capitibus oppugnabant.

Bohemorum accusationem pronunciauit D. Philippus Gundelius vir eruditus & eloquens, oratione, vt dicitur à multis annis præmeditata: patriam oratione graui, disertâ & neruosa foeliciter ille D. Bock defendit eaque subito cogitata. Respub: Vratislauiensis suppeditauit ipsi argumenta & priuilegia.

Amisit recens Silesia, & præcipuè vrbs Vratislauiensis, viros doctrina, pietate & politica etiam prudentia celebres, primo Franciscum Fabrum virum & Poëtam optimum, Reipub: scribam, cuius fidem, prudentiam & industriam in difficillimis negotijs incluta illa vrbs conspexit & probauit: fuit excultus multiplici doctrina, & ex vena quadam ingenij graui & seuera fudit carmen vere heroicum & numerosum, eamq; scribendi facultatem ad ornandam patriam contulit: etsi propter occupationum varietatem poemati suo culturam, quam volebat, addere non potuit.

In eadem etiam vrbe decessit hoc anno D. Vilhelmus Kurtzbachius præses consilij Cæsarei, cuius doctrina, sapientia & moderatio toti huic prouinciæ maxime fuit vsui & emolumento.

Die deinde Scholasticæ extinctus est D. Iohannes Morebergius, qui vere, vt olim Augustus de Cicerone mortuo dixit, fuit αἰὲρ λόγιος καὶ φιλόπατρις. Et cum longo tempore ipsi ab inclyto senatu mandata esset Ecclesiarum & Scholarum inspectio, in eo amplissimo munere ita fuit in docentes & discentes munificus, vt totus noster ordo iure huius viri memoriam grato pectore debeat conseruare.

Nam vt Paulus dulcissimis verbis suo Philemoni agit gratias propter beneficia erga Ecclesiam, & inquit: Viscera sanctorum per te reficiuntur: ita iste suis officijs studia necessaria Ecclesiæ & Reipub: iuuuit, fouit & ornauit: & doctoribus Ecclesiæ hospitium, victum & alia beneficia tribuit.

Quarto etiam Calend: Nouemb: anno 1566. in eadem vrbe ^{Adamus Cureus.} immatura morte ex maligna febris superatus emigrauit ad æternam ^{reus.} Dei & beatorum consuetudinem M. Adamus Cureus, vnicus & dulciss: frater Ioachimi Curei, qui hos annales edidit, cum amplius quatuordecim annis Euangelium Christi fideliter docuisset. Epitaphium, quod ad ornandam memoriam ipsius scriptum est, subiicio.

Memoriam M. Adami Curei Freistadiensis, qui fuit Eccle- ^{Epitaphium} ^{Adami Curei.} siarum instauratarum in Silesia sua ætate oculus, cum doceret & gubernaret Ecclesiam in incluta vrbe Vratislauiâ fide, industria,

circumspectione, tolerantia laborum & ærumnarum eximia, cum studio tuendi consensum in eadem voce doctrinæ repurgatæ inter docentes nunquam satis laudato, viri ingenij bonitate, doctrina vberissima, facundia blanda & composita morum suauitate præstantissimi, donis vero fidei & regenerationis viuificæ beati, sui cum pijs lachrymis & læta in spe ornarunt. Vixit annos 39. Menses quatuor, dies 15. horam nullam. Emisit spiritum in manus æterni patris anno 1566. Mense Octobri, die 29. Elatus funere honorificentissimo ad dulce suum cubile inter luctus, gemitus & lachrymas vniuersæ inclytæ ciuitatis, pridie Calend. Nouemb. Natus fuit in honesta familia Freistadij, quæ etiam prius viros doctrina præstantes peperit, Dobergastios tres, ex quibus Martinus clarus propter doctrinam & eloquentiam, accersitus fuit ad munus docendi in Ecclesia Cracouiensi à Rege Sigismundo, qui eum admodum dilexit.

Caspar etiam Iungius, auunculus Adami Curæi, fuit Cancellarius Friderici Secundi Lignicensis, & Principi & omnibus ordinibus propter fidem & industriam carissimus. Superstites sunt adhuc ex eadem Silesia gente multi donis naturæ & Spiritus sancti excellentes, quorum sapientia & virtus Ecclesiæ & Reipub: Deo iuuante foeliciter seruit.

In aula inuictissimi Cæsaris, dignitate, autoritate & sapientia, regente consilia supremæ gubernationis, florent cum alijs, tum viri magnifici, nobilitate, doctrina & omni virtutum genere amplissimi, D. Ioachim à Berg, D. Georgius Mehlius, regni Bohemiæ procancellarius, D. Iohannes Crato Archiatros Imperialis, & valetudinis Cæsareæ custos.

In aula vero illustrissimi Electoris Saxoniae, D. Abraham à Bock, D. Hieronymus Kifuetterus Cancellarius, viri doctrina vberissima, eloquentia & magna virtute ornati. In Prussia consilia politica diu apud Principem iuuat & rexit cum magna laude iusticiæ & moderationis vir Clariss: D. Franciscus Tegius Iurisconsultus Freistadiensis. Nec minus in militia honesta, egregia nostrorum hominum virtus enituit.

*Mathiæ regis
iudicium de
gente Silesia.*

In quodam vetusto scripto reperio, magistratum Silesiæ, cum accerferet Regem Mathiam ad defensionem huius Prouinciæ contra Georgium Bohemum, significasse Regi, in Silesia supra septuaginta esse oppida mediocriter munita, & hanc etiam terram gignere homines non imbelles. Ipse deinde Mathias, cum naturam gentis cognouisset, dixisse scribitur, hominem Silesium domi suæ enutritum non multum esse ad arma idoneum, sed eundem, si militari disciplina imbuatur, esse plus quam virum. Quæ oratio Regis prudentis & magnanimi nostræ genti & ingenium capax bonarum rerum atq; docile, & simul robur animi tribuit.

Mani

Manifestum est etiam, aliquos ex nobilitate Silesia cum magna commendatione fidei & fortitudinis recentibus his annis in multis locis exercitus duxisse. Cum hæc scriberem, in annum septimum Episcopus Vratislauenſis erat, & simul prouinciæ nomine Cæsaris præses, Reuerendissimus D. Caspar Logus, natus in familia equestri Suidnicensi, egregia doctrina & virtute præstans. Ducatum Glogouienſem gubernabat D. Caspar Baro à Kitliz, magna doctrina præditus, ornatus iusticia & quadam dexteritate leniente & dirimente controuersias ex æquitate, & propter pietatem in Ecclesias sinceras non dissimilis præſidi Nazianzeno Olympio, quem prolixè laudat Episcopus ipsius Gregorius.

Senatus Vratislauenſis ad gubernationem Ecclesiæ instauratione vocauerat D. Iohannem Aurifabrum Vratislauenſem, generum D. Heſſi, virum vniuersæ doctrinæ coelestis rectissime intelligentem, & ornatum cognitione multarum artium, vera pietate & integritate vitæ, & insigni moderationis & concordiae communis studio, qui & in Academia Vitebergensi publice docuit, & multas Ecclesias in littore Balthico foeliciter constituit & rexit. Sed ego viuentium timide mentionem facio, cum virtus post funera viuat.

Hoc igitur opus, quod amor patriæ mihi expressit, finio cum *Ἀφῆμια*, quæ vere, vt olim dictum est, ἐστὶν ἀκατάπαυστος πόλεμος: & oro æternum Deum patrem Domini nostri Iesu Christi, vt ipse sit *ἐκ δεσποτίας*, Princeps & gubernator nostræ diuicissimæ patriæ, ipse faciat, vt hæc Prouincia vere sit campus Elysus, sedes beatorum, domicilium veræ religionis, disciplinæ, honestæ societatis politicæ, & omnium virtutum, ipse procul ab his campis, agris & tuguriolis depellat barbarum acinacem latronum Turcicorum, Scythicorum aut Moschorum, vastatorem Ecclesiarum & Rerum: ipse tribuat, vt pax velut flumen terram nostram riget, & in ea animos nostros præparemus ad amorem veræ patriæ, quæ est in cælo.


A M E N.





W I T E B E R G Æ
 EXCVDEBAT IOHANNES
 CRATO,

A N N O M. D. LXXI.



At Sambas de morte Ferdinandi. Caesaris hiberniam
huc Cras noster adiecit.

Die Jacobi hora post carnem obiit. Ante coenam cum prius habuisset Senatam
audivit preces vesperinas: cumq; paranda esset coena librum suarum
precum in cuius extrema pagella depicta erat facies Reginae Annae
coningis mihi ut in mensam deponerem dabat. In manus cum sumerem
interrogabat an Reginam Annam uidissem. Respondi mihi uisam ante
multos annos. Tum effigiem ostendit, et ut inspicerem iussit. Inspecta
effigie depositurus eram librum in mensam sed reuocabat me et ipse
quoq; alta suspicia ducens effigiem inspiciebat. Cumq; librum redderet
oculos quas gemitundas sustulit. Ita coena parata est, et foris in anteriore
cubiculo Musici cantare uarijs etiam instrumentis adhibitis ceperunt. Nil
propter ouum sumsit, et remota mensa cubicularios coenare iussit. Erat
ea nocte mihi apud Caesarem uigilandum. Itaq; cum infirmitate ualere
iuderem lectum prius q' digredieremur accessimus. Ibi an posset dormire
interrogabat, et de hora quaerebat. D. comes Norwylus inspecto horologio
sextam esse dixit. Ego discedere nolui et D. Julio uereri me dixi ne
longum somnum dormiret. Cum ce loquerer nunc, an pulsem exphorare uellemus
interrogauit. Accessi statim D. Julius, eo surgente, Quo pacto reperitis
aiebat, ac deinceps ad me. Quomodo me habes dicebat. Hinc quidem
extrema uox fuit. Nam cum deinceps paululum collatis sententijs
ad lectum accessissem et S. M^{te} de migratione beata admonere uellem
nil respondit. Annuit tamen ad ^{pias} ~~ipsas~~ interrogaciones et subiectiones
donec spiritum Cras redderet.

KSIĘGARNIA
ANTYKWARIAT

1951.1984
XVI 20

Amica
gentis
philosophia.

3.

17.